



বীথ-বচনাবলী

রবীন্দ্র-রচনাবলী

চতুর্থ খণ্ড

ঐতহ্যসংগ্রহ



বিশ্বভারতী

২ বঙ্কিমচন্দ্র চট্টোপাধ্যায় স্ট্রীট। কলিকাতা

প্রকাশ ১৩৪৭ খ্রাবণ
পুনর্মুদ্রণ ১৩৪৭ শ্রাবণ, ১৩৫২ আষাঢ়
সংস্করণ ১২৫৭ মার্চ, (শক ১৮৭২ চৈত্র)

মূল্য ৮৯, ১১৯ ও ১২৯

প্রকাশক শ্রীগুণিনবিহারী সেন
বিশ্বভারতী । ৬৩-ঘরকানাথ ঠাকুর সেন । কলিকাতা-৭

মুদ্রাকর শ্রীস্বর্ননারায়ণ ভট্টাচার্য
ভাগসী প্রেস । ৩০ কর্ণওয়ালিস স্ট্রীট । কলিকাতা-৬

সূচী

চিত্রসূচী	১৭০
কবিতা ও গান	
নদী	৩
চিত্রা	১৯
নাটক ও প্রহসন	
বিদায়-অভিশাপ	১২১
মালিনী	১০৭
বৈকুণ্ঠের খাতা	১৭৯
উপন্যাস ও গল্প	
প্রজাপতির নির্বন্ধ	২১৭
প্রবন্ধ	
ভারতবর্ষ	৩৬৫
চারিত্রপূজা	৪৭৫
গ্রন্থপরিচয়	৫৪৩
বর্ণানুক্রমিক সূচী	৫৬৩

চিত্রসূচী

বহুদেশী আন্দোলনের সময়ে রবীন্দ্রনাথ	৭
ত্রিশ বৎসর বয়সে রবীন্দ্রনাথ	২১
'সাধনা'-সম্পাদক-রূপে রবীন্দ্রনাথ	১২৩
'বিদায়-অভিশাপ' গ্রন্থের পাণ্ডুলিপি	১২৯
পিতৃশ্রাদ্ধান্তে রবীন্দ্রনাথ	৫৩০

কবিতা ও গান

नदी

পরমশ্ৰেহাঙ্গদ
শ্রীমান বলেশ্বনাথ ঠাকুরের হস্তে
ঐহাংর শুভপরিণয়দিনে
এই গ্রন্থখানি
উপস্থিত
হইল

২২ মাঘ
১৩০২



রবীন্দ্রনাথ

স্বদেশী আন্দোলনের সময়ে : ১৩১৩

নদী

ওরে তোরা কি জানিস কেউ
জলে কেন ওঠে এত ঢেউ ।
ওরা দিবস-রজনী নাচে,
তাহা শিখেছে কাহার কাছে ।
শোন্ চলচল্ ছলছল্
সদাই গাহিয়া চলেছে জল ।
ওরা কারে ডাকে বাহ তুলে,
ওরা কার কোলে বসে ছলে ।
সদা হেসে করে লুটোপুটি,
চলে কোন্‌খানে ছুটোছুটি ।
ওরা সকলের মন তুষ্টি
আছে আপনার মনে খুশি ।

আমি বসে বসে তাই ভাবি,
নদী কোথা হতে এল নাবি ।
কোথায় পাহাড় সে কোন্‌খানে,
তাহার নাম কি কেহই জানে ।
কেহ যেতে পারে তার কাছে,
সেখায় মানুষ কি কেউ আছে ।
সেখা নাহি তরু নাহি ঘাস,
নাহি পশুপাখিরে বাস,
সেখা শব্দ কিছু না শুনি,
পাহাড় বসে আছে মহানুনি ।

রবীন্দ্র-রচনাবলী

তাহার মাথার উপরে শুধু
 সাদা বরফ করিছে ধুধু ।
 সেথা রাশি রাশি মেঘ যত
 থাকে ঘরের ছেলের মতো ।
 শুধু হিমের মতন হাওয়া
 সেথায় করে সদা আসা-যাওয়া,
 শুধু সারা রাত তারাগুলি
 তারে চেয়ে দেখে আঁখি খুলি ।
 শুধু ভোরের কিরণ এসে
 তারে মুকুট পরায় হেসে ।

সেই নীল আকাশের পায়ে
 সেথা কোমল মেঘের গায়ে
 সেথা সাদা বরফের বুকে
 নদী ঘুমায় স্বপনস্থখে ।
 কবে মুখে তার রোদ লেগে
 নদী আপনি উঠিল জেগে,
 কবে একদা রোদের বেলা
 তাহার মনে পড়ে গেল খেলা ।
 সেথায় একা ছিল দিনরাতি,
 কেহই ছিল না খেলার সাথি ।
 সেথায় কথা নাহি কারো ঘরে,
 সেথায় গান কেহ নাহি করে ।
 তাই বুক বুক ঝিরি ঝিরি
 নদী বাহিরিল ধীরি ধীরি ।
 মনে ভাবিল, যা আছে ভবে
 সবই দেখিয়া লইতে হবে ।

নীচে পাহাড়ের বুক জুড়ে
 গাছ উঠেছে আকাশ হুঁড়ে ।

তারা বড়ো বড়ো তরু যত
 তাদের বয়স কে জানে কত ।
 তাদের খোপে খোপে গাঁঠে গাঁঠে
 পাখি বাসা বাঁধে কুটো-কাঠে ।
 তারা ডাল তুলে কালো কালো
 আড়াল করেছে রবির আলো ।
 তাদের শাখায় জটার মতো
 ঝুলে পড়েছে শেওলা যত ।
 তারা মিলায়ে মিলায়ে কাঁধ
 যেন পেতেছে আঁধার-ফাঁদ ।
 তাদের তলে তলে নিরিবিলা
 নদী হেসে চলে খিলি খিলি ।
 তারে কে পারে রাখিতে ধরে,
 সে যে ছুটোছুটি যায় সরে ।
 সে যে সদা খেলে লুকোচুরি,
 তাহার পারে পারে বাজে হুড়ি ।
 পথে শিলা আছে রাশি রাশি,
 তাহা ঠেলে চলে হাসি হাসি ।
 পাহাড় যদি থাকে পথ জুড়ে
 নদী হেসে যায় বেকেচুরে ।
 সেখায় বাস করে শিং-তোলা
 যত বুনো ছাগ দাড়ি-ঝোলা ।
 সেখায় হরিণ রোঁয়ার ভরা
 তারা কারেও দেয় না ধরা ।
 সেখায় মানুষ নৃতনতর,
 তাদের শরীর কঠিন বড়ো ।
 তাদের চোখ ছুটো নয় সোজা,
 তাদের কথা নাহি যায় বোকা ।
 তারা পাহাড়ের ছেলেমেয়ে
 সদাই কাজ করে গান গেয়ে ।

রবীন্দ্র-রচনাবলী

তারা সারা দিনমান খেটে
 আনে বোঝাভরা কাঠ কেটে ।
 তারা চড়িয়া শিখর'পরে
 বনের হরিণ শিকার করে ।

নদী যত আগে আগে চলে
 ততই সাধি জোটে দলে দলে ।
 তারা তারি মতো, ঘর হতে
 সবাই বাহির হয়েছে পথে ।
 পায়ে ঠুঁহু ঠুঁহু বাজে হুড়ি
 যেন বাজিতেছে মল চুড়ি,
 গায়ে আলো করে ঝিকঝিক
 যেন পরেছে হীরার চিক ।
 মুখে কলকল কত ভাষে
 এত কথা কোথা হতে আসে ।
 শেষে সখীতে সখীতে মেলি
 হেসে গায়ে গায়ে হেলাহেলি ।
 শেষে কোলাকুলি কলরবে
 তারা এক হয়ে যায় সবে ।
 তখন কলকল ছুটে জল—
 কাঁপে টলমল ধরাতল,
 কোথাও নীচে পড়ে ঝরঝর—
 পাথর কেঁপে ওঠে ধরধর,
 শিলা খান্ খান্ যায় টুটে—
 নদী চলে পথ কেটে কুটে ।
 ধারে গাছগুলো বড়ো বড়ো
 তারা হয়ে পড়ে পড়ো-পড়ো ।
 কত বড়ো পাথরের চাপ
 জলে খসে পড়ে রুপরাপ ।

তখন মাটি-গোলা ঘোলা জলে
 ফেনা ভেসে যায় দলে দলে ।
 জলে পাক ঘুরে ঘুরে ওঠে,
 যেন পাগলের মতো ছোটে ।

শেষে পাহাড় ছাড়িয়ে এসে
 নদী পড়ে বাহিরের দেশে ।
 হেথা যেখানে চাহিয়া দেখে
 চোখে সকলি নূতন ঠেকে ।
 হেথা চারি দিকে খোলা মাঠ,
 হেথা সমতল পথঘাট ।
 কোথাও চাষিয়া করিছে চাষ,
 কোথাও গোকুলে খেতেছে ঘাস ।
 কোথাও বৃহৎ অশথ গাছে
 পাখি শিস দিয়ে দিয়ে নাচে ।
 কোথাও রাখাল ছেলের দলে
 খেলা করিছে গাছের তলে ।
 কোথাও নিকটে গ্রামের মাঝে
 লোকে কিরিছে নানান কাজে ॥
 কোথাও বাধা কিছু নাহি পথে,
 নদী চলেছে আপন মতে ।
 পথে বরষার জলধারা
 আসে চারি দিক হতে তারা,
 নদী দেখিতে দেখিতে বাড়ে,
 এখন কে রাখে ধরিয়া তারে ।

তাহার দুই কূলে উঠে ঘাস,
 সেখান বতক বকের বাস ।
 সেখা মহিষের দল থাকে,
 তারা লুটার নদীর পাঁকে ।

রবীন্দ্র-রচনাবলী

যত বুনো বরা সেথা ফেরে
 তার দাঁত দিয়ে মাটি চেরে ।
 সেথা শেয়াল লুকায়ে থাকে,
 রাতে ছয়া ছয়া ক'রে ডাকে ।

দেখে এইমতো কত দেশ,
 কে বা গনিয়া করিবে শেষ ।
 কোথাও কেবল বালির ডাঙা,
 কোথাও মাটিগুলো রাঙা রাঙা,
 কোথাও ধারে ধারে উঠে বেত,
 কোথাও দুধারে গমের খেত ।
 কোথাও ছোটোখাটো গ্রামখানি,
 কোথাও মাথা তোলে রাজধানী—
 সেথায় নবাবের বড়ো কোঠা,
 তারি পাথরের খাম মোটা ।
 তারি ঘাটের সোপান যত,
 জলে নামিয়াছে শত শত ।
 কোথাও সাদা পাথরের পুলে
 নদী বাধিয়াছে দুই কূলে ।
 কোথাও লোহার সঁকোয় গাড়ি
 চলে ধকো ধকো ডাক ছাড়ি ।

নদী এইমতো অবশেষে
 এল নরম মাটির দেশে ।
 হেথা যেথায় মোদের বাড়ি
 নদী আসিল দুয়ারে তারি ।
 হেথায় নদী নালা বিল খালে
 দেশ ঘিরেছে জলের জালে ।
 কত মেয়েরা নাহিছে ঘাটে,
 কত ছেলেরা সঁতার কাটে ;

কত জেলেরা ফেলিছে জাল,
কত মাঝিরা ধরেছে হাল,
স্থখে সারিগান গায় দাঁড়ি,
কত খেয়া-তরী-দেয় পাড়ি ।

কোথাও পুরাতন শিবালয়
তীরে সারি সারি জেগে রয় ।
সেখায় দু-বেলা সকালে সাঁঝে
পূজার কাঁসর-ঘণ্টা বাজে ।
কত জটাধারী ছাইমাখা
ঘাটে বসে আছে ঘেন আঁকা ।
তীরে কোথাও বসেছে হাট,
নৌকা ভরিয়া রয়েছে ঘাট ।
মাঠে কলাই সরিষা ধান,
ভাহার কে করিবে পরিমাণ ।
কোথাও নিবিড় আখের বনে
শালিক চরিছে আপন মনে ।

কোথাও ধু ধু করে বালুচর
সেখায় গাঙশালিকের ঘর ।
সেখায় কাছিম বালির তলে
আপন ডিম পেড়ে আসে চলে ।
সেখায় শীতকালে বুনো হাঁস
কত ঝাঁকে ঝাঁকে করে বাস ।
সেখায় দলে দলে চখাচখী
করে সারাদিন বকাবকি ।
সেখায় কাদাখোঁচা তীরে তীরে
কাদায় খোঁচা দিয়ে দিয়ে কিরে ।

কোথাও ধানের খেতের ধারে
 ঘন কলাবন বাঁশঝাড়ে
 ঘন আম-কাঁঠালের বনে
 গ্রাম দেখা যায় এক কোণে ।
 সেথা আছে ধান গোলাভরা,
 সেথা খড়গুলা রাশ-করা ।
 সেথা গোয়ালেতে গোরু বাঁধা
 কত কালো পাটকিলে সাদা ।
 কোথাও কলুদের কুঁড়েখানি,
 সেথায় কঁয়া কঁো ক'রে ঘোরে ঘানি ।
 কোথাও কুমারের ঘোরে চাক,
 দেয় সারাদিন ধরে পাক ।
 মুদি দোকানেতে সারাখন
 বসে পড়িতেছে রামায়ণ ।
 কোথাও বসি পাঠশালা-ঘরে
 যত ছেলেরা চৈচিয়ে পড়ে,
 বড়ো বেতখানি লয়ে কোলে
 ঘুমে গুরুমহাশয় ঢোলে ।
 হেথায় এঁকে বঁেকে ভেঙে চুরে
 গ্রামের পথ গেছে বহু দূরে ।
 সেথায় বোঝাই গোরুর গাড়ি
 ধীরে চলিয়াছে ডাক ছাড়ি ।
 রোগা গ্রামের কুকুরগুলো
 কুঁধায় শুঁকিয়া বেড়ায় ধুলো ।
 যেদিন পূরনিমা রাত্তি আসে
 চাঁদ আকাশ জুড়িয়া হাসে ।
 বনে ও পারে আঁধার কালো,
 জলে ঝিকিঝিকি করে আলো ।
 বাগি চিকিচিকি করে চরে,
 ছায়া ঝোপে বসি থাকে ডরে ।

সবাই ঘুমার কুটিরতলে,
 তরী একটিও নাহি চলে ।
 গাছে পাতাটিও নাহি নড়ে,
 জলে ঢেউ নাহি ওঠে পড়ে ।
 কতু ঘুম যদি যায় ছুটে
 কোকিল কুহ কুহ গেয়ে উঠে,
 কতু ও পারে চরের পাখি
 রাতে স্বপনে উঠিছে ডাকি ।

নদী চলেছে ডাহিনে বামে,
 কতু কোথাও সে নাহি ধামে ।
 সেখায় গহন গভীর বন,
 তীরে নাহি লোক নাহি জন ।
 শুধু কুমির নদীর ধারে
 স্থখে রোদ পোহাইছে পাড়ে ।
 বাঘ ফিরিতেছে ঝোপে ঝোপে,
 ঘাড়ে পড়ে আসি এক লাঞ্চে ।
 কোথাও দেখা যায় চিতাবাঘ,
 তাহার গারে চাকা চাকা দাগ ।
 রাতে চুপিচুপি আসে ঘাটে,
 জল চকো চকো করি চাটে ।

হেখায় যখন জোয়ার ছোটে,
 নদী ফুলিয়ে ঘুলিয়ে ওঠে ।
 তখন কানায় কানায় জল,
 কত ভেসে আসে ফুল ফল ।
 ঢেউ হেসে ওঠে খলখল,
 তরী করি ওঠে টলমল ।
 নদী অজগরসম ফুলে
 গিলে খেতে চায় দুই ফুলে ।

আবার ক্রমে আসে ডাঁটা পড়ে,
 তখন জল যায় সরে সরে ।
 তখন নদী রোগা হয়ে আসে,
 কাদা দেখা দেয় ছুই পাশে ।
 বেরোয় ঘাটের সোপান যত
 যেন বৃকের হাড়ের মতো ।

নদী চলে যায় যত দূরে
 ততই জল ওঠে পুরে পুরে ।
 শেষে দেখা নাহি যায় কূল,
 চোখে দিক হয়ে যায় ভুল,
 নীল হয়ে আসে জলধারা,
 মুখে লাগে যেন হুন-পারা ।
 ক্রমে নীচে নাহি পাই তল,
 ক্রমে আকাশে মিশায় জল,
 ডাঙা কোন্‌খানে পড়ে রয়—
 শুধু জলে জলে জলময় ।

ওরে একি শুনি কোলাহল,
 হেরি একি ঘন নীল জল ।
 ওই বুঝি রে সাগর হোথা,
 উহার কিনারা কে জানে কোথা ।
 ওই লাখো লাখো ঢেউ উঠে
 সদাই মরিতেছে মাথা কুটে ।
 ওঠে সাদা সাদা ফেনা যত
 যেন বিষম রাগের মতো ।
 জল গরজি গরজি ধায়,
 যেন আকাশ কাড়িতে চায় ।
 বায়ু কোথা হতে আসে ছুটে,
 ঢেউয়ে হাहा ক'রে পড়ে লুটে ।

যেন পাঠশালা-ছাড়া ছেলে
 ছুটে লাফায়ে বেড়ায় খেলে ।
 হেথা যতদূর পানে চাই
 কোথাও কিছু নাই, কিছু নাই ।
 শুধু আকাশ বাতাস জল,
 শুধুই কলকল কোলাহল,
 শুধু ফেনা আর শুধু ঢেউ—
 আর নাহি কিছু নাহি কেউ ।

হেথায় ফুরাইল সব দেশ,
 নদীর ভ্রমণ হইল শেষ ।
 হেথা সারাদিন সারাবেলা
 তাহার ফুরাবে না আর খেলা ।
 তাহার সারাদিন নাচ গান
 কত্ন হবে নাকো অবমান ।
 এখন কোথাও হবে না যেতে,
 মাগর নিল তারে বুক পেতে ।
 তারে নীল বিছানায় ধুয়ে
 তাহার কাদামাটি দিবে ধুয়ে ।
 তারে ফেনার কাপড়ে ঢেকে,
 তারে ঢেউয়ের দোলায় রেখে,
 তার কানে কানে গেয়ে সুর
 তার ভ্রম করি দিবে দূর ।
 নদী চিরদিন চিরনিশি
 রবে অতল আদরে নিশি ।

চিত্রা

সূচনা

ভক্ত যখন বলেন, হ্যাঁ স্বীকেশ স্বদিস্থিতেন যথা নিযুক্তোহস্মি তথা
করোমি, তখন স্বীকেশের থেকে ভক্ত নিজেকে পৃথক্ করে দেখেন,
সুতরাং তাঁর নিজের জীবনের সমস্ত দায়িত্ব গিয়ে পড়ে একা স্বীকেশের
'পরেই। চিত্রা কাব্যে আমি একদিন বলেছিলুম আমার অন্তর্যামী
আমাকে দিয়ে যা বলাতে চান আমি তাই বলি, কথাটা এই রকম শুনতে
হয়। কিন্তু চিত্রায় আমার যে উপলব্ধি প্রকাশ পেয়েছে সেটি অশ্রু
শ্রেণীর। আমার একটি যুগ্মসত্তা আমি অনুভব করেছিলুম যেন যুগ্ম
নক্ষত্রের মতো, সে আমারই ব্যক্তিত্বের অন্তর্গত, তারই আকর্ষণ প্রবল।
তারই সংকল্প পূর্ণ হচ্ছে আমার মধ্য দিয়ে, আমার সুখে দুঃখে, আমার
ভালোয় মন্দায়। এই সংকল্প-সাধনায় এক আমি যন্ত্র এবং দ্বিতীয়
আমি যন্ত্রী হতে পারে, কিন্তু সংগীত যা উদ্ভূত হচ্ছে—যন্ত্রেরও স্বকীয়
বিশিষ্টতা তার একটি প্রধান অঙ্গ। পদে পদে তার সঙ্গে রক্ষা করে তবেই
হুয়ের যোগে সৃষ্টি। এ যেন অর্ধনারীশ্বরের মতো ভাবখানা। সেই
জগ্গেই বলা হয়েছে—

ছেলেছ কি মোরে প্রদীপ তোমার
করিবারে পূজা কোন্ দেবতার
রহস্যঘেরা অসীম আধার
মহামন্দিরতলে।

পরমদেবতার পূজা যুগ্মসত্তায় মিলে, এক সত্তায় ভিতর থেকে আদর্শের
প্রেরণা, আর এক সত্তায় বাহিরে কর্মযোগে তার প্রকাশ। সংসারে
এই দুই সত্তার বিরোধ সর্বদাই ঘটে, নিজের অন্তরে পূর্ণতার যে অনুশাসন
মানুষ গূঢ়ভাবে বহন করছে তার সম্পূর্ণ প্রতিবাদে জীবন ব্যর্থ হয়েছে
এ দৃষ্টান্তের অভাব নেই। নিজের মধ্যে নিজের সামঞ্জস্য ঘটতে পারেনি,
এই ভ্রষ্টতা মানুষের পক্ষে সব চেয়ে শোচনীয়। আপনার দুই সত্তার
সামঞ্জস্য ঘটেছে কি না এই আশঙ্কাসূচক প্রশ্ন চিত্রার কবিতায় অনেক
বার প্রকাশ পেয়েছে। বস্তুত চিত্রায় জীবনরঙ্গভূমিতে যে মিলননাট্যের
উল্লেখ হয়েছে তার কোনো নায়ক-নায়িকা জীবনের সত্তার বাইরে নেই,

রবীন্দ্র-রচনাবলী

এবং তার মধ্যে কেউ ভগবানের স্থানাভিষিক্ত নয়। মানুষের আত্মিক সৃষ্টি কেন, প্রাকৃতিক সৃষ্টিতেও আদিকাল থেকে মূল আদর্শের সঙ্গে বাহ্য প্রকাশের সাংঘাতিক দ্বন্দ্ব দেখতে পাওয়া গেছে। আঙ্গারিক যুগের শ্রীহীন গাছগুলো কেন টিকতে পারল না। আজ পরবর্তী গাছগুলিতে সমস্ত পৃথিবীকে দিয়েছে শোভা। কোন্ শিল্পী রচনার সূত্রপাতে প্রথম ব্যর্থ হয়েছিল, মাথা নেড়েছিল, হাতের কাজ নিষ্ঠুর ভাবে মুছতে মুছতে সংস্কার সাধন করেছে— একথা যখন ভাবি তখন সৃষ্টির ভিন্ন ভিন্ন বিভাগে দুই সত্তার মিলনচেষ্টা স্পষ্ট দেখতে পাই। সেই চেষ্টা কী নিষ্ঠুর ভাবে নিজেকে জয়যুক্ত করতে চায়, মানুষের ইতিহাসে বারংবার তার প্রমাণ পাওয়া যায়; আজ তার সেই আত্মঘাতী প্রমাণ যেমন প্রকট হয়েছে এমন আর কখনো হয়নি। চিত্রার প্রথম কবিতায় তার একটি সূচনায় বলা হয়েছে—

জগতের মাঝে কত বিচিত্র তুমি হে

তুমি বিচিত্ররূপিণী।

তার পর আছে—

অস্তুরমাঝে তুমি শুধু একা একাকী

তুমি অস্তুরবাসিনী।

আজ ব্যাখ্যা করে যে কথা বলবার চেষ্টা করছি সেই কথাটাই এই কবিতার মধ্যে ফুটতে চেয়েছিল। বাইরে যার প্রকাশ বাস্তবে সে বহু, অস্তুরে যার প্রকাশ সে একা। এই দুই ধারার প্রবাহেই কাব্য সম্পূর্ণ হয়। ‘এবার ফিরাও মোরে’ কবিতায় কর্মজীবনের সেই বিচিত্রের ডাক পড়েছে। ‘আবেদন’ কবিতায় ঠিক তার উল্টো কথা। কবি বলেছে, ‘কর্মক্ষেত্রে, যেখানে কার্যক্ষেত্রের জনতায় কর্মীরা কর্ম করছে, সেখানে আমার স্থান নয়। আমার স্থান সৌন্দর্যের সাধকরূপে একা তোমার কাছে।’ জীবনের দুই ভিন্ন মহলে কবির এই ভিন্ন ভিন্ন কথা। জগতে বিচিত্ররূপিণী আর অস্তুরে একাকিনী কবির কাছে এ দুইই সত্য, আকাশ এবং ভূতলকে নিয়ে ধরণী যেমন সত্য। ‘ব্রাহ্মণ’ ‘পুরাতন ভৃত্য’ ‘দুই

সূচনা

বিষা জমি' এইগুলির কাব্যকাকলি নীড়ের, বাসার ; 'স্বর্গ হইতে বিদায়' এখানে সুর নেমেছে উর্ধ্বলোক থেকে মর্ত্যের পথে ; 'প্রেমের অভিষেক'-এর প্রথম যে পাঠ লিখেছিলুম তাতে কেরানি-জীবনের বাস্তবতার ধূলিমাখা ছবি ছিল অকুণ্ঠিত কলমে আঁকা, পালিত অত্যন্ত ধিক্কার দেওয়াতে সেটা তুলে দিয়েছিলুম ; 'যেতে নাহি দিব' কবিতায় বাঙালি-ঘরের ঘরকন্নার যে আভাস আছে তার প্রতিও লোকের কটাক্ষ বর্ষণ করেছিল, ভাগ্যক্রমে তাতে বিচলিত হইনি, হয়তো ছ-চারটে লাইন বাদ পড়েছে। লোকজীবনের ব্যবহারিক বাণীকে উপেক্ষা করে আমার কাব্যে আমি কেবল আনন্দ মঙ্গল এবং ঔপনিষদিক মোহ বিস্তার করে তার বাস্তব সংসর্গের মূল্য লাঘব করেছি এমন অপবাদ কেউ কেউ আমাকে দিয়েছেন। আমার কাব্য সমগ্রভাবে আলোচনা করে দেখলে হয়তো তাঁরা দেখবেন আমার প্রতি অবিচার করেছেন। আমার বিশ্বাস শেষ পর্যন্ত আমি এই বাণীর পন্থাতেই আমার পদ ও গদ্য রচনাকে চালনা করেছি—

জগতের মাঝে কত বিচিত্র তুমি হে
তুমি বিচিত্ররূপিণী।



রবীন্দ্রনাথ
ত্রিশ বৎসর বয়সে

চিত্রা

চিত্রা

জগতের মাঝে কত বিচিত্র তুমি হে

তুমি বিচিত্ররূপিণী ।

অমৃত আলোকে বলসিঁছ নীল গগনে,

আকুল পূলকে উলসিঁছ ফুলকাননে,

দ্যালোকে জ্বলোকে বিলসিঁছ চলচরণে,

তুমি চঞ্চলগামিনী ।

মধুর নূপুর বাজিছে হৃদয় আকাশে,

অলকগন্ধ উড়িছে মন্দ বাতাসে,

মধুর নৃত্যে নিখিল চিন্তে বিকাশে

কত মধুল রাগিণী ।

কত না বর্ণে কত না স্বর্ণে গঠিত

কত যে ছন্দে কত সংগীতে রচিত

কত না গ্রন্থে কত না কণ্ঠে পঠিত

তব অসংখ্য কাহিনী ।

জগতের মাঝে কত বিচিত্র তুমি হে

তুমি বিচিত্ররূপিণী ।

অস্তরমাঝে শুধু তুমি একা একাকী

তুমি অস্তরব্যাপিনী ।

একটি স্বপ্ন মুগ্ধ সজল নয়নে,

একটি পদ্য হৃদয়বৃত্তশয়নে,

একটি চন্দ্র অসীম চিন্তগগনে—

চারি দিকে চিরধামিনী ।

রবীন্দ্র-রচনাবলী

অকুল শান্তি সেথায় বিপুল বিরতি,
 একটি ভক্ত করিছে নিত্য আরতি,
 নাহি কাল দেশ, তুমি অনিমেঘ মুরতি—
 তুমি অচপলদামিনী ।
 ধীর গম্ভীর গভীর মোনমহিমা,
 স্বচ্ছ অতল স্নিগ্ধ নয়ননীলিমা
 স্থির হাসিখানি উষালোকসম অসীমা,
 অয়ি প্রশান্তহাসিনী ।
 অস্তরমাবে তুমি শুধু একা একাকী !
 তুমি অস্তরবাসিনী ।

১৮ অগ্রহায়ণ, ১৩০২

সুখ

আজি মেঘমুক্ত দিন ; প্রসন্ন আকাশ
 হাসিছে বকুর মতো ; সুন্দর বাতাস
 মুখে চক্রে বক্রে আসি লাগিছে মধুর—
 অদৃষ্ট অঞ্চল যেন স্থপ্ত দিগ্‌বধুর
 উড়িয়া পড়িছে গায়ে । ভেসে যায় তরী
 প্রশান্ত পদ্মার স্থির বক্কে উপরি
 তরল কল্লোলে । অর্ধমগ্ন বালুচর
 দূরে আছে পড়ি, যেন দীর্ঘ জলচর
 রৌদ্র পোহাইছে শুয়ে । ভাঙা উচ্চতীর ;
 ঘনচ্ছায়াপূর্ণ তরু ; প্রচ্ছন্ন কুটির ;
 বক্র শীর্ণ পথখানি দূর গ্রাম হতে
 শব্দশূন্য পার হয়ে নামিয়াছে শ্রোতে
 তৃষার্ত জিহবার মতো । গ্রামবধুগণ
 অঞ্চল ভাসিয়ে জলে আকর্ষণগন
 করিছে কৌতুকলাপ । উচ্চ মিষ্ট হাসি

জলকলহরে মিশি পশিতেছে আসি
 কর্ণে মোর। বলি এক বাধা নৌকা-পরি
 বৃদ্ধ জেলে গাঁথে জাল নতশির করি
 রৌদ্রে পিঠ দিয়া। উলঙ্গ বালক তার
 আনন্দে ঝাঁপিয়ে জলে পড়ে বারবার
 কলহাস্তে ; ধৈর্যমরী মাতার মতন
 পদ্মা সহিতেছে তার স্নেহ-জালাতন।
 তরী হতে সম্মুখেতে দেখি দুই পার—
 স্বচ্ছতম নীলাভের নির্মল বিস্তার ;
 মধ্যাহ্ন-আলোকপ্রাবে জলে স্থলে বনে
 বিচিত্র বর্ণের রেখা ; আতপ্ত পবনে
 তীর-উপবন হতে কতু আসে বহি
 আশ্রমুকুলের গন্ধ, কতু রহি রহি
 বিহঙ্গের শ্রান্ত স্বর।

আজি বহিতেছে

প্রাণে মোর শান্তিধারা— মনে হইতেছে
 সুখ অতি সহজ সরল, কাননের
 প্রস্ফুট ফুলের মতো, শিশু-আননের
 হাসির মতন, পরিব্যাপ্ত বিকশিত—
 উন্মুখ অধরে ধরি চূষন-অমৃত
 চেয়ে আছে সকলের পানে বাক্যহীন
 শৈশববিশ্বাসে চিররাজি চিরদিন।
 বিশ্ববীণা হতে উঠি গানের মতন
 রেখেছে নিয়ন্ত্রণ করি নিখর গগন।
 সে সংগীত কী ছন্দে গাঁথিব, কী করিয়া
 শুনাইব, কী সহজ ভাষায় ধরিয়া
 দিব তারে উপহার ভালোবাসি ধারে,
 রেখে দিব ফুটাইয়া কী হাসি আকারে
 নয়নে অধরে, কী প্রেমে জীবনে তারে

করিব বিকাশ । সহজ আনন্দখানি
 কেমনে সহজে তারে তুলে ঘরে আনি
 প্রফুল্ল সরস । কঠিন আগ্রহভরে
 ধরি তারে প্রাণপণে— মূঠির ভিতরে
 টুটি যায় । হেরি তারে তীব্রগতি ধাই—
 অন্ধবেগে বহুদূরে লজ্জি চলি যাই,
 আর তার না পাই উদ্দেশ ।

চারি দিকে

দেখে আজি পূর্ণপ্রাণে মুগ্ধ অনিমিখে
 এই স্তব্ধ নীলাক্ষর স্থির শাস্ত জল,
 মনে হল স্মৃতি অতি সহজ সরল ।

রামপুর বোয়ালিয়া

১৩ চৈত্র, ১২২২

জ্যোৎস্নারাত্রে

শাস্ত করো, শাস্ত করো এ স্তব্ধ হৃদয়
 হে নিস্তব্ধ পূর্ণিমাষামিনী । অতিশয়
 উদ্ভ্রান্ত বাসনা বন্ধে করিছে আঘাত
 বারম্বার, তুমি এস স্নিগ্ধ অশ্রুপাত
 দৃষ্টি বেদনার 'পরে । স্তব্ধ স্নকোমল
 মোহভরা নিদ্রাভরা করপদ্মদল,
 আমার সর্বাঙ্গে মনে দাও ভুলাইয়া
 বিভাবরী, সর্ব ব্যথা দাও ভুলাইয়া ।

বহু দিন পরে আজি দক্ষিণ বাতাস
 প্রথম বহিছে । মুগ্ধ হৃদয় দুরাশ
 তোমার চরণপ্রান্তে রাখি তপ্ত শির
 নিঃশব্দে ফেলিতে চাহে রুদ্ধ অশ্রুনির

হে মৌন রজনী । পাণ্ডুর অধর হতে
 ধীরে ধীরে এস নামি লঘু জ্যোৎস্নাশ্রোতে,
 মৃদুহাস্তে নতনেজে দাঁড়াও আসিয়া
 নির্জন শিয়রতলে । বেড়াক ভাসিয়া
 রজনীগন্ধার গন্ধ মদির লহরী
 সমীরহিল্লোলে ; স্বপ্নে বাজুক বাশরি
 চন্দ্রলোকপ্রাস্ত হতে ; তোমার অঞ্চল
 বায়ুভরে উড়ে এসে পুলকচঞ্চল
 করুক আমার তম্বু ; অধীর মর্মরে
 শিহরি উঠুক বন ; মাথার উপরে
 চকোর ডাকিয়া থাক দূরশ্রুত তান ;
 সম্মুখে পড়িয়া থাক তটাস্তশয়ান,
 স্থপ্ত নটিনীর মতো, নিস্তরু তটিনী
 স্বপ্নালসা ।

হেরো আজি নিদ্রিতা মেদিনী,
 ঘরে ঘরে রুদ্ধ বাতায়ন । আমি একা
 আছি জেগে, তুমি একাকিনী দেহ দেখা
 এই বিশ্বস্থপ্তিমাঝে, অসীম সুন্দর,
 ত্রিলোকনন্দনমূর্তি । আমি যে কাতর
 অনন্ত তৃষায়, আমি নিত্য নিদ্রাহীন,
 সদা উৎকণ্ঠিত, আমি চিররাত্রিদিন
 আনিতেছি অর্ঘ্যভার অন্তরমন্দিরে
 অজ্ঞাত দেবতা লাগি— বাসনার তীরে
 একা বসে গড়িতেছি কত যে প্রতিমা
 আপন হৃদয় ভেঙে, নাহি তার সীমা ।
 আজি মোরে করো দয়া, এস তুমি, অগ্নি,
 অপার রহস্ত তব, হে রহস্তময়ী,
 খুলে ফেলো— আজি ছিন্ন করে ফেলো ওই
 চিরস্থির আচ্ছাদন অনন্ত অধর ।

মৌনশাস্ত্র অসীমতা নিশ্চল সাগর,
 তারি মাঝখান হতে উঠে এস ধীরে
 তরুণী লক্ষ্মীর মতো হৃদয়ের ভীরে
 আঁধির সন্মুখে । সমস্ত প্রহরগুলি
 ছিন্ন পুষ্পদলসম পড়ে যাক খুলি
 তব চারি দিকে— বিদীর্ণ নিশীথখানি
 খসে যাক নীচে । বন্ধ হতে লহ টানি
 অঞ্চল তোমার, দাঁও অব্যাহত করি
 শুভ্র ভাল, আঁধি হতে লহ অপসরি
 উন্মুক্ত অলক । কোনো মর্ত্য দেখে নাই
 যে দিব্য মুরতি আমারে দেখাও তাই
 এ বিশ্রু রজনীতে নিশ্চর বিরলে ।
 উৎসুক উন্মুখ চিত্ত চরণের তলে
 চকিতে পরশ করো ; একটি চুস্বন
 ললাটে রাখিয়া যাও, একান্ত নির্জন
 সঙ্ক্যার তারার মতো ; আলিঙ্গনস্থিতি
 অঙ্গে তরঙ্গিয়া দাঁও, অনন্তের গীতি
 বাজায় শিরার তন্ত্রে । ফাটুক হৃদয়
 ভূমানন্দে— ব্যাপ্ত হয়ে যাক শূন্যময়
 গানের তানের মতো । একরাত্রি-তরে
 হে অমরী, অমর করিয়া দাঁও মোরে ।

তোমাদের বাসরকুঞ্জের বহিবৃদ্ধারে
 বসে আছি— কানে আসিতেছে বারে বারে
 মৃদুমন্দ কথা, বাজিতেছে স্নমধুর
 বিনিঝিনি কহুঝু সোনার নূপুর—
 কার কেশপাশ হতে খসি পুষ্পদল
 পড়িছে আমার বক্ষে, করিছে চঞ্চল
 চেতনাপ্রবাহ । কোথায় গাহিছ গান ।
 তোমরা কাহারো মিলি করিতেছ পান

কিরণকনকপাঞ্জে স্নগন্ধি অমৃত,
 মাথায় জড়িয়ে মালা পূর্ণবিকশিত
 পারিজাত— গন্ধ তারি আসিছে ভাসিয়া
 মন্দ সমীরণে— উন্মাদ করিছে হিয়া
 অপূর্ব বিরহে । খোলো দ্বার, খোলো দ্বার ।
 তোমাদের মাঝে মোরে লহ এক বার
 সৌন্দর্যসভায় । নন্দনবনের মাঝে
 নির্জন মন্দিরখানি— সেথায় বিরাজে
 একটি কুম্ভমশায়া, রত্নদীপালোকে
 একাকিনী বসি আছে নিদ্রাহীন চোখে
 বিশ্বসোহাগিনী লক্ষ্মী, জ্যোতির্ময়ী বালী—
 আমি কবি তারি ভরে আনিয়াছি মালা ।

৫-৬ মাঘ, রাত্রি, ১৩০০

প্রেমের অভিষেক

তুমি মোরে করেছ সত্রাট । তুমি মোরে
 পরায়েছ গৌরবমুকুট । পুষ্পডোরে
 সাজায়েছ কর্ণ মোর ; তব রাজটিকা
 দীপিছে ললাটমাঝে মহিমার শিখা
 অহর্নিশি । আমার সকল দৈন্ত-লাজ
 আমার ক্ষুদ্রতা যত ঢাকিয়াছ আজ
 তব রাজ-আস্তরণে । হৃদিশযাতল
 শুভ্র ছন্দফেননিভ কোমল শীতল
 তারি মাঝে বসিয়েছ, সমস্ত জগৎ
 বাহিরে দাঁড়ায়ে আছে, নাহি পায় পথ
 সে অন্তর-অন্তঃপুরে । নিভৃত সভায়
 আমারে চৌদিকে ঘিরি সদা গান গায়
 বিশ্বের কবিরা মিলি ; অমরবীণায়

উঠিয়াছে কী ঝংকার । নিত্য শুনা যায়
 দূর-দূরান্তর হতে দেশবিদেশের
 ভাষা, যুগ-যুগান্তের কথা, দিবসের
 নিশীথের গান, মিলনের বিরহের
 গাথা, তৃপ্তিহীন শ্রান্তিহীন আগ্রহের
 উৎকণ্ঠিত তান ।

প্রেমের অমরাবতী—

প্রদোষ-আলোকে যেথা দময়ন্তী সতী
 বিচরে নলের সনে দীর্ঘনিশ্বাসিত
 অরণ্যের বিষাদমর্মরে ; বিকশিত
 পুষ্পবীথিতলে শকুন্তলা আছে বসি,
 করপদ্মতললীন স্নান মুখশশী,
 ধ্যানরতা ; পুরুষবা ফিরে অহরহ
 বনে বনে, গীতস্বরে দুঃসহ বিরহ
 বিস্তারিয়া বিশ্বমাঝে ; মহারণ্যে যেথা
 বীণা হস্তে লয়ে তপস্বিনী মহাশ্বেতা
 মহেশমন্দিরতলে বসি একাকিনী
 অন্তরবেদনা দিয়ে গড়িছে রাগিণী
 সাস্বনাসিক্তিত ; গিরিতটে শিলাতলে
 কানে কানে প্রেমবার্তা কহিবার ছলে
 স্তম্ভদ্রার লঙ্কারূপ কুম্ভকপোল
 চুষিছে ফাস্তনি ; তিথারি শিবের কোল
 সদা আগলিয়া আছে প্রিয়া পার্বতীরে
 অনন্তব্যগ্রতাপাশে ; স্তম্ভদুঃখনীরে
 বহে অশ্রমন্দাকিনী, মিনতির স্বরে
 কুম্ভমিত বনানীরে স্নানমুখী করে
 করুণায় ; বাশরির ব্যথাপূর্ণ তান
 কুণ্ডে কুণ্ডে তরুচ্ছায়ে করিছে সন্ধান
 হৃদয়সাধিরে ; হাত ধরে মোরে তুমি

লয়ে গেছ সৌন্দর্যের সে নন্দনভূমি
 অমৃত-আলয়ে । সেখা আমি জ্যোতিমান
 অক্ষয়বোবনময় দেবভাসমান,
 সেখা মোর লাষণ্যের নাহি পরিসীমা,
 সেখা মোরে অর্পিয়াছে আপন মহিমা
 নিখিল প্রণয়ী ; সেখা মোর সন্তানদ
 রবিচন্দ্রতারা, পরি নব পরিচ্ছদ
 সুনায় আমারে তারা নব নব গান
 নব অর্থভরা— চিরস্বচ্ছদসমান
 সর্বচরাচর ।

হেখা আমি কেহ নহি,
 সহস্রের মাঝে এক জন— সদা বহি
 সংসারের ক্ষুদ্র ভার, কত অহুগ্রহ
 কত অবহেলা সহিতেছি অহরহ ।
 সেই শতসহস্রের পরিচয়হীন
 প্রবাহ হইতে, এই তুচ্ছ কর্মাধীন
 মোরে তুমি লয়েছ তুলিয়া, নাহি জানি
 কী কারণে । অগ্নি মহীয়সী মহারানী,
 তুমি মোরে করিয়াছ মহীয়ান । আজি
 এই-ষে আমারে ঠেলি চলে জনরাজি
 না তাকায় মোর মুখে, তাহারা কি জানে
 নিশিদিন তোমার সোহাগ-সুধাপানে
 অঙ্গ মোর হয়েছে অমর । তাহারা কি
 পায় দেখিবারে— নিত্য মোরে আছে ঢাকি
 মন তব অভিনব লাষণ্যবসনে ।
 তব স্পর্শ, তব প্রেম রেখেছি বতনে,
 তব সুধাকর্ষবাণী, তোমার চূষন,
 তোমার আধির দৃষ্টি, সর্ব দেহমন
 পূর্ণ করি— রেখেছে যেমন সুধাকর

রবীন্দ্র-রচনাবলী

দেবতার গুপ্ত স্থা যুগযুগান্তর
 আপনারে স্থাপাত্র করি, বিধাতার
 পুণ্য অগ্নি জালায়ে রেখেছে অনিবার
 সবিতা যেমন সযতনে, কমলার
 চরণকিরণে যথা পরিয়াছে হার
 সুনির্মল গগনের অনন্ত ললাট ।
 হে মহিমাময়ী, মোরে করেছ সত্রাট ।

জোড়াসাঁকো

১৪ মাঘ, ১৩০০

সঙ্ক্যা

ক্রান্ত হও, ধীরে কও কথা । ওরে মন,
 নত করো শির । দিবা হল সমাপন,
 সঙ্ক্যা আসে শান্তিময়ী । তিমিরের তীরে
 অসংখ্য-প্রদীপ-জালা এ বিশ্বমন্দিরে
 এল আরতির বেলা । ঐ শুন বাজে
 নিঃশব্দ গম্ভীর মস্ত্রে অনন্তের মাঝে
 শঙ্খঘণ্টাধ্বনি । ধীরে নামাইয়া আনো
 বিদ্রোহের উচ্চ কণ্ঠ পূরবীর স্নান-
 মন্দ স্বরে । রাখো রাখো অভিযোগ তব,
 মৌন করো বাসনার নিত্য নব নব
 নিষ্ফল বিলাপ । হেরো মৌন নভস্তল,
 ছায়াচ্ছন্ন মৌন বন, মৌন জলস্থল
 স্তম্ভিত বিবাদে নত্র । নির্বাক নীরব
 দাঁড়াইয়া সঙ্ক্যাসতী— নয়নপল্লব
 নত হয়ে ঢাকে তার নয়নযুগল,
 অনন্ত আকাশপূর্ণ অশ্রু-ছলছল
 করিয়া গোপন । বিবাদের মহাশাস্তি
 ক্রান্ত ভুবনের ভালে করিছে একান্তে

সাধনা-পরশ । আজি এই শুভক্ষণে,
শান্ত মনে, সন্ধি করো অনন্তের সনে
সন্ধ্যার আলোকে । বিন্দু দুই অশ্রুজলে
দাও উপহার— অসীমের পদতলে
জীবনের স্মৃতি । অন্তরের ষত কথা
শান্ত হয়ে গিয়ে, মর্যাদিক নীরবতা
করুক বিস্তার ।

হেরো ক্ষুদ্র নদীতীরে
স্বপ্নপ্রায় গ্রাম । পক্ষীরা গিয়েছে নীড়ে,
শিশুরা খেলে না ; শূন্য মাঠ জনহীন ;
ঘরে-ফেরা শ্রান্ত গাভী গুটি দুই-তিন
কুটির-অন্ধনে বাঁধা, ছবির মতন
সুত্বপ্রায় । গৃহকার্য হল সমাপন—
কে ওই গ্রামের বধু ধরি বেড়াখানি
সন্মুখে দেখিছে চাহি, ভাবিছে কী জানি
ধূসর সন্ধ্যায় ।

অমনি নিস্তরুপ্রাণে
বহুক্ষরা, দিবসের কর্ম-অবসানে,
দিনান্তের বেড়াটি ধরিয়া আছে চাহি
দিগন্তের পানে । ধীরে যেতেছে প্রবাহি
সন্মুখে আলোকশ্রোত অনন্ত অথরে
নিঃশব্দ চরণে ; আকাশের দূরান্তরে
একে একে অন্ধকারে হতেছে বাহির
একেকটি দীপ্ত তারা, হৃদয় পল্লীর
প্রদীপের মতো । ধীরে যেন উঠে ভেসে
জ্ঞানচ্ছবি ধরণীর নয়ননিমেঘে
কত যুগ-যুগান্তের অতীত আভাস,
কত জীবজীবনের জীর্ণ ইতিহাস ।

যেন মনে পড়ে সেই বাল্যনীহারিকা ;
 তার পরে প্রজলন্ত ঘোবনের শিখা ;
 তার পরে স্নিগ্ধশ্যাম অন্নপূর্ণালয়ে
 জীবধাত্রী জননীর কাজ বন্ধে লয়ে
 লক্ষ কোটি জীব — কত দুঃখ, কত ক্লেশ,
 কত যুদ্ধ, কত মৃত্যু, নাহি তার শেষ ।

ক্রমে ঘনতর হয়ে নামে অন্ধকার,
 গাঢ়তর নীরবতা — বিশ্বপরিবার
 স্থপ্ত নিশ্চেতন । নিঃসঙ্গিনী ধরণীর
 বিশাল অস্তর হতে উঠে স্নগস্তীর
 একটি ব্যথিত প্রশ্ন, ক্লিষ্ট ক্লান্ত স্বর,
 শূন্যপানে — “আরো কোথা ? আরো কত দূর ?”

পতیسর

৯ ফাল্গুন, সন্ধ্যা, ১৩০০

এবার ফিরাও মোরে

সংসারে সবাই হবে সারাক্ষণ শত কর্মে রত,
 তুই শুধু ছিন্নবাধা পলাতক বালকের মতো
 মধ্যাহ্নে মাঠের মাঝে একাকী বিষন্ন তরুচ্ছায়ে
 দূরবনগন্ধবহ মন্দগতি ক্লান্ত তপ্তবায়ু
 সারাদিন বাজাইলি বাঁপি । ওরে তুই ওঠ, আজি ।
 আগুন লেগেছে কোথা ? কার শব্দ উঠিয়াছে বাজি
 জাগাতে জগৎ-জনে ? কোথা হতে ধ্বনিছে ক্রন্দনে
 শূন্যতল ? কোন্ অন্ধকারামাঝে জর্জর বন্ধনে
 অনাথিনী মাগিছে সহায় ? ফীতকায় অপমান
 অন্ধমের বন্ধ হতে রক্ত শুবি করিতেছে পান
 লক্ষ মুখ দিয়া ; বেদনারে করিতেছে পরিহাস

স্বার্থোদ্ধত অবিচার ; সংকুচিত ভীত ক্রীতদাস
 লুকাইছে ছদ্মবেশে । ওই যে দাঁড়িয়ে নতশির
 মুক্ সবে— জ্ঞান মুখে লেখা শুধু শত শতাব্দীর
 বেদনার করুণ কাহিনী ; স্বপ্নে যত চাপে ভার
 বহি চলে মন্দগতি, যতক্ষণ থাকে প্রাণ তার—
 তার পরে সন্তানেরে দিয়ে যার বংশ বংশ ধরি,
 নাহি তৎসে অদৃষ্টেরে, নাহি নিন্দে দেবতারে স্বরি,
 মানবেরে নাহি দেয় দোষ, নাহি জানে অভিমান,
 শুধু দুটি অন্ন খুঁটি কোনোমতে কষ্টক্লিষ্ট প্রাণ
 রেখে দেয় বাঁচাইয়া । সে অন্ন যখন কেহ কাড়ে,
 সে প্রাণে আঘাত দেয় গর্বাঙ্ক নিষ্ঠুর অত্যাচারে,
 নাহি জানে কার ঘারে দাঁড়াইবে বিচারের আশে—
 দরিদ্রের ভগবানে বারেক ডাকিয়া দীর্ঘশ্বাসে
 মরে সে নীরবে । এই সব মূঢ় জ্ঞান মুক্ মুখে
 দিতে হবে ভাষা— এই সব শ্রান্ত শুক ভগ্ন বৃকে
 ধনিয়া তুলিতে হবে আশা— ডাকিয়া বলিতে হবে—
 মুহূর্ত তুলিয়া শির একত্র দাঁড়াও দেখি সবে,
 যার ভয়ে তুমি ভীত সে অন্তায় ভীক্ তোমা চেয়ে,
 যখনি আগিবে তুমি তখনি সে পলাইবে ধেয়ে ;
 যখনি দাঁড়াবে তুমি সম্মুখে তাহার, তখনি সে
 পথকুকুরের মতো সংকোচে সত্রাসে যাবে মিশে ;
 দেবতা বিমুখ তারে, কেহ নাহি সহায় তাহার,
 মুখে করে আক্ষালন, জানে সে হীনতা আপনার
 মনে মনে ।

কবি, তবে উঠে এস— যদি থাকে প্রাণ
 তবে তাই লহ সাধে, তবে তাই করো আজি দান ।
 বড়ো দুঃখ, বড়ো ব্যথা— সম্মুখেতে কষ্টের সংসার
 বড়োই দরিদ্র, শূন্য, বড়ো কুদ্র, বন্ধ, অন্ধকার ।
 অন্ন চাই, প্রাণ চাই, আলো চাই, চাই মুক্ত বায়ু,

চাই বল, চাই স্বাস্থ্য, আনন্দ-উজ্জল পরমায়ু,
সাহসবিস্তৃত বক্ষপট । এ দৈন্ত্যমাঝারে, কবি,
এক বার নিয়ে এস স্বর্গ হতে বিশ্বাসের ছবি ।

এবার ফিরাও মোরে, লয়ে যাও সংসারের তীরে
হে কল্পনে, রজময়ী । ভূলায়ো না সমীরে সমীরে
তরঙ্গে তরঙ্গে আর, ভূলায়ো না মোহিনী মায়ায় ।
বিজন বিবাদঘন অন্তরের নিকুঞ্জছায়ায়
রেখে না বসায় আর । দিন যায়, সন্ধ্যা হয়ে আসে ।
অঙ্ককারে ঢাকে দিশি, নিরাশ্বাস উদাস বাতাসে
নিঃশ্বসিয়া কেঁদে ওঠে বন । বাহিরিহ্ন হেথা হতে
উন্মুক্ত অন্তরতলে, ধূসরপ্রসর রাজপথে
জনতার মাঝখানে । কোথা যাও, পাছ, কোথা যাও—
আমি নহি পরিচিত, মোর পানে ফিরিয়া তাকাও ।
বলো মোরে নাম তব, আমারে কোরো না অবিশ্বাস ।
সৃষ্টিছাড়া সৃষ্টিমাঝে বহুকাল করিয়াছি বাস
সন্ধিহীন রাত্রিদিন ; তাই মোর অপরূপ বেশ,
আচার নূতনতর, তাই মোর চক্রে স্বপ্নাবেশ
বকে জলে কুধানল । যেদিন জগতে চলে আসি,
কোন্ মা আমারে দিলি শুধু এই খেলাবার বাঁশি ।
বাজাতে বাজাতে তাই মুগ্ধ হয়ে আপনার সুরে
দীর্ঘদিন দীর্ঘরাত্রি চলে গেহু একান্ত হৃদয়ে
ছাড়ায়ে সংসারসীমা । সে বাঁশিতে শিখেছি যে সুর
তাহারি উল্লাসে যদি গীতশূন্য অবসাদপুর
ধ্বনিয়া তুলিতে পারি, মৃত্যুঞ্জয়ী আশার সংগীতে
কর্মহীন জীবনের এক প্রান্ত পারি তরঙ্গিতে
শুধু মুহূর্তের তরে, দুঃখ যদি পায় তার ভাষা,
সৃষ্টি হতে জেগে ওঠে অন্তরের গভীর পিপাসা
স্বর্গের অমৃত লাগি— তবে ধন্য হবে মোর গান,
শত শত অসন্তোষ মহাগীতে লভিবে নির্বাণ ।

কী গাহিবে, কী শুনাবে । বলা, মিথ্যা আপনার স্বপ্ন,
 মিথ্যা আপনার দুঃখ । স্বার্থময় বেজন বিমুখ
 বৃহৎ অগৎ হতে সে কখনো শেখেনি বাচিতে ।
 মহাবিশ্বজীবনের তরঙ্গেতে নাচিতে নাচিতে
 নির্ভরে ছুটিতে হবে, সত্যেরে করিয়া ঋণতারা ।
 মৃত্যুরে করি না শঙ্কা । দুর্দিনের অশ্রুজলধারা
 মস্তকে পড়িবে ঝরি— তারি মাঝে যাব অভিসারে
 তার কাছে, জীবনসর্বস্বধন অর্পিয়াছি যারে
 জন্ম জন্ম ধরি । কে সে ? জানি না কে । চিনি নাই তারে—
 শুধু এইটুকু জানি— তারি লাগি রাজি-অন্ধকারে
 চলেছে মানবযাত্রী যুগ হতে যুগান্তর-পানে
 ঝড়ঝঞ্ঝা-বজ্রপাতে, জালায়ে ধরিয়া সাবধানে
 অন্তরপ্রদীপখানি । শুধু জানি যে শুনেছে কানে
 তাহার আস্থানগীত, ছুটেছে সে নির্ভীক পরানে
 সংকট আবর্তমাঝে, দিয়েছে সে বিশ্ব বিসর্জন,
 নির্ধাতন লয়েছে সে বন্ধ পাতি মৃত্যুর গর্জন
 শুনেছে সে সংগীতের মতো । দহিয়াছে অগ্নি তারে,
 বিদ্ধ করিয়াছে শূল, ছিন্ন তারে করেছে কুঠারে,
 সর্ব প্রিয়বস্তু তার অকাতরে করিয়া ইন্ধন
 চিরজন্ম তারি লাগি জ্বলেছে সে হোম-হত্যাশন—
 হুৎপিণ্ড করিয়া ছিন্ন রক্তপদ্ম-অর্ঘ্য-উপহারে
 ভক্তিভরে জন্মশোধ শেষ পূজা পূজিয়াছে তারে
 মরণে কৃতার্থ করি প্রাণ । শুনিয়াছি তারি লাগি
 রাজপুত্র পরিয়াছে ছিন্ন কন্যা, বিষয়ে বিরাগী
 পথের তিক্কুক । মহাপ্রাণ সহিয়াছে পলে পলে
 সংসারের ক্লম উৎপীড়ন, বিং ধিয়াছে পদতলে
 প্রত্যাহের কুশাকুর, করিয়াছে তারে অবিশ্বাস
 মূঢ় বিজ্ঞানে, প্রিয়জন করিয়াছে পরিহাস
 অতিপরিচিত অবজায়, গেছে সে করিয়া কমা
 নীরবে করণনেত্র— অন্তরে বহিয়া নিরুপমা

সৌন্দর্যপ্রতিমা । তারি পদে মানী সঁপিয়াছে মান,
 ধনী সঁপিয়াছে ধন, বীর সঁপিয়াছে আত্মপ্রাণ
 তাহারি উদ্দেশে কবি বিরচিয়া লক্ষ লক্ষ গান
 ছড়াইছে দেশে দেশে । শুধু জানি তাহারি মহান
 গভীর মঙ্গলধ্বনি শুনা যায় সমুদ্রে সমীরে,
 তাহারি অঞ্চলপ্রান্ত লুটাইছে নীলাশ্বর ঘিরে,
 তারি বিশ্ববিজয়িনী পরিপূর্ণা প্রেমমূর্তিখানি
 বিকাশে পরমরূপে প্রিয়জনমুখে । শুধু জানি
 সে বিশ্বপ্রিয়ার প্রেমে ক্ষুদ্রতারে দিয়া বলিদান
 বর্জিতে হইবে দূরে জীবনের সর্ব অসম্মান ;
 সম্মুখে দাঁড়াতে হবে উন্নত মস্তক উচ্চে তুলি
 যে মস্তকে ভয় লেখে নাই লেখা, দাসত্বের ধূলি
 আঁকে নাই কলকতিলক । তাহারে অস্তরে রাখি
 জীবনকণ্টকপথে যেতে হবে নীরবে একাকী,
 সুখে দুঃখে ধৈর্য ধরি, বিরলে মুছিয়া অশ্রু-আধি,
 প্রতিদিবসের কর্মে প্রতিদিন নিরলস থাকি,
 স্থখী করি সর্বজনে । তার পরে দীর্ঘপথশেষে
 জীবযাত্রা-অবসানে ক্লান্তপদে রক্তসিক্ত বেশে
 উত্তরিব এক দিন শান্তিহরা শান্তির উদ্দেশে
 দুঃখহীন নিকেতনে । প্রসন্নবদনে মন্দ হেসে
 পরাবে মহিমালক্ষ্মী ভক্তকণ্ঠে বরমাল্যখানি,
 করপদ্মপরশনে শান্ত হবে সর্ব দুঃখগানি
 সর্ব অমঙ্গল । লুটাইয়া রক্তিম চরণতলে
 ধৌত করি দিব পদ আজন্মের রক্ত অশ্রুজলে ।
 স্থচিরসঞ্চিত আশা সম্মুখে করিয়া উদ্ঘাটন
 জীবনের অক্ষমতা কাঁদিয়া করিব নিবেদন,
 মাগিব অনন্ত কমা । হয়তো ঘুচিবে দুঃখনিশা,
 তৃপ্ত হবে এক প্রেমে জীবনের সর্বপ্রেমভূষা ।

স্নেহস্মৃতি

সেই চাঁপা সেই বেলফুল
কে তোরা আজি এ প্রাতে এনে দিলি মোর হাতে—
জল আসে আঁধিপাতে, হৃদয় আকুল।
সেই চাঁপা! সেই বেলফুল!

কত দিন, কত সুখ, কত হাসি, স্নেহমুখ,
কত কী পড়িল মনে প্রভাতবাতাসে—
স্নিগ্ধ প্রাণ সুধাভরা শ্রামল সুন্দর ধরা,
তরুণ অরুণরেখা নির্মল আকাশে।
সকলি জড়িত হয়ে অস্তরে বেতেছে বয়ে,
ডুবে যায় অশ্রুজলে হৃদয়ের কূল—
মনে পড়ে তারি সাথে জীবনের কত প্রাতে
সেই চাঁপা সেই বেলফুল!

বড়ো বেসেছিহু ভালো এই শোভা, এই আলো,
এ আকাশ, এ বাতাস, এই ধরাতল।
কতদিন বসি তীরে শুনেছি নদীর নীরে
নিশীথের সমীরণে সংগীত তরল।
কতদিন পরিয়াছি সন্ধ্যাবেলা মালাগাছি
স্নেহের হস্তের গাঁথা বকুলমুকুল—
বড়ো ভালো লেগেছিল যেদিন এ হাতে দিল
সেই চাঁপা সেই বেলফুল!

কত শুনিয়াছি বাঁশি, কত দেখিয়াছি হাসি,
কত উৎসবের দিনে কত যে কৌতুক।
কত বরষার বেলা সঘন আনন্দ-মেলা,
কত গানে জাগিয়াছে সুনিবিড় সুখ।

রবীন্দ্র-রচনাবলী

এ প্রাণ বীণার মতো ঝংকারি উঠেছে কত
 আসিয়াছে শুভক্ষণ কত অক্ষুণ্ণ—
 মনে পড়ে তারি সাথে কতদিন কত প্রাতে
 সেই চাঁপা সেই বেলফুল !

সেই সব এই সব, তেমনি পাখির রব,
 তেমনি চলেছে হেসে জাগ্রত সংসার ।
 দক্ষিণ-বাতাসে-মেশা ফুলের গন্ধের নেশা
 দিকে দিকে ব্যাকুলতা করিছে সঞ্চার ।
 অবোধ অন্তরে তাই চারিদিক-পানে চাই,
 অকস্মাৎ আনমনে জেগে উঠে ভুল—
 বুঝি সেই স্নেহসনে ফিরে এল এ জীবনে
 সেই চাঁপা সেই বেলফুল !

আনন্দপাথের যত সকলি হয়েছে গত,
 ছুটি রিক্তহস্তে মোর আজি কিছু নাই ।
 তবু সন্মুখের পানে চলেছি কঠিন প্রাণে,
 যেতে হবে গম্যস্থানে, ফিরে না তাকাই ।
 দাঁড়ায়ো না, চলো চলো, কী আছে কে জানে বলো
 ধূলিময় শুষ্কপথ, সংশয় বিপুল—
 শুধু জানিয়াছি সার কতু ফুটিবে না আর
 সেই চাঁপা সেই বেলফুল !

আমি কিছু নাহি চাই, যাহা দিবে লব তাই,
 চিরস্থখ এ জগতে কে পেয়েছে কবে ।
 প্রাণে লয়ে উপবাস কাটে কত বর্ষমাস,
 তৃষিত তাপিত চিত্ত কত আছে ভবে ।
 শুধু এক ভিক্ষা আছে, যেদিন আসিবে কাছে
 জীবনের পথশেষে মরণ অক্ষুণ্ণ
 সেদিন স্নেহের সাথে তুলে দিয়ো এই হাতে
 সেই চাঁপা সেই বেলফুল !

হয়তো বুড়ার পারে ঢাকা সব অন্ধকারে,
 স্বপ্নহীন চিরস্থিতি চক্রে চেপে রয়ে,
 গীতগান হেথাকার সেথা নাহি বাজে আর,
 হেথাকার বনগন্ধ সেথা নাহি বহে ।
 কে জানে সকল স্থিতি জীবনের সব প্রীতি
 জীবনের অবসানে হবে কি উন্মূল ?
 জানিনে গো এই হাতে নিয়ে যাব কিনা সাথে
 সেই টাপা সেই বেলফুল !

জোড়াসাঁকো
 বর্ষশেষ, ১৩০০

নববর্ষে

নিশি অবসানপ্রায়, ওই পুরাতন
 বর্ষ হয় গত ।
 আমি আজি ধূলিতলে এ জীর্ণ জীবন
 করিলাম নত ।
 বন্ধু হও, শত্রু হও, যেখানে যে কেহ রও,
 ক্ষমা করো আজিকার মতো
 পুরাতন বরষের সাথে
 পুরাতন অপরাধ যত ।
 আজি বাধিতেছি বসি সংকল্প নূতন
 অন্তরে আমার,
 সংসারে ফিরিয়া গিয়া হয়তো কখন
 ভুলিব আবার ।
 তখন কঠিন ঘাতে এনো অশ্রু আধিপাতে
 অধমের করিয়ো বিচার ।
 আজি নব-বরষ-প্রভাতে
 ভিক্ষা চাহি মার্জনা সবার ।

রবীন্দ্র-রচনাবলী

আজ চলে গেলে কাল কী হবে না-হবে
নাহি জানে কেহ,
আজিকার প্রীতিস্থখ হবে কি না-রবে
আজিকার মেহ ।

যতটুকু আলো আছে কাল নিবে যায় পাছে,
অন্ধকারে ঢেকে যায় গেহ—
আজ এস নববর্ষদিনে
যতটুকু আছে তাই দেহ ।

বিস্তীর্ণ এ বিশ্বভূমি সীমা তার নাই,
কত দেশ আছে !
কোথা হতে কয় জনা হেথা এক ঠাই
কেন মিলিয়াছে ?

করো সুখী, থাকো সুখে প্রীতিভরে হাসিমুখে
পুষ্পগুচ্ছ যেন এক গাছে—
তা যদি না পার চিরদিন,
এক দিন এস তবু কাছে ।

সময় ফুরিয়ে গেলে কখন আবার
কে যাবে কোথায়,
অনন্তের মাঝখানে পরস্পরে আর
দেখা নাহি যায় ।

বড়ো সুখ বড়ো ব্যথা চিহ্ন না রাখিবে কোথা,
মিলাইবে জলবিন্দু প্রায়—
এক দিন প্রিয়মুখ যত
ভালো করে দেখে নই আয় !

আপন সুখের লাগি সংসারের মাঝে
তুলি হাহাকার !
আত্ম-অভিমান অন্ধ জীবনের কাজে
আনি অবিচার !

আজি করি প্রাণপণ

করিলাম সমর্পণ

এ জীবনে যা আছে আমার ।
তোমরা যা দিবে তাই লব,
তার বেশি চাহিব না আর ।

লইব আপন করি নিত্যধৈর্যভরে
দুঃখভার বত,
চলিব কঠিন পথে অটল অস্তরে
সাধি মহাব্রত ।

যদি ভেঙে যায় পণ,

দুর্বল এ শ্রান্ত মন

সবিনয়ে করি শির নত
তুলি লব আপনার 'পরে
আপনার অপরাধ বত ।

যদি ব্যর্থ হয় প্রাণ, যদি দুঃখ ঘটে—
ক'দিনের কথা !
একদা মুছিয়া যাবে সংসারের পটে
শূন্য নিষ্ফলতা ।

জগতে কি তুমি একা ?

চতুর্দিকে যায় দেখা

সুদূর্তর কত দুঃখব্যথা ।
তুমি শুধু ক্ষুদ্র এক জন,
এ সংসারে অনন্ত জনতা ।

যতক্ষণ আছ হেথা স্থিরদীপ্তি থাকো,
তারার মতন ।
সুখ যদি নাহি পাও, শাস্তি মনে রাখো
করিয়ান্না যতন ।

যুদ্ধ করি নিরবধি

বাঁচিতে না পার যদি,

পরাস্তব করে আক্রমণ,
কেমনে মরিতে হয় তবে
শেখো তাই করি প্রাণপণ ।

জীবনের এই পথ, কে বলিতে পারে
 বাকি আছে কত ?
 মাঝে কত বিষশোক, কত কুরধারে
 হৃদয়ের কত ?

পুনর্বীর কালি হতে চলিব সে তপ্ত পথে,
 ক্ষমা করে আজিকার মতো—
 পুরাতন বরষের সাথে
 পুরাতন অপরাধ যত ।

ওই যায়, চলে যায় কালপরপারে
 মোর পুরাতন ।
 এই বেলা, ওরে মন, বল অশ্রুধারে
 কৃতজ্ঞ বচন ।

বলু তারে— ছুঃখসুখ দিয়েছ ভরিয়া বুক,
 চিরকাল রহিবে স্মরণ,
 যাহা-কিছু লয়ে গেলে সাথে
 তোমারে করিহু সমর্পণ ।

ওই এল এ জীবনে নূতন প্রভাতে
 নূতন বরষ—
 মনে করি প্রীতিভরে বাঁধি হাতে হাতে,
 না পাই সাহস ।

নব অতিথিরে তবু কিরাইতে নাই কতু—
 এস এস নূতন দিবস !
 ভরিলাম পুণ্য অশ্রুজলে
 আজিকার মঙ্গলকলস ।

দুঃসময়

বিলম্বে এসেছ, রুদ্ধ এবে দ্বার,
অনশূন পথ, রাত্রি অন্ধকার,
গৃহহারা বানু করি হাহাকার
ফিরিয়া মরে ।

তোমাতে আজিকে তুলিয়াছে সবে,
সুধাইলে কেহ কথা নাহি কবে,
এহেন নিশীথে আসিয়াছ তবে
কী মনে করে ।

এ দুয়ারে মিছে হানিতেছ কর,
ঝটিকার মাঝে ডুবে যায় স্বর,
ক্ষীণ আশাখানি আসে ধরধর
কাঁপিছে বুক ।

যেথা এক দিন ছিল তোর গেহ
ভিখারির মতো আসে সেথা কেহ ?
কার লাগি আগে উপবাসী স্নেহ
ব্যাকুল মুখে ।

ঘুমায়েছে দ্বার তাহারা ঘুমাক,
দুয়ারে দাঁড়িয়ে কেন দাঁও ডাক,
তোমাতে হেরিলে হইবে অবাক
সহসা রাতে ।

দ্বারহারা জাগিছে নবীন উৎসবে
রুদ্ধ করি দ্বার মস্ত কলরবে,
কী তোমার যোগ আজি এই ভবে
তাদের সাথে ।

দ্বারছিন্ন দিয়ে কী দেখিছ আলো,
বাহির হইতে কিরে বাওয়া ভালো,
তিমির ক্রমশ হতেছে ঘোরালো
নিষিড় মেঘে ।

রবীন্দ্র-রচনাবলী

বিলম্বে এসেছ— রুদ্ধ এবে ঘর,
তোমার লাগিয়া খুলিবে না আর,
গৃহহারা ঝড় করি হাহাকার
বহিছে বেগে ।

জোড়াসাঁকো
৫ বৈশাখ, ১৩০১

মৃত্যুর পরে

আজিকে হয়েছে শান্তি,
জীবনের ভুলভ্রান্তি
সব গেছে চূকে ।
রাত্রিদিন ধুকধুক
তরঙ্গিত দুঃখসুখ
খামিয়াছে বৃকে ।
যত কিছু ভালোমন্দ
যত কিছু দ্বিধাঘন্দ
কিছু আর নাই ।
বলো শান্তি, বলো শান্তি,
দেহসাথে সব ক্লান্তি
হয়ে থাক ছাই ।

শুঞ্জরি করণ তান
ধীরে ধীরে করো গান
বসিয়া শিয়রে ।
যদি কোথা থাকে লেশ
জীবনস্বপ্নের শেষ
তাও থাক মরে ।

তুলিয়া অঞ্চলখানি
 মুখ'পরে দাও টানি,
 ঢেকে দাও দেহ ।
 করুণ মরণ বধা
 ঢাকিয়াছে সব ব্যথা
 সকল সন্দেহ ।

বিশ্বের আলোক যত
 দিগ্বিদিকে অবিরত
 বাইতেছে বয়ে,
 শুধু ওই আঁধি'পরে
 নামে তাহা স্নেহভরে
 অন্ধকার হয়ে ।
 জগতের তন্নীরাজি
 দিনে উচ্ছে উঠে বাজি,
 রাত্রে চূপে চূপে
 সে শব্দ তাহার 'পরে
 চূষনের মতো পড়ে
 নীরবতারূপে ।

মিছে আনিয়াছ আঁজি
 বসন্তকুম্ভরাজি
 দিতে উপহার ।
 নীরবে আকুল চোখে
 ফেলিতেছ বৃথা শোকে
 নরনাশ্রয় ।
 ছিলে যারা রোষভরে
 বৃথা এতদিন পরে
 করিছ মার্জনা ।

অসীম নিস্তর দেশে
চিররাত্রি পেয়েছে সে
অনন্ত সাধনা ।

গিয়েছে কি আছে বসে
জাগিল কি ঘুমাল সে
কে দিবে উত্তর ।
পৃথিবীর শ্রান্তি তারে
তাজিল কি একেবারে
জীবনের জর ।

এখনি কি ছুঃখস্থে
কর্মপথ-অভিমুখে
চলেছে আবার ।

অস্তিত্বের চক্রতলে
এক বার বাঁধা পলে
পায় কি নিস্তার ।

বসিয়া আপন দ্বারে
ভালোমন্দ বলে তারে
যাহা ইচ্ছা তাই ।
অনন্ত জনমমাঝে
গেছে সে অনন্ত কাছে,
সে আর সে নাই ।
আর পরিচিত মুখে
তোমাদের ছুখে স্থখে
আসিবে না ফিরে ।

তবে তার কথা থাক,
যে গেছে সে চলে যাক
বিস্মতির তীরে ।

জানি না কিসের ভরে
 যে বাহার কাজ করে
 সংসারে আসিয়া,
 ভালোমনে শেব করি
 যার জীর্ণ জয়ন্তরী
 কোথায় ভাসিয়া ।
 দিয়ে যার যত বাহা
 রাখো তাহা ফেলো তাহা
 যা ইচ্ছা তোমার ।
 সে তো নহে বেচাকেনা—
 ফিরিবে না, ফেরাবে না
 জয়-উপহার ।

কেন এই আনাগোনা,
 কেন মিছে দেখাশোনা
 দু-দিনের ভরে,
 কেন বুকভরা আশা,
 কেন এত ভালোবাসা
 অন্তরে অন্তরে,
 আয়ু যার এতটুক,
 এত দুঃখ এত সুখ
 কেন তার মাঝে,
 অকস্মাৎ এ সংসারে
 কে বাধিয়া দিল তারে
 শত লক্ষ কাজে—

হেথায় যে অসম্পূর্ণ,
 সহস্র আঘাতে চূর্ণ
 বিদীর্ণ বিকৃত,

রবীন্দ্র-রচনাবলী

কোথাও কি এক বার
সম্পূর্ণতা আছে তার
 জীবিত কি মৃত,
জীবনে যা প্রতিদিন
ছিল মিথ্যা অর্থহীন
 ছিন্ন ছড়াছড়ি
মৃত্যু কি ভরিয়া সাজি
তারে গাঁথিয়াছে আজি
 অর্থপূর্ণ করি—

হেথা যারে মনে হয়
শুধু বিফলতাময়
 অনিত্য চঞ্চল
সেথায় কি চূপেচূপে
অপূর্ব নূতন রূপে
 হয় সে সফল—
চিরকাল এই সব
রহস্য আছে নীরব
 রুদ্ধ-ওষ্ঠাধর ।
জন্মান্তের নবপ্রাতে
সে হয়তো আপনাতে
 পেয়েছে উত্তর ।

সে হয়তো দেখিয়াছে
পড়ে যাহা ছিল পাছে
 আজি তাহা আগে,
ছোটো যাহা চিরদিন
ছিল অন্ধকারে লীন
 বড়ো হয়ে আগে ।

বেথায় যুগার সাথে
 মাহুব আপন হাতে
 লেপিয়াছে কালী
 নৃতন নিয়মে সেথা
 জ্যোতির্ময় উজ্জলতা
 কে দিয়াছে আলি ।

কত শিক্কা পৃথিবীর
 খসে গড়ে জীর্ণচীর
 জীবনের সনে,
 সংসারের লজ্জাভয়
 নিমেষেতে দৃষ্ট হয়
 চিতাহতাশনে ।
 সকল অভ্যাস-ছাড়া
 সর্বআবরণহারা
 সত্ত্বশিষ্টসম
 নয়মূর্তি মরণের
 নিষ্ফলক চরণের
 সম্মুখে প্রণমো ।

আপন মনের মতো
 সংকীর্ণ বিচার যত
 রেখে দাও আজ ।
 ভুলে যাও কিছুক্ষণ
 প্রত্যাহের আয়োজন,
 সংসারের কাজ ।
 আজি কণেকের তরে
 বসি বাতায়ন'পরে
 বাহিরেতে চাহ ।

রবীন্দ্র-রচনাবলী

অসীম আকাশ হতে
বহিয়া আনুক শ্রোতে
বৃহৎ প্রবাহ ।

উঠিছে ঝিল্লির গান,
তরুর মর্মরতান,
নদীকলস্বর—
প্রহরের আনাগোনা
যেন রাজে যায় শোনা
আকাশের 'পর ।
উঠিতেছে চরাচরে
অনাদি অনন্ত স্বরে
সংগীত উদার—
সে নিত্য-গানের সনে
মিশাইয়া লহ মনে
জীবন তাহার ।

ব্যাপিয়া সমস্ত বিশ্বে
দেখো তারে সর্বদৃশ্তে
বৃহৎ করিয়া ।
জীবনের ধূলি ধুয়ে
দেখো তারে দূরে ধুয়ে
সম্মুখে ধরিয়া ।
পলে পলে দণ্ডে দণ্ডে
ভাগ করি খণ্ডে খণ্ডে
মাণিয়ো না তারে
থাক্‌ তব ক্ষুদ্র মাপ
ক্ষুদ্র পুণ্য ক্ষুদ্র পাপ
সংসারের পারে ।

আজ বাদে কাল যারে
 তুলে যাবে একেবারে
 পরের মতন
 তারে লয়ে আজি কেন
 বিচার-বিরোধ হেন,
 এত আলাপন ।
 যে বিশ্ব কোলের 'পরে
 চিরদিবসের ভরে
 তুলে নিল তারে
 তার মুখে শব্দ নাহি,
 প্রশান্ত সে আছে চাহি
 ঢাকি আপনারে ।

বৃথা তারে প্রণয় করি,
 বৃথা তার পায়ে ধরি,
 বৃথা মরি কেঁদে,
 খুঁজে ফিরি অশ্রুজলে—
 কোন্ অঞ্চলের ভলে
 নিয়েছে সে বেঁধে ।
 ছুটিয়া মৃত্যুর পিছে,
 ফিরে নিতে চাহি মিছে,
 সে কি আমাদের ?
 পলক বিচ্ছেদে হায়
 তখনি তো বুঝা যায়
 সে যে অনন্তের ।

চক্ষের আড়ালে তাই
 কত ভয় সংখ্যা নাই,
 সহস্র ভাবনা ।

রবীন্দ্র-রচনাবলী

মূর্ত মিলন হলে
 টেনে নিই বুকে কোলে,
 অতৃপ্ত কামনা ।
 পার্শ্বে বসে ধরি মুঠি,
 শব্দমাত্রে কেঁপে উঠি,
 চাহি চারিভিতে,
 অনন্তের ধনটিরে
 আপনার বুক চিরে
 চাহি লুকাইতে ।

হায় রে নির্বোধ নর,
 কোথা তোর আছে ঘর,
 কোথা তোর স্থান ।
 শুধু তোর ওইটুক
 অতিশয় ক্ষুদ্র বুক
 ভয়ে কম্পমান ।
 উর্ধ্বে ওই দেখ্ চেয়ে
 সমস্ত আকাশ ছেয়ে
 অনন্তের দেশ—
 সে যখন এক ধারে
 লুকায় রাখিবে তারে
 পাবি কি উদ্দেশ ?

ওই হেরো সীমাহারা
 গগনেতে গ্রহতারা
 অসংখ্য জগৎ,
 ওরি মাঝে পরিভ্রাস্ত
 হয়তো সে একা পাছ
 খুঁজিতেছে পথ ।

ওই দূর-দূরান্তরে
 অজ্ঞাত ভুবন'পরে
 কতু কোনোখানে
 আর কি গো দেখা হবে,
 আর কি সে কথা কবে,
 কেহ নাহি জানে ।

বা হবার তাই হোক,
 ঘুচে যাক সর্ব শোক,
 সর্ব মরীচিকা ।
 নিবে যাক চিরদিন
 পরিশ্রান্ত পরিক্ষীণ
 মর্ত্যজগৎশিখা ।
 সব তর্ক হোক শেষ,
 সব রাগ সব ঘেব,
 সকল বালাই ।
 বলো শাস্তি, বলো শাস্তি—
 দেহসাথে সব ক্লাস্তি
 পুড়ে হোক ছাই ।

ভোড়াসাঁকো
 ৫ বৈশাখ, ১৩০১

ব্যাঘাত

কোলে ছিল সুরে-বাঁধা বীণা
 মনে ছিল বিচিত্র রাগিনী,
 মাঝখানে ছিঁড়ে যাবে তার
 সে কথা ভাবিনি ।
 ওগো আজি প্রদীপ নিবাও,
 বন্ধ করো দ্বার—

রবীন্দ্র-রচনাবলী

সভা ভেঙে ফিরে চলে যাও
 হৃদয় আমার ।
 তোমরা যা আশা করেছিলে
 নারিছ পুরাতে—
 কে জানিত ছিঁড়ে যাবে তার
 গীত না ফুরাতে ।

ভেবেছিছ ঢেলে দিব মন,
 প্রাবন করিব দশদিশি—
 পুষ্পগন্ধে আনন্দে মিশিয়া
 পূর্ণ হবে পূর্ণিমার নিশি ।
 ভেবেছিছ ঘিরিয়া বসিবে
 তোমরা সকলে,
 গীতশেষে হেসে ভালোবেসে
 মালা দিবে গলে,
 শেষ করে যাব সব কথা
 সকল কাহিনী—
 মাঝখানে ছিঁড়ে যাবে তার
 সে কথা ভাবিনি ।

আজি হতে সবে দয়া করে
 ভুলে যাও, ঘরে যাও চলে—
 করিয়ো না মোরে অপরাধী
 মাঝখানে থামিলাম বলে ।
 আমি চাহি আজি রজনীতে
 নীরব নির্জন
 ভূমিতলে ঘুমায়ে পড়িতে
 শুক্ক অচেতন—

খ্যাতিহীন শান্তি চাহি আমি
 নিঃস্ব স্বকার ।
 সাক না হইতে সব গান
 ছিন্ন হল তার ।

জোড়াসাঁকো
 ৬ জ্যৈষ্ঠ, ১৩০১

অন্তর্যামী

এ কী কোঁতুক নিত্যনূতন
 ওগো কোঁতুকময়ী,
 আমি বাহা কিছু চাহি বলিবারে
 বলিতে দিতেছ কই ।
 অন্তরমাঝে বসি অহরহ
 মুখ হতে তুমি ভাষা কেড়ে লহ,
 মোর কথা লয়ে তুমি কথা কহ
 মিশায় আপন স্বরে ।
 কী বলিতে চাই সব ভুলে যাই,
 তুমি যা বলাও আমি বলি তাই,
 সংগীতশ্রোতে কুল নাহি পাই,
 কোথা ভেসে যাই দূরে ।
 বলিতেছিলাম বসি এক ধারে
 আপনার কথা আপন জনারে,
 শুনাতেছিলাম ঘরের ছুরারে
 ঘরের কাহিনী ষত—
 তুমি সে ভাষারে দহিয়া অনলে
 ডুবায় ভাসায় নয়নের জলে
 নবীন প্রতিমা নব কোঁশলে
 গড়িলে মনের মতো ।

রবীন্দ্র-রচনাবলী

সে মায়ামুরতি কী কহিছে বাণী,
কোথাকার ভাব কোথা নিলে টানি—
আমি চেয়ে আছি বিশ্বয় মানি
রহস্তে নিমগন ।

এ যে সংগীত কোথা হতে উঠে,
এ যে লাবণ্য কোথা হতে ফুটে,
এ যে ক্রন্দন কোথা হতে টুটে
অস্তরবিদারণ ।

নূতন ছন্দ অঙ্কের প্রায়
ভরা আনন্দে ছুটে চলে যায়,
নূতন বেদনা বেজে উঠে তায়
নূতন রাগিণীভরে ।

যে কথা ভাবিনি বলি সেই কথা,
যে ব্যথা বুঝি না জাগে সেই ব্যথা,
জানি না এনেছি কাহার বারতা
কারে শুনার তরে ।

কে কেমন বোঝে অর্থ তাহার,
কেহ এক বলে কেহ বলে আর,
আমারে শুধায় বুঝা বার বার
দেখে তুমি হাস বুঝি ।
কে গো তুমি, কোথা রয়েছ গোপনে,
আমি মরিতেছি খুঁজি ।

এ কী কোঁতুক নিত্যনূতন
ওগো কোঁতুকময়ী ।
যে দিকে পাশ্ব চাহে চলিবারে
চলিতে দিতেছ কই ।

গ্রামের যে পথ ধায় গৃহপানে,
চাষিগণ ফিরে দিবা-অবসানে,

গোষ্ঠে ধায় গোক, বধু জল আনে
 শত বার যাতায়াতে,
 একদা প্রথম প্রভাতবেলায়
 সে পথে বাহির হইল হেলায়—
 মনে ছিল, দিন কাজে ও খেলায়
 কাটায়ে কিরিব রাতে ।
 পদে পদে তুমি ভুলাইলে দিক,
 কোথা যাব আজি নাহি পাই ঠিক,
 ক্লান্তহৃদয় শ্রান্ত পথিক

এসেছি নূতন দেশে ।
 কখনো উদার গিরির শিখরে
 কতু বেদনার তমোগহ্বরে
 চিনি না যে পথ সে পথের 'পরে
 চলেছি পাগল-বেশে ।

কতু বা পহু গহন জটিল,
 কতু পিচ্ছল ঘনপঙ্কিল,
 কতু সংকটছায়াশঙ্কিল,
 বঙ্কিম ছুরগম—
 ধরকণ্টকে ছিন্ন চরণ,
 ধূলার রৌদ্রে মলিন বরন,
 আশেপাশে হতে তাকায় মরণ
 সহসা লাগায় ভ্রম ।

তারি মাঝে বাশি বাজিছে কোথায়,
 কাঁপিছে বক্ষ হৃথের ব্যথায়,
 তীব্র তপ্ত দীপ্ত নেশায়
 চিন্তা মাতিয়া উঠে ।

কোথা হতে আসে ঘন স্তম্ভ,
 কোথা হতে বায়ু বহে আনন্দ,
 চিন্তা ত্যজিয়া পরান অন্ধ
 মৃত্যুর মুখে ছুটে ।

রবীন্দ্র-রচনাবলী

খেপার মতন কেন এ জীবন,
 অর্থ কী তার, কোথা এ ভ্রমণ,
 চূপ করে থাকি শুধায় যখন—
 মেখে তুমি হাস বুঝি ।
 কে তুমি গোপনে চালাইছ মোরে
 আমি যে তোমারে খুঁজি ।

রাখো কোঁতুক নিত্যনূতন
 ওগো কোঁতুকময়ী ।
 আমার অর্থ তোমার তত্ত্ব
 বলে দাও মোরে অয়ি ।
 আমি কি গো বীণাযন্ত্র তোমার,
 ব্যথায় পীড়িয়া হৃদয়ের তার
 মূর্ছনাভরে গীতঝংকার
 ধ্বনিছ মর্মমাঝে ?
 আমার মাঝারে করিছ রচনা
 অসীম বিরহ, অপার বাসনা,
 কিসের লাগিয়া বিশ্ববেদনা
 মোর বেদনার বাজে ?
 মোর প্রেমে দিয়ে তোমার রাগিণী
 কহিতেছ কোন্ অনাদি কাহিনী,
 কঠিন আঘাতে ওগো মায়াবিনী
 জাগাও গভীর সুর ।
 হবে যবে তব লীলা-অবসান,
 ছিঁড়ে যাবে তার, খেমে যাবে গান,
 আমারে কি ফেলে করিবে প্রয়াণ
 তব রহস্যপুর ?
 জ্বলেছ কি মোরে প্রদীপ তোমার
 করিবারে পূজা কোন্ দেবতার

মহন্ত-ধেরা অসীম আধার
 মহামন্দিরতলে ?
 নাহি জানি তাই কার লাগি প্রাণ
 মরিছে দহিয়া নিশিদিনমান,
 যেন সচেতন বহিসমান
 নাড়ীতে নাড়ীতে জলে ।
 অধনিশীথে নিভূতে নীরবে
 এই দীপখানি নিবে যাবে যবে
 বুঝিব কি, কেন এসেছিছু ভবে,
 কেন জলিলাম প্রাণে ?
 কেন নিয়ে এলে তব মায়ারথে
 তোমার বিজন নূতন এ পথে,
 কেন রাখিলে না সবার অগতে
 জনতার মাঝখানে ?
 জীবন-পোড়ানো এ হোম-অনল
 সেদিন কি হবে সহসা সফল ?
 সেই শিখা হতে রূপ নির্মল
 বাহিরি আসিবে বৃষ্টি ।
 সব অটলতা হইবে সরল
 তোমারে পাইব খুঁজি ।

ছাড়ি কোতুক নিত্যনূতন
 ওগো কোতুকময়ী,
 জীবনের শেষে কী নূতন বেশে
 দেখা দিবে মোরে অস্মি ।
 চিরদিবসের মর্মের ব্যথা,
 শত জনমের চিরসফলতা,
 আমার প্রেরণী, আমার দেবতা,
 আমার বিশ্বরূপী,

রবীন্দ্র-রচনাবলী

মরণনিশায় উষা বিকাশিয়া
 শ্রান্তজনের শিয়রে আসিয়া
 মধুর অধরে করুণ হাসিয়া

দাঁড়াবে কি চুপিচুপি ?

ললাট আমার চুম্বন করি
 নব চেতনায় দিবে প্রাণ ভরি,
 নয়ন মেলিয়া উঠিব শিহরি,

জানি না চিনিব কিনা—

শূন্য গগন নীলনির্মল,
 নাহি রবিশশী গ্রহমণ্ডল,
 না বহে পবন, নাই কোলাহল,

বাজিছে নীরব বীণা—

অচল আলোকে রয়েছে দাঁড়ায়ে,
 কিরণবসন অঙ্ক জড়ায়ে
 চরণের তলে পড়িছে গড়ায়ে

ছড়ায়ে বিবিধ ভঞ্জে ।

গন্ধ তোমার ঘিরে চারি ধার,
 উড়িছে আকুল কুম্বলভার,
 নিখিল গগন কাঁপিছে তোমার

পরশরসতরঙ্গে ।

হাসিমাখা তব আনত দৃষ্টি
 আমারে করিছে নূতন সৃষ্টি,
 অঙ্গে অঙ্গে অমৃতবৃষ্টি

বরষি করুণাভরে ।

নিবিড় গভীর প্রেম-আনন্দ
 বাহুবন্ধনে করেছে বন্ধ,
 মুগ্ধ নয়ন হয়েছে অন্ধ

অশ্রবাপ্পথরে ।

নাহিকো অর্থ, নাহিকো তন্ত্র,
 নাহিকো মিথ্যা, নাহিকো মত্য,

আপনার মাঝে আপনি যত—
 দেখিয়া হাসিবে বুঝি ।
 আমি হতে তুমি বাহিরে আসিবে,
 ফিরিতে হবে না খুঁজি ।

যদি কোতুক রাখ চিরদিন
 ওগো কোতুকময়ী,
 যদি অন্তরে লুকায়ে বসিয়া
 হবে অন্তরজয়ী,
 তবে তাই হোক । দেবী, অহরহ
 জনমে জনমে রহ তবে রহ,
 নিত্যমিলনে নিত্যবিরহ
 জীবনে জাগাও প্রিয়ে ।

নব নব রূপে— ওগো রূপময়,
 লুপ্তিয়া লহ আমার হৃদয়,
 কাঁদাও আমারে, ওগো নির্দয়,
 চঞ্চল প্রেম দিয়ে ।

কখনো হৃদয়ে কখনো বাহিরে,
 কখনো আলোকে কখনো তিমিরে,
 কভু বা স্বপনে কভু সশরীরে
 পরশ করিয়া যাবে—
 বক্সেবীণায় বেদনার তার
 এইমতো পুন বাধিব আবার,
 পরশমাত্রে গীতঝংকার
 উঠিবে নৃতন ভাবে ।

এমনি টুটিয়া মর্মপাথর
 ছুটিবে আবার অশ্রুনিঝর,
 জানি না খুঁজিয়া কী মহাসাগর
 বহিয়া চলিবে দূরে ।

রবীন্দ্র-রচনাবলী

বরষ বরষ দিবসরজনী
 অশ্রনদীর আকুল সে ধ্বনি
 রহিয়া রহিয়া মিশিবে এমনি
 আমার গানের সুরে ।

যত শত ভুল করেছি এবার
 সেইমতো ভুল ঘটিবে আবার—
 ওগো মায়াবিনী, কত ভুলাবার
 মন্ত্র তোমার আছে ।

আবার তোমারে ধরিবার তরে
 ফিরিয়া মরিব বনে প্রান্তরে,
 পথ হতে পথে, ঘর হতে ঘরে
 ছুরাশার পাছে পাছে ।

এবারের মতো পুরিয়া পরান
 তীব্র বেদনা করিয়াছি পান,
 সে সুরা তরল অগ্নিসমান
 তুমি ঢালিতেছ বৃষ্টি ।

আবার এমনি বেদনার মাঝে
 তোমারে ফিরিব খুঁজি ।

ভাদ্র, ১৩০১

সাধনা

দেবী, অনেক ভক্ত এসেছে তোমার চরণতলে
 অনেক অর্ঘ্য আনি,
 আমি অভাগ্য এনেছি বহিয়া নয়নজলে
 ব্যর্থ সাধনখানি ।

তুমি জান মোর মনের বাসনা,
 যত সাধ ছিল সাধ্য ছিল না,
 তবু বহিয়াছি কঠিন কামনা
 দিবসনিশি ।

মনে বাহা ছিল হয়ে গেল আর,
গড়িতে ভাঙিয়া গেল বারবার,
ভালোয় মন্দে আলোয় আধার
গিয়েছে মিশি ।

তবু ওগো, দেবী, নিশিদিন করি পরানপণ,
চরণে দিতেছি আনি
মোর জীবনের সকল শ্রেষ্ঠ সাধের ধন
ব্যর্থ সাধনখানি ।

ওগো। ব্যর্থ সাধনখানি ।

দেখিয়া হাসিছে সার্থকফল
সকল ভক্ত প্রাণী ।

তুমি যদি, দেবী, পলকে কেবল
কর কটাক স্নেহস্নকোমল,
একটি বিন্দু ফেল আধিজল
করুণা মানি,
সব হতে তবে সার্থক হবে
ব্যর্থ সাধনখানি ।

দেবী, আজি আসিয়াছে অনেক বস্ত্রী শুনাতে গান
অনেক বস্ত্র আনি,

আমি আনিয়াছি ছিন্নতন্ত্রী নীরব স্নান
এই দীন বীণাখানি ।

তুমি জান ওগো করি নাই হেলা,
পথে প্রাস্তরে করি নাই খেলা,
শুধু সাধিয়াছি বসি সারাবেলা
শতক বার ।

মনে যে গানের আছিল আভাস,
যে তান সাধিতে করেছিল আশ,
সহিল না সেই কঠিন প্রয়াস—
ছিঁড়িল তার ।

রবীন্দ্র-রচনাবলী

স্ববহীন তাই রয়েছে দাঁড়িয়ে সারাটি ক্ষণ,
আনিয়াছি গীতহীনা

আমার প্রাণের একটি যন্ত্র বুকের ধন
ছিন্নতন্ত্রী বীণা ।

ওগো ছিন্নতন্ত্রী বীণা

দেখিয়া তোমার গুণীজন সবে
হাসিছে করিয়া ঘৃণা ।

তুমি যদি এরে লহ কোলে তুলি,
তোমার শ্রবণে উঠিবে আকুলি
সকল অগীত সংগীতগুলি,
হৃদয়াসীনা ।

ছিল যা আশায় ফুটাবে ভাষায়
ছিন্নতন্ত্রী বীণা ।

দেবী, এ জীবনে আমি গাহিয়াছি বসি অনেক গান,
পেয়েছি অনেক ফল—

সে আমি সবারে বিশ্বজনারে করেছি দান,
ভরেছি ধরণীতল ।

যার ভালো লাগে সেই নিয়ে যাক,
যতদিন থাকে ততদিন থাক্,
যশ-অপযশ কুড়ায়ে বেড়াক
ধুলার মাঝে ।

বলেছি যে কথা করেছি যে কাজ
আমার সে নয় সবার সে আজ,
ফিরিছে ভ্রমিয়া সংসারমাঝ
বিবিধ সাজে ।

যা কিছু আমার আছে আপনার শ্রেষ্ঠ ধন
দিতেছি চরণে আসি—
অকৃত কার্য, অকথিত বাণী, অগীত গান.
বিফল বাসনারাশি ।

ওগো বিফল বাসনারাশি
 হেরিয়া আজিকে ঘরে পরে সবে
 হাসিছে হেলার হাসি ।
 তুমি যদি, দেবী, লহ কর পাতি,
 আপনার হাতে রাখ মালা গাঁথি,
 নিত্য নবীন রবে দিনরাতি
 স্ব্বাসে ভাসি,
 সফল করিবে জীবন আমার
 বিফল বাসনারাশি ।

৪ কার্তিক, ১৩০১

শীতে ও বসন্তে

প্রথম শীতের মাসে
 শিশির লাগিল ঘাসে,
 হুহু করে হাওয়া আসে,
 হিহি করে কাঁপে গাত্র
 আমি ভাবিলাম মনে
 এবার মাতিব রণে,
 বৃথা কাজে অকারণে
 কেটে গেছে দিনরাত্র ।
 লাগিব দেশের হিতে
 গরমে বাদলে শীতে,
 কবিতা নাটকে গীতে
 করিব না অনাসৃষ্টি ।
 লেখা হবে সারবান
 অভিশয় ধারবান,
 খাড়া রব দ্বারবান
 দশ দিকে রাখি দৃষ্টি ।

রবীন্দ্র-রচনাবলী

এত বলি গৃহকোণে
বসিলাম দৃঢ়মনে
লেখকের যোগাসনে,
পাশে লয়ে মসীপাত্র ।

নিশিদিন রুধি দ্বার
স্বদেশের শুধি ধার,
নাহি হাঁফ ছাড়িবার
অবসর তিলমাত্র ।

রাশি রাশি লিখে লিখে
একেবারে দিকে দিকে
মাসিকে ও সাপ্তাহিকে
করিলাম লেখাবৃষ্টি ।

ঘরেতে জলে না চুলো,
শরীরে উড়িছে ধুলো,
আ ধুলের ডগাগুলো
হয়ে গেল কালীকৃষ্টি ।

খুঁটিয়া তারিখ মাস
করিলাম রাশ রাশ,
গাঁথিলাম ইতিহাস,
রচিলাম পুরাতত্ত্ব ।

গালি দিয়া মহারাগে
দেখালেম দাগে দাগে
যে ষাহা বলেছে আগে
কিছু তার নহে সত্য ।

পুরাণে বিজ্ঞানে গোটা
করিয়াছি সিদ্ধি-ধোঁটা,
ষাহা-কিছু ছিল মোটা
হয়ে গেছে অতি সূক্ষ্ম ।

করেছি সমালোচনা
আছে তাহে গুণগনা,

কেহ তাহা বুঝিল না
মনে রয়ে গেল দুঃখ ।

মেঘদূত— লোকে বাহা
কাব্যক্রমে বলে “আহা”—
আমি দেখায়েছি তাহা
দর্শনের নব সূত্র ।

নৈবধের কবিতাটি
ভারুয়িন-তত্ত্ব খাটি,
মোর আগে এ কথাটি
বলো কে বলেছে কুত্র
কাব্য কহিবার ভানে
নীতি বলি কানে কানে
সে কথা কেহ না জানে,
না বুঝে হতেছে ইষ্ট ।

নভেল লেখার ছলে
শিখায়েছি স্ক্রকৌশলে
সাদাটির সাদা বলে,
কালো বাহা তাই কুষ্ট ।

কত মাস এইমতো
একে একে হল গত,
আমি দেশহিতে রত
সব দ্বার করি বন্ধ ।

হাসি-গীত-গল্পগুলি
ধূলিতে হইল ধূলি,
বেঁধে দ্বিগুণে চোখে ঠুলি
কল্পনারে করি অন্ধ ।

নাহি জানি চারি পাশে
কী ঘটছে কোন্ মাসে,
কোন্ ঋতু কবে আসে,
কোন্ রাতে উঠে চন্দ্র ।

রবীন্দ্র-রচনাবলী

আমি জানি কিশিয়ান
 কত দূরে আশ্রয়ান,
 বজ্রের খতিয়ান
 কোথা তার আছে রক্ত ।
 আমি জানি কোন্ দিন
 পাস হল কী আইন,
 কুইনের বেহাইন
 বিধবা হইল কল্যা—
 জানি সব আটঘাট,
 গেজেটে করেছি পাঠ
 আমাদের ছোটোলাট
 কোথা হতে কোথা চলল

এক দিন বসে বসে
 লিখিয়া যেতেছি কবে
 এ দেশেতে কার দোষে
 ক্রমে কমে আসে শস্ত,
 কেনই বা অপঘাতে
 মরে লোক দিবারাতে,
 কেন ব্রাহ্মণের পাতে
 নাহি পড়ে চর্ব্য চোয় ।
 হেন কালে ছুদাড়
 খুলে গেল সব দ্বার—
 চারি দিকে তোলপাড়
 বেধে গেছে মহাকাণ্ড ।
 নদীজলে বনে গাছে
 কেহ গাহে কেহ নাচে,
 উলটিয়া পড়িয়াছে
 দেবতার স্থাভাণ্ড ।

উতলা পাগল-বেশে
দক্ষিণে বাতাস এসে
কোথা হতে হাहा হেসে

প'ল যেন মদমত্ত

লেখাপত্র কেড়েকুড়ে—
কোথা কী যে গেল উড়ে,
ওই রে আকাশ জুড়ে

ছড়ায় 'সমাজতন্ত্র' ।

'কৃষিয়ার অভিপ্রায়'
ওই কোথা উড়ে যায়,
গেল বুঝি হায় হায়

'আমিরের ষড়যন্ত্র' ।

'প্রাচীন ভারত' বুঝি
আর পাইব না খুঁজি,
কোথা গিয়ে হল পুঁজি

'জাপানের রাজতন্ত্র' ।

গেল গেল, ও কী কর—
আরে আরে, ধরো ধরো ।
হাসে বন মরমর,

হাসে বায়ু কলহাস্ত্রে ।

উঠে হাসি নদীজলে
ছলছল কলকলে,
ভাসায়ে লইয়া চলে

'মহুর নূতন ভাষে' ।

বাদ প্রতিবাদ যত
শুকনো পাতার মতো
কোথা হল অপগত—

কেহ তাহে নহে স্মরণ ।

ফুলগুলি অনায়াসে
মুচকি মুচকি হাসে,

রবীন্দ্র-রচনাবলী

স্বগভীর পরিহাসে
হাসিতেছে নীল শূন্য ।

দেখিতে দেখিতে মোর
লাগিল নেশার ঘোর,
কোথা হতে মন-চোর
পশিল আমার বক্ষে ।

যেমনি সমুখে চাওয়া
অমনি সে ভূতে-পাওয়া
লাগিল হাসির হাওয়া,
আর বুঝি নাহি রক্ষে ।

প্রথমে প্রাণের কূলে
শিহরি শিহরি ছলে,
ক্রমে সে মরমূলে
লহরী উঠিল চিন্তে ।

তার পরে মহা হাসি
উছসিল রাশি রাশি,
হৃদয় বাহিরে আসি
মাতিল জগৎ-নৃত্যে ।

এস এস বঁধু এস,
আধেক আঁচরে বোসো,
অবাক অধরে হাসো
ভূলাও সকল তত্ত্ব ।

তুমি শুধু চাহ ফিরে—
ডুবে যাক ধীরে ধীরে
স্বধাসাগরের নীরে
যত মিছা যত সত্য ।

আনো গো ষৌক্যগীতি,
দূরে চলে যাক নীতি,
আনো পরানের প্রীতি,

থাক্ প্রবীণের ভাষা ।

এস হে আপনাহারা
 প্রতাতসঙ্ঘ্যার তারা,
 বিবাদের আধিধারা,
 প্রমোদের মধুহাস্ত ।
 আনো বাসনার ব্যথা,
 অকারণ চঞ্চলতা,
 আনো কানে কানে কথা,
 চোখে চোখে লাজদৃষ্টি ।
 অসম্ভব, আশাতীত,
 অনাবশ্ত, অনাদৃত,
 এনে দাও অযাচিত
 যত কিছু অনাসৃষ্টি ।
 হৃদয়নিকুঞ্জমার
 এস আজি ঋতুরাজ,
 ভেঙে দাও সব কাজ
 প্রেমের মোহনময়্রে ।
 হিতাহিত হোক দূর—
 গাব গীত স্মধুর,
 ধরো তুমি ধরো স্বর
 সুধাময়ী বীণা-বয়ে ।

১৮ আষাঢ়, ১৩০২

নগরসংগীত

কোথা গেল সেই মহান শাস্ত
 নব নির্মল শ্রামলকাস্ত
 উজ্জলনীলবসনপ্রাস্ত
 স্মর শুভ ধরণী ।
 আকাশ আলোকপুলকপুঞ্জ,
 ছায়াস্নীতল নিভৃত কুঞ্জ,

রবীন্দ্র-রচনাবলী

কোথা সে গভীর অমরগুণ,
 কোথা নিয়ে এল তরণী ।
 ওই রে নগরী— জনতারণ্য,
 শত রাজপথ, গৃহ অগণ্য,
 কতই বিপনি, কতই পণ্য
 কত কোলাহলকাকলি ।
 কত না অর্থ কত অনর্থ
 আবিল করিছে স্বর্গমর্ত্য,
 তপনতপ্ত ধূলি-আবর্ত
 উঠিছে শূন্য আকুলি ।
 সকলি ঋণিক, খণ্ড, ছিন্ন—
 পশ্চাতে কিছু রাখে না চিহ্ন,
 পলকে মিলিছে পলকে ভিন্ন
 ছুটিছে মৃত্যু-পাথারে ।
 করুণ রোদন কঠিন হাশ্ব,
 প্রভূত দম্ব বিনীত দাশ্ব,
 ব্যাকুল প্রয়াস, নিষ্ঠুর ভাষ্ব,
 চলিছে কাতারে কাতারে ।
 স্থির নহে কিছু নিমেষমাত্র,
 চাহে নাকো কিছু প্রবাসমাত্র,
 বিরামবিহীন দিবসরাত্র
 চলিছে আধারে আলোকে ।
 কোন্ মায়ামুগ কোথায় নিত্য
 স্বর্ণঝলকে করিছে নৃত্য
 তাহারে বাধিতে লোলুপচিত্ত
 ছুটিছে বৃদ্ধবালকে ।
 এ যেন বিপুল যজ্ঞকুণ্ড
 আকাশে আলোড়ি শিখার শুণ্ড
 হোমের অগ্নি মেলিছে তুণ্ড
 কুধার দহন জালিয়া ।

নরনারী সবে আনিয়া তূর্ণ
 প্রাণের পাত্র করিয়া চূর্ণ
 বহির মুখে দিতেছে পূর্ণ
 জীবন-আহতি ঢালিয়া ।

চারি দিকে ঘিরি যতেক ভক্ত
 স্বর্ণবরনমরণাসক্ত
 দিতেছে অস্থি, দিতেছে রক্ত,
 সকল শক্তিসাধনা ।

জলি উঠে শিখা ভীষণ মন্ত্রে,
 ধূমায় শূন্য রক্তে রক্তে
 লুপ্ত করিছে সূর্যচন্দ্রে
 বিশ্বব্যাপিনী দাহনা ।

বায়ুদলবল হইয়া ক্ষিপ্ত
 ঘিরি ঘিরি সেই অনল দীপ্ত
 কাঁদিয়া ফিরিছে অপরিভূপ্ত,
 ফুঁসিয়া উষ্ণ খসনে ।

ধেন প্রসারিয়া কাতর পক্ষ
 কেঁদে উড়ে আসে লক্ষ লক্ষ
 পক্ষীজননী, করিয়া লক্ষ্য
 খাণ্ডব-হত-অশনে ।

বিপ্র ক্ষত্র বৈশ্য শূত্র
 মিলিয়া সকলে মহৎ ক্ষত্র
 খুলেছে জীবনযজ্ঞ রত্ন
 আবালবৃদ্ধরমণী ।

হেরি এ বিপুল দহনরত্ন
 আকুল হৃদয় যেন পতঙ্গ
 ঢালিবারে চাহে আপন অঙ্গ,
 কাটিবারে চাহে ধমনী
 হে নগরী, তব কেনিল মণ্ড
 উছসি উছলি পড়িছে সত্ত্ব,

রবীন্দ্র-রচনাবলী

আমি তাহা পান করিব অচ্ছ,
বিশ্বত হব আপনা ।

অয়ি মানবের পাষণী ধাত্রী,
আমি হব তব মেলার ধাত্রী
সৃষ্টিবিহীন মন্ত রাত্রি

জাগরণে করি যাপনা ।

ঘূর্ণচক্র জনতাসংঘ,
বন্ধনহীন মহা-আসঙ্ক
তারি মাঝে আমি করিব ভঙ্গ
আপন গোপন স্বপনে ।

ক্ষুদ্র শাস্তি করিব তুচ্ছ,
পড়িব নিম্নে, চড়িব উচ্চ,
ধরিব ধূমকেতুর পুচ্ছ,

বাহু বাড়াইব তপনে ।

নব নব খেলা খেলে অদৃষ্ট
কখনো ইষ্ট কভু অনিষ্ট,
কখনো তিস্ত কখনো মিষ্ট,

যখন যা দেয় তুলিয়া—

স্বপ্নের দুখের চক্র মধ্যে
কখনো উঠিব উধাও পড়ে,
কখনো লুটিব গভীর গঙ্গে,

নাগরদোলায় তুলিয়া ।

হাতে তুলি লব বিজয়বাণ
আমি অশাস্ত, আমি অবাধ্য
যাহা কিছু আছে অতি অসাধ্য

তাহারে ধরিব সবলে ।

আমি নির্মম আমি নৃশংস
সবেতে বসাব নিজের অংশ,
পরমুখ হতে করিয়া ভ্রংশ

তুলিব আপন কবলে ।

মনেতে আনিব সকল পৃথী
আমারি চরণ-আগনভিত্তি,
রাজার রাজ্য দস্যবৃত্তি
কোনো ভেদ নাহি উভয়ে ।

ধনসম্পদ করিব নশ্ত,
লুণ্ঠন করি আনিব শস্ত,
অশ্বমেধের মুক্ত অশ্ব
ছুটাব বিশ্বে অভয়ে ।

নব নব স্কৃধা, নূতন তৃষ্ণা,
নিত্যনূতন কর্মনিষ্ঠা,
জীবনগ্রহে নূতন পৃষ্ঠা
উলটিয়া যাব হরিতে ।

অটল কুটিল চলেছে পদ
নাহি তার আদি নাহিকো অস্ত,
উদ্দামবেগে ধাই তুরস্ত
সিদ্ধু-শৈল-সরিতে ।

ওধু সম্মুখ চলেছি লক্ষি
আমি নীড়হারা নিশার পক্ষী,
তুমিও ছুটিছ চপলা লক্ষ্মী
আলেয়া-হাস্তে বাঁধিয়া ।
পূজা দিয়া পদে করি না ভিক্ষা,
বসিয়া করি না তব প্রতীক্ষা,
কে করে জিনিবে হবে পরীক্ষা—

আনিব তোমারে বাঁধিয়া ।
মানবজন্ম নহে তো নিত্য,
ধনজনমান খ্যাতি ও বিস্ত
নহে তারা কারো অধীন ভৃত্য—
কাল-নদী ধায় অধীরা ।

তবে দাও চালি— কেবলমাত্র
ছ-চারি দিবস, ছ-চারি রাজ,

পূর্ণ করিয়া জীবনপাত্র
জন্মসংঘাতমদিরা ।

পূর্ণিমা

পড়িতেছিলাম গ্রন্থ বসিয়া একেলা
সঙ্গীহীন প্রবাসের শূন্য সন্ধ্যাবেলা
করিবারে পরিপূর্ণ । পণ্ডিতের লেখা
সমালোচনার তত্ত্ব ; পড়ে হয় শেখা
সৌন্দর্য কাহারে বলে— আছে কী কী বীজ
কবিত্বকলায় ; শেলি, গেটে, কোল্‌রীজ
কার কোন্‌ শ্রেণী । পড়ি পড়ি বহুক্ষণ
তাপিয়া উঠিল শির, শান্ত হল মন,
মনে হল সব মিথ্যা, কবিত্ব কল্পনা
সৌন্দর্য সুরূচি রস সকলি জল্পনা
লিপিবণিকের— অন্ধ গ্রন্থকীটগণ
বহু বর্ষ ধরি শুধু করিছে রচন
শব্দমরীচিকাজাল, আকাশের 'পরে
অকর্ম আলস্তাবেশে হুলিবার তরে
দীর্ঘ রাত্রিদিন ।

অবশেষে শ্রান্তি মানি
তক্রাতুর চোখে, বন্ধ করি গ্রন্থখানি
ঘড়িতে দেখিহু চাহি দ্বিপ্রহর রাত্তি,
চমকি আসন ছাড়ি নিবাইহু বাত্তি ।
যেমনি নিবিল আলো, উচ্ছ্বসিত শ্রোতে
মুক্ত হারে, বাতায়নে, চতুর্দিক হতে
চকিতে পড়িল কক্ষে বক্ষে চক্ষে আসি
ত্রিভুবনবিপ্লাবিনী মৌন স্বেদাহাসি ।

হে স্নানরী, হে প্রেয়সী, হে পূর্ণপূর্ণিমা,
 অনন্তের অন্তরশায়িনী, নাহি সীমা
 তব রহস্যের । এ কী মিষ্ট পরিহাসে
 সংশয়ীর শুষ্ক চিত্ত সৌন্দর্য-উচ্ছ্বাসে
 মুহূর্তে ডুবালে । কখন ছুয়ারে এসে
 মুখানি বাড়ায়, অভিসারিকার বেশে
 আছিলে দাঁড়ায়, এক প্রান্তে, সুররানী,
 সূদূর নক্ষত্র হতে সাথে করে আনি
 বিশ্বভরা নীরবতা । আমি গৃহকোণে
 তর্কজালবিজড়িত ঘন বাক্যবনে
 শুষ্কপত্রপরিকীরণ অক্ষরের পথে
 একাকী ভ্রমিতেছিলাম শূন্য মনোরথে
 তোমারি সন্ধানে । উদ্ভ্রান্ত এ ভকতেরে
 এতক্ষণ ঘুরাইলে ছলনার ফেরে ।
 কী জানি কেমন করে লুকায়ে দাঁড়ালে
 একটি ক্ষণিক ক্ষুদ্র দীপের আড়ালে
 হে বিশ্বব্যাপিনী লক্ষ্মী । মুগ্ধ কর্ণপুটে
 গ্রহ হইতে গুটিকত বৃথা বাক্য উঠে
 আচ্ছন্ন করিয়াছিল, কেমনে না জানি,
 লোকলোকান্তরপূর্ণ তব মৌনবাণী ।

১৬ অগ্রহায়ণ, পূর্ণিমা, ১৩০২

আবেদন

ভৃত্য । জয় হোক মহারানী । রাজরাজেশ্বরী,
 দীন ভৃত্যে করো দয়া ।
 রানী । সত্য ভঙ্গ করি
 সকলেই গেল চলি যথাযোগ্য কাজে
 আমার সেবকবৃন্দ বিশ্বরাজ্যমাঝে,

রবীন্দ্র-রচনাবলী

মোর আজ্ঞা মোর মান লয়ে শীর্ষদেশে
জয়শব্দ সগর্বে বাজায়ে । সভাশেষে
তুমি এলে নিশাস্তের শশাঙ্ক-সমান
ভক্ত ভৃত্য মোর । কী প্রার্থনা ?

ভৃত্য । মোর স্থান

সর্বশেষে, আমি তব সর্বাধম দাস
মহোত্তমে । একে একে পরিতৃপ্ত-আশ
সবাই আনন্দে যবে ঘরে ফিরে যায়
সেইক্ষণে আমি আসি নির্জন সভায়,
একাকী আসীনা তব চরণতলের
প্রান্তে বসে ভিক্ষা মাগি শুধু সকলের
সর্ব-অবশেষটুকু ।

রানী । অবোধ ভিক্ষুক,
অসময়ে কী তোরে মিলিবে ।

ভৃত্য । হাসিমুখে
দেখে চলে যাব । আছে দেবী, আরো আছে —
নানা কর্ম নানা পদ নিল তোর কাছে
নানা জনে ; এক কর্ম কেহ চাহে নাই,
ভৃত্য'পরে দয়া করে দেহ মোরে তাই—
আমি তব মালকের হব মালাকর ।

রানী । মালাকর ?

ভৃত্য । ক্ষুদ্র মালাকর । অবসর
লব সব কাজে । যুদ্ধ-অস্ত্র ধনুঃশর
ফেলিহু ভূতলে, এ উষ্ণীষ রাজসাজ
রাখিহু চরণে তব— যত উচ্চকাজ
সব ফিরে লও দেবী । তব দূত করি
মোরে আর পাঠায়ো না, তব স্বর্ণতরী
দেশে দেশান্তরে লয়ে । জয়ধ্বজা তব
দিগ্দিগন্তে করিয়া প্রচার, নব নব
দিগ্বিজয়ে পাঠায়ো না মোরে । পরপারে

তব রাজ্য কর্মবশধনজনভারে
 অসীমবিভূত— কত নগরনগরী,
 কত লোকালয়, বন্দরেতে কত তরী,
 বিপণিতে কত পণ্য— ওই দেখো দূরে
 মন্দিরশিখরে আর কত হর্য্যচূড়ে
 দিগন্তে করেছি দংশন, কলোচ্ছ্বাস
 খসিয়া উঠিছে শূন্যে করিবারে গ্রাম
 নক্ষত্রের নিত্যনীরবতা। বহু ভৃত্য
 আছে হোথা, বহু সৈন্য তব জাগে নিত্য
 কতই প্রহরী। এ পারে নির্জন তীরে
 একাকী উঠেছে উর্ধ্বে উচ্চ গিরিশিখরে
 রঞ্জিত মেঘের মাঝে তুষারধবল
 তোমার প্রাসাদসৌধ, অনিন্দ্যনির্মল
 চন্দ্রকাস্তমণিময়। বিজনে বিরলে
 হেথা তব দক্ষিণের বাতায়নতলে
 মঞ্জরিত-ইন্দুমল্লী-বল্লরীবিতানে,
 ঘনচ্ছায়ে, নিভৃত কপোতকলগানে
 একান্তে কাটিবে বেলা; স্ফটিকপ্রাঙ্গণে
 জলধয়ে উৎসধারা কল্লোলক্রন্দনে
 উচ্ছ্বসিবে দীর্ঘদিন ছলছলছল—
 মধ্যাহ্নে করি দিবে বেদনাবিস্মল
 করুণাকাতর। অদূরে অলিন্দ'পরে
 পুঞ্জ পুঞ্জ বিস্ফারিয়া স্ফীত গর্ভভরে
 নাচিবে ভবনশিখী, রাজহংসদল
 চরিবে শৈবালবনে করি কোলাহল
 ঝাঁকায়ে ধবল গ্রীবা, পাটলা হরিণী
 ফিরিবে শ্রায়ল ছায়ে। অয়ি একাকিনী,
 আমি তব মালঙ্কর হব মালাকর।
 রানী। ওরে তুই কর্মভীরু অলস কিঙ্কর,
 কী কাজে লাগিবি।

রবীন্দ্র-রচনাবলী

ভূত্য । অকাজের কাজ যত,
আলস্যের সহস্র সঞ্চয় । শত শত
আনন্দের আয়োজন । যে অরণ্যপথে
কর তুমি সঞ্চরণ বসন্তে শরতে
প্রত্যুষে অরুণোদয়ে, প্লথ অঙ্গ হতে
তপ্ত নিত্রালসখানি স্নিগ্ধ বায়ুশ্রোতে
করি দিয়া বিসর্জন, সে বনবীথিকা
রাখিব নবীন করি । পুষ্পাকরে লিখা
তব চরণের স্ততি প্রত্যহ উষায়
বিকশি উঠিবে তব পরশভ্রমায়
পুলকিত তৃণপুঞ্জতলে । সন্ধ্যাকালে
যে মঞ্জু মালিকাখানি জড়াইবে ভালে
কবরী বেষ্টন করি, আমি নিজ করে
রচি সে বিচিত্র মালা সাক্ষ্য যুধীশ্বরে,
সাজায়ে স্তব্ধ-পাত্রে তোমার সম্মুখে
নিঃশব্দে ধরিব আসি অবনতমুখে—
ষেথায় নিভৃত কক্ষে ঘন কেশপাশ
তিমিরনির্ঝরসম উন্মুক্ত-উচ্ছ্বাস
তরঙ্গকুটিল এলাইয়া পৃষ্ঠপরে,
কনকমুকুর অঙ্কে, স্তম্ভপদ্মকরে
বিনাইবে বেণী । কুমুদসরসীকূলে
বসিবে যখন সপ্তপর্ণতরুমূলে
মালতী-দোলায়— পত্রচ্ছেদ-অবকাশে
পড়িবে ললাটে চক্ষে বক্ষে বেশবাসে
কৌতূহলী চন্দ্রমার সহস্র চূষন,
আনন্দিত তম্বুখানি করিয়া বেষ্টন
উঠিবে বনের গন্ধ বাসনা-বিভোল
নিখাসের প্রায়, মৃদু ছন্দে দিব দোল
মৃদুমন্দ সমীরের মতো । অনিমেঘে
যে প্রদীপ জলে তব শয্যাশিরোদেশে

সারা স্তম্ভনিশি, সুরনরস্বপ্নাভীত
 নিদ্রিত শ্রীঅঙ্গপানে স্থির অকম্পিত
 নিদ্রাহীন আখি মেলি— সে প্রদীপখানি
 আমি জ্বালাইয়া দিব গন্ধতৈল আনি ।
 শেফালির বৃন্ত দিয়া রাধাইব, রানী,
 বসন বাসন্তী রঙে । পাদপীঠখানি
 নব ভাবে নব রূপে শুভ-আলিম্পনে
 প্রত্যহ রাখিব অঙ্কি কুঙ্কুমে চন্দনে
 কল্পনার লেখা । নিকুঞ্জের অমুচর,
 আমি তব মালঙ্কের হব মালাকর ।

রানী । কী লইবে পুরস্কার ।

ভৃত্য । প্রত্যহ প্রভাতে

ফুলের কঙ্কণ গড়ি কমলের পাতে
 আনিব ষখন, পদোর কলিকাসম
 ক্ষুদ্র তব মুষ্টিখানি করে ধরি মম
 আপনি পরায়ে দিব, এই পুরস্কার ।
 অশোকের কিশলয়ে গাঁথি দিব হার
 প্রতি সন্ধ্যাবেলা, অশোকের রক্তকাস্তে
 চিত্রি-পদতল চরণ-অঙ্গুলিপ্ৰান্তে
 লেশমাত্র রেণু চূষিয়া মুছিয়া লব,
 এই পুরস্কার ।

রানী । ভৃত্য, আবেদন তব

করিতু গ্রহণ । আছে মোর বহু মন্ত্রী,
 বহু সৈন্ত, বহু সেনাপতি— বহু যজ্ঞী
 কর্মযন্ত্রে রত— তুই থাক্ চিরদিন
 স্বেচ্ছাবন্দী দাস খ্যাতিহীন, কর্মহীন ।
 রাজসভা-বহিঃপ্রান্তে রবে তোমার ঘর—
 তুই মোর মালঙ্কের হবি মালাকর ।

[অঙ্গপথে শিলাইদহ-অভিমুখে]

উর্বশী

নহ মাতা, নহ কন্যা, নহ বধু, স্নানরূপসী,

হে নন্দনবাসিনী উর্বশী ।

গোষ্ঠে যবে সন্ধ্যা নামে শ্রান্ত দেহে স্বর্ণাঞ্চল টানি

তুমি কোনো গৃহপ্রান্তে নাহি জ্বল সন্ধ্যাদীপখানি,

দ্বিধায় জড়িত পদে কম্পবক্ষে নব্রনেত্রপাতে

শ্মিতহাস্তে নাহি চল সলঙ্কিত বাসরশয্যাতে

স্তুক অর্ধরাতে ।

উষার উদয়সম অনবগুণ্ঠিতা

তুমি অকুণ্ঠিতা ।

বৃন্তহীন পুষ্পসম আপনাতে আপনি বিকশি

কবে তুমি ফুটিলে উর্বশী ।

আদিম বসন্তপ্রাতে উঠেছিলে মন্বিত সাগরে

ডান হাতে সূধাপাত্র বিষভাণ্ড লয়ে বাম করে,

তরঙ্গিত মহাসিন্ধু মন্বশান্ত ভূঙ্গের মতো

পড়েছিল পদপ্রান্তে উচ্ছ্বসিত ফণা লক্ষ শত

করি অবনত ।

কুন্দশুভ্র নগ্নকাস্তি সুরেন্দ্রবন্দিতা,

তুমি অনিন্দিতা ।

কোনোকালে ছিলে না কি মুকুলিকা বালিকা-বয়সী

হে অনন্তযৌবনা উর্বশী ।

আঁধার পাথরতলে কার ঘরে বসিয়া একেলা

মানিক মুকুতা লয়ে করেছিলে শৈশবের খেলা,

মণিদীপদীপ্ত কক্ষে সমুদ্রের কল্লোলসংগীতে

অকলঙ্ক হাস্যমুখে প্রবাল-পালঙ্কে ঘুমাইতে

কার অকটিতে ।

যখনি জাগিলে বিখে, বোবনে গঠিতা
পূর্ণপ্রস্ফুটিত।

যুগযুগান্তর হতে তুমি শুধু বিশ্বের প্রেমসী
হে অপূর্ব শোভনা উর্বশী।

মুনিগণ ধ্যান ভাঙি দেয় পদে তপস্তার ফল,
তোমারি কটাক্ষঘাতে জিভুবন বোবনচঞ্চল,
তোমার মদির গন্ধ অঙ্কবায়ু বহে চারিভিত্তে,
মধুমত্ত ভৃঙ্গসম মুগ্ধ কবি ফিরে লুকুচিতে
উদ্দাম সংগীতে।

নৃপুর গুঞ্জরি যাও আকুল-অঞ্চলা
বিদ্যুৎ-চঞ্চলা।

স্বরসভাতলে যবে নৃত্য কর পুলকে উল্লসি
হে বিলোলহিল্লোল উর্বশী,
ছন্দে ছন্দে নাচি উঠে সিক্কুমাঝে তরঙ্গের দল,
শশ্বেদীর্ঘে শিহরিয়া কাপি উঠে ধরার অঞ্চল,
তব স্তনহার হতে নভস্তলে খসি পড়ে তারা—
অকস্মাৎ পুরুষের বক্ষোমাঝে চিত্ত আত্মহারা,
নাচে রক্তধারা।

দিগন্তে মেখলা তব টুটে আচম্বিতে
অগ্নি অসম্ব্রুতে।

স্বর্গের উদয়াচলে মূর্তিমতী তুমি হে উষসী,
হে ভুবনমোহিনী উর্বশী।
অগতের অক্রথারে ধোঁত তব তরুর তনিয়া,
ত্রিলোকের হৃদিরস্ত্রে আঁকা তব চরণশোণিয়া।
মুক্তবেগী বিবসনে, বিকশিত বিশ্ব-বাসনার

অরবিন্দ-মাঝখানে পাদপদ্ম রেখেছ তোমার
 অতি লঘুভার—
 অখিল মানসস্বর্গে অনন্তরঙ্গিনী,
 হে স্বপ্নসঙ্গিনী ।

ওই স্তন দিশে দিশে তোমা লাগি কাঁদেছে কন্দসী
 হে নিষ্ঠুরা বধিরা উর্বশী ।
 আদিযুগ পুরাতন এ জগতে ফিরিবে কি আর,
 অতল অকূল হতে সিন্ধুকেশে উঠিবে আবার ?
 প্রথম সে তরুখানি দেখা দিবে প্রথম প্রভাতে,
 সর্বাঙ্গ কাঁদিবে তব নিখিলের নয়ন-আঘাতে
 বারিবিন্দুপাতে—
 অকস্মাৎ মহামুখি অপূর্ব সংগীতে
 রবে তরঙ্গিতে ।

ফিরিবে না, ফিরিবে না— অস্ত গেছে সে গৌরবশশী,
 অস্তাচলবাসিনী উর্বশী ।
 তাই আজি ধরাতলে বসন্তের আনন্দ-উচ্ছ্বাসে
 কার চিরবিরহের দীর্ঘশ্বাস মিশে বহে আসে,
 পূর্ণিমানিশীথে যবে দশ দিকে পরিপূর্ণ হাসি
 দূরস্বতি কোথা হতে বাজায় ব্যাকুল-করা বাঁশি—
 করে অশ্রুবাঁশি ।
 তবু আশা জেগে থাকে প্রাণের কন্দনে
 অগ্নি অবহনে ।

[জলপথে শিলাইদহ-অভিমুখে]

২৩ অগ্রহায়ণ, ১৩০২

স্বর্গ হইতে বিদায়

ম্লান হয়ে এল কণ্ঠে মন্দারমালিকা,
 হে মহেন্দ্র, নির্বাণিত জ্যোতির্ময় টিকা
 মলিন ললাটে । পুণ্যবল হল ক্ষীণ,
 আজি মোর স্বর্গ হতে বিদায়ের দিন
 হে দেব, হে দেবীগণ । বর্ষ লক্ষশত
 যাপন করেছি হর্ষে দেবতার মতো
 দেবলোকে । আজি শেষ বিচ্ছেদের ক্ষণে
 লেশমাত্র অশ্রু রেখা স্বর্গের নয়নে
 দেখে যাব এই আশা ছিল । শোকহীন
 হৃদিহীন সুখস্বর্গভূমি, উদাসীন
 চেয়ে আছে । লক্ষ লক্ষ বর্ষ তার
 চক্ষের পলক নহে ; অশ্রুশাখার
 প্রান্ত হতে খসি গেলে জীর্ণতম পাতা
 ষতটুকু বাজে তার, ততটুকু ব্যথা
 স্বর্গে নাহি লাগে, যবে মোরা শত শত
 গৃহচ্যুত হতজ্যোতি নক্ষত্রের মতো
 মুহূর্তে খসিয়া পড়ি দেবলোক হতে
 ধরিজীর অস্তহীন জন্মমৃত্যুশ্রোতে ।
 সে বেদনা বাস্তবিত ষত্বেপি, বিরহের
 ছায়ারেখা দিত দেখা, তবে স্বর্গের
 চিরজ্যোতি ম্লান হত মর্ত্যের মতন
 কোমল শিশিরবাশ্পে— নন্দনকানন
 মর্মরিয়া উঠিত নিশ্বসি, মন্দাকিনী
 কূলে কূলে গেয়ে যেত করুণ কাহিনী
 কলকণ্ঠে, সন্ধ্যা আসি দিবা-অবসানে
 নির্জন প্রান্তর-পারে দিগন্তের পানে
 চলে যেত উদাসিনী, নিস্তরু নিশীথ
 ঝিল্লিময়ে শুনাইত বৈরাগ্যসংগীত

রবীন্দ্র-রচনাবলী

নক্ষত্রসভায় । মাঝে মাঝে সুরপুরে
 নৃত্যপরা মেনকার কনকনুপুরে
 তালভঙ্গ হত । হেলি উর্বশীর স্তনে
 স্বর্ণবীণা থেকে থেকে যেন অশ্রুমনে
 অকস্মাৎ ঝংকারিত কঠিন পীড়নে
 নিদারুণ করুণ মূর্ছনা । দিত দেখা
 দেবতার অশ্রুহীন চোখে জলরেখা
 নিষ্কারণে । পতিপাশে বসি একাসনে
 সহসা চাহিত শচী ইন্দ্রের নয়নে
 যেন খুঁজি পিপাসার বারি । ধরা হতে
 মাঝে মাঝে উচ্ছ্বসি আসিত বায়ুশ্রোতে
 ধরণীর সুদীর্ঘ নিশ্বাস— খসি ঝরি
 পড়িত নন্দনবনে কুসুমমঞ্জরী ।

থাকে। স্বর্গ হাশ্বমুখে, করে সুধাপান
 দেবগণ । স্বর্গ তোমাদেরি সুখস্থান—
 মোরা পরবাসী । মর্ত্যভূমি স্বর্গ নহে,
 সে যে মাতৃভূমি— তাই তার চক্ষে বহে
 অশ্রুজলধারা, যদি দু দিনের পরে
 কেহ তারে ছেড়ে যায় দু দণ্ডের তরে ।
 যত ক্ষুদ্র, যত ক্ষীণ, যত অভাজন,
 যত পাপীতাপী, মেলি ব্যগ্র আলিঙ্গন
 সবারে কোমল বক্ষে বাঁধিবারে চায়—
 ধূলিমাখা তনুস্পর্শে হৃদয় জুড়ায়
 জননীর । স্বর্গে তব বহুক অমৃত,
 মর্ত্যে থাক্ সুখে দুঃখে অনন্তমিশ্রিত
 প্রেমধারা— অশ্রুজলে চিরশ্রাম করি
 ভূতলের স্বর্গখণ্ডগুলি ।

হে অপ্সরী,

তোমার নয়নজ্যোতি প্রেমবেদনার
 কতু না হউক ম্লান— লইছ বিদায় ।
 তুমি কারে কর না প্রার্থনা, কারো তরে
 নাহি শোক । ধরাতলে দীনতম ঘরে
 যদি জন্মে প্রেয়সী আমার, নদীতীরে
 কোনো-এক গ্রামপ্রান্তে প্রচ্ছন্ন কুটিরে
 অশখছায়ায়, সে বালিকা বন্ধে তার
 রাখিবে সঞ্চয় করি স্মৃতির ভাণ্ডার
 আমারি লাগিয়া সবতনে । শিশুকালে
 নদীকূলে শিবমূর্তি গড়িয়া সকালে
 আমারে মাগিয়া লবে বর । সন্ধ্যা হলে
 জলস্ত প্রদীপখানি ভাসাইয়া জলে
 শঙ্কিত কম্পিত বন্ধে চাহি একমনা
 করিবে সে আপনার সৌভাগ্যগণনা
 একাকী দাঁড়িয়ে ঘাটে । একদা স্মরণে
 আসিবে আমার ঘরে সন্নত নয়নে
 চন্দনচর্চিত ভালে রক্তপট্টায়রে,
 উৎসবের বাশরিসংগীতে । তার পরে
 স্মৃতিনে ছুঁতিনে, কল্যাণকঙ্কণ করে,
 সীমন্তসীমায় মঙ্গলসিন্দূরবিন্দু,
 গৃহলক্ষ্মী দুঃখে স্মৃথে, পূর্ণিমায় ইন্দু
 সংসারের সমুদ্রশিয়রে । দেবগণ,
 মাঝে মাঝে এই স্বর্গ হইবে স্মরণ
 দূরস্বপ্নসম, যবে কোনো অধরাতে
 সহসা হেরিব জাগি নির্মল শয্যাতে
 পড়েছে চক্রে আলো, নিদ্রিতা প্রেয়সী,
 লুপ্তিত শিথিল বাহু, পড়িয়াছে ধসি
 গ্রন্থি শরমের— যুছ সোহাগচূষনে
 সচকিতে জাগি উঠি গাঢ় আলিঙ্গনে
 লতাইবে বন্ধে মোর— দক্ষিণ অনিল

রবীন্দ্র-রচনাবলী

আনিবে ফুলের গন্ধ, আগ্রত কোকিল
গাহিবে হৃদয় শাখে ।

অয়ি দীনহীনা,
অশ্রু-আধি দুঃখাতুরা জননী মলিনা,
অয়ি মর্ত্যভূমি । আজি বহুদিন পরে
কাঁদিয়া উঠেছে মোর চিত্ত তোর তরে ।
যেমনি বিদায়দুঃখে শুষ্ক ছই চোখ
অশ্রুতে পুরিল, অমনি এ স্বর্গলোক
অলস কল্পনাপ্রায় কোথায় মিলালো
ছায়াচ্ছবি । তব নীলাকাশ, তব আলো,
তব জনপূর্ণ লোকালয়, সিদ্ধুতীরে
হৃদীর্ঘ বালুকাতট, নীল গিরিশিরে
শুভ্র হিমরেখা, তরুশ্রেণীর মাঝারে
নিঃশব্দ অরুণোদয়, শূন্য নদীপারে
অবনতমুখী সন্ধ্যা— বিন্দু-অশ্রুজলে
যত প্রতিবিশ্ব যেন দর্পণের তলে
পড়েছে আসিয়া ।

হে জননী পুত্রহারা,
শেষ বিচ্ছেদের দিনে যে শোকাশ্রুধারা
চক্ষু হতে ঝরি পড়ি তব মাতৃস্তন
করেছিল অভিষিক্ত, আজি এতক্ষণ
সে অশ্রু শুকায়ে গেছে । তবু আনি মনে
যখনি ফিরিব পুন তব নিকেতনে
তখনি দুখানি বাহু ধরিবে আমার,
বাজ্রিবে মঙ্গলশঙ্খ, স্নেহের ছায়ায়
দুঃখে স্মৃখে ভয়ে ভরা প্রেমের সংসারে
তব গেহে, তব পুত্রকঙ্কার মাঝারে,
আমারে লইবে চিরপরিচিতসম—

তার পরদিন হতে শিয়রেতে মম
সারাক্ষণ জাগি রবে কম্পমান প্রাণে,
শঙ্কিত অস্তরে, উর্ধ্বে দেবতার পানে
যেলিয়া করুণ দৃষ্টি, চিস্তিত সদাই
যাহারে পেয়েছি তারে কখন হারাই ।

২৪ অগ্রহায়ণ, ১৩০২

দিনশেষে

দিনশেষ হয়ে এল, আধারিল ধরণী,
আর বেয়ে কাজ নাই তরণী ।
'হ্যাগো এ কাদের দেশে
বিদেশী নামিছ এসে'
তাহারে শুধায় হেসে যেমনি—
অমনি কথা না বলি
ভরা ঘট ছলছলি
নতমুখে গেল চলি তরণী ।
এ ঘাটে বাধিব মোর তরণী ।

নামিছে নীরব ছায়া ঘনবনশয়নে,
এ দেশ লেগেছে ভালো নয়নে ।
স্থির জলে নাহি সাড়া,
পাতাগুলি গতিহারা,
পাখি যত ঘুমে সারা কাননে—
শুধু এ সোনার সাঁঝে
বিজনে পথের মাঝে
কলস কাঁদিয়া বাজে কাঁকনে ।
এ দেশ লেগেছে ভালো নয়নে ।

রবীন্দ্র-রচনাবলী

ঝলিছে মেঘের আলো কনকের ত্রিশূলে,
 দেউটি জলিছে দূরে দেউলে ।
 খেত পাথরেতে গড়া
 পথখানি ছায়া-করা
 ছেয়ে গেছে ঝরে-পড়া বকুলে ।
 সারি সারি নিকেতন,
 বেড়া-দেওয়া উপবন,
 দেখে পথিকের মন আকুলে ।
 দেউটি জলিছে দূরে দেউলে ।

রাজার প্রাসাদ হতে অতিদূর বাতাসে
 ভাসিছে পুরবীগীতি আকাশে ।
 ধরণী সমুখপানে
 চলে গেছে কোন্‌খানে,
 পরান কেন কে জানে উদাসে ।
 ভালো নাহি লাগে আর
 আসা-যাওয়া বারবার
 বহুদূর দূরশার প্রবাসে ।
 পুরবী রাগিণী বাজে আকাশে ।

কাননে প্রাসাদচূড়ে নেমে আসে রজনী,
 আর বেয়ে কাজ নাই তরণী ।
 যদি কোথা খুঁজে পাই
 মাথা রাখিবার ঠাই
 বেচাকেনা ফেলে যাই এখনি—
 যেখানে পথের বাঁকে
 গেল চলি নত আঁখে
 ভরা ঘট লয়ে কাঁখে তরণী ।
 এই ঘাটে বাঁধো মোর তরণী ।

সাস্ত্রনা

কোথা হতে দুই চক্ষু ভরে নিয়ে এলে জল
 হে প্রিয় আমার ।
 হে ব্যথিত, হে অনাস্ত, বলো আজি গাব গান
 কোন্ সাস্ত্রনার ।
 হেথায় প্রাস্তরপারে
 নগরীর এক ধারে
 সায়াকের অঙ্ককারে
 জালি দীপখানি
 শূন্য গৃহে অন্তমনে
 একাকিনী বাতায়নে
 বসে আছি পুষ্পাসনে
 বাসরের রানী—
 কোথা বন্ধে বিঁধি কাঁটা ফিরিলে আপন নীড়ে
 হে আমার পাখি ।
 ওরে ক্লিষ্ট, ওরে ক্লান্ত, কোথা তোর বাজে ব্যথা,
 কোথা তোরে রাখি ।

চারি দিকে তমস্বিনী রজনী দিয়েছে টানি
 মায়াময়-ঘের—
 ছয়ার রেখেছি রুধি, চেয়ে দেখো কিছু হেথা
 নাহি বাহিরের ।
 এ যে দুজনের দেশ,
 নিখিলের সব শেষ,
 মিলনের রসাবেশ
 অনন্ত ভবন—
 শুধু এই এক ঘরে
 ছুখানি ছদয় ধরে,

রবীন্দ্র-রচনাবলী

দুজনে সৃজন করে

নূতন ভুবন ।

একটি প্রদীপ শুধু এ আধারে যতটুকু

আলো করে রাখে

সেই আমাদের বিশ্ব, তাহার বাহিরে আর

চিনি না কাহাকে ।

একখানি বীণা আছে, কভু বাজে মোর বুকে

কভু তব কোরে ।

একটি রেখেছি মালা, তোমাতে পরায়ে দিলে

তুমি দিবে মোরে ।

এক শয্যা রাজধানী,

আধেক আচলখানি

বন্ধ হতে লয়ে টানি

পাতিব শয়ন ।

একটি চূষন গড়ি

দৌহে লব ভাগ করি—

এ রাজত্বে, মরি মরি,

এত আয়োজন ।

একটি গোলাপফুল রেখেছি বন্ধের মাঝে,

তব ভ্রাণশেষে

আমারে ফিরায়ে দিলে অধরে পরশি তাহা

পরি লব কেশে ।

আজ্ঞ করেছিহু মনে তোমাতে করিব রাজ্য

এই রাজ্যপাটে,

এ অমর বরমালা আপনি যতনে তব

জড়াব ললাটে ।

মঙ্গলপ্রদীপ ধরে

লইব বরণ করে,

পুষ্পসিংহাসন'পরে
 বসাব তোমার—
 তাই গাঁথিয়াছি হার,
 আনিয়াছি ফুলভার,
 দিয়েছি নূতন ভার
 কনকবীণায় ।

আকাশে নক্ষত্রসভা নীরবে বসিয়া আছে
 শাস্ত কোতূহলে—
 আজি কি এ মালাধানি সিক্ত হবে, হে রাজন,
 নয়নের জলে ।

কঙ্ককণ্ঠ, গীতহারা, কহিয়ো না কোনো কথা,
 কিছু শুধাব না—
 নীরবে লইব প্রাণে তোমার হৃদয় হতে
 নীরব বেদনা ।
 প্রদীপ নিবায়ে দিব,
 বন্ধে মাথা তুলি নিব,
 স্নিগ্ধ করে পরশিব
 সজল কপোল—
 বেগীমুক্ত কেশজাল
 স্পর্শিবে তাপিত ভাল,
 কোমল বন্ধের তাল
 মুহুমন্দ দোল ।

নিশ্বাসবীজনে মোর কাঁপিবে কুন্তল তব,
 মুদ্রিবে নয়ন—
 অর্ধরাতে শাস্তবায়ে নিদ্রিত ললাটে দিব
 একটি চুষন ।

শেষ উপহার

বাহা-কিছু ছিল সব দিছু শেষ করে
 ডালাখানি ভরে—
 কাল কী আনিয়া দিব যুগল চরণে
 তাই ভাবি মনে ।
 বসন্তে সকল ফুল নিঃশেষে ফুটায় দিয়ে
 তরু তার পরে
 এক দিনে দীনহীন, শূণ্ণে দেবতার পানে
 চাহে রিক্ত করে ।

আজি দিন শেষ হলে যদি মোর গান
 হয় অবসান,
 কাল প্রাতে এ গানের স্মৃতিস্বথলেশ
 রবে না কি শেষ ।
 শূণ্ণ খালে মৌনকণ্ঠে নতমুখে আসি যদি
 তোমার সম্মুখে,
 তখন কি অর্গোরবে চাহিবে না এক বার
 ভকতের মুখে ।

দিইনি কি প্রাণপূর্ণ হৃদিপদ্মখানি
 পাদপদ্মে আনি ?
 দিইনি কি কোনো ফুল অমর করিয়া
 অশ্রুতে ভরিয়া ।
 এত গান গাহিয়াছি, তার মাঝে নাহি কি গো
 হেন কোনো গান
 আমি চলে গেলে তবু বহিবে যে চিরদিন
 অনন্ত পরান ।

সেই কথা মনে করে দিবে না কি নথ
 বরমাল্য তব—
 ফেলিবে না আঁধি হতে এক বিন্দু জল
 করণাকোমল
 আমার বসন্তশেবে রিস্তপুষ্প দীনবেশে
 নীরবে যেদিন
 ছলছল আঁধিজলে দাঁড়াইব সভাতলে
 উপহারহীন ।

শৌৰ, ১৩০২

বিজয়িনী

অচ্ছাদনসরসীনিরে রমণী যেদিন
 নামিলা স্নানের তরে, বসন্ত নবীন
 সেদিন ফিরিতেছিল ভুবন ব্যাপিয়া
 প্রথম প্রেমের মতো কাঁপিয়া কাঁপিয়া
 ক্ষণে ক্ষণে শিহরি শিহরি । সমীরণ
 প্রলাপ বকিতেছিল প্রচ্ছায়সঘন
 পল্লবশয়নতলে, মধ্যাহ্নের জ্যোতি
 মুছিত বনের কোলে, কপোতদম্পতী
 বসি শান্ত অকম্পিত চম্পকের ডালে
 ঘন চঞ্চুঘনের অবসরকালে
 নিভৃতে করিতেছিল বিহ্বল কৃজন ।

তীরে খেতশিলাতলে সুনীল বসন
 লুটাইছে একপ্রান্তে অলিতগৌরব
 অনাদৃত— শ্রীঅঙ্কের উত্তপ্ত সৌরভ
 এখনো জড়িত তাহে— আবুপরিশেব

মূর্ছাশ্চিত দেহে যেন জীবনের লেশ—
 লুটায় মেখলাখানি ত্যজি কটদেশ
 মৌন অপমানে । নূপুর রয়েছে পড়ি,
 বন্ধের নিচোলবাস যায় গড়াগড়ি
 ত্যজিয়া যুগল স্বর্গ কঠিন পাষাণে ।
 কনকদর্পণখানি চাহে শূন্যপানে
 কার মুখ স্মরি । স্বর্ণপাত্রে স্তম্ভিত
 চন্দনকুমুদপঙ্ক, লুপ্তিত লঙ্কিত
 দুটি রক্ত শতদল, অগ্নানন্দর
 শ্বেত করবীর মালা— ধৌত শুক্লাঙ্গুর
 লঘু স্বচ্ছ, পূর্ণিমার আকাশের মতো ।
 পরিপূর্ণ নীল নীর স্থির অনাহত—
 কূলে কূলে প্রসারিত বিহ্বল গভীর
 বুক-ভরা আলিঙ্গনরাশি । সরসীর
 প্রাস্তদেশে, বকুলের ঘনচ্ছায়াতলে
 শ্বেতশিলাপটে, আবক্ষ ডুবায়ে জলে
 বসিয়া সুন্দরী, কম্পমান ছায়াখানি
 প্রসারিয়া স্বচ্ছ নীরে— বন্ধে লয়ে টানি
 সযত্নপালিত শুভ্র রাজহংসীটিরে
 করিছে সোহাগ — নগ্ন বাহুপাশে ঘিরে
 সুকোমল ডানা দুটি, লম্ব গ্রীবা তার
 রাখি স্বচ্ছপরে, কহিতেছে বারম্বার
 স্নেহের প্রলাপবাণী— কোমল কপোল
 ব্লাইছে হংসপৃষ্ঠে পরশবিভোল ।

চৌদিকে উঠিতেছিল মধুর রাগিণী
 জলে স্থলে নভস্তলে ; সুন্দর কাহিনী
 কে যেন রচিতোছিল ছায়ারৌদ্রকরে
 অরণ্যের সৃষ্টি আর পাতার মর্মরে,
 বসন্তদিনের কত স্পন্দনে কম্পনে

নিখাসে উচ্ছ্বাসে ভাবে আভাসে গুণনে
 চমকে ঝলকে । যেন আকাশবীণার
 রবিরশ্মিতশ্রীগুলি সুরবালিকার
 চম্পক-অঙ্গুলি-ঘাতে সংগীতঝংকারে
 কাঁদিয়া উঠিতেছিল— মৌন স্তম্ভতারে
 বেদনার পীড়িয়া মূর্ছিয়া । তরুতলে
 স্থলিয়া পড়িতেছিল নিঃশব্দে বিরলে
 বিবশ বকুলগুলি ; কোকিল কেবলি
 অশ্রাস্ত গাহিতেছিল— বিফল কাকলি
 কাঁদিয়া ফিরিতেছিল বনাস্তর ঘুরে
 উদাসিনী প্রতিধ্বনি ; ছায়ায় অদূরে
 সরোবরপ্রান্তদেশে ক্ষুদ্র নির্ঝরিণী
 কলনৃত্যে বাজাইয়া মানিক্যকিংকিণী
 কল্লোলে মিশিতেছিল ; তৃণাঙ্কিত তীরে
 জলকলকলস্বরে মধ্যাহ্নসমীরে
 সারস ঘুমায়ে ছিল দীর্ঘ গ্রীবাখানি
 ভঙ্কীভরে বাঁকাইয়া পৃষ্ঠে লয়ে টানি
 ধূসর ডানার মাঝে ; রাজহংসদল
 আকাশে বলাকা বাঁধি সত্বর-চঞ্চল
 ত্যজি কোন্ দূরনদীসৈকতবিহার
 উড়িয়া চলিতেছিল গলিতনীহার
 কৈলাসের পানে । বহু বনগন্ধ বহে
 অকস্মাৎ শ্রাস্ত বায়ু উত্তপ্ত আগ্রহে
 লুটায় পড়িতেছিল সূদীর্ঘ নিখাসে
 মুগ্ধ সরসীর বক্ষে স্নিগ্ধ বাহুপাশে ।

মদন, বসন্তসখা, ব্যগ্র কোঁতুহলে
 লুকারে বসিয়া ছিল বকুলের তলে
 পুষ্পাসনে, হেলায় হেলিয়া তরুণরে
 প্রসারিয়া পদযুগ নবতৃণস্তরে ।

গীত উত্তরীয়প্রান্ত লুপ্তিত ভূতলে,
 গ্রন্থিত মালতীমালা কুঞ্চিত কুন্তলে
 গৌর কণ্ঠতটে— মহাশু কটাক্ষ করি
 কোঁতুকে হেরিতেছিল মোহিনী সুন্দরী
 তরুণীর স্নানলীলা । অধীর চঞ্চল
 উৎসুক অঙ্গুলি তার, নির্মল কোমল
 বক্ষস্থল লক্ষ্য করি লয়ে পুষ্পশর
 প্রতীক্ষা করিতেছিল নিজ অবসর ।
 শুষ্করি ফিরিতেছিল লক্ষ মধুকর
 ফুলে ফুলে, ছায়াতলে স্থপ্ত হরিণীরে
 ক্ষণে ক্ষণে লেহন করিতেছিল ধীরে
 বিমুগ্ধনয়ন মৃগ— বসন্ত-পরশে
 পূর্ণ ছিল বনচ্ছায়া আলসে লালসে ।

জলপ্রান্তে ক্ষুধা ক্ষুধা কম্পন রাখিয়া,
 সজল চরণচিহ্ন আঁকিয়া আঁকিয়া
 সোপানে সোপানে, তীরে উঠিলা রূপসী-
 ত্রস্ত কেশভার পৃষ্ঠে পড়ি গেল খসি ।
 অঙ্গে অঙ্গে যৌবনের তরঙ্গ উচ্ছল
 লাবণ্যের মায়ামগ্নে স্থির অচঞ্চল
 বন্দী হয়ে আছে, তারি শিখরে শিখরে
 পড়িল মধ্যাহ্নরোদ্ৰ— ললাটে অধরে
 উরু'পরে কটিতটে স্তনাগ্রচূড়ায়
 বাহুযুগে, সিক্ত দেহে রেখায় রেখায়
 বলকে বলকে । ঘিরি তার চারি পাশ
 নিখিল বাতাস আর অনন্ত আকাশ
 যেন এক ঠাই এসে আগ্রহে সন্নত
 সর্বাঙ্গ চুম্বিল তার, সেবকের মতো
 সিক্ত তনু মুছি নিল আতপ্ত অঞ্চলে
 সযতনে— ছায়াখানি রক্তপদতলে

চ্যুত বসনের মতো রহিল পড়িয়া ।
অরণ্য রহিল শুষ্ক, বিশ্বয়ে মরিয়া ।

ত্যাগিয়া বকুলমূল মুহুমন্দ হাসি
উঠিল অনন্দদেব ।

সম্মুখেতে আসি
ধমকিয়া দাঁড়ালো সহসা । মুখপানে
চাহিল নিমেষহীন নিশ্চল নয়ানে
কর্ণকাল-ভরে । পরক্ষণে ভূমি'পরে
আহু পাতি বসি, নির্বাক বিশ্বয়ভরে
নতশিরে, পুষ্পধনু পুষ্পশরভার
সমর্পিল পদপ্রান্তে পূজা-উপচার
তুণ শূন্য করি । নিরস্ত্র মদনপানে
চাহিলা সুন্দরী শাস্ত প্রসন্ন বয়ানে ।

১ মাঘ, ১৩০২

গৃহশত্রু

আমি একাকিনী ববে চলি রাজপথে
নব অভিসারসাজে,
নিশীথে নীরব নিখিল ভুবন,
না গাহে বিহগ, না চলে পবন,
মৌন সকল পৌর ভবন
স্বপ্ননগরমাঝে—

তধু আমার নুপুর আমারি চরণে
বিমরি বিমরি বাজে ।
অধীর মুখর শুনিয়া সে স্বর
পদে পদে মরি লাজে ।

রবীন্দ্র-রচনাবলী

- আমি চরণশব্দ শুনিব বলিয়া
 বসি বতায়নকাছে—
 অনিমেষ তারা নিবিড় নিশায়,
 লহরীর লেশ নাহি যমুনায়,
 জনহীন পথ আধারে মিশায়,
 পাতাটি কাঁপে না গাছে—
- শুধু আমারি উরসে আমারি হৃদয়
 উলসি বিলসি নাচে ।
 উতলা পাগল করে কলরোল,
 বাঁধন টুটিলে বাঁচে ।
- আমি কুহুমশয়নে মিলাই শরমে,
 মধুর মিলনরাতি—
 স্তব্ধ যামিনী ঢাকে চারিধার,
 নির্বাণদীপ, রুদ্ধ দুয়ার,
 শ্রাবণগগন করে হাহাকার
 তিমিরশয়ন পাতি—
- শুধু আমার মানিক আমারি বক্ষে
 জ্বালায়ে রেখেছে বাতি ।
 কোথায় লুকাই, কেমনে নিবাই
 নিলাজ ভূষণভাতি ।
- আমি আমার গোপন মরমের কথা
 রেখেছি মরমতলে ।
 মলয় কহিছে আপন কাহিনী,
 কোকিল গাহিছে আপন রাগিনী,
 নদী বহি চলে কাঁদি একাকিনী
 আপনার কলকলে—

শুধু আমার কোলের আমারি বীণাটি
 গীতবাংকারছলে
 যে কথা বখন করিব গোপন
 সে কথা তখনি বলে ।

১৫ মাঘ, ১৩০২

মরীচিকা

কেন আসিতেছ মুখ মোর পানে ধেয়ে
 ওগো দিক্‌ভ্রান্ত পান্থ, ত্বর্ষার্ত নয়ানে
 লুকু বেগে । আমি যে ত্বষিত তোমা চেয়ে ।
 আমি চিরদিন থাকি এ মরুশয়ানে
 সঙ্গীহারা । এ তো নহে পিপাসার জল,
 এ তো নহে নিকুঞ্জের ছায়া, পকু ফল
 মধুরসে ভরা, এ তো নহে উৎসধারে
 সিঞ্চিত সরস স্নিগ্ধ নবীন শাঙ্কল
 নয়ননন্দন শ্রাম । পল্লবমাঝারে
 কোথায় বিহঙ্গ কোথা মধুকরদল ।
 শুধু জেনো, একখানি বহিসম শিখা
 তপ্ত বাসনার তুলি আমার সম্বল—
 অনন্ত পিপাসাপটে এ কেবল লিখা
 চিরত্বর্ষার্তের স্বপ্ন মায়ামরীচিকা ।

১৬ মাঘ, ১৩০২

উৎসব

মোর অঙ্গে অঙ্গে যেন আজি বসন্ত-উদয়
কত পত্রপুষ্পময় ।

যেন মধুপের মেলা
গুঞ্জরিছে সারাবেলা,
হেলাভরে করে খেলা
অলস মলয় ।

ছায়া আলো অশ্রু হাসি
নৃত্য গীত বীণা বাঁশি,
যেন মোর অঙ্গে আসি
বসন্ত-উদয়

কত পত্রপুষ্পময় ।

তাই মনে হয় আমি আজি পরম সুন্দর,
আমি অমৃতনির্ঝর ।

সুখসিক্ত নেত্র মম
শিশিরিত পুষ্পসম,
ওষ্ঠে হাসি নিরুপম
মাধুরীমহর ।

মোর পুলকিত হিয়া
সর্বদেহে বিলসিয়া
বক্ষে উঠে বিকশিয়া
পরম সুন্দর,

নব অমৃতনির্ঝর ।

ওগো, যে তুমি আমার মাঝে নূতন নবীন

সদা আছ নিশিদিন,

তুমি কি বসেছ আজি

নব বরবেশে সাজি,
 কুস্তলে কুসুমরাজি,
 অঙ্কে লয়ে বীন,
 ভরিয়া আরতিখালা
 আলায়েছ দীপমালা,
 সাজায়েছ পুষ্পডালা
 নূতন নবীন—
 আজি বসন্তের দিন ।

ওগো তুমি কি উতলাসম বেড়াইছ কিরে
 মোর হৃদয়ের তীরে ?
 তোমারি কি চারিপাশ
 কাঁপে শত অভিলাষ,
 তোমারি কি পটবাস
 উড়িছে সমীরে ?
 নব গান তব মুখে
 ধ্বনিছে আমার বুকে,
 উচ্ছ্বসিয়া স্নেহে ছুখে
 হৃদয়ের তীরে
 তুমি বেড়াইছ কিরে ।

আজি তুমি কি দেখিছ এই শোভা রাশি রাশি
 ওগো মনোবনবাসী ।
 আমার নিখাসবায়
 লাগিছে কি তব গায়,
 বাসনার পুষ্প পায়
 গড়িছে কি আসি ।
 উঠিছে কি কলতান
 মর্মরগুণ্ণরগান,

রবীন্দ্র-রচনাবলী

তুমি কি করিছ পান
মোর স্থধারামি
ওগো মনোবনবাসী ।

আজি এ উৎসবকলরব কেহ নাহি জানে,
শুধু আছে তাহা প্রাণে ।
শুধু এ বক্ষের কাছে
কী জানি কাহার নাচে,
সর্বদেহ মাতিয়াছে
শব্দহীন গানে ।
যৌবনলাবণ্যধারা
অন্ধে অন্ধে পথহারা,
এ আনন্দ তুমি ছাড়া
কেহ নাহি জানে—
তুমি আছ মোর প্রাণে ।

২২ মাঘ, ১৩০২

প্রস্তরমূর্তি

হে নির্বাক অচঞ্চল পাষণ্ডসুন্দরী,
দাঁড়িয়ে রয়েছ তুমি কত বর্ষ ধরি
অনধরা অনাসক্তা চির-একাকিনী
আপন সৌন্দর্যধ্যানে দিবসযামিনী
তপস্শ্রামগনা । সংসারের কোলাহল
তোমাতে আঘাত করে নিয়ত নিফল-
জন্মমৃত্যু দুঃখসুখ অস্ত-অভ্যুদয়
তরঙ্গিত চারি দিকে চরাচরময়,
তুমি উদাসিনী । মহাকাল পদতলে
মুগ্ধনেত্রে উর্ধ্বমুখে রাত্রিদিন বলে

‘কথা কও, কথা কও, কথা কও প্রিয়ে !
কথা কও, মৌন বধু, রয়েছে চাহিয়ে ।’
তুমি চির বাক্যহীনা, তব মহাবাগী
পাষাণে আবদ্ধ ওগো সুন্দরী পাষাণী ।

২৪ মাঘ, ১৩০২

নারীর দান

একদা প্রাতে কুঞ্জভলে
অন্ধ বালিকা
পত্রপুটে আনিয়া দিল
পুষ্পমালিকা ।
কণ্ঠে পরি অশ্রুজল
ভরিল নয়নে ;
বক্ষে লয়ে চুমিহু তার
স্নিগ্ধ বয়নে ।
কহিহু তারে ‘অন্ধকারে
দাঁড়িয়ে রমণী
কী ধন তুমি করিছ দান
না জান আপনি ।
পুষ্পসম অন্ধ তুমি
অন্ধ বালিকা,
দেখনি নিজে মোহন কী যে
তোমার মালিকা ।’

২৫ মাঘ, ১৩০২

জীবনদেবতা

ওহে অস্তরতম,
মিটেছে কি তব সকল তিয়াষ
আসি অস্তরে মম ।

দুঃখস্বখের লক্ষ ধারায়
পাত্র ভরিয়া দিয়েছি তোমায়,
নিষ্ঠুর পীড়নে নিঙাড়ি বক্ষ
দলিত দ্রাক্ষাসম ।

কত যে বরন কত যে গন্ধ
কত যে রাগিণী কত যে ছন্দ
গাঁথিয়া গাঁথিয়া করেছি বয়ন
বাসরশয়ন তব—

গলায়ে গলায়ে বাসনার সোনা
প্রতিদিন আমি করেছি রচনা
তোমার ক্ষণিক খেলার লাগিয়া
মুরতি নিত্যনব ।

আপনি বরিয়া লয়েছিলে মোরে
না জানি কিসের আশে ।
লেগেছে কি ভালো, হে জীবননাথ,
আমার রজনী আমার প্রভাত
আমার নর্ম আমার কর্ম
তোমার বিজন বাসে ।
বরষা শরতে বসন্তে শীতে
ধ্বনিয়াছে হিয়া যত সংগীতে
শুনেছ কি তাহা একেলা বসিয়া
আপন সিংহাসনে ।

মানসকুসুম তুলি অঞ্চলে
 গেঁথেছ কি মালা, পরেছ কি গলে,
 আপনার মনে করেছ ভ্রমণ
 মম যৌবনবনে ।

কী দেখিছ, বঁধু, মরমযাঝারে
 রাখিয়া নয়ন ছুটি ।
 করেছ কি কমা যতেক আমার
 খলন পতন ক্রটি ।

পূজাহীন দিন সেবাহীন রাত
 কত বারবার ফিরে গেছে নাথ,
 অর্ঘ্যকুসুম ঝরে পড়ে গেছে
 বিজন বিপিনে ফুটি ।

যে সুরে বাঁধিলে এ বীণার তার
 নামিয়া নামিয়া গেছে বারবার—
 হে কবি, তোমার রচিত রাগিণী
 আমি কি গাহিতে পারি ।

তোমার কাননে সেচিবারে গিয়া
 ঘুমায়ে পড়েছি ছায়ায় পড়িয়া,
 সন্ধ্যাবেলায় নয়ন ভরিয়া
 এনেছি অশ্রুবারি ।

এখন কি শেষ হয়েছে, প্রাণেশ,
 যা কিছু আছিল মোর ।
 যত শোভা যত গান যত প্রাণ
 জাগরণ ঘুমঘোর ।

শিথিল হয়েছে বাহুবন্ধন,
 মদিরাবিহীন মম চুখন,
 জীবনকুণ্ডে অভিসারনিশা

আজি কি হয়েছে ভোর ?

ভেঙে দাঁও তবে আজিকার সভা,
 আনো নব রূপ, আনো নব শোভা,
 নূতন করিয়া লহ আরবার
 চিরপুরাতন মোরে ।
 নূতন বিবাহে বাঁধিবে আমায়
 নবীন জীবনডোরে ।

২৯ মাঘ, ১৩০২

রাত্রে ও প্রভাতে

কালি মধুমামিনীতে জ্যোৎস্নানিশীথে
 কুঞ্জকাননে স্থখে
 ফেনিলোচ্ছল যৌবনসুধা
 ধরেছি তোমার মুখে ।

তুমি চেয়ে মোর আঁখি'পুরে
 ধীরে পাত্র লয়েছ করে,
 হেসে করিয়াছ পান চূষনভরা
 সরস বিদ্বাধরে,

কালি মধুমামিনীতে জ্যোৎস্নানিশীথে
 মধুর আবেশভরে ।

তব অবগুণ্ঠনখানি
 আমি খুলে ফেলেছিহু টানি,
 আমি কেড়ে রেখেছিহু বক্ষে তোমার
 কমলকোমল পানি—

ভাবে নিমীলিত তব যুগল নয়ন,
 মুখে নাহি ছিল বাণী ।

আমি শিথিল করিয়া পাশ
 খুলে দিয়েছিহু কেশরাশ,
 তব আনমিত মুখখানি
 স্থখে থুয়েছিহু বৃকে আনি—

তুমি সকল সোহাগ সয়েছিলে, সখী,
হাসিমুকুলিত মুখে
কালি মধুযামিনীতে জ্যোৎস্নানিশীথে
নবীনমিলনস্থখে ।

আজি নির্মলবায় শাস্ত উষায়
নির্জন নদীতীরে
স্নান-অবসানে শুভ্রবসনা
চলিয়াছ ধীরে ধীরে ।

তুমি বাম করে লয়ে সাজি
কত তুলিছ পুষ্পরাজি,
দূরে দেবালয়তলে উষার রাগিণী
বাশিতে উঠিছে বাজি

এই নির্মলবায় শাস্ত উষায়
জাহ্নবীতীরে আজি ।
দেবী, তব সিংধিমূলে লেখা
নব অরুণসিঁদুররেখা,
তব বাম বাহু বেড়ি শঙ্খবলয়
তরুণ ইন্দুলেখা ।

এ কী মঙ্গলময়ী মুরতি বিকাশি
প্রভাতে দিয়েছ দেখা ।
রাতে প্রেয়সীর রূপ ধরি
তুমি এসেছ প্রাণেশ্বরী,
প্রাতে কখন দেবীর বেশে
তুমি সমুখে উদিলে হেসে—

আমি সঙ্গমভরে রয়েছি দাঁড়িয়ে
দূরে অবনতশিরে
আজি নির্মলবায় শাস্ত উষায়
নির্জননদীতীরে ।

১৪০০ সাল

আজি হতে শতবর্ষ পরে
 কে তুমি পড়িছ বসি আমার কবিতাখানি
 কোতুহলভরে—
 আজি হতে শত বর্ষ পরে ।
 আজি নববসন্তের প্রভাতের আনন্দের
 লেশমাত্র ভাগ—
 আজিকার কোনো ফুল, বিহঙ্গের কোনো গান,
 আজিকার কোনো রক্তরাগ
 অমুরাগে সিক্ত করি পারিব না পাঠাইতে
 তোমাদের করে
 আজি হতে শতবর্ষ পরে ।

তবু তুমি এক বার খুলিয়া দক্ষিণদ্বার
 বসি বাতায়নে
 হৃদয় দিগন্তে চাহি কল্পনায় অবগাহি
 ভেবে দেখো মনে—
 এক দিন শতবর্ষ আগে
 চঞ্চল পুলকরাশি কোন্ স্বর্গ হতে ভাসি
 নিখিলের মর্মে আসি লাগে,—
 নবীন ফাল্গুনদিন সকল বন্ধনহীন
 উন্নত অধীর—
 উড়িয়ে চঞ্চল পাখা পুষ্পরেণুগন্ধমাখা
 দক্ষিণসমীর—
 সহসা আসিয়া স্বরা রাঙায়ে দিয়েছে ধরা
 যৌবনের রাগে
 তোমাদের শতবর্ষ আগে ।
 সেদিন উতলা প্রাণে, হৃদয় মগন গানে,
 কবি এক আগে—

কত কথা পুষ্পপ্রায় বিকশি তুলিতে চায়
কত অহুরাগে
একদিন শতবর্ষ আগে ।

আজি হতে শতবর্ষ পরে
এখন করিছে গান সে কোন্ নূতন কবি
তোমাদের ঘরে ?
আজিকার বসন্তের আনন্দ-অভিবাदन
পাঠায়ে দিলাম তাঁর করে ।
আমার বসন্তগান তোমার বসন্তদিনে
ধ্বনিত হউক কণতরে
হৃদয়স্পন্দনে তব অমরগুণনে নব
পল্লবমর্মরে
আজি হতে শতবর্ষ পরে ।

২ ফাল্গুন, ১৩০২

নীরব তন্ত্রী

‘তোমার বীণায় সব তার বাজে,
ওহে বীনকার,
তারি মাঝে কেন নীরব কেবল
একখানি তার ।’

ভবনদীতীরে হৃদিমন্দিরে
দেবতা বিরাজে,
পূজা সমাপিয়া এসেছি ফিরিয়া
আপনার কাজে ।
বিদায়ের ক্ষণে শুখাল পূজারি,
‘দেবীরে কী দিলে ?
তব জনমের শ্রেষ্ঠ কী ধন
ছিল এ নিখিলে ?’

রবীন্দ্র-রচনাবলী

কহিলাম আমি, মঁপিয়া এসেছি

পূজা-উপহার

আমার বীণায় ছিল যে একটি

সুবর্ণ-তার,

যে তারে আমার হৃদয়বনের

ষত মধুকর

কণেকে কণেকে ধ্বনিয়া তুলিত

গুঞ্জনস্বর,

যে তারে আমার কোকিল গাহিত

বসন্তগান—

সেইখানি আমি দেবতাচরণে

করিয়াছি দান ।

তাই এ বীণায় বাজে না কেবল

একখানি তার—

আছে তাহা শুধু মৌন মহৎ

পূজা উপহার ।

৪ ফাল্গুন, ১৩০২

দুরাকাজ্জ্বা

কেন নিবে গেল বাতি ।

আমি অধিক ষতনে ঢেকেছিহু তারে

জাগিয়া বাসররাতি,

তাই নিবে গেল বাতি ।

কেন ঝরে গেল ফুল ।

আমি বন্ধে চাপিয়া ধরেছিহু তারে

চিস্তিত ভয়াকুল,

তাই ঝরে গেল ফুল ।

কেন মরে গেল নদী ।
 আমি বাধ বাধি তারে চাহি ধরিবারে
 পাইবারে নিরবধি,
 তাই মরে গেল নদী ।

কেন ছিঁড়ে গেল তার ।
 আমি অধিক আবেগে প্রাণপণ বলে
 দিয়েছিছু ঝংকার,
 তাই ছিঁড়ে গেল তার ।

৪ ফাল্গুন, ১৩০২

প্রোচ

যৌবননদীর স্রোতে তীব্র বেগভরে
 এক দিন ছুটেছিছু ; বসন্তপবন
 উঠেছিল উচ্ছ্বসিয়া ; তীব্রউপবন
 ছেয়েছিল ফুল ফুলে ; তরুশাখা'পরে
 গেয়েছিল পিককুল— আমি ভালো করে
 দেখি নাই শুনি নাই কিছু— অমূৰ্ক্ষণ
 ছলেছিছু আলোড়িত তরঙ্গশিখরে
 মত্ত সস্তরণে । আজি দিবা-অবসানে
 সমাপ্ত করিয়া খেলা উঠিয়াছি তীরে,
 বসিয়াছি আপনার নিভৃত কুটীরে ;
 বিচিত্র কল্লোলগীত পশিতেছে কানে,
 কত গন্ধ আসিতেছে সায়াক্ৰমসমীরে—
 বিন্মিত নয়ন মেলি হেরি শূন্যপানে
 গগনে অনন্তলোক আগে ধীরে ধীরে ।

৭ ফাল্গুন, ১৩০২

ধূলি

অয়ি ধূলি, অয়ি তুচ্ছ, অয়ি দীনহীনা,
 সকলের নিয়ে থাক নীচতম জনে
 বন্ধে বাঁধিবার তরে ; সহি সর্ব ঘৃণা
 কারে নাহি কর ঘৃণা । গৈরিক বসনে
 হে ব্রতচারিণী তুমি সাজি উদাসীনা
 বিশ্বজনে পালিতেছ আপন ভবনে ।
 নিজেই গোপন করি, অয়ি বিমলিনা,
 সৌন্দর্য বিকশি তোল বিশ্বের নয়নে ।
 বিস্তারিছ কোমলতা হে শুষ্ক কঠিনা—
 হে দরিদ্রা, পূর্ণা তুমি রত্নে ধাত্তে ধনে ।
 হে আত্মবিশ্বতা, বিশ্বচরণবিলীনা,
 বিশ্বভেদে ঢেকে রাখ অঞ্চল-বসনে ।
 নূতনেরে নির্বিচারে কোলে লহ তুলি,
 পুরাতনে বন্ধে ধর হে জননী ধূলি ।

১৫ ফাল্গুন, ১৩০২

সিন্ধুপারে

পউষ প্রথর শীতে জর্জর, ঝিল্লিমুখর রাতি ;
 নিদ্রিত পুরী, নির্জন ঘর, নির্বাণদীপ বাতি ।
 অকাতর দেহে আছিহু মগন স্তম্ভনিদ্রার ঘোরে—
 তপ্ত শয্যা প্রিয়ার মতন সোহাগে ঘিরেছে মোরে ।
 হেনকালে হায় বাহির হইতে কে ডাকিল মোর নাম-
 নিদ্রা টুটিয়া সহসা চকিতে চমকিয়া বসিলাম ।
 তীক্ষ্ণ শাণিত তীরের মতন মর্মে বাজিল স্বর—
 ঘর্ম বহিল ললাট বাহিয়া, রোমাঞ্চকলেবর ।
 ফেলি আবরণ, ত্যজিয়া শয়ন, বিরলবসন বেশে
 ছুঁ ছুঁ বুকে খুলিয়া ছুঁয়ার বাহিরে দাঁড়াহু এসে ।

দূর নদীপারে শূন্য শ্মশানে শৃগাল উঠিল ডাকি,
 মাথার উপরে কেঁদে উড়ে গেল কোন্ নিশাচর পাখি ।
 দেখিলু ছয়ারে রমণীমুরতি অবগুণ্ঠনে ঢাকা—
 কৃষ্ণ অশ্বে বসিয়া রয়েছে, চিত্রে যেন সে আঁকা ।
 আরেক অশ্ব দাঁড়িয়ে রয়েছে, পুচ্ছ ভূতল চূমে,
 ধূম্রবরন, যেন দেহ তার গঠিত শ্মশানধূমে ।
 নড়িল না কিছু, আমারে কেবল হেরিল আখির পাশে—
 শিহরি শিহরি সর্ব শরীর কাঁপিয়া উঠিল জ্বাসে ।
 পাণ্ডু আকাশে খণ্ড চন্দ্র হিমালীর মানি মাথা,
 পল্লবহীন বৃদ্ধ অশথ শিহরে নয় শাখা ।
 নীরব রমণী অঙ্গুলি তুলি দিল ইঙ্গিত করি —
 মন্ত্রমুগ্ধ অচেতনসম চড়িলু অশ্বপরি ।

বিদ্যুৎবেগে ছুটে যায় ঘোড়া — বারেক চাহিলু পিছে,
 ঘরঘার মোর বাষ্পসমান মনে হল সব মিছে ।
 কাতর রোদন জাগিয়া উঠিল সকল হৃদয় ব্যোমে,
 কণ্ঠের কাছে স্ককঠিন বলে কে তারে ধরিল চেপে ।
 পথের দুধারে কৃষ্ণ ছয়ারে দাঁড়িয়ে সৌধসারি,
 ঘরে ঘরে হায় স্থখশয্যায় ঘুমাইছে নরনারী ।
 নির্জন পথ চিত্রিতবৎ, সাড়া নাই সারা দেশে—
 রাজার ছয়ারে দুইটি প্রহরী চুলিছে নিদ্রাবেশে ।
 শুধু থেকে থেকে ডাকিছে কুকুর সুদূর পথের মাঝে —
 গভীর স্ববে প্রাসাদশিখরে প্রহরঘণ্টা বাজে ।

অফুরান পথ, অফুরান রাত্রি, অজানা নৃতন ঠাই—
 অপরূপ এক স্বপ্নসমান, অর্থ কিছুই নাই ।
 কী যে দেখেছিলু মনে নাহি পড়ে, ছিল নাকো আগাগোড়া—
 লক্ষ্যবিহীন তীরের মতন ছুটিয়া চলেছে ঘোড়া ।
 চরণে তাদের শব্দ বাজে না, উড়ে নাকো ধূলিরেখা —
 কঠিন ভূতল নাই যেন কোথা, সকলি বাষ্পে লেখা ।

মাঝে মাঝে যেন চেনা-চেনা-মতো মনে হয় থেকে থেকে-
 নিমেষ ফেলিতে দেখিতে না পাই কোথা পথ যায় বেকে ।
 মনে হল মেঘ, মনে হল পাখি, মনে হল কিশলয়,
 ভালো করে যেই দেখিবারে যাই মনে হল কিছু নয় ।
 দুই ধারে এ কি প্রাসাদের সারি ? অথবা তরুর মূল ?
 অথবা এ শুধু আকাশ জুড়িয়া আমারি মনের ভুল ?
 মাঝে মাঝে চেয়ে দেখি রমণীর অবগুষ্ঠিত মুখে—
 নীরব নিদ্রায় বসিয়া রয়েছে, প্রাণ কেঁপে ওঠে বৃকে ।
 ভয়ে ভুলে যাই দেবতার নাম, মুখে কথা নাহি ফুটে ;
 ছুঁ রবে বায়ু বাজে দুই কানে ঘোড়া চলে যায় ছুটে ।

চন্দ্র যখন অস্তে নামিল তখনো রয়েছে রাত্তি,
 পূর্বদিকের অলস নয়নে মেলিছে রক্ত ভাতি ।
 জনহীন এক সিঁদুপুলিনে অশ্রু ধামিল আসি—
 সমুখে দাঁড়িয়ে কৃষ্ণ শৈল গুহামুখ পরকাশি ।
 সাগরে না শুনি জলকলরব, না গাহে উবার পাখি,
 বহিল না মৃদু প্রভাতপবন বনের গন্ধ মাখি ।
 অশ্রু হইতে নামিল রমণী, আমিও নামি নীচে,
 আধার-ব্যাদান গুহার মাঝারে চলি হু তাহার পিছে ।
 ভিতরে খোদিত উদার প্রাসাদ শিলাস্তম্ভ'পরে,
 কনকশিকলে সোনার প্রদীপ ছলিতেছে ধরে ধরে ।
 ভিত্তির গায়ে পাষণমূর্তি চিত্রিত আছে কত,
 অপরূপ পাখি, অপরূপ নারী, লতাপাতা নানা-মতো ।
 মাঝখানে আছে চাঁদোয়া খাটানো, মুক্তা ঝালরে গাঁথা—
 তারি তলে মণিপালক'পরে অমল শয়ন পাতা ।
 তারি দুই ধারে ধূপাধার হতে উঠিছে গন্ধধূপ,
 সিংহবাহিনী নারীর প্রতিমা দুই পাশে অপরূপ ।
 নাহি কোনো লোক, নাহিকো প্রহরী, নাহি হেরি দাসদাসী ।
 গুহাগৃহতলে তিলেক শব্দ হয়ে উঠে রাশি রাশি ।

নীরবে রমণী আবৃত বদনে বসিলা শয্যা'পরে,
অঙ্গুলি তুলি ইঙ্গিত করি পাশে বসাইল মোরে ।
হিম হয়ে এল সর্বশরীর, শিহরি উঠিল প্রাণ—
শোণিতপ্রবাহে ধনিতে লাগিল ভয়ের ভীষণ তান ।

সহসা বাজিয়া বাজিয়া উঠিল দশ দিকে বীণা-বেণু,
মাথার উপরে ঝরিয়া ঝরিয়া পড়িল পুষ্পরেণু ।
দ্বিগুণ আভায় জলিয়া উঠিল দীপের আলোকরাশি—
ঘোমটা-ভিতরে হাসিল রমণী মধুর উচ্চহাসি ।
সে হাসি ধনিয়া ধনিয়া উঠিল বিজন বিপুল ঘরে—
শুনিয়া চমকি ব্যাকুল হৃদয়ে কহিলাম জোড়করে,
'আমি যে বিদেশী অতিথি, আমায় ব্যাধিয়ে না পরিহাসে,
কে তুমি নিদয় নীরব ললনা কোথায় আনিলে দাসে ।'

অমনি রমণী কনকদণ্ড আঘাত করিল ভূমে,
আধার হইয়া গেল সে ভবন রাশি রাশি ধূপধূমে ।
বাজিয়া উঠিল শতেক শব্দ হলুকলরব-সাথে—
প্রবেশ করিল বৃদ্ধ বিপ্র ধাম্মদূর্বা হাতে ।
পশ্চাতে তার বাঁধি ছুই সার কিরাতনারীর দল
কেহ বহে মালা, কেহ বা চামর, কেহ বা তীর্থজল ।
নীরবে সকলে দাঁড়ায়ে রহিল— বৃদ্ধ আসনে বসি
নীরবে গণনা করিতে লাগিল গৃহতলে খড়ি কষি ।
আকিতে লাগিল কত না চক্র, কত না রেখার জাল,
গণনার শেষে কহিল 'এখন হয়েছে লগ্ন-কাল' ।
শয়ন ছাড়িয়া উঠিল রমণী বদন করিয়া নত,
আমিও উঠিয়া দাঁড়াইলু পাশে মন্ত্রচালিতমত ।
নারীগণ সবে ঘেরিয়া দাঁড়ালো একটি কথা না বলি
দৌহাকার মাথে ফুলদল-সাথে বরষি লাজাঞ্জলি ।
পুরোহিত শুধু মন্ত্র পড়িল আশিস করিয়া দৌছে—
কী ভাষা কী কথ্য কিছু না বুঝিছু, দাঁড়ায়ে রহিছু মোছে ।


রবীন্দ্র-রচনাবলী

অজানিত বধু নীরবে সঁপিল শিহরিয়া কলেবর
হিমের মতন মোর করে তার তপ্ত কোমল কর ।
চলি গেল ধীরে বৃদ্ধ বিপ্র, পশ্চাতে বাধি সার
গেল নারীদল মাথায় কক্ষে মঙ্গল-উপচার ।
শুধু এক সখী দেখাইল পথ হাতে লয়ে দীপখানি—
মোরা দৌছে পিছে চলিছে তাহার, কারো মুখে নাহি বাণী ।
কত না দীর্ঘ আধার কক্ষ সভয়ে হইয়া পার
সহসা দেখিছে সমুখে কোথায় খুলে গেল এক দ্বার ।
কী দেখিছে ঘরে কেমনে কহিব হয়ে যায় মনোভুল,
নানা বরনের আলোক সেথায়, নানা বরনের ফুল ।
কনকে রক্ততে রতনে জড়িত বসন বিছানো কত,
মণিবেদিকায় কুম্মশয়ন স্বপ্নরচিত-মতো ।
পাদপীঠ'পরে চরণ প্রসারি শয়নে বসিলা বধু—
আমি কহিলাম, 'সব দেখিলাম, তোমারে দেখিনি শুধু ।'

চারি দিক হতে বাজিয়া উঠিল শত কৌতুকহাসি ।
শত ফোয়ারায় উছসিল যেন পরিহাস রাশি রাশি ।
সুধীরে রমণী দু-বাহু তুলিয়া, অবগুণ্ঠনখানি
উঠায়ে ধরিয়া মধুর হাসিল মুখে না কহিয়া বাণী ।
চকিত নয়নে হেরি মুখপানে পড়িছে চরণতলে,
'এখানেও তুমি জীবনদেবতা !' কহিছে নয়নজলে ।
সেই মধুমুখ, সেই মুহূহাসি, সেই সুধাতরা আধি—
চিরদিন মোরে হাসালো কাঁদালো, চিরদিন দিল ফাঁকি ।
খেলা করিয়াছে নিশিদিন মোর সব স্থখে সব ছুখে,
এ অজানাপুরে দেখা দিল পুন সেই পরিচিত মুখে ।
অমল কোমল চরণকমলে চুমিছে বেদনাভরে—
বাধা না মানিয়া ব্যাকুল অশ্রু পড়িতে লাগিল ঝরে ।
অপরূপ তানে ব্যথা দিয়ে প্রাণে বাজিতে লাগিল বাঁশি ।
বিজন বিপুল ভবনে রমণী হাসিতে লাগিল হাসি ।

নাটক ও প্রহসন

বিদায়-অভিশাপ



রবীন্দ্রনাথ

‘সাধনা’-সম্পাদক : ১৩০১

বিদায়-অভিশাপ

দেবগণকর্তৃক আদিষ্ট হইয়া বৃহস্পতিপুত্র কচ দৈত্যগুরু শুক্রাচার্যের নিকট হইতে সঞ্জীরনী বিদ্যা শিখিবার নিমিত্ত উৎসর্গীশে গমন করেন। সেখানে সহস্র বৎসর অভিবাহন করিয়া এবং নৃত্যগীতবাণ্যদ্বারা শুক্রহুহিতা দেবযানীর মনোরঞ্জনপূর্বক সিন্ধুকায় হইয়া, কচ দেবলোকে প্রত্যাগমন করেন। দেবযানীর নিকট হইতে বিদায়কালীন ব্যাণার পরে বিবৃত হইল।

কচ ও দেবযানী

কচ। দেহ আজ্ঞা, দেবযানী, দেবলোকে দাস
করিবে প্রয়াণ। আজি গুরুগৃহবাস
সমাপ্ত আমার। আশীর্বাদ করো মোরে
যে বিদ্যা শিখিছ তাহা চিরদিন ধরে
অস্তরে জাজল্য থাকে উজ্জল রতন,
সুমেরুশিখরশিরে সূর্যের মতন,
অক্ষয়কিরণ।

দেবযানী। মনোরথ পুরিয়াছে,
পেয়েছ দুর্লভবিদ্যা আচার্যের কাছে,
সহস্রবর্ষের তব দুঃসাধ্যসাধনা
সিদ্ধ আজি ; আর কিছু নাহি কি কামনা
ভেবে দেখো মনে মনে।

কচ। আর কিছু নাহি।

দেবযানী। কিছু নাই ? তবু আরবার দেখো চাহি
অবগাহি হৃদয়ের সীমান্ত অবধি
করহ সন্ধান—অস্তরের প্রান্তে যদি
কোনো বাহা থাকে, কুপের অক্ষর-সম
সুদ-দৃষ্টি-অগোচর, তবু ভীকৃতম।

কচ । আজি পূর্ণ কৃতার্থ জীবন । কোনো ঠাই
মোর মাঝে কোনো দৈন্ত কোনো শূন্ত নাই
স্বলক্ষণে ।

দেবযানী । তুমি স্থখী ত্রিজগৎ-মাঝে ।
যাও তবে ইন্দ্রলোকে আপনার কাজে
উচ্চশিরে গৌরব বহিয়া । স্বর্গপুরে
উঠিবে আনন্দধ্বনি, মনোহর সুরে
বাজিবে মঙ্গলশব্দ, সুরাজনাগণ
করিবে তোমার শিরে পুষ্প বরিষন
সম্ভাছিন্ন নন্দমের মন্দারমঞ্জরী ।
স্বর্গপথে কলকণ্ঠে অঙ্গরী কিয়রী
দ্বিবে হলুধ্বনি । আহা, বিপ্র, বহুক্লেশে
কেটেছে তোমার দিন বিজনে বিদেশে
সুকঠোর অধ্যয়নে । নাহি ছিল কেহ
স্বরণ করায়ে দিতে সুখময় গেহ,
নিবারিতে প্রবাসবেদনা । অতিথিরে
ষথাসাধ্য পূজিয়াছি দরিদ্রকুটির
যাহা ছিল দিয়ৈ । তাই বলে স্বর্গস্থ
কোথা পাব, কোথা হেথা অনিন্দিত মুখ
স্বরললনার । বড়ো আশা করি মনে
আতিথ্যের অপরাধ হবে না স্বরণে
ফিরে গিয়ে স্থখলোকে ।

কচ । সুকল্যাণ হাসে

প্রসন্ন বিদায় আজি দিতে হবে দাসে ।

দেবযানী । হাসি ? হায় সখা, এ তো স্বর্গপুরী নয় ।
পুষ্পে কীটসম হেথা তৃষ্ণা জেগে রয়
মর্মমাঝে, বাহা ঘুরে বাহিতেরে ঘিরে,
লাঙ্কিত ভ্রমর যথা বারম্বার ফিরে
মুদ্রিত পদ্মের কাছে । হেথা স্থখ গেলে
স্বতি একাকিনী বসি দীর্ঘশ্বাস ফেলে

শূন্যগৃহে— হেথায় স্থলভ নহে হাসি ।
 বাও বন্ধু, কী হইবে মিথ্যা কাল নাশি—
 উৎকর্ষিত দেবগণ ।

যেতেছ চলিয়া ?

সকলি সমাপ্ত হল ছু কথা বলিয়া ?
 দশশত বর্ষ পরে এই কি বিদায় !

কচ । দেবধানী, কী আমার অপরাধ !

দেবধানী ।

হায়,

সুন্দরী অরণ্যভূমি সহস্র বৎসর
 দিয়েছে বলভছায়া পল্লবমর্মর,
 শুনায়েছে বিহঙ্গকুজন— তারে আজি
 এতই সহজে ছেড়ে যাবে ? তরুরাজি
 মান হয়ে আছে যেন, হেরো আজিকার
 বনছায়া গাঢ়তর শোকে অন্ধকার,
 কেঁদে ওঠে বায়ু, শুক পত্র ঝরে পড়ে,
 তুমি শুধু চলে যাবে মহাস্ত অধরে
 নিশান্তের সুখস্বপ্নসম ?

কচ ।

দেবধানী,

এ বনভূমিরে আমি মাতৃভূমি মানি,
 হেথা মোর নবজন্মলাভ । এর 'পরে
 নাহি মোর অনাদর, চিরপ্রীতিভরে
 চিরদিন করিব স্মরণ ।

দেবধানী ।

এই সেই

বটতল, যেথা তুমি প্রতি দিবসেই
 গোধন চরাতে এসে পড়িতে ঘুমায়ে
 মধ্যাহ্নের ধরতাপে ; ক্লাস্ত তব কারে
 অতিথিবৎসল তরু দীর্ঘ ছায়াখানি
 দিত বিছাইয়া, সুখস্বপ্তি দিত আনি
 ঝর্ঝরপল্লবদলে করিয়া বীজন
 মুহুরে । বেরো লখা, তবু কিছুক্ষণ

রবীন্দ্র-রচনাবলী

পরিচিত তরুতলে বোসো শেষবার,
 নিয়ে যাও সম্ভাষণ এ স্নেহছায়ার,
 দুই দণ্ড থেকে যাও— সে বিলম্বে তব
 স্বর্গের হবে না কোনো ক্ষতি ।

কচ ।

অভিনব

বলে যেন মনে হয় বিদায়ের ক্ষণে
 এই-সব চিরপরিচিত বন্ধুগণে—
 পলাতক প্রিয়জনে বাঁধিবার তরে
 করিছে বিস্তার সবে ব্যগ্র স্নেহভরে
 নূতন বন্ধনজাল, অস্তিম মিনতি,
 অপূর্ব সৌন্দর্যরাশি । ওগো বনস্পতি,
 আশ্রিতজনের বন্ধু, করি নমস্কার ।
 কত পাশ্ব বসিবেক ছায়ায় তোমার,
 কত ছাত্র কত দিন আমার মতন
 প্রচ্ছন্ন প্রচ্ছায়তলে নীরব নির্জন
 তৃণাসনে, পতঙ্গের মৃদুগুঞ্জস্বরে,
 করিবেক অধ্যয়ন— প্রাতঃস্নান-পরে
 ঋষিবালকেরা আসি সজল বঙ্কল
 শুকাবে তোমার শাখে— রাখালের দল
 মধ্যাহ্নে করিবে খেলা— ওগো, তারি মাঝে
 এ পুরানো বন্ধু যেন স্মরণে বিরাজে ।

দেবযানী । মনে রেখো আমাদের হোমধেতুটিরে ;
 স্বর্গসুখা পান করে সে পুণ্যগাভীরে
 ভুলো না গরবে ।

কচ ।

সুখা হতে সুখাময়

দুঃখ তার —দেখে তারে পপঙ্কয় হয়,
 মাতৃরূপা, শান্তিস্বরূপিণী, শুভ্রকাস্তি
 পয়স্বিনী । না মানিয়া কুখাতৃকাশ্রাস্তি
 তারে করিয়াছি সেবা ; গহন কাননে
 শ্রামশল শ্রোতস্বিনীতীরে তারি মনে

ফিরিয়াছি দীর্ঘ দিন ; পরিতৃপ্তিভরে
স্বচ্ছামতে ভোগ করি নিরন্তর'পরে
অপর্যাপ্ত তৃণরাশি স্নিগ্ধ কোমল—
আলম্ভমহর তহু লভি তরুতল
রোমহু করেছে ধীরে শুয়ে তৃণাসনে
সারাবেলা ; মাঝে মাঝে বিশাল নয়নে
সকুতজ শাস্ত দৃষ্টি মেলি, গাঢ়স্নেহ
চক্ষু দিয়া লেহন করেছে মোর দেহ ।
মনে রবে সেই দৃষ্টি স্নিগ্ধ অচঞ্চল,
পরিপুষ্ট শুভ্র তহু চিকণ পিচ্ছিল ।

দেবযানী । আর মনে রেখো আমাদের কলস্বনা
শ্রোতস্বিনী বেণুমতী ।

কচ । তারে ভুলিব না ।

বেণুমতী, কত কুসুমিত কুঞ্জ দিয়ে
মধুকণ্ঠে আনন্দিত কলগান নিয়ে
আসিছে শুক্রবা বহি গ্রাম্যবধুসম
সদা ক্ষিপ্তগতি, প্রবাসস্বিনী মম
নিত্য শুভব্রতা ।

দেবযানী । হায় বন্ধু, এ প্রবাসে
আরো কোনো সহচরী ছিল তব পাশে,
পরগৃহবাসহুঃখ ভূলাবার তরে
যত্ন তার ছিল মনে রাত্রিদিন ধরে—
হায় রে ছরাশা ।

কচ । চিরজীবনের সনে
তার নাম গাঁধা হয়ে গেছে ।

দেবযানী । আছে মনে
যেদিন প্রথম তুমি আসিলে হেথায়
কিশোর ব্রাহ্মণ, তরুণ অরুণপ্রায়
গৌরবর্ণ তহুখানি স্নিগ্ধ দীপ্তিঢালা,
চন্দনে চর্চিত ভাল, কণ্ঠে পুষ্পমালা,

যদি মন্য হেথা কেহ মোর খাও গান

সিহ

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

যদি মন্য হেথা কেহ মোর খাও গান

হৃদয়ে আগায়ে যবে চিরকৃতজ্ঞতা ।
 দেবদানী । কৃতজ্ঞতা ! তুলে যেয়ো, কোনো ছুঃখ নাই ।
 উপকার বা করেছি হয়ে থাক ছাই—
 নাহি চাই দান-প্রতিদান । সুখস্বস্তি
 নাহি কিছু মনে ? যদি আনন্দের গীতি
 কোনো দিন বেজে থাকে অন্তরে বাহিরে,
 যদি কোনো সন্ধ্যাবেলা বেগুমতীতীরে
 অধ্যয়ন-অবসরে বসি পুষ্পবনে
 অপূর্ব পুলকরাশি জেগে থাকে মনে ;
 ফুলের সৌরভসম হৃদয়-উচ্ছ্বাস
 ব্যাপ্ত করে দিয়ে থাকে সায়াক-আকাশ,
 ফুটন্ত নিকুঞ্জতল, সেই সুখকথা
 মনে রেখো— দূর হয়ে থাক কৃতজ্ঞতা ।
 যদি, সখা, হেথা কেহ গেয়ে থাকে গান
 চিন্তে বাহা দিয়েছিল সুখ ; পরিধান
 করে থাকে কোনো দিন হেন বস্ত্রখানি
 বাহা দেখে মনে তব প্রশংসার বাণী
 জেগেছিল, ভেবেছিলে প্রশংসার-অস্তর
 তৃপ্ত চোখে, আজি এরে দেখায় সুন্দর,
 সেই কথা মনে কোরো অবসরক্ষেপে
 সুখস্বর্গধামে । কতদিন এই বনে
 দিগ্দিগন্তরে, আবাচের নীল জটা,
 শ্রামশিখ বরবার নবঘনঘটা
 নেবেছিল, অবিরল বৃষ্টিজলধারে
 কর্মহীন দিনে সঘনকল্পনাভারে
 পীড়িত হৃদয়— এসেছিল কতদিন
 অকস্মাৎ বসন্তের বাধাবন্ধহীন
 উল্লাসহিল্লোলাকুল বোবন-উৎসাহ,
 সংগীতমুখর সেই আবেগপ্রবাহ
 লতার পাতার পুষ্পে বনে বনান্তরে

গন্ধ তার লুকাবে কোথায় । কতদিন
 যেমনি তুলেছ মুখ, চেয়েছ যেমনি,
 যেমনি শুনেছ তুমি মোর কণ্ঠধ্বনি,
 অমনি সর্বাঙ্গে তব কম্পিয়াছে হিয়া—
 নড়িলে হীরক ষথা পড়ে ঠিকরিয়া
 আলোক তাহার' । সে কি আমি দেখি নাই ?
 ধরা পড়িয়াছ, বন্ধু, বন্দী তুমি তাই
 মোর কাছে । এ বন্ধন নারিবে কাটিতে ।
 ইন্দ্র আর তব ইন্দ্র নহে ।

কচ ।

শুচিন্দ্রিতে,

সহস্র বৎসর ধরি এ দৈত্যপুরীতে
 এরি লাগি করেছি সাধনা ?

দেবযানী ।

কেন নহে ?

বিজ্ঞারই লাগিয়া শুধু লোকে দুঃখ সহে
 এ জগতে ? করে নি কি রমণীর লাগি
 কোনো নর মহাতপ । পত্নীবর মাগি
 করেন নি সম্বরণ তপতীর আশে
 প্রথর সূর্যের পানে তাকায় আকাশে
 অনাহারে কঠোর সাধনা কত ? হায়,
 বিজ্ঞাই দুর্লভ শুধু, প্রেম কি হেথায়
 এতই সুলভ ? সহস্র বৎসর ধরে
 সাধনা করেছ তুমি কী ধনের তরে
 আপনি জান না তাহা । বিজ্ঞা এক ধারে
 আমি এক ধারে— কতু মোরে কতু তারে
 চেয়েছ সোৎসুক ; তব অনিশ্চিত মন
 দৌহারেই করিয়াছে যত্নে আরাধন
 সংগোপনে । আজ মোরা দৌছে এক দিনে
 আসিয়াছি ধরা দিতে । লহ, সখা, চিনে
 যারে চাও । বল যদি সরল সাহসে
 'বিজ্ঞায় নাহিকো স্মৃৎ, নাহি স্মৃৎ যশে—'

দেবযানী, তুমি শুধু সিদ্ধি মূর্তিমতী,
তোমাতেই করিছ বরণ' নাহি ক্ষতি,
নাহি কোনো লক্ষ্য তাহে । রমণীর মন
সহস্রবর্ষেরই, সখা, সাধনার ধন ।

কচ । দেবসম্মিলনে শুভে করেছিহু পণ
মহাসঞ্জীবনী বিত্তা করি উপার্জন
দেবলোকে ফিরে যাব । এসেছিহু তাই ;
সেই পণ মনে মোর জেগেছে সদাই ;
পূর্ণ সেই প্রতিজ্ঞা আমার, চরিতার্থ
এতকাল পরে এ জীবন— কোনো স্বার্থ
করি না কামনা আজি ।

দেবযানী । ধিক মিথ্যাভাবী ।

শুধু বিত্তা চেয়েছিলে ? গুরুগৃহে, আসি
শুধু ছাত্ররূপে তুমি আছিলে নির্জনে
শাস্ত্রগ্রন্থে রাখি আঁখি রত অধ্যয়নে
অহরহ ? উদাসীন আর সবা-'পরে ?
ছাড়ি অধ্যয়নশালা বনে বনাস্তরে
ফিরিতে পুষ্পের তরে, গাঁথি মাল্যখানি
সহস্র প্রফুল্লমুখে কেন দিতে আনি
এ বিত্তাহীনারে ? এই কি কঠোর ব্রত ?
এই তব ব্যবহার বিত্তার্থীর মতো ?
প্রভাতে রহিতে অধ্যয়নে, আমি আসি
শূন্য মাজি হাতে লয়ে দাঁড়াতেম হাসি,
তুমি কেন গ্রন্থ রাখি উঠিয়া আসিতে,
প্রফুল্ল শিশিরসিক্ত কুসুমরাশিতে
করিতে আমার পূজা ? অপরাহ্নকালে
জলসেক করিতাম তরু-আলবালে,
আমাতে হেরিয়া শাস্ত কেন দয়া করি
দিতে জল তুলে ? কেন পাঠ পরিহারি
পালন করিতে মোর যুগশিষ্টটিকে ?

স্বর্গ হতে যে সংগীত এসেছিলে শিখে
 কেন তাহা শুনাইতে, সন্ধ্যাবেলা যবে
 নদীতীরে অঙ্ককার নামিত নীরবে
 প্রেমনত নয়নের স্নিগ্ধছায়াময়
 দীর্ঘ পল্লবের মতো । আমার হৃদয়
 বিগ্ণা নিতে এসে কেন করিলে হরণ
 স্বর্গের চাতুরীজালে ? বুঝেছি এখন,
 আমারে করিয়া বশ পিতার হৃদয়ে
 চেয়েছিলে পশিবারে— কৃতকার্য হয়ে
 আজ যাবে মোরে কিছু দিয়ে কৃতজ্ঞতা,
 লক্ষ্মনোরথ অর্থা রাজঘারে যথা
 ঘারীহস্তে দিয়ে যায় মুদ্রা দুই-চারি
 মনের সন্তোষে ।

কচ । হা অভিমানিনী নারী,
 সত্য শুনে কী হইবে সুখ । ধর্ম জানে,
 প্রতারণা করি নাই ; অকপট-প্রাণে
 আনন্দ-অস্তরে তব সাধিয়া সন্তোষ,
 সেবিয়া তোমারে যদি করে থাকি দোষ,
 তার শাস্তি দিতেছেন বিধি । ছিল মনে
 কব না সে কথা । বলো কী হইবে জেনে
 ত্রিভুবনে কারো যাহে নাই উপকার,
 একমাত্র শুধু বাহা নিতান্ত আমার
 আপনার কথা । ভালোবাসি কিনা আজ
 সে তর্কে কী ফল ? আমার যা আছে কাজ
 সে আমি সাধিব । স্বর্গ আর স্বর্গ বলে
 যদি মনে নাহি লাগে, দূর বনতলে
 যদি ঘুরে মরে চিত্ত বিহ্ব যুগসম,
 চিরতৃষ্ণা লেগে থাকে দৃষ্টি প্রাণে মম
 সর্বকার্য-মাঝে— তবু চলে যেতে হবে
 সুখশূন্য সেই স্বর্গধামে । দেব-সবে

এই সঞ্জীবনী বিজ্ঞা করিয়া প্রদান
নূতন দেবত্ব দিয়া তবে মোর প্রাণ
সার্থক হইবে ; তার পূর্বে নাহি মানি
আপনার সুখ । কম মোরে, দেবযানী,
কম অপরাধ ।

দেবযানী ।

কমা কোথা মনে মোর ।

করেছ এ নারীচিত্ত কুলিশকঠোর
হে ব্রাহ্মণ । তুমি চলে যাবে স্বর্গলোকে
সর্গোরবে, আপনার কর্তব্যপুলকে
সর্ব দুঃখশোক করি দূরপর্যাহত ;
আমার কী আছে কাজ, কী আমার ব্রত
আমার এ প্রতিহত নিফল জীবনে
কী রহিল, কিসের গৌরব ? এই বনে
বসে রব নতশিরে নিঃসঙ্গ একাকী
লক্ষ্যহীনা । যে দিকেই ফিরাইব আধি
সহস্র স্মৃতির কাঁটা বিঁধিবে নিষ্ঠুর ;
লুকায়ে বন্ধের তলে লজ্জা অতি ক্রুর
বারম্বার করিবে দংশন । ধিক্ ধিক্,
কোথা হতে এলে তুমি, নির্মম পথিক,
বসি মোর জীবনের বনচ্ছায়াতলে
দণ্ড দুই অবসর কাটাবার ছলে
জীবনের সুখগুলি ফুলের মতন
ছিন্ন করে নিয়ে, মালা করেছ গ্রহন
একখানি সূত্র দিয়ে । যাবার বেলায়
সে মালা নিলে না গলে, পরম হেলায়
সেই সূত্র সূত্রখানি দুই ভাগ করে
ছিঁড়ে দিয়ে গেলে । লুটাইল ধূলি'পরে
এ প্রাণের সমস্ত মহিমা । তোমা-'পরে
এই মোর অভিশাপ— যে বিজ্ঞার ভরে
মোরে কর অবহেলা, সে বিজ্ঞা তোমার

সম্পূর্ণ হবে না বশ— তুমি শুধু তার
ভারবাহী হয়ে রবে, করিবে না ভোগ ;
শিখাইবে, পারিবে না করিতে প্রয়োগ ।
কচ । আমি বর দিহু, দেবী, তুমি স্থধী হবে ।
তুলে যাবে সর্বগানি বিপুল গৌরবে ।

কালিগ্রাম

২৬ শ্রাবণ

মালিনী

সূচনা

মালিনী নাটিকার উৎপত্তির একটা বিশেষ ইতিহাস আছে, সে স্বপ্নঘটিত। কবিকঙ্কণকে দেবী স্বপ্নে আদেশ করেছিলেন তাঁর গুণকীর্তন করতে। আমার স্বপ্নে দেবীর আবির্ভাব ছিল না, ছিল হঠাৎ মনের একটা গভীর আত্মপ্রকাশ ঘুমন্ত বুদ্ধির সুযোগ নিয়ে।

তখন ছিলুম লগুনে। নিমন্ত্রণ ছিল প্রিমরোজ ছিলে তারক পালিতের বাসায়। প্রবাসী বাঙালিদের প্রায়ই সেখানে হত জটলা, আর তার সঙ্গে চলত ভোজ। গোলেমালে রাত হয়ে গেল। যাদের বাড়িতে ছিলুম, অত রাতে দরজার ঘণ্টা বাজিয়ে দিয়ে হঠাৎ চমক লাগিয়ে দিলে গৃহস্থ সেটাকে ছঃসহ বলেই গণ্য করতেন; তাই পালিত সাহেবের অনুরোধে তাঁর ওখানেই রাত্রিযাপন স্বীকার করে নিলুম। বিছানায় যখন শুলুম তখনো চলছে কলরবের অস্তিম পর্ব, আমার ঘুম ছিল আবিল হয়ে।

এমন সময় স্বপ্ন দেখলুম, যেন আমার সামনে একটা নাটকের অভিনয় হচ্ছে। বিষয়টা একটা বিদ্রোহের চক্রান্ত। দুই বন্ধুর মধ্যে এক বন্ধু কর্তব্যবোধে সেটা কাঁস করে দিয়েছেন রাজার কাছে। বিদ্রোহী বন্দী হয়ে এলেন রাজার সামনে। মৃত্যুর পূর্বে তাঁর শেষ ইচ্ছা পূর্ণ করবার জন্তে তাঁর বন্ধুকে যেই তাঁর কাছে এনে দেওয়া হল দুই হাতের শিকল তাঁর মাথায় মেরে বন্ধুকে দিলেন ভূমিসাৎ করে।

জেগে উঠে যেটা আমাকে আশ্চর্য ঠেকল সেটা হচ্ছে এই যে, আমার মনের একভাগ নিশ্চেষ্ট শ্রোতামাত্র, অশ্রুভাগ বুনে চলেছে একখানা নাটক। স্পষ্ট হোক অস্পষ্ট হোক একটা কথাবার্তার ধারা গল্পকে বহন করে চলেছিল। জেগে উঠে সে আমি মনে আনতে পারলুম না। পালিত সাহেবকে মনের ক্রিয়ার এই বিস্ময়করতা জানিয়েছিলুম। তিনি এটাতে বিশেষ কোনো ঔৎসুক্য বোধ করলেন না।

কিন্তু অনেক কাল এই স্বপ্ন আমার জাগ্রত মনের মধ্যে সঞ্চার করেছে। অবশেষে অনেক দিন পরে এই স্বপ্নের স্মৃতি নাটিকার আকার নিয়ে শাস্ত হল।

রবীন্দ্র-রচনাবলী

বোধ করি এই নাটিকায় আমার রচনার একটা কিছু বিশেষত্ব ছিল, সেটা অনুভব করেছিলুম যখন দ্বিতীয় বার ইংলণ্ডে বাসকালে এর ইংরেজি অনুবাদ কোনো ইংরেজ বন্ধুর চোখে পড়ল। প্রথম দেখা গেল এটা আর্টিস্ট রোটেনস্টাইনের মনকে বিশেষভাবে আকর্ষণ করেছে। কখনো কখনো এটাকে তাঁর ঘরে অভিনয় করবার ইচ্ছেও তাঁর হয়েছিল। আমার মনে হল, এই নাটকের প্রধান চরিত্রগুলি তাঁর শিল্পী-মনে মূর্তিরূপে স্পষ্ট হয়ে উঠেছে। তার পরে এক দিন ট্রেভেলিয়ানের মুখে এর সম্বন্ধে মন্তব্য শুনলুম। তিনি কবি এবং গ্রীক সাহিত্যের রসজ্ঞ। তিনি আমাকে বললেন, এই নাটকে তিনি গ্রীক নাট্যকলার প্রতিক্রম দেখেছেন। তার অর্থ কী তা আমি সম্পূর্ণ বুঝতে পারি নি, কারণ যদিও কিছু কিছু তর্জমা পড়েছি, তবু গ্রীক নাট্য আমার অভিজ্ঞতার বাইরে। শেক্সপীয়রের নাটক আমাদের কাছে বরাবর নাটকের আদর্শ। তার বহুশাখায়িত বৈচিত্র্য ব্যাপ্তি ও ঘাতপ্রতিঘাত প্রথম থেকেই আমাদের মনকে অধিকার করেছে। মালিনীর নাট্যরূপ সংযত সংহত এবং দেশকালের ধারায় অবিচ্ছিন্ন। এর বাহিরের রূপায়ন সম্বন্ধে যে মত শুনেনিলাম এ হচ্ছে তাই। কবিতার মর্মকথাটি প্রথম থেকেই যদি রচনার মধ্যে জেনেশুনে বপন করা না হয়ে থাকে তবে কবির কাছেও সেটা প্রত্যক্ষ হয়ে উঠতে দেরি লাগে। আজ আমি জানি মালিনীর মধ্যে কী কথাটি লিখতে লিখতে উদ্ভাবিত হয়ে ছিল গৌণরূপে ঈশংগোচর। আসল কথা, মনের একটা সত্যকার বিশ্বয়ের আলোড়ন ওর মধ্যে দেখা দিয়েছে।

আমার মনের মধ্যে ধর্মের প্রেরণা তখন গৌরীশংকরের উত্তুঙ্গ শিখরে শুভ্র নির্মল তুষারপুষ্পের মতো নির্মল নির্বিকল্প হয়ে স্তব্ধ ছিল না, সে বিগলিত হয়ে মানবলোকে বিচিত্র মঙ্গলরূপে মৈত্রীরূপে আপনাকে প্রকাশ করতে আরম্ভ করেছে। নির্বিকার তত্ত্ব নয় সে, মূর্তিশালার মাটিতে পাথরে নানা অদ্ভুত আকার নিয়ে মানুষকে সে হতবুদ্ধি করতে আসে নি। কোনো দৈববাণীকে সে আশ্রয় করে নি। সত্য যার স্বভাবে, যে মানুষের

সূচনা

অস্তুরে অপরিমেয় করুণা, তার অস্তুরকরণ থেকে এই পরিপূর্ণ মানব-দেবতার আবির্ভাব অশ্রু মানুষের চিন্তে প্রতিফলিত হতে থাকে। সকল আনুষ্ঠানিক সকল পৌরাণিক ধর্মজটিলতা ভেদ করে তবেই এর যথার্থ স্বরূপ প্রকাশ হতে পারে।

আমার এ মতের সত্যাসত্য আলোচ্য নয়। বস্তুব্য এই যে, এই ভাবের উপরে মালিনী স্বতই নিজেকে প্রতিষ্ঠিত করেছে; এরই যা দুঃখ, এরই যা মহিমা, সেইটেতেই এর কাব্যরস। এই ভাবের অঙ্কুর আপনা-আপনি দেখা দিয়েছিল 'প্রকৃতির প্রতিশোধ'এ, সে-কথা ভেবে দেখবার যোগ্য। নির্ঝরনের স্বপ্নভঙ্গে হয়তো তারও আগে এর আভাস পাওয়া যায়।

মালিনী

প্রথম দৃশ্য

রাজাস্তম্ভপুর

মালিনী ও কাশ্মপ

কাশ্মপ । ত্যাগ করো, বৎসে, ত্যাগ করো সুখ-আশা
হুঃখভয় ; দূর করো বিষয়পিপাসা ;
ছিন্ন করো সংসারবন্ধন ; পরিহর
প্রমোদপ্রলাপ চঞ্চলতা ; চিন্তে ধরো
ঋবশাস্ত সুনির্মল প্রজ্ঞার আলোক
রাত্রিদিন— মোহশোক পরাভূত হোক ।

মালিনী । ভগবন্, রুদ্ধ আমি, নাহি হেরি চোখে ;
সঙ্কায় মুদ্রিতদল পদোর কোরকে
আবদ্ধ ভ্রমরী— স্বর্ণরেণুরাশিমাঝে
যুত অড়প্রায় । তবু কানে এসে বাজে
মুক্তির সংগীত, তুমি কৃপা কর যবে ।

কাশ্মপ । আশীর্বাদ করিলাম, অবসান হবে
বিভাবরী, জ্ঞানসূৰ্য-উদয়-উৎসবে
আগ্রত এ জগতের জয়জয়রবে
শুভলগ্নে সুপ্রভাতে হবে উদ্ঘাটন
পুষ্পকারাগার তব । সেই মহাক্ষণ
এসেছে নিকটে । আমি তবে চলিলাম
তীর্থপৰ্বটনে ।

মালিনী । মহ দাসীর প্রণাম । [কাশ্মপের প্রস্থান
মহাক্ষণ আসিয়াছে । অস্তর চঞ্চল

যেন বারিবিন্দুসম করে টলমল
 পদ্মদলে । নেত্র মুদি শুনিতেছি কানে
 আকাশের কোলাহল ; কাহারো কে জানে
 কী করিছে আয়োজন আমারে ঘিরিয়া,
 আসিতেছে যাইতেছে ফিরিয়া ফিরিয়া
 অদৃশ্য মুরতি । কভু বিদ্যুতের মতো
 চমকিছে আলো ; বায়ুর তরঙ্গ যত
 শব্দ করি করিছে আঘাত । ব্যথাসম
 কী যেন বাজিছে আজি অন্তরেতে মম
 বারম্বার— কিছু আমি নারি বুঝিবারে
 জগতে কাহারো আজি ডাকিছে আমারে ।

রাজমহিষীর প্রবেশ

মহিষী । মা গো মা, কী করি তোরে লয়ে । ওরে বাছা,
 এ-সব কি সাজে তোরে কভু, এই কাঁচা
 নবীন বয়সে ? কোথা গেল বেশভূষা
 কোথা আভরণ ? আমার সোনার উষা
 স্বর্ণপ্রভাহীনা, এও কি চোখের 'পরে
 সহ হয় মার ?

মালিনী । কখনো রাজার ঘরে
 জন্মে না কি ভিখারিনী ? দরিদ্রের কুলে
 তুই যে, মা, জন্মেছিস সে কি গেলি কুলে
 রাজেশ্বরী ? তোর সে বাপের দরিদ্রতা
 জগৎবিখ্যাত, বল মা, সে যাবে কোথা ?
 তাই আমি ধরিয়াছি অলংকারসম
 তোমার বাপের দৈন্ত্য সর্ব অঙ্গে মম
 মা আমার ।

মহিষী । ও গো, আগন বাপের গর্বে
 আমার বাপেরে দাও খোঁটা ? তাই গর্ভে
 ধরেছিল তোর, ওরে অহংকারী মেয়ে ?

জানিস, আমার পিতা তোর পিতা চেয়ে
শতগুণে ধনী, তাই ধনরত্নমানে
এত তাঁর হেলা ।

মালিনী ।

সে তো সকলেই জানে ।

যেদিন পিতৃব্য ভব, পিতৃধনলোভে
বঞ্চিলেন পিতারে তোমার, মনঃকোভে
ছাড়িলেন গৃহ তিনি । সর্ব ধনজন
সম্পদ সহায় করিলেন বিসর্জন
অকাতর মনে ; শুধু সযত্নে আনিলা
পৈতৃক দেবতামূর্তি শালগ্রামশিলা
দরিদ্রকুটিরে । সেই তাঁর ধর্মখানি
মোর জন্মকালে মোরে দিয়েছ, মা, আনি—
আর কিছু নহে । থাক না মা, সর্বক্ষণ
ভব পিতৃভবনের দরিদ্রের ধন
তোমারি কন্টার হৃদে । আমার পিতার
বা-কিছু ঐশ্বর্য আছে ধনরত্নভার
থাক রাজপুত্রতরে ।

মহিষী ।

কে তোমারে বোঝে

মা আমার ! কথা শুনে জানি না কেন যে
চক্ষে আসে জল । যেদিন আসিলি কোলে
বাক্যহীন মুচ শিশু, ক্রন্দনকন্ডোলে
মায়েরে ব্যাকুল করি, কে জানিত তবে
সেই ক্ষুদ্র মুখ মুখ এত কথা কবে
ছই দিন পরে । থাকি তোর মুখ চেয়ে,
ভয়ে কাঁপে বুক । ও মোর সোনার য়েয়ে,
এ ধর্ম কোথায় পেলি, কী শাস্ত্রবচন ?
আমার পিতার ধর্ম সে তো পুরাতন
অনাদি কালের । কিন্তু মা গো, এ যে ভব
সৃষ্টিছাড়া বেদছাড়া ধর্ম অভিনব
আজিকার গড়া । কোথা হতে ঘরে আসে

হার রে অবোধ মেয়ে, নব ধর্ম যদি
ঘরেতে আনিতে চাস, সে কি বর্ষানদী
একেবারে তট ভেঙে হইবে প্রকাশ
দেশবিদেশের দৃষ্টিপথে ? লজ্জাজ্বাস
নাহি তার ? আপনার ধর্ম আপনারি,
থাকে যেন সংগোপনে, সর্বনরনারী
দেখে যেন নাহি করে ঘেঁষ, পরিহাস
না করে কঠোর । ধর্মেতে রাখিতে চাস
রাখ, মনে মনে ।

মহিষী ।

ভৎসনা করিছ কেন
বাছারে আমার মহারাজ ? কত যেন
অপরাধী । কী শিক্ষা শিখাতে এলে আজ
পাপ রাষ্ট্রনীতি ? লুকায়ে করিবে কাজ,
ধর্ম দিবে চাপা ! সে মেয়ে আমার নয় ।
সাধুসন্ন্যাসীর কাছে উপদেশ লয়,
শুনে পুণ্যকথা, করে সজ্জনের সেবা—
আমি তো বুঝি না তাহে দোষ দিবে কেবা,
ভয় বা কাহারে ।

রাজা ।

মহারানী, প্রজাগণ
করু অতিশয় । চাহে তারা নির্বাসন
মালিনীর ।

মহিষী ।

কী বলিলে ! নির্বাসন কারে !
মালিনীরে ? মহারাজ, তোমার কন্ঠারে ?

রাজা ।

ধর্মনাশ-আশঙ্কায় ব্রাহ্মণের দল
এক হয়ে—

মহিষী ।

ধর্ম জানে ব্রাহ্মণে কেবল ?
আর ধর্ম নাই ? তাদেরি পুঁথিতে লেখা
সর্বসত্য, অস্ত্র কোথা নাহি তার রেখা,
এ বিশ্বসংসারে ? ব্রাহ্মণেরা কোথা আছে
ডেকে নিয়ে এস । আমার মেয়ের কাছে

শিখে নিক ধর্ম করে বলে । ফেলে দিক
 কীটে-কাটা ধর্ম তার, ধিক্ ধিক্ ধিক্ ।—
 ওরে বাছা, আমি লব নবমন্ত্র তোর,
 আমি ছিন্ন করে দেব জীর্ণ শাস্ত্রভোর
 ব্রাহ্মণের । তোমারে পাঠাবে নির্বাসনে ?—
 নিশ্চিন্ত রয়েছ মহারাজ ? ভাব মনে
 এ কন্যা তোমার কন্যা, সামান্য বালিকা !
 ওগো, তাহা নহে । এ যে দীপ্ত অগ্নিশিখা ।
 আমি কহিলাম আজি শুনি লহ কথা—
 এ কন্যা মানবী নহে, এ কোন্ দেবতা,
 এসেছে তোমার ঘরে । করিয়ো না হেলা,
 কোন্ দিন অকস্মাৎ ভেঙে দিয়ে খেলা
 চলে যাবে— তখন করিবে হাহাকার,
 রাজ্যধন সব দিয়ে পাইবে না আর ।

মালিনী ।

প্রজাদের পুরাও প্রার্থনা । মহাক্ষণ
 এসেছে নিকটে । দাও মোরে নির্বাসন
 পিতা ।

রাজা ।

কেন বৎসে, পিতার ভবনে তোর
 কী অভাব ? বাহিরের সংসার কঠোর
 দয়াহীন, সে কি বাছা পিতৃমাতৃক্রোড় ?

মালিনী ।

শোনো পিতা— যারা চাহে নির্বাসন মোর
 তারা চাহে মোরে । ওগো মা, শোন্ মা কথা—
 বোঝাতে পারি নে মোর চিত্তব্যাকুলতা ।
 আমারে ছাড়িয়া দে মা, বিনা দুঃখশোকে,
 শাখা হতে চ্যুতপত্রসম । সর্বলোকে
 যাব আমি— রাজদ্বারে মোরে যাচিয়াছে
 বাহির-সংসার । জানি না কী কাজ আছে,
 আসিয়াছে মহাক্ষণ ।

রাজা ।

ওরে শিশুমতি,
 কী কথা বলিস ।

মালিনী ।

পিতা, তুমি নরপতি,
রাজার কর্তব্য করো । জননী আমার,
আছে তোমার পুত্রকন্যা এ ঘরসংসার,
আমারে ছাড়িয়া দে মা । বাঁধিস নে আর
স্নেহপাশে ।

মহিষী ।

শোনো কথা শোনো এক বার ।
বাক্য নাহি সরে মুখে, চেয়ে তোমার পানে
রয়েছি বিস্মিত । হাঁ গো, জন্মিলি যেখানে
সেখানে কি স্থান নাই তোমার ? মা আমার,
তুই কি জগৎলক্ষ্মী, জগতের ভার
পড়েছে কি তোমারি 'পরে ? নিখিলসংসার
তুই বিনা মাতৃহীনা, যাবি তারি কাছে
নূতন আদরে— আমাদের মা কে আছে
তুই চলে গেলে ?

মালিনী

আমি স্বপ্ন দেখি জেগে,
ভূনি নিদ্রাঘোরে, যেন বায়ু বহে বেগে,
নদীতে উঠিছে ঢেউ, রাত্রি অন্ধকার,
নৌকাখানি তীরে বাঁধা— কে করিবে পার,
কর্ণধার নাই— গৃহহীন যাত্রী সবে
বসে আছে নিরাশ্বাস— মনে হয় তবে
আমি যেন যেতে পারি, আমি যেন জানি
তীরের সঙ্কান— মোর স্পর্শে নৌকাখানি
পাবে যেন প্রাণ, যাবে যেন আপনার
পূর্ণ বলে— কোথা হতে বিশ্বাস আমার
এল মনে ? রাজকন্যা আমি, দেখি নাই
বাহির-সংসার— বসে আছি এক ঠাই
অন্নাবধি, চতুর্দিকে স্নেহের প্রাচীর,
আমারে কে করে দেয় ঘরের বাহির
কে জানে গো । বন্ধ কেটে দাও মহারাজ,
গুণে, ছেড়ে দে মা, কন্যা আমি নহি আজ,

নহি রাজহুতা— যে মোর অস্তরযামী
অগ্নিময়ী মহাবাগী, সেই শুধু আমি ।

মহিষী ।

তুলিলে তো মহারাজ ? এ কথা কাহার ?
তুলিয়া বুঝিতে নারি । এ কি বালিকার ?
এই কি তোমার কন্যা ? আমি কি আপনি
ইহায়ে ধরেছি গর্ভে ?

রাজা ।

যেমন রজনী

উষারে জনম দেয় । কন্যা জ্যোতির্ময়ী
রজনীর কেহ নহে, সে যে বিশ্বজয়ী
বিশ্বে দেয় প্রাণ ।

মহিষী ।

মহারাজ তাই বলি,

খুঁজে দেখো কোথা আছে মায়ার শিকলি
যাহে বাধা পড়ে যায় আলোকপ্রতিমা ।

কন্যাঃ প্রতি

মুখে ধুলে পড়ে কেশ, এ কী বেশ ! ছি মা !
আপনারে এত অনাদর ! আর দেখি
ভালো করে বেঁধে দিই । লোকে বলিবে কী
দেখে তোরে ? নির্বাসন ! এই যদি হয়
ধর্ম ব্রাহ্মণের, তবে হোক, মা, উদয়
নবধর্ম— শিখে নিক তোরি কাছ হতে
বিপ্রগণ । দেখি মুখ, আর মা, আলোতে ।

[মহিষী ও মালিনীর প্রস্থান]

সেনাপতির প্রবেশ

সেনাপতি ।

মহারাজ, বিদ্রোহী হয়েছে প্রজাগণ
ব্রাহ্মণবচনে । তারা চায় নির্বাসন
রাজকুমারীর ।

রাজা ।

যাও তবে সেনাপতি,

সামন্তনৃপতি সবে আনো দ্রুতগতি ।

[রাজা ও সেনাপতির প্রস্থান]

দ্বিতীয় দৃশ্য

মন্দিরপ্রাঙ্গণে ব্রাহ্মণগণ

- ব্রাহ্মণগণ । নির্বাসন, নির্বাসন, রাজহুহিতার
নির্বাসন !
- কেমংকর । বিপ্রগণ, এই কথা সার ।
এ সংকল্প দৃঢ় রেখো মনে । জেনো ভাই,
অস্ত্র অরি নাহি ডরি, নারীরে ডরাই ।
তার কাছে অস্ত্র ষায় টুটে, পরাহত
তর্কযুক্তি, বাহুবল করে শির নত—
নিরাপদে হৃদয়ের মাঝে করে বাস
রাজসম মনোহর মহাসর্বনাশ ।
- চারুদত্ত । চলো সবে রাজদ্বারে, বলো, 'রক্ষ রক্ষ
মহারাজ, আর্ষধর্মে করিতেছে লক্ষ্য
তব নীড় হতে সর্প ।'
- হুপ্রিয় । ধর্ম ? মহাশয়,
মুঢ়ে উপদেশ দেহ ধর্ম কারে কয় ।
ধর্ম নির্দোষীর নির্বাসন ?
- চারুদত্ত । তুমি দেখি
কুলশত্রু বিভীষণ । সকল কাজে কি
বাধা দিতে আছ ?
- সোমচার্য । মোরা ব্রাহ্মণসমাজে
একজে মিলেছি সবে ধর্মরক্ষাকাজে,
তুমি কোথা হতে এসে মাঝে দিলে দেখা
অভিশয় হুনিপুণ বিচ্ছেদের রেখা—
হুন্দ্র সর্বনাশ ।
- হুপ্রিয় । ধর্মার্থ সত্যাসত্য
কে করে বিচার ? আপন বিশ্বাসে মত্ত
করিয়াছ স্থির, শুধু দল বেঁধে সবে

সত্যের মীমাংসা হবে, শুধু উচ্চরবে ?
যুক্তি কিছু নহে ?

চাকদত্ত ।

দস্ত তব অতিশয়

হে সুপ্রিয় ।

সুপ্রিয় ।

প্রিয়বদ, মোর দস্ত নয়,
আমি অজ্ঞ অতি— দস্ত তারি যে আজিকে
শতার্থক শাস্ত্র হতে ছুটো কথা শিখে
নিষ্পাপ নিরপরাধ রাজকুমারীয়ে
টানিয়া আনিতে চাহে ঘরের বাহিরে
ভিক্ষুকের পথে— তাঁর শাস্ত্রে মোর শাস্ত্রে
ছ-অক্ষর প্রভেদ বলিয়া ।

কেমংকর ।

বচনাস্ত্রে

কে পারে তোমারে বন্ধুবর ।

সোমার্চার্ঘ ।

দূর করে

দাও সুপ্রিয়েরে । বিপ্রগণ, করো ওরে
সভার বাহির ।

চাকদত্ত

মোরা নির্বাসন চাহি
রাজকুমারীর । যার অভিমত নাহি
যাক সে বাহিরে ।

কেমংকর ।

কাস্ত হও বন্ধুগণ ।

সুপ্রিয় ।

ভ্রমক্রমে আমারে করেছ নির্বাচন
ব্রাহ্মণমণ্ডলী । আমি নহি এক জন
তোমাদের ছায়া । প্রতিধ্বনি নহি আমি
শাস্ত্রবচনের । যে শাস্ত্রের অহুগামী
এ ব্রাহ্মণ, সে শাস্ত্রে কোথাও লেখে নাই
শক্তি যার ধর্ম তার ।

কেমংকরের প্রতি

চলিলাম ভাই,

আমারে বিদায় দাও ।

কেমংকর

দিব না বিদায়

তর্কে শুধু বিধা তব, কাজের বেলায়
দৃঢ় তুমি পর্বতের মতো। বন্ধু মোর,
জান না কি আসিয়াছে দুঃসময় ঘোর—
আজ মৌন থাকে।

সুপ্রিয়।

বন্ধু, জয়েছে ধিকার।

মৃত্যুর দুর্দিনয় নাহি সহ্য আর।
যাগযজ্ঞ ক্রিয়াকর্ম ব্রত-উপবাস
এই শুধু ধর্ম বলে করিবে বিশ্বাস
নিঃসংশয়ে? বালিকারে দিয়া নির্বাসনে
সেই ধর্ম রক্ষা হবে? ভেবে দেখো মনে
মিথ্যারে সে সত্য বলি করে নি প্রচার;
সেও বলে সত্য ধর্ম, দয়া ধর্ম তার,
সর্বজীবে প্রেম— সর্বধর্মে সেই সার,
তার বেশি বাহা আছে, প্রমাণ কী তার?

স্বপ্নংকর।

স্থির হও ভাই। মূল ধর্ম এক বটে,
বিভিন্ন আধার। জল এক, ভিন্ন তটে
ভিন্ন জলাশয়। আমরা যে সরোবরে
মিটাই পিপাসা পিতৃপিতামহ ধ'রে
সেখা যদি অকস্মাৎ নবজলোচ্ছ্বাস
বন্যার মতন আসে, ভেঙে করে নাশ
তটভূমি তার, সে উচ্ছ্বাস হলে গত
বাঁধ-ভাঙা সরোবরে জলরাশি যত
বাহির হইয়া যাবে। তোমার অন্তরে
উৎস আছে, প্রয়োজন নাহি সরোবরে —
তাই বলে ভাগ্যহীন সর্বজনতরে
সাধারণ জলাশয় রাখিবে না তুমি—
পৈতৃক কালের বাঁধা দৃঢ় তটভূমি,
বহুদিবসের প্রেমে সতত লালিত
সৌন্দর্যের শ্রামলতা, সযত্নপালিত
পুরাতন ছায়াতরুগুলি, পিতৃধর্ম,

রবীন্দ্র-রচনাবলী

প্রাণপ্রিয় প্রথা, চির-আচরিত কর্ম,
 চিরপরিচিত নীতি ? হারিয়ে চেতন
 সত্যজননীর কোলে নিদ্রায় মগন
 কত মূঢ় শিশু, নাহি জানে জননীয়ে—
 তাদের চেতনা দিতে মাতার শরীরে
 কোরো না আঘাত । ধৈর্য সদা রাখো সখে,
 কমা করো কমাযোগ্য জনে, জ্ঞানালোকে
 আপন কর্তব্য করো ।

স্বপ্রিয় ।

তব পথগামী
 চিরদিন এ অধীন । রেখে দিব আমি
 তব বাক্য শিরে করি । যুক্তিসূচি'পরে
 সংসার-কর্তব্যভার কভু নাহি ধরে ।

উগ্রসেনের প্রবেশ

উগ্রসেন ।

কার্য সিদ্ধ কেমংকর ! হয়েছে চঞ্চল
 ব্রাহ্মণের বাক্য শুনে রাজসৈন্তদল,
 আজি বাধ ভাঙে-ভাঙে ।

সোমাচার্য ।

সৈন্তদল !

চারুদত্ত ।

সে কী !

এ কী কাণ্ড, ক্রমে এ যে বিপরীত দেখি
 বিদ্রোহের মতো ।

সোমাচার্য ।

এতদূর ভালো নয়

কেমংকর ।

চারুদত্ত ।

ধর্মবলে ব্রাহ্মণের জয়,
 বাহুবলে নহে । যজ্ঞবাগে সিদ্ধি হবে ;
 দ্বিগুণ উৎসাহভরে এস, বন্ধু, সবে
 করি মন্ত্রপাঠ । শুদ্ধাচারে বোণাসনে
 ব্রহ্মভেজ করি উপার্জন । একমনে
 পূজি ইষ্টদেবে ।

সোমাচার্য ।

তুমি কোথা আছ দেবী,

সিদ্ধিদাত্রী জগদ্ধাত্রী ! তব পদ সেবি
ব্যর্থকাম কতু নাহি হবে ভক্তজন ।
ভূমি কর নাস্তিকের দর্পসংহরণ
সশরীরে— প্রত্যক্ষ দেখায়ে দাঁও আজি
বিশ্বাসের বল । সংহারের বেশে সাজি
এখনি দাঁড়াও সর্বসম্মুখেতে আসি
মুক্তকেশে খড়্গহস্তে, অট্টহাস হাসি
পাষাণদলনী । এস সবে একপ্রাণ
ভক্তিভরে সম্বরে করহ আহ্বান
প্রলয়শক্তিরে ।

সম্বরে

ব্রাহ্মণগণ ।

সবে করজোড়ে যাচি—
আয় মা প্রলয়ংকরী ।

মালিনীর প্রবেশ

মালিনী ।

আমি আসিয়াছি ।

কেন্দর ও হৃদয়ের ব্যতীত

সমস্ত ব্রাহ্মণের ভূমিষ্ঠ হইয়া প্রণাম

সোমার্চার্য ।

এ কী দেবী, এ কী বেশ ! দয়াময়ী এ যে
এসেছেন মানবস্ত্রে নরকন্ঠা সেক্রে ।
এ কী অপরূপ রূপ ! এ কী স্নেহজ্যোতি
নেত্রযুগে ! এ তো নহে সংহারমূর্তি ।
কোথা হতে এলে মাতঃ ? কী ভাবিয়া মনে,
কী করিতে কাজ ?

মালিনী ।

আসিয়াছি নির্বাসনে,

তোমরা ডেকেছ বলে ওগো বিপ্রগণ ।

সোমার্চার্য ।

নির্বাসন ! স্বর্গ হতে দেবনির্বাসন
ভক্তের আহ্বানে !

চারুদত্ত ।

হায়, কি করিব মাতঃ,
তোমার সহায় বিনা আর রহে না তো

এ ভ্রষ্ট সংসার ।

মালিনী ।

আমি ফিরিব না আর ।

জানিতাম, জানিতাম তোমাদের দ্বার
মুক্ত আছে মোর তরে । আমারি লাগিয়া
আছ বসে । তাই আমি উঠেছি জাগিয়া
স্থখসম্পদের মাঝে, তোমরা যখন
সবে মিলি যাচিলে আমার নির্বাসন
রাজদ্বারে ।

কেমংকর ।

রাজকন্যা ?

সকলে ।

রাজার হুহিতা !

সুপ্রিয় ।

ধন্য ধন্য !

মালিনী ।

আমারে করেছ নির্বাসিতা ?

তাই আজি মোর গৃহ তোমাদের ঘরে ।
তবু এক বার মোরে বলো সত্য করে
সত্যই কি আছে কোনো প্রয়োজন মোরে,
চাহ কি আমায় ? সত্যই কি নাম ধরে
বাহির-সংসার হতে ডেকেছিলে সবে
আপন নির্জন ঘরে বসে ছিহু যবে
সমস্ত জগৎ হতে অতিশয় দূরে
শতভিত্তি-অস্তুরালে রাজ-অস্তঃপুরে
একাকী বালিকা । তবে সে তো স্বপ্ন নয় !
তাই তো কাঁদিয়াছিল আমার হৃদয়
না বুঝিয়া কিছু !

চাকরদত্ত ।

এস, এস মা জননী,

শতচিত্তশতদলে দাঁড়াও অমনি

করণমাখানো মুখে ।

মালিনী ।

আসিয়াছি আজ—

প্রথমে শিখাও মোরে কী করিব কাজ
তোমাদের । জন্ম লভিয়াছি রাজকুলে,
রাজকন্যা আমি— কখনো গবাক খুলে

চাহি নি বাহিরে, দেখি নাই এ সংসার
বৃহৎ বিপুল— কোথায় কী ব্যথা তার
জানি না তো কিছু । অনিরাছি দুঃখময়
বহুধরা, সে দুঃখের লব পরিচয়
তোমাদের সাথে ।

দেবদত্ত । ভাসি নয়নের জলে,

মা, তোমার কথা শুনে ।

সকলে । আমরা সকলে

পাষও পামর ।

মালিনী । আজি মোর মনে হয়

অমৃতের পাত্র যেন আমার হৃদয়—
যেন সে মিটাতে পারে এ বিশ্বের কুখা,
যেন সে চালিতে পারে সাধনার সুখা
যত দুঃখ যেথা আছে সকলের 'পরে
অনন্ত প্রবাহে । দেখো দেখো নীলাশ্বরে
মেঘ কেটে গিয়ে চাঁদ পেয়েছে প্রকাশ ।
কী বৃহৎ লোকালয়, কী শান্ত আকাশ—
এক জ্যোৎস্না বিস্তারিয়া সমস্ত জগৎ
কে নিল কুড়িয়ে বন্ধে— ওই রাজপথ,
ওই গৃহশ্রেণী, ওই উদার মন্দির—
স্তম্ভাচ্ছায়া তরুরাজি— দূরে নদীতীর,
বাজিছে পূজার ঘণ্টা— আশ্চর্য পুলকে
পুরিছে আমার অঙ্গ, জল আসে চোখে ।

কোথা হতে এহু আমি, আজি জ্যোৎস্নালোকে
তোমাদের এ বিস্তীর্ণ সর্বজনলোকে ।

চারুদত্ত । তুমি বিশ্বদেবী ।

সোমার্চার্ঘ । ষিক পাপ-রসনার !

শত ভাগে কাটিয়া গেল না বেদনার—
চাহিল তোমার নিবাসন ।

দেবদত্ত । চলো তবে

বিপ্রগণ, জননীরে জয়জয়রবে
রেখে আসি রাজগৃহে ।

সমবেত কণ্ঠে ।

জয় জননীর !

জয় মা লক্ষ্মীর ! জয় করুণাময়ীর !

মালিনীকে বিরিয়া লইয়া সুপ্রিয় ও কেমংকর ব্যতীত

[সকলের প্রস্থান

কেমংকর । দূর হোক, মোহ দূর হোক ! কোথা যাও
হে সুপ্রিয় ?

সুপ্রিয় । ছেড়ে দাও, মোরে ছেড়ে দাও ।

কেমংকর । স্থির হও । তুমিও কি, বন্ধু, অন্ধভাবে
জনশ্রোতে সর্বসাথে ভেসে চলে যাবে?!

সুপ্রিয় । এ কি স্বপ্ন কেমংকর ?

কেমংকর । স্বপ্নে মগ্ন ছিলে

এতক্ষণ— এখন সবলে চক্ষু মেলে
জেগে চেয়ে দেখো ।

সুপ্রিয় । মিথ্যা তব স্বর্গধাম,
মিথ্যা দেবদেবী কেমংকর— ভ্রমিলাম
বৃথা এ সংসারে এতকাল । পাই নাই
কোনো তৃপ্তি কোনো শাস্ত্রে, অন্তর সদাই
কঁদেছে সংশয়ে । আজ আমি লভিয়াছি
ধর্ম মোর, হৃদয়ের বড়ো কাছাকাছি ।
সবার দেবতা তব, শাস্ত্রের দেবতা—
আমার দেবতা নহে । প্রাণ তার কোথা,
আমার অন্তরমাঝে কই কহে কথা,
কী প্রশ্নের দেয় সে উত্তর— কী ব্যথার
দেয় সে সাহসনা ! আজি তুমি কে আমার
জীবনতরণীপরে রাখিলে চরণ
সমস্ত জড়তা তার করিয়া হরণ

এ কী গতি দিলে তারে ! এতদিন পরে
এ মর্তধরনীমাঝে মানবের ঘরে
পেয়েছি দেবতা মোর ।

কেমংকর ।

হায় হায় সখে,
আপন হৃদয় যবে ভুলায় কুহকে
আপনারে, বড়ো ভয়ংকর সে সময়—
শাস্ত্র হয় ইচ্ছা আপনার, ধর্ম হয়
আপন করনা । এই জ্যোৎস্নাময়ী নিশি
যে সৌন্দর্যে দিকে দিকে রহিয়াছে মিশি
ইহাই কি চিরস্থায়ী ? কাল প্রাতঃকালে
শতলক্ষ কুধাওলা শতকর্মজালে
ঘিরিবে না ভবসিদ্ধ— মহাকোলাহলে
হবে না কঠিন রণ বিশ্বরণস্থলে ?
তখন এ জ্যোৎস্নাস্থি স্বপ্নমায়া বলে
মনে হবে, অতি ক্ষীণ, অতি ছায়াময় ।
যে সৌন্দর্যমোহ তব ঘিরেছে হৃদয়
সেও সেই জ্যোৎস্নাসম— ধর্ম বল তারে ?
এক বার চক্ষু মেলি চাও চারি ধারে
কতো দুঃখ, কতো দৈন্ত, বিকট নিরাশা !
ওই ধর্মে মিটাইবে মধ্যাহ্নপিপাসা
ভূকাতুর অগতের ? সংসারের মাঝে
ওই তব ক্ষীণ মোহ লাগিবে কী কাজে ?
খররোজে দাঁড়াইয়া রণরঙ্গভূমে
তখনো কি ময় হয়ে যবে এই ঘুমে
ভুলে যবে স্বপ্নধর্মে— আর কিছু নাহি ?
নহে সখে !

সুপ্রিয় ।

নহে নহে ।

কেমংকর ।

তবে দেখো চাহি
সম্মুখে তোমার । বন্ধু, আর বন্ধা নাই ।
এবার লাগিল অগ্নি । গুড়ে হবে ছাই

পুরাতন অট্টালিকা, উন্নত উদার,
সমস্ত ভারতখণ্ড কক্ষে কক্ষে যার
হয়েছে মানুষ ।— এখনো যে ছু নয়নে
স্বপ্ন লেগে আছে তব !

থাণ্ডবদহনে

সমস্ত বিহঙ্গকুল গগনে গগনে
উড়িয়া ফিরিয়াছিল করুণ ক্রন্দনে
স্বর্গ সমাচ্ছন্ন করি, বক্ষে রক্ষণীয়
অক্ষয় শাবকগণে স্মরি । হে স্মপ্রিয়,
সেইমতো উদ্বিগ্ন-অধীর পিতৃকুল
নানা স্বর্গ হতে আসি আশঙ্কাব্যাকুল
ফিরিছেন শূন্যে শূন্যে আর্ত কলস্বরে
আসন্নসংকটাতুর ভারতের 'পরে ।—
তবু স্বপ্নে মগ্ন সখে !

দেখো মনে স্মরি,

আর্ষধর্মমহার্ঘ্য এ তীর্থনগরী
পুণ্য কানী । ঘারে হেথা কে আছে প্রহরী ?
সে কি আজ স্বপ্নে রবে কর্তব্য পাসরি
শত্রু যবে সমাগত, রাত্রি অন্ধকার,
মিত্র যবে গৃহদ্রোহী, পৌর পরিবার
নিশ্চেতন । হে স্মপ্রিয়, তুলে চাও আঁখি ।
কথা কও । বলো তুমি, আমারে একাকী
ফেলিয়া কি চলে যাবে মায়ার পশ্চাতে
বিশ্বব্যাপী এ দুর্যোগে, প্রলয়ের রাতে ?
স্মপ্রিয় । কতু নহে, কতু নহে । নিদ্রাহীন চোখে
দাঁড়াইব পার্শ্বে তব ।

ক্লেমংকর ।

শুন তবে, সখে,

আমি চলিলাম ।

স্মপ্রিয় ।

কোথা যাবে ?

ক্লেমংকর ।

দেশান্তরে ।

হেথা কোনো আশা নাই আর । ঘরে পরে
ব্যাপ্ত হয়ে গেছে বহি । বাহির হইতে
রক্তশ্রোত মুক্ত করি হবে নিবাইতে ।
যাই, সৈন্ত আনি ।

সুপ্রিয় । হেথাকার সৈন্তগণ

রয়েছে প্রস্তুত ।

কেমংকর । মিথ্যা আশা । এতক্ষণ

মুগ্ধ পক্ষপালসম তারাও সকলে
দম্বপক্ষ পড়িয়াছে সর্ব দলেবলে
হতাশনে । জয়ধ্বনি ওই শুনা যায় ।
উন্নতা নগরী আজি ধর্মের চিতায়
জালায় উৎসবদীপ ।

সুপ্রিয় । যদি যাবে ভাই,

প্রবাসে কঠিন পণে, আমি সঙ্গে যাই ।

কেমংকর । তুমি কোথা যাবে বন্ধু ? তুমি হেথা থেকে

সদা সাবধানে ; সকল সংবাদ রেখো
রাজভবনের । লিখো পত্র । দেখো সখে,
তুমিও ভুলো না শেষে নূতন কুহকে,
ছেড়ে না আমার । মনে রেখো সর্বক্ষণ
প্রবাসী বন্ধুরে ।

সুপ্রিয় । সখে, কুহক নূতন,

আমি তো নূতন নহি । তুমি পুরাতন
আর আমি পুরাতন ।

কেমংকর । দাঁও আলিঙ্গন ।

সুপ্রিয় । প্রথম বিচ্ছেদ আজি । ছিহু চিরদিন
এক সাথে । বন্ধে বন্ধে বিরহবিহীন
চলেছিহু দৌহে— আজ তুমি কোথা যাবে,
আমি কোথা রব ।

কেমংকর । আবার কিরিয়া পাবে

বন্ধুরে তোমার । শুধু মনে ভয় হয়

আজি বিপ্লবের দিন বড়ো দুঃসময়—
 ছিন্নভিন্ন হয়ে যায় প্রব বন্ধচয়,
 ভ্রাতারে আঘাত করে ভ্রাতা, বন্ধু হয়
 বন্ধুর বিরোধী। বাহিরিনু অন্ধকারে,
 অন্ধকারে ফিরিয়া আসিব গৃহদ্বারে—
 দেখিব কি দীপ জ্বালি বসি আছ ঘরে
 বন্ধু মোর ? সেই আশা রহিল অন্তরে।

তৃতীয় দৃশ্য

অন্তঃপুরে মহিষী

মহিষী।

এখানেও নাই ! মা গো, কী হবে আমার !
 কেবলি এমন করে কতদিন আর
 চোখে চোখে রাখি তারে, ভয়ে ভয়ে থাকি,
 রজনীতে ঘুম ভেঙে নাম ধরে ডাকি,
 জেগে জেগে উঠি। চোখের আড়াল হলে
 মনে শঙ্কা হয়, কোথা গেল বুঝি চলে
 আমার সে স্বপ্নস্বরূপিণী। যাই, খুঁজি,
 কোথা সে লুকায়ে আছে।

[প্রস্থান

যুবরাজের সহিত রাজার প্রবেশ

রাজা।

অবশেষে বুঝি

দিতে হল নির্বাসন।

যুবরাজ।

না দেখি উপায়।

ত্বরা যদি নাহি কর রাজ্য তবে যায়
 মহারাজ। সৈন্তগণ নগরপ্রহরী
 হয়েছে বিদ্রোহী। স্নেহমোহ পরিহরি
 কর্তব্য সাধন করো— দাও মালিনীয়ে
 অবিলম্বে নির্বাসন।

রাজা ।

ধীরে, বৎস, ধীরে ।

দিব তারে নির্বাসন, পুরাব প্রার্থনা,
সাধিব কর্তব্য মোর । মনে করিয়ো না
বৃদ্ধ আমি মোহমুগ্ধ, অন্তর দুর্বল,
রাজধর্ম তুচ্ছ করি কেলি অশ্রজল ।

মহিষীর পুনঃপ্রবেশ

মহিষী ।

মহারাজ, মহারাজ, বলো সত্য করে
কোথা লুকায়েছ তারে কাঁদাইতে মোরে ?
কোথায় সে ?

রাজা ।

কে মহিষী ?

মহিষী ।

মালিনী আমার ।

রাজা ।

কোথায় সে ? চলে গেছে ? নাই ঘরে তার ?

মহিষী ।

ওগো, নাই । যাও তুমি সৈন্তদল ল'য়ে
খোঁজো তারে পথে পথে আলয়ে আলয়ে,
করো ঘরা । ওগো, তারে করিয়াছে চুরি
তোমার প্রজারা মিলে । নিষ্ঠুর চাতুরী
তাহাদের । দূর করে দাও সর্বজনে ।
শূন্য করে দাও এ নগরী, যতক্ষণে
ফিরে নাহি দেয় মালিনীয়ে ।

রাজা ।

গেছে চলে ?

প্রতিজ্ঞা করিহু আমি ফিরাইব কোলে
কোলের কন্ডারে মোর । রাজ্যে ধিক্ থাক্ ।
ধিক্ ধর্মহীন রাজনীতি । ডাক্, ডাক্
সৈন্তদলে ।

[যুবরাজের প্রস্থান

মালিনীকে লইয়া সৈন্তগণ ও প্রজাগণের মশাল ও

সমারোহ সহকারে প্রবেশ

বান্ধনগণ ।

অয় অয় ওয় পুণ্যরাশি,

বিগ্রহিণী দয়া ।

ছুটিয়া গিয়া

মহিষী ।

ওমা, ওমা, সর্বনাশী,
ও রাক্ষসী মেয়ে, আমার হৃদয়বাসী
নির্দয় পাষণী, এক পল করি না গো
বুকের বাহির— তবু ফাঁকি দিয়ে, মা গো,
কোথা গিয়েছিলি ?

প্রজাগণ ।

কোরো না গো তিরস্কার
মহারানী ! আমাদের ঘরে একবার
গিয়েছিল আমাদের মাতা ।

চারুদত্ত ।

কেহ নই
আমরা কি ওগো রানী ? দেবী দয়াময়ী
শুধু তোমাদেরি ?

দেবদত্ত ।

ফিরে তো এনেছি পুন
পুণ্যবতী প্রাসাদলক্ষ্মীরে ।

সোমাচার্য ।

মা গো, শুন
আমাদের ভুলিয়ে না আর । মাঝে মাঝে
শুনি যেন শ্রীমুখের বাণী, শুভকাজে
পাই আশীর্বাদ, তা হলে পরান-তরী
পথ পাবে পারাবারে— ধ্রুবতারার ধরি
যাবে মুক্তিপারে ।

মালিনী ।

তোমরা যেয়ো না দূরে
এসেছ যাহারা । প্রতিদিন রাজপুরে
দেখা দিয়ে যেয়ো । সকলেরে এনো ডাকি,
সবারে দেখিতে চাহি আমি । হেথা থাকি
রব আমি তোমাদেরি ঘরে পুরবাসী ।

সকলে ।

মোরা আজি ধন্য সবে, ধন্য আজি কানী ।

[প্রস্থান

মালিনী ।

ওগো পিতা, আজ আমি হয়েছি সবার ।

কী আনন্দ উচ্ছ্বসিল, জয়জয়কার
উঠিল ধনিয়া যবে সহস্র হৃদয়

মুহূর্তে বিদীর্ণ করি ।

রাজা ।

কী সৌন্দর্যময়

আজিকার ছবি । সমুদ্রমহনে যবে
লক্ষ্মী উঠিলেন, তাঁরে ঘেরি কলরবে
মাতিল উন্মাদনৃত্যে উর্মিগুলি সবে,
সেইমতো উচ্ছ্বসিত জনপারাবার,
মাঝে তুমি লোকলক্ষ্মী মাতা ।

মালিনী ।

মা আমার,

এ প্রাচীরে মোরে আর নারিবে লুকাতে ।
তব অন্তঃপুরে আমি আনিয়াছি সাথে
সর্বলোক— দেহ নাই মোর, বাধা নাই,
আমি যেন এ বিশ্বের প্রাণ ।

মহিষী ।

থাক্ তাই,

বিশ্বপ্রাণ হয়ে । আপন করিয়া সবে
থাক্ মার কাছে । বাহিরে যেতে না হবে,
হেথা নিয়ে আয় তোর বৃহৎ সংসার—
মাতা কন্তা দৌহে মিলি সেবা করি তার ।
অনেক হয়েছে রাত, বোস্ মা এখানে,
শাস্ত করো আপনারে— জলিছে নয়ানে
উদ্দীপ্ত প্রাণের জ্যোতি নিদ্রার আরাম
দগ্ধ করি । একটুকু করো, মা, বিশ্বাম ।

মাতাকে আলিঙ্গন করিয়া

মালিনী ।

মা গো, শ্রাস্ত এবে আমি । কাঁপিতেছে দেহ :
কোথা গিয়েছিলু চলে ছাড়ি মার স্নেহ
প্রকাণ্ড পৃথিবী-মাঝে । মা গো, নিদ্রা আন
চক্ষে মোর । ধীরে ধীরে করু তুই গান
শিশুকালে অনিতায় বাহা । আজি মোর
চক্ষে আসিতেছে জল, বিবাদের ঘোর
ঘনাইছে প্রাণে ।

মহিষী ।

বসুগণ, ক্রতুগণ,

বিশ্বদেবগণ, সবে করহ রক্ষণ
 কণ্ঠারে আমার । মর্তলোক, স্বর্গলোক
 হও অমুকুল— শুভ হোক, শুভ হোক
 কণ্ঠার আমার । হে আদিত্য, হে পবন,
 করি প্রণিপাত, সর্ব দিকপালগণ
 করো দূর মালিনীর সর্ব অকল্যাণ ।—
 দেখিতে দেখিতে আহা শ্রান্ত ছু-নয়ান
 মুদিয়া এসেছে ঘুমে । আহা, মরে বাই !
 দূর হোক, দূর হোক সকল বালাই ।—
 ভয়ে অন্ধ কাঁপে মোর । কণ্ঠার তোমার
 এ কী খেলা মহারাজ ? সমস্ত সংসার
 খেলার সামগ্রী তার— তারে রেখে দিবে
 আপনার গৃহকোণে, ঘুম পাড়াইবে
 পদহস্ত পরশিয়া ললাটে তাহার !
 অবাক হয়েছি দেখে কাণ্ড বালিকার ।
 যেমন খেলেনাখানি, তেমনি এ খেলা ।
 মহারাজ, সাবধান হও এই বেলা ।
 নবধর্ম, নবধর্ম করে বল তুমি !
 কে আনিল নবধর্ম, কোথা তার ভূমি
 আকাশকুম্ভ ? কোন্ মন্ততার শ্রোতে
 ভেসে এল— কণ্ঠারে মায়ের কোল হতে
 টানিয়া লইয়া যায়— ধর্ম বলে তায় ?
 তুমিও দিয়ো না ষোগ কণ্ঠার খেলায়
 মহারাজ । বলে দাও, গ্রহবিপ্রগণ
 করুক সকলে মিলে শাস্তিস্বস্ত্যয়ন
 দেবার্চনা । স্বয়ম্বরসভা আনো ডেকে
 মালিনীর তরে । মনোমত বর দেখে
 খেলা ভেঙে ষোগ্য কর্ণে দিক বরমালা—
 দূর হবে নবধর্ম, জুড়াইবে আলা ।

চতুর্থ দৃশ্য

রাজ-উপবন

মালিনী পরিচারিকাবর্গ ও সুপ্রিয়

মালিনী ।

হায়, কী বলিব ! তুমিও কি মোর ঘরে
আসিয়াছ বিজ্ঞোত্তম ? কী দিব তোমারে ?
কী তর্ক করিব ? কী শাস্ত্র দেখাব আনি ?
তুমি বাহা নাহি জান আমি কি তা জানি ?

সুপ্রিয় ।

শাস্ত্রসাথে তর্ক করি, নহে তোমা-সনে ।
সভায় পণ্ডিত আমি, তোমার চরণে
বালকের মতো । দেবী, লহ মোর ভার ।
যে পথে লইয়া যাবে জীবন আমার
সাথে যাবে, সর্ব তর্ক করি পরিহার,
নীরব ছায়ার মতো দীপবর্তিকার ।

মালিনী ।

হে ব্রাহ্মণ, চলে যায় সকল ক্ষমতা
তুমি যবে প্রশ্ন কর, নাহি পাই কথা ।
বড়ই বিস্ময় লাগে মনে । হে সুপ্রিয়,
মোর কাছে কী জানিতে এসেছ তুমিও ?

সুপ্রিয় ।

জানিবার কিছু নাই, নাহি চাহি জান ।
সব শাস্ত্র পড়িয়াছি, করিয়াছি ধ্যান
শত তর্ক শত মত । ভূলাও, ভূলাও,
যত জানি সব জানা দূর করে দাও ।
পথ আছে শতলক্ষ, শুধু আলো নাই
ওগো দেবী জ্যোতির্ময়ী— তাই আমি চাই
একটি আলোর রেখা উজ্জল সুন্দর
তোমার অন্তর হতে ।

মালিনী ।

হায় বিপ্রবর,

যত তুমি চাহিতেছ আমি বেন তত
আপনারে হেরিতেছি দরিত্রের মতো ।

যে দেবতা মর্মে মোর বজ্রালোক হানি
 বলেছিল একদিন বিদ্যুন্ময়ী বাণী
 সে আজি কোথায় গেল । সেদিন, ব্রাহ্মণ,
 কেন তুমি আসিলে না ? কেন এতক্ষণ
 সন্দেহে রহিলে দূরে ? বিশ্বে বাহিরিয়া
 আজি মোর জাগে ভয়, কেঁপে ওঠে হিয়া,
 কী করিব কী বলিব বুঝিতে না পারি—
 মহাধর্মতরঙ্গীর বালিকা কাণ্ডারী
 নাহি জানি কোথা যেতে হবে । মনে হয়
 বড়ো একাকিনী আমি— সহস্র সংশয়,
 বৃহৎ সংসার, অসংখ্য জটিল পথ,
 নানা প্রাণী— দিব্যজ্ঞান ক্ষণপ্রভাবৎ
 ক্ষণিকের তরে আসে । তুমি মহাজ্ঞানী
 হবে কি সহায় মোর ?

সুপ্রিয় ।

বহু ভাগ্য মানি

যদি চাহ মোরে ।

মালিনী ।

মাঝে মাঝে নিরুৎসাহ

রুদ্ধ করে দেয় যেন প্রাণের প্রবাহ—
 পীড়ন করিতে থাকে নিরুদ্ধ নিশ্বাসে,
 থেকে থেকে অকারণ অপ্রজলে ভাসে
 দুঃনয়ন কোন্ বেদনায় । অকস্মাৎ
 আপনার 'পরে যেন পড়ে দৃষ্টিপাত
 সহস্র লোকের মাঝে, সেই দুঃসময়ে
 তুমি মোর বন্ধু হবে ? মন্ত্রগুরু হয়ে
 দিবে নবপ্রাণ ?

সুপ্রিয় ।

প্রস্তুত রাখিব নিত্য

এ ক্ষুদ্র জীবন । আমার সকল চিন্তা
 সবল নির্মল করি, বুদ্ধি করি শাস্ত,
 সমর্পণ করি দিব নিয়ত একান্ত
 তব কাঞ্চে ।

প্রতিহারীর প্রবেশ

প্রতিহারী ।

প্রভাগণ দরশন যাচে ।

মালিনী ।

আজ নহে, আজ নহে । সকলের কাছে
মিনতি আমার ; আজি মোর কিছু নাহি ।
রিস্ত চিত্ত মাঝে মাঝে ভরিবারে চাহি—
বিশ্রাম প্রার্থনা করি ঘুচাতে জড়তা ।

[প্রতিহারীর প্রস্থান

সুপ্রিয়ের প্রতি

যে কথা শুনাতেছিলে কহ সেই কথা,
আপন কাহিনী । শুনিয়া বিশ্বয় লাগে,
নূতন বারতা পাই, নবদৃশ্ত জাগে
চক্ষে মোর । তোমাদের সুখছুঃখ যত,
গৃহের বারতা সব, আত্মীয়ের মতো
সকলি প্রত্যক্ষ যেন জানিবারে পাই ।
কেমংকর বান্ধব তোমার ?

সুপ্রিয় ।

বন্ধু, ভাই,

প্রভু । সূর্য সে আমার, আমি তার রাহ,
আমি তার মহামোহ । বলিষ্ঠ সে বাহ,
আমি তাহে লৌহপাশ । বাল্যকাল হতে
দৃঢ় সে অটলচিত্ত, সংশয়ের শ্রোতে
আমি ভাসমান । তবু সে নিয়ত মোরে
বন্ধুমোহে বন্ধোমাঝে রাখিয়াছে ধরে
প্রবল অটল প্রেমপাশে, নিঃসন্দেহে
বিনা পরিতাপে, চন্দ্রমা যেমন স্নেহে
মহান্তে বহন করে কলঙ্ক অক্ষয়
অনন্ত ভ্রমণপথে । ব্যর্থ নাহি হয়
বিধির নিয়ম কত— লৌহময় তরী
হোক না যতই দৃঢ়, যদি রাখে ধরি
বন্ধতলে ক্ষুদ্র ছিদ্রটিরে, এক দিন
সংকটসমুদ্রমাঝে উপায়বিহীন

মালিনী ।
সুপ্রিয় ।

ডুবিতে হইবে তারে । বন্ধু চিরস্তন,
তোমাতে ডুবাব আমি, ছিল এ লিখন ।
ডুবায়েছ তারে ?

দেবী, ডুবায়েছি তারে ।

জীবনের সব কথা বলেছি তোমাতে,
শুধু, সেই কথা আছে বাকি ।

যেই দিন

বিদেহ উঠিল গর্জি দয়াধর্মহীন
তোমাতে ঘেরিয়া চারি দিকে, একাকিনী
দাঁড়াইয়া পূর্ণ মহিমায়, কী রাগিণী
বাজাইলে ! বংশীরবে যেন মগ্নাহত
বিদ্রোহ করিল আসি ফণা অবনত
তব পদতলে । শুধু বিপ্র কেমংকর
রহিল পাষণচিত্ত, অটল-অস্তর ।
একদা ধরিয়া কর কহিল সে মোরে
'বন্ধু, আমি চলিলাম দূর দেশান্তরে ।
আনিয়া বিদেশী সৈন্য বরুণার কূলে
নবধর্ম উৎপাটন করিব সমূলে
পুণ্য কাশী হতে ।' চলি গেল রিক্ত হাতে
অজ্ঞাত ভুবনে । শুধু লয়ে গেল সাথে
আমার হৃদয়, আর, প্রতিজ্ঞা কঠোর ।
তার পরে জ্ঞান তুমি কী ঘটিল মোর ।
লভিলাম যেন আমি নবজন্মভূমি
যেদিন এ শুষ্ক চিন্তে বরষিলে তুমি
সুধারষ্টি । 'সর্ব জীবে দয়া' জানে সবে—
অতি পুরাতন কথা— তবু এই ভবে
এই কথা বসি আছে লক্ষবর্ষ ধরি
সংসারের পরতীরে । তারে পার করি
তুমি আজি আনিয়াছ সোনার তরীতে
সবার ঘরের দ্বারে । হৃদয়-অমৃত

শুভদান করিয়াছ সে দেবশিশুরে,
 লয়েছে সে নবজন্ম মানবের পুরে
 তোমারে মা বলে । স্বর্গ আছে কোন্ দূরে,
 কোথায় দেবতা— কে বা সে সংবাদ জানে ।
 শুধু জানি বলি দিয়া আত্ম-অভিমাণে
 বাসিতে হইবে ভালো, বিশ্বের বেদনা
 আপন করিতে হবে— যে কিছু বাসনা
 শুধু আপনার তরে তাই ছঃখময় ।
 যজ্ঞে যাগে তপস্যায় কতু মুক্তি নয়,
 মুক্তি শুধু বিশ্বকাঞ্চে । কিরে গিয়ে ঘরে
 সে নিশীথে কাঁদিয়া কহিছু উচ্চস্বরে,
 'বন্ধু, বন্ধু, কোথা গেছ বহু বহু দূরে—
 অসীম ধরণীতলে মরিতেছ ঘুরে !'
 ছিছু তার পত্র-আশে— পত্র নাহি পাই,
 না জানি সংবাদ । আমি শুধু আসি যাই
 রাজগৃহমাঝে, চারি দিকে দৃষ্টি রাখি,
 শুধাই বিদেশীজনে, ভয়ে ভয়ে থাকি—
 নাবিক যেমন দেখে চকিত নয়নে
 সমুদ্রের মাঝে, গগনের কোন্ কোণে
 ঘনাইছে ঝড় । এল ঝড় অবশেষে
 একখানি ছোটো পত্ররূপে । লিখেছে সে—
 রত্নবতী নগরীর রাজগৃহ হতে
 সৈন্ত লয়ে আসিছে সে শোণিতের শ্রোতে
 ভাসাইতে নবধর্ম, ভিড়াইতে তীরে
 পিতৃধর্ম ময়প্রায়, রাজকুমারীরে
 প্রাণদণ্ড দিতে । প্রচণ্ড আঘাতে সেই
 ছিঁড়িল প্রাচীন পাশ এক নিমেষেই ।
 রাজারে দেখাছু পত্র । যুগয়ার ছলে
 গোপনে গেছেন রাজা সৈন্তদলবলে
 আক্রমিতে তারে । আমি হেথা লুটাত্তেছি

পৃথীতলে-- আপনার মর্মে ফুটাতেছি
দস্ত আপনার ।

মালিনী ।

হায়, কেন তুমি তারে
আসিতে দিলে না হেথা মোর গৃহদ্বারে
সৈন্তসাথে ? এ ঘরে সে প্রবেশিত আসি
পূজ্য অতিথির মতো, সূচিরপ্রবাসী
ফিরিত স্বদেশে তার ।

রাজার প্রবেশ

রাজা ।

এস আলিঙ্গনে
হে সুপ্রিয় ! গিয়েছি মু অমুকুল ক্ষণে
বার্তা পেয়ে । বন্দী করিয়াছি ক্ষেত্রংকরে
বিনাক্রেশে । তিলেক বিলম্ব হলে পরে
সুপ্তরাজগৃহশিরে বজ্র ভয়ংকর
পড়িত ঝঙ্কনি, জাগিবার অবসর
পেতেম না কতু । এস আলিঙ্গনে মম
বান্ধব, আত্মীয় তুমি ।

সুপ্রিয় ।

ক্ষম মোরে ক্ষম

মহারাজ !

রাজা ।

শুধু নহে শূন্য আত্মীয়তা
প্রিয়বন্ধু ! মনে আনিয়ো না হেন কথা
শুধু রাজ-আলিঙ্গনে পুরস্কার তব ।
কী ঐশ্বর্য চাহ ? কী সম্মান অভিনব
করিব স্বজন তোমাতরে ? কহ মোরে !

সুপ্রিয় ।

কিছু নহে, কিছু নহে, খাব ভিক্ষা করে
দ্বারে দ্বারে ।

রাজা ।

সত্য কহ, রাজ্যখণ্ড লবে ?

সুপ্রিয় ।

রাজ্যে ধিক্ থাক ।

রাজা ।

অহো, বুঝিলাম তবে
কোন্ পণ চাহ জিনিবারে, কোন্ চাঁদ

গেতে চাও হাতে । ভালো, পুরাইব সাধ,
 দিলাম অভয় । কোন্ অসম্ভব আশা
 আছে মনে, খুলে বলো । কোথা গেল ভাষা !
 বেশি দিন নহে, বিপ্র, সে কি মনে পড়ে
 এই কন্তা মালিনীর নির্বাসনতরে
 অগ্রবর্তী ছিলে তুমি । আজি আরবার
 করিবে কি সে প্রার্থনা ? রাজহুহিতার
 নির্বাসন পিতৃগৃহ হতে ? সাধনার
 অসাধ্য কিছুই নাই— বাহ্য সিদ্ধ হবে,
 ভরসা বাঁধহ বন্ধোমাঝে । শুন তবে—
 জীবনপ্রতিমে, বৎসে, যে তোমার প্রাণ
 রক্ষা করিয়াছে, সেই বিপ্র গুণবান্
 স্ত্রপ্রিয় সবার প্রিয়, প্রিয়দরশন,
 তারে—

স্ত্রপ্রিয় ।

কাস্ত হও, কাস্ত হও হে রাজন্ !
 অগ্নি দেবী, আজন্মের ভক্তি-উপহারে
 পেয়েছে আপন ঘরে ইষ্টদেবতারে
 কত অকিঞ্চন— তেমনি পেতেম যদি
 আমার দেবীরে, রহিতাম নিরবধি
 ধন্ত হয়ে । রাজহস্ত হতে পুরস্কার !
 কী করেছি ? আশৈশব বন্ধু আমার
 করেছি বিক্রম, আজি তারি বিনিময়ে
 লয়ে যাব শিরে করি আপন আলয়ে
 পরিপূর্ণ সার্থকতা ? তপস্তা করিয়া
 মাগিব পরমসিদ্ধি জন্মান্ত ধরিয়া—
 জন্মান্তরে পাই যদি তবে তাই হোক—
 বন্ধুর বিশ্বাস ভাঙি সপ্ত স্বর্গলোক
 চাহি না লভিতে । পূর্ণকাম তুমি দেবী,
 আপনার অন্তরের মহেশ্বরে সেবি
 পেয়েছ অনন্ত শান্তি— আমি দীনহীন

পথে পথে ফিরে ঘরি অদৃষ্ট-অধীন
 শ্রাস্ত নিজভারে । আর কিছু চাহিব না—
 দিতেছ নিখিলময় যে শুভকামনা
 মনে করে অভাগারে তারি এক কণা
 দিয়ো মনে মনে ।

মালিনী ।

ওরে রমণীর মন,
 কোথা বন্ধোমাবে বসে করিস ক্রন্দন
 মধ্যাহ্নে নির্জন নীড়ে প্রিয়বিরহিতা
 কপোতীর প্রায় ?— কী করেছ বলো পিতা
 বন্দীর বিচার ?

রাজা ।

প্রাণদণ্ড হবে তার ।

মালিনী ।

ক্ষমা করো— একান্ত এ প্রার্থনা আমার
 তব পদে ।

রাজা ।

রাজদ্রোহী, ক্ষমিব তাহারে
 বৎসে ?

স্বপ্রিয় ।

কে কার বিচার করে এ সংসারে !
 সে কি চেয়েছিল তব সমাগরা মহী
 মহারাজ ? সে জানিত তুমি ধর্মদ্রোহী,
 তাই সে আসিতেছিল তোমার বিচার
 করিতে আপন বলে । বেশি বল যার
 সেই বিচারক । সে যদি জিনিত আজি
 দৈবক্রমে, সে বসিত বিচারক সাজি
 তুমি হতে অপরাধী ।

মালিনী ।

রাখো প্রাণ তার
 মহারাজ ! তার পরে স্মরি উপকার
 হিতৈষী বন্ধুরে তব যাহা ইচ্ছা দিয়ো
 লবে সে আদর করি ।

রাজা ।

কী বল স্বপ্রিয় ?
 বন্ধুরে করিব বন্ধুদান ?

স্বপ্রিয় ।

চিরদিন

অরণ্যে রহিবে তব অমুগ্রহ-ঋণ
নরপতি ।

রাজা ।

কিন্তু তার পূর্বে এক বার
দেখিব পরীক্ষা করি বীরত্ব তাহার ।
দেখিব মরণভয়ে টলে কি না টলে
কর্তব্যের বল । মহেশ্বের শিখা জলে
নক্ষত্রের মতো— দীপ নিবে বায় ঝড়ে,
তারি নাহি নিবে । সে কথা হইবে পরে ।
তোমার বন্ধুরে তুমি পাবে, মাঝখানে
উপলক্ষ আমি । সে দানে তৃপ্তি না মানে
মন । আরো দিব । পুরস্কার বলে নয়—
রাজার হৃদয় তুমি করিয়াছ জয়,
সেথা হতে লহ তুলি রত্ন সর্বোত্তম
হৃদয়ের ।— কণ্ঠা, কোথা ছিল এ শরম
এতদিন ! বালিকার লজ্জাভয়শোক
দূর করি দীপ্তি পেত অন্নান আলোক
দুঃসহ উজ্জল । কোথা হতে এল আজ
অশ্রুবাণে ছলছল কম্পমান লাজ—
যেন দীপ্ত হোমহতাশনশিখা ছাড়ি
সম্মত বাহিরিয়া এল স্নিগ্ধসুকুমারী
ক্রপদহুহিতা ।

সুপ্রিয়ের প্রতি

উঠ, ছাড়ো পদতল ।

বৎস, বকে এস । সুখ করিছে বিশ্বল
দুর্ভর দুঃখেরই মতো । দাও অবসর,
হেরি প্রাণপ্রতিমার মুখশশধর
বিরলে আনন্দভরে শুধু কণকাল ।

[সুপ্রিয়ের প্রশ্নান

বসন্ত

বহুদিন পরে মোর মালিনীর ভাল
লজ্জার আভার রাঙা । কপোল উবার

যখনি রাঙিয়া উঠে, বুঝা যায়, তার
 তপন উদয় হতে দেরি নাই আর ।
 এ রাঙা আভাস দেখে আনন্দে আমার
 হৃদয় উঠিছে ভরি ; বুঝিলাম মনে
 আমাদের কণ্ঠাটুকু বুঝি এতক্ষণে
 বিকশি উঠিল— দেবী না রে, দয়া না রে,
 ঘরের সে মেয়ে ।

প্রতিহারীর প্রবেশ

প্রতিহারী । জয় মহারাজ, দ্বারে
 উপনীত বন্দী ক্লেমংকর ।
 রাজা । আনো তারে ।

শৃঙ্খলবদ্ধ ক্লেমংকরের প্রবেশ

নেত্র স্থির, উর্ধ্বশির, ক্রকুটির 'পরে
 ঘনায় রয়েছে ঝড়, হিমাদ্রিশিখরে
 স্তম্ভিত শ্রাবণসম ।

মালিনী । লোহার শৃঙ্খল
 ধিক্কার মানিছে যেন লঙ্কায় বিকল
 গুই অন্ধ'পরে । মহেশ্বের অপমান
 মরে অপমানে । ধন্য মানি এ পরান
 ইন্দ্রতুল্য হেন মূর্তি হেরি ।
 বন্দীর প্রতি

রাজা । কী বিধান
 হয়েছে শুনেছ ?

ক্লেমংকর । মৃত্যুদণ্ড ।

রাজা । যদি প্রাণ
 ফিরে দিই, যদি ক্ষমা করি !

ক্লেমংকর । পুনর্বীর
 তুলিয়া লইতে হবে কর্তব্যের ভার—
 যে পথে চলিতেছি গু আবার সে পথে

যেতে হবে ।

রাজা । বাঁচিতে চাহ না কোনোমতে !

ব্রাহ্মণ, প্রস্তুত হও মমতা তেয়াগি
জীবনের । এই বেলা লহ তবে মাগি
প্রার্থনা বা-কিছু থাকে ।

ক্লেমংকর । আর কিছু নাহি
বন্ধু স্ত্রীপ্রিয়েরে শুধু দেখিবারে চাহি ।

ঐতিহারীর প্রক্তি

রাজা । ডেকে আনো তারে ।

মাগিনী । হৃদয় কাঁপিছে বৃকে ।
কী যেন পরমা শক্তি আছে ওই মুখে
বহুসম ভয়ংকর । রক্ষা করো পিতঃ,
আনিয়ো না স্ত্রীপ্রিয়েরে ।

রাজা । কেন, মা, শঙ্কিত
অকারণে ? কোনো ভয় নাই ।

ক্লেমংকরের নিকট স্ত্রীপ্রিয়ের আগমন

আলিঙ্গন প্রত্যাখ্যান করিয়া

ক্লেমংকর । থাক্ থাক্,
যাহা বলিবার আছে আগে হুয়ে থাক—
পরে হবে প্রণয়সম্মান । এস হেথা ।
জান সখে, বাক্যদীন আমি— বেশি কথা
জোগায় না মুখে । সময় অধিক নাই,
আমার বিচার হল শেষ— আমি চাই
তোমার বিচার এবে । বলো মোর কাছে
এ কাজ করেছ কেন ?

স্ত্রীপ্রিয় । বন্ধু এক আছে
শ্রেষ্ঠতম, সে আমার আত্মার নিবাস,
নব ছেড়ে রাখিয়াছি তাহারি নিবাস

প্রাণসখে— ধর্ম সে আমার ।

কেমংকর ।

জানি জানি

ধর্ম কে তোমার । ওই স্তব্ধ মুখখানি
অস্তর্জ্যোতির্ময়, মূর্তিমতী দৈববাণী
রাজকন্টারূপে— চতুর্বেদ হতে, সখে,
কেড়ে লয়ে পিতৃধর্ম ওই নেত্রালোকে
দিয়েছ আহুতি তুমি । ধর্ম ওই তব ।
ওই প্রিয়মুখে তুমি রচিয়াছ নব
ধর্মশাস্ত্র আজি ।

স্বপ্রিয় ।

সত্য বুঝিয়াছ সখে ।

মোর ধর্ম অবতীর্ণ দীন মর্ত্যলোকে
ওই নারীমূর্তি ধরি । শাস্ত্র এতদিন
মোর কাছে ছিল অন্ধ জীবনবিহীন ;
ওই দুটি নেত্রে জলে যে উজ্জ্বল শিখা
সে আলোকে পড়িয়াছি বিশ্বশাস্ত্রে লিখা-
যেথা দয়া সেথা ধর্ম, যেথা প্রেমস্নেহ,
যেথায় মানব, যেথা মানবের গেহ ।
বুঝিলাম, ধর্ম দেয় স্নেহ মাতারূপে,
পুত্ররূপে স্নেহ লয় পুন ; দাতারূপে
করে দান, দীনরূপে করে তা গ্রহণ ;
শিষ্যরূপে করে ভক্তি, গুরুরূপে করে
আশীর্বাদ ; প্রিয়া হয়ে পাষণ-অস্তরে
প্রেম-উৎস লয় টানি, অম্লরস্ক হয়ে
করে সর্বত্যাগ । ধর্ম বিশ্বলোকালয়ে
ফেলিয়াছে চিত্তজাল, নিখিল ভুবন
টানিতেছে প্রেমক্রোড়ে— সে মহাবন্ধন
ভরেছে অস্তর মোর আনন্দবেদনে
চাহি ওই উষারূপ করণ বদনে ।
ওই ধর্ম মোর ।

কেমংকর ।

আমি কি দেখিনি ওরে ?

আমিও কি ভাবি নাই মুহূর্তের ঘোরে
 এসেছে অনাদি ধর্ম নারীমূর্তি ধরে
 কঠিন পুরুষমন কেড়ে নিয়ে যেতে
 স্বর্গগানে ? কণতরে মুগ্ধ হৃদয়েতে
 জন্মে নি কি স্বপ্নাবেশ ? অপূর্ব সংগীতে
 বন্ধের পঙ্কর মোর লাগিল কাঁদিতে
 সহস্র বংশীর মতো— সর্ব সফলতা
 জীবনের যৌবনের আশাকল্পলতা
 জড়িয়ে জড়িয়ে মোর অন্তরে অন্তরে
 মঞ্জরি উঠিল যেন পত্রপুষ্পভরে
 এক নিমেষের মাঝে । তবু কি সবলে
 ছিঁড়িনি মায়ার বন্ধ, বাইনি কি চলে
 দেশে দেশে ঘারে ঘারে, ভিক্ষকের মতো
 লইনি কি শিরে ধরি অপমান শত
 হীন হস্ত হতে— সহিনি কি অহরহ
 আজন্মের বন্ধু তুমি তোমার বিরহ ?
 সিদ্ধি যবে লক্ষপ্রায়, তুমি হেথা বসে
 কী করেছ— রাজগৃহমাঝে স্থখালসে
 কী ধর্ম মনের মতো করেছ সৃজন
 দীর্ঘ অবসরে ?

সুপ্রিয় ।

ওগো বন্ধু, এ ভুবন

নহে কি বৃহৎ ? নাই কি অসংখ্য জন,
 বিচিত্র স্বভাব ? কাহার কী প্রয়োজন
 তুমি কি তা জান ? গগনে অগণ্য তারা
 নিশিনিশি বিবাদ কি করিছে তাহারা
 কেমন কর ? তেমনি জালায়ে নিজ জ্যোতি
 কত ধর্ম জাগিতেছে তাহে কোন্ কতি !

কেমন কর ।

মিছে আর কেন বন্ধু । ফুরালো সময়,
 বাক্য লয়ে মিথ্যা খেলা, তর্ক আর নয় ।
 সত্যমিথ্যা পাশাপাশি নির্বিরোধে রবে

এত স্থান নাহি নাহি অনন্ত এ ভবে ।
 অন্নরূপে ধান্ন যথা উঠে চিরদিন
 রোগিবে তাহারি মাঝে কণ্টক নবীন,
 হে স্প্রিয়, প্রেম এত সর্বপ্রেমী নয় ।
 ছিল চিরদিবসের বিশ্রু প্রণয়,
 আনিবে বিশ্বাসঘাত বন্ধোমাঝে তার
 বন্ধু মোর, উদারতা এত কি উদার !
 কেহ বা ধর্মের লাগি সহি নির্ধাতন
 অকালে অস্থানে মরে চোরের মতন,
 কেহ বা ধর্মের ব্রত করিয়া নিষ্ফল
 বাঁচিবে সম্মানে সুখে, এ ধরণীতল
 হেন বিপরীত ধর্ম এক বন্ধে বহে—
 এত বড়ো এত দৃঢ় কভু নহে নহে ।

মালিনীর প্রতি কিরিয়া

স্প্রিয় । হে দেবী, তোমারি জয় ! নিজ পদ্বকরে
 যে পবিত্র শিখা তুমি আমার অন্তরে
 জ্বালায়েছ, আজি হল পরীক্ষা তাহার—
 তুমি হলে জয়ী । সর্ব অপমানভার
 সকল নিষ্ঠুরঘাত করিছু গ্রহণ ।
 রক্ত উচ্ছসিয়া উঠে উৎসের মতন
 বিদীর্ণ হৃদয় হতে— তবু সমুজ্জ্বল
 তব শাস্তি, তব প্রীতি, তব স্মরণ
 অমান-অচল-দীপ্তি করিছে বিরাজ
 সর্বোপরি । ভক্তের পরীক্ষা হল আজ,
 জয় দেবী । ক্ষেত্রংকর, তুমি দিবে প্রাণ—
 আমার ধর্মের লাগি করিয়াছি দান
 প্রাণের অধিক প্রিয় তোমার প্রণয়,
 তোমার বিশ্বাস । তার কাছে প্রাণভয়
 তুচ্ছ শতবার ।

কেমংকর ।

ছাড়ো এ প্রলাপবানী ।

মৃত্যু যিনি তাঁহারেই ধর্মরাজ জানি—
 ধর্মের পরীক্ষা তাঁরি কাছে । বন্ধুবর,
 এস তবে কাছে এস, ধরো মোর কর,
 চলো মোরা যাই সেখা দৌছে এক সনে,
 যেমন সে বাল্যকালে— সে কি পড়ে মনে,
 কতদিন সারারাত্রি তর্ক করি, শেষে
 প্রভাতে যেতেম দৌছে গুরুর উদ্দেশে
 কে সত্য কে মিথ্যা তাহা করিতে নির্ণয় ।
 তেমনি প্রভাত হোক । সকল সংশয়
 আজিকে লইয়া চলি অসংশয় ধামে,
 দাঁড়াই মৃত্যুর পাশে দক্ষিণে ও বামে
 ছুই সখা, লয়ে দু জনের প্রশ্ন যত ।
 সেখায় প্রত্যক্ষ সত্য উজ্জল উন্নত—
 মুহূর্তে পর্বতপ্রায় বিচার-বিরোধ
 বাষ্পসম কোথা যাবে ! ছুইটি অবোধ
 আনন্দে হাসিব চাহি দৌছে দৌহাকারে ।
 সব চেয়ে বড়ো আজি মনে কর যারে
 তাহারে রাখিয়া দেখো মৃত্যুর সম্মুখে ।
 বন্ধু, তাই হোক ।

স্বপ্রিয় ।

কেমংকর ।

এস তবে, এস বৃকে ।

বহুদূরে গিয়েছিলে এস কাছে তবে
 যেখায় অনন্তকাল বিচ্ছেদ না হবে ।
 লহ তবে বন্ধুহস্তে করুণ বিচার—
 এই লহ ।

পৃথল দ্বারা স্বপ্রিয়ের বসকে আঘাত

ও তাহার পতন

স্বপ্রিয় ।

দেবী, তব জয় ।

[মৃত্যু

মৃত্যুসেহের উপর পড়িয়া

কেমংকর ।

এইবার

রবীন্দ্র-রচনাবলী

ডাকো, ডাকো ঘাতকেরে ।

সিংহাসন ছাড়িয়া

রাজা ।

কে আছিল গুরে !

আনু খড়গ ।

মালিনী ।

মহারাজ, কুম কেমংকরে ।

[মুহিত

বৈকুণ্ঠের খাতা

নাটকের পাত্রগণ

বৈকুণ্ঠ

অবিনাশ । বৈকুণ্ঠের কনিষ্ঠ ভ্রাতা

ঈশান । বৈকুণ্ঠের ভৃত্য

কেদার । অবিনাশের সহপাঠী

তিনকড়ি । কেদারের সহচর

বৈকুণ্ঠের খাতা

প্রথম দৃশ্য

কেদার ও তিনকড়ি

কেদার । দেখ্, তিনকড়ে— অবিনাশ তো আমার গন্ধ পেলেই তেড়ে আসে—
তিনকড়ি । মাহুষ চেনে দেখছি, আমার মতো অবোধ নয় ।

কেদার । কিন্তু আমি প্রতিজ্ঞা করেছি, আমার শালীর সঙ্গে তার বিবাহ দিয়ে
এই জায়গাটাতেই বসবাস করব, আর ঘুরে বেড়াতে পারি নে—

তিনকড়ি । টিকতে পারবে না দাদা । তোমার মধ্যে একটা ঘৃণা আছেন, তিনিই
বরাবর ঘুরিয়েছেন এবং শেষ পর্যন্ত ঘোরাবেন ।

কেদার । এখন অবিনাশের দাদা বৈকুণ্ঠকে বশ করতে এসে আমার কী দুর্গতি
হয়েছে দেখ্ । কে জানত বুড়ো বই লেখে । এত বড়ো একখানা খাতা আমাকে পড়তে
দিয়ে চলে গেছে—

তিনকড়ি । ওরে বাবা ! ইচ্ছার মতো চুরি করে খেতে এসে খাতার জাঁতা-
কলের মধ্যে পড়ে গেছ দেখছি ।

কেদার । কিন্তু তিনকড়ে, তুইই আমার সব গ্যান মাটি করবি ।

তিনকড়ি । কিছু দরকার হবে না দাদা, তুমি একলাই মাটি করতে পারবে ।

কেদার । দেখ্, তিনু, এ-সব ব্যস্ত হবার কাজ নয় । গণেশকে সিদ্ধিদাতা বলে
কেন— তিনি মোটা লোকটি, খুব চেপে বসে থাকতে জানেন, দেখে মনে হয় না যে
তার কিছুতে কোনো গরজ আছে--

তিনকড়ি । কিন্তু তাঁর ইচ্ছাটি—

কেদার । কেন বকছিস ? লক্ষীছাড়া, তুই একটু আড়ালে যা ।

তিনকড়ি । চললুম দাদা । কিন্তু ফাঁকি দিয়ে না । সময়কালে অভাগা
তিনকড়েকে মনে রেখো ।

[প্রস্থান

বৈকুণ্ঠের প্রবেশ

বৈকুণ্ঠ । দেখছেন কেদারবাবু ?

কেদার । আজ্ঞে হাঁ, দেখছি বইকি ! কিন্তু আমার মতে, ওর নাম কী, বইয়ের নামটা যেন কিছু বড়ো হয়ে পড়েছে ।

বৈকুণ্ঠ । বড়ো হোক, কিন্তু বিষয়টা বেশ পরিষ্কার বোঝা যাচ্ছে । 'প্রাচ্য ও পাশ্চাত্য প্রাচীন ও প্রচলিত সংগীতশাস্ত্রের আদিম উৎপত্তি ও ইতিহাস এবং নূতন সার্বভৌমিক স্বরলিপির সংক্ষিপ্ত ও সরল আদর্শ প্রকরণ' । এতে আর কোনো কথাটি বাদ গেল না ।

কেদার । তা বাদ যায় নি । কিন্তু ওর নাম কী, মাপ করবেন বৈকুণ্ঠবাবু— কিছু বাদসাদ দিয়েই নাম রাখতে হয় । কিন্তু লেখা যা হয়েছে সে পড়তে পড়তে, ওর নাম কী, শরীর রোমাঞ্চ হয়ে ওঠে !

বৈকুণ্ঠ । হা হা হা হা ! রোমাঞ্চ ! আপনি ঠাট্টা করছেন ।

কেদার । সে কী কথা !

বৈকুণ্ঠ । ঠাট্টার বিষয় বটে । ও আমার একটা পাগলামি । হা হা হা হা ! সংগীতের উৎপত্তি ও ইতিহাস, মাথা আর মুণ্ড । দিন খাতাটা । বড়ো মানুষকে পরিহাস করবেন না কেদারবাবু ।

কেদার । পরিহাস ! ওর নাম কী, পরিহাস কি মশায় দু ঘণ্টা ধরে কেউ করে । ভেবে দেখুন দেখি, কখন থেকে আপনার খাতা নিয়ে পড়ছি । তা হলে তো রামের বনবাসকেও, ওর নাম কী, কৈকেয়ীর পরিহাস বলতে পারেন ।

বৈকুণ্ঠ । হা হা হা হা ! আপনি বেশ কথাগুলি বলেন ।

কেদার । কিন্তু হাসির কথা নয় বৈকুণ্ঠবাবু, ওর নাম কী, আপনার লেখার স্থানে স্থানে যথার্থই রোমাঞ্চ হয়— তা, কী বলে, আপনার মুখের সামনেই বললুম ।

বৈকুণ্ঠ । বুঝেছি আপনি কোন্ জায়গার কথা বলছেন, সেখানটা লেখার সময় আমারই চোখে জল এসেছিল । যদি আপনার বিরক্তি বোধ না হয় তো সেই জায়গাটা এক বার পড়ে শোনাই ।

কেদার । বিরক্তি ! বিলক্ষণ ! ওর নাম কী, আমি আপনাকে ঐ জায়গাটা পড়বার জন্যে অহুরোধ করতে যাচ্ছিলুম । (স্বগত) শালীটিকে পার করা পর্যন্ত হে ভগবান, আমাকে ধৈর্য দাও— তার পরে আমারও এক দিন আসবে !

বৈকুণ্ঠ । কী বলছেন কেদারবাবু ?

কেদার। বলছিলুম যে, ওর নাম কী, সাহিত্যের কামড় কচ্ছপের কামড়—
যাকে এক বার ধরে, ওর নাম কী, তাকে সহজে ছাড়তে চায় না। আহা, অমন
জিনিস কি আর আছে ?

বৈকুণ্ঠ। হা হা হা হা ! কচ্ছপের কামড় ! আপনার কথাগুলি বড়ো চমৎকার ।
—এই যে সেই জায়গাটা। তবে শুনুন।— হে ভারতভূমি, এক সময়ে তুমি প্রবীণ
বীর্ষবান পুরুষদিগের তপোভূমি ছিলে ; তখন রাজার রাজত্বও তপস্শা ছিল, কবির
কবিত্বও তপস্শারই নামাস্তর ছিল। তখন তাপস জনক রাজ্যশাসন করিতেন, তখন
তাপস বাণীকি রামায়ণগানে তপঃপ্রভাব উৎসারিত করিয়া দিতেন ; তখন সকল
জ্ঞান, সকল বিজ্ঞা, সংসারের সকল কর্তব্য, জীবনের সকল আনন্দ সাধনার সামগ্রী
ছিল। তখন গৃহাশ্রমও আশ্রম ছিল, অরণ্যাশ্রমও আশ্রম ছিল। আজ যে
কুলত্যাগিনী সংগীতবিজ্ঞা নাট্যশালায় বিদেশী বংশীর কাংশুকঠে আর্তনাদ করিতেছে,
প্রমোদালয়ে সুরাসরোবরে খলিতচরণে আত্মহত্যা করিয়া মরিতেছে, সেই সংগীত
এক দিন ভরতমুনির তপোবলে মূর্তিমান হইয়া স্বর্গকে স্বর্গীয় করিয়া তুলিয়াছিল ;
সেই সংগীত সাধকশ্রেষ্ঠ নারদের বীণাতন্ত্রী হইতে শুভ্রশ্মিরামির স্তান্ন বিচ্ছুরিত
হইয়া বৈকুণ্ঠাধিপতির বিগলিত পাদপদ্মনিশ্চলিত পুণ্য নির্ঝরিণীকে স্নান মর্ত্যলোকে
প্রবাহিত করিয়াছিল। হে দুর্ভাগিনী ভারতভূমি, আজ তুমি কুশকায় দীনপ্রাণ
রোগজীর্ণ শিশুদিগের ক্রীড়াভূমি ; আজ তোমার বজ্রবেদীর পুণ্য মৃত্তিকা লইয়া
অবোধগণ পুস্তলিকা নির্মাণ করিতেছে ; আজ সাধনাও নাই, সিদ্ধিও নাই ; আজ
বিজ্ঞার স্থলে বাচালতা, বীর্ষের স্থলে অহংকার এবং তপস্শার স্থলে চাতুরী বিরাজ
করিতেছে। যে বজ্রবক্ষ বিপুল তরণী এক দিন উত্তাল তরঙ্গ ভেদ করিয়া মহাসমুদ্র
পার হইত, আজ সে তরণীর কর্ণধার নাই ; আমরা কয়েকজন বালকে তাহারই
কয়েক খণ্ড জীর্ণ কাষ্ঠ লইয়া ভেলা বাধিয়া আমাদের পল্লীপ্রান্তের পঙ্কপথে ক্রীড়া
করিতেছি এবং শিশুসুলভ মোহে অজ্ঞানসুলভ অহংকারে কল্পনা করিতেছি, এই ভয়
ভেলাই সেই অর্ণবতরী, আমরাই সেই আর্ষ, এবং আমাদের গ্রামের এই জীর্ণপত্র-
কলুবিহিত জলকুণ্ডই সেই অতলস্পর্শ সাধনসমুদ্র।

ঈশানের প্রবেশ

ঈশান। বাবু, খাবার এসেছে।

বৈকুণ্ঠ। তাঁকে একটু বসতে বলো।

ঈশান। বসতে বলব কাকে ? খাবার এসেছে।

কেদার। তা হলে আমি উঠি। ওর নাম কী, স্বার্থপর হয়ে আপনাকে অনেক কণ বসিয়ে রেখেছি—

বৈকুণ্ঠ। কেন, আপনি উঠছেন কেন ?

ঈশান। নাঃ, ওর আর উঠে কাজ নেই ! তামাম রাত ধরে তোমার ঐ লেখা শুধুন ! (কেদারের প্রতি) যাও বাবু, তুমি ঘরে যাও। আমাদের বাবুকে আর খেপিয়ে তুলো না। [প্রস্থান

কেদার। ইনি আপনার কে হন ?

বৈকুণ্ঠ। ঈশেন, আমার চাকর।

কেদার। ওঃ, ওর নাম কী, এঁর কথাগুলি বেশ পষ্ট পষ্ট।

বৈকুণ্ঠ। হা হা হা হা ! ঠিক বলেছেন। তা, কিছু মনে করবেন না— অনেক দিন থেকে আছে— আমাকে মানে-টানে না।

কেদার। ওর নাম কী, অল্পকণের আলাপ যদিচ তবু আমাকেও বড়ো মানে না দেখলুম। কিন্তু ওর কথাটা আপনি কানে তোলেননি— খাবার এসেছে।

বৈকুণ্ঠ। তা হোক, রাত হয়নি— এই অধ্যায়টা শেষ করে ফেলি।

কেদার। বৈকুণ্ঠবাবু, খাবার আপনার ঘরে আসে এবং এসে বসেও থাকে— ওর নাম কী, আমাদের ঘরে তাঁর ব্যবহার অল্প রকমের। দেখুন যখন ছেলেবেলার কালেজে পড়তুম তখন, ওর নাম কী, খুব উচ্চ মাচার উপরেই আশালতা চড়িয়েছিলুম ; তাতে বড়ো বড়ো লাউয়ের মতো দেড়-হাত দু-হাত ফলও ঝুলে পড়েছিল, কিন্তু, কী বলে, গোড়ায় জল পেলো না, ভিতরে রস প্রবেশ করলে না, ওর নাম কী, সব ফাঁপা হয়ে রইল। এখন কোথায় পয়সা, কোথায় অন্ন, এই করেই মরছি। ভিতরে সার বা ছিল সব চূপসে, ওর নাম কী, শুকিয়ে গেল।

বৈকুণ্ঠ। আহা হা হা ! এতবড়ো দুঃখের বিষয় আর কিছু হতে পারে না। অথচ সর্বদাই প্রকুল আছেন— আপনি মহাত্ম্যব ব্যক্তি ! (কেদারের হাত চাপিয়া ধরিয়া) দেখুন, আমার ক্ষুদ্র শক্তিতে যদি আপনার কোনো সাহায্য করতে পারি খুলে বলবেন— কিছুমাত্র সংকোচ—

কেদার। মাপ করবেন বৈকুণ্ঠবাবু, ওর নাম কী, আমাকে টাকার প্রত্যাশী মনে করবেন না— আজ যে আনন্দ দিয়েছেন এর তুলনায়, ওর নাম কী, টাকার তোড়া—

তিনকড়ির প্রবেশ

তিনকড়ি। (জনান্তিকে) খুশি হয়ে দিতে চাচ্ছে, নে না—

কেদার। সব মাটি করলে লক্ষীছাড়া বাদর কোথাকার—

বৈকুণ্ঠ। এ ছেলোটিকে কে ?

কেদার। দেবার সঙ্গে যেমন সুন্দ, ওর নাম কী, উনি আমার ভেমনি। নিজের দায়ই সামলাতে পারিনে, তার উপর আবার ভগবান, কী বলে, চাকের উপর টেকি চড়িয়েছেন।

তিনকড়ি। উনি যদি হন গোকু আমি হই ওঁর লেজ। যখন চরে খান আমি পিঠের মাছি তাড়াই, আবার যখন চাষার হাতে লাঞ্ছনা খেতে হয় তখন মলাটা আমার উপর দিয়েই যায়।

বৈকুণ্ঠ। হা হা হা হাঃ! এ ছোকরাটি বেড়ে পেয়েছেন। এর যে খুব চোখে মুখে কথা। দেখুন, বিলম্ব হয়ে গেছে, আজ আমার এইখানেই আহালাদি হোক না।

কেদার। না না, সে আপনার অসুবিধা করে কাজ নেই।

তিনকড়ি। বিলম্ব! শুভকার্বে বাধা দিতে নেই। ধাওয়াতে ওঁর সামান্য অসুবিধে, না খেতে পেলে আমাদের অসুবিধে ঢের বেশি। খিদে পেয়েছে মশায়।

বৈকুণ্ঠ। বেশ বাবা, তুমি পেট ভরে খেয়ে যাও। ভৃগুর সঙ্গে খেতে দেখলে আমার বড়ো আনন্দ হয়।

কেদার। এই ছোড়াটাকে ভগবান, ওর নাম কী, অস্তরিত্রয়ের মধ্যে কেবল একটি অঁঠর দিয়েছেন মাত্র। আপনার এই আশ্রমটিতে এলে পেট বলে যে একটা গভীর গহ্বর আছে, কী বলে, সে কথা একেবারে ভুলে যেতে হয়। মনে হয় যেন কেবল একজোড়া হুংপিণ্ডের উপরে, ওর নাম কী, একখানি মুণ্ড নিয়ে বসে আছি।

বৈকুণ্ঠ। হা হা হা হাঃ! আপনি বড়ো সুন্দর রস দিয়ে কথা বলতে পারেন— বা বা, আপনার চমৎকার কথনতা।

তিনকড়ি। কথার মস্ত হয়ে প্রতিজ্ঞে ভুলবেন না বৈকুণ্ঠবাবু। খিদে ক্রমেই বাড়ছে।

বৈকুণ্ঠ। বটে বটে! ঈশেন! ঈশেন! একবার এইদিকে শুনে যাও তো ঈশেন!

ঈশানের প্রবেশ

ঈশান । . একটি ছিল, দুটি জুটেছে !

তিনকড়ি । রেগো না দাদা, তোমাকেও ভাগ দেব ।

ঈশান । এখনো লেখা শোনানো চলছে বুঝি ।

বৈকুণ্ঠ । (লজ্জিতভাবে খাতা আড়াল করিয়া) না না, লেখা কোথায় ! দেখো ঈশেন, ইয়ে হয়েছে— এই দুটি বাবু, বুঝেছ, এঁদের জন্তে কিছু খাবার এনে দিতে হচ্ছে ।

ঈশান । খাবার এখন কোথায় জোগাড় করব ।

তিনকড়ি । ও বাবা !

বৈকুণ্ঠ । ঈশেন, বুঝেছ তুমি এক বার বাড়ির মধ্যে গিয়ে আমার মাকে বলে এস গে যে—

ঈশান । সে হবে না বাবু, দিদিঠাকরুনকে আমি আবার এই দিবসান্তে বেড়ি ধরাতে পারব না— তিনি তোমার ভাত কোলে নিয়ে সেই অবধি বসে আছেন—

বৈকুণ্ঠ । তা, এঁদের না খাইয়ে তো আমি খেতে পারব না, তুমি এক বার মাকে বললেই—

ঈশান । তা জানি, তাঁকে বললেই তিনি ছুটে যাবেন, কিন্তু আজ সমস্ত দিন একাদশী করে আছেন । বাবু, আজকের মতো তোমরা ঘরে গিয়ে খাও গে ।

তিনকড়ি । দাদা, পরামর্শ দেওয়া সহজ, কিন্তু খাবার না থাকলে কী করে খাওয়া যায় সে সম্বন্ধে তো কেউ মেটাতে পারলে না ।

কেদার । তিনকড়ে, খাম্ । বৈকুণ্ঠবাবু, ব্যস্ত হবেন না, ওর নাম কী, আজ থাক না—

বৈকুণ্ঠ । দেখ্ ঈশেন, তোর জালায় কি আমি বাড়িঘরদোর ছেড়ে বনে গিয়ে পালাব ! বাড়িতে দু জন ভদ্রলোক এলে তাদের দু-মুঠো খেতে দিবিনে ! হারামজাদা লক্ষীছাড়া বেটা ! বেরো তুই আমার ঘর থেকে—

[ঈশানের প্রস্থান

তিনকড়ি । আহা, রাগ করবেন না । আমি ঠাউরেছিলুম খাওয়াতে আপনার কোনো অসুবিধে নেই, ঠিক বুঝতে পারিনি, একটু অসুবিধে আছে বইকি ! এ লোকটিকে ইতিপূর্বে দেখিনি—তা ছাড়া আপনার বুড়ো মা—

বৈকুণ্ঠ । না না, সেটি আমার একমাত্র বিধবা মেয়ে, আমার নীক, আমার মা নেই ।

তিনকড়ি। মা নেই! ঠিক আমারই মতো।

কেদার। বৈকুণ্ঠবাবু, ওর নাম কী, আজ তবে উঠি—ঈশানকোণে ঝড়ের লক্ষণ দেখা যাচ্ছে।

তিনকড়ি। দাঁড়াও না, যাবে কোথায়? দেখুন বৈকুণ্ঠবাবু, লজ্জা পাবেন না—এই তিনকড়ির পোড়াকপালের আঁচ পেলে অন্নপূর্ণার হাঁড়ির তলা ছুঁকাক হয়ে যায়। বা হোক, আমার উপর সম্পূর্ণ তার দিন, আমি বড়োবাজার থেকে আহারের জোগাড় করে আনছি। আপনাকে আর কিছু দেখতে হবে না।

কেদার। (কৃত্রিম রোষে) দেখ তিনকড়ি! এতদিন, ওর নাম কী, আমার সহবাসে এবং দৃষ্টান্তে তোর এই, কী বলে, হের অশক্ত লোক প্রবৃত্তি ঘুচল না! আজ থেকে, ওর নাম কী, তোর মুখদর্শন করব না।

[প্রস্থান]

বৈকুণ্ঠ। আহা, আহা, রাগ করে যাবেন না কেদারবাবু—কেদারবাবু, শুনে যান।

তিনকড়ি। কিছু ভাববেন না। কেদারদাকে আমি বেশ জানি। ওকে আমি আধ ঘণ্টার মধ্যে জুড়িয়ে ঠাণ্ডা করে আপনার এখানে হাজির করে দেব। বুঝছেন না, পেটে আগুন জ্বলেই বাক্যগুলো কিছু গরম গরম আকারে মুখ থেকে বেরোতে থাকে।

বৈকুণ্ঠ। হা হা হা হাঃ! বাবা, তোমার কথাগুলি বেশ। তা দেখো, এই তোমাকে কিঞ্চিৎ জলপানি দিচ্ছি। (নোট দিয়া) কিছু মনে কোরো না।

তিনকড়ি। কিছু না, কিছু না। এর চেয়ে বেশি দিলেও কিছু মনে করতুম না—আমার সে-রকম স্বভাবই নয়।

[প্রস্থান]

ঈশানের প্রবেশ

ঈশান। বাবু! (বৈকুণ্ঠ নিরন্তর) — বাবু! (নিরন্তর) — বাবু, খাবার এসেছে। (নিরন্তর) — খাবার ঠাণ্ডা হয়ে গেল যে।

বৈকুণ্ঠ। (রাগিয়া) যা—আমি খাব না।

ঈশান। আমার মাপ করো—খাবার জুড়িয়ে গেল।

বৈকুণ্ঠ। না, আমি খাব না।

ঈশান। পারে ধরি বাবু—খেতে চলো—রাগ কোরো না।

বৈকুণ্ঠ। বাঃ—ঝেরো তুই—বিরক্ত করিলনে।

ঈশান। দাঁও আমার কান মলে দাঁও—বাবু—

অবিনাশের প্রবেশ

অবিনাশ। কী দাদা। এখনো বসে বসে লিখছ বুঝি ?

বৈকুণ্ঠ। না না, কিছু না— এখন লিখতে যাব কেন ? ঈশানের সঙ্গে বসে বসে গল্প করছি।— ঈশেন, তুই যা, আমি যাচ্ছি।

[ঈশানের প্রস্থান]

অবিনাশ। দাদা, মাইনের টাকাগুলো এনেছি— এই কুড়ি টাকার পাঁচ কেতা নোট আর পাঁচ-শ টাকার একখনা।

বৈকুণ্ঠ। ঐ পাঁচ-শ টাকার খানা তুমিই রাখো না অবু।

অবিনাশ। কেন দাদা।

বৈকুণ্ঠ। যদি কোনো আবশ্যক হয়— খরচপত্র—

অবিনাশ। আবশ্যক হলে চেয়ে নেব—

বৈকুণ্ঠ। তবে এইখানে রাখো। তোমার হাতে টাকা দিলেও তো থাকে না। যে আসে তাকেই বিশ্বাস করে বস। টাকা রাখতে হলে লোক চিনতে হয় ভাই।

অবিনাশ। (হাসিয়া) সেই জন্মেই তো তোমার হাতে দিয়ে নিশ্চিত হই দাদা।

বৈকুণ্ঠ। অবি, হাসছিস যে! কেন, আমাকে কেউ ঠকিয়েছে বলতে পারিস ? সেদিন সেই স্বরসূত্রসার বই কিনলেম, তোরা নিশ্চয় মনে করেছিস ঠকেছি— কিন্তু সংগীত সম্বন্ধে অমন প্রাচীন বই আর আছে ? হীরে দিয়ে ওজন করলেও ওর দাম হয় না। তিন-শ টাকায় তো অমনি পেয়েছি।

অবিনাশ। ও বই সম্বন্ধে আমি কি কিছু বলেছি ?

বৈকুণ্ঠ। তাতেই তো বুঝতে পারলুম তোরা মনে করেছিস বুড়ো ঠকেছে। নইলে এক বার জিজ্ঞাসা করতে হয়, এক বার নেড়েচেড়ে দেখতে হয়—

অবিনাশ। ওর আর আছে কী দাদা। নাড়তে চাড়তে গেলে যে গুঁড়িয়ে ধুলো হয়ে যাবে।

বৈকুণ্ঠ। সেই তো ওর দাম। ও ধুলো কি আজকের ধুলো। ও ধুলো লাখ টাকা দিয়ে মাথায় রাখতে হয়।

অবিনাশ। দাদা, এ মাসে আমাকে পঁচাত্তর টাকা দিতে হবে।

বৈকুণ্ঠ। কেন, কী করবি ? (অবিনাশ নিরুত্তর) — নিলেম থেকে বিলিতি পাছ কিনবি বুঝি ? ওই তোমার এক গাছ-পোতা বাতিক হয়েছে। দিনরাত যত বাজ্যের

উড়েমালী নিয়ে কারবার ! কত মিথ্যে গাছের নাম করে কত লোক বে তোমাকে ঠকিয়ে নিয়ে যাচ্ছে তার আর সংখ্যে করা যায় না । অবু, তুই বিয়েখাওয়া করবিনে ?

অবিনাশ । তার চেয়ে অল্প বাতিকগুলো বে ভালো । বয়স প্রায় চল্লিশ হল, আর কেন ?

বৈকুণ্ঠ । সে কী এরই মধ্যে চল্লিশ ?

অবিনাশ । এরই মধ্যে আর কই ? ঠিক পুরো সময়ই লেগেছে— যেমন অল্প লোকের হয়ে থাকে ।

বৈকুণ্ঠ । আমারই অন্ডায় হয়েছে ! ছি ছি, লোকে স্বার্থপর বলবে । আর দেরি করা নয় ।

অবিনাশ । একটি লোক বসে আছে আমি তবে চললুম । [প্রশ্নান

বৈকুণ্ঠ । নিশ্চয় সেই মানিকতলার মালী । একেই বলে বাতিক ।

কেদারের প্রবেশ

বৈকুণ্ঠ । এই যে কেদারবাবু ফিরে এসেছেন— বড়ো খুশি হলুম— তা হলে— কেদার । দেখুন, ওর নাম কী, আপনার লাইব্রেরিতে সকল রকম সংগীতের বই আছে, কিন্তু, কী বলে, চীনেদের সংগীতপুস্তক বোধ করি নেই ।

বৈকুণ্ঠ । (ব্যস্ত হইয়া) আজ্ঞে না । আপনি কোথাও সন্ধান পেয়েছেন ?

কেদার । একখানি জোগাড় করে এনেছি, আপনাকে উপহার দিতে চাই । বইখানি, ওর নাম কী, বহুমূল্য । এই দেখুন । (স্বগত) বেটা চীনেম্যানের কাছ থেকে তার পুরানো জুতোর হিসেব চেয়ে এনেছি ।

বৈকুণ্ঠ । তাই তো । এ যে আদত চীনে ভাষা দেখছি । কিছু বোঝবার জো নেই । আশ্চর্য ! একেবারে সোজা অক্ষর ! বা, বা, চমৎকার ! তা এর দাম—

কেদার । মাপ করবেন, ওর নাম কী—

বৈকুণ্ঠ । না, সে হবে না ! আপনি যে কষ্ট করে বইখানি খুঁজে এনেছেন এতেই আমি আপনার কেনা হয়ে রইলুম, আমার ঋণ আর বাড়াবেন না !

কেদার । (নিশ্বাস ফেলিয়া) কিন্তু কী বলব, দামটা— বোধ হয় ঠকেছি ।

বৈকুণ্ঠ । আজ্ঞে না, তা কখনো হতেই পারে না । আমি জানি কিনা, এ সব জিনিসের দাম বেশি ।

কেদার । আজ্ঞে, বেটা তো পঁয়ত্রিশ টাকা চেয়ে বসেছে, বোধ করি, ওর নাম কী, বিশেষই রক্ষা হবে ।

বৈকুণ্ঠ । পঁয়ত্রিশ ! এ তো জলের দর ! টাকাটা এখনই দিয়ে দিন— আবার যদি মত বদলায় । চীনেম্যান বোধ হয় নিতান্ত দায়ে পড়েছে ।

কেদার । দায় বলে দায় ! শুনলুম দেশে তার তিন শ্রালী আছে, তিনটিকেই এক কুলীন চীনেম্যানের সঙ্গে বিয়ে দিতে হবে । কন্ডাদায় দায়, কিন্তু, কী বলে ভালো, শ্রালীদায়ের সঙ্গে তার তুলনাই হয় না ।

বৈকুণ্ঠ । (হাসিয়া) বল কী কেদারবাবু !

কেদার । সাথে বলি ! ভুক্তভোগীর কথা । ওর নাম কী, শব্দরবাড়িতে শ্রালী অতি উত্তম জিনিস— অমন জিনিস আর হয় না— কিন্তু সেখান থেকে চ্যুত হয়ে হঠাৎ স্বর্ষের উপর এসে পড়লে, ওর নাম কী, সকলে সামলাতে পারে না ।

বৈকুণ্ঠ । সামলাতে পারে না ! হা হা, হা হা !

কেদার । আঞ্জে, আমি তো পারছিনে । একে শ্রালী তাতে নিখুঁত সুন্দরী, তাতে বয়ঃপ্রাপ্ত হয়েছেন, ওর নাম কী, ঘরে তো আর টেকা যায় না ! চোখ মেলে চাইলে স্ত্রী ভাবে শ্রালীকে খুঁজছি, ওর নাম কী, চোখ বুজে থাকলে স্ত্রী ভাবে আমি শ্রালীর ধ্যান করছি । কাসলে মনে করে কাসির মধ্যে একটি অর্থ আছে, আবার, কী বলে ভালো, প্রাণপণে কাসি চেপে থাকলে মনে করে তার অর্থ আরও সন্দেহজনক ।

অবিনাশের প্রবেশ

অবিনাশ । কী দাদা, খাবার ঠাণ্ডা হয়ে এল, এখনো লেখা নিয়ে বসে আছ !

বৈকুণ্ঠ । না, না, লেখাটেখা কিছু নয়, কেদারবাবুর সঙ্গে গল্প করছি ।

অবিনাশ । তাই তো, কেদার দেখছি ! কী সর্বনাশ ! তুমি কোথা থেকে হে । দাদাকে পেয়ে বসেছ বুঝি ।

কেদার । হা হা হা হাঃ ! অবিনাশ চিরকালই তুমি ছেলেমানুষ রয়ে গেলে হে ।

অবিনাশ । দাদা, তোমার লেখা শোনার আর লোক পেলো না ? শেষকালে কেদারকে ধরেছ ? ও যে তোমাকে ধরলে আর ছাড়বে না ।

বৈকুণ্ঠ । আঃ অবিনাশ, ছিঃ, কী বকছ ?

কেদার । বৈকুণ্ঠবাবু আপনি ব্যস্ত হবেন না, ওর নাম কী, অবিনাশের সঙ্গে এক ক্লাসে পড়েছি, আমার সঙ্গে দেখা হলেই ওর আর ঠাট্টা ছাড়া কথা নেই ।

অবিনাশ । তোমার ঠাট্টা যে আমার ঠাট্টার চেয়ে গুরুতর । এই সেদিন

আমার কাছ থেকে টাকা নিয়ে গেলে, আবার বুঝি দরকার পড়েছে তাই দাদার বই গুনতে এসেছ ?

কেদার। তাই অবিনাশ, ওর নাম কী, এক-একসময় তোমার কথা শুনে হঠাৎ ভ্রম হয় যে, বা বলছ বুঝি বা মতাই বলছ ! কী জানি, বৈকুণ্ঠবাবু মনে ভাবতেও পারেন যে, কী বলে ভালো—

বৈকুণ্ঠ। (ব্যস্ত হইয়া) না না কেদারবাবু ! আমি কিছু মনে ভাবছি নে । কিন্তু অবিনাশ, মতি কথ্য বলতে কি, তোমার ঠাট্টাগুলো কিছু রুচ হয়ে পড়ছে । বন্ধুকেও—

অবিনাশ। আমি তো ঠাট্টা করছি নে—

বৈকুণ্ঠ। অ্যা ! ঠাট্টা নয় ! অভদ্র কোথাকার ! কেদারবাবু আমার ঘরে আসেন সে আমার সৌভাগ্য । তুই আমার সামনে তাঁকে অপমান করিস !

কেদার। আহা, রাগ করবেন না বৈকুণ্ঠবাবু—

অবিনাশ। দাদা, মিথ্যা রাগ করছ কেন ? কেদারের আবার অপমান কিসের ?

বৈকুণ্ঠ। আবার ! তোর সঙ্গে আর আমি কথা কব না ।

অবিনাশ। মাপ করো দাদা ! (বৈকুণ্ঠ নিরস্তর) —মাপ করো, আমার অপরাধ হয়েছে ! (নিরস্তর) —দাদা, রাগ করে থেকো না—

বৈকুণ্ঠ। তবে শোন । কেদারবাবুর একটি বিবাহযোগ্য্য পরমা সুন্দরী বয়ঃপ্রাপ্ত শালী আছে, তোরও তো বিবাহযোগ্য্য বয়স হয়েছে— এখন—

কেদার। যোগ্যঃ যোগ্যেন যোজয়েৎ ।

বৈকুণ্ঠ। ঠিক বলেছেন, আমার মনের কথাটি বলেছেন ।

কেদার। আমারও ঠিক ওই মনের কথা ।

অবিনাশ। কিন্তু দাদা, আমার মনের কথা একটু স্বভাব । আমার বিবাহ করবার ইচ্ছে নেই ।

কেদার। অবিনাশ তুমি হাসালে । বিবাহ করবার পূর্বেই অনিচ্ছে ! ওর নাম কী, করবার পরে যদি হত তো মানে পাওয়া যেত ।

বৈকুণ্ঠ। মেয়েটি তো সুন্দরী—

অবিনাশ। তাকে দেখেছ না কি ?

বৈকুণ্ঠ। দেখতে হবে কেন ? কেদারবাবু যে বলেছেন । [অবিনাশ নিরস্তর

কেদার। বিশ্বাস হল না ? কী বলে, আমার আকৃতি দেখেই ভয় পেলে—

কিন্তু ওর নাম কী, সে যে আমার শালী, আমার স্ত্রীর সহোদরা, আমার বংশের কেউ নয়। এক বার স্বচক্ষে দেখে এলে হয় না ?

বৈকুণ্ঠ। সে তো বেশ কথা, দেখে এস না অবিনাশ।

অবিনাশ। দেখে আর করব কী ! ঘরের মধ্যে বাইরের লোক আনতে চাইনে—

কেদার। তা এনো না। কিন্তু ওর নাম কী, বাইরের লোকের পানে এক বার তাকাতে দোষ কী— কী বলে, একবার দেখে এলে ঘরেরও ক্ষতি নেই, ওর নাম কী, বাইরেরও বিশেষ ক্ষয় হবে না।

অবিনাশ। আচ্ছা, তাই হবে। এখন খেতে যাও দাদা, নীচ আমাকে পাঠিয়ে দিলে।

বৈকুণ্ঠ। এই যে কেদারবাবু এখনো— আগে ওঁর—

কেদার। বিলক্ষণ !

অবিনাশ। তা, খাবার না বলে দিলে খাবার আসবে কোথা থেকে ! ঈশেনকে এক বার ডাকা যাক।

কেদার। ঈশেনকে ডেকো না ভাই, ওর নাম কী, তাঁর সঙ্গে পূর্বেই ছোটো-একটা কথাবার্তা হয়ে গেছে।

খাবারের চাঙারি হস্তে তিনকড়ির প্রবেশ

তিনকড়ি। এই নাও— বসে যাও— আমি পরিবেশন করছি।

বৈকুণ্ঠ। তুমিও বোসো না বাপু, পরিবেশনের ব্যবস্থা আমি করছি।

তিনকড়ি। ব্যস্ত হবেন না মশায়, নিজের আগে খেয়ে নিয়েছি।

কেদার। দূর লক্ষীছাড়া পেটুক !

তিনকড়ি। ভাই, তিনকড়ের ভাগ্যে বিস্মি ঢের আছে বরাবর দেখে আসছি। জন্মাবামাত্র দুধ খাবার জন্মে কান্না ধরলুম, তার ঠিক পূর্বেই মা গেল মরে। ভাই, সবুর করতে আর সাহস হয় না।

অবিনাশ। এ ছোকরাটিকে কোথায় জোগাড় করলে কেদার ?

কেদার। ওর নাম কী, দেশদেশান্তর খুঁজতে হয়নি, আপনি জুটেছে। এখন এঁকে পোব কোথায়, কী বলে ভালো, তাই খুঁজছি।

অবিনাশ। দাদা, তা হলে তুমি এখন খেতে যাও।

বৈকুণ্ঠ। বিলক্ষণ ! আগে এঁদের হোক।

কেদার। সে কী কথা বৈকুণ্ঠবাবু—

বৈকুণ্ঠ। কেদারবাবু, আপনি কিছু সংকোচ করবেন না, খেতে দেখতে আমার বড়ো আনন্দ।

তিনকড়ি। বেশ তো, আবার কাল দেখবেন। আমরা তো পালাচ্ছি। কিছুতেই না।

কেদার। তিনকড়ে, বরঞ্চ তুই ঐ চাঙারিটা বাড়ি নিয়ে চল। কী বলে, এ দের আর কেন মিছে বিরক্ত করা।

তিনকড়ি। আজ তো আর দরকার দেখিনে। আবার কাল আছে।

[অবিনাশের হাস্য

বৈকুণ্ঠ। এ ছোকরাটি বেশ কথা কয়। একে আমার বড়ো ভাল লাগছে। কিন্তু আহারটা এইখানেই করতে হচ্ছে, সে আমি কিছুতেই ছাড়ছি—

ঈশানের প্রবেশ

ঈশান। বাবু!

বৈকুণ্ঠ। আরে, শুনেছি, এই যে যাচ্ছি। আপনারা তা হলে যাবেন দেখছি। তবে আর ধরে রাখব না।

তিনকড়ি। আশ্বে না, তা হলে বিপদে পড়বেন।

[বৈকুণ্ঠ অবিনাশ ও ঈশানের প্রশ্ন

(কেদারের প্রতি) এই নে ভাই, টাকা-কটা বেঁচেছে— এ জিনিস আমার হাতে টেকে না।

কেদার। তোর বাবা তোর নাম দিয়েছে তিনকড়ি, আমি তোক ডাকব মানিক। লাখো টাকা তোর দাম।

[প্রশ্ন

দ্বিতীয় দৃশ্য

কেদার ও অবিনাশ

কেদার। ওর নাম কী, আজ তবে উঠি, অনেক বিরক্ত করা গেছে—
অবিনাশ। বিলক্ষণ! বিরক্ত আবার কিসের! একটু বসে যাও না! শোনো
না— আমি চলে আসার পর সেদিন মনোরমা আমার কথা কিছু বললে?

কেদার। সে আবার কি বলবে! তোমার নাম করবামাত্র তার গাল, ওর
নাম কী, বিলিতি বেগুনের মতো টকটক করে ওঠে!

অবিনাশ। (হাসিতে হাসিতে) বল কী কেদার, এত লজ্জা!

কেদার। কী বলে, ওইটেই তো হল খারাপ লক্ষণ!

অবিনাশ। (ধাক্কা দিয়া) দূর! কী বলিস তার ঠিই নেই! খারাপ লক্ষণটা কী হল
শুনি!

কেদার। ওর নাম কী, ওটা স্বভাবের নিয়ম। যেমন তীর হোঁড়া— গোড়ায়
পিছনের দিকে প্রাণপণে পড়ে টান, তার পরে, ওর নাম কী! ছাড়া পাবামাত্রই
সামনের দিকে একেবারে বোঁ করে দেয় ছুট! গোড়ায় যেখানে বেশি লজ্জা দেখা
যাচ্ছে, ওর নাম কী, ভালোবাসার দৌড়টাও সেখানে বড় বেশি হবে।

অবিনাশ। বল কী কেদার! তা, কী রকম লজ্জাটা তার দেখলে, শুনিই না!
তোমরা বুঝি আমার নাম করে তাকে ঠাট্টা করেছিলে?

কেদার। ভাই, সে অনেক কথা। আজ একটু কাজ আছে, আজ তবে —

অবিনাশ। আঃ, বোসো না কেদার! শোনো না, একটা কথা আছে। বুঝেছ
কেদার, একটা আংটি কেনা গেছে। বুঝেছ?

কেদার। খুব সহজ কথা, ওর নাম কী, বুঝেছি।

অবিনাশ। সহজ? আচ্ছা, কী বুঝেছ বলো দেখি।

কেদার। টাকা থাকলে আংটি কেনা সহজ, ওর নাম কী, এই বুঝেছি।

অবিনাশ। কিছু বোঝনি। এই আংটিটি আমি তোমার হাত দিয়ে মনোরমাকে
উপহার পাঠাতে চাই। তাতে কিছু দোষ আছে?

কেদার। আমি তো কিছু দেখিনি। যদি বা থাকে তো দোষটুকু বাদ দিয়ে,
ওর নাম কী, আংটিটুকু নিলেই হবে।

অবিনাশ। আঃ, তোমার ঠাটা রাখো। শোনো না কেদার, ঐ সঙ্গে একটা চিঠিও দিই না?

কেদার। সে আর বেশি কথা কী।

অবিনাশ। তবে চট্ট করে লিখে দিই। [লিখিতে প্রবৃত্ত

কেদার। আংটিটা তো লাভ করা গেল। কিন্তু দুই ভাইয়ের মাঝখানে পড়ে মেহন্নতটাও বড় বেশি হচ্ছে। এখন, বিবাহটা শীঘ্র চূকে গেলে একটু জিরোবার সময় পাওয়া যায়।

বৈকুণ্ঠের প্রবেশ

বৈকুণ্ঠ। (উকি মারিয়া স্বগত) এই যে, ভায়া আমার কেদারবাবুকে নিয়ে পড়েছে! কনে দেখে ইস্তক ঠেকে আর এক মুহূর্ত ছাড়ে না। বাতিকগ্রস্ত মানুষ কি না, সকল বিষয়েই বাড়াবাড়ি! কেদারবাবু বোধ হয় একেবারে অস্থির হয়ে উঠেছেন! বেচারাকে আমি উদ্ধার না করলে উপায় নেই। (ঘরে ঢুকিয়া) এই যে কেদারবাবু, আমার সেই নতুন পরিচ্ছেদটি শোনাবার জন্যে আপনাকে খুঁজে বেড়াচ্ছি।

কেদার। (স্বগত) আর তো বাঁচিনে!

অবিনাশ। (চিঠি ঢাকিয়া) দাদা, কেদারবাবুর সঙ্গে একটা কাজের কথা ছিল।

বৈকুণ্ঠ। কাজের তো সীমা নেই! ছোড়াটার মাথা একেবারে ঘুরে গেছে।— কিন্তু কেদারবাবুকে না পেলে তো আমার চলছে না।

ভৃত্যের প্রবেশ

ভৃত্য। বাবু, মানিকতলা থেকে মালী এসেছে।

অবিনাশ। এখন যেতে বলে দে! [ভৃত্যের প্রস্থান

বৈকুণ্ঠ। যাও না, এক বার শুনেই এস না! ততক্ষণ আমি কেদারবাবুর কাছে আছি—

কেদার। আমার জন্যে ব্যস্ত হবেন না, ওর নাম কী, আমি আজ তবে—

অবিনাশ। না কেদার, একটু বসো।

বৈকুণ্ঠ। না, না, আপনি বসুন। দেখো অবিনাশ, গাছপালা সম্বন্ধে তোমার যে আলোচনাটা ছিল সেটা অবহেলা করো না। সেটা বড়ো স্বাস্থ্যকর, বড়োই আনন্দজনক।

অবিনাশ । কিছু অবহেলা করব না দাদা, কিন্তু এখন একটা বড়ো দরকারি কাজ আছে ।

বৈকুণ্ঠ । আচ্ছা, তা হলে তোমরা একটু বসো ।— ভালোমানুষ পেয়ে বেচারী কেদারবাবুকে ভারি মুশকিলে ফেলেছে— একটু বিবেচনা নেই— বয়সের ধর্ম !

তিনকড়ির প্রবেশ

কেদার । আবার এখানে কী করতে এলি ?

তিনকড়ি । ভয় কী দাদা, দুজন আছে— একটিকে তুমি নাও, একটি আমাকে দাও ।

বৈকুণ্ঠ । বেশ কথা বাবা, এস আমার ঘরে এস ।

কেদার । তিনকড়ে, তুই আমাকে মাটি করলি !

তিনকড়ি । সবাই বলে তুমিই আমাকে মাটি করেছ । (কাছে গিয়া) রাগ কর কেন দাদা, যে অবধি তোমাকে দেখেছি সেই অবধি আপন বাপ দাদা খুড়ো কাউকে ছু চক্ষে দেখতে পারিনি । এত ভালোবাসা ।

কেদার । বাজে বকিস কেন, তোর আবার বাপ দাদা কোথা !

তিনকড়ি । বললে বিশ্বাস করিনি, কিন্তু আছে ভাই । ওতে তো খরচও নেই মাহাশ্বিও নেই— তিনকড়েরও বাপ দাদা থাকে, যদি আমার নিজেকে করে নিতে হত তবে কি আর থাকত ? ককখনো না !

বৈকুণ্ঠ । হা হা হা হাঃ ! ছেলেটি বেশ কথা কয় । চলো বাবা, আমার ঘরে চলো । [উভয়ের প্রস্থান

অবিনাশ । খুব সংক্ষেপে লিখলুম, বুঝেছ কেদার— কেবল একটি লাইন— ‘দেবীপদতলে বিমুগ্ধ ভক্তের পূজোপহার’ ।

কেদার । তা, কোনো কথাটিই বাদ দেওয়া হয়নি— দিব্যি হয়েছে— তবে আজ উঠি ।

অবিনাশ । কিন্তু ‘পদতলে’ কথাটা কি ঠিক খাটল— ওটা কিনা আংটি—

কেদার । কী বলে ভালো, তা ‘করতলে’ই লিখে দাও না ।

অবিনাশ । কিন্তু করতলে পূজোপহারটা কেমন শোনাচ্ছে !

কেদার । তা, না হয় পূজোপহার নাই হল, ওর নাম কী—

অবিনাশ । শুধু ‘উপহার’ লিখলে বড়ো ফাঁকা শোনায়, ‘পূজোপহার’ই থাক—

কেদার । তা থাক না—

অবিনাশ। কিন্তু তা হলে 'করতলেটা কী করা যায়—

কেদার। ওটা পদতলেই করে দাও না— ওর নাম কী, তাতে কতি কী। আমি তা হলে উঠি।

অবিনাশ। একটু রোসো না। আংটি সবক্কে পদতলে কথাটা খাপছাড়া শোনাচ্ছে।

কেদার। খাপছাড়া কেন হবে! তুমি তো পদতলে দিয়ে খালাস, তার পরে ওর নাম কী, তিনি করতলে তুলে নেবেন, কী বলে, যদি স্বয়ং না নেন তো অন্য লোক আছে।

অবিনাশ। আচ্ছা, পূজোপহার না লিখে যদি প্রণয়োপহার লেখা যায়।

কেদার। সেটা যদি খুব চট করে লেখা যায় তো সেইটেই ভালো।

অবিনাশ। কিন্তু রোসো, একটু ভেবে দেখি।

ঈশানের প্রবেশ

ঈশান। খাবার ঠাণ্ডা হয়ে এল যে।

অবিনাশ। আচ্ছা, সে হবে এখন, তুই যা।

ঈশান। দিদিঠাকরুন বসে আছে—

অবিনাশ। আচ্ছা আচ্ছা, তুই এখন পালান—

ঈশান। (কেদারের প্রতি) বড়োবাবুর তো আহারনিদ্রা বন্ধ, আবার ছোটো-বাবুকেও খেপিয়ে তুলেছ ?

কেদার। তাই ঈশেন, যদিচ আমার নিমক খাও না, তবু, ওর নাম কী, আমার কথাটাও একবার ভেবে দেখো। তোমার বড়োবাবু খুব বিস্তারিত করে লিখে থাকেন আর তোমার ছোটোবাবু, কী বলে, অত্যন্ত সংক্ষেপেই লেখেন, কিন্তু আমার কপালক্রমে দুইই সমান হয়ে ওঠে।— অবিনাশ, তোমার খাবার এসেছে, ওর নাম কী, আমি উঠি।

অবিনাশ। বিলক্ষণ! তুমিও খেয়ে যাও না। ঈশেন, বাবুর জন্তে খাবার ঠিক করো।

ঈশান। সময়মত বল না, এখন আমি খাবার ঠিক করি কোথেকে।

অবিনাশ। তোর মাথা থেকে! কেঁটা ভূত!

ঈশান। এও যে ঠিক বড়োবাবুর মতো হয়ে এল, আমাকে আর টিকতে দিলে না।

[প্রস্থান]

অবিনাশ। এখানে 'প্রণয়োপহার' লিখলে 'দেবী' কথাটা বদলাতে হয়। দেবীর সঙ্গে প্রণয় হবে কী করে।

কেদার। কেন হবে না! তা হলে দেবতাগুলো, ওর নাম কী, বাঁচে কী করে? ভাই অবিনাশ, স্বীজাতি স্বর্গে মর্ত্যে পাতালে যেখানেই থাকুক, ওর নাম কী, তাদের সঙ্গে প্রণয় হতে পারে, কী বলে ভালো, হয়েও থাকে। তুমি অত ভেবো না! (স্বগত) এখন ছাড়লে বাঁচি।

তিনকড়ির প্রবেশ

তিনকড়ি। ও দাদা! তোমার বদল ভেঙে নাও! তুমি সেখানে যাও, আমি বরঞ্চ এখানে এক বার চেষ্টা দেখি।

কেদার। কেন রে, কী হয়েছে?

তিনকড়ি। ওরে বাস রে! সে কী খাতা! আমি তার মধ্যে সৈঁধোলে আমাকে আর খুঁজে পাওয়া যাবে না! সেইটে পড়তে দিয়ে বুড়া কোথায় উঠে গেল, আমি তো এক দৌড়ে পালিয়ে এসেছি।

বৈকুণ্ঠের প্রবেশ

বৈকুণ্ঠ। কী তিনকড়ি, পালিয়ে এলে যে!

তিনকড়ি। আপনি অতবড়ো একখানা বই লিখলেন আর এইটুকু বুঝলেন না!

বৈকুণ্ঠ। কেদারবাবু, আপনি যদি এক বার আসেন তা হলে—

কেদার। চলুন। (স্বগত) রামে মারলেও মরব রাবণে মারলেও মরব, কিন্তু অবিনাশের ওই একটি লাইন নিয়ে তো আর পারিনি!

অবিনাশ। কেদার, তুমি যাও কোথায়! দাদা আমার সেই কাজটা—

বৈকুণ্ঠ। (রাগিয়া উঠিয়া) দিনরাত্তির তোমার কাজ! কেদারবাবু ভদ্রলোক, ওঁকে একটু বিশ্রাম দেবে না! তোমাদের একটু বিবেচনা নেই! আহ্নন কেদারবাবু।

কেদার। ওর নাম কী, চলুন।

[উভয়ের প্রস্থান]

অবিনাশ। মনোরমা তোমার কে হন তিনকড়ি?

তিনকড়ি। তিনি আমার দূরসম্পর্কে বোন হন, কিন্তু সে পরিচয় প্রকাশ হলে তিনি ভারি লজ্জা পাবেন।

অবিনাশ। তাঁর খুব লজ্জা, না তিনকড়ি?

তিনকড়ি। আমার সম্বন্ধে তারি লজ্জা। কাউকে মুখ দেখাবার জো নেই।

অবিনাশ। না, তোমার সম্বন্ধে বলছিনে, আমার সম্বন্ধে। জান তো, তিনকড়ি আমার সঙ্গে তাঁর একটা সম্বন্ধ—

তিনকড়ি। ওঃ, বুঝেছি। তা তো হতেই পারে। আমার সঙ্গেও একটা কনের সম্বন্ধ হয়েছিল— বিবাহের পূর্বে সে তো লজ্জায় মরেই গেল।

অবিনাশ। আঃ, কি বল তিনকড়ি!

তিনকড়ি। শুধু লজ্জা নয়, গুনলুম তার বকুৎও ছিল।

অবিনাশ। মনোরমার—

তিনকড়ি। বকুণ্ডের দোষ নেই।

অবিনাশ। আঃ, সে কথা আমি জিজ্ঞাসা করছিনে, আমি হৃদয়ের কথা বলছি—

তিনকড়ি। মশায়, ও-সব বড়ো শক্ত শক্ত কথা, আমি বুঝিনে। মেয়েমানুষের হৃদয় তিনকড়ি কখনো পায়নি, কখনো প্রত্যাশাও করেনি। দিবিয়া আছি।

অবিনাশ। আচ্ছা, সে থাক্— কিন্তু, দেখো তিনকড়ি, মনোরমাকে আমি একটি আংটি উপহার দেব। বুঝলে? সেই সঙ্গে এক লাইন চিঠি দিতে চাই—

তিনকড়ি। কতি কী! একটা লাইন বৈ তো নয়, চট করে হয়ে যাবে।

অবিনাশ। এই দেখো না, আমি লিখেছিলুম— ‘দেবীপদতলে বিমুগ্ধ ভক্তের পূজোপহার’। তুমি কী বল?

তিনকড়ি। তোমার কথা তুমি বলবে, ওর মধ্যে আমার কিছু বলা ভালো হয় না, সে হল আমার ভয়ী—

অবিনাশ। না না, তা বলছিনে। আংটি কি ঠিক পদতলে দেওয়া যায়! করতলে লিখলে—

তিনকড়ি। তা, ওটা লেখা বৈ তো না— পদতলে লিখে করতলে দিলেই হবে, সেজন্যে তো কেউ আদালতে নাগিশ করবে না।

অবিনাশ। না হে না, লেখার তো একটা মানে থাকা চাই—

তিনকড়ি। আংটি থাকলে আর মানে থাকার দরকার কী? ওতেই তো বোঝা গেল।

অবিনাশ। আংটির চেয়ে কথার দাম বেশি, তা জান?

তিনকড়ি। তা হলে আজ আর তিনকড়েকে হাহাকার করে বেড়াতে হত না।

অবিনাশ। আঃ, কী বকছ তুমি তার ঠিক নেই। একটু মন দিয়ে শোনো

দিশি। ও লাইনটা যদি এই রকম লেখা যায় তো কেমন হয়— ‘প্রেয়সীর করপদে
অম্বরকু সেবকের প্রণয়োপহার’।

তিনকড়ি। বেশ হয়।

অবিনাশ। বেশ হয়! একটা কথা বলে দিলেই হল— ‘বেশ হয়’! একটু
ভেবেচিন্তে বলো না!

তিনকড়ি। ও বাবা! এ যে আবার রাগ করে! বুড়োর শরীরে কিন্তু রাগ
নেই। (প্রকাশে) তা, ভেবেচিন্তে দেখলে বোধ হয় গোড়ারটাই ছিল ভালো।

অবিনাশ। কেন বলো দেখি। এটাতে কী দোষ হয়েছে।

তিনকড়ি। ও বাবা! এটাতে যদি দোষই না থাকবে তো খামকা আমাকে
ভাবতে বললে কেন? এ তো বড়ো মুশকিলেই পড়া গেল দেখছি।— দোষ কী জানেন
অবিনাশবাবু, ও ভাবতে গেলেই দোষ, না ভাবলে কিছুতেই দোষ নেই, আমি তো
এই বুঝি।

অবিনাশ। ওঃ, বুঝেছি— তুমি বলছ, আগে থাকতে ঐ প্রেয়সী সম্বোধনটার
লোকে কিছু মনে ভাবতে পারে—

তিনকড়ি। বাঁচা গেল!— হাঁ, তাই বটে। কিন্তু কী জানেন, আপনা-আপনি
মধ্যে না হয় তাকে প্রেয়সীই বললেন! তা কি আর অন্য কেউ বলে না! ওইটেই
লিখে ফেলুন।

অবিনাশ। কাজ নেই, গোড়ায় যেটা ছিল সেইটেই—

তিনকড়ি। সেইটেই তো আমার পছন্দ—

অবিনাশ। কিন্তু একটু ভেবে দেখো না, ওটা মেন—

তিনকড়ি। ও বাবা! আবার ভাবতে বলে!— দেখো অবিনাশবাবু, শিশুকাল
থেকে আমিও কারও জন্তে ভাবিনি, আমার জন্তেও কেউ ভাবেনি, ওটা আমার আর
অভ্যাস হলই না। এ রকম আরও আমার অনেকগুলি শিক্ষার দোষ আছে—

অবিনাশ। আঃ, তিনকড়ি, তুমি একটু খামলে বাঁচি। নিজের কথা নিয়েই কেবল
বক বক করে মরছ, আমাকে একটু ভাবতে দাও দেখি।

তিনকড়ি। আপনি ভাবুন না। আমাকে ভাবতে বলেন কেন? একটু বসুন
অবিনাশবাবু, আমি কেদারদাকে ডেকে আনি। সে আমার চেয়ে ভাবতেও জানে,
ভেবে কিনারা করতেও পারে।— আমার পক্ষে বুড়োই ভালো।

কেদার বৈকুণ্ঠ ও তিনকড়ির প্রবেশ

বৈকুণ্ঠ। অবিনাশ, কেদারবাবুকে আবার তোমার কী দরকার হল। আমি ঠুকে আমার নূতন পরিচ্ছেদটা শোনাচ্ছিলুম— তিনকড়ি কিছুতেই ছাড়লে না, শেষকালে হাতে পায়ে ধরতে লাগল।

অবিনাশ। আমার সেই কাজটা শেষ হয়নি, তাই।

বৈকুণ্ঠ। (রাগিয়া) তোমার তো কাজ শেষ হয়নি, আমারই সে পরিচ্ছেদটা শেষ হয়েছিল না কি?

অবিনাশ। তা, দাদা, ঠুকে নিয়ে যাও না—

কেদার। (ব্যস্ত হইয়া) ওর নাম কী, অবিনাশ, তোমারও সে কাজটা তো জরুরি, কী বলে, আর তো দেরি করা চলে না।

বৈকুণ্ঠ। বিলক্ষণ! আপনি সেজন্তে ভাববেন না।— নিজের কাজ নিয়ে কেদারবাবুকে এ-রকম কষ্ট দেওয়া উচিত হয় না অবিনাশ। অমন করলে উনি আর এখানে আসবেন না।

তিনকড়ি। সে ভয় করবেন না বৈকুণ্ঠবাবু—আমাদের দুটিকে না চাইলেও পাওয়া যায়, তাড়ালেও ফিরে পাবেন— ম'লেও ফিরে আসব এমনি সকলে সন্দেহ করে।

কেদার। তিনকড়ে! ফের!

তিনকড়ি। ভাই, আগে থাকতে বলে রাখাই ভালো— শেষকালে ঠুয়ারা কী মনে করবেন।

ঈশানের প্রবেশ

ঈশান। (অবিনাশ ও কেদারের প্রতি) বাবু, তোমাদের দুজনেরই খাবার জায়গা হয়েছে।

তিনকড়ি। আর আমাকে বুঝি ফাঁকি!— জন্মাবামাত্র ষার নিজের মা ফাঁকি দিয়ে ম'ল, বন্ধুরা তার আর কী করবে!— কিন্তু দাদা, তিনকড়ে তোমাকে ভাগ না দিয়ে খায় না।

কেদার। তিনকড়ে, ফের!

তিনকড়ি। তা, যা ভাই, চট করে খেয়ে আয় গে। দেরি করলে বড্ড লোভ হবে। মনে হবে ছত্রিশ ব্যঞ্জন লুঠছিস।

বৈকুণ্ঠ। সে কী কথা তিনকড়ি! তুমি না খেয়ে যাবে! সে কি হয়!
ঈশেন!

ঈশান। আমি জানিনে। আমি চললুম। [প্রস্থান

অবিনাশ। চলো না তিনকড়ি। এক রকম করে হয়ে যাবে।

তিনকড়ি। টানাটানি করে দরকার কী। আপনারা এগোন। ষাণ্মাষার
রাস্তা বৈকুণ্ঠবাবু জানেন— সেদিন টের পেয়েছি।

[তিনকড়ি ও বৈকুণ্ঠের প্রস্থান

অবিনাশ। তা হলে ও লাইনটা—

কেদার। ওর নাম কী, খেয়ে এসে হবে।

তৃতীয় দৃশ্য

কেদার

কেদার। শ্রালীর বিবাহ তো নির্বিঘ্নে হয়ে গেছে। কিন্তু বৈকুণ্ঠ থাকতে
এখানে বাস করে সুখ হচ্ছে না। উপদ্রব তো করা যাচ্ছে, কিন্তু বুড়ো নড়ে না।

বৈকুণ্ঠের প্রবেশ

বৈকুণ্ঠ। এই যে কেদারবাবু, আপনাকে শুকনো দেখাচ্ছে যে। অসুখ করেনি
তো?

কেদার। ওর নাম কী, ডাক্তারে সকল রকম মানসিক পরিশ্রম নিষেধ
করেছে—

বৈকুণ্ঠ। আহা, কি দুঃখের বিষয়! আপনি এখানেই কিছু দিন বিশ্রাম করুন।

কেদার। সেই রকমই তো স্থির করেছি।

বৈকুণ্ঠ। তা দেখুন, বেণীবাবুকে—

কেদার। বেণীবাবু নয়, বিপিনবাবুর কথা বলছেন বোধ হয়—

বৈকুণ্ঠ। হাঁ হাঁ, বিপিন বাবুই বটে, ওই যে তিনি ছোটো বউমার কে হন—

কেদার। খুড়ো হন—

বৈকুণ্ঠ। খুড়োই হবেন। তা, তাঁকে আমার এই ঘরে থাকতে দিয়েছেন,
সে কি তাঁর—

কেদার। না, ওর নাম কী, তাঁর কোনো অস্থিবিধে হয়নি, তিনি বেশ
আছেন—

বৈকুণ্ঠ। জানেন তো কেদারবাবু, আমি এই ঘরেই লিখে থাকি—

কেদার। তা বেশ তো, আপনি লিখবেন, ওর নাম কী, আপনি লিখবেন—
তাতে বিপিনবাবুর কোনো আপত্তি নেই।

বৈকুণ্ঠ। না, আপত্তি কেন করবেন, লোকটি বেশ— কিন্তু তাঁর একটি অভ্যাস
আছে, তিনি বিছানার শুয়ে শুয়ে প্রায় সর্বদাই গুন গুন করে গান করেন, তাতে
লেখবার সময়—

কেদার। কী বলে, সে জন্তে ভাবনা কী। আপনি তাঁকে ডেকেই বলুন না—

বৈকুণ্ঠ। না না না না। সে থাক। তিনি ভদ্রলোক—

কেদার। ওর নাম কী, আমিই তাঁকে ডেকে খুব ভৎসনা করে দিচ্ছি—

বৈকুণ্ঠ। না না কেদারবাবু, সে করবেন না— লেখার সময় গান তো আমার
ভালোই লাগে। কিন্তু আমি ভাবছিলাম, হয়তো আর কোনো ঘরে বৈকুণ্ঠ একলা
থাকলে বেশ মন খুলে গাইতে পারেন।

কেদার। ওর নাম কী, ঠিক উল্টো। বিপিনবাবুর একটি লোক সর্বদাই
চাই—

বৈকুণ্ঠ। তা দেখেছি— বড়ো মিস্তক— হয় গান নয় গল্প করছেনই—তা আমি
তাঁর কথা মন দিয়ে শুনে থাকি।— কিন্তু দেখো কেদারবাবু, কিছু মনে কোরো না
ভাই— একটা বড়ো গুরুতর বেদনা পেয়েছি, সে কথা তোমাকে না বলে থাকতে
পারিনি। ভাই, আমার সেই স্বরশূন্যতার পুঁথিখানি কে নিয়েছে।

কেদার। কোথায় ছিল বলুন দেখি।

বৈকুণ্ঠ। সে তো আপনি জানেন। এই ঘরে ওই শেলফের উপর ছিল।
আজকাল এ ঘরে সর্বদা লোক আনাগোনা করছেন, আমি কাউকে কিছুই বলতে
পারিনি— কিন্তু শেলফের ঐ জায়গাটা শূন্য দেখছি আর মনে হচ্ছে আমার বুকের
কথানা পাজির খালি হয়ে গেছে।

কেদার। তবে আপনাকে, ওর নাম কী, খুলে বলি, অধিমাশ আপনার—

বৈকুণ্ঠ। অবু! সে তো এ-সব বই পড়ে না।

কেদার। পড়ে না, ওর নাম কী, বিক্রি করে।

বৈকুণ্ঠ। বিক্রি করে।

কেদার। নতুন প্রণয়— নতুন শখ— ওর নাম কী, গরচ বেশি। আমি তাঁকে

বলি অবু, কী বলে ভালো, মাইনের টাকা থেকে কিছু কিছু কেটে নিয়ে দাদাকে দিলেই হয়। অবু বলে, লজ্জা করে।

বৈকুণ্ঠ। ছেলেমানুষ! প্রণয়ের খাতিরও এড়াতে পারে না, আবার দাদার সম্মানটিও রাখতে হবে।

কেদার। ওর নাম কী, আমি আপনার বইখানি উদ্ধার করে আনব—

বৈকুণ্ঠ। তা, ষত টাকা লাগে— আপনার কাছে আমি চিরঞ্জী হয়ে থাকব।

কেদার। (স্বগত) বাজারে তো তার চার পয়সা দামও হল না, এ আরও হল ভালো— ধর্মও রইল কিছু পাওয়াও গেল। [প্রস্থান

অবিনাশের প্রবেশ

অবিনাশ। দাদা!

বৈকুণ্ঠ। কী ভাই অবু!

অবিনাশ। আমার কিছু টাকার দরকার হয়েছে—

বৈকুণ্ঠ। তাতে লজ্জা কী অবু! আমি বলছি কী, এখন থেকে তোমার টাকা তুমিই রাখো না ভাই— আমি বুড়ো হয়ে গেলুম, হারিয়েই ফেলি কি ভুলেই যাই, আমার কি মনের ঠিক আছে।

অবিনাশ। এ আবার কী নতুন কথা হল দাদা!

বৈকুণ্ঠ। নতুন কথা নয় ভাই, তুমি বিয়েখাওয়া করে সংসারী হয়েছ, আমি তো সন্ন্যাসী মানুষ—

অবিনাশ। তুমিই তো, দাদা, আমার বিয়ে দিয়ে দিলে— তাতেই যদি পর হয়ে থাকি, তবে থাক, টাকাকড়ির কথা আর আমি বলব না। [প্রস্থান

বৈকুণ্ঠ। আহা, অবু, রাগ কোরো না। শোনো আমার কথাটা, আহা শুনে যাও—

‘ভাবতে পারিনে পরের ভাবনা’ গাহিতে গাহিতে

বিপিনের প্রবেশ

বৈকুণ্ঠ। এই যে বেগীবাবু—

বিপিন। আমার নাম বিপিনবিহারী।

বৈকুণ্ঠ। হাঁহাঁ, বিপিনবাবু। আপনার বিছানায় ওই যে বইগুলি রেখেছেন ওগুলি পড়ছেন বুঝি?

বিপিন। নাঃ, পড়িনে, বাজাই।

বৈকুণ্ঠ। বাজান? তা আপনাকে যদি বাঁয়া ভবলা কি মৃদঙ—

বিপিন। সে তো আমার আসে না, আমি বই বাজাই। দেখুন বৈকুণ্ঠবাবু, আপনাকে রোজ বলব মনে করি, ভুলে যাই— আপনার এই ডেকসো আর ওই গোটাকতক শেল্ফ এখান থেকে সরাতে হচ্ছে, আমার বন্ধুরা সর্বদাই আসছে, তাদের বসাবার জায়গা পাচ্ছিনে—

বৈকুণ্ঠ। আর তো ঘর দেখিনে— দক্ষিণের ঘরে কেদারবাবু আছেন, ডাক্তার তাঁকে বিশ্রাম করতে বলেছে— পূর্বের ঘরটার কে কে আছেন আমি ঠিক চিনি— তা বেণীবাবু—

বিপিন। বিপিনবাবু—

বৈকুণ্ঠ। হাঁহাঁ বিপিনবাবু— তা, যদি ওগুলো এক পাশে সরিয়ে রাখি তা হলে কি কিছু অসুবিধে হয়?

বিপিন। অসুবিধা আর কী, থাকবার কষ্ট হয়। আমি আবার বেশ একটু ফাঁকা না হলে থাকতে পারিনে। ‘ভাবতে পারিনে পরের ভাবনা লো সই!’

ঈশানের প্রবেশ

বৈকুণ্ঠ। ঈশেন এ ঘরে বেণীবাবুর—

বিপিন। বিপিনবাবুর—

বৈকুণ্ঠ। হাঁ, বিপিনবাবুর থাকার কিছু কষ্ট হচ্ছে।

ঈশান। কষ্ট হয়ে থাকে তো আর আবশ্যিক কী, ওঁর বাগের ঘরছয়োর কিছু নেই না কি!

বৈকুণ্ঠ। ঈশেন, চুপ কর।

বিপিন। কী রাস্কেল, তুই এতবড়ো কথা বলিস!

ঈশান। দেখো, গালমন্দ দিয়ো না বলছি—

বৈকুণ্ঠ। আঃ ঈশেন, থাম্—

বিপিন। আমি তোদের এ ঘরে পায়ের ধুলো মুছতে চাইনে, আমি এখনই চললুম।

বৈকুণ্ঠ। যাবেন না বেণীবাবু, আমি গলবস্ত্র হয়ে বলছি মাপ করবেন— (বৈকুণ্ঠকে ঠেলিয়া বিপিনের প্রস্থান) ঈশেন, তুই কী করলি বল দেখি— তুই আর আমাকে বাড়িতে টিকতে দিলিনে দেখছি।

ঈশান। আমিই দিলুম না বটে!

বৈকুণ্ঠ । দেখ, ঈশেন, অনেক কাল থেকে আছিস, তোর কথাবার্তাগুলো আমাদের অভ্যাস হয়ে এসেছে, এরা নতুন মাছষ এরা সহজে পারবে কেন ? তুই একটু ঠাণ্ডা হয়ে কথা কইতে পারিসনে ?

ঈশান । আমি ঠাণ্ডা থাকি কী করে ! এদের রকম দেখে আমার সর্বশরীর জ্বলতে থাকে ।

বৈকুণ্ঠ । ঈশেন, ওরা আমাদের নতুন কুটুম্ব, ওরা কিছুতে ক্ষুণ্ণ হলে অধিনাশের গায়ে লাগবে, সে আমাদেরও কিছু বলতে পারবে না, অথচ তার হল—

ঈশান । সে তো সব বুঝেছি । সেই জগ্গেই তো ছোটো বয়সে ছোটোবাবুকে বিয়ে দেবার জগ্গে কতবার বলেছি । সময়কালে বিয়ে হলে এতটা বাড়াবাড়ি হয় না ।

বৈকুণ্ঠ । যা, আর বকিসনে ঈশেন, এখন যা, আমি সকল কথা এক বার ভেবে দেখি ।

ঈশান । ভেবে দেখো ! এখন যে কথাটা বলতে এসেছিলুম বলে নিই । আমাদের ছোটোমার খুড়ি না পিসি না কে এক বুড়ি এসে দিদিঠাকরুনকে যে দুঃখ দিচ্ছে সে তো আমার আর সহ্য হয় না ।

বৈকুণ্ঠ । আমার নীরুমাঝে ! সে তো কারো কিছুতে থাকে না ।

ঈশান । তাঁকে তো দিনরাত্তির দাসীর মতো খাটিয়ে মারছে ॥ তার পরে আবার মাগী তোমার নামে খোঁটা দিয়ে তাঁকে বলে কি না যে, তুমি তোমার ছোটো-ভাইয়ের টাকার গায়ে ফুঁ দিয়ে বড়োমামুবি করে বেড়াচ্ছ ! মাগীর যদি দাঁত থাকত তো নোড়া দিয়ে ভেঙে দিতুম না !

বৈকুণ্ঠ । তা, নীরু কী বলে ?

ঈশান । তিনি তো তাঁর বাপেরই মেরে, মুখখানি যেন ফুলের মতো শুকিয়ে যায়, একটি কথা বলে না—

বৈকুণ্ঠ । (কিয়ৎক্ষণ চুপ করিয়া) একটা কথা আছে, 'যে সন্ন তারই সন্ন'—

ঈশান । সে কথা আমি ভালো বুঝিনে । আমি এক বার ছোটোবাবুকে—

বৈকুণ্ঠ । খবরদার ঈশেন, আমার মাথার দিব্যি দিয়ে বলছি, অধিনাশকে কোনো কথা বলতে পারবিনে ।

ঈশান । তবে চুপ করে বসে থাকব ?

বৈকুণ্ঠ । না, আমি একটা উপায় ঠাট্টিরেছি । এখানে আঙ্গুঠাতেও আর কুলোচ্ছে না, এঁদের সকলেরই অস্থবিধে হচ্ছে দেখতে পাচ্ছি, তা ছাড়া অধিনাশের

এখন ঘর-সংসার ছাড়া, তার টাকাকড়ির দরকার, তার উপরে তার চাপাতে আমার আর ইচ্ছে নেই— আমি এখান থেকে যেতে চাই—

ঈশান। সে তো মন্দ কথা নয়, কিন্তু—

বৈকুণ্ঠ। ওর আর কিছুটুকু নেই ঈশেন। সময় উপস্থিত হলেই প্রস্তুত হতে হয়।

ঈশান। তোমার লেখাপড়ার কী হবে?

বৈকুণ্ঠ। (হাসিয়া) আমার লেখা! সে আবার একটা জিনিস! সবাই হাসে, আমি কি তা জানিনে ঈশেন? ও-সব রইল পড়ে। সংসারে লেখায় কারও কোনো দরকার নেই।

ঈশান। ছোটোবাবুকে তো বলে কয়ে যেতে হবে?

বৈকুণ্ঠ। তা হলে সে কিছুতেই যেতে দেবে না। সে তো আর আমাকে 'বাও' বলতে পারবে না ঈশেন। গোপনেই যেতে হবে, তার পর তাকে লিখে জানাব। যাই, আমার নীককে এক বার দেখে আসিগে।

[উভয়ের প্রস্থান]

তিনকড়ি ও কেদারের প্রবেশ

তিনকড়ি। দাদা, তুই তো আমাকে ফাঁকি দিয়ে হাঁসপাতালে পাঠালি, সেখান থেকেও আমি ফাঁকি দিয়ে ফিরেছি। কিছুতেই মলেম না।

কেদার। তাই তো রে, দিব্যি টিকে আছিস যে।

তিনকড়ি। ভাগ্যে, দাদা, এক দিনও দেখতে যাওনি—

কেদার। কেন রে!

তিনকড়ি। যম বেটা ঠাউরালে এ ছোড়ার ছনিয়ায় কেউই নেই, নেহাত তাচ্ছিল্য করে নিলে না। ভাই, তোকে বলব কী, এই তিনকড়ের ভিতরে কতটা পদার্থ আছে সেইটে দেখবার জন্যে মেডিকাল কালেক্‌টর ছোকরাগুলো সব ছুরি উচিয়ে বসে ছিল— দেখে আমার অহংকার হত। যাই হোক দাদা, তুমি তো এখানে দিব্যি জমিয়ে বসেছ।

কেদার। বা, বা, মেলা বকিসনে। এখন এ আমার আত্মীয়বাড়ি তা জানিস?

তিনকড়ি। সমস্তই জানি, আমার অগোচর কিছুই নেই। কিন্তু বুড়ো বৈকুণ্ঠকে দেখাছিনে যে। তাকে বুঝি ঠেলে দিয়েছিল? এইটে তোমার দোষ। কাজ ফুরোলোই—

কেদার। তিনকড়ে! ফের! কানমলা খারি।

তিনকড়ি। তা, দে মলে। কিন্তু সত্যি কথা বলতে হয়, বৈকুণ্ঠকে যদি তুই ফাঁকি দিস তা হলে অধর্ম হবে, আমার সঙ্গে যা করিস সে আলাদা—

কেদার। ইস, এত ধর্ম শিখে এলি কোথা।

তিনকড়ি। তা, যা বলিস ভাই, যদিচ তুমি-আমি এতদিন টিকে আছি তবু ধর্ম বলে একটা কিছু আছে। দেখো কেদারদা, আমি যখন হাঁসপাতালে পড়ে ছিলাম, বুড়োর কথা আমার সর্বদা মনে হত। পড়ে পড়ে ভাবতুম, তিনকড়ি নেই, এখন কেদারদার হাত থেকে বুড়োকে কে ঠেকাবে। বড়ো দুঃখ হত।

কেদার। দেখ, তিনকড়ে, তুই যদি এখানে আমাকে জ্বালাতে আসিস তা হলে—

তিনকড়ি। মিথ্যে ভয় করছ দাদা। আমাকে আর হাঁসপাতালে পাঠাতে হবে না। এখানে তুমি একলাই রাজত্ব করবে। আমি দু দিনের বেশি কোথাও টিকতে পারিনে, এ জায়গাও আমার সহ্য হবে না।

কেদার। তা হলে আর আমাকে দণ্ডাস কেন, না হয় দুটো দিন আগেই গেলি।

তিনকড়ি। বৈকুণ্ঠের খাতাখানা না চুকিয়ে যেতে পারছিনে, তুমি তাকে ফাঁকি দেবে জানি। অদৃষ্টে যা থাকে ওটা এই অভাগাকেই শুনতে হবে।

কেদার। এ ছোড়াটাকে মেরে ধরে, গাল দিয়ে, কিছুতেই তাড়াবার জো নেই। তিনকড়ে, তোর খিদে পেয়েছে?

তিনকড়ে। কেন আর মনে করিয়ে দাও ভাই?

কেদার। চল, তোকে কিছু পয়সা দিইগে, বাজার থেকে জলখাবার কিনে এনে খাবি।

তিনকড়ি। এ কী হল! তোমারও ধর্মজ্ঞান! হঠাৎ ভালোমন্দ একটা কিছু হবে না তো।

[উভয়ের প্রশ্নান

ঈশান ও বৈকুণ্ঠের প্রবেশ

বৈকুণ্ঠ। ভেবেছিলাম, খাতাপত্রগুলো আর সঙ্গে নেব না— শুনে নীরু যা কাঁদতে লাগল, ভাবলে বুড়োবয়সের খেলাগুলো বাবা কোথায় ফেলে যাচ্ছে। এগুলো নে ঈশেন।— ঈশেন!

ঈশান। কী বাবু!

বৈকুণ্ঠ। ছোটোর উপর বড়োর যে-রকম স্নেহ, বড়োর উপর ছোটোর সে-রকম হয় না— না ঈশেন?

ঈশান। তাই তো দেখতে পাই।

বৈকুণ্ঠ । আমি চলে গেলে অবু বোধ হয় বিশেষ কষ্ট পাবে না ।

ঈশান । না পাবারই সম্ভব । বিশেষ—

বৈকুণ্ঠ । হাঁ, বিশেষ তার নতুন সংসার হয়েছে, আর তো আত্মীয়স্বজনের অভাব নেই, কী বলিস ঈশেন—

ঈশান । আমিও তাই বলছিলাম ।

বৈকুণ্ঠ । বোধ হয় নীরমার জন্তে তার মনটা, নীরকে অবু বড়ো ভালবাসে—
না ঈশেন ?

ঈশান । আগে তো তাই বোধ হত, কিন্তু—

বৈকুণ্ঠ । অবিনাশ কি এ-সব জানে ?

ঈশান । তা কি আর জানেন না ? তিনি যদি এর মধ্যে না থাকতেন, তা হলে কি আর বুড়িটা সাহস করত—

বৈকুণ্ঠ । দেখ, ঈশেন, তোর কথাগুলো বড়ো অসহ্য । তুই একটা মিষ্টিকথা বানিয়েও বলতে পারিসনে ? এতটুকু বেলা থেকে আমি তাকে মাহুষ করলাম—
এক দিনের জন্তেও চোখের আড়াল করিনি— আমি চলে গেলে তার কষ্ট হবে না এমন কথা তুই মুখে আনিস হারামজাদা বেটা ! সে জেনে শুনে আমার নীরকে কষ্ট দিয়েছে ! লক্ষীছাড়া পাজি, তোর কথা শুনে বুক ফেটে যায় !

'ভাবতে পারিনে পরের ভাবনা' গাহিতে গাহিতে

বিপিনের প্রবেশ

বিপিন । ভেবেছিলুম ফিরে ডাকবে । ডাকে না যে । এই যে, বড়ো এইখানেই আছে ।— বৈকুণ্ঠবাবু, আমার জিনিসপত্র নিতে এলাম । আমার ওই ছ'কোটা আর ওই ক্যাশিসের ব্যাগটা । ঈশেন, শিগগির মুটে ডাকো ।

বৈকুণ্ঠ । সে কী কথা ! আপনি এখানেই থাকুন । আমি করজোড় করে বলছি, আমাকে মাপ করুন বেণীবাবু ।

বিপিন । বিপিনবাবু—

বৈকুণ্ঠ । হাঁহাঁ, বিপিনবাবু । আপনি থাকুন, আমরা এখনই ঘর খালি করে দিচ্ছি ।

বিপিন । এ বইগুলো কী হবে ?

বৈকুণ্ঠ । সমস্তই সরাজি ।

[শেলুক হইতে বই ভূমিতে নাবাইতে প্রবৃত্ত

ঈশান । এ বইগুলিকে বাবু যেন বিধবার পুত্রসন্তানের মতো দেখত, ধুলো নিজের হাতে ঝাড়ত, আজ ধুলোর ফেলে দিচ্ছে ।

[চকু-মোহন

বিপিন। কেদারের ঘরে আকিমের কোঁটা ফেলে এসেছি— নিয়ে আসিগে।
‘ভাবতে পারিনে পারের ভাবনা লো মই।’ [প্রস্থান

তিনকড়ির প্রবেশ

তিনকড়ি। এই যে পেয়েছি! বৈকুণ্ঠবাবু, ভালো তো?

বৈকুণ্ঠ। কী বাবা, তুমি ভালো আছ? অনেক দিন দেখিনি।

তিনকড়ি। ভয় কী বৈকুণ্ঠবাবু, আবার অনেক দিন দেখতে পাবেন। ধরা দিয়েছি, এখন আপনার খাতাপত্র বের করুন।

বৈকুণ্ঠ। সে-সব আর নেই তিনকড়ি, তুমি এখন নিশ্চিত মনে এখানে থাকতে পারবে।

তিনকড়ি। তা হলে আর লিখবেন না?

বৈকুণ্ঠ। না, সে-সব খেয়াল ছেড়ে দিয়েছি।

তিনকড়ি। ছেড়ে দিয়েছেন সত্যি বলছেন?

বৈকুণ্ঠ। হ্যাঁ, ছেড়ে দিয়েছি।

তিনকড়ি। আঃ, বাঁচলেন। তা হলে ছুটি— আমি যেতে পারি?

বৈকুণ্ঠ। কোথায় যাবে বাপু?

তিনকড়ি। অলস্ট্রী যেখানে তাড়িয়ে নিয়ে বেড়ান। ভেবেছিলুম মেয়াদ ফুরোয়নি, খাতা এখনো অনেকখানি বাকি আছে, শুনে যেতে হবে। তা হলে প্রণাম হই।

বৈকুণ্ঠ। এস বাবা, ঈশ্বর তোমার ভালো করুন।

তিনকড়ি। উহ! একটা কী গোল হয়েছে! ঠিক বুঝতে পারছি। তাই ঈশেন, এতদিন পরে দেখা, তুমিও তো আমাকে মার মার শব্দে খেদিয়ে এলে না— তোমার জন্তে ভাবনা হচ্ছে।

অবিনাশের প্রবেশ

অবিনাশ। দাদা, কোথা থেকে তুমি যত সব লোক জুটিয়েছ— বাড়ির মধ্যে, বাইরে, কোথাও তো আর টিকতে দিলে না।

বৈকুণ্ঠ। তারা কি আমার লোক অবু! তোমারই তো সব—

অবিনাশ। আমার কে! আমি তাদের চিনি। কেদারের মত আত্মীয়, তুমিই তো তাদের স্থান দিয়েছ। সেই জন্তেই তো আমি তাদের কিছু রক্তে পানরিনে। তা, তুমি যদি পার তো তাদের সামলাও দাড়া, আমি বাড়ি ছেড়ে চলে যাব।

বৈকুণ্ঠ। আমিই তো যাব মনে করছিলুম—

তিনকড়ি। তার চেয়ে তাঁরা মেলেই তো ভালো হয়। আপনারা দুজনেই গেলে তাঁদের আদর-অভ্যর্থনা করবে কে ?

অবিনাশ। বাড়ির মধ্যে একটা বুড়ি এসেছে, সে তো ঝগড়া করে একটাও দাসী টিকতে দিলে না— তাও ময়েছিলুম— কিন্তু আজ আমি স্বচক্ষে দেখলুম, সে নীরুর গায়ে হাত তুললে! আর সহ্য হল না, তাকে এইমাত্র গলাপার করে দিয়ে আসছি।

ঈশান। বেঁচে থাকো ছোটোবাবু, বেঁচে থাকো।

বৈকুণ্ঠ। অবিনাশ, তিনি ছোটোবউমার আত্মীয় হন, তাঁকে—

তিনকড়ি। কেউ না, কেউ না, ও বুড়ি কেদারদার পিসি। ওকে বিবাহ করে কেদারের পিঠে আর বাঁচতে পারলে না, বিধবা হয়ে ভাইয়ের বাড়ি আসতে ভাইও মরে বাঁচল, এখন কেদারদা নিজের প্রাণ রক্ষা করতে ওকে তোমাদের এখানে চালান করেছে।

অবিনাশ। দাদা, তোমার এই বইগুলো মাটিতে নাবাচ্ছ কেন? তোমার ডেকমো গেল কোথায় ?

ঈশান। এ ঘরে যে বাবুটি থাকেন বই থাকলে তাঁর থাকবার অসুবিধে হয়, বড়োবাবুকে তিনি লুটিন দিয়েছেন।

অবিনাশ। কী! দাদাকে ঘর ছেড়ে যেতে হবে!

বিপিনের প্রবেশ

বিপিন। ‘ভাবতে পারিনে পরের ভাবনা’—

অবিনাশ। (তাড়া করিয়া গিয়া) বেরোও, বেরোও, বেরোও বলছি, বেরোও এখান থেকে— বেরোও এখনি—

বৈকুণ্ঠ। আহা, খামো অবু, খামো, কী কর— বেণীবাবুকে—

বিপিন। বিপিনবাবুকে—

বৈকুণ্ঠ। হাঁ, বিপিনবাবুকে অপমান কোরো না—

তিনকড়ি। কেদারদাকে ভেকে আনতে হচ্ছে। এ তামাশা দেখা উচিত।

[প্রস্থান]

ঈশান বিপিনকে বলপূর্বক বাহির করিল

বিপিন। ঈশেন, একটা মুটে ডাকো, আমার হুকো আর ক্যাশিসের ব্যাগটা—

[প্রস্থান]

বৈকুণ্ঠ। ঈশেন, হারামজাদা কোথাকার, শুভ্রলোককে তুই, তোকে আর—

রবীন্দ্র-রচনাবলী

ঈশান। আজ আমাকে গাল দাও, ধরে মারো, আমি কিছু বলব না— প্রাণ বড়ো খুশি হয়েছে।

কেদারকে লইয়া তিনকড়ির প্রবেশ

কেদার। ওর নাম কী, অবিনাশ ডাকছ ?

অবিনাশ। হাঁ— তোমার চুলো প্রস্তুত হয়েছে, এখন ঘর থেকে নাবতে হবে।

কেদার। তোমার ঠাট্টাটা অবিনাশ অন্ত্র লোকের ঠাট্টার চেয়ে, ওর নাম কী, কিছু কড়া হয়।

বৈকুণ্ঠ। আহা, অবিনাশ, তুমি থামো! কেদারবাবু, অবিনাশের উদ্ধত ব্যঙ্গসে আপনার আত্মীয়দের সঙ্গে ঠিক ঠিক—

অবিনাশ। বনছিল না। তাই তিনি তাঁদের হাত ধরে সদর দরজার বার করে দিয়ে এসেছেন—

তিনকড়ি। এতক্ষণে আবার তাঁরা খিড়কির দরজা দিয়ে চুকেছেন, সাবধান থাকবেন—

অবিনাশ। এখন তোমাকেও তাঁদের পথে—

তিনকড়ি। ঠুকে দোসরা পথ দেখাবেন, সব কটিকে একত্রে মিলতে দেবেন না—

কেদার। অবু, ওর নাম কী, তা হলে আমার সম্বন্ধে করতলের পরিবর্তে পদতলেই স্থির হল—

অবিনাশ। হাঁ, যার যেখানে স্থান—

কেদার। ঈশেন, তা হলে একটা ভালো দেখে সেকেণ্ড্ ক্লাস গাড়ি ডেকে দাও তো।

তিনকড়ি। ভেবেছিলুম এবার বুঝি একলা বেরোতে হবে— শেষ, দাদাও জুটল। বরাবর দেখে আসছি কেদারদা, শেষকালটা তুমি ধরা পড়ই, আমি সর্বাগ্রেই সেটা সেয়ে রাখি, আমার আর ভাবনা থাকে না।

কেদার। তিনকড়ে! ফের!

বৈকুণ্ঠ। কেদারবাবু, এখনি যাচ্ছেন কেন? আসুন, কিঞ্চিৎ জলযোগ করে নিন—

তিনকড়ি। তা বেশ তো, আমাদের তাড়া নেই।

বৈকুণ্ঠ। ঈশেন!

উপন্যাস ও গল্প

প্রজাপতির নির্বন্ধ

প্রজাপতির নির্বন্ধ

প্রথম পরিচ্ছেদ

অক্ষয়কুমারের স্বস্তর হিন্দুসমাজে ছিলেন, কিন্তু তাঁহার চালচলন অত্যন্ত নব্য ছিল। মেয়েদের তিনি দীর্ঘকাল অবিবাহিত রাখিয়া লেখাপড়া শিখাইতেছিলেন। লোকে আপত্তি করিলে বলিতেন, আমরা কুলীন, আমাদের ঘরে তো চিরকালই এইরূপ প্রথা।

তাঁহার মৃত্যুর পর বিধবা জগত্তারিণীর ইচ্ছা, লেখাপড়া বন্ধ করিয়া মেয়েগুলির বিবাহ দিয়া নিশ্চিন্ত হন। কিন্তু তিনি টিলা প্রকৃতির স্ত্রীলোক, ইচ্ছা যাহা হয় তাহার উপায় অন্বেষণ করিয়া উঠিতে পারেন না। সময় বতই অতীত হইতে থাকে আর পাঁচ জনের উপর দোষারোপ করিতে থাকেন।

জামাতা অক্ষয়কুমার পুরা নব্য। শ্রালীগুলিকে তিনি পাস করাইয়া নব্যসমাজের খোলাখুলি মধ্যে দীক্ষিত করিতে ইচ্ছুক। সেক্রেটারিয়েটে তিনি বড়ো রকমের কাজ করেন, গরমের সময় তাঁহাকে সিমলা পাহাড়ে আপিস করিতে হয়। অনেক রাজঘরের দূত, বড়ো সাহেবের সহিত বোঝাপড়া করাইয়া দিবার জ্ঞান বিপদে-আপদে তাঁহার হাতে-পায়ে আসিয়া ধরে। এই সকল নানা কারণে স্বস্তরবাড়িতে তাঁহার পসার বেশি। বিধবা শান্তী তাঁহাকেই অনাথা পরিবারের অভিভাবক বলিয়া জ্ঞান করেন। শীতের কয় মাস শান্তীর পীড়াপীড়িতে তিনি কলিকাতায় তাঁহার ধনী স্বস্তর-গৃহেই ষাপন করেন। সেই কয় মাস তাঁহার শ্রালী-সমিতিতে উৎসব পড়িয়া যায়।

সেইরূপ কলিকাতা-বাসের সময় একদা স্বস্তরবাড়িতে স্ত্রী পুরবালার সঙ্গে অক্ষয়কুমারের নিম্নলিখিত মতো কথাবার্তা হয় :—

পুরবালা। তোমার নিজের বোন হলে দেখতুম কেমন চুপ করে বসে থাকতে! এতদিনে এক-একটির তিনটি-চারটি করে পাত্র জুটিয়ে আনতে! ওরা আমার বোন কি না—

অক্ষয়। মানব-চরিত্রের কিছুই তোমার কাছে লুকোনো নেই। নিজের বোনে

এবং স্বীকার বোনে যে কত প্রভেদ তা এই কাঁচা বয়সেই বুঝে নিয়েছে। তা ভাই, স্বপ্নের কোনো কল্পটিকেই পরের হাতে সমর্পণ করতে কিছুতেই মন সরে না— এ বিষয়ে আমার ঔদার্যের অভাব আছে তা স্বীকার করতে হবে।

পুরবালা সামান্য একটু রাগের মতো ভাব করিয়া গম্ভীর হইয়া বলিল, “দেখো, তোমার সঙ্গে আমার একটা বন্দোবস্ত করতে হচ্ছে।”

অক্ষয়। একটা চিরস্থায়ী বন্দোবস্ত তো মস্ত পড়ে বিবাহের দিনেই হয়ে গেছে, আবার আর একটা!

পুরবালা। ওগো, এটা তত ভয়ানক নয়। এটা হয়তো তেমন অসহ্য না হতেও পারে।

অক্ষয় যাত্রার অধিকারীর মতো হাত নাড়িয়া বলিল, “সখী, তবে খুলে বলো!”
বলিয়া ঝিঁঝিটে গান ধরিল—

কী জানি কী ভেবেছ মনে,

খুলে বলো ললনে!

কী কথা হয় ভেসে যায়

ওই ছলছল নয়নে!

এইখানে বলা আবশ্যিক, অক্ষয়কুমার ঝোঁকের মাধ্যমে দুটো-চারটে লাইন গান মুখে মুখে বানাইয়া গাহিয়া দিতে পারিতেন। কিন্তু কখনোই কোনো গান রীতিমত সম্পূর্ণ করিতেন না। বক্রুরা বিরক্ত হইয়া বলিতেন, “তোমার এমন অসামান্য ক্ষমতা, কিন্তু গানগুলো শেষ কর না কেন?” অক্ষয় ফস করিয়া তান ধরিয়া তাহার জবাব দিতেন—

সখা, শেষ করা কি ভালো?

তেল ফুরোবার আগেই আমি নিবিয়ে দেব আলো!

এইরূপ ব্যবহারে সকলেই বিরক্ত হইয়া বলে, অক্ষয়কে কিছুতেই পারিয়া উঠা যায় না।

পুরবালাও ত্যক্ত হইয়া বলিলেন, “ওস্তাদজি, ধামো! আমার প্রস্তাব এই যে দিনের মধ্যে একটা সময় ঠিক করো যখন তোমার ঠাট্টা বন্ধ থাকবে— যখন তোমার সঙ্গে দুটো-একটা কাজের কথা হতে পারবে!”

অক্ষয়। গরিবের ছেলে, স্ত্রীকে কথা বলতে দিতে ভরসা হয় না, পাছে খপ করে বাজুবন্দ চেয়ে বসে।

আবার গান—

পাছে চেয়ে বসে আমার মন
আমি তাই ভয়ে ভয়ে থাকি,
পাছে চোখে চোখে পড়ে বাধা
আমি তাই তো তুলিনে আঁধি।

পুরবালা। তবে যাও!

অক্ষয়। না না, রাগারাগি না! আচ্ছা, যা বল তাই শুনব! খাতার নাম লিখিয়ে তোমার ঠাট্টানিবারিণী সভার সভ্য হব! তোমার সামনে কোনো রকমের বেয়াদবি করব না! তা, কী কথা হচ্ছিল! শালীদের বিবাহ! উত্তম প্রস্তাব!

পুরবালা গম্ভীর বিষণ্ণ হইয়া কহিল, “দেখো, এখন বাবা নেই। মা তোমারই মুখ চেয়ে আছেন। তোমারই কথা শুনে এখনও তিনি বেশি বয়স পর্যন্ত মেয়েদের লেখাপড়া শেখাচ্ছেন। এখন যদি সম্পাত্র না জুটিয়ে দিতে পার তা হলে কী অন্টার হবে ভেবে দেখো দেখি!”

অক্ষয় দুর্লক্ষণ দেখিয়া পূর্বাপেক্ষা কথকিৎ গম্ভীর হইয়া কহিলেন, “আমি তো তোমাকে বলেইছি তোমরা কোনো ভাবনা কোরো না। আমার শালীপতির গোকুলে বাড়ছেন।”

পুরবালা। গোকুলটি কোথায়?

অক্ষয়। যেখান থেকে এই হতভাগ্যকে তোমার গোষ্ঠে ভরতি করেছ। আমাদের সেই চিরকুমার-সভা।

পুরবালা সন্দেহ প্রকাশ করিয়া কহিল, “প্রজাপতির সঙ্গে তাদের যে লড়াই!”

অক্ষয়। দেবতার সঙ্গে লড়াই করে পারবে কেন? তাঁকে কেবল চটিয়ে দেয় মাত্র। সেই অস্ত্রে ভগবান প্রজাপতির বিশেষ ঝোক ওই সভার উপরেই। সরা-চাপা হাঁড়ির মধ্যে মাংস যেমন গুমে গুমে সিদ্ধ হতে থাকে— প্রতিজ্ঞার মধ্যে চাপা থেকে সভ্যগুলিও একেবারে হাড়ের কাছ পর্যন্ত নরম হয়ে উঠেছেন— দিব্যি বিবাহ-যোগ্য হয়ে এসেছেন— এখন পাতে দিলেই হয়। আমিও তো এক কালে ওই সভার সভাপতি ছিলাম!

আনন্দিতা পুরবালা বিজয়গর্বে ঈষৎ হাসিয়া জিজ্ঞাসা করিল, “তোমার কী রকম দশাটা হয়েছিল!”

অক্ষয়। সে আর কী বলব! প্রতিজ্ঞা ছিল স্ত্রীলিঙ্গ শব্দ পর্যন্ত মুখে উচ্চারণ করব না, কিন্তু শেষকালে এমনি হল যে, মনে হত শ্রীকৃষ্ণের ষোল-শ গোপিনী যদি

বা সম্প্রতি ছুপ্রাপ্য হন অস্তুত মহাকালীর চৌষটি হাজার যোগিনীর সন্ধান পেলেও এক বার পেট ভরে প্রেমালাপটা করে নিই— ঠিক সেই সময়টাতেই তোমার সঙ্গে সাক্ষাৎ হল আর কি !

পুরবালা। চৌষটি হাজারের শখ মিটল ?

অক্ষয়। সে আর তোমার মুখের সামনে বলব না ! জাঁক হবে। তবে ইশারায় বলতে পারি মা কালী দয়া করেছেন বটে ! এই বলিয়া পুরবালার চিবুক ধরিয়া মুখটি একটুখানি তুলিয়া সকৌতুকে স্নিগ্ধ প্রেমে একবার নিরীক্ষণ করিয়া দেখিলেন। পুরবালা কৃত্রিম কলহে মুখ সরাইয়া লইয়া কহিলেন, “তবে আমিও বলি, বাবা ভোলানাথের নন্দীভূক্তীর অভাব ছিল না, আমাকে বুঝি তিনি দয়া করেছিলেন !”

অক্ষয়। তা হতে পারে, সেই জন্তেই কার্তিকটি পেয়েছ !

পুরবালা। আবার ঠাট্টা শুরু হল ?

অক্ষয়। কার্তিকের কথাটা বুঝি ঠাট্টা ? গা ছুঁয়ে বলছি ওটা আমার অস্তরের বিশ্বাস !

এমন সময় শৈলবালার প্রবেশ। ইনি মেজো বোন। বিবাহের এক মাসের মধ্যে বিধবা। চুলগুলি ছোট করিয়া ছাঁটা বলিয়া ছেলের মতো দেখিতে। সংস্কৃত ভাষায় অনার দিয়া বি. এ পাস করিবার জন্ত উৎসুক।

শৈল আসিয়া বলিল, “মুখ্জ্যোমশায়, এইবার তোমার ছোটো ছুটি শালীকে রক্ষা করো।”

অক্ষয়। যদি অরক্ষণীয় হয়ে থাকেন তো আমি আছি। ব্যাপারটা কী ?

শৈল। মার কাছে তাড়া খেয়ে রসিকদাদা কোথা থেকে একজোড়া কুলীনের ছেলে এনে হাজির করেছেন, মা স্থির করেছেন তাদের সঙ্গেই তাঁর ছুই মেয়ের বিবাহ দেবেন।

অক্ষয়। ওরে বাসরে ! একেবারে বিয়ের এপিডেমিক ! প্রেগের মতো ! এক বাড়িতে এক সঙ্গে দুই কন্তাকে আক্রমণ ! ভয় হয় পাছে আমাকেও ধরে। বলিয়া কালাংড়ায় গান ধরিয়া দিলেন—

বড়ো থাকি কাছাকাছি

তাই ভয়ে ভয়ে আছি।

নয়ন বচন কোথায় কখন বাজিলে বাঁচি না বাঁচি।

শৈল। এই কি তোমার গান গাবার সময় হল ?

অক্ষয়। কী করব ভাই! রোশনচৌকি বাজাতে শিখিনি, তা হলে ধরতুম। বল কী, শুভকর্ম! ছুই শালীর উদ্বাহবন্ধন! কিন্তু এত তাড়াতাড়ি কেন?

শৈল। বৈশাখ মাসের পর আসছে বছরে আকাল পড়বে, আর বিয়ের দিন নেই।

পুরবালা নিজের স্বামীটি লইয়া সুখী, এবং তাহার বিশ্বাস যেমন করিয়া হোক জ্বীলোকের একটা বিবাহ হইয়া গেলেই সুখের দশা। সে মনে মনে খুশি হইয়া বলিল, “তোরা আগে থাকতে ভাবিস কেন শৈল, পাত্র আগে দেখা যাক তো।”

টিলা লোকেদের স্বভাব এই যে, হঠাৎ একদা অসময়ে তাহারা মন স্থির করে, তখন ভালোমন্দ বিচার করিবার পরিশ্রম স্বীকার না করিয়া একদমে পূর্বকার সুদীর্ঘ শৈথিল্য সারিয়া লইতে চেষ্টা করে। তখন কিছুতেই তাহাদের আর এক মুহূর্ত সবুর সয় না। কর্তী ঠাকুরানীর সেইরূপ অবস্থা। তিনি আসিয়া বলিলেন, “বাবা অক্ষয়!”

অক্ষয়। কী মা!

জগৎ। তোমার কথা শুনে আর তো মেয়েদের রাখতে পারিনে!

ইহার মধ্যে এইটুকু আভাস ছিল যে, তাঁহার মেয়েদের সকল প্রকার দুর্ঘটনার জন্ত অক্ষয়ই দায়ী।

শৈল কহিল, “মেয়েদের রাখতে পার না বলেই কি মেয়েদের ফেলে দেবে মা!”

জগৎ। ওই তো! তোদের কথা শুনলে গায়ে জ্বর আসে। বাবা অক্ষয়, শৈল বিধবা মেয়ে, ওকে এত পড়িয়ে পাস করিয়ে কী হবে বলো দেখি। ওর এত বিছের দরকার কী?

অক্ষয়। মা শাস্ত্রে লিখেছে, মেয়েমানুষের একটা না একটা কিছু উৎপাত থাকা চাই— হয় স্বামী, নয় বিচ্ছেদ, নয় হিষ্টিরিয়া। দেখো না, লক্ষ্মীর আছেন বিষ্ণু, তাঁর আর বিছের দরকার হয়নি, তিনি স্বামীটিকে এবং পেঁচাটিকে নিয়েই আছেন— আর সরস্বতীর স্বামী নেই, কাজেই তাঁকে বিচ্ছেদ নিয়ে থাকতে হয়!

জগৎ। তা যা বল বাবা, আসছে বৈশাখে মেয়েদের বিয়ে দেবই!

পুরবালা। হাঁ মা, আমারও সেই মত। মেয়েমানুষের সকাল-সকাল বিয়ে হওয়াই ভালো।

শুনিয়া অক্ষয় তাহাকে জনান্তিকে বলিয়া লইল, “তা তো বটেই! বিশেষত যখন একাধিক স্বামী শাস্ত্রে নিষেধ, তখন সকাল-সকাল বিয়ে করে সময়ে পুষিয়ে নেওয়া চাই।”

পুরবালা। আঃ কী বকছ! মা শুনতে পাবেন।

জগৎ। রসিককাকা আজ পাত্র দেখাতে আসবেন, তা চল মা পুরি, তাদের

জলখাবার ঠিক করে রাখিগে।

আনন্দে উৎসাহে মার সঙ্গে পুরবালা ভাণ্ডার অভিমুখে প্রস্থান করিল।

মুখ্যোন্মশায়ের সঙ্গে শৈলের তখন গোপন কমিটি বসিল। এই শ্রালী-ভগিনীপতি ছুটি পরস্পরের পরম বন্ধু ছিল। অক্ষয়ের মত এবং রুচির দ্বারাই শৈলের স্বভাবটা গঠিত। অক্ষয় তাঁহার এই শিষ্টাটিকে যেন আপনার প্রায় সমবয়স্ক ভাইটির মতো দেখিতেন— স্নেহের সহিত সৌহার্দ মিশ্রিত। তাহাকে শ্রালীর মতো ঠাট্টা করিতেন বটে, কিন্তু তাহার প্রতি বন্ধুর মতো একটি সহজ শ্রদ্ধা ছিল।

শৈল কহিল, “আর তো দেবি করা যায় না মুখ্যোন্মশায়। এইবার তোমার সেই চিরকুমার-সভার বিপিনবাবু এবং শ্রীশবাবুকে বিশেষ একটু তাড়া না দিলে চলছে না। আহা, ছেলে ছুটি চমৎকার। আমাদের নেপ আর নীরর সঙ্গে দিব্যি মানায়। তুমি তো চৈত্রমাস যেতে-না-যেতে আপিস ঘাড়ে করে সিমলে যাবে, এবারে মাকে ঠেকিয়ে রাখা শক্ত হবে।”

অক্ষয়। কিন্তু তাই বলে সভাটিকে হঠাৎ অসময়ে তাড়া লাগালে যে চমকে যাবে। ডিমের খোলা ভেঙে ফেললেই কিছু পাখি বেরোয় না। যথোচিত তা দিতে হবে, তাতে সময় লাগে।

শৈল একটুখানি চূপ করিয়া রহিল; তার পরে হঠাৎ হাসিয়া বলিয়া উঠিল, “বেশ তো, তা দেবার ভার আমি নেব মুখ্যোন্মশায়।”

অক্ষয়। আর একটু খোলসা করে বলতে হচ্ছে।

শৈল। ওই তো দশ নম্বরে ওদের সভা? আমাদের ছাদের উপর দিয়ে দেখন-হাসির বাড়ি পেরিয়ে ওখানে ঠিক যাওয়া যাবে। আমি পুরুষবেশে ওদের সভার সভ্য হব, তার পরে সভা কতদিন টেকে আমি দেখে নেব।

অক্ষয় নয়ন বিক্ষারিত করিয়া মুহূর্তকাল স্তম্ভিত থাকিয়া উচ্ছ্বাস করিয়া উঠিল। কহিল, “আহা, কী আপসোস বে, তোমার দিদিকে বিয়ে করে সভ্য নাম একেবারে জন্মের মতো ঘুচিয়েছি, নইলে দলবলে আমি স্বদ্ধ তো তোমার জালে জড়িয়ে চক্ষু বুজে মরে পড়ে থাকতুম। এমন স্বখের ফাঁড়াও কাটে। সখী, তবে মনোযোগ দিয়ে শোনো (সিন্ধুভৈরবীতে গান)—

ওগো হৃদয়-বনের শিকারি।

মিছে তারে জালে ধরা বে তোমারি তিখারি ;

সহস্রবার পায়ের কাছে আপনি বে জন মরে আছে,

নয়নবাণের খোঁচা খেতে সে বে অনধিকারী।”

শৈল কহিল, “ছি মুখ্যোমশায়, তুমি সেকলে হয়ে যাচ্ছ। ওই সব নয়ন-বাণ-টান-গুলোর এখন কি আর চলন আছে? যুদ্ধবিজ্ঞার যে এখন অনেক বদল হয়ে গেছে।”

ইতিমধ্যে দুই বোন নৃপবালা, নীরবালা, ষোড়শী এবং চতুর্দশী, প্রবেশ করিল। নৃপ শাস্ত স্নিগ্ধ; নীর তাহার বিপরীত, কোঁতুকে এবং চাঞ্চল্যে সে সর্বদাই আন্দোলিত।

নীর আসিয়াই শৈলকে জড়াইয়া ধরিয়া জিজ্ঞাসা করিল, “মেজদিদি ভাই, আজ কারা আসবে বলো তো?”

নৃপবালা। মুখ্যোমশায়, আজ কি তোমার বন্ধুদের নিমন্ত্রণ আছে? জলখাবারের আয়োজন হচ্ছে কেন?

অক্ষয়। ওই তো! বই পড়ে পড়ে চোখ কানা করলে— পৃথিবীর আকর্ষণে উড়াপাত কী করে ঘটে সে-সমস্ত লাখ দু-লাখ ক্রোশের খবর রাখ, আর আজ ১৮ নম্বর মধুমিস্ত্রির গলিতে কার আকর্ষণে কে এসে পড়ছে সেটা অনুমান করতেও পারলে না!

নীরবালা। বুঝেছি ভাই মেজদিদি!— বলিয়া নৃপর পিঠে একটা চাপড় মারিল এবং তাহার কানের কাছে মুখ রাখিয়া অল্প একটু গলা নামাইয়া কহিল, “তোমার বর আসছে ভাই, তাই সকালবেলা আমার বাঁ চোখ নাচছিল।”

নৃপ তাহাকে ঠেলিয়া দিয়া কহিল, “তোমার বাঁ চোখ নাচলে আমার বর আসবে কেন?”

নীর কহিল, “তা ভাই, আমার বাঁ চোখটা নাহয় তোমার বরের জন্তে নেচে নিলে তাতে আমি দুঃখিত নই। কিন্তু মুখ্যোমশায়, জলখাবার তো দুটি লোকের জন্তে দেখলুম, মেজদিদি কি স্বয়ম্বর হবেন না কি?”

অক্ষয়। আমাদের ছোড়দিদিও বঞ্চিত হবেন না।

নীরবালা। আহা মুখ্যোমশায়, কী সুসংবাদ শোনালে? তোমাকে কী বকশিশ দেব। এই নাও আমার গলার হার, আমার দু-হাতে বালা।

শৈল ব্যস্ত হইয়া বলিল, “আঃ ছিঃ, হাত খালি করিসনে।”

নীরবালা। আজ আমাদের বরের অনারে পড়ার ছুটি দিতে হবে মুখ্যোমশায়।

নৃপবালা। আঃ কী বর-বর করছিস। দেখো তো ভাই মেজদিদি!

অক্ষয়। ওকে ওইজন্তেই তো বর্বরা নাম দিয়েছি। অগ্নি বর্বরে, ভগবান তোমাদের কটি সহোদরাকে এই একটি অক্ষয় বর দিয়ে রেখেছেন তবু তৃপ্তি নেই?

নীরবালা। সেই জন্তেই তো লোভ আরও বেড়ে গেছে।

নৃপ তাহার ছোটো বোনকে সংযত করা অসাধ্য দেখিয়া তাহাকে টানিয়া লইয়া চলিল। নীক চলিতে চলিতে ঘরের নিকট হইতে মুখ ফিরাইয়া কহিল, “এলে খবর দিয়ো মুখ্যোমশায়, ফাঁকি দিয়ো না। দেখছ তো সেজদিদি কী রকম চঞ্চল হয়ে উঠেছে।”

সহাস্ত সন্নেহে দুই বোনকে নিরীক্ষণ করিয়া শৈল কহিল, “মুখ্যোমশায় আমি ঠাট্টা করছি— আমি চিরকুমার সভার সভ্য হব। কিন্তু আমার সঙ্গে পরিচিত এক জন কাউকে চাই তো। তোমার বুঝি আর সভ্য হবার জো নেই?”

অক্ষয়। না, আমি পাপ করেছি। তোমার দিদি আমার তপস্বী ভঙ্গ করে আমাকে স্বর্গ হতে বঞ্চিত করেছেন।

শৈল। তা হলে রসিকদাদাকে ধরতে হচ্ছে। তিনি তো কোনো সভার সভ্য না হয়েও চিরকুমারব্রত রক্ষা করেছেন।

অক্ষয়। সভ্য হলেই এই বুড়োবয়সে ব্রতটি খোঁওয়াবেন। ইলিশ মাছ অমনি দিব্যি থাকে, ধরলেই মারা যায়— প্রতিজ্ঞাও ঠিক তাই, তাকে বাধলেই তার সর্বনাশ।

এমন সময়, সম্মুখের মাথায় টাক, পাকা গোঁফ, গৌরবর্ণ, দীর্ঘাকৃতি, রসিকদাদা আসিয়া উপস্থিত হইলেন। অক্ষয় তাঁহাকে তাড়া করিয়া গেল ; কহিল, “ওরে পাষাণ, ভণ্ড, অকালকুস্মাণ্ড!”

রসিক প্রসারিত দুই হস্তে তাহাকে সম্বরণ করিয়া কহিলেন, “কেন হে, মন্তমন্তর কুঞ্জকুঞ্জর পুঞ্জ-অঞ্জনবর্ণ!”

অক্ষয়। তুমি আমার শ্রালীপুষ্পবনে দাবানল আনতে চাও?

শৈল। রসিকদাদা, তোমারই বা তাতে কী লাভ?

রসিক। ভাই, সহিতে পারলুম না, কী করি! বছরে বছরেই তোর বোনদের বয়স বাড়ছে, বড়োমা আমারই দোষ দেন কেন? বলেন, দু-বেলা বসে বসে কেবল খাচ্ছ, মেয়েদের জন্তে দুটো বর দেখে দিতে পার না! আচ্ছা ভাই, আমি না খেতে রাজি আছি, তা হলেই বর জুটবে— না তোর বোনদের বয়স কমতে থাকবে? এ দিকে যে দুটির বর জুটছে না তাঁরা তো দিব্যি খাচ্ছেন-দাচ্ছেন। শৈল ভাই, কুমারসম্ভবে পড়েছিস, মনে আছে তো?—

স্বয়ংবিশীর্ণক্রমপর্ণবৃন্তিতা

পর্যাহি কাষ্ঠা তপসস্তয়া পুনঃ।

তদপ্যপাকীর্ণমতঃ প্রিয়ংবদাং

বদন্ত্যপর্ণেতি চ তাং পুরাবিদঃ ॥

তা ভাই, ছুর্গা নিজের বর খুঁজতে খাওয়া-দাওয়া ছেড়ে তপস্বা করেছিলেন, কিন্তু নাংনীদেবের বর জুটছে না বলে আমি বুড়োমাহুঁষ খাওয়াদাওয়া ছেড়ে দেব, বুড়োমার এ কী বিচার ! আহা শৈল, ওটা মনে আছে তো ?— তদপ্যাপাকীর্ণমতঃ প্রিয়ংবদাং—

শৈল । মনে আছে দাদা, কিন্তু কালিদাস এখন ভালো লাগছে না ।

রসিক । তা হলে তো অত্যন্ত ছুঃসময় বলতে হবে ।

শৈল । তাই তোমার সঙ্গে পরামর্শ আছে ।

রসিক । তা, রাজি আছি ভাই । যে-রকম পরামর্শ চাও, তাই দেব । যদি “হাঁ” বলাতে চাও “হাঁ” বলব, “না” বলাতে চাও “না” বলব । আমার ওই গুণটি আছে । আমি সকলের মতের সঙ্গে মত দিয়ে ঘাই বলেই সবাই আমাকে প্রায় নিজের মতোই বুদ্ধিমান ভাবে ।

অক্ষয় । তুমি অনেক কৌশলে তোমার পসার বাঁচিয়ে রেখেছ, তার মধ্যে তোমার এই টাক একটি ।

রসিক । আর একটি হচ্ছে— যাবৎ কিঞ্চিৎ ভাষতে । তা, আমি বাইরের লোকের কাছে বেশি কথা কইনে—

শৈল । সেইটে বুদ্ধি আমাদের কাছে পুষিয়ে নাও ।

রসিক । তোদের কাছে যে ধরা পড়েছি ।

শৈল । ধরা যদি পড়ে থাক তো চলো— যা বলি তাই করতে হবে ।

বলিয়া পরামর্শের জন্ত শৈল তাঁহাকে অন্ত ঘরে টানিয়া লইয়া চলিল ।

অক্ষয় বলিতে লাগিল, “অ্যা, শৈল ! এই বুদ্ধি ! আজ রসিকদা হলেন রাজমন্ত্রী । আমাকে ফাঁকি !”

শৈল ঘাইতে ঘাইতে পশ্চাৎ ফিরিয়া হাসিয়া কহিল, “তোমার সঙ্গে আমার কি পরামর্শের সম্পর্ক মুখ্যোমশায় ? পরামর্শ যে বুড়ো না হলে হয় না ।”

অক্ষয় বলিল, “তবে রাজমন্ত্রী-পদের জন্তে আমার দরবার উঠিয়ে নিলুম ।” বলিয়া শূন্য ঘরের মধ্যে দাঁড়াইয়া হঠাৎ উচ্চৈঃস্বরে ধাঘাছে গান ধরিলেন—

আমি কেবল ফুল জোগাব

তোমার ছুটি রাঙা হাতে,

বুদ্ধি আমার খেলে নাকো

পাহারা বা মন্ত্রণাতে ।

বাড়ির কর্তা যখন বাঁচিয়া ছিলেন তিনি রসিককে খুঁড়া বলিতেন । রসিক দীর্ঘ-

কাল হইতে তাঁহার আশ্রয়ে থাকিয়া বাড়ির সুখদুঃখে সম্পূর্ণ জড়িত হইয়া ছিলেন। গিন্নী অগোছালো থাকাতে কর্তার অবর্তমানে তাঁহার কিছু অল্প-অল্পবিধা হইতেছিল এবং জগত্তারিণীর অসংগত করমাশ খাটিয়া তাঁহার অবকাশের অভাব ঘটিয়াছিল। কিন্তু তাঁহার এইসমস্ত অভাব-অল্পবিধা পূরণ করিবার লোক ছিল শৈল। শৈল থাকাতেই মাঝে মাঝে ব্যামোর সময় তাঁহার পথ্য এবং সেবার ক্রটি হইতে পারে নাই; এবং তাহারই সহকারিতায় তাঁহার সংস্কৃতসাহিত্যের চর্চা পুরাদমেই চলিয়াছিল।

রসিকদা শৈলবালার অদ্ভুত প্রস্তাব শুনিয়া প্রথমটা হাঁ করিয়া রহিলেন, তাহার পর হাসিতে লাগিলেন, তাহার পর রাজি হইয়া গেলেন। কহিলেন, “ভগবান হরি নারী-ছদ্মবেশে পুরুষকে ভুলিয়েছিলেন, তুই শৈল যদি পুরুষ-ছদ্মবেশে পুরুষকে ভোলাতে পারিস তা হলে হরিভক্তি উড়িয়ে দিয়ে তোর পূজোতেই শেষ বয়সটা কাটাও। কিন্তু মা যদি টের পান?”

শৈল। তিন কণ্ঠকে কেবলমাত্র স্বরণ করেই মা মনে মনে এত অস্থির হয়ে ওঠেন যে, তিনি আমাদের আর খবর রাখতে পারেন না। তাঁর জন্তে ভেবো না।

রসিক। কিন্তু সভায় কী রকম করে সভ্যতা করতে হয়, সে আমি কিছুই জানিনে।

শৈল। আচ্ছা সে আমি চালিয়ে নেব।

দ্বিতীয় পরিচ্ছেদ

শ্রীশ ও বিপিন

শ্রীশ। তা যাই বল, অক্ষয়বাবু যখন আমাদের সভাপতি ছিলেন তখন আমাদের চিরকুমার-সভা জমেছিল ভালো। হাল সভাপতি চন্দ্রবাবু কিছু কড়া।

বিপিন। তিনি থাকতে রস কিছু বেশি জমে উঠেছিল। চিরকৌমার্যব্রতের পক্ষে রসাদিক্যটা ভালো নয় আমার তো এই মত।

শ্রীশ। আমার মত ঠিক উল্টো। আমাদের ব্রত কঠিন বলেই রসের দরকার বেশি। রুক মাটিতে ফসল ফলাতে গেলে কি জলসিঞ্চনের প্রয়োজন হয় না? চিরজীবন

বিবাহ করব না এই প্রতিজ্ঞাই যথেষ্ট, তাই বলেই কি সব দিক থেকেই শুকিয়ে মরতে হবে ?

বিপিন। যাই বল, হঠাৎ কুমারসভা ছেড়ে দিয়ে বিবাহ করে অক্ষয়বাবু আমাদের সভাটাকে যেন আলাগা করে দিয়ে গেছেন। ভিতরে ভিতরে আমাদের সকলেরই প্রতিজ্ঞার জোর কমে গেছে।

শ্রীশ। কিছুমাত্র না। আমার নিজের কথা বলতে পারি, আমার প্রতিজ্ঞার বল আরও বেড়েছে। যে ব্রত সকলে অনায়াসেই রক্ষা করতে পারে তার উপরে শ্রদ্ধা থাকে না।

বিপিন। একটা স্থবর দিই শোনো।

শ্রীশ। তোমার বিবাহের সখস্ব হয়েছিল কি ?

বিপিন। হয়েছে বই কি, তোমার দৌহিত্রীর সঙ্গে। ঠাট্টা রাখো, পূর্ণ কাল কুমার-সভার সভ্য হয়েছে।

শ্রীশ। পূর্ণ! বল কী! তা হলে তো শিলা জলে ভাসল!

বিপিন। শিলা আপনি ভাসে না হে! তাকে আর কিছুতে অকূলে ভাসিয়েছে। আমার যথাবুদ্ধি তার ইতিহাসটুকু সংকলন করেছি।

শ্রীশ। তোমার বুদ্ধির দৌড়টুকু কিরকম শুনি।

বিপিন। জানই তো, পূর্ণ সন্ধ্যাবেলায় চন্দ্রবাবুর কাছে পড়ার নোট নিতে যায়। সেদিন আমি আর পূর্ণ একসঙ্গেই একটু সকাল-সকাল চন্দ্রবাবুর বাসায় গিয়েছিলেম। তিনি একটা মিটিং থেকে সবে এসেছেন। বেহারা কেরোসিন জ্বলে দিয়ে গেছে— পূর্ণ বইয়ের পাত গুলটাচ্ছে, এমন সময়— কী আর বলব তাই, সে বন্ধিমবাবুর নভেল বিশেষ— একটা কল্যাণ পিঠে বেগী ছুলিয়ে—

শ্রীশ। বল কী হে বিপিন!

বিপিন। শোনোই না। এক হাতে খালায় করে চন্দ্রবাবুর জন্তে জলখাবার আর-এক হাতে জলের গ্লাস নিয়ে হঠাৎ ঘরের মধ্যে এসে উপস্থিত। আমাদের দেখেই তো কুণ্ঠিত, সচকিত, লজ্জায় মুখ রক্তিমবর্ণ। হাত জোড়া, মাথায় কাপড় দেবার জো নেই। তাড়াতাড়ি টেবিলের উপর খাবার রেখেই ছুট। ব্রাহ্ম বটে, কিন্তু তেত্রিশ কোটির সঙ্গে লজ্জাকে বিসর্জন দেয়নি এবং সত্য বলছি শ্রীকেও রক্ষা করেছে।

শ্রীশ। বল কী বিপিন, দেখতে ভালো বুঝি ?

বিপিন। দিবি্য দেখতে। হঠাৎ যেন বিদ্যুতের মতো এসে পড়ে পড়াশুনোয় বজ্রাঘাত করে গেল।

শ্রীশ। আহা, কই, আমি তো এক দিনও দেখিনি! মেয়েটি কে হে!

বিপিন। আমাদের সভাপতির ভাগ্নী, নাম নির্মলা।

শ্রীশ। কুমারী?

বিপিন। কুমারী বইকি। তার ঠিক পরেই পূর্ণ হঠাৎ আমাদের কুমারসভায় নাম লিখিয়েছে।

শ্রীশ। পূজারি সঙ্গে ঠাকুর চুরি করবার মংলব?

একটি প্রৌঢ় ব্যক্তির প্রবেশ

বিপিন। কী মশায়, আপনি কে?

উক্ত ব্যক্তি। আজ্ঞে, আমার নাম শ্রীবনমালী ভট্টাচার্য, ঠাকুরের নাম ৬রামকমল গায়চুধু, নিবাস—

শ্রীশ। আর অধিক আমাদের ঔৎসুক্য নেই। এখন কী কাজে এসেছেন সেইটে—

বনমালী। কাজ কিছুই নয়। আপনারা ভদ্রলোক, আপনাদের সঙ্গে আলাপ পরিচয়—

শ্রীশ। কাজ আপনার না থাকে আমাদের আছে। এখন, অন্ত কোনো ভদ্রলোকের সঙ্গে যদি আলাপ-পরিচয় করতে যান তা হলে আমাদের একটু—

বনমালী। তবে কাজের কথাটা সেরে নিই।

শ্রীশ। সেই ভালো।

বনমালী। কুমারটুলির নীলমাধব চৌধুরি মশায়ের দুটি পরমাসুন্দরী কন্যা আছে— তাঁদের বিবাহযোগ্য বয়স হয়েছে—

শ্রীশ। হয়েছে তো হয়েছে, আমাদের সঙ্গে তার সখস্বর্গী কী!

বনমালী। সখস্বর্গী তো আপনারা একটু মনোযোগ করলেই হতে পারে। সে আর শক্ত কী। আমি সমস্তই ঠিক করে দেব।

বিপিন। আপনার এত দয়া অপাত্রে অপব্যয় করছেন।

বনমালী। অপাত্রে! বিলক্ষণ! আপনাদের মতো সংপাত্র পাব কোথায়। আপনাদের বিনয়গুণে আরও মুগ্ধ হলেম।

শ্রীশ। এই মুগ্ধতাব যদি রাখতে চান তা হলে এই বেলা সরে পড়ুন। বিনয়গুণে অধিক টান নয় না।

বনমালী। কন্যার বাপ বখেট টাকা দিতে রাজি আছেন।

শ্রীশ। শহরে ভিক্ষকের তো অভাব নেই। ওহে বিপিন, একটু পা চালিয়ে এগোও— কাঁহাতক রাস্তায় দাঁড়িয়ে বকাবকি করি? তোমার আমোদ বোধ হচ্ছে, কিন্তু এরকম সদালাপ আমার ভালো লাগে না।

বিপিন। পা চালিয়ে পালাই কোথায়? ভগবান এঁকেও যে লম্বা এক জোড়া পা দিয়েছেন।

শ্রীশ। যদি পিছু ধরেন তা হলে ভগবানের সেই দান মানুষের হাতে পড়ে খোওয়াতে হবে।

তৃতীয় পরিচ্ছেদ

“মুখ্যে মশায়।”

অক্ষয় বলিলেন, “আজ্ঞে করো।”

শৈল কহিল, “কুলীনের ছেলে দুটোকে কোনো কিকিরে তাড়াতে হবে।”

অক্ষয় উৎসাহপূর্বক কহিলেন, “তা তো হবেই।” বলিয়া রামপ্রসাদী স্বরে গান জুড়িয়া দিলেন—

দেখব কে তোর কাছে আসে!

তুই রবি একেশ্বরী, একলা আমি রইব পাশে।

শৈল হাসিয়া জিজ্ঞাসা করিল, “একেশ্বরী?”

অক্ষয় বলিলেন, “নাহয় তোমরা চার ঈশ্বরীই হলে, শাস্ত্রে আছে অধিকন্তু ন দোষায়।”

শৈল কহিল, “আর, তুমিই একলা থাকবে? ওখানে বুঝি অধিকন্তু খাটে না?”

অক্ষয় কহিলেন, “ওখানে শাস্ত্রের আর একটা পবিত্র বচন আছে— সর্বমত্যস্ত-গর্হিতং।”

শৈল। কিন্তু মুখ্যমশায়, ও পবিত্র বচনটা তো বরাবর খাটবে না। আরও সঙ্গী জুটবে।

অক্ষয় বলিলেন, “তোমাদের এই একটি শালার জায়গায় দশশালা বন্দোবস্ত হবে? তখন আবার নূতন কার্যবিধি দেখা যাবে। ততদিন কুলীনের ছেলেটেলেলোকো খেঁষতে দিচ্ছিনে।”

এমন সময় চাকর আসিয়া খবর দিল, ছুটি বাবু আসিয়াছে। শৈল কহিল, “ওই বুঝি তারা এল। দিদি আর মা ভাঁড়ারে ব্যস্ত আছেন, তাঁদের অবকাশ হবার পূর্বেই ওদের কোনো মতে বিদায় করে দিয়ে।”

অক্ষয় জিজ্ঞাসা করিলেন, “কী বকশিশ মিলবে?”

শৈল কহিল, “আমরা তোমার সব শালীরা মিলে তোমাকে শালীবাহন রাজা খেতাব দেব।”

অক্ষয়। শালীবাহন দি সেকেণ্ড?

শৈল। সেকেণ্ড হতে যাবে কেন? সে শালীবাহনের নাম ইতিহাস থেকে একেবারে বিলুপ্ত হয়ে যাবে। তুমি হবে শালীবাহন দি গ্রেট।

অক্ষয়। বল কী? আমার রাজ্যকাল থেকে জগতে নূতন সাল প্রচলিত হবে? এই বলিয়া অত্যন্ত সাড়ম্বর তান-সহকারে ভৈরবীতে গান ধরিলেন—

তুমি আমায় করবে মস্ত লোক!

দেবে লিখে রাজার টিকে প্রসন্ন ঐ চোখ!

শৈলবালার প্রস্থান। ভৃত্য আদিষ্ট হইয়া ছুটি ভদ্রলোককে উপস্থিত করিল। একটি বিসনূশ লম্বা, রোগা, বুট-জুতা পরা, ধুতি প্রায় হাঁটুর কাছে উঠিয়াছে, চোখের নীচে কালী-পড়া, ম্যালেরিয়া রোগীর চেহারা— বয়স বাইশ হইতে বত্রিশ পর্যন্ত যেটা খুশি হইতে পারে। আর একটি বেঁটেখাটো, অত্যন্ত দাড়ি-গোফ-সংকুল, নাকটি বটিকা-কার, কপালটি টিবি, কালোকোলো, গোলগাল।

অক্ষয় অত্যন্ত সৌহার্দসহকারে উঠিয়া অগ্রসর হইয়া প্রবল বেগে শেকহ্যাণ্ড করিয়া ছুটি ভদ্রলোকের হাত প্রায় ছিঁড়িয়া ফেলিলেন। বলিলেন, “আহ্ন মিস্টার জাথানিয়াল, আহ্ন মিস্টার জেরেমায়া, বহ্ন বহ্ন! ওরে বরফ-জল নিয়ে আয় রে, তামাক দে!”

রোগা লোকটি সহসা বিজাতীয় সম্ভাষণে সংকুচিত হইয়া যত্নসহকারে বলিল, “আজ্ঞে, আমার নাম যত্নসহকারে গান্ধী।”

বেঁটে লোকটি বলিল, “আমার নাম শ্রীদাক্ষকেশ্বর মুখোপাধ্যায়।”

অক্ষয়। ছি মশায়! ও নামগুলো এখনও ব্যবহার করেন বুঝি? আপনাদের ক্রিস্টান নাম?

আগন্তুকদিগকে হতবুদ্ধি নিরুত্তর দেখিয়া কহিলেন, “এখনও বুঝি নামকরণ হয় নি? তা, তাতে বিশেষ কিছু আসে যায় না, ঢের সময় আছে।”

বলিয়া নিজের গুড়গুড়ির বল যত্নসহকারে হাতে অগ্রসর করিয়া দিলেন। সে লোকটা

ইতস্তত করিতেছে দেখিয়া বলিলেন, “বিলক্ষণ! আমার সামনে আবার লজ্জা! সাত বছর বয়স থেকে লুকিয়ে তামাক খেয়ে পেকে উঠেছি। ধোঁওয়া লেগে লেগে বুদ্ধিতে খুল পড়ে গেল! লজ্জা যদি করতে হয় তা হলে আমার তো আর ভদ্রসমাজে মুখ দেখাবার জো থাকে না।”

তখন সাহস পাইয়া দারুকেশ্বর মৃত্যুঞ্জয়ের হাত হইতে ফস করিয়া নল কাড়িয়া লইয়া ফড় ফড় শব্দে টানিতে আরম্ভ করিল। অক্ষয় পকেট হইতে কড়া বর্মা চুরোট বাহির করিয়া মৃত্যুঞ্জয়ের হাতে দিলেন। যদিচ তাহার চুরোট অভ্যাস ছিল না, তবু সে সন্তোষান্বিত ইয়ার্কির খাতিরে প্রাণের মায়ী পরিত্যাগ করিয়া মৃদুমন্দ টান দিতে লাগিল এবং কোনো গতিকে কাসি চাপিয়া রাখিল।

অক্ষয় কহিলেন, “এখন কাজের কথাটা শুরু করা যাক। কী বলেন?”

মৃত্যুঞ্জয় চূপ করিয়া রহিল, দারুকেশ্বর বলিল, “তা নয় তো কী? শুভস্র শীঘ্র!” বলিয়া হাসিতে লাগিল, ভাবিল, ইয়ার্কি জমিতেছে।

তখন অক্ষয় গম্ভীর হইয়া জিজ্ঞাসা করিলেন, “মুর্গি না মটন!”

মৃত্যুঞ্জয় অবাক হইয়া মাথা চুলকাইতে লাগিল। দারুকেশ্বর কিছু না বুঝিয়া, অপরিমিত হাসিতে আরম্ভ করিল। মৃত্যুঞ্জয় ক্ষুব্ধ লঙ্কিত হইয়া ভাবিতে লাগিল, এরা দুজন তো বেশ জমাইয়াছে, আমিই নিরেট বোকা!

অক্ষয় কহিলেন, “আরে মশায়, নাম শুনেই হাসি! তা হলে তো গন্ধে অজ্ঞান এবং পাতে পড়লে মারাই যাবেন! তা, যেটা হয় মন স্থির করে বলুন— মুর্গি হবে না মটন হবে?”

তখন দুজনে বুঝিল, আহারের কথা হইতেছে। ভীক মৃত্যুঞ্জয় নিরন্তর হইয়া ভাবিতে লাগিল। দারুকেশ্বর লালায়িত রসনায় এক বার চারি দিকে চাহিয়া দেখিল।

অক্ষয় কহিলেন, “ভয় কিসের মশায়? নাচতে বসে ঘোমটা?”

শুনিয়া দারুকেশ্বর ছুই হাতে ছুই পা চাপড়াইয়া হাসিতে লাগিল। কহিল, “তা, মুর্গিই ভালো, কটলেট! কী বলেন?”

লুক মৃত্যুঞ্জয় সাহস পাইয়া বলিল, “মটনটাই বা মন্দ কী ভাই! চপ—”

বলিয়া আর কথাটা শেষ করিতে পারিল না।

অক্ষয়। ভয় কী দাদা, ছুই হবে! দোমনা করে খেয়ে সুখ হয় না।

চাকরকে ডাকিয়া বলিলেন, “ওরে, মোড়ের মাথায় যে হোটেল আছে সেখান থেকে কলিমদি খানসামাকে ডেকে আন দেখি!”

তাহার পর অক্ষয় বুড়ো আঙুল দিয়া মৃত্যুঞ্জয়ের গা টিপিয়া মৃদুস্বরে কহিলেন, “বিয়ার না শেরি ?”

মৃত্যুঞ্জয় লঙ্কিত হইয়া মুখ বাঁকাইল। দারুকেশ্বর সঙ্গীটিকে বদরসিক বলিয়া মনে মনে গালি দিয়া কহিল, “ছইন্দির বন্দোবস্ত নেই বুঝি ?”

অক্ষয় তাহার পিঠ চাপড়াইয়া কহিলেন, “নেই তো কী ? বেঁচে আছি কী করে ?” বলিয়া বাত্রার সুরে গাহিয়া উঠিলেন—

“অভয় দাও তো বলি আমার wish কী,
একটি ছটাক সোডার জলে পাকি তিন পোয়া ছইন্দি !”

কীর্ণপ্রকৃতি মৃত্যুঞ্জয়ও প্রাণপণে হাস্য করা কর্তব্য বোধ করিল এবং দারুকেশ্বর ফস করিয়া একটা বই টানিয়া লইয়া টপাটপ বাজাইতে আরম্ভ করিল।

অক্ষয় ছ-লাইন গাহিয়া থামিলামাত্র দারুকেশ্বর বলিল, “দাদা, ওটা শেষ করে ফেলো !” বলিয়া নিজেই ধরিল, “অভয় দাও তো বলি আমার wish কী।” মৃত্যুঞ্জয় মনে মনে তাহাকে বাহাদুরি দিতে লাগিল।

অক্ষয় মৃত্যুঞ্জয়কে ঠেলা দিয়া কহিলেন, “ধরো না হে, তুমিও ধরো !”

সলজ্জ মৃত্যুঞ্জয় নিজের প্রতিপত্তি রক্ষার জন্য মৃদুস্বরে যোগ দিল — অক্ষয় ডেস্ক চাপড়াইয়া বাজাইতে লাগিলেন। এক জায়গায় হঠাৎ থামিয়া গম্ভীর হইয়া কহিলেন, “হাঁ, হাঁ, আসল কথাটা জিজ্ঞাসা করা হয়নি। এ দিকে তো সব ঠিক— এখন আপনারা কী হলে রাজি হন ?”

দারুকেশ্বর কহিল, “আমাদের বিলেতে পাঠাতে হবে।”

অক্ষয় কহিলেন, “সে তো হবেই। তার না কার্টলে কি শ্চাম্পেনের ছিপি খোলে ? দেশে আপনাদের মতো লোকের বিদ্রোহ চাপা থাকে, বাধন কার্টলেই একেবারে নাকে মুখে চোখে উছলে উঠবে।”

দারুকেশ্বর অত্যন্ত খুশি হইয়া অক্ষয়ের হাত চাপিয়া ধরিল ; কহিল, “দাদা, এইটে তোমাকে করে দিতেই হচ্ছে। বুঝলে ?”

অক্ষয় কহিলেন, “সে কিছুই শক্ত নয়। কিন্তু ব্যাপ্‌টাইজ আজই তো হবেন ?”

দারুকেশ্বর ভাবিল, ঠাট্টাটা বোঝা বাইতেছে না। হাসিতে হাসিতে জিজ্ঞাসা করিল, “সেটা কিরকম ?”

অক্ষয় কিঞ্চিৎ বিশ্বয়ের ভাবে কহিলেন, “কেন, কথাই তো আছে, রেভারেন্ড, বিশ্বাস আজ রাত্রেই আসছেন। ব্যাপ্‌টিজ্‌ম না হলে তো ক্রিস্চান মতে বিবাহ হতে পারে না !”

মৃত্যুঞ্জয় অত্যন্ত ভীত হইয়া কহিল, “ক্রিষ্টান মতো কী মশায় ?”

অক্ষয় কহিলেন, “আপনি যে আকাশ থেকে পড়লেন ! সে হচ্ছে না— ব্যাপ্টাইজ যেমন করে হোক, আজ রাতেই সারতে হচ্ছে । কিছুতেই ছাড়ব না ।”

মৃত্যুঞ্জয় জিজ্ঞাসা করিল, “আপনারা ক্রিষ্টান না কি ?”

অক্ষয় । মশায়, স্ত্রীকামি রাখুন । যেন কিছুই জানেন না ।

মৃত্যুঞ্জয় অত্যন্ত ভীতভাবে কহিল, “মশায়, আমরা হিংস্র, ব্রাহ্মণের ছেলে, জাত খোওয়াতে পারব না ।”

অক্ষয় হঠাৎ অত্যন্ত উদ্ধতস্বরে কহিলেন, “জাত কিসের মশায় ! এ দিকে কলিমন্দির হাতে মুর্গি খাবেন, বিলেত যাবেন, আবার জাত !”

মৃত্যুঞ্জয় ব্যস্তসমস্ত হইয়া কহিল, “চুপ, চুপ, চুপ করুন ! কে কোথা থেকে গুনতে পাবে ।”

তখন দারুকের কহিল, “ব্যস্ত হবেন না মশায়, একটু পরামর্শ করে দেখি !”

বলিয়া মৃত্যুঞ্জয়কে একটু অন্তরালে ডাকিয়া লইয়া বলিল, “বিলেত থেকে ফিরে সেই তো এক বার প্রায়শ্চিত্ত করতেই হবে— তখন ডবল প্রায়শ্চিত্ত করে একেবারে ধর্মে গুঠা যাবে । এ স্বযোগটা ছাড়লে আর বিলেত যাওয়াটা ঘটে উঠবে না । দেখলি তো কোনো শত্রুই রাজি হল না । আর ভাই, ক্রিষ্টানের হুকোয় তামাকই যখন খেলুম তখন ক্রিষ্টান হতে আর বাকি কী রইল ?” এই বলিয়া অক্ষয়ের কাছে আসিয়া কহিল, “বিলেত যাওয়াটা তো নিশ্চয় পাকা ? তা হলে ক্রিষ্টান হতে রাজি আছি ।”

মৃত্যুঞ্জয় কহিল, “কিন্তু আজ রাতটা থাক ।”

দারুকের কহিল, “হতে হয় তো চটপট সেরে ফেলে পাড়ি দেওয়াই ভালো— গোড়াতেই বলেছি, শুভস্র শীঘ্রঃ ।”

ইতিমধ্যে অন্তরালে রমণীগণের সমাগম । দুই খালা কল মিষ্টায় লুচি ও বরফ-জল লইয়া ভৃত্যের প্রবেশ । ক্ষুধা দারুকের কহিল, “কই মশায়, অভাগার অদৃষ্টে মুর্গি বেটা উড়েই গেল নাকি ? কটলেট কোথায় ?”

অক্ষয় মুহূর্ত্তে বলিলেন, “আজকের মতো এইটেই চলুক ।”

দারুকের কহিল, “সে কি হয় মশায় ! আশা দিয়ে নৈরাশ ! শত্রুবাড়ি এসে মটন চপ খেতে পার না ? আর এ যে বরফ-জল মশায়, আমার আবার সর্দির ধাত, সাদা জল সহ হয় না ।” বলিয়া গান জুড়িয়া দিল, “অতঃ দাও তো বলি আমার wish কী” ইত্যাদি । অক্ষয় মৃত্যুঞ্জয়কে কেবলই টিপিতে লাগিলেন এবং অস্পষ্ট স্বরে

কহিতে লাগিলেন, “ধরো না হে, তুমিও ধরো না— চূপচাপ কেন।” সে ব্যক্তি কতক ভয়ে কতক লজ্জায় যুহু যুহু যোগ দিতে লাগিল। গানের উচ্ছ্বাস খামিলে অক্ষয় আহারপাত্র দেখাইয়া জিজ্ঞাসা করিলেন, “নিতান্তই কি এটা চলবে না?”

দারুকেশ্বর ব্যস্ত হইয়া কহিল, “না মশায়, ও-সব রুগীর পথ্য চলবে না! মুর্গি না খেয়েই তো ভারতবর্ষ গেল!” বলিয়া ফড়ফড় করিয়া শুড়শুড়ি টানিতে লাগিল।

অক্ষয় কানের কাছে আসিয়া লক্ষ্মী ঠুংরিতে ধরাইয়া দিলেন—

“কত কাল হবে বলা ভারত রে
শুধু ডাল ভাত জল পথ্য করে।”

শুনিয়া দারুকেশ্বর উৎসাহসহকারে গানটা ধরিল এবং মৃত্যুঞ্জয়ও অক্ষয়ের গোপন ঠেলা খাইয়া সলজ্জভাবে যুহু যুহু যোগ দিতে লাগিল।

অক্ষয় আবার কানে কানে ধরাইয়া দিলেন—

“দেশে অন্নজলের হল ঘোর অনটন,
ধর ছইস্বি সোডা আর মুর্গিমটন।”

অমনি দারুকেশ্বর মাতিয়া উঠিয়া উর্ধ্বস্বরে ওই পদটা ধরিল এবং অক্ষয়ের বৃদ্ধাঙ্গুষ্ঠের প্রবল উৎসাহে মৃত্যুঞ্জয়ও কোনো মতে সঙ্গে সঙ্গে যোগ দিয়া গেল।

অক্ষয় পুনশ্চ ধরাইয়া দিলেন—

“ধাও ঠাকুর চৈতন চুটকি নিয়া,
এস দাড়ি নাড়ি কলিমদি মিঞা!”

যতই উৎসাহসহকারে গান চলিল, ঘরের পার্শ্ব হইতে উসখুস শব্দ শুনা বাইতে লাগিল এবং অক্ষয় নিরীহ ভালোমানুষটির মতো মাঝে মাঝে সেই দিকে কটাক্ষপাত করিতে লাগিলেন।

এমন সময় ময়লা ঝাড়ন হাতে কলিমদি আসিয়া সেলাম করিয়া দাঁড়াইল। দারুকেশ্বর উৎসাহিত হইয়া কহিল, “এই-ষে চাচা! আজ রান্নাটা কী হয়েছে বলা দেখি।”

সে অনেকগুলো ফর্দ দিয়া গেল। দারুকেশ্বর কহিল, “কোনোটাই তো মন্দ শোনাচ্ছে না হে। (অক্ষয়ের প্রতি) মশায়, কী বিবেচনা করেন? ওর মধ্যে বাদ দেবার কি কিছু আছে?”

অক্ষয় অন্তরালের দিকে কটাক্ষ করিয়া কহিলেন, “সে আপনারা যা ভালো বোঝেন!”

দারুকেশ্বর কহিল, “আমার তো মত, ব্রাহ্মণেভ্যো নমঃ বলে সব-কটাকেই আদর করে নিই।”

অক্ষয়। তা তো বটেই, ওরা সকলেই পূজ্য।

কলিমদ্দি সেলাম করিয়া চলিয়া গেল। অক্ষয় কিঞ্চিৎ গলা চড়াইয়া জিজ্ঞাসা করিলেন, “মশায়রা কি তা হলে আজ রাতেই ক্রিস্চান হতে চান?”

খানার আশ্বাসে প্রকল্পচিত্ত দারুকের কহিল, “আমার তো কথাই আছে, শুভস্র নীঘ্রং। আজই ক্রিস্চান হব, এখনই ক্রিস্চান হব, ক্রিস্চান হয়ে তবে অন্য কথা। মশায়, আর ওই পুঁই শাক কলাইয়ের ডাল খেয়ে প্রাণ বাঁচে না। আহুন আপনার পাত্রি ডেকে।” বলিয়া পুনশ্চ উচ্চস্বরে গান ধরিল—

“যাও ঠাকুর চৈতন চুটকি নিয়া,
এস নাড়ি নাড়ি কলিমদ্দি মিক্রা!”

চাকর আসিয়া অক্ষয়ের কানে কানে কহিল, “মাঠাকরুন এক বার ডাকছেন।”

অক্ষয় উঠিয়া ঘরের অন্তরালে গেলে জগন্তারিণী কহিলেন, “এ কী! কাণ্ডটা কী?”

অক্ষয় গম্ভীরমুখে কহিলেন, “মা, সে-সব পরে হবে, এখন ওরা হইন্নি চাচ্ছে, কী করি? তোমার পায়ে মালিশ করবার জন্তে সেই-যে ত্রাণ্ডি এসেছিল, তার কি কিছু বাকি আছে?”

জগন্তারিণী হতবুদ্ধি হইয়া কহিলেন, “বল কী বাছা? ত্রাণ্ডি খেতে দেবে?”

অক্ষয় কহিলেন, “কী করব মা, শুনেইছ তো, ওর মধ্যে একটি ছেলে আছে যার জল খেলেই সর্দি হয়, মদ না খেলে আর একটির মুখে কথাই বের হয় না।”

জগন্তারিণী কহিলেন, “ক্রিস্চান হবার কথা কী বলছে ওরা?”

অক্ষয় কহিলেন, “ওরা বলছে হিঁছু হয়ে খাওয়ারাওয়ার বড়ো অসুবিধে, পুঁইশাক কলাইয়ের ডাল খেয়ে ওদের অসুখ করে।”

জগন্তারিণী অবাক হইয়া কহিলেন, “তাই বলে কি ওদের আজ রাতেই মুর্গি খাইয়ে ক্রিস্চান করবে নাকি?”

অক্ষয় কহিলেন, “তা, মা, ওরা যদি রাগ করে চলে যায় তা হলে দুটি পাত্র এখনই হাতছাড়া হবে। তাই ওরা যা বলছে তাই শুনতে হচ্ছে, আমাকে সূক্ষ্ম মদ ধরাবে দেখছি।”

পুরবাল। কহিলেন, “বিদায় করো, বিদায় করো, এখনই বিদায় করো।”

জগন্তারিণী ব্যস্ত হইয়া কহিলেন, “বাবা, এখানে মুর্গি খাওয়া-টাওয়া হবে না, তুমি ওদের বিদায় করে দাও। আমার ঘাট হয়েছিল আমি রসিককাকাকে পাত্র সন্ধান করতে দিয়েছিলুম। তাঁর দ্বারা যদি কোনো কাজ পাওয়া যায়।”

রমণীগণের প্রস্থান। অক্ষয় ঘরে আসিয়া দেখেন, বৃত্ত্যুজর পলায়নের উপক্রম

করিতেছে এবং দারুকেশ্বর হাত ধরিয়া তাহাকে টানাটানি করিয়া রাখিবার চেষ্টা করিতেছে। অক্ষয়ের অবর্তমানে মৃত্যুঞ্জয় অগ্রপশ্চাৎ বিবেচনা করিয়া সঙ্গত হইয়া উঠিয়াছে। অক্ষয় ঘরে প্রবেশ করিবামাত্র মৃত্যুঞ্জয় রাগের স্বরে বলিয়া উঠিল, “না মশায়, আমি ক্রিষ্টান হতে পারব না, আমার বিয়ে করে কাজ নেই।”

অক্ষয় কহিলেন, “তা, মশায়, আপনাকে কে পায়ে ধরাধরি করছে।”

দারুকেশ্বর কহিল, “আমি রাজি আছি মশায়।”

অক্ষয় কহিলেন, “রাজি থাকেন তো গির্জায় যান না মশায়। আমার সাত পুরুষে ক্রিষ্টান করা ব্যাবসা নয়!”

দারুকেশ্বর কহিল, “ওই যে কোন্ বিশ্বাসের কথা বললেন—”

অক্ষয়। তিনি টেরিটির বাজারে থাকেন, তাঁর ঠিকানা লিখে দিচ্ছি।

দারুকেশ্বর। আর বিবাহটা?

অক্ষয়। সেটা এ বংশে নয়।

দারুকেশ্বর। তা হলে এতক্ষণ পরিহাস করছিলেন মশায়? খাওয়াটাও কি—

অক্ষয়। সেটাও এ ঘরে নয়।

দারুকেশ্বর। অন্তত হোটেল—

অক্ষয়। সে কথা ভালো।— বলিয়া টাকার ব্যাগ হইতে গুটিকয়েক টাকা বাহির করিয়া দুটিকে বিদায় করিয়া দিলেন।

তখন নৃপ হাত ধরিয়া টানিয়া নীরবালা বসন্তকালের দমকা হাওয়ার মতো ঘরের মধ্যে আসিয়া প্রবেশ করিল। কহিল, “মুখুজ্যোমশায়, দিদি তো দুটির কোনোটিকেই বাদ দিতে চান না!”

নৃপ তাহার কপোলে গুটি দুই-তিন অঙ্গুলির আঘাত করিয়া কহিল, “কের মিথ্যে কথা বলছিস?”

অক্ষয়। ব্যস্ত হ’সনে ভাই, সত্যমিথ্যের প্রভেদ আমি একটু একটু বুঝতে পারি।

নীরবালা। আচ্ছা মুখুজ্যোমশায়, এ দুটি কি রসিকদাদার রসিকতা, না আমাদের সেজদিদিরই ফাঁড়া?

অক্ষয়। বন্ধুকের সকল গুলিই কি লক্ষ্যে গিয়ে লাগে? প্রজাপতি টার্গেট প্র্যাক্টিস করছিলেন, এ দুটো কসকে গেল। প্রথম প্রথম এমন গোটাকতক হয়েই থাকে। এই হতভাগ্য ধরা পড়বার পূর্বে তোমার দিদির ছিঁপে অনেক জলচর ঠোকর দিয়ে গিয়েছিল, বঁড়শি বিঁধল কেবল আমারই কপালে।

বলিয়া কপালে চপেটাঘাত করিলেন।

নূপবালা। এখন থেকে রোজই প্রজাপতির প্র্যাক্টিস চলবে না কি মুখ্যোমশায় ?
তা হলে তো আর বাঁচা যায় না !

নীরবালা। কেন ভাই, দুঃখ করিস ? রোজই কি ফসকাবে ? একটা না একটা
এসে ঠিকমতন পৌঁছবে ।

রসিকের প্রবেশ

নীরবালা। রসিকদাদা, এবার থেকে আমরাও তোমার জন্তে পাকী জোটাচ্ছি ।

রসিক। সে তো সুখের বিষয় ।

নীরবালা। হাঁ! সুখ দেখিয়ে দেব! তুমি থাক হোগলার ঘরে, আর পয়ের দালানে
আগুন লাগাতে চাও। আমাদের হাতে টিকে নেই? আমাদের সঙ্গে যদি লাগ তা হলে
তোমার দু-দুটো বিয়ে দিয়ে দেব— মাথায় বে-কটি চুল আছে সামলাতে পারবে না !

রসিক। দেখ্ দিদি, দুটো আস্ত জন্ত এনেছিলুম বলেই তো রন্ধে পেলি, যদি
মধ্যম রকমের হত তা হলেই তো বিপদ ঘটত। যাকে জন্ত বলে চেনা যায় না
সেই জন্তই ভয়ানক ।

অক্ষয়। সে কথা ঠিক। মনে মনে আমার ভয় ছিল, কিন্তু একটু পিঠে হাত
বুলোবামাত্রই চটপট শব্দে লেজ নড়ে উঠল। কিন্তু মা বলছেন কী ?

রসিক। সে যা বলেছেন সে আর পাঁচ জনকে ডেকে ডেকে শোনার মতো
নয়। সে আমি অস্তরের মধ্যেই রেখে দিলুম। যা হোক, শেষে এই স্থির হয়েছে,
তিনি কানীতে তাঁর বোনপোর কাছে যাবেন, সেখানে পাত্রেয়ও সন্ধান পেয়েছেন, তীর্থ-
দর্শনও হবে ।

নীরবালা। বল কী রসিকদাদা! তা হলে এখানে আমাদের রোজ রোজ নতুন
নতুন নমুনো দেখা বন্ধ ?

নূপবালা। তোর এখনো শখ আছে নাকি ?

নীরবালা। এ কি শখের কথা হচ্ছে ? এ হচ্ছে শিক্ষা। রোজ রোজ অনেকগুলি
দৃষ্টান্ত দেখতে দেখতে জিনিসটা সহজ হয়ে আসবে, যেটিকে বিয়ে করবি সেই
প্রাণীটিকে বুঝতে কষ্ট হবে না ।

নূপবালা। তোমার প্রাণীকে তুমি বুঝে নিয়ো, আমার জন্তে তোমার ভাবতে
হবে না ।

নীরবালা। সেই কথাই ভালো— তুইও নিজের জন্তে ভাবিস, আমিও নিজের জন্তে
ভাবব, কিন্তু রসিকদাদাকে আমাদের জন্তে ভাবতে দেওয়া হবে না ।

নূপ নীরকে বলপূর্বক টানিয়া লইয়া গেল। শৈলবালা ঘরে প্রবেশ করিয়াই

বলিল, “রসিকদা, তোমার তো মার সঙ্গে কাশী গেলে চলবে না। আমরা যে চিরকুমার-সভার সভ্য হব— আবেদনপত্রের সঙ্গে প্রবেশিকার দশটা টাকা পাঠিয়ে দিয়ে বসে আছি।”

অক্ষয় কহিলেন, “মার সঙ্গে কাশী যাবার জন্তে আমি লোক ঠিক করে দেব এখন, সে-জন্তে ভাবনা নেই।”

শৈল। এই-বে মুখ্যোমশায়। তুমি তাদের কি বানর বানিয়েই ছেড়ে দিলে! শেষকালে বেচারাদের জন্তে আমার মায়া করছিল।

অক্ষয়। বানর কেউ বানাতে পারে না শৈল, ওটা পরমা প্রকৃতি নিজেই বানিয়ে রাখেন। ভগবানের বিশেষ অঙ্গুগ্রহ থাকা চাই। যেমন কবি হওয়া আর-কি। লেজই বল কবিত্বই বল ভিতরে না থাকলে জোর করে টেনে বের করবার জো নেই!

পুরবালা প্রবেশ করিয়া কেরোসিন ল্যাম্পটা লইয়া নাড়িয়া চাড়িয়া কহিল, “বেহারা কী রকম আলো দিয়ে গেছে, মিটমিট করছে। ওকে ব'লে ব'লে পারা গেল না।”

অক্ষয়। সে বেটা জানে কিনা অঙ্ককারেই আমাকে বেশি মানায়।

পুরবালা। আলোতে মানায় না? বিনয় হচ্ছে না কি? এটা তো নতুন দেখছি।

অক্ষয়। আমি বলছিলুম, বেহারা বেটা চাঁদ বলে আমাকে সন্দেহ করেছে।

পুরবালা। ওঃ, তাই ভালো। তা, ওর মাইনে বাড়িয়ে দাও!— কিন্তু রসিকদাদা, আজ কী কাণ্ডটাই করলে।

রসিক। ভাই, বর ঢের পাওয়া যায়, কিন্তু সবাই বিবাহযোগ্য হয় না— সেইটের একটা সামান্য উদাহরণ দিয়ে গেলুম।

পুরবালা। সে উদাহরণ না দেখিয়ে দুটো-একটা বিবাহযোগ্য বরের উদাহরণ দেখালেই তো ভালো হত।

শৈল। সে ভার আমি নিয়েছি দিদি।

পুরবালা। তা আমি বুঝেছি। তুমি আর তোমার মুখ্যোমশায় মিলে ক-দিন ধরে যে-রকম পরামর্শ চলছে, একটা কী কাণ্ড হবেই।

অক্ষয়। কিঙ্কিঙ্কাকাণ্ড তো আজ হয়ে গেল।

রসিক। লঙ্কাকাণ্ডের আয়োজনও হচ্ছে, চিরকুমার-সভার স্বর্ণলঙ্কায় আগুন লাগাতে চলেছি।

পুরবালা। শৈল তার মধ্যে কে?

রসিক। হুম্মান তো নয়ই।

অক্ষয় । উনিই হচ্ছেন বয়ঃ আশুন ।

রসিক । এক ব্যক্তি ঠকে লেজে করে নিয়ে যাবেন ।

পুরবাল। । আমি কিছু বুঝতে পারছি নে । শৈল, তুই চিরকুমার-সভায় যাবি না কি ।

শৈল । আমি যে সভ্য হব ।

পুরবাল। । কী বলিস তার ঠিক নেই ! মেয়েমানুষ আবার সভ্য হবে কী !

শৈল । আজকাল মেয়েরাও যে সভ্য হয়ে উঠেছে । তাই আমি শাড়ি ছেড়ে চাপ-কান ধরব ঠিক করেছি ।

পুরবাল। । বুঝেছি, ছদ্মবেশে সভ্য হতে যাচ্ছিস বুঝি । চুলটা তো কেটেইছিস, ওইটেই বাকি ছিল । তোমাদের যা খুশি করো, আমি এর মধ্যে নেই ।

অক্ষয় । না না, তুমি এ দলে ভিড়ে না ! আর বার খুশি পুরুষ হোক, আমার অদৃষ্টে তুমি চিরদিন মেয়েই থেকে— নইলে ব্রীচ অফ কন্ট্রাক্ট— সে বড়ো ভয়ানক মকদ্দমা ! —বলিয়া সিঁকুতে গান ধরিলেন—

চির-পুরানো চাঁদ !

চিরদিবস এমনি থেকে আমার এই সাধ ।

পুরানো হাসি পুরানো স্মৃতি, যিটায় মম পুরানো ক্লুধা—

নূতন কোনো চকোর ঘেন পায় না পরসাদ !

পুরবাল। রাগ করিয়া চলিয়া গেল । অক্ষয় শৈলবালাকে আশ্বাস দিয়া কহিলেন, “ভয় নেই । রাগটা হয়ে গেলেই মনটা পরিষ্কার হবে— একটু অহুতাপও হবে— সেইটেই স্বযোগের সময় ।”

রসিক । “কোপো যত্র ভ্রুকুটিরচনা নিগ্রহ যত্র মোনঃ ।

যত্রাগ্নোত্তমিতমহুনয়ঃ যত্র দৃষ্টিঃ প্রসাদঃ ।

শৈল । রসিকদাদা, তুমি তো দিব্যি শ্লোক আউড়ে চলেছ— কোপ জিনিসটা কী, তা মুখ্জ্যেমশায় টের পাবেন ।

রসিক । আরে ভাই, বদল করতে রাজি আছি । মুখ্জ্যেমশায় যদি শ্লোক আওড়াতে আর আমার উপরেই যদি কোপ পড়ত তা হলে এই পোড়া কপালকে সোনা দিয়ে বাঁধিয়ে রাখতুম । কিন্তু দিদি, ওই জলখাবারের খালা দুটি তো মান করেনি, ব'সে গেলে বোধ হয় আপত্তি নেই ?

অক্ষয় । ঠিক ওই কথাটাই ভাবছিলুম ।

উভয়ে আহারে উপবেশন করিলেন, শৈলবাল। পাখা লইয়া বাতাস করিতে লাগিলেন ।

চতুর্থ পরিচ্ছেদ

আহারের পর শৈলবালা ডাকিল, “মুখ্যোমশায় ।”

অক্ষয় অত্যন্ত ত্রস্তভাব দেখাইয়া কহিলেন, “আবার মুখ্যোমশায় ! এই বালখিলা মুনিদের ধ্যানভঙ্গ-ব্যাপারের মধ্যে আমি নেই ।”

শৈলবালা । ধ্যানভঙ্গ আমরা করব । কেবল মুনিকুমারগুলিকে এই বাড়িতে আনা চাই ।

অক্ষয় চক্ষু বিস্ফারিত করিয়া কহিলেন, “সভাস্থল এইখানে উৎপাটিত করে আনতে হবে । যত দুঃসাধ্য কাজ সবই এই একটিমাত্র মুখ্যোমশায়কে দিয়ে ?”

শৈলবালা হাসিয়া কহিল, “মহাবীর হবার ওই তো মুশকিল । যখন গন্ধমাদনের প্রয়োজন হয়েছিল তখন নল নীল অঙ্গদকে তো কেউ পোছেওনি !”

অক্ষয় গর্জন করিয়া কহিলেন, “ওরে পোড়ারমুখী, ত্রেতাযুগের পোড়ারমুখোকে ছাড়া আর কোনো উপমাও তোর মনে উদয় হল না ? এত প্রেম !”

শৈলবালা কহিল, “হাঁ গো, এতই প্রেম !”

অক্ষয় ভৈরোঁতে গাহিয়া উঠিলেন—

“পোড়া মনে শুধু পোড়া মুখখানি জাগে রে ।

এত আছে লোক, তবু পোড়া চোখে

আর কেহ নাহি লাগে রে !

আচ্ছা, তাই হবে ! পদ্মপাল কটাকে শিখার কাছে তাড়িয়ে নিয়ে আসব ।

তাহলে চট করে আমাকে একটা পান এনে দাও । তোমার স্বহস্তের রচনা !”

শৈল । কেন দিদির হস্তের—

অক্ষয় । আরে, দিদির হস্ত তো জোগাড় করেইছি, নইলে পাণিগ্রহণ কী জন্তে ? এখন অগ্র পদ্মহস্তগুলির প্রতি দৃষ্টি দেবার অবকাশ পাওয়া গেছে ।

শৈল । আচ্ছা গো মশায় ! পদ্মহস্ত তোমার পানে এমনি চুন মাখিয়ে দেবে যে, পোড়ার মুখ আবার পুড়বে ।

অক্ষয় গাহিলেন—

“যারে মরণ দশায় ধরে

সে যে শতবার করে মরে ।

পোড়া পতঙ্গ যত পোড়ে তত

আগুনে ঝাঁপিয়ে পড়ে ।

শৈল । মুখ্যজ্যেষ্ঠায়, ও কাগজের গোলাটা কিসের ?

অক্ষয় । তোমাদের সেই সভ্য হবার আবেদনপত্র এবং প্রবেশিকার দশ টাকার নোট পকেটে ছিল, খোঁবা বেটা কেচে এমনি পরিষ্কার করে দিয়েছে, একটা অক্ষয়ও দেখতে পাচ্ছিলে । ও বেটা বোধ হয় স্বাধীনতার ঘোরতর বিরোধী, তাই তোমার ওই পত্রটা একেবারে আগাগোড়া সংশোধন করে দিয়েছে ।

শৈল । এই বুঝি !

অক্ষয় । চারটিতে মিলে স্বরণশক্তি জুড়ে বসে আছ, আর কিছু কি মনে রাখতে দিলে ? —
সকলি ভুলেছে ভোলা মন
ভোলেনি ভোলেনি শুধু ঐ চন্দ্রানন ।

১০ নম্বর মধুমিত্রির গলিতে একতলার একটি ঘরে চিরকুমার-সভার অধিবেশন হয় । বাড়িটি সভাপতি চন্দ্রমাধববাবুর বাসা । তিনি লোকটি ব্রাহ্ম কালেজের অধ্যাপক । দেশের কাজে অত্যন্ত উৎসাহী ; মাতৃভূমির উন্নতির জন্ত ক্রমাগতই নানা মংলব তাঁহার মাথায় আসিতেছে । শরীরটি ক্লশ কিন্তু কঠিন, মাথাটা মস্ত, বড়ো দুইটি চোখ অল্পমনস্ক খেয়ালে পরিপূর্ণ । প্রথমটা সভায় সভ্য অনেকগুলি ছিল । সম্প্রতি সভাপতি বাদে তিনটিতে আসিয়া ঠেকিয়াছে । বৃথভ্রষ্টগণ বিবাহ করিয়া গৃহী হইয়া রোজগারে প্রবৃত্ত । এখন তাঁহারা কোনোপ্রকার চাঁদার খাতা দেখিলেই প্রথমে হাসিয়া উড়াইয়া দেন, তাহাতেও খাতাধারী টিকিয়া থাকিবার লক্ষণ প্রকাশ করিলে গালি দিতে আরম্ভ করেন । নিজদের দৃষ্টান্ত স্বরণ করিয়া দেশহিতৈষীর প্রতি তাঁহাদের অত্যন্ত অবজ্ঞা জন্মিয়াছে ।

বিপিন শ্রীশ এবং পূর্ণ তিনটি সভ্য কালেজে পড়িতেছে, এখনও সংসারে প্রবেশ করে নাই । বিপিন ফুটবল খেলে, তাহার শরীরে অসামান্য বল, পড়াশুনা কখন করে কেহ বুঝিতে পারে না, অথচ চর্চপট্ট একজামিন পাস করে । শ্রীশ বড়োমাহুষের ছেলে, স্বাস্থ্য তেমন ভালো নয়, তাই বাপ-মা পড়াশুনার দিকে তত বেশি উত্তেজনা করেন না — শ্রীশ নিজের খেয়াল লইয়া থাকে । বিপিন এবং শ্রীশের বন্ধুত্ব অবিচ্ছেদ্য ।

পূর্ণ গৌরবর্ণ, একহারা, লঘুগামী, কিপ্রকারী, ক্রতজ্ঞাবী, সকল বিষয়ে গাঢ় মনোবোগ, চেহারা দেখিয়া মনে হয় দৃঢ়সংকল্প কাজের লোক ।

সে ছিল চন্দ্রমাধববাবুর ছাত্র । ভালোরূপ পাস করিয়া শুকালতি-বারা সূচাকরূপ জীবিকা নির্বাহ করিবার প্রত্যাশায় সে রাত জাগিয়া পড়া করে । দেশের কাজ লইয়া নিজের কাজ নষ্ট করা তাহার সংকল্পের মধ্যে ছিল না । চিরকৌমার্য তাহার

কাছে অত্যন্ত মনোহর বলিয়া বোধ হইত না। সন্ধ্যাবেলায় নিয়মিত আসিয়া চন্দ্রবাবুর নিকট হইতে পাস করিবার উপযুক্ত নোট লইত ; এবং সে মনে মনে নিশ্চয় জানিত যে, চিরকৌমার্যব্রত না লওয়াতে এবং নিজের ভবিষ্যৎ মাটি করিবার জন্ত লেশমাত্র ব্যগ্র না হওয়াতে তাহার প্রতি চন্দ্রমাধববাবুর শ্রদ্ধামাত্র ছিল না, কিন্তু সেজন্ত সে কখনো অসহ্য দুঃখানুভব করে নাই। তার পরে কী ঘটিল তাহা সকলেই জানেন।

সেদিন সভা বসিয়াছে। চন্দ্রমাধববাবু বলিতেছেন, “আমাদের এই সভার সভ্যসংখ্যা অল্প হওয়াতে কারও হতাশাস হবার কোনো কারণ নেই—”

তাঁহার কথা শেষ না হইতেই রুগ্ণকায় উৎসাহী শ্রীশ বলিয়া উঠিল, “হতাশাস ! সেই তো আমাদের সভার গৌরব ! এ সভার মহৎ আদর্শ এবং কঠিন বিধান কি সর্বসাধারণের উপযুক্ত ! আমাদের সভা অল্প লোকের সভা।”

চন্দ্রমাধববাবু কার্ঘ্যবিবরণের খাতাটা চোখের কাছে তুলিয়া ধরিয়া কহিলেন, “কিন্তু আমাদের আদর্শ উন্নত এবং বিধান কঠিন বলেই আমাদের বিনয় রক্ষা করা কর্তব্য ; সর্বদাই মনে রাখা উচিত আমরা আমাদের সংকল্প-সাধনের যোগ্য না হতেও পারি। ভেবে দেখো পূর্বে আমাদের মধ্যে এমন অনেক সভ্য ছিলেন যারা হয়তো আমাদের চেয়ে সর্বাংশে মহত্তর ছিলেন, কিন্তু তাঁরাও নিজের সুখ এবং সংসারের প্রবল আকর্ষণে একে একে লক্ষ্যভ্রষ্ট হয়েছেন। আমাদের কয়জনের পথেও যে প্রলোভন কোথায় অপেক্ষা করছে তা কেউ বলতে পারে না। সেই জন্য আমরা দৃষ্ট পরিত্যাগ করব, এবং কোনো রকম শপথও বন্ধ হতে চাইনে— আমাদের মত এই যে, কোনোকালে মহৎ চেষ্টাকে মনে স্থান না দেওয়ার চেয়ে চেষ্টা করে অকৃতকার্য হওয়া ভালো।”

পাশের ঘরে ঈষৎ মুক্ত দরজার অন্তরালে একটি শ্রোত্রী এই কথায় যে একটুখানি বিচলিত হইয়া উঠিল, তাহার অঞ্চলবন্ধ চাবির গোছায় ছই-একটা চাবি যে একটু ঠুন শব্দ করিল তাহা পূর্ণ ছাড়া আর কেহ লক্ষ্য করিতে পারিল না।

চন্দ্রমাধববাবু বলিতে লাগিলেন, “আমাদের সভাকে অনেকেই পরিহাস করেন ; অনেকেই বলেন তোমরা দেশের কাজ করবার জন্ত কৌমার্যব্রত গ্রহণ করছ, কিন্তু সকলেই যদি এই মহৎ প্রতিজ্ঞায় আবদ্ধ হয় তা হলে পঞ্চাশ বৎসর পরে দেশে এমন মানুষ কে থাকবে যার জন্তে কোনো কাজ করা কারও দরকার হবে। আমি প্রায়ই নব্র নিরুত্তরে এই সকল পরিহাস বহন করি ; কিন্তু এর কি কোনো উত্তর নেই ?”

বলিয়া তিনি তাঁহার তিনটি মাত্র সভ্যের দিকে চাহিলেন।

পূর্ণ নেপথ্যবাসিনীকে স্বরণ করিয়া সোৎসাহে কহিল, “আছে বইকি। সকল দেশেই এক দল মানুষ আছে যারা সংসারী হবার জন্তে জন্মগ্রহণ করেনি, তাদের সংখ্যা অল্প। সেই কটিকে আকর্ষণ করে এক-উদ্দেশ্য-বন্ধনে বাঁধবার জন্তে আমাদের এই সভা, সমস্ত জগতের লোককে কৌমার্যভ্রতে দীক্ষিত করবার জন্তে নয়। আমাদের এই জাল অনেক লোককে ধরবে এবং অধিকাংশকেই পরিত্যাগ করবে, অবশেষে দীর্ঘকাল পরীক্ষার পর দুটি-চারটি লোক থেকে যাবে। যদি কেউ জিজ্ঞাসা করে তোমরাই কি সেই দুটি-চারটি লোক, তবে স্পর্ধাপূর্বক কে নিশ্চয়রূপে বলতে পারে। হাঁ, আমরা জালে আকৃষ্ট হয়েছি এই পর্যন্ত, কিন্তু পরীক্ষায় শেষ পর্যন্ত টিকতে পারব কি না তা অন্তর্ধার্মীই জানেন। কিন্তু আমরা কেউ টিকতে পারি বা না পারি, আমরা একে একে স্থলিত হই বা না হই, তাই বলে আমাদের এই সভাকে পরিহাস করবার অধিকার কারও নেই। কেবল যদি আমাদের সভাপতি মশায় একলামাত্র থাকেন তবে আমাদের এই পরিত্যক্ত সভাকেই সেই এক তপস্বীর তপঃপ্রভাবে পবিত্র উজ্জ্বল হয়ে থাকবে, এবং তাঁর চিরজীবনের তপস্যার ফল দেশের পক্ষে কখনোই ব্যর্থ হবে না।”

কুণ্ঠিত সভাপতি কার্যবিবরণের খাতাখানি পুনর্বার তাঁহার চোখের অত্যন্ত কাছে ধরিয়া অন্তমনস্কভাবে কী দেখিতে লাগিলেন। কিন্তু পূর্ণর এই বক্তৃতা যথাস্থানে যথা-বেগে গিয়া পৌঁছিল। চন্দ্রমাধববাবুর একাকী তপস্যার কথায় নির্মলার চক্ষু ছলছল করিয়া আসিল এবং বিচলিত বালিকার চাবির গোছার ঝনক-শব্দ উৎকর্ণ পূর্ণকে পুরস্কৃত করিল।

বিপিন চূপ করিয়া ছিল, এতক্ষণ পরে সে তাহার জলদমস্ত গম্ভীর কণ্ঠে কহিল, “আমরা এ সভার ঘোণ্য কি অঘোণ্য কালেই তার পরিচয় হবে, কিন্তু কাজ করাও যদি আমাদের উদ্দেশ্য হয় তবে সেটা কোনো এক সময়ে শুরু করা উচিত। আমার প্রশ্ন এই—কী করতে হবে?”

চন্দ্রমাধব উজ্জ্বল উৎসাহিত হইয়া বলিয়া উঠিলেন, “এই প্রশ্নের জন্ত আমরা এতদিন অপেক্ষা করে ছিলাম, কী করতে হবে? এই প্রশ্ন যেন আমাদের প্রত্যেককে দংশন করে অধীর করে তোলে, কী করতে হবে? বহুগণ, কাজই একমাত্র একেবারে বন্ধন। এক সঙ্গে যারা কাজ করে তারাই এক। এই সভার আমরা বতকণ সকলে মিলে একটা কাজে নিযুক্ত না হব ততক্ষণ আমরা যথার্থ এক হতে পারব না। অতএব বিপিনবাবু আজ এই যে প্রশ্ন করেছেন—কী করতে হবে—এই প্রশ্নকে নিবতে দেওয়া হবে না। সভ্যমহাশয়গণ, আপনারা উত্তর করুন কী করতে হবে?”

দুর্বলমেহ ত্রীণ অস্থির হইয়া বলিয়া উঠিল, “আমাকে যদি জিজ্ঞাসা করেন কী করতে

হবে, আমি বলি আমাদের সকলকে সন্ন্যাসী হয়ে ভারতবর্ষের দেশে দেশে গ্রামে গ্রামে দেশহিতরত নিয়ে বেড়াতে হবে, আমাদের দলকে পুষ্ট করে তুলতে হবে, আমাদের সভাটিকে সূক্ষ্ম সূত্রস্বরূপ করে সমস্ত ভারতবর্ষকে গাঁথে ফেলতে হবে।”

বিপিন হাসিয়া কহিল, “সে চের সময় আছে, যা কালই শুরু করা যেতে পারে এমন একটা কিছু কাজ বলা। ‘মারি তো গণ্ডার লুঠি তো ভাণ্ডার’ যদি পণ করে বস তবে গণ্ডারও বাঁচবে ভাণ্ডারও বাঁচবে, তুমিও যেমন আরামে আছ তেমনি আরামে থাকবে। আমি প্রস্তাব করি আমরা প্রত্যেকে দুটি করে বিদেশী ছাত্র পালন করব, তাদের পড়া-শুনো এবং শরীর-মনের সমস্ত চর্চার ভার আমাদের উপর থাকবে।”

শ্রীশ কহিল, “এই তোমার কাজ! এর জন্তই আমরা সন্ন্যাসধর্ম গ্রহণ করেছি! শেষকালে ছেলে মানুষ করতে হবে, তা হলে নিজের ছেলে কী অপরাধ করেছে!”

বিপিন বিরক্ত হইয়া কহিল, “তা যদি বল তা হলে সন্ন্যাসীর তো কর্মই নেই; কর্মের মধ্যে ভিক্ষে আর ভ্রমণ আর ভণ্ডামি।”

শ্রীশ রাগিয়া কহিল, “আমি দেখছি আমাদের মধ্যে কেউ কেউ আছেন এ সভার মহৎ উদ্দেশ্যের প্রতি যাদের শ্রদ্ধামাত্র নেই, তাঁরা যত শীঘ্র এ সভা পরিত্যাগ করে সম্ভানপালনে প্রবৃত্ত হন ততই আমাদের মঙ্গল!”

বিপিন আরক্তবর্ণ হইয়া বলিল, “নিজের সম্বন্ধে কিছু বলতে চাইনে কিন্তু এ সভায় এমন কেউ কেউ আছেন যারা সন্ন্যাসগ্রহণের কঠোরতা এবং সম্ভানপালনের ত্যাগস্বীকার দুয়েরই অযোগ্য, তাঁদের—”

চন্দ্রমাধববাবু চোখের কাছ হইতে কার্ণবিবরণের খাতা নামাইয়া কহিলেন, “উখাপিত প্রস্তাব সম্বন্ধে পূর্ণবাবুর অভিপ্রায় জানতে পারলে আমার মস্তব্য প্রকাশ করবার অবসর পাই।”

পূর্ণ কহিল, “অন্য বিশেষরূপে সভার ঐক্যবিধানের জন্ত একটা কাজ অবলম্বন করবার প্রস্তাব করা হয়েছে। কিন্তু কাজের প্রস্তাবে ঐক্যের লক্ষণ কী রকম পরিস্ফুট হয়ে উঠেছে সে আর কাউকে চোখে আঙুল দিয়ে দেখাবার দরকার নেই। ইতিমধ্যে আমি যদি আবার একটা তৃতীয় মত প্রকাশ করে বসি তা হলে বিরোধানে তৃতীয় আভিতি দান করা হবে—অতএব আমার প্রস্তাব এই যে, সভাপতিমশায় আমাদের কাজ নির্দেশ করে দেবেন এবং আমরা তাই শিরোধার্য করে নিয়ে বিনা বিচারে পালন করে যাব। কার্যসাধন এবং ঐক্যসাধনের এই একমাত্র উপায় আছে।”

পাশের ঘরে এক ব্যক্তি আবার এক বার নড়িয়া চড়িয়া বসিল এবং তাহার চাবি বন্ধ করিয়া উঠিল।

বিষয়কর্মে চন্দ্রমাধববাবুর মতো অপটু কেহ নাই কিন্তু তাঁহার মনের খেয়াল বাণিজ্যের দিকে। তিনি বলিলেন, “আমাদের প্রথম কর্তব্য ভারতবর্ষের দারিদ্র্যমোচন, এবং তার আশু উপায় বাণিজ্য। আমরা কয়জনে বড়ো বাণিজ্য চালাতে পারিনে, কিন্তু তার সূত্রপাত করতে পারি। মনে করো আমরা সকলেই যদি দিয়াশালাই সহজে পরীক্ষা আরম্ভ করি। এমন যদি একটা কাঠি বের করতে পারি যা সহজে জলে, শীত্রে নেবে না এবং দেশের সর্বত্র প্রচুর পরিমাণে পাওয়া যায়, তা হলে দেশে সম্ভা দেশালাই-নির্মাণের কোনো বাধা থাকে না।” এই বলিয়া জাপানে এবং যুরোপে সবিস্তর কত দেশালাই প্রস্তুত হয়, তাহাতে কোন্ কোন্ কাঠের কাঠি ব্যবহার হয়, কাঠির সঙ্গে কী কী দ্রব্য পদার্থ মিশ্রিত করে, কোথা হইতে কত দেশালাই রপ্তানি হয়, তাহার মধ্যে কত ভারতবর্ষে আসে এবং তাহার মূল্য কত চন্দ্রমাধববাবু তাহা বিস্তারিত করিয়া বলিলেন।

বিপিন শ্রীশ নিস্তর হইয়া বসিয়া রহিল। পূর্ণ কহিল, “পাকাটি এবং খ্যাংরা কাঠি দিয়ে শীত্রেই পরীক্ষা করে দেখব।”

শ্রীশ মুখ ফিরাইয়া হাসিল।

এমন সময়ে ঘরের মধ্যে অক্ষয় আসিয়া প্রবেশ করিলেন। কহিলেন, “মশায়, প্রবেশ করতে পারি?”

কীর্ণদৃষ্টি চন্দ্রমাধববাবু হঠাৎ চিনিতে না পারিয়া ভ্রুকুঞ্চিত করিয়া অবাক হইয়া চাহিয়া রহিলেন। অক্ষয় কহিলেন, “মশায়, ভয় পাবেন না এবং এমন ভ্রুকুটি করে আমাকেও ভয় দেখাবেন না— আমি অভূতপূর্ব নই— এমন-কি, আমি আপনাদেরই ভূতপূর্ব— আমার নাম—”

চন্দ্রমাধববাবু তাড়াতাড়ি উঠিয়া কহিলেন, “আর নাম বলতে হবে না— আস্থন আস্থন অক্ষয়বাবু—”

তিন তরুণ সভ্য অক্ষয়কে নমস্কার করিল। বিপিন ও শ্রীশ ছই বন্ধু সঙ্ঘোবিবাদের বিমর্ষতায় গম্ভীর হইয়া বসিয়া রহিল। পূর্ণ কহিল, “মশায়, অভূতপূর্বর চেয়ে ভূতপূর্বকেই বেশি ভয় হয়।”

অক্ষয় কহিলেন, “পূর্ণবাবু বুদ্ধিমানের মতো কথাই বলেছেন। সংসারে ভূতের ভয়টাই প্রচলিত। নিজে যে ব্যক্তি ভূত অন্তলোকের জীবনসঙ্ঘোগটা তার কাছে বাহনীয় হতে পারেই না, এই মনে করে মানুষ ভূতকে ভয়ংকর কল্পনা করে। অতএব সভাপতি-মশায়, চিরকুমার সভার ভূতটিকে সভা থেকে ঝাড়াবেন না পূর্ব-সম্পর্কের মমতাবশত একখানা চৌকি দেবেন, এইবেলা বলুন।”

“চৌকি দেওয়াই স্থির” বলিয়া চন্দ্রবাবু একখানি চেয়ার অগ্রসর করিয়া দিলেন।

“সর্বসম্মতিক্রমে আসন গ্রহণ করলুম” বলিয়া অক্ষয়বাবু বসিলেন ; বলিলেন, “আপনারা আমাকে নিতান্ত ভদ্রতা করে বসতে বললেন বলেই যে আমি অভদ্রতা করে বসেই থাকব আমাকে এমন অসভ্য মনে করবেন না— বিশেষত পান তামাক এবং পত্নী আপনাদের সভার নিয়মবিরুদ্ধ, অথচ ওই তিনটে বদ অভ্যাসই আমাকে একেবারে মাটি করেছে, সুতরাং চটপট কাজের কথা সেরেই বাড়িমুখো হতে হবে।”

চন্দ্রবাবু হাসিয়া কহিলেন, “আপনি যখন সভ্য নন তখন আপনার সম্বন্ধে সভার নিয়ম না’ই খাটালেম— পান-তামাকের বন্দোবস্ত বোধ হয় করে দিতে পারব, কিন্তু আপনার তৃতীয় নেশাই—”

অক্ষয়। সেটি এখানে বহন করে আনবার চেষ্টা করবেন না, আমার সে নেশাটি প্রকাশ্য নয়।

চন্দ্রবাবু পান-তামাকের জন্ত সনাতন চাকরকে ডাকিবার উপক্রম করিলেন। পূর্ণ কহিল “আমি ডাকিয়া দিতেছি।” বলিয়া উঠিল ; পাশের ঘরে চাবি এবং চূড়ি এবং সহসা পলায়নের শব্দ এক সঙ্গে শোনা গেল।

অক্ষয় তাহাকে ধামাইয়া কহিলেন, “যশ্বিন্ দেশে যদাচারঃ। যতক্ষণ আমি এখানে আছি ততক্ষণ আমি আপনাদের চিরকুমার— কোনো প্রভেদ নেই। এখন আমার প্রস্তাবটা শুনুন।”

চন্দ্রবাবু টেবিলের উপর কার্খবিবরণের খাতাটির প্রতি অত্যন্ত ঝুঁকিয়া পড়িয়া মন দিয়া শুনিতে লাগিলেন।

অক্ষয় কহিলেন, “আমার কোনো মফস্বলের ধনী বন্ধু তাঁর একটি সম্ভানকে আপনাদের কুমারসভার সভ্য করতে ইচ্ছা করেছেন।”

চন্দ্রবাবু বিস্মিত হইয়া কহিলেন, “বাপ ছেলেটির বিবাহ দিতে চান না!”

অক্ষয়। সে আপনারা নিশ্চিন্ত থাকুন— বিবাহ সে কোনোক্রমেই করবে না, আমি তার জামিন রইলুম। তার দূরসম্পর্কের এক দাদাস্বন্ধু সভ্য হবেন। তাঁর সম্বন্ধেও আপনারা নিশ্চিন্ত থাকতে পারেন, কারণ যদিচ তিনি আপনাদের মতো স্বকুমার নন, কিন্তু আপনাদের সকলের চেয়ে বেশি কুমার, তাঁর বয়স ষাট পেরিয়ে গেছে— সুতরাং তাঁর সন্দেহের বয়সটা আর নেই, সৌভাগ্যক্রমে সেটা আপনাদের সকলেরই আছে।

অক্ষয়বাবুর প্রস্তাবে চিরকুমার সভ্য প্রকৃত হইয়া উঠিল। সভাপতি কহিলেন, “সভ্যপদপ্রার্থীদের নাম ধাম বিবরণ—”

অক্ষয়। অবশ্যই তাঁদের নাম ধাম বিবরণ একটা আছেই— সভাকে তার থেকে

বঞ্চিত করতে পারা যাবে না— সভ্য যখন পাবেন তখন নাম ধাম বিবরণ -স্বকই পাবেন। কিন্তু আপনাদের এই একতলার স্যাংসেতে ঘরটি স্বাস্থ্যের পক্ষে অসুস্থ নয়; আপনাদের এই চিরকুমার ক'টির চিরস্থ যাতে হ্রাস না হয় সে দিকে একটু দৃষ্টি রাখবেন।

চন্দ্রবাবু কিঞ্চিৎ লজ্জিত হইয়া খাতাটি নাকের কাছে তুলিয়া লইয়া বলিলেন, “অক্ষয়বাবু আপনি জানেন তো আমাদের আয়—”

অক্ষয়। আয়ের কথাটা আর প্রকাশ করবেন না, আমি জানি ও আলোচনাটা চিত্তপ্রফুল্লকর নয়। ভালো ঘরের বন্দোবস্ত করে রাখা হয়েছে সে-জন্তে আপনাদের ধনাধ্যক্ষকে স্মরণ করতে হবে না। চলুন-না আজই সমস্ত দেখিয়ে শুনিয়া আনি।

বিমর্ষ বিপিন-শ্রীশের মুখ উজ্জ্বল হইয়া উঠিল। সভাপতিও প্রফুল্ল হইয়া উঠিয়া চুলের মধ্য দিয়া বার বার আঙুল বুলাইতে বুলাইতে চুলগুলোকে অত্যন্ত অপরিষ্কার করিয়া তুলিলেন। কেবল পূর্ণ অত্যন্ত দমিয়া গেল। সে বলিল, “সভার স্থান-পরিবর্তনটা কিছু নয়।” অক্ষয় কহিলেন, “কেন, এ বাড়ি থেকে ও বাড়ি করলেই কি আপনাদের চিরকৌমার্যের প্রদীপ হাওয়ায় নিবে যাবে?”

পূর্ণ। এ-ঘরটি তো আমাদের মন্দ বোধ হয় না।

অক্ষয়। মন্দ নয়। কিন্তু এর চেয়ে ভালো ঘর শহরে দুঃসাপ্য হবে না।

পূর্ণ। আমার তো মনে হয় বিলাসিতার দিকে মন না দিয়ে খানিকটা কষ্টসহিষ্ণুতা অভ্যাস করা ভালো।

শ্রীশ কহিল, “সেটা সভার অধিবেশনে না করে সভার বাইরে করা যাবে।”

বিপিন কহিল, “একটা কাজে প্রবৃত্ত হলেই এত ক্লেশ সহ্য করবার অবসর পাওয়া যায় যে, অকারণে বলক্ষয় করা মূঢ়তা।”

অক্ষয়। বহুগণ, আমার পরামর্শ শোনো, সভাঘরের অঙ্ককার দিয়ে চিরকৌমার্য ব্রতের অঙ্ককার আর বাড়িয়ে না। আলোক এবং বাতাস স্রীলিঙ্গ নয়, অতএব সভার মধ্যে ও-ছুটোকে প্রবেশ করতে বাধা দিয়ো না। আরও বিবেচনা করে দেখো, এ স্থানটি অত্যন্ত সরস, তোমাদের ব্রতটি তত্পর্যুক্ত নয়। বাতিকেই চর্চা করছ করো, কিন্তু বাতের চর্চা তোমাদের প্রতিজ্ঞার মধ্যে নয়। কী বল, শ্রীশবাবু বিপিনবাবুর কী মত ?

হুই বন্ধু বলিল, “ঠিক কথা। ঘরটা এক বার দেখেই আসা থাক না।”

পূর্ণ বিমর্ষ হইয়া নিরুত্তর রহিল। পাশের ঘরেও চাবি এক বার ঠুন করিল, কিন্তু অত্যন্ত অগ্রসর হইল।

পঞ্চম পরিচ্ছেদ

অক্ষয় বলিলেন, “স্বামীই স্ত্রীর একমাত্র তীর্থ। মান কি না?”

পুরবালা। আমি কী পণ্ডিতমশায়ের কাছে শাস্ত্রের বিধান নিতে এসেছি?
আমি মার সঙ্গে আজ কাশী চলেছি এই খবরটি দিয়ে গেলুম।

অক্ষয়। খবরটি সুখবর নয়— শোনবামাত্র তোমাকে শাল-দোশালা বকশিশ দিয়ে
ফেলতে ইচ্ছে করছে না।

পুরবালা। ইস, হৃদয় বিদীর্ণ হচ্ছে— না? সহ করতে পারছ না?

অক্ষয়। আমি কেবল উপস্থিত বিচ্ছেদের কথা ভাবছি— এখন তুমি দু দিন
না রইলে, আরও কজন রয়েছেন, এক রকম করে এই হতভাগ্যের চলে যাবে।
কিন্তু এর পরে কী হবে? দেখো, ধর্মকর্মে স্বামীকে এগিয়ে যেয়ো না— স্বর্গে তুমি
যখন ডবল প্রোমোশন পেতে থাকবে আমি তখন পিছিয়ে থাকব— তোমাকে বিষ্ণুদূতে
রথে চড়িয়ে নিয়ে যাবে, আর আমাকে যমদূতে কানে ধরে হাঁটিয়ে দৌড় করাবে—

গান। পরজ

স্বর্গে তোমায় নিয়ে যাবে উড়িয়ে,

পিছে পিছে আমি চলব খুঁড়িয়ে।

ইচ্ছা হবে টিকির ডগা ধরে

বিষ্ণুদূতের মাথাটা দিই গুঁড়িয়ে।

পুরবালা। আচ্ছা, আচ্ছা, থামো।

অক্ষয়। আমি থামব, কেবল তুমিই চলবে। উনবিংশ শতাব্দীর এই বন্দোবস্ত?—
নিতান্তই চললে?

পুরবালা। চললুম।

অক্ষয়। আমাকে কার হাতে সমর্পণ করে গেলে?

পুরবালা। রসিকদাদার হাতে।

অক্ষয়। মেয়েমানুষ, হস্তান্তর করবার আইন কিছুই জান না। সেই জন্যেই তো
বিরহাবস্থায় উপযুক্ত হাত নিজেই খুঁজে নিয়ে আত্মসমর্পণ করতে হয়।

পুরবালা। তোমাকে তো বেশি খোঁজাখুঁজি করতে হবে না।

অক্ষয়। তা হবে না।

গান। কাকি

কার হাতে বে ধরা দেব প্রাণ ;

তাই ভাবতে বেলা অবসান।

ডান দিকেতে তাকাই যখন, বায়ের লাগি কাঁদে রে মন

বায়ের লাগি কিরলে তখন দক্ষিণেতে পড়ে টান।

আচ্ছা, আমার যেন সাহসনার গুটি ছই-তিন সহপায় আছে, কিন্তু তুমি

বিরহ-বামিনী কেমনে ষাপিবে,

বিচ্ছেদতাপে যখন তাপিবে

এপাশ ওপাশ বিছানা ষাপিবে,

মকরকেতনে কেবলি ষাপিবে—

পুরবালা। রন্ধে করো, ও মিলটা ওইখানেই শেষ করো।

অক্ষয়। ছুঃখের সময় আমি খামতে পারিনে— কাব্য আপনি বেরোতে থাকে।

মিল ভালো না বাস অমিত্রাকর আছে, তুমি যখন বিদেশে থাকবে আমি ‘আর্তনাদবধ কাব্য’ বলে একটা কাব্য লিখব— সখী তার আরম্ভটা শোনো—

(সাড়ম্বরে) বাস্পীয় শকটে চড়ি নারীচূড়ামণি

পুরবালা চলি যবে গেলা কানীধামে

বিকালে, কহ হে দেবী অমৃতভাষিণী

কোন্ বরাদনে বরি বরমাল্যদানে

ষাপিলা বিচ্ছেদমাস শালীত্রয়ীশালী

শ্রীঅক্ষয় !

পুরবালা। (সগর্বে) আমার মাথা খাও, ঠাট্টা নয়, তুমি একটা সত্যিকার কাব্য লেখো-না।

অক্ষয়। মাথা খাওয়ার কথাটা যদি বললে, আমি নিজের মাথাটি খেয়ে অবধি বুঝেছি ওটা সুখাত্তের মধ্যে গণ্য নয়। আর ওই কাব্য লেখা, ও কার্খটাও সুসাধ্য বলে জ্ঞান করিনে। বুদ্ধিতে আমার এক জায়গায় ফুটো আছে, কাব্য জমতে পারে না— ফস ফস করে বেরিয়ে পড়ে।

তুমি জান আমার গাছে ফল কেন না ফলে।

যেমনি ফুলটি ফুটে ওঠে আনি চরণতলে।

কিন্তু আমার প্রণয়ের তো কোনো উত্তর পেলুম না। কৌতুহলে মরে যাচ্ছি।

কাশীতে যে চলেছ, উৎসাহটা কিসের জন্তে ? আপাতত সেই বিষ্ণুদুর্ভাগকে মনে মনে ক্ষমা করলুম, কিন্তু ভগবান ভূতনাথ ভবানীপতির অমুচরগুলোর উপর ভারি সন্দেহ হচ্ছে। শুনেছি নন্দী ও ভৃঙ্গী অনেক বিষয়ে আমাকেও জেতে, ফিরে এসে হয়তো এই ভূতটিকে পছন্দ না হতেও পারে !

অক্ষয়ের পরিহাসের মধ্যে একটু যে অভিমানের আলা ছিল, সেটুকু পুরবালা অনেকক্ষণ বুঝিয়াছে। তাহা ছাড়া, প্রথমে কাশী যাইবার প্রস্তাবে তাহার যে উৎসাহ হইয়াছিল, যাত্রার সময় যতই নিকটবর্তী হইতে লাগিল ততই তাহা ম্লান হইয়া আসিতেছে।

সে কহিল, “আমি কাশী যাব না।”

অক্ষয়। সে কী কথা ! ভূতভাবনের যে ভূত্যগুলি এক বার মরে ভূত হয়েছে তারা যে দ্বিতীয় বার মরবে।

রসিকের প্রবেশ

পুরবালা। আজ যে রসিকদাদার মুখ ভারি প্রফুল্ল দেখাচ্ছে ?

রসিক। ভাই, তোর রসিকদাদার মুখের ওই রোগটা কিছুতেই ঘুচল না। কথা নেই বার্তা নেই প্রফুল্ল হয়েই আছে— বিবাহিত লোকেরা দেখে মনে মনে রাগ করে।

পুরবালা। শুনলে তো, বিবাহিত লোক ! এর একটা উপযুক্ত জবাব দিয়ে যাও।

অক্ষয়। আমাদের প্রফুল্লতার খবর ও বৃদ্ধ কোথা থেকে জানবে ? সে এত রমণময় যে, তা উদ্বেদ করতে আজ পর্যন্ত কেউ পারলে না— সে এত গভীর যে আমরাই হাথড়ে খুঁজে পাইনে, হঠাৎ সন্দেহ হয় আছে কি না।

পুরবালা “এই বুঝি !” বলিয়া রাগ করিয়া চলিয়া যাইবার উপক্রম করিল।

অক্ষয় তাহাকে ধরিয়া ফিরাইয়া কহিল, “দোহাই তোমার, এই লোকটির সামনে রাগারাগি কোরো না— তা হলে ওর আশ্রয় আশ্রয় বেড়ে যাবে।— দেখো দাম্পত্য-তস্থানভিঙ্গ বৃদ্ধ, আমরা যখন রাগ করি তখন স্বভাবত আমাদের কণ্ঠস্বর প্রবল হয়ে ওঠে, সেইটেই তোমাদের কর্ণগোচর হয় ; আর অমুরাগে যখন আমাদের কণ্ঠ কঁকর হয়ে আসে, কানের কাছে মুখ আনতে গিয়ে মুখ বারবার লক্ষ্যভ্রষ্ট হয়ে পড়তে থাকে, তখন তো খবর পাও না !”

পুরবালা। আঃ— চূপ করো।

অক্ষয়। যখন গয়নার ফর্দ হয় তখন বাড়ির সরকার থেকে সেকরা পর্যন্ত সেটা কারও অবিদিত থাকে না, কিন্তু বসন্তনিশীথে যখন প্রেমসী—

পুরবালা । আঃ— থামো ।

অক্ষয় । বসন্তনিশীথে প্রেয়সী—

পুরবালা । আঃ— কী বকছ তার ঠিক নেই !

অক্ষয় । বসন্তনিশীথে যখন প্রেয়সী গর্জন করে বলেন, ‘আমি কালই বাপের বাড়ি চলে যাব, আমার এক দণ্ড এখানে থাকতে ইচ্ছে নেই— আমার হাড় কালী হল— আমার—’

পুরবালা । হাঁগো মশায়, কবে তোমার প্রেয়সী বাপের বাড়ি যাব বলে বসন্ত-নিশীথে গর্জন করেছে ?

অক্ষয় । ইতিহাসের পরীক্ষা ? কেবল ঘটনা রচনা করে নিষ্কৃতি নেই ? আবার সন-তারিখ-স্বাক্ষর মুখে মুখে বানিয়ে দিতে হবে ? আমি কি এতবড়ো প্রতিভাশালী ?

রসিক । (পুরবালার প্রতি) বুঝেছ ভাই, সোজা করে ও তোমার কথা বলতে পারে না— ওর এত কমতাই নেই— তাই উল্টে বলে ; আদরে না কুলোলে গাল দিয়ে আদর করতে হয় ।

পুরবালা । আচ্ছা মল্লিনাথজি, তোমার আর ব্যাখ্যা করতে হবে না । যা যে শেষকালে তোমাকেই কাশী নিয়ে যাবেন স্থির করেছেন ।

রসিক । তা, বেশ তো, এতে আর ভয়ের কথাটা কী ? তীর্থে যাবার তো বয়সই হয়েছে । এখন তোমাদের লোলকটাকে এ বৃদ্ধের কিছুই করতে পারবে না— এখন চিত্ত চন্দ্রচূড়ের চরণে—

মুগ্ধমুগ্ধবিদগ্ধমুগ্ধমধুরৈলোলৈঃ কটাকৈবলং ।

চেতশ্চ স্মৃতি চন্দ্রচূড়চরণধ্যানামুতে বর্ততে ।

পুরবালা । সে তো খুব ভালো কথা— তোমার উপরে আর কটাকের অপব্যয় করতে চাইনে, এখন চন্দ্রচূড় চরণে চলো— তা হলে মাকে ডাকি !

রসিক । (করজোড়ে) বড়দিদি ভাই, তোমার যা আমাকে সংশোধনের বিস্তর চেষ্টা করছেন, কিন্তু একটু অসময়ে সংস্কারকার্য আরম্ভ করেছেন— এখন তাঁর শাসনে কোনো ফল হবে না । বরঞ্চ এখনও নষ্ট হবার বয়স আছে, সে বয়সটা বিধাতার কৃপায় বরাবরই থাকে, লোলকটাকটা শেষকাল পর্যন্ত থাকে, কিন্তু উদ্ধারের বয়স আর নেই । তিনি এখন কাশী যাচ্ছেন, কিছুদিন এই বৃদ্ধ শিশুর বুদ্ধিবৃত্তির উন্নতিসাধনের ছুরাশা পরিত্যাগ করে শাস্তিতে থাকুন— কেন তোরা তাঁকে কষ্ট দিবি ।

জগন্তারিণীর প্রবেশ

জগন্তারিণী। বাবা, তা হলে আসি।

অক্ষয়। চললে না কি মা? রসিকদাদা যে এতক্ষণ দুঃখ করছিলেন যে তুমি—
রসিক। (ব্যাকুলভাবে) দাদার সকল কথাতেই ঠাট্টা! মা, আমার কোনো
দুঃখ নেই— আমি কেন দুঃখ করতে যাব?

অক্ষয়। বলছিলেন না, যে, বড়োমা একলাই কাশী যাচ্ছেন, আমাকে সঙ্গে নিলেন না?
রসিক। হ্যাঁ, সে তো ঠিক কথা। মনে তো লাগতেই পারে— তবে কি না মা
যদি নিতান্তই—

জগন্তারিণী। না বাপু, বিদেশে তোমার রসিকদাদাকে সামলাবে কে? ঠুকে
নিয়ে পথ চলতে পারব না।

পুরবালা। কেন মা, রসিকদাদাকে নিয়ে গেলে উনি তোমাকে দেখতে শুনতে
পারতেন।

জগন্তারিণী। রক্ষে করো, আমাকে আর দেখে শুনে কাজ নেই। তোমার
রসিকদাদার বুদ্ধির পরিচয় ঢের পেয়েছি।

রসিক। (টাকে হাত বুলাইতে বুলাইতে) তা মা, যেটুকু বুদ্ধি আছে তার
পরিচয় সর্বদাই দিচ্ছি— ও তো চেপে রাখবার জো নেই— ধরা পড়তেই হবে। ভাঙা
চাকাটাই সব চেয়ে খড়্ খড়্ করে— তিনি যে ভাঙা সেটা পাড়াসুদ্ধ খবর পায়। সেই
জন্তেই বড়োমা চুপচাপ করে থাকতেই চাই, কিন্তু তুমি যে আবার চালাতেও ছাড়
না।

নিজের শৈথিল্যে যাহার কিছুই মনের মতো হয় না, সর্বদা উৎসনা করিবার
জন্য তাহার একটা হতভাগ্যকে চাই। রসিকদাদা জগন্তারিণীর বহিঃস্থিত
আত্মগ্নানিবেশ।

জগন্তারিণী। আমি তা হলে হারানের বাড়ি চললুম, একেবারে তাদের সঙ্গে
গাড়িতে উঠব— এর পরে আর যাত্রার সময় নেই। পুরো, তোরা তো দিনক্ষণ
মানিসনে, ঠিক সময়ে ইস্টেশনে বাস।

তাঁহার কণ্ঠস্বর অসামান্য আসক্তি মা বেশ অবগত ছিলেন। পত্রিকার
খাত্তিরে শেষ মুহূর্তের পূর্বে তাহাদের বিচ্ছেদসংঘটনের চেষ্টা তিনি বৃথা বলিয়াই
জানিতেন।

কিন্তু পুরবালা যখন বলিল “মা আমি কাশী যাব না”, সেটা তিনি বাড়াবাড়ি

মনে করিলেন। পুরবালার প্রতি তাঁহার বড়ো নির্ভর। সে তাঁহার সঙ্গে বাইতেছে বলিয়া তিনি নিশ্চিত আছেন। পুরবালা স্বামীর সঙ্গে সিমলা যাতায়াত করিয়া বিদেশ-ভ্রমণে পাকা হইয়াছে; পুরুষ-অভিভাবকের অপেক্ষা পুরবালাকেই তিনি পথসংকটে সহায়রূপে আশ্রয় করিয়াছেন। হঠাৎ তাহার অসম্মতিতে বিপন্ন হইয়া জগত্তারিণী তাঁহার আমাতার মুখের দিকে চাহিলেন।

অক্ষয় তাঁহার শান্তড়ীর মনের ভাব বুঝিয়া কহিলেন, “সে কি হয়? তুমি মার সঙ্গে না গেলে গুর অসুবিধা হবে। আচ্ছা মা, তুমি এগোও, আমি ওকে ঠিক সময়ে স্টেশনে নিয়ে যাব।” জগত্তারিণী নিশ্চিত হইয়া প্রশ্ন করিলেন। রসিকদাদা টাকে হাত বুলাইতে বুলাইতে বিদায়কালীন বিমর্ষতা মুখে আনিবার জন্য চেষ্টা করিতে লাগিলেন।

অক্ষয়। কে মশায়! আপনি কে?

“আজ্ঞে মশায়, আপনার সহধর্মিণীর সঙ্গে আমার বিশেষ মমত্ব আছে”— বলিয়া পুরুষবেশধারী শৈল অক্ষয়ের সঙ্গে শেক-হাও করিল।

শৈল। মুখ্যোমশায় চিনতে তো পারলে না?

পুরবালা। অবাক করলি! লজ্জা করছে না?

শৈল। দিদি, লজ্জা যে স্বীলোকের ভূষণ— পুরুষের বেশ ধরতে গেলেই সেটা পরিত্যাগ করতে হয়। তেমনি আবার মুখ্যোমশায় যদি মেয়ে সাজেন, উনি লজ্জার মুখ দেখাতে পারবেন না। রসিকদাদা, চুপ করে রইলে যে!

রসিক। আহা শৈল! যেন কিশোর কন্দর্প! যেন সান্ধাৎ কুমার, ভবানীর কোল থেকে উঠে এল! ওকে বরাবর শৈল বলে দেখে আসছি, চোখের অভ্যাস হয়ে গিয়েছিল— ও সুন্দরী কি মাঝারি, কি চলনসই, সে কথা কখনো মনেও ওঠেনি— আজ ওই বেশটি বদল করেছে বলেই তো ওর রূপখানি ধরা দিলে! পুরোদিদি, লজ্জার কথা কী বলছিস, আমার ইচ্ছে করছে ওকে টেনে নিয়ে ওর মাথায় হাত দিয়ে আশীর্বাদ করি!

পুরবালা শৈলের তরুণ সুকুমার প্রিয়দর্শন পুরুষমূর্তিতে মনে মনে মুগ্ধ হইতেছিল। গভীর বেদনার সহিত তাহার কেবলই মনে হইতেছিল, আহা শৈল আমাদের বোন না হয়ে যদি ভাই হত। ওর এমন রূপ এমন বুদ্ধি ভগবান সমস্তই ব্যর্থ করে দিলেন! পুরবালার দ্বিষ্ট চোখ দুইটি ছলছল করিয়া উঠিল।

অক্ষয় মেহান্তিষিক্ত গাভীরের সহিত ছয়বেশিনীকে কণকাল নিরীক্ষণ করিয়া

বলিলেন, “সত্যি বলছি শৈল, তুমি যদি আমার শালী না হয়ে আমার ছোটো ভাই হতে তা হলেও আমি আপত্তি করতুম না।”

শৈল ঈষৎ বিচলিত হইয়া কহিল, “আমিও করতুম না মুখ্যোমশায়।”

বাস্তবিক ইহারা দুই ভাইয়ের মতোই ছিল। কেবল সেই ভ্রাতৃত্বাবের সহিত কোতুকময় বয়স্ভাব মিশ্রিত হইয়া কোমল সঙ্কট উজ্জল হইয়া উঠিয়াছিল।

পুরবালা শৈলকে বুকের কাছে টানিয়া কহিল, “এই বেশে তুই কুমারসভার সভ্য হতে থাকিস?”

শৈল। অন্ত বেশে হতে গেলে যে ব্যাকরণের দোষ হয় দিদি! কী বল রসিকদাদা।

রসিক। তা তো বটেই, ব্যাকরণ বাঁচিয়ে তো চলতেই হবে। ভগবান পাণিনি বোপদেব এঁরা কী জন্তে জন্মগ্রহণ করেছিলেন? কিন্তু ভাই শ্রীমতী শৈলবালার উত্তর চাপকান প্রত্যয় করলেই কি ব্যাকরণ রক্ষে হয়।

অক্ষয়। নতুন মুঞ্চবোধে ভাই লেখে। আমি লিখে পড়ে দিতে পারি, চিরকুমার-সভার মুঞ্চদের কাছে শৈল যেমন প্রত্যয় করাবে তাঁরা তেমনি প্রত্যয় যাবেন। কুমারদের ধাতু আমি জানি কি না।

পুরবালা একটুখানি দীর্ঘনিশ্বাস ফেলিয়া শৈলকে কহিলেন, “তোমার মুখ্যোমশায়কে আর এই বুড়ো সমবয়সীটিকে নিয়ে তোমার খেলা তুই আরম্ভ কর—আমি মার সঙ্গে কাশী চললুম।”

পুরবালা এই সকল নিয়মবিরুদ্ধ ব্যাপার মনে মনে পছন্দ করিত না। কিন্তু তাহার স্বামীর ও ভগিনীটির বিচিত্র কোতুকলীলায় সর্বদা বাধা দিতেও তাহার মন সরিত না। নিজের স্বামিসৌভাগ্যের কথা স্মরণ করিয়া বিধবা বোনটির প্রতি তাহার করুণা ও প্রশ্রয়ের অন্ত ছিল না। ভাবিত, হতভাগিনী যেমন করিয়া ভুলিয়া থাকে থাক! পুরবালা জিনিসপত্র গুছাইতে গেল।

এমন সময় নৃপবালা ও নীরবালা ঘরে প্রবেশ করিয়াই পলায়নোচ্ছত হইল। নীর দরজার আড়াল হইতে আর-এক বার ভালো করিয়া তাকাইয়া “মেজদিদি” বলিয়া ছুটিয়া আসিল। কহিল, “মেজদিদি, তোমাকে ভাই জড়িয়ে ধরতে ইচ্ছে করছে, কিন্তু ওই চাপকানে বাধছে। মনে হচ্ছে তুমি যেন কোন্ রূপকথার রাজপুত্র, তেপান্তর-মাঠ পেরিয়ে আমাদের উদ্ধার করতে এসেছ।”

নীরর সমুচ্চ কণ্ঠস্বরে আশ্রয় হইয়া নৃপও ঘরে প্রবেশ করিয়া মুঞ্চনেত্রে চাহিয়া রহিল। নীর তাহাকে টানিয়া লইয়া কহিল, “অমন করে লোভীর মতো তাকিয়ে

আছিস কেন? বা মনে করছিস তা নয়, ও তোঁর দুঃস্বপ্ন নয়—ও আমাদের মেজদিদি।”

রসিক। ইয়মথিকমনোজ্ঞা চাপকানেনাপি ভবী।

কিমিব হি মধুরাণাং মণ্ডনং নাকৃতীনাম ॥

অক্ষয়। মূঢ়ে, তোঁরা কেবল চাপকানটা দেখেই মুগ্ধ! গিল্টির এত আদর? এ দিকে যে খাঁটি সোনা দাঁড়িয়ে হাহাকার করছে।

নীরবাল। আজকাল খাঁটি সোনার দর যে বড়ো বেশি, আমাদের এই গিল্টিই ভালো! কী বল ভাই মেজদিদি! — বলিয়া শৈলর কৃত্রিম গৌফটা একটু পাকাইয়া দিল।

রসিক। (নিজেকে দেখাইয়া) এই খাঁটি সোনাটি খুব সম্ভায় যাচ্ছে ভাই— এখনও কোনো ট্যাঁকশালে গিয়ে কোনো মহারানীর ছাপটি পর্যন্ত পড়েনি!

নীরবাল। আচ্ছা বেশ, মেজদিদিকে দান করলুম। (বলিয়া রসিকদাদার হাত ধরিয়া নূপর হাতে সমর্পণ করিল) রাজি আছিস তো ভাই?

নূপবাল। তা আমি রাজি আছি।— বলিয়া রসিকদাদাকে একটা চৌকিতে বসাইয়া সে তাঁহার মাথার পাকা চুল তুলিয়া দিতে লাগিল।

নীর শৈলর কৃত্রিম গৌফে তা দিয়া পাকাইয়া তুলিবার চেষ্টা করিতে লাগিল। শৈল কহিল, “আঃ, কী করছিস, আমার গৌফ পড়ে যাবে।”

রসিক। কাজ কী, এ দিকে আয় না ভাই, এ গৌফ কিছুতেই পড়বে না।

নীরবাল। আবার! ফের! মেজদিদির হাতে সঁপে দিলুম কী করতে? আচ্ছা রসিকদাদা, তোমার মাথার দুটো-একটা চুল কাঁচা আছে, কিন্তু গৌফ আগাগোড়া পাকালে কী করে?

রসিক। কারও কারও মাথা পাকবার আগে মুখটা পাকে।

নীরবাল। দিদিদের সভাটা কোন্ ঘরে বসবে মুখুজ্যেশায়?

অক্ষয়। আমার বসবার ঘরে।

নীরবাল। তা হলে সে ঘরটা একটু সাজিয়ে গুজিয়ে দিই গে।

অক্ষয়। যতদিন আমি সে ঘরটা ব্যবহার করছি, এক দিনও সাজাতে ইচ্ছে হয়নি বুঝি?

নীরবাল। তোমার জন্তে ঝড়ু বেহারা আছে, তবু বুঝি আশা মিটল না?

পুরবালার প্রবেশ

পুরবাল। কী হচ্ছে তোমাদের?

নীরবাল। মুখুজ্যেশায়ের কাছে পড়া বলে নিতে এসছি দিদি। তা উনি

বলছেন, ঔর বাইরের ঘরটা ভালো করে ঝেড়ে সাজিয়ে না দিলে উনি পড়াবেন না।
তাই সেজদিদিতে আমাতে ঔর ঘর সাজাতে যাচ্ছি। আর ভাই!

নূপবালা। তোর ইচ্ছে হয়েছে তুই ঘর সাজাতে যা-না— আমি যাব না।

নীরবালা। বাঃ, আমি একা খেটে মরব আর তুমি স্বচ্ছ তার ফল পাবে, সে হবে না।

নূপকে গ্রেফতার করিয়া লইয়া নীর চলিয়া গেল।

পুরবালা। সব গুছিয়ে নিয়েছি। এখনও ট্রেন যাবার দেরি আছে বোধ হয়।

অক্ষয়। যদি মিস করতে চাও তা হলে ঢের দেরি আছে।

পুরবালা। তা হলে চল, আমাকে স্টেশনে পৌঁছে দেবে। চললুম রসিকদাদা—
তুমি এখানে রইলে, এই শিশুগুলিকে একটু সামলে রেখো। [প্রণাম

রসিক। কিছু ভেবো না দিদি, এরা সকলে আমাকে যে-রকম বিপরীত ভয় করে,
টুঁশকটি করতে পারবে না।

শৈল। দিদি ভাই, তুমি একটু থামো। আমি এই কাপড়টা ছেড়ে এসে তোমাকে
প্রণাম করছি।

পুরবালা। কেন? ছাড়তে মন গেল যে?

শৈল। না ভাই, এ-কাপড়ে নিজেকে আর-এক জন বলে মনে হয়, তাদের গায়ে
হাত দিতে ইচ্ছে হয় না! রসিকদাদা, এই নাও, আমার গৌফটা সাবধানে রেখে
দাও, হারিয়ে না।

ষষ্ঠ পরিচ্ছেদ

শ্রীশ তাহার বাসায় দক্ষিণের বারান্দায় একখানা বড়োহাতাওআলা কেদারার দুই
হাতার উপর দুই পা তুলিয়া দিয়া গুরুসঙ্ঘায় চূপচাপ বসিয়া সিগারেট ফুঁকিতেছিল।
পাশে টিপায়ের উপর রেকাবিতে একটি গ্রাস বরফ-দেওয়া লেমনেড ও শুঁপাকার
কুন্দফুলের মালা।

বিপিন পশ্চাৎ হইতে প্রবেশ করিয়া তাহার স্বাভাবিক প্রবল গভীর কণ্ঠে ডাকিয়া
উঠিল, “কী গো সন্ন্যাসীঠাকুর।”

শ্রীশ তৎক্ষণাৎ হাতা হইতে পা নামাইয়া উঠিয়া বসিয়া উচ্চৈঃস্বরে হাসিয়া উঠিল।
কহিল, “এখনও বুঝি ঝগড়া ভুলতে পারনি?”

শ্রীশ কিছুক্ষণ আগেই তাবিত্তেছিল, এক বার বিপিনের ওখানে যাওয়া বাক।

কিন্তু শরৎসন্ধ্যার নির্মল জ্যোৎস্নার দ্বারা আবিষ্ট হইয়া নড়িতে পারিতেছিল না। একটি গ্লাস বরফশীতল লেমনেড ও কুম্ভফুলের মালা আনাইয়া জ্যোৎস্নাসুন্দর আকাশে সিগারেটের ধূম-সহযোগে বিচিত্র কল্পনাকুণ্ডলী নির্মাণ করিতেছিল।

শ্রীশ। আচ্ছা ভাই, শিশুপালক, তুমি কি সত্যি মনে কর আমি সন্ন্যাসী হতে পারিনে ?

বিপিন। কেন পারবে না ! কিন্তু অনেকগুলি তন্নিদার চেলা সঙ্গে থাকা চাই।

শ্রীশ। তার তাৎপর্য এই যে, কেউ বা আমার বেলফুলের মালা গঁথে দেবে, কেউ বা বাজার থেকে লেমনেড ও বরফ ভিক্ষে করে আনবে, এই তো ? তাতে কতিটা কী ? যে সন্ন্যাসধর্মে বেলফুলের প্রতি বৈরাগ্য এবং ঠাণ্ডা লেমনেডের প্রতি বিতৃষ্ণা জন্মায় সেটা কি খুব উচ্চরের সন্ন্যাস ?

বিপিন। সাধারণ ভাষায় তো সন্ন্যাসধর্ম বলতে সেই রকমটাই বোঝায়।

শ্রীশ। ওই শোনো ! তুমি কি মনে কর, ভাষায় একটা কথা একটা বই অর্থ নেই ? এক জনের কাছে সন্ন্যাসী কথাটার যে অর্থ, আর-এক জনের কাছেও যদি ঠিক সেই অর্থই হয় তা হলে মন বলে একটা স্বাধীন পদার্থ আছে কী করতে ?

বিপিন। তোমার মন সন্ন্যাসী কথাটার কী অর্থ করছেন আমার মন সেইটি শোনবার জন্য উৎসুক হয়েছেন।

শ্রীশ। আমার সন্ন্যাসীর কাজ এইরকম— গলায় ফুলের মালা, গায়ে চন্দন, কানে কুণ্ডল, মুখে হাশু। আমার সন্ন্যাসীর কাজ মাহুষের চিত্ত-আকর্ষণ। সুন্দর চেহারা, মিষ্টি গলা, বক্তৃতায় অধিকার, এ সমস্ত না থাকলে সন্ন্যাসী হয়ে উপযুক্ত ফল পাওয়া যায় না। রুচি বুদ্ধি কার্ষক্ষমতা ও প্রফুল্লতা, সকল বিষয়েই আমার সন্ন্যাসীসম্প্রদায়কে গৃহস্থের আদর্শ হতে হবে।

বিপিন। অর্থাৎ, এক দল কার্তিককে ময়ূরের উপর চড়ে রাস্তায় বেয়োতে হবে।

শ্রীশ। ময়ূর না পাওয়া যায়, ঠাঁয় আছে, পদব্রজেও নারাজ নই। কুমারসভা মানেই তো কার্তিকের সভা। কিন্তু কার্তিক কি কেবল স্পুরুষ ছিলেন ? তিনিই ছিলেন স্বর্গের সেনাপতি।

বিপিন। লড়াইয়ের জন্তে তাঁর ছুটিমাত্র হাত, কিন্তু বক্তৃতা করবার জন্তে তাঁর তিন-ছোড়া মুখ।

শ্রীশ। এর থেকে প্রমাণ হয়, আমাদের আর্ষ পিতামহরা বাহুবল অপেক্ষা বাক্যবলকে তিনগুণ বেশি বলেই জানতেন। আমিও পালোয়ানিকে বীরস্বের আদর্শ বলে মানিনে।

বিপিন। ওটা বুঝি আমার উপর হল ?

শ্রীশ। ওই দেখো ! মানুষকে অহংকার কিরকম মাটি করে ! তুমি ঠিক করে রেখেছ, পালোয়ান বললেই তোমাকে বলা হল। তুমি কলিযুগের ভীমসেন ! আচ্ছা এস, যুদ্ধ দেখি ! এক বার বীরত্বের পরীক্ষা হয়ে যাক।

এই বলিয়া দুই বন্ধু ক্ষণকালের জন্ত লীলাচ্ছলে হাত-কাড়াকাড়ি করিতে লাগিল। বিপিন হঠাৎ “এইবার ভীমসেনের পতন” বলিয়া ধপ্ করিয়া শ্রীশের কেদারাটা অধিকার করিয়া তাহার উপরে দুই পা তুলিয়া দিল ; এবং “উঃ অসহ তৃষ্ণা” বলিয়া লেমনেডের গ্লাসটি এক নিশ্বাসে খালি করিল। তখন শ্রীশ তাড়াতাড়ি কুন্দফুলের মালাটি সংগ্রহ করিয়া “কিন্তু বিজয়মালাটি আমার” বলিয়া সেটা মাথায় জড়াইল এবং বেতের মোড়ারটার উপরে বসিয়া কহিল, “আচ্ছা ভাই, সত্যি বলা, এক দল শিক্ষিত লোক যদি এই রকম সংসার পরিত্যাগ করে পরিপাটি সজ্জায় প্রফুল্ল প্রসন্ন মুখে গানে এবং বক্তৃতায় ভারতবর্ষের চতুর্দিকে শিক্ষা বিস্তার করে বেড়ায় তাতে উপকার হয় কি না ?”

বিপিন এই তর্কটা লইয়া বন্ধুর সঙ্গে ঝগড়া করিতে ইচ্ছা করিল না। কহিল, “আইডিয়াটা ভালো বটে।”

শ্রীশ। অর্থাৎ, শুনতে সুন্দর কিন্তু করতে অসাধ্য ! আমি বলছি অসাধ্য নয় এবং আমি দৃষ্টান্ত-দ্বারা তার প্রমাণ করব। ভারতবর্ষে সন্ন্যাসধর্ম বলে একটা প্রকাণ্ড শক্তি আছে ; তার ছাই বেড়ে, তার ঝুলিটা কেড়ে নিয়ে, তার জটা মুড়িয়ে, তাকে সৌন্দর্যে এবং কর্মনিষ্ঠায় প্রতিষ্ঠিত করাই চিরকুমার-সভার একমাত্র উদ্দেশ্য। ছেলে পড়ানো এবং দেশলাইয়ের কাঠি তৈরি করবার জন্তে আমাদের মতো লোক চিরজীবনের ব্রত অবলম্বন করেনি। বলা বিপিন, তুমি আমার প্রস্তাবে রাজি আছ কি না ?

বিপিন। তোমার সন্ন্যাসীর ঘে-রকম চেহারা গলা এবং আসবাবের প্রয়োজন আমার তো তার কিছুই নেই। তবে তন্নিদার হয়ে পিছনে বেতে রাজি আছি। কানে যদি সোনার কুণ্ডল, অন্তত চোখে যদি সোনার চশমাটা, পরে যেখানে-সেখানে ঘুরে বেড়াও তা হলে একটা গ্রহরীর দরকার— সে কাজটা আমার দ্বারা কতকটা চলতে পারবে।

শ্রীশ। আবার ঠাট্টা !

বিপিন। না ভাই, ঠাট্টা নয়। আমি সত্যিই বলছি, তোমার প্রস্তাবটাকে যদি সম্ভবপর করে তুলতে পার তা হলে খুব ভালোই হয়। তবে এ-রকম একটা

সম্প্রদায়ে সকলেরই কাজ সমান হতে পারে না, বার যেমন স্বাভাবিক ক্ষমতা সেই অনুসারে যোগ দিতে পারে।

শ্রীশ। সে তো ঠিক কথা। কেবল একটি বিষয়ে আমাদের খুব দৃঢ় হতে হবে, স্বীকৃতির কোনো সংশয় রাখব না।

বিপিন। মাল্যচন্দন অঙ্গদকুণ্ডল সবই রাখতে চাও, কেবল ওই একটা বিষয়ে এত বেশি দৃঢ়তা কেন?

শ্রীশ। ওইগুলো রাখছি বলেই দৃঢ়তা। যে-জন্মে চৈতন্য তাঁর অনুচরদের স্বীলোকের সঙ্গ থেকে কঠিন শাসনে দূরে রেখেছিলেন। তাঁর ধর্ম—অনুরাগ এবং সৌন্দর্যের ধর্ম, সে-জন্মেই তার পক্ষে প্রলোভনের ফাঁদ অনেক ছিল।

বিপিন। তা হলে ভয়টুকুও আছে!

শ্রীশ। আমার নিজের জন্মে লেশমাত্র নেই। আমি আমার মনকে পৃথিবীর বিচিত্র সৌন্দর্যে ব্যাপ্ত করে রেখে দিই, কোনো একটা ফাঁদে আমাকে ধরে কার সাধ্য, কিন্তু তোমরা যে দিনরাত্রি ফুটবল টেনিস ক্রিকেট নিয়ে থাক—তোমরা এক বার পড়লে ব্যাটবল গুলিভাঙা সব-স্বচ্ছ ঘাড়মোড় ভেঙে পড়বে।

বিপিন। আচ্ছা ভাই, সময় উপস্থিত হলে দেখা যাবে।

শ্রীশ। ও কথা ভালো নয়। সময় উপস্থিত হবে না, সময় উপস্থিত হতে দেব না। সময় তো রথে চড়ে আসেন না, আমরা তাঁকে ঘাড়ে করে নিয়ে আসি—কিন্তু তুমি যে সময়টার কথা বলছ তাকে বাহন অভাবে কিরতেই হবে।

পূর্ণর প্রবেশ

উভয়ে। এস পূর্ণবাবু!

বিপিন তাহাকে কেদারাটা ছাড়িয়া দিয়া একটা চৌকি টানিয়া লইয়া বসিল। পূর্ণর সহিত শ্রীশ ও বিপিনের তেমন ঘনিষ্ঠতা ছিল না বলিয়া তাহাকে দু-জনেই একটু বিশেষ খাতির করিয়া চলিত।

পূর্ণ। তোমাদের এই বারান্দায় জ্যোৎস্নাটি তো মন্দ রচনা করনি—মাঝে মাঝে থামের ছায়া কেলে কেলে সাজিয়েছ ভালো।

শ্রীশ। ছাদের উপর জ্যোৎস্না রচনা করা প্রভৃতি কতকগুলি অত্যাশ্চর্য ক্ষমতা জন্মাবার পূর্ব হতেই আমার আছে। কিন্তু দেখো পূর্ণবাবু, ওই দেশলাই করা-টরা ওগুলো আমার ভালো আসে না।

পূর্ণ। (ফুলের মালার দিকে চাহিয়া) সন্ন্যাসধর্মেই কি তোমার অসামান্য দখল আছে না কি ?

শ্রীশ। সেই কথাই তো হচ্ছিল। সন্ন্যাসধর্ম তুমি কাকে বল শুনি।

পূর্ণ। যে ধর্মে দর্জি ধোবা নাপিতের কোনো সহায়তা নিতে হয় না, তাঁতিকে একেবারেই অগ্রাহ্য করতে হয়, পিয়ার্স সোপের বিজ্ঞাপনের দিকে দৃকপাত করতে হয় না—

শ্রীশ। আরে ছিঃ, সে সন্ন্যাসধর্ম তো বুড়ো হয়ে মরে গেছে, এখন 'নবীন সন্ন্যাসী' বলে একটা সম্প্রদায় গড়তে হবে—

পূর্ণ। বিজ্ঞানসুন্দরের ষাত্রায় যে নবীন সন্ন্যাসী আছেন তিনি মন্দ দৃষ্টান্ত নন, কিন্তু তিনি তো চিরকুমার-সভার বিধানমতে চলেননি।

শ্রীশ। যদি চলতেন তা হলে তিনিই ঠিক দৃষ্টান্ত হতে পারতেন। সাজে সজ্জায় বাক্যে আচরণে সুন্দর এবং সুনিপুণ হতে হবে—

পূর্ণ। কেবল রাজকন্য়ার দিক থেকে দৃষ্টি নামাতে হবে, এই তো ? বিনি-সুতোয় মালা গাঁথতে হবে, কিন্তু সে মালা পরাতে হবে কার গলায় হে ?

শ্রীশ। স্বদেশের। কথাটা কিছু উচ্চশ্রেণীর হয়ে পড়ল। কী করব বলো, মালিনী মাসি এবং রাজকুমারী একেবারেই নিষিদ্ধ, কিন্তু ঠাট্টা নয় পূর্ণবাবু—

পূর্ণ। ঠাট্টার মতো মোটেই শোনাচ্ছে না, ভয়ানক কড়া কথা একেবারে খটখটে শুকনো।

শ্রীশ। আমাদের চিরকুমার-সভা থেকে এমন একটি সন্ন্যাসী-সম্প্রদায় গঠন করতে হবে যারা রুচি শিক্ষা ও কর্মে সকল গৃহস্থের আদর্শ হবে। যারা সংগীত প্রভৃতি কলা-বিজ্ঞায় অদ্বিতীয় হবে আবার লাঠি-তলোয়ার খেলা, ঘোড়ায় চড়া, বন্দুক লক্ষ্য করায় পারদর্শী হবে—

পূর্ণ। অর্থাৎ, মনোহরণ এবং প্রাণহরণ দুই কর্মেই মজবুত হবে। পুরুষ দেবী-চৌধুরানীর দল আর-কি।

শ্রীশ। বন্ধিমবাবু আমার আইডিয়াটা পূর্বে হতেই চুরি করে রেখেছেন, কিন্তু ওটাকে কাজে লাগিয়ে আমাদের নিজের করে নিতে হবে।

পূর্ণ। সভাপতি মশায় কী বলেন ?

শ্রীশ। তাঁকে ক'দিন ধরে বুঝিয়ে বুঝিয়ে আমার দলে টেনে নিয়েছি। কিন্তু তিনি তাঁর দেশলাইয়ের কাঠি ছাড়েননি। তিনি বলেন, সন্ন্যাসীরা কৃষিতত্ত্ব বস্তুতত্ত্ব প্রভৃতি শিখে গ্রামে গ্রামে চাষাদের শিখিয়ে বেড়াবে, এক টাকা করে শেয়ার নিয়ে একটা

ব্যাঙ্ক খুলে বড়ো বড়ো পল্লীতে নূতন নিয়মে এক-একটা দোকান বসিয়ে আসবে— ভারতবর্ষের চারি দিকে বাণিজ্যের জাল বিস্তার করে দেবে। তিনি খুব মেতে উঠেছেন।

পূর্ণ। বিপিনবাবুর কী মত ?

বিপিনের মতে শ্রীশের এই কল্পনাটি কার্যসাধ্য নয় ; কিন্তু শ্রীশের সর্বপ্রকার পাগলামিকে সে স্নেহের চক্ষে দেখিত, প্রতিবাদ করিয়া শ্রীশের উৎসাহে আঘাত দিতে তাহার কোনোমতেই মন সরিত না। সে বলিল, “যদিচ আমি নিজেকে শ্রীশের নবীন সন্ন্যাসী সম্প্রদায়ের আদর্শ পুরুষ বলে জ্ঞান করিনে, কিন্তু দল যদি গড়ে ওঠে তো আমিও সন্ন্যাসী সাজতে রাজি আছি।”

পূর্ণ। কিন্তু সাজতে খরচ আছে মশায়। কেবল কোপীন নয় তো— অঙ্গদ, কুণ্ডল, আভরণ, কুম্বলীন, দেলখোস—

শ্রীশ। পূর্ণবাবু, ঠাট্টাই কর আর যাই কর, চিরকুমার-সভা সন্ন্যাসীসভা হবেই। আমরা এক দিকে কঠোর আত্মত্যাগ করব, অন্য দিকে মনুষ্যত্বের কোনো উপকরণ থেকে নিজেকে বঞ্চিত করব না। আমরা কঠিন শৌর্ষ এবং ললিত সৌন্দর্য উভয়কেই সমান আদরে বরণ করব। সেই ছরুহ সাধনায় ভারতবর্ষে নবযুগের আবির্ভাব হবে—

পূর্ণ। বুঝেছি শ্রীশবাবু! কিন্তু নারী কি মনুষ্যত্বের একটা সর্বপ্রধান উপকরণের মধ্যে গণ্য নয় ? এবং তাকে উপেক্ষা করলে ললিত সৌন্দর্যের প্রতি কি সমাদর রক্ষা হবে ? তার কী উপায় করলে ?

শ্রীশ। নারীর একটা দোষ নরজাতিতে তিনি লতার মতো বেঁটন করে ধরেন, যদি তাঁর দ্বারা বিজড়িত হবার আশঙ্কা না থাকত, যদি তাঁকে রক্ষা করেও স্বাধীনতা রক্ষা করা যেত, তা হলে কোনো কথা ছিল না। কাজে যখন জীবন উৎসর্গ করতে হবে তখন কাজের সমস্ত বাধা দূর করতে চাই। পাণিগ্রহণ করে ফেললে নিজের পাণিকেও বন্ধ করে ফেলতে হবে, সে হলে চলবে না পূর্ণবাবু!

পূর্ণ। ব্যস্ত হোয়ো না ভাই, আমি আমার শুভবিবাহে তোমাদের নিমন্ত্রণ করতে আসিনি। কিন্তু ভেবে দেখো দেখি, মনুষ্যজন্ম আর পাব কি না সন্দেহ— অথচ হৃদয়কে চিরজীবন যে পিপাসার জল থেকে বঞ্চিত করতে যাচ্ছি তার পূরণস্বরূপ আর কোথাও আর কিছু জুটবে কি ? মুসলমানের স্বর্গে হরি আছে, হিন্দুর স্বর্গেও অঙ্গরার অভাব নেই, চিরকুমার-সভার স্বর্গে সভাপতি এবং সত্যমশায়ীদের চেয়ে মনোরম আর কিছু পাওয়া যাবে কি।

শ্রীশ। পূর্ণবাবু বল কী ? তুমি যে—

পূর্ণ। ভয় নেই ভাই, এখনও মরিয়া হয়ে উঠিনি। তোমার এই ছাদ-ভরা জ্যোৎস্না আর ওই ফুলের গন্ধ কি কৌমার্যব্রতরক্ষার সহায়তা করবার জন্তে সৃষ্টি হয়েছে? মনের মধ্যে মাঝে মাঝে যে বাষ্প জমে আমি সেটাকে উচ্ছ্বসিত করে দেওয়াই ভালো বোধ করি, চেপে রেখে নিজেকে ভোলাতে গেলে কোন্ দিন চিরকুমারব্রতের লোহার বয়লারখানা ফেটে যাবে। যাই হোক, যদি সন্ন্যাসী হওয়াই স্থির কর তো আমিও যোগ দেব, কিন্তু আপাতত সভাটাকে তো রক্ষা করতে হবে।

শ্রীশ। কেন? কী হয়েছে?

পূর্ণ। অক্ষয়বাবু আমাদের সভাকে যে স্থানান্তর করবার ব্যবস্থা করছেন এটা আমার ভালো ঠেকছে না।

শ্রীশ। সন্দেহ জিনিসটা নাস্তিকতার ছায়া। মন্দ হবে, ভেঙে যাবে, নষ্ট হবে, এ-সব ভাব আমি কোনো অবস্থাতেই মনে স্থান দিইনে। ভালোই হবে, যা হচ্ছে বেশ হচ্ছে— চিরকুমার-সভার উদার বিস্তীর্ণ ভবিষ্যৎ আমি চোখের সম্মুখে দেখতে পাচ্ছি— অক্ষয়বাবু সভাকে এক বাড়ি থেকে অন্য বাড়িতে নিমন্ত্রণ করে তার কী অনিষ্ট করতে পারেন? কেবল গলির এক নম্বর থেকে আর-এক নম্বরে নয়, আমাদের যে পথে পথে দেশে দেশে সঞ্চরণ করে বেড়াতে হবে। সন্দেহ শব্দ উদ্বেগ এগুলো মন থেকে দূর করে দাও পূর্ণবাবু! বিশ্বাস এবং আনন্দ না হলে বড়ো কাজ হয় না।

পূর্ণ নিরুত্তর হইয়া বসিয়া রহিল। বিপিন কহিল, “দিনকতক দেখাই যাক-না, যদি কোনো অসুবিধার কারণ ঘটে তা হলে স্বস্থানে ফিরে আসা যাবে; আমাদের সেই অন্ধকার বিবরণি ফস করে কেউ কেড়ে নিচ্ছে না।”

হায়, পূর্ণের হৃদয়বেদনা কে বুঝিবে?

অকস্মাৎ চন্দ্রমাধববাবুর সবেগে প্রবেশ

তিন জনের সসম্মুখে উত্থান

চন্দ্র। দেখো, আমি সেই কথাটা ভাবছিলুম—

শ্রীশ। বসুন।

চন্দ্র। না না, বসব না, আমি এখনই যাচ্ছি। আমি বলছিলুম, সন্ন্যাসব্রতের জন্তে আমাদের এখন থেকে প্রস্তুত হতে হবে। হঠাৎ একটা অপঘাত ঘটলে, কিম্বা সাধারণ জরজ্বালায়, কিরকম চিকিৎসা সে আমাদের শিক্ষা করতে হবে— ডাক্তার রামরতনবাবু ফি রবিবারে আমাদের দু'ঘণ্টা করে বক্তৃতা দেবেন বন্দোবস্ত করে এসেছি।

শ্রীশ। কিন্তু তাতে অনেক বিলম্ব হবে না?

চন্দ্র । বিলম্ব তো হবেই, কাজটি তো সহজ নয় । কেবল তাই নয়— আমাদের কিছু কিছু আইন অধ্যয়নও দরকার । অবিচার-অত্যাচার থেকে রক্ষা করা, এবং কার কতদূর অধিকার সেটা চাষাভূষাদের বুঝিয়ে দেওয়া আমাদের কাজ ।

শ্রীশ । চন্দ্রবাবু, বহন—

চন্দ্র । না শ্রীশবাবু, বসতে পারছি নে, আমার একটু কাজ আছে । আর-একটি আমাদের করতে হচ্ছে— গোকুর গাড়ি, টেকি, তাঁত প্রভৃতি আমাদের দেশী অত্যাধিক জিনিসগুলিকে একটু-আধটু সংশোধন করে যাতে কোনো অংশে তাদের সস্তা বা মজবুত বা বেশি উপযোগী করে তুলতে পারি সে চেষ্টা আমাদের করতে হবে । এবারে গরমির ছুটিতে কেদারবাবুদের কারখানায় গিয়ে প্রত্যহ আমাদের কতকগুলি পরীক্ষা করা চাই ।

শ্রীশ । চন্দ্রবাবু, অনেকক্ষণ দাঁড়িয়ে আছেন— [চৌকি অগ্রসর-করণ

চন্দ্র । না, না, আমি এখনি যাচ্ছি । দেখো আমার মত এই যে, এই-সমস্ত গ্রামের ব্যবহার্য সামান্য জিনিসগুলির যদি আমরা কোনো উন্নতি করতে পারি তা হলে তাতে করে চাষাদের মনের মধ্যে যে-রকম আন্দোলন হবে, বড়ো বড়ো সংস্কার-কার্যেও তেমন হবে না । তাদের সেই চিরকালে টেকি-ঘানির কিছু পরিবর্তন করতে পারলে তবে তাদের সমস্ত মন সজাগ হয়ে উঠবে, পৃথিবী যে এক জায়গায় দাঁড়িয়ে নেই এ তারা বুঝতে পারবে—

শ্রীশ । চন্দ্রবাবু, বসবেন না কী ?

চন্দ্র । থাক না । এক বার ভেবে দেখো, আমরা যে এতকাল ধরে শিক্ষা পেয়ে আসছি, উচিত ছিল আমাদের টেকি-কুলো থেকে তার পরিচয় আরম্ভ হওয়া । বড়ো বড়ো কলকারখানা তো দূরের কথা, ঘরের মধ্যেই আমাদের সজাগ দৃষ্টি পড়ল না । আমাদের হাতের কাছে যা আছে আমরা না তার দিকে ভালো করে চেয়ে দেখলুম, না তার সম্বন্ধে কিছুমাত্র চিন্তা করলুম । যা ছিল তা তেমনিই রয়ে গেছে । মানুষ অগ্রসর হচ্ছে অথচ তার জিনিসপত্র পিছিয়ে থাকছে, এ কখনো হতেই পারে না । আমরা পড়েই আছি— ইংরেজ আমাদের কাঁধে করে বহন করছে, তাকে এগোনো বলে না । ছোটোখাটো সামান্য গ্রাম্য জীবনযাত্রা পল্লীগ্রামের পঙ্কিল পথের মধ্যে বন্ধ হয়ে অচল হয়ে আছে, আমাদের সন্ন্যাসীসম্প্রদায়কে সেই গোকুর গাড়ির চাকা ঠেলতে হবে— কলের গাড়ির চালক হবার ছুরাশা এখন থাক । কটা বাজল শ্রীশবাবু ?

শ্রীশ । সাড়ে আটটা বেজে গেছে ।

চন্দ্র । তা হলে আমি যাই । কিন্তু এই কথা রইল, আমাদের এখন অল্প সমস্ত আলোচনা ছেড়ে নিয়মিত শিক্ষাকার্যে প্রবৃত্ত হতে হবে এবং—

পূর্ণ । আপনি যদি একটু বসেন চন্দ্রবাবু তা হলে আমার দুই-একটা কথা বলবার আছে—

চন্দ্র । না, আজ আর সময় নেই—

পূর্ণ । বেশি কিছু নয়, আমি বলছিলুম আমাদের সভা—

চন্দ্র । সে কথা কাল হবে পূর্ণবাবু—

পূর্ণ । কিন্তু কালই তো সভা বসছে—

চন্দ্র । আচ্ছা, তা হলে পরন্তু, আমার সময় নেই—

পূর্ণ । দেখুন, অক্ষয়বাবু যে—

চন্দ্র । পূর্ণবাবু, আমাকে মাপ করতে হবে, আজ দেরি হয়ে গেছে । কিন্তু দেখো, আমার একটা কথা মনে হচ্ছিল যে, চিরকুমার-সভা যদি ক্রমে বিস্তীর্ণ হয়ে পড়ে তা হলে আমাদের সকল সভ্যই কিছু সন্ন্যাসী হয়ে বেরিয়ে যেতে পারবেন না— অতএব গুর মধ্যে দুটি বিভাগ রাখা দরকার হবে—

পূর্ণ । স্থাবর এবং অস্থাবর ।

চন্দ্র । তা, সে যে নামই দাও । তা ছাড়া অক্ষয়বাবু সেদিন একটা কথা যা বললেন সেও আমার মন্দ লাগল না । তিনি বলেন, চিরকুমার-সভার সংশ্রবে আর-একটি সভা রাখা উচিত যাতে বিবাহিত এবং বিবাহসংকল্পিত লোকদের নেওয়া যেতে পারে গৃহী লোকদেরও তো দেশের প্রতি কর্তব্য আছে । সকলেরই সাধ্যমত কোন-না-কোনো হিতকর কাজে নিযুক্ত থাকতে হবে— এইটে হচ্ছে সাধারণ ব্রত । আমাদের এক দল কুমারব্রত ধারণ করে দেশে দেশে বিচরণ করবেন, এক দল কুমারব্রত ধারণ করে এক জায়গায় স্থায়ী হয়ে বসে কাজ করবেন, আর-এক দল গৃহী নিজ নিজ কুচি ও সাধ্য -অনুসারে একটা কোনো প্রয়োজনীয় কাজ অবলম্বন করে দেশের প্রতি কর্তব্য পালন করবেন । যারা পর্যটকসম্প্রদায়ভুক্ত হবেন তাঁদের ম্যাপ প্রস্তুত, অরিপ, ভূতত্ত্ববিজ্ঞা, উদ্ভিদবিজ্ঞা, প্রাণিতত্ত্ব প্রভৃতি শিখতে হবে ; তাঁরা যে দেশে যাবেন সেখানকার সমস্ত তথ্য তন্ন তন্ন করে সংগ্রহ করবেন— তা হলেই ভারতবর্ষের দ্বারা ভারতবর্ষের স্বার্থ বিবরণ লিপিবদ্ধ হবার ভিত্তি স্থাপিত হতে পারবে— হুঁটার সাহেবের উপরেই নির্ভর করে কাটাতে হবে না—

পূর্ণ । চন্দ্রবাবু যদি বসেন তা হলে একটা কথা—

চন্দ্র । না— আমি বলছিলুম— যেখানে যেখানে যাব সেখানকার ঐতিহাসিক

জনশ্রুতি এবং পুরাতন পুঁথি সংগ্রহ করা আমাদের কাজ হবে— শিলালিপি, তাম্রশাসন এগুলোও সম্বান করতে হবে— অতএব প্রাচীন লিপি-পরিচয়টাও আমাদের কিছুদিন অভ্যাস করা আবশ্যিক।

পূর্ণ। সে-সব তো পরের কথা, আপাতত—

চন্দ্র। না, না, আমি বলছি নে সকলকেই সব বিদ্যা শিখতে হবে, তা হলে কোনো কালে শেষ হবে না। অভিকৃষ্টি-অহুসারে গুর মধ্যে আমরা কেউ বা একটা কেউ বা দুটো-তিনটে শিখা করব—

শ্রীশ। কিন্তু তা হলেও—

চন্দ্র। ধরো, পাঁচ বছর। পাঁচ বছরে আমরা প্রস্তুত হয়ে বেরোতে পারব। যারা চিরজীবনের ব্রত গ্রহণ করবে, পাঁচ বছর তাদের পক্ষে কিছুই নয়। তা ছাড়া এই পাঁচ বছরেই আমাদের পরীক্ষা হয়ে যাবে, যারা টিকে থাকতে পারবেন তাঁদের সম্বন্ধে আর কোনো সন্দেহ থাকবে না।

পূর্ণ। কিন্তু দেখুন, আমাদের সভাটা যে স্থানান্তর করা হচ্ছে—

চন্দ্র। না পূর্ণবাবু, আজ আর কিছুতেই না, আমার অত্যন্ত জরুরি কাজ আছে। পূর্ণবাবু, আমার কথাগুলো ভালো করে চিন্তা করে দেখো। আপাতত মনে হতে পারে অসাধ্য— কিন্তু তা নয়। দুঃসাধ্য বটে, তা ভালো কাজ মাত্রই দুঃসাধ্য। আমরা যদি পাঁচটি দৃঢ়প্রতিজ্ঞ লোক পাই তা হলে আমরা যা কাজ করব তা চিরকালের জন্তে ভারতবর্ষকে আচ্ছন্ন করে দেবে।

শ্রীশ। কিন্তু আপনি যে বলছিলেন গোকুর গাড়ির চাকা প্রভৃতি ছোটো ছোটো জিনিস—

চন্দ্র। ঠিক কথা, আমি তাকেও ছোটো মনে করে উপেক্ষা করি নে, এবং বড়ো কাজকেও অসাধ্য জ্ঞান করে ভয় করি নে—

পূর্ণ। কিন্তু সভার অধিবেশন সম্বন্ধেও—

চন্দ্র। সে-সব কথা কাল হবে পূর্ণবাবু! আজ তবে চললুম। [ক্ষতবেগে প্রশ্নান বিপিন। তাই শ্রীশ, চূপচাপ যে! এক মাতালের মাংলামি দেখে অন্য মাতালের নেশা ছুটে যায়। চন্দ্রবাবুর উৎসাহে তোমাকে হুঙ্কার দিয়ে দিয়েছে।

শ্রীশ। না হে, অনেক ভাববার কথা আছে। উৎসাহ কি সব সময়ে কেবল বকাবকি করে? কখনো বা একেবারে নিস্তর হয়ে থাকে, সেইটেই হল সাংঘাতিক অবস্থা।

বিপিন। পূর্ণবাবু, হঠাৎ পালানো যে?

পূর্ণ। সভাপতিমশায়কে রাস্তায় ধরতে যাচ্ছি— পথে যেতে যেতে যদি দৈবাৎ আমার দুটো-একটা কথায় কর্ণপাত করেন।

বিপিন। ঠিক উল্টো হবে। তাঁর যে কটা কথা বাকি আছে সেইগুলো তোমাকে শোনাতে শোনাতে কোথায় যাবার আছে সে কথা ভুলেই যাবেন।

বনমালীর প্রবেশ

বনমালী। ভালো আছেন শ্রীশবাবু? বিপিনবাবু ভালো তো? এই-যে পূর্ণবাবুও আছেন দেখছি! তা, বেশ হয়েছে। আমি অনেক বলে ক'য়ে সেই কুমারটুলির পাত্রীদুটিকে ঠেকিয়ে রেখেছি।

শ্রীশ। কিন্তু আমাদের আর ঠেকিয়ে রাখতে পারবেন না। আমরা একটা গুরুতর কিছু করে ফেলব।

পূর্ণ। আপনারা বহন শ্রীশবাবু! আমার একটা কাজ আছে।

বিপিন। তার চেয়ে আপনি বহন পূর্ণবাবু! আপনার কাজটা আমরা দুজনে মিলে সেরে দিয়ে আসছি।

পূর্ণ। তার চেয়ে তিন জনে মিলে সারাই তো ভালো।

বনমালী। আপনারা ব্যস্ত হচ্ছেন দেখছি। আচ্ছা, তা, আর-এক সময় আসব।

সপ্তম পরিচ্ছেদ

চন্দ্রমাধববাবু যখন ডাকিলেন— “নির্মল”, তখন একটা উত্তর পাইলেন বটে “কী মামা”, কিন্তু সুরটা ঠিক বাজিল না। চন্দ্রবাবু ছাড়া আর যে-কেহ হইলে বুঝিতে পারিত সে অঞ্চলে অল্প একটুখানি গোল আছে।

“নির্মল, আমার গলার বোতামটা খুঁজে পাচ্ছি নে।”

“বোধ হয় ওইখানেই কোথাও আছে।”

এরূপ অনাবশ্যক এবং অনির্দিষ্ট সংবাদে কাহারও কোনো উপকার নাই, বিশেষত যাহার দৃষ্টিশক্তি ক্ষীণ। ফলত এই সংবাদে অদৃশ্য বোতাম সম্বন্ধে কোনো নূতন জ্ঞানলাভের সহায়তা না করিলেও নির্মলার মানসিক অবস্থা সম্বন্ধে অনেকটা আলোক বর্ষণ করিল। কিন্তু অধ্যাপক চন্দ্রমাধববাবুর দৃষ্টিশক্তি সে দিকেও যথেষ্ট প্রখর নহে।

তিনি অল্প দিনের মতোই নিশ্চিত নির্ভরের ভাবে কহিলেন, “এক বার খুঁজে দেখো তো ফেনি।”

নির্মলা কহিল, “তুমি কোথায় কী ফেল আমি কি খুঁজে বের করতে পারি?”

এতক্ষণে চন্দ্রবাবুর স্বভাবনিঃশব্দ মনে একটুখানি সন্দেহের সঞ্চার হইল; স্নিগ্ধকণ্ঠে কহিলেন, “তুমিই তো পার নির্মল। আমার সমস্ত ক্রটিসম্বন্ধে এত ধৈর্য আর কার আছে?”

নির্মলার রুদ্ধ অভিমান চন্দ্রবাবুর স্নেহস্বরে অকস্মাৎ অশ্রুজলে বিগলিত হইবার উপক্রম করিল; নিঃশব্দে সঙ্গরণ করিবার চেষ্টা করিতে লাগিল।

তাহাকে নিরুত্তর দেখিয়া চন্দ্রমাধববাবু নির্মলার কাছে আসিলেন এবং যেমন করিয়া সন্দিগ্ধ মোহরটি চোখের খুব কাছে ধরিয়া পরীক্ষা করিতে হয় তেমনি করিয়া নির্মলার মুখখানি দুই আঙুল দিয়া তুলিয়া ধরিয়া ক্ষণকাল দেখিলেন এবং গম্ভীর মুহূর্ত্তে কহিলেন, “নির্মল আকাশে একটুখানি মালিন্য দেখছি যেন! কী হয়েছে বলো দেখি।”

নির্মলা জানিত চন্দ্রমাধববাবু অহুমানের চেষ্টাও করিবেন না। যাহা স্পষ্ট প্রকাশমান নহে তাহা তিনি মনের মধ্যে স্থানও দিতেন না। তাঁহার নিজের চিন্তা যেমন শেষ পর্বস্ত স্বচ্ছ অন্তের নিকটও সেইরূপ একান্ত স্বচ্ছতা প্রত্যাশা করিতেন।

নির্মলা ক্ষুব্ধ স্বরে কহিল, “এত দিন পরে আমাকে তোমাদের চিরকুমার-সভা থেকে বিদায় দিচ্ছ কেন? আমি কী করেছি?”

চন্দ্রমাধববাবু আশ্চর্য হইয়া কহিলেন, “চিরকুমার-সভা থেকে তোমাকে বিদায়? তোমার সঙ্গে সে সভার যোগ কী?”

নির্মলা। দরজার আড়ালে থাকলে বৃষ্টি যোগ থাকে না? অন্তত সেই ষতটুকু যোগ তাই বা কেন যাবে?

চন্দ্রবাবু। নির্মল, তুমি তো এ সভার কাজ করবে না— যারা কাজ করবে তাদের সুবিধার প্রতি লক্ষ রেখেই—

নির্মলা। আমি কেন কাজ করব না? তোমার ভাগ্যে না হয়ে ভাগ্যী হয়ে জন্মেছি বলেই কি তোমাদের হিতকার্ণে যোগ দিতে পারব না? তবে আমাকে এত দিন শিক্ষা দিলে কেন? নিজের হাতে আমার সমস্ত মনপ্রাণ জাগিয়ে দিয়ে শেষকালে কাজের পথ রোধ করে দাও কী বলে?

চন্দ্রমাধববাবু এই উচ্ছ্বাসের জন্য কিছুমাত্র প্রস্তুত ছিলেন না; তিনি যে নির্মলাকে নিজে কী ভাবে গড়িয়া তুলিয়াছিলেন তাহা নিজেই জানিতেন না। ধীরে ধীরে

কহিলেন, “নির্মল, এক সময়ে তো বিবাহ করে তোমাকে সংসারের কাজে প্রবৃত্ত হতে হবে— চিরকুমার-সভার কাজ—”

“বিবাহ আমি করব না।”

“তবে কী করবে বলো।”

“দেশের কাজে তোমার সাহায্য করব।”

“আমরা তো সন্ন্যাস ব্রত গ্রহণ করতে প্রস্তুত হয়েছি।”

“ভারতবর্ষে কি কেউ কখনো সন্ন্যাসিনী হয় নি?”

চন্দ্রমাধববাবু স্তম্ভিত হইয়া হারানো বোতামটার কথা একেবারে ভুলিয়া গেলেন। নিরন্তর হইয়া দাঁড়াইয়া রহিলেন।

উৎসাহদীপ্তিতে মুখ আরক্তিম করিয়া নির্মলা কহিল, “মামা, যদি কোনো মেয়ে তোমাদের ব্রত গ্রহণের জন্যে অস্তরের সঙ্গে প্রস্তুত হয় তবে প্রকাশ্যভাবে তোমাদের সভার মধ্যে কেন তাকে গ্রহণ করবে না? আমি তোমাদের কৌমার্যসভার কেন সভ্য না হব?”

নিষ্কলুষচিত্ত চন্দ্রমাধবের কাছে ইহার কোনো উত্তর ছিল না। তবু দ্বিধাকূড়িতভাবে বলিতে লাগিলেন, “অন্য ষাঁরা সভ্য আছেন—”

নির্মলা কথা শেষ না হইতেই বলিয়া উঠিল, “ষাঁরা সভ্য আছেন, ষাঁরা ভারতবর্ষের হিতব্রত নেবেন, ষাঁরা সন্ন্যাসী হতে যাচ্ছেন— তাঁরা কি একজন ব্রতধারিণী স্ত্রীলোককে অসংকোচে নিজের দলে গ্রহণ করতে পারবেন না? তা যদি হয় তা হলে তাঁরা গৃহী হয়ে ঘরে রুদ্ধ থাকুন, তাঁদের দ্বারা কোনো কাজ হবে না।”

চন্দ্রমাধববাবু চুলগুলার মধ্যে ঘন ঘন পাঁচ আঙুল চালাইয়া অত্যন্ত উন্মোখুন্মো করিয়া তুলিলেন। এমন সময় হঠাৎ তাঁহার আস্থিনের ভিতর হইতে হারানো বোতামটা মাটিতে পড়িয়া গেল; নির্মলা হাসিতে হাসিতে কুড়াইয়া লইয়া চন্দ্রমাধববাবুর কামিজের গলায় লাগাইয়া দিল— চন্দ্রমাধববাবু তাহার কোনো খবর লইলেন না— চুলের মধ্যে অঙ্গুলি চালনা করিতে করিতে মস্তিষ্ককুলায়ের চিন্তাগুলিকে বিত্রত করিতে লাগিলেন।

চাকর আসিয়া খবর দিল, পূর্ণবাবু আসিয়াছেন। নির্মলা ঘর হইতে চলিয়া গেলে তিনি প্রবেশ করিলেন। কহিলেন, “চন্দ্রবাবু, সে কথাটা কি ভেবে দেখলেন? আমাদের সভাটিকে স্থানান্তর করা আমার বিবেচনায় ভালো হচ্ছে না।”

চন্দ্র। আজ আর একটি কথা উঠেছে, সেটা পূর্ণবাবু তোমার সঙ্গে ভালো করে আলোচনা করতে ইচ্ছা করি। আমার একটি ভায়ী আছেন বোধ হয় জানো?

পূর্ণ। (নিরীহভাবে) আপনার ভায়ী?

চন্দ্র। হাঁ, তাঁর নাম নির্মলা। আমাদের চিরকুমার-সভার সঙ্গে তাঁর হৃদয়ের খুব যোগ আছে।

পূর্ণ। (বিস্মিতভাবে) বলেন কী!

চন্দ্র। আমার বিশ্বাস, তাঁর অহুরাগ এবং উৎসাহ আমাদের কারও চেয়ে কম নয়।

পূর্ণ। (উত্তেজিতভাবে) এ কথা শুনে আমাদের উৎসাহ বেড়ে ওঠে। স্বীলোক হয়ে তিনি—

চন্দ্র। আমিও সেই কথা ভাবছি, স্বীলোকের সরল উৎসাহ পুরুষের উৎসাহে যেন নূতন প্রাণ সঞ্চার করতে পারে— আমি নিজেই সেটা আজ অসম্ভব করেছি।

পূর্ণ। (আবেগপূর্ণভাবে) আমিও সেটা বেশ অসম্ভব করতে পারি।

চন্দ্র। পূর্ণবাবু, তোমারও কি ওই মত?

পূর্ণ। কী মত বলছেন?

চন্দ্র। অর্থাৎ, ষথার্থ অহুরাগী স্বীলোক আমাদের কঠিন কর্তব্যের বাধা না হয়ে ষথার্থ সহায় হতে পারেন?

পূর্ণ। (নেপথ্যের প্রতি লক্ষ করিয়া উচ্চকণ্ঠে) সে বিষয়ে আমার লেশমাত্র সন্দেহ নেই, স্বীজাতির অহুরাগ পুরুষের অহুরাগের একমাত্র সম্ভাব্য নির্ভর— পুরুষের উৎসাহকে নবজাত শিশুটির মতো মাহুষ করে তুলতে পারে কেবল স্বীলোকের উৎসাহ।

শ্রীশ ও বিপিনের প্রবেশ

শ্রীশ। তা তো পারে পূর্ণবাবু, কিন্তু সেই উৎসাহের অভাবেই কি আজ সভার যেতে বিলম্ব হচ্ছে?

পূর্ণ এত উচ্চস্বরে বলিয়া উঠিয়াছিল যে নবাগত দুই জনে সিঁড়ি হইতেই সকল কথা শুনিতে পাইয়াছিলেন।

চন্দ্রবাবু কহিলেন, “না, না, দেরি হবার কারণ, আমার গলার বোতামটা কিছুতেই খুঁজে পাচ্ছিলে।”

শ্রীশ। গলার তো একটা বোতাম লাগানো রয়েছে দেখতে পাচ্ছি— আরও কি প্রয়োজন আছে? যদি বা থাকে, আর ছিন্ন পাবেন কোথা?

চন্দ্রবাবু গলার হাত দিয়া বলিলেন, “তাই তো!” বলিয়া ঈষৎ লজ্জিত হইয়া হাসিতে লাগিলেন।

চন্দ্র। আমরা সকলেই তো উপস্থিত আছি, এখন সেই কথাটার আলোচনা হয়ে যাওয়া ভালো, কী বল পূর্ণবাবু?

হঠাৎ পূর্ণবাবুর উৎসাহ অনেকটা নামিয়া গেল। নির্মলার নাম করিয়া সকলের কাছে আলোচনা উত্থাপন তাহার কাছে রুচিকর বোধ হইল না। সে কিছু কুণ্ঠিত্বেরে কহিল, “সে বেশ কথা, কিন্তু এ দিকে দেরি হয়ে যাচ্ছে না?”

চন্দ্র। না, এখনো সময় আছে। শ্রীশবাবু, তোমরা একটু বোসো-না, কথাটা একটু স্থির হয়ে ভেবে দেখবার যোগ্য। আমার একটি ভাগ্নী আছেন, তাঁর নাম নির্মলা—

পূর্ণ হঠাৎ কাসিয়া লাল হইয়া উঠিল। ভাবিল চন্দ্রবাবুর কাণ্ডজ্ঞানমাত্রই নাই— পৃথিবীর লোকের কাছে নিজের ভাগ্নীর পরিচয় দিবার কী দরকার— অনায়াসে নির্মলাকে বাদ দিয়া কথাটা আলোচনা করা যাইতে পারে। কিন্তু কোনো কথার কোনো অংশ বাদ দিয়া বলা চন্দ্রবাবুর স্বভাব নহে।

চন্দ্র। আমাদের কুমারসভার সমস্ত উদ্দেশ্যের সঙ্গে তাঁর একান্ত মনের মিল।

এত বড়ো একটা খবর শ্রীশ এবং বিপিন অবিচলিত নিরুৎসুক ভাবে শুনিয়া যাইতে লাগিল। পূর্ণ কেবলই ভাবিতে লাগিল, নির্মলার প্রসঙ্গ সম্বন্ধে যাহারা জড় পাষণের মতো উদাসীন, নির্মলাকে যাহারা পৃথিবীর সাধারণ স্ত্রীলোকের সহিত পৃথক করিয়া দেখে না, তাহাদের কাছে সে নামের উল্লেখ করা কেন?

চন্দ্র। এ কথা আমি নিশ্চয় বলতে পারি, তাঁর উৎসাহ আমাদের কারো চেয়ে কম নয়।

শ্রীশ ও বিপিনের কাছ হইতে সাড়া না পাইয়া চন্দ্রবাবুও বোধ করি মনে মনে একটু উত্তেজিত হইতেছিলেন।

চন্দ্র। এ কথা আমি ভালোরূপ বিবেচনা করে দেখে স্থির করেছি, স্ত্রীলোকের উৎসাহ পুরুষের সমস্ত বৃহৎ কার্যের মহৎ অবলম্বন। কী বল পূর্ণবাবু!

পূর্ণবাবুর কোনো কথা বলিবার ইচ্ছাই ছিল না; কিন্তু নিস্তেজভাবে বলিল, “তা তো বটেই।”

চন্দ্রবাবুর পালে কোনো দিক হইতে কোনো হাওয়া লাগিল না দেখিয়া হঠাৎ সবেগে ঝাঁকি মারিয়া বলিয়া উঠিলেন, “নির্মলা যদি কুমারসভার সভ্য হবার জন্য প্রার্থী থাকে তা হলে তাকে আমরা সভ্য না করব কেন?”

পূর্ণ তো একেবারে বজ্রাহতবৎ। বলিয়া উঠিল, “বলেন কী চন্দ্রবাবু?”

শ্রীশ পূর্ণর মতো অত্যুগ্র বিষয় প্রকাশ না করিয়া কহিল, “আমরা কখনো কল্পনা করি নি যে, কোনো স্ত্রীলোক আমাদের সভার সভ্য হতে ইচ্ছা প্রকাশ করবেন, সুতরাং এ সম্বন্ধে আমাদের কোনো নিয়ম নেই—”

শ্রীশের মতো বিপিন গম্ভীরকণ্ঠে কহিল, “নিষেধও নেই।”

অসহিষ্ণু শ্রীশ কহিল, “স্পষ্ট নিবেদন না থাকতে পারে, কিন্তু আমাদের সভার যে-সকল উদ্দেশ্য তা স্বীলোকের দ্বারা সাধিত হবার নয়।”

কুমারসভায় স্বীলোক সভ্য লইবার জন্য বিপিনের যে বিশেষ উৎসাহ ছিল তাহা নয়, কিন্তু তাহার মানসপ্রকৃতির মধ্যে একটা স্বাভাবিক সংঘর্ষ থাকায় কোনো শ্রেণী-বিশেষের বিরুদ্ধে এক-দিক-ধেঁষা কথা সে সহিতে পারিত না। তাই সে বলিয়া উঠিল, “আমাদের সভার উদ্দেশ্য সংকীর্ণ নয়, এবং বৃহৎ উদ্দেশ্য সাধন করতে গেলে বিচিত্র শ্রেণীর ও বিচিত্র শক্তির লোকের বিচিত্র চেষ্টার প্রবৃত্ত হওয়া চাই। স্বদেশের হিত-সাধন এক জন স্বীলোক বেশকম পারবেন তুমি সেবেকম পারবে না এবং তুমি বেশকম পারবে একজন স্বীলোক সেবেকম পারবেন না— অতএব সভার উদ্দেশ্যকে সর্বদ্বন্দ্বসম্পূর্ণ-ভাবে সাধন করতে গেলে তোমারও যেমন দরকার স্বীসত্যেরও তেমন দরকার।”

লেশমাত্র উত্তেজনা প্রকাশ না করিয়া বিপিন শাস্তগম্ভীরস্বরে বলিয়া গেল— কিন্তু শ্রীশ কিছু উত্তপ্ত হইয়া বলিল, “যারা কাজ করতে চায় না তারাই উদ্দেশ্যকে ফলাও করে তোলে। যথার্থ কাজ করতে গেলেই লক্ষ্যকে সীমাবদ্ধ করতে হয়। আমাদের সভার উদ্দেশ্যকে যত বৃহৎ মনে করে তুমি বেশ নিশ্চিন্ত আছ আমি তত বৃহৎ মনে করি নে।”

বিপিন শাস্তমুখে কহিল, “আমাদের সভার কার্যক্ষেত্র অন্তত এতটা বৃহৎ যে, তোমাকে গ্রহণ করেছে বলে আমাকে পরিত্যাগ করতে হয় নি এবং আমাকে গ্রহণ করেছে বলে তোমাকে পরিত্যাগ করতে হয় নি। তোমার-আমার উভয়েরই যদি এ স্থানে স্থান হয়ে থাকে, আমাদের দুজনেরই যদি এখানে উপযোগিতা ও আবশ্যিকতা থাকে, তা হলে আরো এক জন ভিন্ন প্রকৃতির লোকের এখানে স্থান হওয়া এমন কী কঠিন?”

শ্রীশ চটিয়া কহিল, “উদারতা অতি উত্তম জিনিস, সে আমি নীতিশাস্ত্রে পড়েছি। আমি তোমার সেই উদারতাকে নষ্ট করতে চাই নে, বিভ্রান্ত করতে চাই মাত্র। স্বীলোকেরা যে কাজ করতে পারেন তার অন্তে তাঁরা স্বতন্ত্র সভা করুন, আমরা তার সভ্য হবার প্রার্থী হব না, এবং আমাদের সভাও আমাদেরই থাক। নইলে আমরা পরস্পরের কাজের বাধা হব মাত্র। মাথাটা চিন্তা করে মরুক, উদরটা পরিপাক করতে থাক— পাকযন্ত্রটি মাথার মধ্যে এবং মস্তিষ্কটি পেটের মধ্যে প্রবেশচেষ্টা না করলেই বস।”

বিপিন। কিন্তু তাই বলে মাথাটা ছিন্ন করে এক জায়গায় এবং পাকযন্ত্রটাকে আর-এক জায়গায় রাখলেও কাজের সুবিধা হয় না।

শ্রীশ অত্যন্ত বিরক্ত হইয়া কহিল, “উপমা তো আর যুক্তি নয় যে সেটাকে খণ্ডন করলেই আমার কথাটাকে খণ্ডন করা হল। উপমা কেবল খানিক দূর পর্যন্ত খাটে”—

বিপিন। অর্থাৎ যতটুকু কেবল তোমার যুক্তির পক্ষে খাটে।

এই দুই পরম বন্ধুর মধ্যে এমন বিবাদ সর্বদাই ঘটিয়া থাকে। পূর্ণ অত্যন্ত বিমনা হইয়া বসিয়াছিল; সে কহিল, “বিপিনবাবু, আমার মত এই যে, আমাদের এই-সকল কাজে মেয়েরা অগ্রসর হয়ে এলে তাতে তাঁদের মাধুর্য নষ্ট হয়।”

চন্দ্রবাবু একখানা বই চক্ষুর অত্যন্ত কাছে ধরিয়া কহিলেন, “মহৎ কার্যে যে মাধুর্য নষ্ট হয় সে মাধুর্য সযত্নে রক্ষা করবার যোগ্য নয়।”

শ্রীশ বলিয়া উঠিল, “না চন্দ্রবাবু, আমি ও-সব সৌন্দর্য-মাধুর্যের কথা আনছিই নে। সৈন্তদের মতো এক চালে আমাদের চলতে হবে, অনভ্যাস বা স্বাভাবিক দুর্বলতা-বশত যাদের পিছিয়ে পড়বার সম্ভাবনা আছে তাঁদের নিয়ে ভারগ্রস্ত হলে আমাদের সমস্তই ব্যর্থ হবে।”

এমন সময় নির্মলা অকুণ্ঠিত মর্ষাদার সহিত গৃহের মধ্যে প্রবেশ করিয়া নমস্কার করিয়া দাঁড়াইল। হঠাৎ সকলেই স্তম্ভিত হইয়া গেল। যদিচ একটা অশ্রুপূর্ণ কোণে তাহার কণ্ঠস্বর আর্দ্র ছিল তথাপি সে দৃঢ় স্বরে কহিল, “আপনাদের কী উদ্দেশ্য এবং আপনারা দেশের কাজে কতদূর পর্যন্ত যেতে প্রস্তুত আছেন তা আমি কিছুই জানি নে— কিন্তু আমি আমার মামাকে জানি, তিনি যে পথে যাত্রা করে চলেছেন আপনারা কেন আমাকে সে পথে তাঁর অনুসরণ করতে বাধা দিচ্ছেন?”

শ্রীশ নিরুত্তর, পূর্ণ কুণ্ঠিত অন্ততপ্ত, বিপিন প্রশান্ত গম্ভীর, চন্দ্রবাবু স্নগম্ভীর চিন্তামগ্ন।

পূর্ণ এবং শ্রীশের প্রতি বর্ষার রৌদ্ররশ্মির গায় অশ্রুজলস্নাত কটাক্ষপাত করিয়া নির্মলা কহিল, “আমি যদি কাজ করতে চাই— যিনি আমার আশৈশবের গুরু, যত্নু পর্যন্ত যদি সকল শুভচেষ্টায় তাঁর অনুবর্তিনী হতে ইচ্ছা করি, আপনারা কেবল তর্ক করে আমার অযোগ্যতা প্রমাণ করতে চেষ্টা করেন কেন? আপনারা আমাকে কী জানেন!”

শ্রীশ স্তব্ধ। পূর্ণ ঘর্মাক্ত।

নির্মলা। আমি আপনাদের কুমারসভা বা অন্য কোনো সভা জানি নে, কিন্তু ধীর শিকায় আমি মাহুৰ হয়েছি তিনি যখন কুমারসভাকে অবলম্বন করেই তাঁর জীবনের সমস্ত উদ্দেশ্য-সাধনে প্রবৃত্ত হয়েছেন, তখন এই কুমারসভা থেকে আপনারা আমাকে দূরে রাখতে পারবেন না। (চন্দ্রবাবুর দিকে ফিরিয়া) তুমি যদি বল আমি তোমার

কাজের যোগ্য নই তা হলে আমি বিদায় হব, কিন্তু এঁরা আমাকে কী জানেন? এঁরা কেন আমাকে তোমার অস্থান থেকে বিচ্ছিন্ন করবার অস্ত্রে সকলে মিলে তর্ক করছেন?

শ্রীশ তখন বিনীত মুহূর্তে কহিল, “মাগ করবেন, আমি আপনার সম্বন্ধে কোনো তর্ক করি নি, আমি সাধারণত স্ত্রীজাতি সম্বন্ধে বলছিলাম—”

নির্মলা। আমি স্ত্রীজাতি-পুরুষজাতির প্রভেদ নিয়ে কোনো বিচার করতে চাই নে— আমি নিজের অন্তঃকরণ জানি এবং ধীর উন্নত দৃষ্টান্তকে আশ্রয় করে রয়েছি তাঁর অন্তঃকরণ জানি, কাজে প্রবৃত্ত হতে এর বেশি আমার আর কিছু জানবার দরকার নেই।

চন্দ্রবাবু নিজের দক্ষিণ করতল চোখের অত্যন্ত কাছে লইয়া নিরীক্ষণ করিয়া দেখিতে লাগিলেন। পূর্ণ খুব চমৎকার করিয়া একটা কিছু বলিবার ইচ্ছা করিল, কিন্তু তাহার মুখ দিয়া কোনো কথাই বাহির হইল না। নির্মলা ঘরের অন্তরালে থাকিলে পূর্ণর বাকশক্তি বেরূপ সতেজ থাকে আজ তাহার তেমন পরিচয় পাওয়া গেল না।

তবু সে মনে মনে অনেক আবৃত্তি করিয়া বলিল, “দেবী, এই পঙ্কিল পৃথিবীর কাজে কেন আপনার পবিত্র দুইখানি হস্ত প্রয়োগ করতে চাচ্ছেন?”

কথাটা মনে যেমন লাগিতেছিল মুখে তেমন শোনাইল না— পূর্ণ বলিয়াই বুরিতে পারিল কথাটা গল্পের মধ্যে হঠাৎ পছের মতো কিছু যেন বাড়াবাড়ি হইয়া পড়িল। লজ্জার তাহার কান লাল হইয়া উঠিল। বিপিন স্বাভাবিক সুগভীর শাস্ত্রেরে কহিল, “পৃথিবী যত বেশি পঙ্কিল পৃথিবীর সংশোধন-কার্য তত বেশি পবিত্র।”

এই কথাটার কৃতজ্ঞ নির্মলার মুখের ভাব লক্ষ্য করিয়া পূর্ণ ভাবিল, ‘আহা, কথাটা আমারই বলা উচিত ছিল।’ বিপিন বলিয়াছে বলিয়া তাহার উপর অত্যন্ত রাগ হইল।

শ্রীশ। সভার অধিবেশনে স্ত্রীসভ্য লওয়া সম্বন্ধে নিয়মমত প্রস্তাব উত্থাপন করে যা হির হর আপনাকে জানাব।

নির্মলা এক মুহূর্ত অপেক্ষা না করিয়া গালের নৌকার মতো নিঃশব্দে চলিয়া যাইবার উপক্রম করিল। হঠাৎ অধ্যাপক সচেতন হইয়া ডাকিলেন, “কেনি, আমার সেই গলার বোতামটা?”

নির্মলা সলজ্জ হাসিয়া মুহূর্তে ইশারা করিয়া কহিল, “গলাতেই আছে।”

চন্দ্রবাবু গলার হাত দিয়া “হাঁ হাঁ আছে বটে” বলিয়া তিন ছাত্তের দিকে চাহিয়া হাসিলেন।

অষ্টম পরিচ্ছেদ

নৃপবালা। আজকাল তুই মাঝে মাঝে কেন অমন গম্ভীর হচ্ছিস বল তো নীরু।

নীরবালা। আমাদের বাড়ির ষত কিছু গাম্ভীর্য সব বুঝি তোর একলার? আমার খুশি আমি গম্ভীর হব।

নৃপবালা। তুই কী ভাবছিস আমি বেশ জানি।

নীরবালা। তোর অত আন্দাজ করবার দরকার কী ভাই? এখন তোর নিজের ভাবনা ভাববার সময় হয়েছে।

নৃপ নীরুর গলা জড়াইয়া ধরিয়া কহিল, “তুই ভাবছিস, মা গো মা, আমরা কী জঞ্জাল। আমাদের বিদায় করে দিতেও এত ভাবনা, এত ঝঞ্জাট।”

নীরবালা। তা, আমরা তো ভাই ফেলে দেবার জিনিস নয় যে অমনি ছেড়ে দিলেই হল। আমাদের জন্তে যে এতটা হাঙ্গাম হচ্ছে সে তো গৌরবের কথা। কুমারসম্ভবে তো পড়েছিস গৌরীর বিয়ের জন্তে একটি আস্ত দেবতা পুড়ে ছাই হয়ে গেল। যদি কোনো কবির কানে উঠে তা হলে আমাদের বিবাহেরও একটা বর্ণনা বেরিয়ে যাবে।

নৃপবালা। না ভাই, আমার ভারি লজ্জা করছে।

নীরবালা। আর, আমার বুঝি লজ্জা করছে না? আমি বুঝি বেহারা? কিন্তু কী করবি বল? ইস্কুলে যেদিন প্রাইজ নিতে গিয়েছিলুম লজ্জা করেছিল, আবার তার পর বছরেও প্রাইজ নেবার জন্তে রাত জেগে পড়া মুখস্থ করেছিলেম। লজ্জাও করে প্রাইজও ছাড়ি নে, আমার এই স্বভাব।

নৃপবালা। আচ্ছা নীরু, এবারে যে প্রাইজটার কথা চলছে সেটার জন্তে তুই কি খুব ব্যস্ত হয়েছিস?

নীরবালা। কোন্টা বল দেখি। চিরকুমার-সভার দুটো সভ্য।

নৃপবালা। যেই হোক-না কেন, তুই তো বুঝতে পারছিস।

নীরবালা। তা ভাই, সত্যি কথা বলব? (নৃপর গলা জড়াইয়া কানে কানে) শুনেছি কুমারসভার দুটি সভ্যের মধ্যে খুব ভাব, আমরা যদি দুজনে দুই বছর হাতে পড়ি তা হলে বিয়ে হয়েও আমাদের ছাড়াছাড়ি হবে না—নইলে আমরা কে কোথায় চলে যাব তার ঠিক নেই। ভাই তো সেই যুগল দেবতার জন্তে এত পুজোর আয়োজন করেছি ভাই! জোড়হস্তে মনে মনে বলছি, হে কুমারসভার

অশ্বিনীকুমারযুগল, আমাদের দুটি বোনকে এক বোটার দুটি ফুলের মতো তোমরা একসঙ্গে গ্রহণ করো।

বিরহসস্তাবনার উল্লেখমাঝে দুটি ভগিনী পরস্পরকে জড়াইয়া ধরিল এবং নৃপ কোনোমতে চোখের জল সামলাইতে পারিল না।

নৃপবালা। আচ্ছা নীর, মেজদিদিকে কেমন করে ছেড়ে যাবি বল দেখি। আমরা ছুজনে গেলে ঔর আর কে থাকবে?

নীরবালা। সে কথা অনেক ভেবেছি। থাকতে যদি দেন তা হলে কি ছেড়ে যাই? ভাই, ঔর তো স্বামী নেই, আমাদেরও নাহয় স্বামী না রইল। মেজদিদির চেয়ে বেশি সুখে আমাদের দরকার কী?

পুরুষবেশধারিণী শৈলবালার প্রবেশ

নীর টেবিলের উপরিস্থিত খালা হইতে একটি ফুলের মালা তুলিয়া লইল শৈলবালার গলায় পরাইয়া কহিল, “আমরা দুই স্বয়ম্বর তোমাকে আমাদের পতিরূপে বরণ করলুম।”

এই বলিয়া শৈলবালাকে প্রণাম করিল।

শৈল। ও আবার কী?

নীরবালা। ভয় নেই ভাই, আমরা দুই সতীনে তোমাকে নিয়ে ঝগড়া করব না। যদি করি, মেজদিদি আমার সঙ্গে পারবে না— আমি একলাই মিটিয়ে নিতে পারব, তোমাকে কষ্ট পেতে হবে না। না, সত্যি বলছি মেজদিদি, তোমার কাছে আমরা যেমন আদরে আছি এমন আদর কি কোথাও পাব? কেন তবে আমাদের পরের গলায় দিতে চাস?

পুনর্বার নৃপর দুই চক্ষু বাহিয়া ঝরু ঝরু করিয়া জল পড়িতে লাগিল। “ও কী ও নৃপ, ছি” বলিয়া শৈল তাহার চোখ মুছিয়া দিল; কহিল, “তোদের কিসে সুখ তা কি তোরা জানিস? আমাকে নিয়ে যদি তোদের জীবন সার্থক হত তা হলে কি আমি আর কারও হাতে তোদের দিতে পারতুম?”

তিন জনে মিলিয়া একটা অশ্রুবর্ষণকাণ্ড ঘটবার উপক্রম করিতেছিল এমন সময়ে রসিকদাদা প্রবেশ করিয়া কাতরস্বরে কহিলেন, “ভাই, আমার মতো অসভ্যটাকে তোরা সভ্য করলি— আজ তো সভা এখানে বসবে, কিরকম ভাবে চলব শিখিয়ে দে!”

নীর কহিল, “কের পুরোনো ঠাট্টা? — তোমার ঐ সভ্য-অসভ্যর কথাটা এই

পরশু থেকে বলছ।”

রসিক। যাকে জন্ম দেওয়া যায় তার প্রতি মমতা হয় না? ঠাট্টা একবার মুখ থেকে বের হলেই কি রাজপুত্রের কন্যার মতো তাকে গলা টিপে মেয়ে ফেলতে হবে? হয়েছে কী— ষতদিন চিরকুমার-সভা টিকে থাকবে এই ঠাট্টা তোদের ছু-বেলা শুনতে হবে।

নীরবালা। তবে ওটাকে তো একটু সকাল সকাল সেয়ে ফেলতে হচ্ছে। মেজদিদি ভাই, আর দয়ামায়া নয়— রসিকদাদার রসিকতাকে পুরোনো হতে দেব না, চিরকুমার-সভার চিরত্ব আমরা অচিরে ঘুচিয়ে দেব তবেই তো আমাদের বিশ্ববিজয়িনী নারী নাম সার্থক হবে। কিরকম করে আক্রমণ করতে হবে একটা কিছু প্ল্যান ঠাউরেছিস?

শৈল। কিছুই না। ক্ষেত্রে উপস্থিত হয়ে যখন যেরকম মাথায় আসে।

নীরবালা। আমাকে যখন দরকার হবে রণভেদী ধ্বনিত করলেই আমি হাজির হব। ‘আমি কি ডরাই সখী কুমারসভারে? নাহি কি বল এ ভূজমুণ্ডালে?’

অক্ষয় ঘরে প্রবেশ করিয়া কহিলেন, “অগ্ণকার সভায় বিদুষীমণ্ডলীকে একটি ঐতিহাসিক প্রশ্ন জিজ্ঞাসা করতে ইচ্ছা করি।”

শৈল। প্রস্তুত আছি।

অক্ষয়। বলো দেখি যে-দুটি ডালে দাঁড়িয়েছিলেন সেই দুটি ডাল কাটতে চেয়েছিলেন কে?

নৃপ তাড়াতাড়ি উত্তর করিল, “আমি জানি মুখ্যোমশায়, কালিদাস।”

অক্ষয়। না, আরও একজন বড়ো লোক। শ্রীঅক্ষয়কুমার মুখোপাধ্যায়।

নীরবালা। ডাল দুটি কে?

অক্ষয় বামে নিরুকে টানিয়া বলিলেন “এই একটি” এবং দক্ষিণে নৃপকে টানিয়া আনিয়া কহিলেন “এই আর-একটি”।

নীরবালা। আর কুড়ুল বুঝি আজ আসছে?

অক্ষয়। আসছে কেন, এসেছে বললেও অত্যাঙ্কি হয় না। ওই যে সিঁড়িতে পায়ের শব্দ শোনা যাচ্ছে।

শুনিয়া দৌড়, দৌড়। শৈল পালাইবার সময় রসিকদাদাকে টানিয়া লইয়া গেল। চুড়ি-বালার ঝংকার এবং ভ্রষ্ট পদপন্নব কয়েকটির দ্রুতগতনশব্দ সম্পূর্ণ না মিলাইতেই শ্রীশ ও বিপিনের প্রবেশ। ঝম্ ঝম্ ঝম্ ঝম্ দূর হইতে দূরে বাজিতে লাগিল। এবং ঘরের আলোড়িত বাতাসে এসেঙ্গ্ ও গর্জতৈলের মিশ্রিত শব্দ

পরিমল বেন পরিত্যক্ত আসবাবগুলির মধ্যে আপনার পুরাতন আশ্রয়গুলিকে খুঁজিয়া নিখাস ফেলিয়া বেড়াইতে লাগিল।

বিজ্ঞানশাস্ত্রে বলে শক্তির অপচয় নাই, রূপান্তর আছে। ঘর হইতে হঠাৎ তিন ভগিনীর পলায়নে বাতাসে যে একটি সুগন্ধ আন্দোলন উঠিয়াছিল সেটা কি প্রথমে কুমারযুগলের বিচিত্র স্নায়ুগুলীর মধ্যে একটি নিগূঢ় স্পন্দন ও অব্যবহিত পরেই তাঁহাদের অন্তঃকরণের দিক্‌প্রান্তে রূপকালের অন্ত একটি অনির্বচনীয় গুলকে পরিণত হয় নাই? কিন্তু সংসারের বেধান হইতে ইতিহাস শুরু হয় তাহার অনেক পরের অধ্যায় হইতে লিখিত হইয়া থাকে— প্রথম স্পর্শ স্পন্দন আন্দোলন ও বিদ্যুৎচমক-গুলি প্রকাশের অতীত।

পরস্পর নমস্কারের পর অক্ষয় জিজ্ঞাসা করিলেন, “পূর্ণবাবু এলেন না যে?”

শ্রীশ। চন্দ্রবাবুর বাসায় তাঁর সঙ্গে দেখা হয়েছিল, কিন্তু হঠাৎ তাঁর শরীরটা ধারাপ হয়েছে বলে আজ আর আসতে পারলেন না।

অক্ষয়। (পথের দিকে চাহিয়া) একটু বসুন— আমি চন্দ্রবাবুর অপেক্ষায় দ্বারের কাছে গিয়ে দাঁড়াই। তিনি অন্ধ মানুষ, কোথায় যেতে কোথায় গিয়ে পড়বেন তার ঠিক নেই— কাছাকাছি এমন স্থানও আছে যেখানে কুমারসভার অধিবেশন কোনো-মতেই প্রার্থনীয় নয়। বলিয়া অক্ষয় নামিয়া গেলেন।

আজ চন্দ্রবাবুর বাসায় হঠাৎ নির্মলা আবির্ভূত হইয়া চিরকুমারদলের শাস্ত মনের মধ্যে যে একটা মন্বন উৎপন্ন করিয়া দিয়াছিল তাহার অভিঘাত বোধ করি এখনো শ্রীশের মাথায় চলিতেছিল। দৃশ্যটি অপূর্ব, ব্যাপারটি অভাবনীয়, এবং নির্মলার কমনীয় মুখে যে-একটি দীপ্তি ও তাহার কথাগুলির মধ্যে যে-একটি আন্তরিক আবেগ ছিল তাহাতে তাহাকে বিস্মিত ও তাহার চিন্তার স্বাভাবিক গতিকে বিক্ষিপ্ত করিয়া দিয়াছে। সে লেশমাত্র প্রস্তুত ছিল না বলিয়া এই আকস্মিক আঘাতেই বিপর্যস্ত হইয়া পড়িয়াছে। তর্কের মাঝখানে হঠাৎ এমন জায়গা হইতে এমন করিয়া এমন একটা উত্তর আসিয়া উপস্থিত হইবে স্বপ্নেও মনে করে নাই বলিয়াই উত্তরটা তাহার কাছে এমন প্রবল হইয়া উঠিল। উত্তরের প্রত্যুত্তর থাকিতে পারে, কিন্তু সেই আবেগকম্পিত লগিতকণ্ঠ— সেই গূঢ়-অশ্রু-করণ বিশাল কৃষ্ণচক্ষুর দীপ্তিচ্ছটার প্রত্যুত্তর কোথায়? পুরুষের মাথায় ভালো ভালো যুক্তি থাকিতে পারে, কিন্তু যে আরক্ত অধর কথা বলিতে গিয়া ফুরিত হইতে থাকে, যে কোমল কপোল ছুটি দেখিতে দেখিতে ভাবের আত্মসে করণাত হইয়া উঠে, তাহার বিরুদ্ধে দাঁড় করাইতে পারে পুরুষের হাতে এমন কী আছে?

পথে আসিতে আসিতে ছই বন্ধুর মধ্যে কোনো কথাই হয় নাই। এখানে আসিয়া ঘরে প্রবেশ না করিতেই যে শব্দগুলি শোনা গেল, অন্য কোনো দিন হইলে শ্রীশ তাহা লক্ষ্য করিত কি না সন্দেহ— আজ তাহার কাছে কিছুই এড়াইল না। অনতিপূর্বেই ঘরের মধ্যে রমণীদল যে ছিল, ঘরে প্রবেশ করিয়াই সে তাহা বুঝিতে পারিল।

অক্ষয় চলিয়া গেলে ঘরটি শ্রীশ ভালো করিয়া দেখিয়া লইল। টেবিলের মাঝখানে ফুলদানিতে ফুল সাজানো। সেটা চকিতে তাহাকে একটু যেন বিচলিত করিল। তাহার একটা কারণ শ্রীশ অত্যন্ত ফুল ভালোবাসে, তাহার আর একটা কারণ শ্রীশ কল্পনাচক্ষে দেখিতে পাইল— অনতিকাল পূর্বেই যাহাদের স্ননিপুণ দক্ষিণ হস্ত এই ফুলগুলি সাজাইয়াছে তাহারাই এখনি ত্রস্তপদে ঘর হইতে পলাইয়া গেল।

বিপিন ঈষৎ হাসিয়া বলিল, “যা বল তাই, এ ঘরটি চিরকুমার-সভার উপযুক্ত নয়।”

হঠাৎ মৌনভঙ্গে শ্রীশ চকিত হইয়া উঠিয়া কহিল, “কেন নয়?”

বিপিন কহিল, “ঘরের সজ্জাগুলি তোমার নবীন সন্ন্যাসীদের পক্ষেও যেন বেশি বোধ হচ্ছে।”

শ্রীশ। আমার সন্ন্যাসধর্মের পক্ষে বেশি কিছুই হতে পারে না।

বিপিন। কেবল নারী ছাড়া!

শ্রীশ কহিল, “হাঁ, ওই একটি মাত্র!” —লেখকের অহুমানমাত্র হইতে পারে, কিন্তু অন্তদিনের মতো কথাটায় তেমন জোর পৌঁছিল না।

বিপিন কহিল, “দেয়ালের ছবি এবং অন্যান্য পাঁচ রকমে এ ঘরটিতে সেই নারী-জাতির অনেকগুলি পরিচয় পাওয়া যায় যেন।”

শ্রীশ। সংসারে নারীজাতির পরিচয় তো সর্বত্রই আছে।

বিপিন। তা তো বটেই। কবিদের কথা যদি বিশ্বাস করা যায় তা হলে টাঙ্গে ফুলে লতায় পাতায় কোনোখানেই নারীজাতির পরিচয় থেকে হতভাগ্য পুরুষমানুষের নিষ্কৃতি পাবার জো নেই।

শ্রীশ হাসিয়া কহিল, “কেবল ভেবেছিলুম, চন্দ্রবাবুর বাসার সেই একতলার ঘরটিতে রমণীর কোনো সংস্রব ছিল না। আজ সে ভ্রমটা হঠাৎ ভেঙে গেল। নাঃ, ওরা পৃথিবীময় ছড়িয়ে পড়েছে।”

বিপিন। বেচারি চিরকুমার কণ্ঠের জন্তে একটা কোণও ফাঁকা রাখে নি। সভা করবার জায়গা পাওয়াই দায়।

শ্রীশ “এই দেখো-না” বলিয়া কোণের একটা টিপাই হইতে গোটাছুয়েক চুলের কাঁটা তুলিয়া দেখাইল।

বিপিন কাঁটা ছুটি লইয়া পর্যবেক্ষণ করিয়া কহিল, “ওহে ভাই, এ স্থানটা তো কুমারদের পক্ষে নিষ্ফলক নয়।”

শ্রীশ। ফুলও আছে, কাঁটাও আছে।

বিপিন। সেইটেই তো বিপদ। কেবল কাঁটা থাকলে এড়িয়ে চলা যায়।

শ্রীশ অপর কোণের ছোটো বইয়ের শেল্ফ হইতে বইগুলি তুলিয়া দেখিতে লাগিল। কতকগুলি নভেল, কতকগুলি ইংরাজি কাব্যসংগ্রহ। প্যান্থ্রেনের গীতিকাব্যের স্বর্ণভাণ্ডার খুলিয়া দেখিল, মার্জিনে মেয়েলি অক্ষরে নোট লেখা— তখন গোড়ার পাতাটা উল্টাইয়া দেখিল। দেখিয়া একটু নাড়িয়া চাড়িয়া বিপিনের সম্মুখে ধরিল।

বিপিন পড়িয়া কহিল, “নৃপবাল! আমার বিশ্বাস নামটি পুরুষ মানুষের নয়। কী বোধ কর।”

শ্রীশ। আমারও সেই বিশ্বাস। এ নামটিও অন্তর্জাতীয়ের বলে ঠেকছে হে! বলিয়া আর একটা বই দেখাইল।

বিপিন কহিল, “নীরবাল! এ নামটি কাব্যগ্রন্থে চলে কিন্তু কুমারসভায়—”

শ্রীশ। কুমারসভাতেও এই নামধারিণীরা যদি চলে আসেন তা হলে দ্বাররোধ করতে পারি এত বড়ো বলবান তো আমাদের মধ্যে কাউকে দেখি নে।

বিপিন। পূর্ণ তো একটি আঘাতেই আহত হয়ে পড়ল— রক্ষা পায় কি না সন্দেহ।

শ্রীশ। কিরকম?

বিপিন। লক্ষ্য করে দেখ নি বুঝি?

প্রশান্তস্বভাব বিপিনকে দেখিলে মনে হয় না যে, সে কিছু দেখে; কিন্তু তাহার চোখে কিছুই এড়ায় না। পরম দুর্বল অবস্থায় পূর্ণকে সে দেখিয়া লইয়াছে।

শ্রীশ। না না, ও তোমার অহুমান।

বিপিন। হৃদয়টা তো অহুমানেরই জিনিস— না যায় দেখা, না যায় ধরা।

শ্রীশ ধমকিয়া দাঁড়াইয়া ভাবিতে লাগিল; কহিল, “পূর্ণর অস্থখটাও তা হলে বৈজ্ঞানিকের অন্তর্গত নয়?”

বিপিন। না, এ-সকল ব্যাধি সম্বন্ধে মেডিকাল কলেজে কোনো লেকচার চলে না।

শ্রীশ উচ্চস্বরে হাসিতে লাগিল, গভীর বিপিন স্মিতমুখে চুপ করিয়া রহিল।

চন্দ্রবাবু প্রবেশ করিয়া কহিলেন, “আজকের তর্কবিতর্কের উত্তেজনায় পূর্ণবাবুর হঠাৎ শরীর খারাপ হল দেখে আমি তাঁকে তাঁর বাড়ি পৌঁছে দেওয়া উচিত বোধ করলুম।”

শ্রীশ বিপিনের মুখের দিকে চাহিয়া ঈষৎ একটু হাসিল ; বিপিন গম্ভীরমুখে কহিল, “পূর্ণবাবুর যে রকম দুর্বল অবস্থা দেখছি পূর্ব হতেই তাঁর বিশেষ সাবধান হওয়া উচিত ছিল।”

চন্দ্রমাধব সরলভাবে উত্তর করিলেন, “পূর্ণবাবুকে তো বিশেষ অসাবধান বলে বোধ হয় না।”

চন্দ্রমাধববাবু সভাপতির আসন গ্রহণ করিবার পূর্বেই অক্ষয় রসিকদাদাকে সঙ্গে লইয়া ঘরে প্রবেশ করিলেন। কহিলেন, “মাগ করবেন, এই নবীন সভ্যটিকে আপনাদের হাতে সমর্পণ করে দিয়েই আমি চলে যাচ্ছি।”

রসিক হাসিয়া কহিলেন, “আমার নবীনতা বাইরে থেকে বিশেষ প্রত্যক্ষগোচর নয়—”

অক্ষয়। অত্যন্ত বিনয়বশত সেটা বাহু প্রাচীনতা দিয়ে ঢেকে রেখেছেন, ক্রমশ পরিচয় পাবেন। ইনি হচ্ছেন সার্থকনামা শ্রীরসিক চক্রবর্তী।

শুনিয়া শ্রীশ ‘ও বিপিন সহাস্ত্রে রসিকের মুখের দিকে চাহিল ; রসিকদাদা কহিলেন, “পিতা আমার রসবোধ সম্বন্ধে পরিচয় পাবার পূর্বেই রসিক নাম রেখেছিলেন, এখন পিতৃসত্য পালনের জন্য আমাকে রসিকতার চেষ্টা করতে হয়, তার পরে ‘যত্নে কৃত্যে যদি ন সিধ্যতি কোহত্র দোষঃ’।”

অক্ষয় প্রশ্ন করিলেন। ঘরে দুটি কেরোসিনের দীপ জলিতেছে ; সেই দুটিকে বেষ্টন করিয়া ফিরোজ রঙের রেশমের অবগুণ্ঠন। সেই আবরণ ভেদ করিয়া ঘরের আলোটি মৃদু এবং রঙিন হইয়া উঠিয়াছে।

পুরুষবেশী শৈল আসিয়া সকলকে নমস্কার করিল। ক্ষীণদৃষ্টি চন্দ্রমাধববাবু ঝাপসাভাবে তাহাকে দেখিলেন— বিপিন ও শ্রীশ তাহার দিকে চাহিয়া রহিল।

শৈলের পশ্চাতে দুই জন ভৃত্য কয়েকটি ভোজনপাত্র হাতে করিয়া উপস্থিত হইল। শৈল ছোটো ছোটো রুপার থালাগুলি লইয়া সাদা পাথরের টেবিলের উপর সাজাইতে লাগিল। প্রথম পরিচয়ের ছুনিবার লক্ষাটুকু সে এইরূপ আতিথ্যব্যাপারের মধ্যে ঢাকিয়া লইবার চেষ্টা করিল।

রসিক কহিলেন, “ইনি আপনাদের সভার আর একটি নবীন সভ্য। এঁর নবীনতা সম্বন্ধে কোনো তর্ক নেই। ঠিক আমার বিপরীত। ইনি বুদ্ধির প্রবীণতা বাহু

নবীনতা দিয়ে গোপন করে রেখেছেন। আপনারা কিছু বিস্মিত হয়েছেন দেখছি—
হবার কথা। একে দেখে মনে হয় বালক, কিন্তু আমি আপনাদের কাছে জামিন
রইলুম— ইনি বালক নন।”

চন্দ্র। এঁর নাম ?

রসিক। শ্রীঅবলাকান্ত চট্টোপাধ্যায়।

শ্রীশ বলিয়া উঠিল, “অবলাকান্ত ?”

রসিক। নামটি আমাদের সভার উপযোগী নয় স্বীকার করি। নামটির প্রতি
আমারও বিশেষ মমত্ব নেই— যদি পরিবর্তন করে বিক্রমসিংহ বা ভীমসেন বা অন্য
কোনো উপযুক্ত নাম রাখেন তাতে উনি আপত্তি করবেন না। যদিচ শাস্ত্রে আছে
বটে ‘স্বনামা পুরুষো ধনুঃ’, কিন্তু উনি অবলাকান্ত নামটির দ্বারাই জগতে পৌরুষ
অর্জন করতে ব্যাকুল নন।

শ্রীশ কহিল, “বলেন কী মশায় ! নাম তো আর গায়ের বস্ত্র নয়, যে বদল করলেই
হল।”

রসিক। ওটা আপনাদের একেলে সংস্কার শ্রীশবাবু। নামটাকে প্রাচীনেরা
পোশাকের মধ্যেই গণ্য করতেন। দেখুন-না কেন, অর্জুনের পিতৃদত্ত নাম কী ঠিক
করে বলা শক্ত— পার্থ, ধনঞ্জয়, সব্যসাচী, লোকের যখন যা মুখে আসত তাই বলেই
ডাকত। দেখুন নামটাকে আপনারা বেশি সত্য মনে করবেন না ; ওঁকে যদি ভুলে
আপনি অবলাকান্ত না’ও বলেন উনি লাইবেলের মোকদ্দমা আনবেন না।

শ্রীশ হাসিয়া কহিল, “আপনি যখন এতটা অভয় দিচ্ছেন তখন অত্যন্ত নিশ্চিত
হলুম, কিন্তু ওঁর কমাণ্ডের পরিচয় নেবার দরকার হবে না— নাম ভুল করব না
মশায়।”

রসিক। আপনি না করতে পারেন, কিন্তু আমি করি মশায়। উনি আমার
সম্পর্কে নাতি হন— সেই জন্তে ওঁর সম্বন্ধে আমার রসনা কিছু শিথিল, যদি কখনো
এক বলতে আর বলি সেটা মাপ করবেন।

শ্রীশ উঠিয়া কহিল, “অবলাকান্তবাবু, আপনি এ-সমস্ত কী আয়োজন করেছেন ?
আমাদের সভার কার্যাবলীর মধ্যে মিষ্টান্নটা ছিল না।”

রসিক। (উঠিয়া) সেই ক্রটি যিনি সংশোধন করছেন তাঁকে সভার হয়ে ধন্যবাদ
দিই।

শ্রীশের মুখের দিকে না চাহিয়া থালা সাজাইতে সাজাইতে শৈল কহিল, “শ্রীশবাবু,
আহারটাও কী আপনাদের নিয়মবিরুদ্ধ ?”

শ্রীশ দেখিল কণ্ঠস্বরটিও অবলা নামের উপযুক্ত। কহিল, “এই সভ্যটির আকৃতি নিরীক্ষণ করে দেখলেই ও সম্বন্ধে কোনো সংশয় থাকবে না।”

বলিয়া বিপুলায়তন বিপিনকে টানিয়া আনিল।

বিপিন কহিল, “নিয়মের কথা যদি বলেন অবলাকান্তবাবু, সংসারের শ্রেষ্ঠ জিনিসমাত্রই নিজের নিয়ম নিজে সৃষ্টি করে। ক্ষমতামূলী লেখক নিজের নিয়মে চলে, শ্রেষ্ঠ কাব্য সমালোচকের নিয়ম মানে না। যে মিষ্টান্নগুলি সংগ্রহ করেছেন এর সম্বন্ধেও কোনো সভার নিয়ম খাটতে পারে না— এর একমাত্র নিয়ম, বসে যাওয়া এবং নিঃশেষ করা। ইনি যতক্ষণ আছেন ততক্ষণ জগতের অন্ত সমস্ত নিয়মকে দ্বারের কাছে অপেক্ষা করতে হবে।”

শ্রীশ কহিল, “তোমার হল কী বিপিন? তোমাকে খেতে দেখেছি বটে, কিন্তু এক নিশ্বাসে এত কথা কইতে শুনি নি তো।”

বিপিন। রসনা উত্তেজিত হয়েছে, এখন সরস বাক্য বলা আমার পক্ষে অত্যন্ত সহজ হয়েছে। যিনি আমার জীবনবৃত্তান্ত লিখবেন, হায়, এ সময়ে তিনি কোথায়?

রসিক টাকে হাত বুলাইতে বুলাইতে কহিলেন, “আমার দ্বারা সে কাঁচটা প্রত্যাশা করবেন না, আমি অত দীর্ঘকাল অপেক্ষা করতে পারব না।”

নূতন ঘরের বিলাসসজ্জার মধ্যে আসিয়া চন্দ্রমাধববাবুর মনটা বিক্ষিপ্ত হইয়া গিয়াছিল। তাঁহার উৎসাহশ্রোত যথাপথে প্রবাহিত হইতেছিল না। তিনি ক্ষণে ক্ষণে কার্যবিবরণের খাতা, ক্ষণে ক্ষণে নিজের করকোষ্ঠী অকারণে নিরীক্ষণ করিয়া দেখিতেছিলেন। শৈল তাঁহার সম্মুখে গিয়া সবিনয়ে নিবেদন করিল, “সভার কার্যের যদি কিছু ব্যাঘাত করে থাকি তো মাপ করবেন, চন্দ্রবাবু, কিছু জলযোগ—”

চন্দ্রবাবু শৈলকে নিকটে পাইয়া তাহার মুখ নিরীক্ষণ করিয়া কহিলেন, “এ-সমস্ত সামাজিকতায় সভার কার্যের ব্যাঘাত করে, তাতে সন্দেহ নেই।”

রসিক কহিলেন, “আচ্ছা, পরীক্ষা করে দেখুন মিষ্টান্নে যদি সভার কার্য রোধ হয় তা হলে—”

বিপিন মৃদুস্বরে কহিল, “তা হলে ভবিষ্যতে নাহয় সভাটা বন্ধ রেখে মিষ্টান্নটা চালালেই হবে।”

চন্দ্রবাবু নিরীক্ষণ করিয়া দেখিতে দেখিতে শৈলের সুন্দর সুকুমার চেহারাটি কিয়ৎপরিমাণে আয়ত্ত করিয়া লইলেন। তখন শৈলকে স্কুল করিতে তাঁহার আর প্রবৃত্তি হইল না।

বলা আবশ্যক, অচিরকাল পূর্বেই বিপিন জলযোগ করিয়াই বাড়ি হইতে বাহির হইয়া আসিয়াছিল। তাহার ভোজনের ইচ্ছামাত্র ছিল না, কিন্তু এই প্রিয়দর্শন কুমারটিকে দেখিয়া, বিশেষত তাহার মুখের অত্যন্ত কোমল একটি স্মিতহাস্তে, বিপুলবলশালী বিপিনের চিত্ত হঠাৎ এমনি স্নেহাকুঠ হইয়া পড়িল যে, অস্বাভাবিক মুখরতার সহিত মিষ্টানের প্রতি সে অতিরিক্ত লোলুপতা প্রকাশ করিল। রোগভীক শ্রীশের অসময়ে খাইবার সাহস ছিল না, তাহারও মনে হইল, না খাইতে বসিলে এই তরুণ কুমারটির প্রতি কঠিন রুচতা করা হইবে।

শ্রীশ কহিল, “আহ্নন রসিকবাবু, আপনি উঠছেন না যে!”

রসিক। রোজ রোজ যেচে এবং মাঝে মাঝে কেড়ে খেয়ে থাকি, আজ চিরকুমার-সভার সভ্যরূপে আপনাদের সংসর্গগৌরবে কিঞ্চিৎ উপরোধের প্রত্যাশায় ছিন্দুম, কিন্তু—

শৈল। কিন্তু আবার কী রসিকদাদা? তুমি যে রবিবার করে থাক, আজ তুমি কিছু খাবে নাকি?

রসিক। দেখেছেন মশায়! নিয়ম আর কারও বেলায় না, কেবল রসিকদাদার বেলায়! না:— বলং বলং বাহুবলম্! উপরোধ-অহুরোধের অপেক্ষা করা নয়।

বিপিন। (চারটিমাত্র ভোজনপাত্র দেখিয়া) আপনি আমাদের সঙ্গে বসবেন না!

শৈল। না, আমি আপনাদের পরিবেষণ করব।

শ্রীশ উঠিয়া কহিল, “সে কি হয়!”

শৈল কহিল, “আমার জন্মে আপনারা অনেক অনিয়ম সহ করেছেন, এখন আমার আর একটিমাত্র ইচ্ছা পূর্ণ করুন। আমাকে পরিবেষণ করতে দিন, খাওয়ার চেয়ে তাতে আমি ঢের বেশি খুশি হব।”

শ্রীশ। রসিকবাবু, এটা কি ঠিক হচ্ছে?

রসিক। ভিন্নকচিহি লোকঃ। উনি পরিবেষণ করতে ভালোবাসেন, আমরা আহার করতে ভালোবাসি। এরকম কচিভেদে বোধ হয় পরম্পরের কিছু সুবিধা আছে।

আহার আরম্ভ হইল।

শৈল। চন্দ্রবাবু, ওটা মিষ্টি, ওটা আগে খাবেন না, এই দিকে তরকারি আছে। জলের গ্লাস খুঁজছেন? এই-বে গ্লাস।—বলিয়া গ্লাস অগ্রসর করিয়া দিল।

চন্দ্রবাবুর নির্মলাকে মনে পড়িল। মনে হইল এই বালকটি যেন নির্মলার ভাই। আত্মসেবার অনিগুণ চন্দ্রবাবুর প্রতি শৈলের একটু বিশেষ স্নেহোদ্রেক হইল।

চন্দ্রবাবুর পাতে আম ছিল, তিনি সেটাকে ভালোরূপ আয়ত্ত করিতে পারিতেছিলেন না— অল্পতপ্ত শৈল তাড়াতাড়ি তাহা কাটিয়া সহজসাধ্য করিয়া দিল। যে সময়ে যেটি আবশ্যক সেটি আন্তে আন্তে হাতের কাছে জোগাইয়া দিয়া তাঁহার ভোজন-ব্যাপারটি নির্বিঘ্ন করিতে লাগিল।

চন্দ্র। শ্রীশবাবু, স্ত্রী-সভ্য নেওয়া সম্বন্ধে আপনি কিছু বিবেচনা করেছেন ?

শ্রীশ। ভেবে দেখতে গেলে ওতে আপত্তির কারণ বিশেষ নেই, কেবল সমাজের আপত্তির কথাটা আমি ভাবি।

বিপিনের তর্কপ্রবৃত্তি চড়িয়া উঠিল। কহিল, “সমাজকে অনেক সময় শিশুর মতো গণ্য করা উচিত। শিশুর সমস্ত আপত্তি মেনে চললে শিশুর উন্নতি হয় না, সমাজ সম্বন্ধেও ঠিক সেই কথা খাটে।”

আজ শ্রীশ উপস্থিত প্রস্তাবটা সম্বন্ধে অনেকটা নরমভাবে ছিল, নতুবা উত্তাপ হইতে বাষ্প ও বাষ্প হইতে বৃষ্টির মতো এই তর্ক হইতে কলহ ও কলহ হইতে পুনর্বীর সস্তাবের সৃষ্টি হইত।

এমন-কি, শ্রীশ কথঞ্চিৎ উৎসাহের সহিত বলিল, “আমার বোধ হয় আমাদের দেশে যে এত সভাসমিতি আয়োজন-অনুষ্ঠান অকালে ব্যর্থ হয় তার প্রধান কারণ, সে-সকল কার্ণে স্ত্রীলোকদের যোগ নেই। রসিকবাবু কী বলেন ?”

রসিক। অবস্থাগতিকে যদিও স্ত্রীজাতির সঙ্গে আমার বিশেষ সম্বন্ধ নেই তবু এটুকু জেনেছি, স্ত্রীজাতি হয় যোগ দেন নয় বাধা দেন, হয় সৃষ্টি নয় প্রলয়। অতএব ওঁদের দলে টেনে অন্য সৃষ্টি যদি বা না’ও হয় তবু বাধার হাত এড়ানো যায়। বিবেচনা করে দেখুন, চিরকুমার-সভার মধ্যে যদি স্ত্রীজাতিকে আপনারা গ্রহণ করতেন তা হলে গোপনে এই সভাটিকে নষ্ট করবার জন্তে ওঁদের উৎসাহ থাকত না, কিন্তু বর্তমান অবস্থায়—

শৈল। কুমারসভার উপর স্ত্রীজাতির আক্রোশের খবর রসিকদাদা কোথায় পেলে ?

রসিক। বিপদের খবর না পেলে কি আর সাবধান করতে নেই ? একচক্ষু হরিণ যে দিকে কানা ছিল সেই দিক থেকেই তো তাঁর খেয়েছিল। কুমারসভা যদি স্ত্রীজাতির প্রতিই কানা হন তা হলে সেই দিক থেকেই হঠাৎ ঘা খাবেন।

শ্রীশ। (বিপিনের প্রতি মুহূর্তে) একচক্ষু হরিণ তো আজ একটা তাঁর খেয়েছেন, একটি সভ্য ধূলিশায়ী।

চন্দ্র। কেবল পুরুষ নিয়ে যারা সমাজের ভালো করতে চায় তারা এক পায়ে

চলতে চায়। সেই ক্ষণেই ঋণিক দূর গিয়েই তাদের বসে পড়তে হয়। সমস্ত মহৎ চেষ্টা থেকে মেয়েদের দূরে রেখেছি বলেই আমাদের দেশের কাজে প্রাণসংকট হচ্চে না। আমাদের স্বপ্ন, আমাদের কাজ, আমাদের আশা বাইরে ও অন্তঃপুরে খণ্ডিত। সেই ক্ষণে আমরা বাইরে গিয়ে বক্তৃতা দিই, ঘরে এসে ভুলি। দেখো অবলাকান্তবাবু, এখনো তোমার বয়স অল্প আছে, এই কথাটি ভালো করে মনে রেখো— স্ত্রীজাতিকে অবহেলা কোরো না। স্ত্রীজাতিকে যদি আমরা নিচু করে রাখি তা হলে তাঁরাও আমাদের নীচের দিকেই আকর্ষণ করেন; তা হলে তাঁদের ভারে আমাদের উন্নতির পথে চলা অসাধ্য হয়, ছু পা চলেই আবার ঘরের কোণে এসেই আবদ্ধ হয়ে পড়ি। তাঁদের যদি আমরা উচ্চ রাখি তা হলে ঘরের মধ্যে এসে নিজের আদর্শকে ধ্বংস করতে লজ্জা বোধ হয়। আমাদের দেশে বাইরে লজ্জা আছে, কিন্তু ঘরের মধ্যে সেই লজ্জাটি নেই, সেই ক্ষণেই আমাদের সমস্ত উন্নতি কেবল বাহ্যিকভাবে পরিণত হয়।

শৈল চন্দ্রবাবু, এই কথাগুলি আনতমস্তকে শুনিল; কহিল, “আশীর্বাদ করুন আপনার উপদেশ যেন ব্যর্থ না হয়, নিজেকে যেন আপনার আদর্শের উপযুক্ত করতে পারি।”

একান্ত নিষ্ঠার সহিত উচ্চারিত এই কথাগুলি শুনিয়া চন্দ্রবাবু কিছু বিস্মিত হইলেন। তাঁহার সকল উপদেশের প্রতি নির্মলার তর্কবিহীন বিনয় শ্রদ্ধার কথা মনে পড়িল। স্নেহার্জ মনে আবার ভাবিলেন, এ যেন নির্মলারই ভাই।

চন্দ্র। আমার ভাগ্নী নির্মলাকে কুমারসভার সভ্যশ্রেণীতে ভুক্ত করতে আপনাদের কোনো আপত্তি নেই?

রসিক। আর কোনো আপত্তি নেই, কেবল একটু ব্যাকরণের আপত্তি। কুমারসভায় কেউ যদি কুমারীবেশে আসেন তা হলে বোপদেবের অভিশাপ।

শৈল। বোপদেবের অভিশাপ একালে খাটে না।

রসিক। আচ্ছা, অন্তত লোহারামকে তো বাঁচিয়ে চলতে হবে। আমি তো বোধ করি, স্ত্রীসভ্যরা যদি পুরুষ সভ্যদের অজ্ঞাতসারে বেশ ও নাম পরিবর্তন করে আসেন তা হলে সহজে নিষ্পত্তি হয়।

শ্রীশ। তা হলে একটা কৌতুক এই হয় যে, কে স্ত্রী কে পুরুষ নিজেদের এই সন্দেহটা থেকে যায়—

বিপিন। আমি বোধ হয় সন্দেহ থেকে নিষ্কৃতি পেতে পারি।

রসিক। আমাকেও বোধ হয় আমার নাতনী বলে কারও হঠাৎ আশঙ্কা না হতে পারে।

শ্রীশ । কিন্তু অবলাকাস্তবাবু সম্বন্ধে একটা সন্দেহ থেকে যায় ।

তখন শৈল অদূরবর্তী টিপাই হইতে মিষ্টানের খালা আনিতে প্রস্থান করিল ।

চন্দ্র । দেখুন রসিকবাবু, ভাষাতত্ত্বে দেখা যায়, ব্যবহার করতে করতে একটা শব্দের মূল অর্থ লোপ পেয়ে বিপরীত অর্থ ঘটে থাকে । স্ত্রীসভ্য গ্রহণ করলে চিরকুমার-সভার অর্থের যদি পরিবর্তন ঘটে তাতে ক্ষতি কী ?

রসিক । কিছু না । আমি পরিবর্তনের বিরোধী নই— তা নাম-পরিবর্তন বা বেশ-পরিবর্তন বা অর্থ-পরিবর্তন যাই হোক-না কেন, যখন যা ঘটে আমি বিনা বিরোধে গ্রহণ করি বলেই আমার প্রাণটা নবীন আছে ।

মিষ্টান্ন শেষ হইল এবং স্ত্রীসভ্য লওয়া সম্বন্ধে কাহারও আপত্তি হইল না ।

আহার-অবসানে রসিক কহিল, “আশা করি সভার কাজের কোনো ব্যাঘাত হয় নি ।”

শ্রীশ কহিল, “কিছু না— অন্তর্দিন কেবল মুখেই কাজ চলত, আজ দক্ষিণ হস্তও যোগ দিয়েছে ।”

বিপিন । তাতে আত্যন্তরিক তৃপ্তিটা কিছু বেশি হয়েছে ।

শুনিয়া শৈল খুশি হইয়া তাহার স্বাভাবিক স্নিগ্ধকোমল হাস্তে সকলকে পুরস্কৃত করিল ।

নবম পরিচ্ছেদ

অক্ষয় । হল কী বল দেখি ! আমার যে ঘরটি এতকাল কেবল ঝড়ু বেহারার ঝাড়নের তাড়নে নির্মল ছিল, সেই ঘরের হাওয়া ছু-বেলা তোমাদের ছুই বোনের অঞ্চলবীজনে চঞ্চল হয়ে উঠছে যে !

নীরবালা । দিদি নেই, তুমি একলা পড়ে আছ বলে দয়া করে মাঝে মাঝে দেখা দিয়ে যাই, তার উপরে আবার জবাবদিহি ?

অক্ষয় । গান । ভৈরবী ।

ওগো দয়াময়ী চোর, এত দয়া মনে তোর !

বড়ো দয়া করে কণ্ঠে আমার জড়াও মায়ার ডোর !

বড়ো দয়া করে চুরি করে লও শূন্য হৃদয় মোর !

নীরবালা । মশায়, এখন সিঁধ কাটার পরিশ্রম মিথ্যে ; আমাদের এমন বোকা চোর পাও নি ! এখন হৃদয় আছে কোথায় যে চুরি করতে আসব ?

অক্ষয় । ঠিক করে বলে। দেখি হতভাগা হৃদয়টা গেছে কতদূরে ?

নৃপবালা । আমি জানি মুখ্যোমশায় । বলব ? চার-শ পঁচাত্তর মাইল ।

নীরবালা । সেজদিদি অবাক করলে ! তুই কি মুখ্যোমশায়ের হৃদয়ের পিছনে পিছনে মাইল গুনে গুনে ছুটেছিলি নাকি ?

নৃপবালা । না ভাই, দিদি কানী ষাবার সময় টাইমটেবিলে মাইলটা দেখে-
ছিলুম ।

অক্ষয় ।—

গান । বাহার

চলেছে ছুটিয়া পলাতকা হিয়া,

বেগে বহে শিরা ধমনী—

হায় হায় হায়, ধরিবারে তায়

পিছে পিছে ধায় রমণী ।

বায়ুবেগভরে উড়ে অকল,

লটপট বেগী ছলে চঞ্চল—

এ কী রে রত্ন, আকুল-অত্ন

ছুটে কুরঙ্গগমনী !

নীরবালা । কবির, সাধু সাধু । কিন্তু তোমার রচনায় কোনো কোনো আধুনিক কবির ছায়া দেখতে পাই যেন ।

অক্ষয় । তার কারণ আমিও অত্যন্ত আধুনিক ! তোরা কি ভাবিস তোদের মুখ্যোমশায় কৃত্তিবাস ওঝার যমজ ভাই । ভূগোলের মাইল গুনে দিচ্চিস, আর ইতিহাসের তারিখ ভুল ? তা হলে আর বিহুসী শ্রালী থেকে ফল হল কী ? এত বড়ো আধুনিকটাকে তোদের প্রাচীন বলে ভ্রম হয় ?

নীরবালা । মুখ্যোমশায়, শিব যখন বিবাহসভায় গিয়েছিলেন তখন তাঁর শ্রালীরাও ওইরকম ভুল করেছিলেন, কিন্তু উমার চোখে তো অস্তরকম ঠেকেছিল ! তোমার ভাবনা কিসের, দিদি তোমাকে আধুনিক বলেই জানেন !

অক্ষয় । মূঢ়ে, শিবের যদি শ্রালী থাকত তা হলে কি তাঁর ধ্যান ভঙ্গ করবার অস্ত্রে অনঙ্গদেবের দরকার হত ! আমার সঙ্গে তাঁর তুলনা !

নৃপবালা । আচ্ছা মুখ্যোমশায়, এতক্ষণ তুমি এখানে বসে বসে কী করছিলে ?

অক্ষয় । তোদের গয়লাবাড়ির ছুধের হিসেব লিখছিলুম ।

নীরবালা । (ডেবের উপর হইতে অসমাপ্ত চিঠি তুলিয়া লইয়া) এই তোমার গয়লাবাড়ির হিসেব ? হিসেবের মধ্যে কীর-নবনীর অংশটাই বেশি ।

অক্ষয় । (ব্যস্তসমস্ত) না না, ওটা নিয়ে গোল করিস নে, আহা, দিয়ে যা—

নূপবালা । নীরু ভাই, জালাস নে, চিঠিখানা ঠুকে ফিরিয়ে দে, ওখানে শ্রালীর উপদ্রব সর না ।— কিন্তু মুখ্যজ্যেষ্ঠায়, তুমি দিদিকে চিঠিতে কী বলে সন্ধান কর বলো-না !

অক্ষয় । রোজ নূতন সন্ধান করে থাকি—

নূপবালা । আজ কী করেছ বলো দেখি ।

অক্ষয় । শুনবে ? তবে সখী, শোনো । চঞ্চলচকিতচিত্তচকোরচৌরচঞ্চুচুচিতচারু-
চন্দ্রিককচিকচির চিরচন্দ্রমা ।

নীরবালা । চমৎকার চাটুচাতুর্ষ !

অক্ষয় । এর মধ্যে চৌর্ষবৃত্তি নেই, চর্বিতচর্ষণশূন্য ।

নূপবালা । (সবিস্ময়ে) আচ্ছা মুখ্যজ্যেষ্ঠায়, রোজ রোজ তুমি এই রকম লম্বা লম্বা সন্ধান রচনা কর ? তাই বুঝি দিদিকে চিঠি লিখতে এত দেরি হয় ?

অক্ষয় । ওই জন্মেই তো নূপর কাছে আমার মিথ্যে কথা চলে না । ভগবান যে আমাকে সত্য সত্য বানিয়ে বলবার এমন অসাধারণ ক্ষমতা দিয়েছেন সেটা দেখছি খাটাতে দিলে না । ভগ্নীপতির কথা বেদবাক্য বলে বিশ্বাস করতে কোন্ মনুসংহিতায় লিখেছে বল দেখি ?

নীরবালা । রাগ কোরো না, শাস্ত হও মুখ্যজ্যেষ্ঠায়, শাস্ত হও । সেজদিদির কথা ছেড়ে দাও, কিন্তু ভেবে দেখো, আমি তোমার আধখানা কথা সিকি পয়সাও বিশ্বাস করি নে— এতেও তুমি সাহসনা পাও না ?

নূপবালা । আচ্ছা মুখ্যজ্যেষ্ঠায়, সত্যি করে বলো, দিদির নামে তুমি কখনো কবিতা রচনা করেছ ?

অক্ষয় । এবার তিনি যখন অত্যন্ত রাগ করেছিলেন তখন তাঁর স্তব রচনা করে গান করেছিলুম—

নূপবালা । তার পরে ?

অক্ষয় । তার পরে দেখলুম, তাতে উল্টো ফল হল, বাতাস পেয়ে যেমন আগুন বেড়ে ওঠে তেমনি হল । সেই অবধি স্তবরচনা ছেড়েই দিয়েছি ।

নূপবালা । ছেড়ে দিয়ে কেবল গয়লাবাড়ির হিসেব লিখছ ! কী স্তব লিখেছিলে মুখ্যজ্যেষ্ঠায়, আমাদের শোনাও-না ।

অক্ষয় । সাহস হয় না, শেষকালে আমার উপরওয়ালার কাছে রিপোর্ট করবি !

নূপবালা । না, আমরা দিদিকে বলে দেব না ।

অক্ষয় । তবে অবধান করো ।—

গান । সিদ্ধকাফি

মনোমন্দিরসুন্দরী,

মণিমঞ্জীরগুঞ্জরী,

খলদঞ্চলা চলচঞ্চলা

অগ্নি মঞ্জলা মঞ্জরী ।

রোষাকরণরাগরঞ্জিতা

বকিম-ভুক-ভঞ্জিতা,

গোপন হান্ত -কুটিল-আস্ত

কপটকলহগঞ্জিতা ।

সংকোচনত-অঙ্গিনী,

ভয়ভঙ্গুরভঙ্গিনী,

চকিতচপল নবকুরঙ্গ

বৌবনবনরঙ্গিনী ।

অগ্নি খল, ছলগুঞ্জিতা,

মধুকরভরকুঞ্জিতা,

লুপ্তপবন -ক্লক-লোভন

মল্লিকা অবলুঞ্জিতা ।

চূষনধনবঙ্গিনী,

ছুরহগর্বমঙ্গিনী

ক্লককোরক -সঙ্কিত-মধু

কঠিনকনককঙ্গিনী ।

কিন্তু আর নয় । এবারে মশায়রা বিদায় হন ।

নীরবালা । কেন, এত অপমান কেন ? দিদির কাছে তাড়া খেয়ে আমাদের উপরে
বুঝি তার ঝাল ঝাড়তে হবে ?

অক্ষয় । এরা দেখছি পবিত্র জেনানা আর রাখতে দিলে না । অরে ছব্বন্তে !
এখনি লোক আসবে ।

নূপবালা । তার চেয়ে বলো-না দিদির চিঠিখানা শেষ করতে হবে ।

নীরবালা । তা, আমরা থাকলেই বা, তুমি চিঠি লেখো-না, আমরা কি তোমার
কলমের মুখ থেকে কথা কেড়ে নেব না কি ?

অক্ষয় । তোমরা কাছাকাছি থাকলে মনটা এইখানেই মারা যায়, দূরে যিনি আছেন সে পর্যন্ত আর পৌঁছয় না । না, ঠাট্টা নয়, পালাও । এখনি লোক আসবে— ওই একটি বই দরজা খোলা নেই, তখন পালাবার পথ পাবে না ।

নূপবালা । এই সন্ধ্যাবেলায় কে তোমার কাছে আসবে ?

অক্ষয় । যাদের ধ্যান কর তারা নয় গো, তারা নয় ।

নীরবালা । যার ধ্যান করা যায় সে সকল সময় আসে না, তুমি আজকাল সেটা বেশ বুঝতে পারছ, কী বল মুখোজ্যমশায় । দেবতার ধ্যান কর আর উপদেবতার উপদ্রব হয় ।

“অবলাকাস্তবাবু আছেন ?” বলিয়া ঘরের মধ্যে সহসা শ্রীশের প্রবেশ । “মাপ করবেন” বলিয়া পলায়নোচ্চয় । নূপ ও নীরর সবেগে প্রস্থান ।

অক্ষয় । এস এস শ্রীশবাবু !

শ্রীশ । (সলজ্জভাবে) মাপ করবেন ।

অক্ষয় । রাজি আছি, কিন্তু অপরাধটা কী আগে বলো ।

শ্রীশ । খবর না দিয়েই—

অক্ষয় । তোমার অভ্যর্থনার জন্য ম্যানিসিপ্যালিটির কাছ থেকে বখন বাজেট স্তাংশন করে নিতে হয় না তখন নাহয় খবর না দিয়েই এলে শ্রীশবাবু !

শ্রীশ । আপনি যদি বলেন, এখানে আমার অসময়ে অনধিকার প্রবেশ হয় নি তা হলেই হল ।

অক্ষয় । তাই বললেম । তুমি যখন আসবে তখনই স্বসময়, এবং যেখানে পদার্পণ করবে সেইখানেই তোমার অধিকার— শ্রীশবাবু, স্বয়ং বিধাতা সর্বত্র তোমাকে পাসপোর্ট দিয়ে রেখেছেন । একটু বোসো, অবলাকাস্তবাবুকে খবর পাঠিয়ে দিই । (স্বগত) না পলায়ন করলে চিঠি শেষ করতে পারব না । [প্রস্থান

শ্রীশ । চক্কর সম্মুখ দিয়ে একজোড়া মায়ী-স্বর্ণমুগী ছুটে পালালো, ওরে নিরস্ত্র ব্যাধ, তোর ছোটবার ক্ষমতা নেই ! নিকষের উপর সোনার রেখার মতো চকিত চোখের চাহনি দৃষ্টিপথের উপরে যেন ঝাঁকা রয়ে গেল !

রসিকের প্রবেশ

শ্রীশ । সন্ধ্যাবেলায় এসে আপনাদের তো বিরক্ত করি নি রসিকবাবু ?

রসিক । ভিক্ষুককে বিনিক্ষিপ্তঃ কিম্বিকুরনীরসো ভবেৎ ? শ্রীশবাবু, আপনাকে দেখে বিরক্ত হব আমি কি এতবড়ো হতভাগ্য !

শ্রীশ । অবলাকান্তবাবু বাড়ি আছেন তো ?

রসিক । আছেন বইকি, এলেন বলে ।

শ্রীশ । না না, যদি কাজে থাকেন তা হলে তাঁকে ব্যস্ত করে কাজ নেই— আমি কুঁড়ে লোক, বেকার মানুষের সন্ধানে ঘুরে বেড়াই ।

রসিক । সংসারে সেরা লোকেরাই কুঁড়ে এবং বেকার লোকেরাই ধন্য । উভয়ের সম্মিলন হলেই মণিকাঞ্চনযোগ । এই কুঁড়ে-বেকারের মিলনের জন্মেই তো সঙ্কে-বেলাটার সৃষ্টি হয়েছে । বোগীদের জন্মে সকালবেলা, রোগীদের জন্মে রাত্রি, কাজের লোকের জন্মে দশটা-চারটে, আর সঙ্কেবেলাটা, সত্যি কথা বলছি, চিরকুমার-সভার অধিবেশনের জন্মে চতুর্থাৎ সৃজন করেন নি । কী বলেন শ্রীশবাবু ?

শ্রীশ । সে কথা মানতে হবে বইকি, সন্ধ্যা চিরকুমার-সভার অনেক পূর্বেই সৃজন হয়েছে, সে আমাদের সভাপতি চন্দ্রবাবুর নিয়ম মানে না—

রসিক । সে, যে চন্দ্রের নিয়ম মানে তার নিয়মই আলাদা । আপনার কাছে খুলে বলি, হাসবেন না শ্রীশবাবু, আমার একতলার ঘরে কারক্লেপে একটি জানলা দিয়ে অল্প একটু জ্যোৎস্না আসে— শুক্লসন্ধ্যায় সেই জ্যোৎস্নার শুভ্র রেখাটি যখন আমার বন্ধের উপর এসে পড়ে তখন মনে হয় কে আমার কাছে কী খবর পাঠালে গো ! শুভ্র একটি হংসদূত কোন বিরহিণীর হয়ে এই চিরবিরহীর কানে কানে বলছে—

অলিন্দে কালিন্দীকমলস্বরভৌ কুঞ্জবসতেবৃ-
বসন্তীং বাসন্তীনবপরিমলোদগারচিকুরাং ।
স্বহৃৎসঙ্গে লীনাং মদমুকুলিতাক্ষীং পুনরিমাং
কদাহং সেবিষ্যে কিসলয়কলাপব্যজনিনীম্ ।

শ্রীশ । বেশ বেশ রসিকবাবু, চমৎকার ! কিন্তু ওর মানেটা বলে দিতে হবে । ছন্দের ভিতর দিয়ে ওর রসের গন্ধটা পাওয়া যাচ্ছে, কিন্তু অমুখ্যার বিসর্গ দিয়ে একে-বারে এঁটে বন্ধ করে রেখেছে ।

রসিক । বাংলায় একটা তর্জমাও করেছি, পাছে সম্পাদকরা খবর পেয়ে হড়াহড়ি লাগিয়ে দেয় তাই লুকিয়ে রেখেছি— শুনবেন শ্রীশবাবু ?

কুঞ্জকুটিরের স্নিগ্ধ অলিন্দের 'পর
কালিন্দীকমলগন্ধ ছুটিবে হৃন্দর ।
লীনা রবে মদিরাক্ষী তব অঙ্কতলে,
বহিবে বাসন্তীবাস ব্যাকুল কুন্তলে ।

ঠাহারে করিব সেবা, কবে হবে হয়,
কিসলয়-পাখাখানি দোলাইব গায় ?

শ্রীশ। বা, বা, রসিকবাবু, আপনার মধ্যে এত আছে তা তো জানতুম না।

রসিক। কী করে জানবেন বলুন। কাব্যলক্ষ্মী যে তাঁর পদ্বন থেকে মাঝে মাঝে এই টাকের উপরে খোলা হাওয়া খেতে আসেন এ কেউ সন্দেহ করে না। (হাত বুলাইয়া) কিন্তু এমন ফাঁকা জায়গা আর নেই !

শ্রীশ। আহাহা রসিকবাবু, যমুনাতীরে সেই স্নিগ্ধ অলিন্দওয়ালা কুঞ্জকুটিরটি আমার ভারি মনে লেগে গেছে। যদি পায়োনিয়েরে বিজ্ঞাপন দেখি সেটা দেনার দারে নিলেমে বিক্রি হচ্ছে তা হলে কিনে ফেলি।

রসিক। বলেন কী শ্রীশবাবু! শুধু অলিন্দ নিয়ে করবেন কী? সেই মদ-মুকুলিতাকীর কথাটা ভেবে দেখবেন। সে নিলেমে পাওয়া শক্ত।

শ্রীশ। কার ক্রমাল এখানে পড়ে রয়েছে !

রসিক। দেখি দেখি ! তাই তো ! দুর্লভ জিনিস আপনার হাতে ঠেকে দেখছি ! বাঃ, দিব্যি গন্ধ ! প্লোকের লাইনটা বদলাতে হবে মশায়, ছন্দোভঙ্গ হয় হোক গে— বাসন্তীনবপরিমলোদকারক্রমালাঃ ! শ্রীশবাবু, এ ক্রমালটাতে তো আমাদের কুমারসভার পতাকা-নির্মাণ চলবে না। দেখেছেন, কোণে একটি ছোট্ট 'ন' অক্ষর লেখা রয়েছে ?

শ্রীশ। কী নাম হতে পারে বলুন দেখি ? নলিনী ? না, বড্ড চলিত নাম। নীলাম্বুজা ? ভয়ঙ্কর মোটা। নীহারিকা ? বড়ো বাড়াবাড়ি। বলুন-না রসিকবাবু, আপনার কী মনে হয় ?

রসিক। নাম মনে হয় না মশায়, আমার ভাব মনে আসে। অভিধানে যত 'ন' আছে সমস্ত মাথার মধ্যে রাশীকৃত হয়ে উঠতে চাচ্ছে, 'ন'য়ের মালা গাঁথে একটি নীলোৎপলনয়নার গলায় পরিয়ে দিতে ইচ্ছে করছে— নির্মলনবনীনিন্দিতনবীন— বলুন-না শ্রীশবাবু— শেষ করে দিন-না—

শ্রীশ। নবমল্লিকা।

রসিক। বেশ বেশ— নির্মলনবনীনিন্দিতনবীননবমল্লিকা ! গীতগোবিন্দ মাটি হল। আরো অনেকগুলো ভালো ভালো 'ন' মাথার মধ্যে হাহাকার করে বেড়াচ্ছে, মিলিয়ে দিতে পারছি নে— নিভৃত নিকুঞ্জনিলয়, নিপুণনূপুরনিকুণ, নিবিড়নীরদনিম্বু— অক্ষয়দাদা থাকলে ভাবতে হত না ! মাস্টারমশায়কে দেখবামাত্র ছেলেগুলো বেমন বেঞ্চে নিজ নিজ স্থানে সার বেঁধে বসে— তেমনি অক্ষয়দাদার সাড়া পাবামাত্র কথা-

গুলো দৌড়ে এসে ছুড়ে দাঁড়ায়।— শ্রীশবাবু, বুড়োমাহুকে বঞ্চনা করে রুমালখানা চুপিচুপি পকেটে পুরবেন না—

শ্রীশ। আবিষ্কারকর্তার অধিকার সকলের উপর—

রসিক। আমার ওই রুমালখানিতে একটু প্রয়োজন আছে শ্রীশবাবু! আপনাকে তো বলেছি, আমার নির্জন ঘরের একটিমাত্র জানলা দিয়ে একটুমাত্র চাঁদের আলো আসে— আমার একটি কবিতা মনে পড়ে—

বীথীষু বীথীষু বিলাসিনীনাং
মুখানি সংবীক্ষ্য শুচিন্মিতানি
জালেষু জালেষু করং প্রসার্ষ
লাবণ্যভিক্কামটতীব চন্দ্রঃ ।

কুঞ্জ- পথে পথে চাঁদ উকি দেয় আসি,
দেখে বিলাসিনীদের মুখভরা হাসি,
কর প্রসারণ করি কিরে সে জাগিয়া
বাতায়নে বাতায়নে লাবণ্য মাগিয়া ।

—হতভাগা ভিক্ক আমার বাতায়নটার যখন আসে তখন তাকে কী দিয়ে ভোলাই বলুন তো! কাব্যশাস্ত্রের রসালো জায়গা যা-কিছু মনে আসে সমস্ত আউড়ে বাই, কিন্তু কথায় চিঁড়ে ভেজে না। সেই ছুঁভিক্কের সময় ওই রুমালখানি বড়ো কাজে লাগবে। ওতে অনেকটা লাবণ্যের সংস্রব আছে।

শ্রীশ। সে লাবণ্য দৈবাং কখনো দেখেছেন রসিকবাবু?

রসিক। দেখেছি বইকি, নইলে কি ওই রুমালখানার জন্তে এত লড়াই করি? আর ঐ যে 'ন' অক্ষরের কথাগুলো আমার মাথার মধ্যে এখনো এক কাঁক ভ্রমরের মতো গুঞ্জন করে বেড়াচ্ছে তাদের সামনে কি একটি কমলবনবিহারিণী মানসীমূর্তি নেই?

শ্রীশ। রসিকবাবু, আপনার ওই মগজটি একটি মোঁচাকবিশেষ, ওর ফুকরে ফুকরে কবিশ্বের মধু— আমাকে হুঁহু মাতাল করে দেবেন দেখছি। [দীর্ঘনিশ্বাসপতন

পুরুষবেশী শৈলবালার প্রবেশ

শৈল। আমার আসতে অনেক দেরি হয়ে গেল, মাপ করবেন শ্রীশবাবু!

শ্রীশ। আমি এই সন্ধ্যাবেলার উৎপাত করতে এলুম, আমাকেও মাপ করবেন অবলাকান্তবাবু!

শৈল। রোজ সন্ধ্যাবেলায় যদি এইরকম উৎপাত করেন তা হলে মাপ করব, নইলে নয়।

শ্রীশ। আচ্ছা রাজি, কিন্তু এর পরে যখন অহুতাপ উপস্থিত হবে তখন প্রতিজ্ঞা স্মরণ করবেন।

শৈল। আমার জন্তে ভাববেন না, কিন্তু আপনার যদি অহুতাপ উপস্থিত হয় তা হলে আপনাকে নিষ্কৃতি দেব।

শ্রীশ। সেই ভরসায় যদি থাকেন তা হলে অনন্তকাল অপেক্ষা করতে হবে।

শৈল। রসিকদাদা, তুমি শ্রীশবাবুর পকেটের দিকে হাত বাড়ান কেন? বড়ো-বয়সে গাঁটকাটা ব্যাবসা ধরবে না কি?

রসিক। না ভাই, সে ব্যাবসা তোদের বয়সেই শোভা পায়। একখানা রুমাল নিয়ে শ্রীশবাবুতে আমাতে তক্রার চলছে, তোকে তার মীমাংসা করে দিতে হবে।

শৈল। কিরকম?

রসিক। প্রেমের বাজারে বড়ো মহাজনি করবার মূলধন আমার নেই, আমি খুচরো মালের কারবারী—রুমালটা, চুলের দড়িটা, ছেঁড়া কাগজে দু-চারটে হাতের অক্ষর, এই-সমস্ত কুড়িয়ে-বাড়িয়েই আমাকে সস্তুষ্ট থাকতে হয়। শ্রীশবাবুর ষেরকম মূলধন আছে তাতে উনি বাজারস্থ পাইকেরি দরে কিনে নিতে পারেন, রুমাল কেন সমস্ত নীলাঞ্চলে অর্ধেক ভাগ বসাতে পারেন; আমরা যেখানে চুলের দড়ি গলায় জড়িয়ে মরতে ইচ্ছে করি উনি যে সেখানে আগুল্ফবিলম্বিত চিকুরাশির সুগন্ধ ঘনাকারের মধ্যে সম্পূর্ণ অস্ত্র যেতে পারেন। উনি উৎসাহিত করতে আসেন কেন?

শ্রীশ। অবলাকান্তবাবু, আপনি তো নিরপেক্ষ ব্যক্তি, রুমালখানা এখন আপনার হাতেই থাক, উভয় পক্ষের বক্তৃতা শেষ হয়ে গেলে বিচারে যার প্রাপ্য হয় তাকেই দেবেন।

শৈল। (রুমালখানি পকেটে পুরিয়া) আমাকে আপনি নিরপেক্ষ লোক মনে করছেন বুঝি? এই কোণে যেমন একটি 'ন' অক্ষর লাল সূতোর সেলাই করা আছে আমার হৃদয়ের একটি কোণে খুঁজলে দেখতে পাবেন ওই অক্ষরটি রক্তের বর্ণে লেখা আছে। এ রুমাল আমি আপনাদের কাউকেই দেব না।

শ্রীশ। রসিকবাবু, এ কিরকম জবর্দস্তি? আর 'ন' অক্ষরটিও তো বড়ো ভয়ানক অক্ষর!

রসিক। শুনেছি বিলিতি শাস্ত্রে স্মারধর্মও অক্ষর, ভালোবাসাও অক্ষর। এখন দুই অক্ষর লড়াই হোক, যার বল বেশি তারই জিত হবে।

শৈল । শ্রীশবাবু, যার ক্রমাল আপনি তো তাকে দেখেন নি, তবে কেন কেবল-
মাত্র কল্পনার উপর নির্ভর করে ঝগড়া করছেন ?

শ্রীশ । দেখি নি কে বললে ?

শৈল । দেখেছেন ? কাকে দেখলেন । 'ন' তো দুটি আছে—

শ্রীশ । দুটিই দেখেছি— তা, এ ক্রমাল দুজনের ধারই হোক, দাবি আমি পরিত্যাগ
করতে পারব না ।

রসিক । শ্রীশবাবু বৃদ্ধের পরামর্শ শুধুন, হৃদয়গগনে দুই চন্দ্রের আয়োজন করবেন
না— একশ্চন্দ্রসমোহস্তি ।

ভৃত্যের প্রবেশ

ভৃত্য । (শ্রীশের প্রতি) চন্দ্রবাবুর চিঠি নিয়ে একটি লোক আপনার বাড়ি খুঁজে
শেষকালে এখানে এসেছে ।

শ্রীশ । (চিঠি পড়িয়া) একটু অপেক্ষা করবেন ? চন্দ্রবাবুর বাড়ি কাছেই—
আমি এক বার চট করে দেখা করে আসব ।

শৈল । পালাবেন না তো ?

শ্রীশ । না, আমার ক্রমাল বন্ধক রইল, ওখানা খালি না করে যাচ্ছি নে ।

[প্রস্থান

রসিক । ভাই শৈল, কুমারসভার সভ্যগুলিকে যেসকল ভয়ংকর কুমার ঠাউরে-
ছিলুম তার কিছুই নয় । এঁদের তপস্বী ভঙ্গ করতে মেনকা রস্তু মদন বসন্ত কারও
দরকার হয় না, এই বুড়ো রসিকই পারে ।

শৈল । ভাই তো দেখছি ।

রসিক । আসল কথাটা কী জান ? যিনি দার্জিলিঙে থাকেন তিনি ম্যালেরিয়ার
দেশে পা বাড়াবামাত্রই রোগে চেপে ধরে । এঁরা এতকাল চন্দ্রবাবুর বাসায় বড
নীরোগ আয়গায় ছিলেন, এই বাড়িটি যে রোগের বীজে ভরা ; এখানকার ক্রমালে,
বইয়ে, চৌকিতে, টেবিলে, যেখানে স্পর্শ করছেন সেইখান থেকেই একেবারে নাকে
মুখে রোগ ঢুকছে— আহা, শ্রীশবাবুটি গেল ।

শৈল । রসিকদাদা, তোমার বুঝি রোগের বীজ অভ্যেস হয়ে গেছে ?

রসিক । আমার কথা ছেড়ে দাও ! আমার পিলে বকুৎ বা-কিছু হবার তা হয়ে
গেছে ।

নীরবালার প্রবেশ

নীরবাল। । দিদি, আমরা পাশের ঘরেই ছিলুম ।

রসিক । জ্বেলেরা জাল টানাটানি করে মরছে, আর চিল বসে আছে হেঁ। মারবার জ্বলে ।

নীরবালা । সেজদিদির রুমালখানা নিয়ে শ্রীশবাবু কী কাণ্ডটাই করলে ? সেজদিদি তো লজ্জায় লাল হয়ে পালিয়ে গেছে । আমি এমনি বোকা, ভুলেও কিছু ফেলে যাই নি । বারোখানা রুমাল এনেছি, ভাবছি এবার ঘরের মধ্যে রুমালের হরির লুঠ দিয়ে যাব !

শৈল । তোর হাতে ও কিসের খাতা নীর ?

নীরবালা । যে গানগুলো আমার পছন্দ হয় ওতে লিখে রাখি দিদি ।

রসিক । ছোটদিদি, আজকাল তোর কী রকম পারমার্থিক গান পছন্দ হচ্ছে তার এক-আধটা নমুনা দেখতে পারি কি ?

নীরবালা ।— দিন গেল রে, ডাক দিয়ে নে পারের খেয়া,
চুকিয়ে হিসেব মিটিয়ে দে তোর দেয়া নেয়া ।

রসিক । দিদি ভারি ব্যস্ত যে ! পার করবার নেয়ে ডেকে দিচ্ছি ভাই ! যা দেবে যা নেবে সেটা মোকাবিলায় ঠিক করে নিয়ো ।

“অবলাকান্তবাবু আছেন ?” বলিয়া বিপিন ঘরে প্রবিষ্ট ও সচকিত হইয়া স্তম্ভিত-ভাবে দণ্ডায়মান । নীরবালা মুহূর্ত হতবুদ্ধি হইয়া, দ্রুতবেগে বহিষ্কান্ত ।

শৈল । আস্থন বিপিনবাবু !

বিপিন । ঠিক করে বলুন, আসব কি ? আমি আসার দরুন আপনাদের কোনো রকম লোকসান নেই ?

রসিক । ঘর থেকে কিছু লোকসান না করলে লাভ হয় না বিপিনবাবু— ব্যাবসার এই-রকম নিয়ম । যা গেল তা আবার ছনো হয়ে ফিরে আসতে পারে, কী বল অবলাকান্ত ?

শৈল । রসিকদাদার রসিকতা আজকাল একটু শক্ত হয়ে আসছে !

রসিক । গুড় জমে যে রকম শক্ত হয়ে আসে । কিন্তু, বিপিনবাবু, কী ভাবছেন বলুন দেখি ?

বিপিন । ভাবছি কী ছুতো করে বিদায় নিলে আমাকে বিদায় দিতে আপনাদের উদ্যতায় বাধবে না ।

শৈল । বন্ধুত্বে যদি বাধে ?

বিপিন । তা হলে ছুতো খোঁজবার কোনো দরকারই হয় না ।

শৈল । তবে সেই খোঁজটা পরিত্যাগ করুন, ভালো হয়ে বস্থন ।

রসিক। মুখখানা প্রসন্ন করুন বিপিনবাবু! আমাদের প্রতি ঈর্ষা করবেন না। আমি তো বৃদ্ধ, যুবকের ঈর্ষার বোগ্যাই নই। আর আমাদের স্বকুমারমূর্তি অবলাকান্তবাবুকে কোনো স্ত্রীলোক পুরুষ বলে জানই করে না। আপনাকে দেখে যদি কোনো সুন্দরী কিশোরী জন্তুহরিণীর মতো পলায়ন করে থাকেন তা হলে মনকে এই বলে সাহসনা দেবেন যে, তিনি আপনাকে পুরুষ বলেই মন্ত খাতিরটা করেছেন। হয় রে হতভাগ্য রসিক, তোকে দেখে কোনো তরুণী লজ্জাতে পলায়নও করে না!

বিপিন। রসিকবাবু আপনাকেও যে দলে টানছেন অবলাকান্তবাবু! এ কি-রকম হল?

শৈল। কী জানি বিপিনবাবু, আমার এই অবলাকান্ত নামটাই মিথ্যে— কোনো অবলা তো এপর্ষন্ত আমাকে কান্ত বলে বরণ করে নি।

বিপিন। হতাশ হবেন না, এখনো সময় আছে।

শৈল। সে আশা এবং সে সময় যদি থাকত তা হলে চিরকুমার-সভায় নাম লেখাতে যেতুম না।

বিপিন। (স্বগত) এঁর মনের মধ্যে একটা কী বেদনা রয়েছে, নইলে এত অল্প বয়সে এই কাঁচামুখে এমন স্নিগ্ধ কোমল করুণভাব থাকত না।— এটা কিসের খাতা? গান লেখা দেখছি। নীরবালা দেবী! [পাঠ

শৈল। কী পড়ছেন বিপিনবাবু?

বিপিন। কোনো একটি অপরিচিতার কাছে অপরাধ করছি, হয়তো তাঁর কাছে ক্ষমা প্রার্থনা করবার সুযোগ পাব না, এবং হয়তো তাঁর কাছে শাস্তি পাবারও সৌভাগ্য হবে না, কিন্তু এই গানগুলি মানিক এবং হাতের অক্ষরগুলি মুক্তো! যদি লোভে পড়ে চুরি করি তবে দণ্ডদাতা বিধাতা ক্ষমা করবেন!

শৈল। বিধাতা মাপ করতে পারেন, কিন্তু আমি করব না। ও খাতাটির 'পরে আমার লোভ আছে বিপিনবাবু!

রসিক। আর, আমি বুঝি লোভ মোহ সমস্ত জয় করে বসে আছি? আহা, হাতের অক্ষরের মতো জিনিস আর আছে? মনের ভাব মূর্তি ধরে আঙুলের আগা দিয়ে বেরিয়ে আসে— অক্ষরগুলির উপর চোখ বুলিয়ে গেলে, হৃদয়টি যেন চোখে এসে লাগে! অবলাকান্ত, এ খাতাখানি ছেড়ে না ভাই! তোমাদের চঞ্চলা নীরবালা দেবী কোঁতুকের ঝরনার মতো দিনরাত ঝরে পড়ছে, তাকে তো ধরে রাখতে পার না, এই খাতাখানির পত্রপুটে তারই একটি গণ্ডু বয়ে উঠেছে— এ জিনিসের দাম

আছে! বিপিনবাবু, আপনি তো নীরবালাকে জানেন না, আপনি এ খাতাখানা নিয়ে কী করবেন?

বিপিন। আপনারা তো স্বয়ং তাঁকেই জানেন— খাতাখানিতে আপনাদের প্রয়োজন কী? এই খাতা থেকে আমি যেটুকু পরিচয় প্রত্যাশা করি তার প্রতি আপনারা দৃষ্টি দেন কেন?

শ্রীশের প্রবেশ

শ্রীশ। মনে পড়েছে মশায়— সেদিন এখানে একটা বইয়েতে নাম দেখেছিলাম, নূপালা, নীরবালা— এ কী, বিপিন যে! তুমি এখানে হঠাৎ?

বিপিন। তোমার সম্বন্ধেও ঠিক ওই প্রশ্নটা প্রয়োগ করা যেতে পারে।

শ্রীশ। আমি এসেছিলুম আমার সেই সন্ন্যাসসম্প্রদায়ের কথাটা অবলাকান্তবাবুর সঙ্গে আলোচনা করতে। ওঁর যে-রকম চেহারা, কণ্ঠস্বর, মুখের ভাব, উনি ঠিক আমার সন্ন্যাসীর আদর্শ হতে পারেন। উনি যদি ওঁর ঐ চন্দ্রকলার মতো কপালটিতে চন্দন দিয়ে, গলায় মালা প'রে, হাতে একটি বীণা নিয়ে সকালবেলায় একটি পল্লীর মধ্যে প্রবেশ করেন তা হলে কোন্ গৃহস্থের হৃদয় না গলাতে পারেন?

রসিক। বুঝতে পারছি নে মশায়, হৃদয় গলাবার কি খুব জরুরি দরকার হয়েছে?

শ্রীশ। চিরকুমার-সভা হৃদয় গলাবার সভা।

রসিক। বলেন কী? তবে আমার দ্বারা কী কাজ পাবেন?

শ্রীশ। আপনার মধ্যে যে-রকম উত্তাপ আছে আপনি উত্তরমেরুতে গেলে সেখানকার বরফ গলিয়ে বন্যা করে দিয়ে আসতে পারেন।— বিপিন উঠছে না কি?

বিপিন। যাই, আমাকে রাজে একটু পড়তে হবে।

রসিক। (জনাস্তিকে) অবলাকান্ত জিজ্ঞাসা করছেন পড়া হয়ে গেলে বইখানা কি ফেরত পাওয়া যাবে?

বিপিন। (জনাস্তিকে) পড়া হয়ে গেলে সে আলোচনা পরে হবে, আজ থাক।

শৈল। (মৃদুস্বরে) শ্রীশবাবু ইতস্তত করছেন কেন, আপনার কিছু হারিয়েছে না কি?

শ্রীশ। (মৃদুস্বরে) আজ থাক, আর একদিন খুঁজে দেখব।

[শ্রীশ ও বিপিনের প্রস্থান]

নীরবালা। (দ্রুত প্রবেশ করিয়া) এ কী রকমের ডাকাতি দিদি! আমার গানের খাতাখানা নিয়ে গেল! আমার ভয়ানক রাগ হচ্ছে।

রসিক । রাগ শব্দে নানা অর্থ অভিধানে কর ।

নীরবালা । আচ্ছা পণ্ডিতমশায়, তোমার অভিধান জাহির করতে হবে না—
আমার খাতা ফিরিয়ে আনো ।

রসিক । পুলিশে খবর দে ভাই, চোর ধরা আমার ব্যাবসা নয় ।

নীরবালা ! কেন, দিদি, তুমি আমার খাতা নিয়ে যেতে দিলে ?

শৈল । এমন অমূল্য ধন তুই ফেলে রেখে যাস কেন ?

নীরবালা । আমি বুঝি ইচ্ছে করে ফেলে রেখে গেছি ?

রসিক । লোকে সেইরকম সন্দেহ করছে ।

নীরবালা । না রসিকদাদা, তোমার ও ঠাট্টা আমার ভালো লাগে না ।

রসিক । তা হলে ভয়ানক ধারাপ অবস্থা ! [সক্রোধে নীরবালার প্রশ্নান

সলজ্জ নৃপবালার প্রবেশ

রসিক । কী নৃপ, হারাধন খুঁজে বেড়াচ্ছিস ?

নৃপবালা । না, আমার কিছু হারায় নি ।

রসিক । সে তো অতি সুখের সংবাদ । শৈলদিদি, তা হলে আর কেন, রুমাল-
খানার মালিক যখন পাওয়া যাচ্ছে না, তখন যে লোক কুড়িয়ে পেয়েছে তাকেই ফিরিয়ে
দিস । (শৈলের হাত হইতে রুমাল লইয়া) এ জিনিসটা কার ভাই ?

নৃপবালা । ও আমার নয় । [পলায়নোত্ত

রসিক । (নৃপকে ধরিয়া) যে জিনিসটা খোওয়া গেছে নৃপ তার উপরে কোনো
দাবিও রাখতে চায় না ।

নৃপবালা । রসিকদাদা, ছাড়ো— আমার কাজ আছে ।

দশম পরিচ্ছেদ

পথে বাহির হইয়াই শ্রীশ কহিল, “ওহে বিপিন, আজ মাঘের শেষে প্রথম বসন্তের
বাতাস দিয়েছে, জ্যোৎস্নাও দিবিয়া, আজ যদি এখনি ঘুমোতে কিম্বা পড়া মুখস্থ করতে
যাওয়া যায় তা হলে দেবতার দিক্কার দেবেন ।”

বিপিন । তাঁদের দিক্কার খুব সহজে সহ্য হয়, কিন্তু ব্যামোর ধাক্কা কিম্বা—

শ্রীশ । দেখো, ওই জন্তে তোমার সঙ্গে আমার ঝগড়া হয় । আমি বেশ জানি

দক্ষিণে হাওয়ায় তোমারও প্রাণটা চঞ্চল হয়, কিন্তু পাছে কেউ তোমাকে কবিশ্বের অপবাদ দেয় বলে মলয় সমীরণটাকে একেবারেই আমল দিতে চাও না। এতে তোমার বাহাদুরিটা কী জিজ্ঞাসা করি? আমি তোমার কাছে আজ মুক্তকণ্ঠে স্বীকার করছি, আমার ফুল ভালো লাগে, জ্যোৎস্না ভালো লাগে, দক্ষিণে হাওয়া ভালো লাগে—

বিপিন। এবং—

শ্রীশ। এবং যা কিছু ভালো লাগবার মতো জিনিস সবই ভালো লাগে।

বিপিন। বিধাতা তো তোমাকে ভারি আশ্চর্য রকম ছাঁচে গড়েছেন দেখছি।

শ্রীশ। তোমার ছাঁচ আরও আশ্চর্য। তোমার লাগে ভালো, কিন্তু বল অন্য রকম— আমার সেই শোবার ঘরের ঘড়িটার মতো— সে চলে ঠিক, কিন্তু বাজে ভুল।

বিপিন। কিন্তু শ্রীশ, তোমার যদি সব মনোহর জিনিসই মনোহর লাগতে লাগল তা হলে তো আসন্ন বিপদ।

শ্রীশ। আমি তো কিছুই বিপদ বোধ করি নে।

বিপিন। সেই লক্ষণটাই তো সব চেয়ে খারাপ। রোগের যখন বেদনাবোধ চলে যায় তখন আর চিকিৎসার রাস্তা থাকে না। আমি, ভাই, স্পষ্টই কবুল করছি স্ত্রীজাতির একটা আকর্ষণ আছে— চিরকুমার-সভা যদি সেই আকর্ষণ এড়াতে চান তা হলে তাঁকে খুব তফাত দিয়ে যেতে হবে।

শ্রীশ। ভুল, ভুল, ভয়ানক ভুল! তুমি তফাতে থাকলে কী হবে, তাঁরা তো তফাতে থাকেন না। সংসাররক্ষার জন্তে বিধাতাকে এত নারী সৃষ্টি করতে হয়েছে যে তাঁদের এড়িয়ে চলা অসম্ভব। অতএব কৌমার্য যদি রক্ষা করতে চাও তা হলে নারীজাতিকে অল্পে অল্পে সহিয়ে নিতে হবে। ওই-যে স্ত্রীসভ্য নেবার নিয়ম হয়েছে এতদিন পরে কুমারসভা চিরস্থায়ী হবার উপায় অবলম্বন করেছে। কিন্তু কেবল একটি-মাত্র মহিলা হলে চলবে না বিপিন, অনেকগুলি স্ত্রীসভ্য চাই। বন্ধ ঘরের একটি জানলা খুলে ঠাণ্ডা লাগালে সর্দি ধরে, খোলা হাওয়ায় থাকলে সে বিপদ নেই।

বিপিন। আমি তোমার ঐ খোলা হাওয়া বন্ধ হাওয়া বুঝি নে ভাই! যার সর্দির ধাত তাকে সর্দি থেকে রক্ষা করতে দেবতা মনুষ্য কেউ পারে না।

শ্রীশ। তোমার ধাত কী বলছে হে?

বিপিন। সে কথা খোলসা করে বললেই বুঝতে পারবে তোমার ধাতের সঙ্গে তার চমৎকার মিল আছে। নাড়ীটা যে সব সময়ে ঠিক চিরকুমারের নাড়ীর মতো চলে তা জাঁক করে বলতে পারব না।

শ্রীশ। ওইটে তোমার আর-একটা ভুল। চিরকুমারের নাড়ীর উপর ঊনপঞ্চাশ

পবনের নৃত্য হতে দাঁও—কোনো ভয় নেই—বাধাবাধি চাপাচাপি কোরো না। আমাদের মতো ব্রত বাদে, তারা কি হৃদয়টিকে তুলো দিয়ে মুড়ে রাখতে পারে? তাকে অশমেধযজ্ঞের ঘোড়ার মতো ছেড়ে দাঁও, যে তাকে বাধবে তার সঙ্গে লড়াই করো।

বিপিন। ও কে হে! পূর্ণ দেখছি। ও বেচারার এ গলি থেকে আর বেরোবার জো নেই। ওই বীরপুরুষের অশমেধের ঘোড়াটি বেজায় খোঁড়াচ্ছে। ওকে একবার ডাক দেব?

শ্রীশ। ডাকো। ও কিন্তু আমাদেরই দুজনকে অন্বেষণ করে গলিতে গলিতে ঘুরছে বলে বোধ হচ্ছে না।

বিপিন। পূর্ণবাবু, খবর কী?

পূর্ণ। অত্যন্ত পুরোনো। কাল-পরশু যে-খবর চলছিল আজও তাই চলছে।

শ্রীশ। কাল-পরশু শীতের হাওয়া বচ্ছিল, আজ বসন্তের হাওয়া দিয়েছে—এতে দুটো-একটা নতুন খবরের আশা করা যেতে পারে।

পূর্ণ। দক্ষিনের হাওয়ায় যে-সব খবরের সৃষ্টি হয়, কুমারসভার খবরের কাগজে তার স্থান নেই। তপোবনে এক দিন অকালে বসন্তের হাওয়া দিয়েছিল, তাই নিয়ে কালিদাসের কুমারসম্ভব কাব্য রচনা হয়েছে—আমাদের কশালগুণে বসন্তের হাওয়ায় কুমার-অসম্ভব কাব্য হয়ে দাঁড়ায়।

বিপিন। হয় তো হোক-না পূর্ণবাবু—সে কাব্যে যে দেবতা দৃষ্ট হয়েছিলেন এ কাব্যে তাঁকে পুনর্জীবন দেওয়া যাক।

পূর্ণ। এ কাব্যে চিরকুমার-সভা দৃষ্ট হোক। যে দেবতা জলেছিলেন তিনি জ্ঞানান। না, আমি ঠাট্টা করছি নে শ্রীশবাবু, আমাদের চিরকুমার-সভাটি একটি আশু ভ্রতুগৃহবিশেষ। আগুন লাগলে রক্ষে নেই। তার চেয়ে বিবাহিত-সভা স্থাপন করো, জীজ্ঞাতি সম্বন্ধে নিরাপদ থাকবে। যে ইট পাঁজার পুড়েছে তা দিয়ে ঘর তৈরি করলে আর পোড়বার ভয় থাকে না হে।

শ্রীশ। যে-সে লোক বিবাহ করে করে বিবাহ জিনিসটা মাটি হয়ে গেছে পূর্ণবাবু! সেইজন্মেই তো কুমারসভা। আমার যতদিন প্রাণ আছে ততদিন এ সভায় প্রজ্ঞাপতির প্রবেশ নিষেধ।

বিপিন। পক্ষর?

শ্রীশ। আহ্নন তিনি। একবার তাঁর সঙ্গে ঘনিষ্ঠতা হয়ে গেলে, বাসু, আর ভয় নেই।

পূর্ণ। দেখো শ্রীশবাবু।

শ্রীশ। দেখব আর কী? তাঁকে খুঁজে বেড়াচ্ছি। এক চোট দীর্ঘনিশ্বাস ফেলব, কবিতা আওড়াব, কনকবলয়ত্রঃশরিক্তপ্রকোষ্ঠ হয়ে যাব, তবে রীতিমত সন্ন্যাসী হতে পারব। আমাদের কবি লিখেছেন—

নিশি না পোহাতে জীবনপ্রদীপ

জালাইয়া যাও প্রিয়া,

তোমার অনল দিয়া।

কবে যাবে তুমি সমুখের পথে

দীপ্ত শিখাটি বাহি

আছি তাই পথ চাহি।

পুড়িবে বলিয়া রয়েছে আশায়

আমার নীরব হিয়া

আপন আধার নিয়া।

নিশি না পোহাতে জীবনপ্রদীপ

জালাইয়া যাও প্রিয়া!

পূর্ণ। ওহে শ্রীশবাবু, তোমার কবিটি তো মন্দ লেখে নি!—

নিশি না পোহাতে জীবনপ্রদীপ

জালাইয়া যাও প্রিয়া!

ঘরটি সাজানো রয়েছে— খালায় মালা, পালকে পুষ্পশয্যা, কেবল জীবনপ্রদীপটি জ্বলছে না, সন্ধ্যা ক্রমে রাত্রি হতে চলল!— বাঃ, দিব্যি লিখেছে! কোন্ বইটাতে আছে বলা দেখি?

শ্রীশ। বইটার নাম আবাহন।

পূর্ণ। নামটাও বেছে বেছে দিয়েছে ভালো। (আপন-মনে)—

নিশি না পোহাতে জীবনপ্রদীপ

জালাইয়া যাও প্রিয়া!

[দীর্ঘনিশ্বাস

তোমরা কি বাড়ির দিকে চলেছ?

শ্রীশ। বাড়ি কোন্ দিকে ভুলে গেছি ভাই!

পূর্ণ। আজ পথ ভোলবার মতোই রাতটা হয়েছে বটে। কী বল বিপিনবাবু?

শ্রীশ। বিপিনবাবু এ-সকল বিষয়ে কোনো কথাই কন না, পাছে ঠর ভিতরকার কবিতা ধরা পড়ে। কৃপণ যে জিনিষটার বেশি আদর করে সেইটেকেই মাটির নীচে পুঁতে রাখে।

বিপিন। অস্থানে বাজে খরচ করতে চাই নে ভাই, স্থান খুঁজে বেড়াচ্ছি। মরতে হলে একেবারে গঙ্গার ঘাটে গিয়ে মরাই ভালো।

পূর্ণ। এ তো উত্তম কথা, শাস্ত্রসংগত কথা। বিপিনবাবু একেবারে অস্তিমকালের জন্তে কবিত্ব সঞ্চয় করে রাখছেন, যখন অস্ত্রে বাক্য কবেন কিন্তু উনি যবেন নিরুত্তর। আশীর্বাদ করি অস্ত্রের সেই বাক্যগুলি যেন মধুমাথা হয়—

শ্রীশ। এবং তার সঙ্গে যেন কিঞ্চিৎ ঝালের সম্পর্কও থাকে—

বিপিন। এবং বাক্যবর্ষণ করেই যেন মুখের সমস্ত কর্তব্য নিঃশেষ না হয়—

পূর্ণ। বাক্যের বিরামস্থলগুলি যেন বাক্যের চেয়ে মধুমত্তর হয়ে ওঠে।

শ্রীশ। সেদিন নিদ্রা যেন না আসে—

পূর্ণ। রাত্রি যেন না যায়—

বিপিন। চন্দ্র যেন পূর্ণচন্দ্র হয়—

পূর্ণ। বিপিন যেন বসন্তের ফুলে প্রফুল্ল হয়ে ওঠে—

শ্রীশ। এবং হতভাগ্য শ্রীশ যেন কুঞ্জধারের কাছে এসে উকিঝুঁকি না মারে।

পূর্ণ। দূর হোক গে শ্রীশবাবু, তোমার সেই আবাহন থেকে আর-একটা কিছু কবিতা আওড়াও। চমৎকার লিখেছে হে—

নিশি না পোহাতে জীবনপ্রদীপ

আলাইয়া যাও প্রিয়া!

আহা! একটি জীবনপ্রদীপের শিখাটুকু আর-একটি জীবনপ্রদীপের মুখের কাছে কেবল একটু ঠেকিয়ে গেলেই হয়, বাস, আর কিছুই নয়— দুটি কোমল অঙ্গুলি দিয়ে প্রদীপখানি একটু হেলিয়ে একটু ছুঁইয়ে যাওয়া, তার পরেই চকিতের মধ্যে সমস্ত আলোকিত। (আপন-মনে)—

নিশি না পোহাতে জীবনপ্রদীপ

আলাইয়া যাও প্রিয়া!

শ্রীশ। পূর্ণবাবু, যাও কোথায়!

পূর্ণ। চন্দ্রবাবুর বাসায় একখানা বই ফেলে এসেছি, সেইটে খুঁজতে যাচ্ছি।

বিপিন। খুঁজলে পাবে তো? চন্দ্রবাবুর বাসা বড়ো এলোমেলো জায়গা— সেখানে যা হারায় সে আর পাওয়া যায় না। [পূর্ণের প্রশ্নান

শ্রীশ। (দীর্ঘনিশ্বাস ফেলিয়া) পূর্ণ বেশ আছে ভাই বিপিন!

বিপিন। ভিতরকার বাষ্পের চাপে ওর মাথাটা সোঁতাওরাটারের ছিপির মতো একেবারে টপ্ করে উড়ে না যায়।

শ্রীশ । যায় তো থাক-না । কোনোমতে লোহার তার এঁটে মাথাটাকে ঠিক জায়গায় ধরে রাখাই কি জীবনের চরম পুরুষার্থ ? মাঝে মাঝে মাথার বেঠিক না হলে রাতদিন মুঠের বোঝার মতো মাথাটাকে বয়ে বেড়াচ্ছি কেন ? দাও ভাই, তার কেটে, একবার উড়ুক ।— সেদিন তোমাকে শোনাচ্ছিলুম—

ওরে সাবধানী পথিক, বারেক
পথ ভুলে মরু ফিরে ।
খোলা আঁধি দুটো অন্ধ করে দে
আকুল আঁধির নীরে ।
সে ভোলা পথের প্রান্তে রয়েছে
হারানো হিয়ার কুঞ্জ,
ঝরে পড়ে আছে কাঁটাতরুতলে
রক্তকুসুমপুঞ্জ—
সেখা দুই বেলা ভাঙা-গড়া খেলা
অকুলসিদ্ধুতীরে ।
ওরে সাবধানী পথিক, বারেক
পথ ভুলে মরু ফিরে ।

বিপিন । আজকাল তুমি খুব কবিতা পড়তে আরম্ভ করেছ, শীঘ্রই একটা মুশকিলে পড়বে দেখছি !

শ্রীশ । যে লোক ইচ্ছে করে মুশকিলের রাস্তা খুঁজে বেড়াচ্ছে তার জন্মে কেউ ভেবো না । মুশকিলকে এড়িয়ে চলতে গিয়ে হঠাৎ মুশকিলের মধ্যে পা ফেললেই বিপদ ।— আসুন আসুন রসিকবাবু, রাজ্যে পথে বেরিয়েছেন যে ?

রসিকের প্রবেশ

রসিক । আমার রাতই বা কী, আর দিনই বা কী !

বরমসৌ দিবসো ন পুনর্নিশা
নহু নিশৈব বরং ন পুনর্দিনম্ ।
উভয়মেতদুপৈত্বথবা কয়ং
প্রিয়জনে ন যত্র সমাগমঃ ।

শ্রীশ । অস্তার্থঃ ?

রসিক । অন্তর্থাৎ হচ্ছে—

আসে তো আনুক রাত্তি, আনুক বা দিবা,

যায় যদি যাক নিরবধি ।

তাহাদের যাতায়াতে আসে যায় কিবা

প্রিয় মোর নাহি আসে যদি ।

অনেকগুলো দিন রাত্তি এ-পর্যন্ত এসেছে এবং গেছে, কিন্তু তিনি আজ পর্যন্ত এসে পৌঁছলেন না— তাই, দিনই বলুন আর রাত্তিই বলুন, ও দুটোর 'পরে আমার আর কিছুমাত্র শ্রদ্ধা নেই ।

শ্রীশ । আচ্ছা রসিকবাবু, প্রিয়জন এখনি যদি হঠাৎ এসে পড়েন ?

রসিক । তা হলে আমার দিকে তাকাবেন না, তোমাদের দুজনের মধ্যে এক জনের ভাগেই পড়বেন ।

শ্রীশ । তা হলে তদগোঁই তিনি অরসিক বলে প্রমাণ হয়ে যাবেন ।

রসিক । এবং পরদগোঁই পরমানন্দে কালযাপন করতে থাকবেন । তা, আমি ঈর্ষা করতে চাই নে শ্রীশবাবু ! আমার ভাগ্যে যিনি আসতে বহু বিলম্ব করলেন, আমি তাঁকে তোমাদের উদ্দেশ্যেই উৎসর্গ করলুম । দেবী, তোমার বরমাল্য গাঁথে আনো । আজ বসন্তের শুরু রজনী, আজ অভিসারে এস !

মন্দং নিধেহি চরণৌ পরিধেহি নীলং

বাসঃ পিধেহি বলয়াবলিমঞ্চলেন ।

মা ভগ্ন সাহসিনি শারদচন্দ্রকান্ত-

দস্তাংশবস্তব তমাংসি সমাপয়ন্তি ।

ধীরে ধীরে চলো তবী, পরো নীলাঘর,

অঞ্চলে বাঁধিয়া রাখো করুণ মুখর ।

কথাটি কোয়ো না, তব দস্ত-অংশুচি

পথের তিমিররাশি পাছে ফেলে মুছি ।

শ্রীশ । রসিকবাবু, আপনার ঝুলি যে একেবারে ভরা । এমন কত তর্জমা করে রেখেছেন ?

রসিক । বিস্তর— লক্ষী তো এলেন না, কেবল বাণীকে নিয়েই দিন যাপন করছি ।

শ্রীশ । ওহে বিপিন, অভিসার ব্যাপারটা কল্পনা করতে বেশ লাগে ।

বিপিন। ওটা পুনর্বীর চালাবার জন্তে চিরকুমার-সভায় একটা প্রস্তাব এনে দেখো-না।

শ্রীশ। কতকগুলো জিনিস আছে যার আইডিয়াটা এত সুন্দর যে, সংসারে সেটা চালাতে সাহস হয় না। যে রাস্তায় অভিসার হতে পারে, যেখানে কামিনীদের হার থেকে মুক্তো ছিঁড়ে ছড়িয়ে পড়ে, সে রাস্তা কি তোমার পটোলডাঙা স্ট্রীট? সে রাস্তা জগতে কোথাও নেই। বিরহিণীর হৃদয় নীলাধরী প'রে মনোরাজ্যের পথে ওই রকম করে বেরিয়ে থাকে— বন্ধের উপর থেকে মুক্তো ছিঁড়ে পড়ে, চেয়েও দেখে না— সত্যিকার মুক্তো হলে কুড়িয়ে নিত। কী বলেন রসিকবাবু?

রসিক। সে কথা মানতেই হয়— অভিসারটা মনে মনেই ভালো, গাড়ি-ঘোড়ার রাস্তায় অত্যন্ত বেমানান। আশীর্বাদ করি শ্রীশবাবু, এইরকম বসন্তের জ্যোৎস্নারাত্রে কোনো একটি জানলা থেকে কোনো এক রমণীর ব্যাকুল হৃদয় তোমার বাসার দিকে যেন অভিসারে যাত্রা করে।

শ্রীশ। তা করবে রসিকবাবু, আপনার আশীর্বাদ ফলবে। আজকের হাওয়াতে সেই খবরটা আমি মনে মনে পাচ্ছি। বিশেষ ডাকাত যেমন খবর দিয়ে ডাকাতি করত, আমার অজানা অভিসারিকা তেমনি পূর্বে হতেই আমাকে অভিসারের খবর পাঠিয়েছে।

বিপিন। তোমার সেই ছাতের বারান্দাটা সাজিয়ে প্রস্তুত হয়ে থেকে।

শ্রীশ। তা, আমার সেই দক্ষিণের বারান্দায় একটি চৌকিতে আমি বসি, আর-একটি চৌকি সাজানো থাকে।

বিপিন। সেটাতে আমি এসে বসি।

শ্রীশ। মধ্বভাবে গুড়ং দঢ়াং, অভাবপক্ষে তোমাকে নিয়ে চলে।

বিপিন। মধুময়ী যখন আসবেন তখন হতভাগার ভাগ্যে লগুড়ং দঢ়াং।

রসিক। (জনাস্তিকে) শ্রীশবাবু, আপনার সেই দক্ষিণের ছাতটিকে চিহ্নিত করে রাখবার জন্তে যে পতাকা ওড়ানো আবশ্যিক সেটা যে ফেলে এলেন!

শ্রীশ। ক্রমালটা কি এখন চেষ্টা করলে পাওয়া যেতে পারবে?

রসিক। চেষ্টা করতে দোষ কী?

শ্রীশ। বিপিন, তুমি ভাই রসিকবাবুর সঙ্গে একটু কথাবার্তা কও, আমি চট করে আসছি। [প্রস্থান

বিপিন। আচ্ছা রসিকবাবু, রাগ করবেন না—

রসিক। যদি বা করি, আপনার ভয় করবার কোনো কারণ নেই— আমি ভারি দুর্বল।

বিপিন। দুই-একটা প্রশ্ন জিজ্ঞাসা করব, আপনি বিরক্ত হবেন না।

রসিক। আমার বয়স সত্বে কোনো প্রশ্ন নয় তো ?

বিপিন। না।

রসিক। তবে জিজ্ঞাসা করুন, ঠিক উত্তর পাবেন।

বিপিন। সেদিন যে মহিলাটিকে দেখলাম, তিনি—

রসিক। তিনি আলোচনার যোগ্য, আপনি সংকোচ করবেন না বিপিনবাবু — তাঁর সত্বে যদি আপনি মাঝে মাঝে চিন্তা ও চর্চা করে থাকেন তবে তাতে আপনার অসাধারণত্ব প্রমাণ হয় না, আমরাও ঠিক ওই কাজ করে থাকি।

বিপিন। অবলাকাস্তবাবু বুঝি—

রসিক। তাঁর কথা বলবেন না— তাঁর মুখে অন্য কথা নেই।

বিপিন। তিনি কি—

রসিক। হাঁ, তাই বটে। তবে হয়েছে কী, তিনি নৃপবালা নীরবালা দুজনের কাকে যে বেশি ভালোবাসেন স্থির করে উঠতে পারেন না— তিনি দুজনের মধ্যে সর্বদাই দোলায়মান।

বিপিন। কিন্তু তাঁদের কেউ কি গুর প্রতি—

রসিক। না, এমন ভাব নয় যে, গুঁকে বিবাহ করতে পারেন। সে হলে তো কোনো গোলমাল ছিল না।

বিপিন। তাই বুঝি অবলাকাস্তবাবু কিছু—

রসিক। কিছু যেন চিন্তাশ্রিত।

বিপিন। শ্রীমতী নীরবালা বুঝি গান ভালোবাসেন ?

রসিক। বাসেন বটে, আপনার পকেটের মধ্যেই তো তার সাক্ষী আছে।

বিপিন। (পকেট হইতে গানের খাতা বাহির করিয়া) এখানা নিয়ে আসা আমার অত্যন্ত অভদ্রতা হয়েছে—

রসিক। সে অভদ্রতা আপনি না করলে আমরা কেউ-না-কেউ করতেম।

বিপিন। আপনারা করলে তিনি মার্জনা করতেন, কিন্তু আমি— বাস্তবিক অন্তায় হয়েছে, কিন্তু এখন ফিরিয়ে দিলেও তো—

রসিক। মূল অন্তায়টা অন্তায়ই থেকে যায়।

বিপিন। অতএব—

রসিক। ষাঁহাতক বাহার তাঁহাতক ভিন্ন। হরণে যে দোষটুকু হয়েছে রক্ষণে নাহয় তাতে আর-একটু যোগ হল।

বিপিন । খাতাটা সম্বন্ধে তিনি কি আপনাদের কাছে কিছু বলেছেন ?

রসিক । বলেছেন অল্পই, কিন্তু না বলেছেন অনেকটা ।

বিপিন । কিরকম ?

রসিক । লজ্জায় অনেকখানি লাল হয়ে উঠলেন ।

বিপিন । ছি ছি, সে লজ্জা আমারই ।

রসিক । আপনার লজ্জা তিনি ভাগ করে নিলেন, যেমন অরণ্যের লজ্জায়
উষা রক্তিম ।

বিপিন । আমাকে আর পাগল করবেন না রসিকবাবু !

রসিক । দলে টানছি মশায় !

বিপিন । (খাতা পুনর্বার পকেটে পুরিয়া) ইংরাজিতে বলে দোষ করা মানবের
ধর্ম, ক্ষমা করা দেবতার ।

রসিক । আপনি তা হলে মানবধর্ম পালনটাই সাব্যস্ত করলেন !

বিপিন । দেবীর ধর্মে যা বলে তিনি তাই করবেন !

শ্রীশের প্রবেশ

শ্রীশ । অবলাকাস্তবাবুর সঙ্গে দেখা হল না ।

বিপিন । তুমি রাতারাতিই তাঁকে সন্ন্যাসী করতে চাও না কি ?

শ্রীশ । যা হোক, অক্ষয়বাবুর কাছে বিদায় নিয়ে এলুম ।

বিপিন । বটে বটে, তাঁকে বলে আসতে ভুলে গিয়েছিলেম— এক বার তাঁর সঙ্গে
দেখা করে আসি গে ।

রসিক । (জনাস্তিকে) পুনর্বার কিছু সংগ্রহের চেষ্টায় আছেন বুঝি ? মানবধর্মটা
ক্রমেই আপনাকে চেপে ধরছে ! [বিপিনের প্রশ্নান

শ্রীশ । রসিকবাবু, আপনার কাছে আমার একটা পরামর্শ আছে ।

রসিক । পরামর্শ দেবার উপযুক্ত বয়স হয়েছে, বুদ্ধি না হতেও পারে ।

শ্রীশ । আপনাদের ওখানে সেদিন যে ছুটি মহিলাকে দেখেছিলেম, তাঁদের
দৃজনকেই আমার স্তন্দরী বলে বোধ হল ।

রসিক । আপনার বোধশক্তির দোষ দেওয়া যায় না । সকলেই তো ওই এক
কথাই বলে ।

শ্রীশ । তাঁদের সম্বন্ধে যদি মাঝে মাঝে আপনার সঙ্গে আলাপ-আলোচনা করি
তা হলে কি—

রসিক । তা হলে আমি খুশি হব, আপনারও সেটা ভালো লাগতে পারে এবং তাঁদেরও বিশেষ কৃতি হবে না ।

শ্রীশ । কিছুমাত্র না । ঝিল্লি যদি নক্ষত্র সম্বন্ধে ভয়না করে—

রসিক । তাতে নক্ষত্রের নিজার ব্যাঘাত হয় না ।

শ্রীশ । ঝিল্লিরই অনিদ্ভারোগ ভয়নাতে পারে, কিন্তু তাতে আমার আপত্তি নেই ।

রসিক । আজ তো তাই বোধ হচ্ছে ।

শ্রীশ । ঝাঁর রুমাল কুড়িয়ে পেয়েছিলুম তাঁর নামটি বলতে হবে ।

রসিক । তাঁর নাম নৃপবালা ।

শ্রীশ । তিনি কোন্টি ?

রসিক । আপনিই আন্দাজ করে বলুন দেখি ।

শ্রীশ । ঝাঁর সেই লাল রঙের রেশমের শাড়ি পরা ছিল ?

রসিক । বলে যান ।

শ্রীশ । যিনি লজ্জায় পালাতে চাচ্ছিলেন, অথচ পালাতেও লজ্জা বোধ করছিলেন— তাই মুহূর্তকালের মতো হঠাৎ ব্রহ্মহরিণীর মতো ধমকে দাঁড়িয়েছিলেন, সামনের দুই-এক গুচ্ছ চুল প্রায় চোখের উপরে এসে পড়েছিল— চাবির-গোছা-বাঁধা চ্যুত অঞ্চলটি বাঁ হাতে তুলে ধরে যখন ক্রতবেগে চলে গেলেন তখন তাঁর পিঠভরা কালো চুল আমার দৃষ্টিপথের উপর দিয়ে একটি কালো জ্যোতিষ্কের মতো ছুটে নৃত্য করে চলে গেল ।

রসিক । এ তো নৃপবলাই বটে! পা দুখানি লজ্জিত, হাত দুখানি কুণ্ঠিত, চোখ দুটি ব্রহ্ম, চুলগুলি কুণ্ঠিত, দুঃখের বিষয় হৃদয়টি দেখতে পান নি— সে যেন ফুলের ভিতরকার লুকোনো মধুটুকুর মতো মধুর, শিশিরটুকুর মতো করুণ ।

শ্রীশ । রসিকবাবু, আপনার মধ্যে এত যে কবিত্বরস সঞ্চিত হয়ে রয়েছে তার উৎস কোথায় এবার টের পেয়েছি ।

রসিক । ধরা পড়েছি শ্রীশবাবু—

কবীজ্ঞাণাং চেতঃকমলবনমালাতপক্ৰচিঃ

ভজস্তু যে সন্তঃ কতিচিদরুণামেব ভবতীং

বিরিক্খিপ্রেয়শ্চাস্তরুণতরশৃঙ্খারলহরীং

গভীরাভির্বাগ্ভির্বিদধতি সভারঙ্গনময়ীং ।

কবীজ্ঞদের চিত্তকমলবনমালার কিরণলেখা যে তুমি, তোমাকে ধারা লেশমাত্র ভয়না করে তারাই গভীর বাক্যধারা সরস্বতীর সভারঙ্গনময়ী তরুণলীলালহরী

প্রকাশ করতে পারে। আমি সেই কবিচিত্তকমলবনের কিরণলেখটির পরিচয় পেয়েছি।

শ্রীশ। আমিও অল্পদিন হল একটু পরিচয় পেয়েছি, তার পর থেকে কবিত্ব আমার পক্ষে সহজ হয়ে এসেছে।

অক্ষয়ের প্রবেশ

অক্ষয়। (স্বগত) নাঃ, দুটি নবযুবকে মিলে আমাকে আর ঘরে তিষ্ঠতে দিলে না দেখছি। একটি তো গিয়ে চোরের মতো আমার ঘরের মধ্যে হাংড়ে বেড়াচ্ছিলেন— ধরা পড়ে ভালোরকম জবাবদিহি করতে পারলে না, শেষকালে আমাকে নিয়ে পড়ল। তার খানিক বাদেই দেখি দ্বিতীয় ব্যক্তিটি গিয়ে ঘরের বইগুলি নিয়ে উলটে-পালটে নিরীক্ষণ করছে। তফাত থেকে দেখেই পালিয়ে এসেছি। বেশ মনের মতো করে চিঠিখানি যে লিখব এরা তা আর দিলে না। আহা, চমৎকার জ্যোৎস্না হয়েছে!

শ্রীশ। এই-ষে অক্ষয়বাবু!

অক্ষয়। ওই রে! একটা ডাকাত ঘরের মধ্যে, আর-একটা ডাকাত গলির মোড়ে। হা প্রিয়ে, তোমার ধ্যান থেকে যারা আমার মনকে বিক্ষিপ্ত করছে তারা মেনকা উর্বশী রম্ভা হলে আমার কোনো খেদ ছিল না— মনের মতো ধ্যান-ভঙ্গও অক্ষয়ের অদৃষ্টে নেই— কলিকালে ইন্দ্রদেবের বয়স বেশি হয়ে বেরসিক হয়ে উঠেছে!

বিপিনের প্রবেশ

বিপিন। এই-ষে অক্ষয়বাবু, আপনাকেই খুঁজছিলুম।

অক্ষয়। হায় হতভাগ্য, এমন রাত্রি কি আমাকে খোঁজ করে বেড়াবার জগুই হয়েছিল?—

in such a night as this,
when the sweet wind did gently kiss the trees,
and they did make no noise, in such a night
Troilus methinks mounted the Troyan walls
and sighed his soul toward the Grecian tents,
where Cressid lay that night.

শ্রীশ। In such a night আপনি কী করতে বেরিয়েছেন অক্ষয়বাবু?

রসিক ।—

অপসরতি ন চক্ষুৰো যুগাকী
রজনিরিয়ং চ ন যাতি নৈতি নিদ্রা ।

চক্ষু'পরে যুগাকীর চিত্রখানি ভাসে—
রজনীও নাহি যায়, নিদ্রাও না আসে ।

অক্ষয়বাবুর অবস্থা আমি জানি মশায় !

অক্ষয় । তুমি কে হে ?

রসিক । আমি রসিকচন্দ্র— দুই দিকে দুই যুবককে আশ্রয় করে ঘোঁষনসাগরে
ভাসমান ।

অক্ষয় । এ বয়সে ঘোঁষন সহ্য হবে না রসিকদাদা !

রসিক । ঘোঁষনটা কোন্ বয়সে যে সহ্য হয় তা তো জানি নে, ওটা অসহ্য
ব্যাপার । শ্রীশবাবু আপনার কিরকম বোধ হচ্ছে ।

শ্রীশ । এখনো সম্পূর্ণ বোধ করতে পারি নি ।

রসিক । আমার মতো পরিণত বয়সের জন্তে অপেক্ষা করছেন বুঝি ? অক্ষয়দা,
আজ তোমাকে বড়ো অন্তমনস্ক দেখাচ্ছে ।

অক্ষয় । তুমি তো অন্তমনস্ক দেখবেই, মনটা ঠিক তোমার দিকে নেই ।— বিপিন-
বাবু, তুমি আমাকে খুঁজছিলে বললে বটে, কিন্তু খুব যে জরুরি দরকার আছে বলে বোধ
হচ্ছে না, অতএব আমি এখন বিদায় হই— একটু বিশেষ কাজ আছে । [প্রস্থান

রসিক । বিরহী চিঠি লিখতে চলল ।

শ্রীশ । অক্ষয়বাবু আছেন বেশ ।— রসিকবাবু, ওঁর স্ত্রীই বুঝি বড়ো বোন ? তাঁর
নাম ?

রসিক । পুরবালী ।

বিপিন । (নিকটে আসিয়া) কী নাম বললেন ?

রসিক । পুরবালী ।

বিপিন । তিনিই বুঝি সব চেয়ে বড়ো ?

রসিক । হ্যাঁ ।

বিপিন । সব ছোটোটির নাম ?

রসিক । নীরবালী ।

শ্রীশ । আর, নূপবালী কোন্টি ?

রসিক । তিনি নীরবালীর বড়ো ।

শ্রীশ। তা হলে নূপবালাই হলেন মেজ।

বিপিন। আর নীরবালা ছোটো।

শ্রীশ। পুরবালার ছোটো নূপবালা।

বিপিন। তাঁর ছোটো হচ্ছেন নীরবালা।

রসিক। (স্বগত) এরা তো নাম ভ্রম করতে শুরু করলে। আমার মুশকিল।
আর তো হিম সহ হবে না, পালাবার উপায় করা যাক।

বনমালীর প্রবেশ

বনমালী। এই-ষে, আপনারা এখানে! আমি আপনাদের বাড়ি গিয়েছিলুম।

শ্রীশ। এইবার আপনি এখানে থাকুন, আমরা বাড়ি যাই।

বনমালী। আপনারা সর্বদাই ব্যস্ত দেখতে পাই।

বিপিন। তা, আপনি আমাদের কখনো স্নহ দেখেন নি— একটু বিশেষ ব্যস্ত
হয়েই পড়ি।

বনমালী। পাঁচ মিনিট যদি দাঁড়ান।

শ্রীশ। রসিকবাবু, একটু ঠাণ্ডা বোধ হচ্ছে না?

রসিক। আপনাদের এতক্ষণে বোধ হল, আমার অনেকক্ষণ থেকেই বোধ
হচ্ছে।

বনমালী। চলুন-না, ঘরেই চলুন-না!

শ্রীশ। মশায়, এত রাত্রে যদি আমার ঘরে ঢোকেন তা হলে কিঙ্ক—

বনমালী। যে আঙ্কে, আপনারা কিছু ব্যস্ত আছেন দেখছি, তা হলে আর-এক
সময় হবে।

একাদশ পরিচ্ছেদ

রসিক। ভাই শৈল!

শৈল। কী রসিকদাদা!

রসিক। এ কি আমার কাজ? মহাদেবের তপোভঙ্গের জন্তে স্বয়ং কন্দর্পদেব
ছিলেন, আর আমি বৃদ্ধ—

শৈল। তুমি তো বৃদ্ধ, তেমনি যুবক ছুটিও তো ষুগল মহাদেব নন!

রসিক। তা নন, সে আমি বেশ ঠাহর করেই দেখেছি। সেই জন্তেই তো নির্ভয়ে

এসেছিলুম। কিন্তু তাঁদের সঙ্গে রাত্তার মধ্যে হিসে দাড়িয়ে অর্ধেক রাত পর্যন্ত রসা-
লাপ করবার মতো উত্তাপ আমার শরীরে তো নেই!

শৈল। তাঁদের সংসর্গে উত্তাপ সঞ্চার করে নেবে।

রসিক। সজীব গাছ যে সূর্যের তাপে প্রফুল্ল হয়ে ওঠে, মরা কাঠ তাতেই কেটে
যায়— যৌবনের উত্তাপ বুড়োমানুষের পক্ষে ঠিক উপযোগী বোধ হয় না।

শৈল। কই, তোমাকে দেখে কেটে যাবে বলে তো বোধ হচ্ছে না।

রসিক। হৃদয়টা দেখলে বুঝতে পারতিন তাই!

শৈল। কী বল রসিকদা! তোমারই তো এখন সব চেয়ে নিরাপদ বয়েস।
যৌবনের দাহে তোমার কী করবে?

রসিক। শুকনো বহির্কপৈতি বৃদ্ধি। যৌবনের দাহ বৃদ্ধকে পেলেই হহঃ শব্দে
জলে ওঠে— সেই অন্তেই তো 'বৃদ্ধস্ত তরুণী ভাধা' বিপত্তির কারণ! কী আর বলব
তাই!

নীরবালার প্রবেশ

রসিক। আগছ বরদে দেবি! কিন্তু, বর তুমি আমাকে দেবে কি না জানি
নে, আমি তোমাকে একটি বর দেবার জন্যে প্রাণপাত করে মরছি। শিব তো কিছুই
করছেন না, তবু তোমাদের পুজো পাচ্ছেন; আর এই-যে বুড়ো খেটে মরছে, এ কি
কিছুই পাবে না?

নীরবালা। শিব পান ফুল, তুমি পাবে তার ফল— তোমাকেই বরমাল্য দেব
রসিকদাদা!

রসিক। মাটির দেবতাকে নৈবেদ্য দেবার সুবিধা এই যে, সেটি সম্পূর্ণ ফিরে
পাওয়া যায়— আমাকেও নির্ভয়ে বরমাল্য দিতে পারিস, বখনই দরকার হবে তখনই
ফিরে পাবি— তার চেয়ে, ভাই, আমাকে একটা গলাবন্ধ বুনে দিস, বরমাল্যের চেয়ে
সেটা বুড়োমানুষের কাজে লাগবে।

নীরবালা। তা দেব— একজোড়া পশমের জুতো বুনে রেখেছি, সেও শ্রীচরণেষু
হবে।

রসিক। আহা, কৃতজ্ঞতা একেই বলে। কিন্তু, নির, আমার পক্ষে গলাবন্ধই
যথেষ্ট— আপাদমস্তক নাই হল। সেজন্যে উপযুক্ত লোক পাওয়া যাবে, জুতোটা তাঁরই
অন্তে রেখে দে।

নীরবালা। আচ্ছা, তোমার বক্তৃতাও তুমি রেখে দাও।

রসিক । দেখেছিস ভাই শৈল, আজকাল নীরুও লজ্জা দেখা দিয়েছে— লক্ষণ পারাপ ।

শৈল । নীরু, তুই করছিস কী ! আবার এ ঘরে এসেছিস ! আজ যে এখানে আমাদের সভা বসবে— এখনি কে এসে পড়বে, বিপদে পড়বি ।

রসিক । সেই বিপদের স্বাদ ও একবার পেয়েছে, এখন বার বার বিপদে পড়বার ভগ্নে ছটফট করে বেড়াচ্ছে ।

নীরবাল । দেখো রসিকদাদা, তুমি যদি আমাকে বিরক্ত কর তা হলে গলাবন্ধ পাবে না বলছি । দেখো দেখি দিদি, তুমিও যদি রসিকদাদার কথায় ওই রকম করে হাস তা হলে গুর আত্মপর্থা আরো বেড়ে যায় ।

রসিক । দেখেছিস ভাই শৈল, নীরু আজকাল ঠাট্টাও সহিতে পারছে না, মন এত দুর্বল হয়ে পড়েছে । নীরুদিদি, কোনো কোনো সময় কোকিলের ডাক শ্রুতিকটু বলে ঠেকে এই রকম শাস্ত্রে আছে, তোর রসিকদাদার ঠাট্টাকেও কি তোর আজকাল কুহতান বলে ভ্রম হতে লাগল ?

নীরবাল । সেইজগ্নেই তো তোমার গলায় গলাবন্ধ জড়িয়ে দিতে চাচ্ছি— তানটা যদি একটু কমে ।

শৈল । নীরু, আর ঝগড়া করিস নে— আয়, এখনি সবাই এসে পড়বে ।

[উভয়ের প্রস্থান]

পূর্ণর প্রবেশ

রসিক । আহ্নন পূর্ণবাবু—

পূর্ণ । এখনো আর কেউ আসেন নি ?

রসিক । আপনি বুঝি কেবল এই বৃদ্ধটিকে দেখে হতাশ হয়ে পড়েছেন । আরো সকলে আসবেন পূর্ণবাবু !

পূর্ণ । হতাশ কেন হব রসিকবাবু ?

রসিক । তা কেমন করে বলব বলুন । কিন্তু ঘরে যেই ঢুকলেন আপনার ছুটি চক্ষু দেখে বোধ হল তারা যাকে ভিক্ষা করে বেড়াচ্ছে সে ব্যক্তি আমি নই ।

পূর্ণ । চক্ষুতত্ত্বে আপনার এতদূর অধিকার হল কী করে ?

রসিক । আমার পানে কেউ কোনো দিন তাকায় নি পূর্ণবাবু, তাই এই প্রাচীন বয়স পর্যন্ত পরের চক্ষু পর্যবেক্ষণের যথেষ্ট অবসর পেয়েছি । আপনাদের মতো শুভাদৃষ্ট হলে দৃষ্টিতত্ত্ব লাভ না করে অনেক দৃষ্টি লাভ করতে পারতুম । কিন্তু যাই

বলুন পূর্ণবাবু, চোখ দুটির মতো এমন আশ্চর্য সৃষ্টি আর কিছু হয় নি— শরীরের মধ্যে মন যদি কোথাও প্রত্যক্ষ বাস করে সে ওই চোখের উপরে।

পূর্ণ। (সোৎসাহে) ঠিক বলেছেন রসিকবাবু! ক্ষুদ্র শরীরের মধ্যে যদি কোথাও অনন্ত আকাশ-কিষ্কি অনন্ত সমুদ্রের তুলনা থাকে সে ওই দুটি চোখে।

রসিক।— নিঃসীমশোভাসৌভাগ্যং নভাভ্যা নয়নদ্বয়ং
অন্তোহন্তালোকনানন্দবিরহাদিব চঞ্চলং—

বুঝেছেন পূর্ণবাবু?

পূর্ণ। না, কিন্তু বোঝবার ইচ্ছা আছে।

রসিক।— আনতান্দী বালিকার শোভাসৌভাগ্যের সার নয়নদ্বয়
না দেখিয়া পরস্পরে তাই কি বিরহভরে হয়েছে চঞ্চল?

পূর্ণ। না রসিকবাবু, ও ঠিক হল না। ও কেবল বাক্‌চাতুরী। দুটো চোখ পরস্পরকে দেখতে চায় না।

রসিক। অন্ত দুটো চোখকে দেখতে চায় তো? সেইরকম অর্থ করেই নিন-না!
শেষ দুটো ছত্র বদলে দেওয়া যাক—

প্রিয়চক্ষু-দেখাদেখি যে আনন্দ তাই সে কি খুঁজিছে চঞ্চল?

পূর্ণ। চমৎকার হয়েছে রসিকবাবু!—

প্রিয়চক্ষু-দেখাদেখি যে আনন্দ তাই সে কি খুঁজিছে চঞ্চল?

অথচ সে বেচারী বন্দী খাঁচার পাখির মতো কেবল এ পাশে ও পাশে ছট্‌ফট্‌ করে—
প্রিয়চক্ষু যেখানে, সেখানে পাখা মেলে উড়ে যেতে পারে না।

রসিক। আবার দেখাদেখির ব্যাপারখানাও যে কিরকম নিদারুণ তাও শাস্ত্রে
লিখেছে—

হৃদা লোচনবিশিখৈর্গত্বা কন্তিচিৎপদানি গম্বাকী
জীবতি যুবা ন বা কিং ভূয়ো ভূয়ো বিলোকয়তি।

বিঁধিয়া দিয়া আঁধিবাণে

যায় সে চলি গৃহপানে,

জনমে অহুশোচনা—

ঝাঁচিল কি না দেখিবারে

চায় সে কিরে বারে বারে

কমলবরলোচনা!

পূর্ণ। রসিকবাবু, বারে বারে ফিরে চায় কেবল কাব্যে।

রসিক। তার কারণ, কাব্যে ফিরে চাবার কোনো অসুবিধে নেই। সংসারটা যদি ওইরকম ছন্দে তৈরি হত তা হলে এখানেও ফিরে ফিরে চাইত পূর্ণবাবু— এখানে মন ফিরে চায়, চক্ষু ফেরে না।

পূর্ণ। (সনিখাসে) বড়ো বিলী জায়গা রসিকবাবু! কিন্তু ওটা আপনি বেশ বলেছেন— প্রিয়চক্ষু-দেখাদেখি যে আনন্দ তাই সে কি খুঁজিছে চঞ্চল?

রসিক। আহা পূর্ণবাবু, নয়নের কথা যদি উঠল ও আর শেষ করতে ইচ্ছা করে না

লোচনে হরিণগর্ভমোচনে
মা বিদুষয় নতাদি কঙ্কলৈঃ।
সায়কঃ সপদি জীবহারকঃ
কিং পুনর্হি গরলেন লেপিতঃ ?

হরিণগর্ভমোচন লোচনে
কাজল দিয়ো না সরলে !
এমনি তো বাণ নাশ করে প্রাণ,
কী কাজ লেপিয়া গরলে ?

পূর্ণ। ধামুন রসিকবাবু, ধামুন। ওই বুঝি কারা আসছেন।

চন্দ্রবাবু ও নির্মলার প্রবেশ

চন্দ্র। এই-যে অক্ষয়বাবু—

রসিক। আমার সঙ্গে অক্ষয়বাবুর সাদৃশ্য আছে শুনলে তিনি এবং তাঁর আত্মীয়গণ বিম্বর্ষ হবেন। আমি রসিক।

চন্দ্র। মাপ করবেন রসিকবাবু— হঠাৎ ভ্রম হয়েছিল।

রসিক। মাপ করবার কী কারণ ঘটেছে মশাই! আমাকে অক্ষয়বাবু ভ্রম করে কিছুমাত্র অসম্মান করেন নি। মাপ তাঁর কাছে চাইবেন। পূর্ণবাবুতে আমাতে এতক্ষণ বিজ্ঞানচর্চা করছিলুম চন্দ্রবাবু!

চন্দ্র। আমাদের কুমারসভায় আমরা মাসে একদিন করে বিজ্ঞান-আলোচনার অন্তে স্থির করব মনে করেছিলুম। আজ কী বিষয় নিয়ে আলোচনা চলছিল পূর্ণবাবু?

পূর্ণ। না, সে কিছুই নয় চন্দ্রবাবু!

রসিক। চোখের দৃষ্টি সম্বন্ধে দু-চার কথা বলাবলি করা যাচ্ছিল।

চন্দ্র । দৃষ্টির রহস্য ভারি শক্ত রসিকবাবু ।

রসিক । শক্ত বইকি— পূর্ণবাবুরও সেই মত ।

চন্দ্র । সমস্ত জিনিসের ছায়াই আমাদের দৃষ্টিপটে উল্টো হয়ে পড়ে, সেইটেকে যে কেমন করে আমরা সোজাভাবে দেখি সে সম্বন্ধে কোনো মতই আমার সন্তোষজনক বলে বোধ হয় না ।

রসিক । সন্তোষজনক হবে কেমন করে । সোজা দেখা বাঁকা দেখা এই-সমস্ত নিয়ে মাহুকের মাথা ঘুরে যায় । বিষয়টা বড়ো সংকটময় ।

চন্দ্র । নির্মলার সঙ্গে রসিকবাবুর পরিচয় হয় নি ? ইনিই আমাদের কুমারসভার প্রথম স্ত্রীসভ্য ।

রসিক । (নমস্কার করিয়া) ইনি আমাদের সভার সভালক্ষ্মী । আপনাদের কল্যাণে আমাদের সভার বুদ্ধিবিজ্ঞার অভাব ছিল না, ইনি আমাদের শ্রী দান করতে এসেছেন ।

চন্দ্র । কেবল শ্রী নয়, শক্তি ।

রসিক । একই কথা চন্দ্রবাবু— শক্তি যখন শ্রীরূপে আবির্ভূত হন তখনই তাঁর শক্তির সীমা থাকে না । কী বলেন পূর্ণবাবু ?

পুরুষবেশী শৈলের প্রবেশ

শৈল । মাপ করবেন চন্দ্রবাবু, আমার কি আসতে দেরি হয়েছে ?

চন্দ্র । (ঘড়ি দেখিয়া) না, এখনো সময় হয়নি । অবলাকান্তবাবু, আমার ভাগ্নী নির্মলা আজ আমাদের সভার সভ্য হয়েছেন ।

শৈল । (নির্মলার নিকট বসিয়া) দেখুন, পুরুষেরা স্বার্থপর, মেয়েদের কেবল নিজেদের সেবার জন্তেই বিশেষ করে বদ্ধ করে রাখতে চায়— চন্দ্রবাবু যে আপনাকে আমাদের সভার হিতের জন্তে দান করেছেন তাতে তাঁর মহত্ব প্রকাশ পায় ।

নির্মলা । আমার মামার কাছে দেশের কাজ এবং নিজের কাজ একই । আমি যদি আপনাদের সভার কোনো উপকার করতে পারি তাতে তাঁরই সেবা হবে ।

শৈল । আপনি যে সৌভাগ্যক্রমে চন্দ্রবাবুকে ভালো করে জানবার যোগ্যতা লাভ করেছেন এতে আপনি ধন্ত ।

নির্মলা । আমি ঠকে জানব না তো কে জানবে ?

শৈল । আত্মীয় সব সময় আত্মীয়কে জানে না । আত্মীয়তার ছোট্টোকে বড়ো করে তোলে বটে, তেমনি বড়োকেও ছোট্টো করে আনে । চন্দ্রবাবুকে যে আপনি

বথার্থভাবে জেনেছেন তাতে আপনার ক্ষমতা প্রকাশ পায়।

নির্মলা। কিন্তু আমার মামাকে বথার্থভাবে জানা খুব সহজ। ওঁর মধ্যে এমন একটি স্বচ্ছতা আছে!

শৈল। দেখুন, সেইজন্মেই তো ওঁকে ঠিকমতো জানা শক্ত। দুর্বোধন ফটিকের দেয়ালকে দেয়াল বলে দেখতেই পান নি। সরল স্বচ্ছতার মহত্ব কি সকলে বুঝতে পারে? তাকে অবহেলা করে। আড়ম্বরেই লোকের দৃষ্টি আকৃষ্ট হয়।

নির্মলা। আপনি ঠিক কথা বলেছেন। বাইরের লোকে আমার মামাকে কেউ চেনেই না। বাইরের লোকের মধ্যে এতদিন পরে আপনার কাছে মামার কথা শুনে আমার যে কী আনন্দ হচ্ছে সে কী বলব।

শৈল। আপনার ভক্তিও আমাকে ঠিক সেইরকম আনন্দ দিচ্ছে।

চন্দ্র। (উভয়ের নিকটে আসিয়া) অবলাকান্তবাবু, তোমাকে যে বইটি দিয়ে-
ছিলেম সেটা পড়েছ?

শৈল। পড়েছি এবং তার থেকে সমস্ত নোট করে আপনার ব্যবহারের জন্য প্রস্তুত করে রেখেছি।

চন্দ্র। আমার ভারি উপকার হবে, আমি বড়ো খুশি হলাম অবলাকান্তবাবু! পূর্ণ নিজে আমার কাছে ওই বইটি চেয়ে নিয়ে গিয়েছিলেন। কিন্তু ওঁর শরীর ভালো ছিল না বলে কিছুই করে উঠতে পারেন নি। খাতাটি তোমার কাছে আছে?

শৈল। এনে দিচ্ছি। [প্রস্থান]

রসিক। পূর্ণবাবু, আপনাকে কেমন মন দেখছি, অস্থখ করেছে কি?

পূর্ণ। না, কিছুই না। রসিকবাবু, যিনি গেলেন এঁরই নাম অবলাকান্ত?

রসিক। হাঁ।

পূর্ণ। আমার কাছে ওঁর ব্যবহারটা ভেমন ভালো ঠেকছে না।

রসিক। অল্প বয়স কিনা সেইজন্মে—

পূর্ণ। মহিলাদের সঙ্গে কিরকম আচরণ করা উচিত সে শিক্ষা ওঁর বিশেষ দরকার।

রসিক। আমিও সেটা লক্ষ্য করে দেখেছি, মেয়েদের সঙ্গে উনি ঠিক পুরুষোচিত ব্যবহার করতে জানেন না— কেমন যেন গায়ে-পড়া ভাব। ওটা হয়তো অল্প বয়সের ধর্ম।

পূর্ণ। আমাদেরও তো বয়স খুব প্রাচীন হয় নি, কিন্তু আমরা তো—

রসিক। তা তো দেখছি, আপনি খুব দূরে দূরেই থাকেন, কিন্তু উনি হয়তো

সেটাকে ঠিক ভয়ভা বলেই গ্রহণ করেন না। ওঁর হয়তো ভয় হচ্ছে আপনি ওঁকে অগ্রাহ্য করেন।

পূর্ণ। বলেন কী রসিকবাবু? কী করব বলুন তো। আমি তো ভেবেই পাই নে কী কথা বলবার জন্তে আমি ওঁর কাছে অগ্রসর হতে পারি।

রসিক। ভাবতে গেলে ভেবে পাবেন না। না ভেবে অগ্রসর হবেন, তার পরে কথা আপনি বেরিয়ে যাবে।

পূর্ণ। না রসিকবাবু, আমার একটা কথাও বেরোয় না। কী বলব আপনিই বলুন-না।

রসিক। এমন কোনো কথাই বলবেন না যাতে জগতে যুগান্তর উপস্থিত হবে। গিয়ে বলুন, আজকাল হঠাৎ কিরকম গরম পড়েছে।

পূর্ণ। তিনি যদি বলেন হাঁ গরম পড়েছে, তার পরে কী বলব?

বিপিন ও শ্রীশের প্রবেশ

শ্রীশ। (চন্দ্রবাবু ও নির্মলাকে নমস্কার করিয়া, নির্মলার প্রতি) আপনাদের উৎসাহ ঘড়ির চেয়ে এগিয়ে চলেছে— এই দেখুন, এখনো সাড়ে ছটা বাজে নি।

নির্মলা। আজ আপনাদের সভায় আমার প্রথম দিন, সেইজন্তে সভা বসবার পূর্বেই এসেছি— প্রথম সভ্য হবার সংকোচ ভাঙতে একটু সময় দরকার।

বিপিন। কিন্তু আপনার কাছে নিবেদন এই যে, আমাদের কিছুমাত্র সংকোচ করে চলবেন না। আজ থেকে আপনি আমাদের ভার নিলেন— লক্ষীছাড়া পুরুষ-সভ্যগুলিকে অনুগ্রহ করে দেখবেন শুনবেন এবং হকুম করে চালাবেন।

রসিক। যান পূর্ণবাবু, আপনিও একটা কথা বলুন গে।

পূর্ণ। কী বলব?

নির্মলা। চালাবার ক্মতা আমার নেই।

শ্রীশ। আপনি কি আমাদের এতই অচল বলে মনে করেন?

বিপিন। লোহার চেয়ে অচল আর কী আছে, কিন্তু আগুন তো লোহাকে চালাচ্ছে— আমাদের মতো ভারি জিনিসগুলোকে চলনসই করে তুলতে আপনাদের মতো দীপ্তির দরকার।

রসিক। শুনছেন তো পূর্ণবাবু?

পূর্ণ। আমি কী বলব বলুন-না।

রসিক । বলুন লোহাকে চালাতে চাইলেও আগুন চাই, গলাতে চাইলেও আগুন চাই !

বিপিন । কী পূর্ণবাবু, রসিকবাবুর সঙ্গে পরিচয় হয়েছে ?

পূর্ণ । হাঁ ।

বিপিন । আপনার শরীর আজ ভালো আছে তো ?

পূর্ণ । হাঁ ।

বিপিন । অনেকক্ষণ এসেছেন না কি ?

পূর্ণ । না ।

বিপিন । দেখেছেন ?— এবারে শীতটা ঘোড়দৌড়ের ঘোড়ার মতো সজোরে দৌড়ে মাঘের মাঝামাঝি একেবারে থপ করে থেমে গেল ।

পূর্ণ । হাঁ ।

শ্রীশ । এই-ষে পূর্ণবাবু, গেল বারে আপনার শরীর খারাপ ছিল— এবারে বেশ ভালো বোধ হচ্ছে তো ?

পূর্ণ । হাঁ ।

শ্রীশ । এতদিন কুমারসভার যে কী একটা মহৎ অভাব ছিল আজ ঘরের মধ্যে ঢুকেই তা বুঝতে পেরেছি ; সোনার মুকুটের মাঝখানটিতে কেবল একটি হীরে বসাবার অপেক্ষা ছিল— আজ সেইটি বসানো হয়েছে, কী বলেন পূর্ণবাবু !

পূর্ণ । আপনাদের মতো এমন রচনাশক্তি আমার নেই— আমি এত বানিয়ে বানিয়ে কথা বাঁটতে পারি নে— বিশেষত মহিলাদের সম্বন্ধে ।

শ্রীশ । আপনার অক্ষমতার কথা শুনে দুঃখিত হলেম পূর্ণবাবু— আশা করি ক্রমে উন্নতিলাভ করতে পারবেন ।

বিপিন । (রসিককে জনাস্তিকে টানিয়া) দুই বীরপুরুষে যুদ্ধ চলুক, এখন আসুন রসিকবাবু, আপনার সঙ্গে দুই একটা কথা আছে । দেখুন, সেই খাতা সম্বন্ধে আর কোনো কথা উঠেছিল ?

রসিক । অপরাধ করা মানবের ধর্ম আর ক্ষমা করা দেবীর— সে কথাটা আমি প্রসঙ্গক্রমে তুলেছিলাম—

বিপিন । তাতে কী বললেন ?

রসিক । কিছু না বলে বিদ্যুতের মতো চলে গেলেন ।

বিপিন । চলে গেলেন ?

রসিক । কিন্তু সে বিদ্যুতে বজ্র ছিল না ।

বিপিন। গর্জন ?

রসিক। তাও ছিল না।

বিপিন। তবে ?

রসিক। এক প্রান্তে কিবা অন্য প্রান্তে একটু হয় তো বর্ষণের আভাস ছিল।

বিপিন। সেটুকুর অর্থ ?

রসিক। কী জানি মশায়। অর্থও থাকতে পারে অনর্থও থাকতে পারে।

বিপিন। রসিকবাবু, আপনি কী বলেন আমি কিছু বুঝতে পারি নে।

রসিক। কী করে বুঝবেন— ভারী শক্ত কথা।

শ্রীশ। (নিকটে আসিয়া) কী শক্ত কথা মশায় ?

রসিক। এই বৃষ্টিবহুবিদ্যুতের কথা।

শ্রীশ। ওহে বিপিন, তার চেয়ে শক্ত কথা যদি শুনতে চাও তা হলে পূর্ণর কাছে যাও।

বিপিন। শক্ত কথা সবচেয়ে আমার খুব বেশি শখ নেই ভাই !

শ্রীশ। যুদ্ধ করার চেয়ে সন্ধি করার বিচ্ছেটা চের বেশি ছরুহ— সেটা তোমার আসে। মোহাই তোমার, পূর্ণকে একটু ঠাণ্ডা করে এস গে। আমি বরঞ্চ ততক্ষণ রসিকবাবুর সঙ্গে বৃষ্টিবহুবিদ্যুতের আলোচনা করে নিই। (বিপিনের প্রস্থান) রসিকবাবু, ওই-যে সেদিন আপনি ঝাঁর নাম নৃপবালা বললেন, তিনি— তিনি— তাঁর সবচেয়ে বিস্তারিত করে কিছু বলুন। সেদিন চকিতের মধ্যে তাঁর মুখে এমন একটি স্নিগ্ধ ভাব দেখেছি, তাঁর সবচেয়ে কোঁতুহল কিছুতেই ধামাতে পারছি নে।

রসিক। বিস্তারিত করে বললে কোঁতুহল আরো বেড়ে যাবে। এরকম কোঁতুহল 'হবিষা কৃষ্ণবৃষ্ণেব জ্বর এবাতিবর্ষতে'। আমি তো তাঁকে এতকাল ধরে জেনে আসছি, কিন্তু সেই কোমল স্বপ্নের স্নিগ্ধ মধুর ভাবটি আমার কাছে 'ক্ষণে ক্ষণে তন্নবতামুপৈতি'।

শ্রীশ। আচ্ছা, তিনি— আমি সেই নৃপবালার কথা জিজ্ঞাসা করছি—

রসিক। সে আমি বেশ বুঝতেই পারছি।

শ্রীশ। তা, তিনি— কী আর প্রশ্ন করব ? তাঁর সবচেয়ে যা-হয়-কিছু বলুন-না। কাল কী বললেন, আজ সকালে কী করলেন, বত সামান্ত হোক আপনি বলুন আমি শুনি।

রসিক। (শ্রীশের হাত ধরিয়া) বড়ো খুশি হলুম শ্রীশবাবু, আপনি বখার্ব ভাবুক বটেন— আপনি তাঁকে কেবল চকিতের মধ্যে দেখে একটুকু কী করে ধরতে পারলেন যে তাঁর সবচেয়ে তুচ্ছ কিছুই নেই। তিনি যদি বলেন, রসিকদা, ওই কেবোসিনের

বাতিটা একটুখানি উসকে দাও তো, আমার মনে হয় যেন একটা নতুন কথা শুনলেম—
—আদি কবির প্রথম অনুষ্টুপ ছন্দের মতো। কী বলব শ্রীশিবাবু, আপনি শুনলে হয়
তো হাসবেন, সেদিন ঘরে ঢুকে দেখি নৃপবালা ছুঁচের মুখে স্ততো পরাচ্ছেন, কোলের
উপর বালিশের ওয়াড় পড়ে রয়েছে, আমার মনে হল এক আশ্চর্য দৃশ্য। কতবার কত
দর্জির দোকানের সামনে দিয়ে গেছি, কখনো মুখ তুলে দেখি নি, কিন্তু—

শ্রীশ। আচ্ছা রসিকবাবু, তিনি নিজের হাতে ঘরের সমস্ত কাজ করেন ?

শৈলের প্রবেশ

শৈল। রসিকদার সঙ্গে কী পরামর্শ করছেন ?

রসিক। কিছুই না, নিতান্ত সামান্ত কথা নিয়ে আমাদের আলোচনা চলছে, যত
দূর তুচ্ছ হতে পারে।

চন্দ্র। সভা-অধিবেশনের সময় হয়েছে, আর বিলম্ব করা উচিত হয় না। পূর্ণবাবু,
কৃষিবিজ্ঞান-সম্বন্ধে আজ তুমি যে প্রস্তাব উত্থাপন করবে বলেছিলে সেটা আরম্ভ করো।

পূর্ণ। (দণ্ডায়মান হইয়া ঘড়ির চেন নাড়িতে নাড়িতে) আজ— আজ— [কাসি

রসিক। (পার্শ্বে বসিয়া মৃদুস্বরে) আজ এই সভা—

পূর্ণ। আজ এই সভা—

রসিক। যে নূতন সৌন্দর্য এবং গৌরব লাভ করিয়াছে—

পূর্ণ। যে নূতন সৌন্দর্য এবং গৌরব লাভ করিয়াছে—

রসিক। প্রথমে তাহারই জন্ত অভিনন্দন প্রকাশ না করিয়া থাকিতে পারিতেছি না।

পূর্ণ। প্রথমে তাহারই জন্ত অভিনন্দন প্রকাশ না করিয়া থাকিতে পারিতেছি না।

রসিক। (মৃদুস্বরে) বলে যান পূর্ণবাবু!

পূর্ণ। তাহারই জন্ত অভিনন্দন প্রকাশ না করিয়া থাকিতে পারিতেছি না।

রসিক। ভয় কী পূর্ণবাবু, বলে যান।

পূর্ণ। যে নূতন সৌন্দর্য এবং গৌরব— (কাসি) যে নূতন সৌন্দর্য (পুনরায়
কাসি) অভিনন্দন—

রসিক। (উঠিয়া) সভাপতিমশায়, আমার একটা নিবেদন আছে। আজ পূর্ণ-
বাবু সকল সভ্যের পূর্বেই সভায় উপস্থিত হয়েছেন। উনি অত্যন্ত অল্পস্ব, তথাপি উৎসাহ
সম্বরণ করতে পারেন নি। আজ আমাদের সভায় প্রথম অরুণোদয়, তাই দেখবার জন্তে
পাখি প্রত্যবেই বীড় পরিত্যাগ করে বেরিয়েছেন— কিন্তু দেহ রূপ, তাই পূর্ণস্বরের
আবেগ কঠে ব্যক্ত করবার শক্তি নেই— অতএব ওঁকে আজ আমাদের নিকৃতি দান

করতে হবে। এবং আজ নবপ্রত্যাহার যে অক্ষয়ছটার শুভগান করতে উনি উঠেছিলেন তাঁর কাছেও এই অবরুদ্ধকণ্ঠ ভক্তের হয়ে আমি মার্জনা প্রার্থনা করি। পূর্ণবাবু, আজ বরঞ্চ আমাদের সভার কার্য বন্ধ থাকে লেগে ভালো, তথাপি বর্তমান অবস্থায় আজ আপনাকে কোনো প্রস্তাব উত্থাপন করতে দিতে পারি নে। সভাপতিমশায় কমা করবেন এবং আমাদের সভাকে যিনি আপন প্রত্যাহারী অল্প সার্থকতা দান করতে এসেছেন কমা করা তাঁদের স্বজাতিসুলভ করণ হ্রাসয়ের সহজ ধর্ম।

চন্দ্র। আমি জানি, কিছুকাল থেকে পূর্ণবাবু ভালো নেই, এ অবস্থায় আমরা ওঁকে ক্রেশ দিতে পারি না। বিশেষত অবলাকান্তবাবু ঘরে বসে বসেই আমাদের সভার কাজ অনেক দূর অগ্রসর করে দিয়েছেন। এপর্যন্ত ভারতবর্ষীয় কৃষিসম্বন্ধে গবর্নেন্ট থেকে যতগুলি রিপোর্ট বাহির হয়েছে সবগুলি ওঁর কাছে দিয়েছিলাম— তার থেকে উনি, জমিতে সার দেওয়া সম্বন্ধীয় অংশটুকু সংক্ষেপে সংকলন করে রেখেছেন— সেইটি অবলম্বন করে উনি সর্বসাধারণের সুবোধ্য বাংলা ভাষায় একটি পুস্তিকা প্রণয়ন করতেও প্রস্তুত হয়েছেন। ইনি যেকোনো উৎসাহ ও দক্ষতার সঙ্গে সভার কার্যে যোগদান করেছেন সে-জন্য ওঁকে প্রচুর ধন্যবাদ দিয়ে অমৃতকার সভা আগামী রবিবার পর্যন্ত স্থগিত রাখা গেল। বিপিনবাবু যুরোপীয় ছাত্রাগারসকলের নিয়ম ও কার্যপ্রণালী সংকলনের ভার নিয়েছিলেন এবং শ্রীশিবাবু স্বেচ্ছাকৃত দানের দ্বারা লণ্ডন নগরে কত বিচিত্র লোকহিতকর অস্থান প্রবর্তিত হয়েছে তার তালিকা-সংগ্রহ ও তৎসম্বন্ধে একটি প্রবন্ধ-রচনায় প্রতিশ্রুত হয়েছিলেন, বোধ হয় এখনো তা সমাধা করতে পারেন নি। আমি একটি পরীক্ষায় প্রবৃত্ত আছি— সকলেই জানেন, আমাদের দেশের গোকুর গাড়ি এমন ভাবে নির্মিত যে তার পিছনে ভার পড়লেই গাড়ি উঠে পড়ে এবং গোকুর গলায় ফাঁস লেগে যায়, আবার কোনো কারণে গোকুর যদি পড়ে যায় তবে বোঝাইস্বত্ব গাড়ি তার ঘাড়ের উপর গিয়ে পড়ে। এরই প্রতিকার করবার জন্যে আমি উপায় উদ্ভাবনে ব্যস্ত আছি, কৃতকার্য হব বলে আশা করি। আমরা মুখে গোজাতি সম্বন্ধে দয়া প্রকাশ করি, অথচ প্রত্যহ সেই গোকুর সহস্র অনাবশ্যক কষ্ট নিতান্ত উদাসীনভাবে নিরীক্ষণ করে থাকি— আমার কাছে এইরূপ মিথ্যা ও শূন্য ভাবুকতা অপেক্ষা লজ্জাকর ব্যাপার জগতে আর কিছুই নেই। আমাদের সভা থেকে যদি এর কোনো প্রতিকার করতে পারি তবে আমাদের সভা ধন্য হবে। আমি রাতে গাড়োয়ান-পন্নীতে গিয়ে গোকুর অবস্থা সম্বন্ধে আলোচনা করেছি— গোকুর প্রতি অনর্থক অত্যাচার যে স্বার্থ ও ধর্ম উভয়ের বিরোধী হিন্দু গাড়োয়ানদের স্ত্রী বোঝানো নিতান্ত কঠিন বলে বোধ হয় না। এ সম্বন্ধে আমি গাড়োয়ানদের মধ্যে একটা পঞ্চায়ত করবার চেষ্টায় আছি। শ্রীমতী নির্মলা আকস্মিক অগভীর আশু

চিকিৎসা এবং রোগিচর্চা সম্বন্ধে রামরতন ডাক্তার-মহাশয়ের কাছ থেকে নিয়মিত উপদেশ লাভ করছেন— ভদ্রলোকদের মধ্যে সেই শিক্ষা ব্যাপ্ত করবার জন্যে তিনি ছুই-একটি অস্তঃপুরে গিয়ে শিক্ষাদানে নিযুক্ত হয়েছেন। এইরূপে প্রত্যেক সভ্যের স্বতন্ত্র ও বিশেষ চেষ্টায় আমাদের এই ক্ষুদ্র কুমারসভা সাধারণের অজ্ঞাতসারে ক্রমশই বিচিত্র সফলতা লাভ করতে থাকবে, এ বিষয়ে আমার কোনো সন্দেহ নেই।

শ্রীশ। ওহে বিপিন, আমার কাজ তো আমি আরম্ভও করি নি।

বিপিন। আমারও ঠিক সেই অবস্থা।

শ্রীশ। কিন্তু করতে হবে।

বিপিন। আমাকেও করতে হবে।

শ্রীশ। কিছুদিন অল্প সমস্ত আলোচনা ত্যাগ না করলে চলছে না।

বিপিন। আমিও তাই ভাবছি।

শ্রীশ। কিন্তু অবলাকাস্তবাবুকে ধন্ত বলতে হবে, উনি যে কখন আপনার কাজটি করে যাচ্ছেন কিছু বোঝবার জো নেই।

বিপিন। তাই তো, বড়ো আশ্চর্য! অথচ মনে হয়, যেন ঔর অন্তমনস্ক হবার বিশেষ কারণ আছে।

শ্রীশ। যাই, ঔর সঙ্গে একবার আলোচনা করে আসি গে। [শৈলর নিকট গমন

পূর্ণ। রসিকবাবু, আপনাকে কী বলে ধন্তবাদ জানাব?

রসিক। কিছু বলবেন না, আমি এমনি বুঝে নেব। কিন্তু সকলে আমার মতো নয় পূর্ণবাবু, আন্দাজে বুঝবে না, বলা-কওয়ার দরকার।

পূর্ণ। আপনি আমার অস্তরের কথা বুঝে নিয়েছেন রসিকবাবু, আপনাকে পেয়ে আমি বেঁচে গেছি। আমার যা কথা তা মুখে উচ্চারণ করতেও সংকোচ বোধ হয়। আপনি আমাকে পরামর্শ দিন কী করতে হবে।

রসিক। প্রথমে আপনি ঔর কাছে গিয়ে যা-হয় একটা কিছু কথা আরম্ভ করে দিন-না।

পূর্ণ। ওই দেখুন-না, অবলাকাস্তবাবু আবার ঔর কাছে গিয়ে বসেছেন—

রসিক। তা হোক-না, তিনি তো ঔকে চারি দিকে ঘিরে দাঁড়ান নি। অবলাকাস্তকে তো ব্যূহের মতো ভেদ করে যেতে হবে না। আপনিও এক পাশে গিয়ে দাঁড়ান-না।

পূর্ণ। আচ্ছা, আমি দেখি।

শৈল। (নির্মলার প্রতি) আমাকে এত করে বলবেন না— আপনি আমার

চেয়ে চেয়ে বেশি কাজ করেছেন। কিন্তু বেচারী পূর্ণবাবুর সঙ্গে আমার বড়ো দুঃখ হয়। আপনি আসবেন বলেই উনি আজ বিশেষ উৎসাহ করে এসেছিলেন, অথচ সেটা ব্যস্ত করতে না পেরে উনি বোধ হয় অত্যন্ত বিমর্ষ হয়ে পড়েছেন। আপনি যদি ঠিকে—

নির্মলা। আপনাদের অন্ত্যস্ত সভ্যদের থেকে আমাকে একটু বিশেষভাবে পৃথক করে দেখছেন বলে আমি বড়ো সংকোচ বোধ করছি; আমাকে সভ্য বলে আপনাদের মধ্যে গণ্য করবেন, মহিলা বলে স্বতন্ত্র করবেন না।

শৈল। আপনি যে মহিলা হয়ে জন্মেছেন সে সুবিধাটুকু আমাদের সভা ছাড়তে পারেন না। আপনি আমাদের সঙ্গে এক হয়ে গেলে বস্তু কাজ হবে, আমাদের থেকে স্বতন্ত্র হলে তার চেয়ে বেশি কাজ হবে। যে লোক গুণের দ্বারা নৌকোকে অগ্রসর করে দেবে তাকে নৌকো থেকে কতকটা দূরে থাকতে হবে। চন্দ্রবাবু আমাদের নৌকোর হাল ধরে আছেন, তিনিও আমাদের থেকে কিছু দূরে এবং উচ্চে আছেন। আপনাকে গুণের দ্বারা আকর্ষণ করতে হবে, সুতরাং আপনাকে পৃথক থাকতে হবে। আমরা সব দাঁড়ীর দলে বসে গেছি।

নির্মলা। আপনাকেও কর্মে এবং ভাবে এঁদের সকলের থেকে পৃথক বোধ হয়। এক দিন মাত্র দেখেই আমার দৃঢ় বিশ্বাস হচ্ছে, এ সভার মধ্যে আপনিই আমার প্রধান সহায় হবেন।

শৈল। সে তো আমার সৌভাগ্য। এই-বে, আহ্নন পূর্ণবাবু! আমরা আপনার কথাই বলছিলাম। বহ্নন।

ক্রীশ। অবলাকান্তবাবু আহ্নন, আপনার সঙ্গে অনেক কথা বলবার আছে। (অনাস্তিকে লইয়া) আজ সভার পুরাতন সভ্য তিনটিকে আপনারা দুজনে লজ্জা দিয়েছেন। তা, ঠিক হয়েছে— পুরাতনের মধ্যে প্রাণসঞ্চার করবার জগ্রেই নৃতনের প্রয়োজন।

শৈল। আবার নৃতন চালা-কাঠে আগুন জালাবার জগ্রে পুরাতন ধরা-কাঠের দরকার।

ক্রীশ। আচ্ছা, সে বিচার পরে হবে। কিন্তু আমার সেই কুমালটি? সেটি হরণ করে আমার পরকাল খুঁয়েছি, আবার কুমালটিও খোঁওয়ারতে পারি নে। (পকেট হইতে বাহির করিয়া) এই আমি এক ডজন রেশমের কুমাল এনেছি, এই বলল করে নিতে হবে। এ যে তার উচিত মূল্য তা বলতে পারি নে— তার উপযুক্ত মূল্য দিতে গেলে চীন-জাপান উজাড় করে দিতে হয়।

শৈল। মশায়, এ ছলনাটুকু বোঝবার মতো বুদ্ধি বিধাতা আমাকে দিয়েছেন। এ উপহার আমার জন্তে আসেও নি, ধীর ক্রমাল হরণ করেছেন আমাকে উপলক্ষ্য করে এগুলি—

শ্রীশ। অবলাকান্তবাবু, ভগবান বুদ্ধি আপনাকে যথেষ্ট দিয়েছেন দেখতে পাচ্ছি, কিন্তু দয়ার ভাগটা কিছু যেন কম বোধ হচ্ছে— হতভাগ্যকে ক্রমালটি ফিরিয়ে দিলেই সেই কলকটুকু একেবারে দূর হয়।

শৈল। আচ্ছা, আমি দয়ার পরিচয় দিচ্ছি, কিন্তু আপনি সভার জন্তে যে প্রবন্ধ লিখতে প্রতিশ্রুত সেটা লিখে দেওয়া চাই।

শ্রীশ। নিশ্চয় দেব— ক্রমালটা ফিরে দিলেই কাজে মন দিতে পারব, তখন অল্প সন্ধান ছেড়ে কেবল সত্যাহুসন্ধান করতে থাকব।

ঘরের অন্তর

বিপিন। বুঝেছেন রসিকবাবু, আমি তাঁর গানের নির্বাচনচাতুরী দেখে আশ্চর্য হয়ে গেছি। গান যে তৈরি করেছে তার কবিত্ব থাকতে পারে, কিন্তু এই গানের নির্বাচনে যে কবিত্ব প্রকাশ পেয়েছে তার মধ্যে ভারি একটি সৌকুমার্য আছে।

রসিক। ঠিক বলেছেন— নির্বাচনের ক্ষমতাই ক্ষমতা। লতার ফুল তো আপনি ফোটে, কিন্তু যে লোক মালা গাঁথে নৈপুণ্য এবং স্মৃতি তো তারই।

বিপিন। আপনার ও গানটা মনে আছে?—

তরী আমার হঠাৎ ডুবে যায়
কোন্ পাথারে কোন্ পাষণের ঘায়।
নবীন তরী নতুন চলে,
দিই নি পাড়ি অগাধ জলে,
বাহি তারে খেলার ছলে কিনার-কিনারায়।
তরী আমার হঠাৎ ডুবে যায়।
ভেসেছিল স্রোতের ভরে,
একা ছিলাম কর্ণ ধরে—
লেগেছিল পালের 'পরে মধুর মূহু যায়।
সুখে ছিলাম আপন-মনে,
মেঘ ছিল না গগনকোণে—
লাগবে তরী কুম্ববনে ছিলাম সে আশায়।
তরী আমার হঠাৎ ডুবে যায়।

রসিক । যাক ডুবে, কী বলেন বিপিনবাবু !

বিপিন । যাক গে । কিন্তু কোথায় ডুবল তার একটু ঠিকানা রাখা চাই । আচ্ছা রসিকবাবু, এ গানটা তিনি কেন খাতায় লিখে রাখলেন ?

রসিক । স্ত্রীহৃদয়ের রহস্য বিধাতা জীবনে না এইরকম একটা প্রবাহ আছে, রসিক-বাবু তো তুচ্ছ ।

শ্রীশ । (নিকটে আসিয়া) বিপিন, তুমি চন্দ্রবাবুর কাছে একবার যাও । বাস্তবিক, আমাদের কর্তব্যে আমরা ঢিলে দিয়েছি— ঠিক সঙ্গে একটু আলোচনা করলে উনি খুশি হবেন !

বিপিন । আচ্ছা ।

[প্রস্থান

শ্রীশ । হাঁ, আপনি সেই যে সেলাইয়ের কথা বলছিলেন— উনি বুঝি নিজের হাতে সমস্ত গৃহকর্ম করেন ?

রসিক । সমস্তই ।

শ্রীশ । আপনি বুঝি সেদিন গির্জায় গিয়েছিলেন তাঁর কোলে বালিশের গুয়াড়গুলো পড়ে রয়েছে, আর তিনি—

রসিক । মাথা নিচু করে ছুঁচে স্ততো পরাচ্ছিলেন ।

শ্রীশ । ছুঁচে স্ততো পরাচ্ছিলেন ! তখন স্নান করে এসেছেন বুঝি ?

রসিক । বেলা তখন তিনটে হবে ।

শ্রীশ । বেলা তিনটে— তিনি বুঝি তাঁর খাটের উপর বসে—

রসিক । না, খাটে নয়, বারান্দার উপর মাছুর বিছিয়ে—

শ্রীশ । বারান্দায় মাছুর বিছিয়ে বসে ছুঁচে স্ততো পরাচ্ছিলেন—

রসিক । হাঁ, ছুঁচে স্ততো পরাচ্ছিলেন । (স্বগত) আর তো পারা যায় না ।

শ্রীশ । আমি যেন ছবির মতো স্পষ্ট দেখতে পাচ্ছি— পা দুটি ছড়ানো, মাথা নিচু, খোলা চুল মুখের উপর এসে পড়েছে— বিকেলবেলার আলো—

বিপিন । (নিকটে আসিয়া) চন্দ্রবাবু তোমার সঙ্গে তোমার সেই প্রবন্ধটা সম্বন্ধে কথা কইতে চান । (শ্রীশের প্রস্থান) রসিকবাবু—

রসিক । (স্বগত) আর কত বকব ?

অন্য প্রান্তে

নির্মলা । (পূর্ণের প্রতি) আপনার শরীর আজ বুঝি তেমন ভালো নেই ।

পূর্ণ । না, বেশ আছে— হাঁ, একটু ইয়ে হয়েছে রুটে— বিশেষ কিছু নয়— তবু একটু ইয়ে বইকি— তেমন বেশ— (কাসি) আপনার শরীর বেশ ভালো আছে ?

শ্রীশ। (নিকটে আসিয়া) ওঃ, পূর্ণবাবু কথা কচ্ছেন বুঝি। আচ্ছা, এখন থাক।
রাত্রে আপনার অবসর হবে রসিকবাবু?

রসিক। তা হতে পারে।

শ্রীশ। তা হলে কালকের মতো— কী বলেন? কাল দেখলেন তো ঘরের চেয়ে পথে
জমে ভালো।

রসিক। জমে বইকি! (স্বগত) সর্দি জমে, কানি জমে, গলার স্বর দইয়ের মতো
জমে যায়। [শ্রীশের প্রশ্নান

পূর্ণ। আচ্ছা রসিকবাবু, আপনি হলে কী বলে কথা আরম্ভ করতেন?

রসিক। হয়তো বলতুম— সেদিন বেলুন উড়েছিল, আপনাদের বাড়ির ছাত
থেকে দেখতে পেয়েছিলেন কি?

পূর্ণ। তিনি যদি বলতেন, হাঁ—

রসিক। আমি বলতুম, মনকে ওড়বার অধিকার দিয়েছেন বলেই ঈশ্বর মানুষের
শরীরে পাখা দেন নি— শরীরকে বন্ধ রেখে বিধাতা মনের আগ্রহ কেবল বাড়িয়ে
দিয়েছেন—

পূর্ণ। বুঝেছি রসিকবাবু— চমৎকার—এর থেকে অনেক কথার সৃষ্টি হতে পারে।

বিপিন। (নিকটে আসিয়া) পূর্ণবাবুর সঙ্গে কথা হচ্ছে। থাক তবে। আমাদের
সেই-যে একটা কথা ছিল সেটা আজ রাত্রে হবে, কী বলেন?

রসিক। সেই ভালো।

বিপিন। জ্যোৎস্নায় রাস্তায় বেড়াতে বেড়াতে দিবি আরামে— কী বলেন?

রসিক। খুব আরাম। (স্বগত) কিন্তু বেয়ারামটা তার পরে।

অন্যত্র

শৈল। (নির্মলার প্রতি) তা বেশ, আপনি যদি ইচ্ছা করেন আমিও ঐ
বিষয়টার আলোচনা করে দেখব। ডাক্তারি আমি অল্প অল্প চর্চা করেছি, বেশি
নয়, কিন্তু আমি যোগদান করলে আপনার যদি উৎসাহ হয় আমি প্রস্তুত আছি।

পূর্ণ। (নিকটে আসিয়া) সেদিন বেলুন উড়েছিল, আপনি কি ছাদের উপর থেকে
দেখতে পেয়েছিলেন?

নির্মলা। বেলুন?

পূর্ণ। হাঁ, ওই বেলুন। (সকলে নিরুত্তর) রসিকবাবু বলছিলেন আপনি বোধ
হয় দেখে থাকবেন— আমাকে শাপ করবেন— আপনাদের আলোচনার আমি ভঙ্গ
দিলুম— আমি অত্যন্ত হতভাগ্য।

দ্বাদশ পরিচ্ছেদ

পূর্বদিনে পুরবালা তাহার মাতার সহিত কাশী হইতে ফিরিয়া আসিয়াছে। অক্ষয় কহিলেন, “দেবী, যদি অভয় দাঁও তো একটি প্রস্ন আছে।”

পুরবালা। কী শুনি।

অক্ষয়। শ্রীঅঙ্কে কুশতার তো কোনো লক্ষণ দেখছি নে।

পুরবালা। শ্রীঅঙ্ক তো কুশ হবার জন্তে পশ্চিমে বেড়াতে যায় নি।

অক্ষয়। তবে কি বিরহবেদনা বলে জিনিসটা মহাকবি কালিদাসের সঙ্গে সহমরণে মরেছে ?

পুরবালা। তার প্রমাণ তুমি। তোমারও তো স্বাস্থ্যের বিশেষ ব্যাঘাত হয় নি দেখছি।

অক্ষয়। হতে দিল কই ? তোমার তিন ভগ্নী মিলে অহরহ আমার কুশতা নিবারণ করে রেখেছিল— বিরহ যে কাকে বলে সেটা আর কোনো মতেই বুঝতে দিলে না।—

গান। পিলু

বিরহে মরিব বলে ছিল মনে পণ।

কে তোরা বাহুতে বাঁধি করিলি বারণ ?

ভেবেছিহু অশ্রুজলে ডুবিব অকুল তলে,

কাহার সোনার তরী করিল তারণ ?

প্রিয়ে, কাশীধামে বুঝি পঞ্চশর ত্রিলোচনের ভয়ে এগোতে পারেন না ?

পুরবালা। তা হতে পারে, কিন্তু কলকাতায় তো তাঁর যাতায়াত আছে।

অক্ষয়। তা আছে— কোম্পানির শাসন তিনি মানেন না, আমি তার প্রমাণ পেয়েছি।

নূপবালা ও নীরবালার প্রবেশ

নীরবালা। দিদি।

অক্ষয়। এখন দিদি বই আর কথা নেই— অকৃতজ্ঞ ! দিদি যখন বিচ্ছেদদর্শনে উত্তরোত্তর তপ্তকাঞ্চনের মতো শ্রী ধারণ করছিলেন তখন তোমাদের কাটিকে স্মৃশীতল করে রেখেছিল কে ?

নীরবালা। ওনহু দিদি! এখন মিথ্যে কথা! তুমি ষতদিন ছিলে না আমাদের একবার ডেকেও জিজ্ঞাসা করেন নি— কেবল চিঠি লিখেছেন আর টেবিলের উপর দুই পা তুলে দিয়ে বই হাতে করে পড়েছেন। তুমি এসেছ এখন আমাদের নিয়ে গান হবে, ঠাট্টা হবে, দেখাবেন যেন—

নূপবালা। দিদি, তুমিও তো, ভাই, এতদিন আমাদের একখানিও চিঠি লেখ নি?

পুরবালা। আমার কি সময় ছিল ভাই? মাকে নিয়ে দিনরাত ব্যস্ত থাকতে হয়েছিল।

অক্ষয়। যদি বলতে 'তোদের ভগ্নীপতির ধ্যানে নিমগ্ন ছিলুম' তা হলে কি লোকে নিন্দে করত?

নীরবালা। তা হলে ভগ্নীপতির আশ্রয় আয়োজনে বেড়ে যেত। মুখোজ্যোমশায়, তুমি তোমার বাইরের ঘরে যাও-না। দিদি এতদিন পরে এসেছেন, আমরা কি গুঁকে নিয়ে একটু গল্প করতে পাব না?

অক্ষয়। নৃশংসে, বিরহদাবদম্ব তোর দিদিকে আবার বিরহে জ্বালাতে চাস? তোদের ভগ্নীপতিরূপ ঘনকৃষ্ণ মেঘ মিলনরূপ মুঘলধারা বর্ষণ-ধারা প্রিয়তার চিত্তরূপ লতানিকুণ্ডে আনন্দরূপ কিসলয়োদগম করে প্রেমরূপ বর্ষায় কটাকরূপ বিদ্যুৎ—

নীরবালা। এবং বকুনীরূপ ভেকের কলরব—

শৈলের প্রবেশ

অক্ষয়। এস এস— উত্তমাধমমধ্যমা এই তিন শ্রাবণী না হলে আমার—

নীরবালা। উত্তমমধ্যম হয় না।

শৈল। (নূপ ও নীরর প্রতি) তোরা ভাই, একটু যা তো, আমাদের কথা আছে।

অক্ষয়। কথাটা কী বুঝতে পারছিস তো নীর? হরিনামকথা নয়।

নীরবালা। আচ্ছা, তোমার আর বকতে হবে না। [নূপ ও নীরর প্রস্থান]

শৈল। দিদি, নূপ-নীরর জন্তে মা দুটি পাত্র তা হলে স্থির করেছেন?

পুরবালা। হাঁ, কথা এক-রকম ঠিক হয়ে গেছে। ওনেছি ছেলে দুটি মন্দ নয়—

তার মনে দেখে পছন্দ করলেই পাকাপাকি হয়ে যাবে।

শৈল। যদি পছন্দ না করে?

পুরবালা। তা হলে তাদের অদৃষ্ট মন্দ।

অক্ষয়। এবং আমার শ্রাবণী দুটির অদৃষ্ট ভালো।

শৈল। নূপ-নীর যদি পছন্দ না করে?

অক্ষয় । তা হলে ওদের রুচির প্রশংসা করব ।

পুরবালা । পছন্দ আবার না করবে কী ? তোদের সব বাড়াবাড়ি । স্বয়ংস্বরার দিন গেছে, মেয়েদের পছন্দ করবার দরকার হয় না— স্বামী হলেই তাকে ভালো-বাসতে পারে ।

অক্ষয় । নইলে তোমার বর্তমান ভগ্নীপতির কী দুর্দশাই হত শৈল !

জগন্তারিণীর প্রবেশ

জগন্তারিণী । বাবা অক্ষয়, ছেলে দুটিকে তা হলে তো খবর দিতে হয় । তারা তো আমাদের বাড়ির ঠিকানা জানে না ।

অক্ষয় । বেশ তো মা, রসিকদাদাকে পাঠিয়ে দেওয়া যাক ।

জগন্তারিণী । পোড়া কপাল ! তোমার রসিকদাদার ষেরকম বুদ্ধি । তিনি কাকে আনতে কাকে আনবেন ঠিক নেই ।

পুরবালা । তা মা, তুমি কিছু ভেবো না । ছেলে দুটিকে আনবার ব্যবস্থা করে দেব ।

জগন্তারিণী । মা পুরি, তুই একটু মনোযোগ না করলে হবে না । আজকালকার ছেলে, তাদের সঙ্গে কিরকম ব্যাভার করতে হয় না-হয় আমি কিছুই বুঝি নে ।

অক্ষয় । (জনাস্তিকে) পুরীর হাতঘশ আছে । পুরি তাঁর মার জন্তে যে জামাইটি জুটিয়েছেন, পসার খুব বেড়ে গেছে ! আজকালকার ছেলে কী করে বশ করতে হয় সে বিত্তে—

পুরবালা । (জনাস্তিকে) মশায় বুঝি আজকালকার ছেলে ?

জগন্তারিণী । মা, তোমরা পরামর্শ করো, কায়েত-দিদি এসে বসে আছেন, আমি তাঁকে বিদায় করে আসি !

শৈল । মা, তুমি একটু বিবেচনা করে দেখো— ছেলে দুটিকে এখনো তোমরা কেউ দেখ নি, হঠাৎ—

জগন্তারিণী । বিবেচনা করতে করতে আমার জন্ম শেষ হয়ে এল— আর বিবেচনা করতে পারি নে—

অক্ষয় । বিবেচনা সময়মত এর পর করলেই হবে, এখন কাজটা আগে হয়ে যাক ।

জগন্তারিণী । বলো তো বাবা, শৈলকে বুঝিয়ে বলো তো ।

[প্রশ্নান

পুরবালা । মিথ্যে তুই ভাবছিস শৈল, মা যখন মনস্থির করেছেন ওঁকে আর

কেউ টলাতে পারবে না। প্রজাপতির নির্বন্ধ আমি মানি তাই— বার সঙ্গে বার হবার হাজার বিবেচনা করে ম'লেও সে হবেই।

অক্ষয়। সে তো ঠিক কথা। নইলে বার সঙ্গে বার হয়ে থাকে তার সঙ্গে না হয়ে আর-এক জনের সঙ্গে হত।

পুরবাবা। কী যে তর্ক কর তোমার অর্ধেক কথা বোকাই যায় না।

অক্ষয়। তার কারণ আমি নির্বোধ।

পুরবাবা। যাও, এখন স্নান করতে যাও, মাথা ঠাণ্ডা করে এস গে। [প্রস্থান

রসিকের প্রবেশ

শৈল। রসিকদাদা, শুনেছ তো সব? মুশকিলে পড়া গেছে।

রসিক। মুশকিল কিসের? কুমারসভারও কৌমারি রয়ে গেল, নৃপ-নীকও পার পেলে, সব দিক রক্ষা হল।

শৈল। কোনো দিক রক্ষা হয় নি।

রসিক। অন্তত এই বুড়োর দিকটা রক্ষা হয়েছে— দুটো অর্বাচীনের সঙ্গে মিশে আমাকে রাত্রে রাস্তায় দাঁড়িয়ে শ্লোক আওড়াতে হবে না।

শৈল। মুখোজ্যমশায়, তুমি না হলে রসিকদাদাকে কেউ শাসন করতে পারে না—উনি আমাদের কথা মানেন না।

অক্ষয়। যে বয়সে তোমাদের কথা বেদবাক্য বলে মানতেন সে বয়স পেরিয়েছে কি না, তাই লোকটা বিদ্রোহ করতে সাহস করছে। আচ্ছা, আমি ঠিক করে দিচ্ছি। চলো তো রসিকদা, আমার বাইরের ঘরটাতে বসে তামাক নিয়ে পড়া বাক।

ত্রয়োদশ পরিচ্ছেদ

ওস্তাদ আসীন। তানপুরা হস্তে বিপিন অত্যন্ত বেহুয়া গলায় সা রে গা মা সাধিতেছেন। ভৃত্য আসিয়া খবর দিল, “একটি বাবু এসেছেন।”

বিপিন। বাবু? কিরকম বাবু রে?

ভৃত্য। বুড়ো লোকটি।

বিপিন। মাথায় টাক আছে?

ভৃত্য। আছে।

বিপিন। (তানপুরা রাখিয়া) নিয়ে আর. এখনি নিয়ে আর! ওরে, তামাক দিয়ে

যা। বেহারাটা কোথায় গেল, পাখা টানতে বলে দে। আর দেখ, চট করে গোটাকতক মিঠে-পানের দোনা কিনে আন তো রে। দেবি করিস নে, আর আধ সের বরফ নিয়ে আসিস, বুঝেছিস? (পদশব্দ শুনিয়া) রসিকবাবু, আহ্নন!

বনমালীর প্রবেশ

বিপিন। রসিকবাবু— এ যে সেই বনমালী!

বৃদ্ধ। আজে হাঁ, আমার নাম বনমালী ভট্টাচার্য।

বিপিন। সে পরিচয় অনাবশ্যক। আমি একটু বিশেষ কাজে আছি।

বনমালী। মেয়ে ছটিকে আর রাখা যায় না— পাত্রও অনেক আসছে—

বিপিন। শুনে খুশি হলেম— দিয়ে ফেলুন, দিয়ে ফেলুন—

বনমালী। কিন্তু আপনাদেরই ঠিক উপযুক্ত হত—

বিপিন। দেখুন বনমালীবাবু, এখনো আপনি আমার সম্পূর্ণ পরিচয় পান নি— যদি একবার পান তা হলে আমার উপযুক্ততা সন্দেহে আপনার ভয়ানক সন্দেহ হবে।

বনমালী। তা হলে আমি উঠি, আপনি ব্যস্ত আছেন, আর-এক সময় আসব।

[প্রস্থান

বিপিন। (তানপুরা তুলিয়া লইয়া) সারেগা রেগামা গামাপা—

শ্রীশের প্রবেশ

শ্রীশ। কী হে বিপিন— এ কী? কুস্তি ছেড়ে দিয়ে গান ধরেছ?

বিপিন। (শিক্কের প্রতি) ওস্তাদজি, আজ ছুটি। কাল বিকেলে এস।

[ওস্তাদের প্রস্থান

কী করব বলো, গান না শিখলে তো আর তোমার সন্ন্যাসীদলে আমল পাওয়া যাবে না।

শ্রীশ। আচ্ছা, তুমি যে সারেগামা সাধতে বসেছ, কুমারসভার সেই লেখাটায় হাত দিতে পেরেছ?

বিপিন। না ভাই, সেটাতে এখনো হাত দিতে পারি নি। তোমার লেখাটি হয়ে গেছে নাকি?

শ্রীশ। না, আমিও হাত দিই নি। (কিয়ৎক্ষণ চূপ করিয়া থাকিয়া) না ভাই, ভারি অন্ডায় হচ্ছে। ক্রমেই আমরা আমাদের সংকল্প থেকে যেন দূরে চলে যাচ্ছি।

বিপিন। অনেক সংকল্প ব্যাঙাচির লেজের মতো, পরিণতির সঙ্গে সঙ্গে আপনি অস্তর্ধান করে। কিন্তু যদি লেজটুকুই থেকে যেত, আর ব্যাঙটা যেত শুকিয়ে, সে কি-

রকম হত ? এক সময়ে একটা সংকল্প করেছিলেন বলেই যে সেই সংকল্পের খাতিরে নিজেকে শুকিয়ে মারতে হবে, আমি তো তার মানে বুঝি নে।

শ্রীশ। আমি বুঝি। অনেক সংকল্প আছে যার কাছে নিজেকে শুকিয়ে মারাও শ্রেয়। অফলা গাছের মতো আমাদের ডালে-পালায় প্রতিদিন যেন অতিরিক্ত পরিমাণ রসসঞ্চয় হচ্ছে এবং সফলতার আশা প্রতিদিন যেন দূর হয়ে যাচ্ছে। আমি তুল করেছিলুম ভাই বিপিন ! সব বড়ো কাজেই তপস্বী চাই ; নিজেকে নানা ভোগ থেকে বঞ্চিত না করলে, নানা দিক থেকে প্রত্যাহার করে না আনতে পারলে, চিন্তকে কোনো মহৎ কাজে সম্পূর্ণভাবে নিযুক্ত করা যায় না। এবার থেকে রসচর্চা একেবারে পরিত্যাগ করে কঠিন কাজে হাত দেব, এইরকম প্রতিজ্ঞা করেছি।

বিপিন। তোমার কথা মানি। কিন্তু সব তুণেই তো ধান ফলে না ; শুকোতে গেলে কেবল নাহক শুকিয়ে মরাই হবে, ফল ফলবে না। কিছু দিন থেকে আমার মনে হচ্ছে আমরা যে সংকল্প গ্রহণ করেছি সে সংকল্প আমাদের দ্বারা সফল হবে না, অতএব আমাদের স্বভাবসাধ্য অন্য কোনো রকম পথ অবলম্বন করাই শ্রেয়।

শ্রীশ। এ কোনো কাজের কথা নয়। বিপিন, তোমার তনুরা ফেলো—

বিপিন। আচ্ছা, ফেললুম, তাতে পৃথিবীর কোনো ক্ষতি হবে না।

শ্রীশ। চন্দ্রবাবুর বাসায় আমাদের সভা তুলে নিয়ে যাওয়া যাক—

বিপিন। উত্তম কথা।

শ্রীশ। আমরা দুজনে মিলে রসিকবাবুকে একটু সংযত করে রাখব।

বিপিন। তিনি একলা আমাদের দুজনকে অসংযত করে না তোলেন।

দ্বিতীয় ভৃত্যের প্রবেশ

ভৃত্য। একটি বড়ো বাবু এসেছেন।

বিপিন। বড়ো বাবু ? জালালে দেখছি। বনমালী আবার এসেছে।

শ্রীশ। বনমালী ? সে যে এই খানিকক্ষণ হল আমার কাছেও এসেছিল।

বিপিন। ওরে, বড়োকে বিদায় করে দে।

শ্রীশ। তুমি বিদায় করলে আবার আমার ঘাড়ের উপর গিয়ে পড়বে। তার চেয়ে ডেকে আনুক, আমরা দুজনে মিলে বিদায় করে দিই।

(ভৃত্যের প্রতি) বড়োকে নিয়ে আয়।

রসিকের প্রবেশ

বিপিন। এ কী ! এ তো বনমালী নয়, এ যে রসিকবাবু !

রসিক । আশ্চর্য হাঁ— আপনাদের আশ্চর্য চেনবার শক্তি— আমি বনমালী নই ।
ধীরসমীরে ষমুনাভীরে বসতি বনে বনমালী—

শ্রীশ । না রসিকবাবু, ও-সব নয়, রসালাপ আমরা বন্ধ করে দিয়েছি ।

রসিক । আঃ, বাঁচিয়েছেন !

শ্রীশ । অন্ত সকল-প্রকার আলোচনা পরিত্যাগ করে এখন থেকে আমরা একান্ত-
মনে কুমারসভার কাজে লাগব ।

রসিক । আমারও সেই ইচ্ছে ।

শ্রীশ । বনমালী বলে এক জন বুড়ো কুমোরটুলির নীলমাধব চৌধুরির ছই
কন্টার সঙ্গে আমাদের বিবাহের প্রস্তাব নিয়ে উপস্থিত হয়েছিল । আমরা সংক্ষেপে
তাকে বিদায় করে দিয়েছি—এ-সকল প্রসঙ্গও আমাদের কাছে অসংগত বোধ
হয় ।

রসিক । আমার কাছেও ঠিক তাই । বনমালী যদি ছই বা ততোধিক কন্টার
বিবাহের প্রস্তাব নিয়ে আমার কাছে উপস্থিত হতেন তবে বোধ হয় তাঁকে নিষ্ফল হয়ে
ফিরতে হত ।

বিপিন । রসিকবাবু, কিছু জলযোগ করে যেতে হবে ।

রসিক । না মশায়, আজ থাক । আপনাদের সঙ্গে ছটো-একটা বিশেষ কথা ছিল,
কিন্তু কঠিন প্রতিজ্ঞার কথা শুনে সাহস হচ্ছে না ।

বিপিন । (সাগ্রহে) না না, তাই বলে কথা থাকলে বলবেন না কেন ?

শ্রীশ । আমাদের যতটা ঠাওরাচ্ছেন ততটা ভয়ংকর নই । কথাটা কি বিশেষ করে
আমার সঙ্গে ?

বিপিন । না, সেদিন যে রসিকবাবু বলছিলেন আমারই সঙ্গে ঠর ছটো-একটা
আলোচনার বিষয় আছে ।

রসিক । কাজ নেই, থাক ।

শ্রীশ । বলেন তো আজ রাত্রে গোলদিঘির ধারে—

রসিক । না শ্রীশবাবু, মাপ করবেন ।

শ্রীশ । বিপিন ভাই, তুমি একটু ও ঘরে যাও-না, বোধ হয় তোমার সাক্ষাতে
রসিকবাবু—

রসিক । না না, দরকার কী—

বিপিন । তার চেয়ে রসিকবাবু, তেতালার ঘরে চলুন— শ্রীশ এখানে একটু অপেক্ষা
করবেন এখন ।

রসিক । না, আপনারা দুজনেই বহন— আরি উঠি ।

বিপিন । সে কি হয় ! কিছু খেয়ে যেতে হবে ।

শ্রীশ । না, আপনাকে কিছুতেই ছাড়ছি নে । সে হবে না ।

রসিক । তবে কথাটা বলি । নৃপবালা-নীরবালার কথা তো পূর্বেই আপনারা শুনেছেন—

শ্রীশ । শুনেছি বইকি— তা নৃপবালার সম্বন্ধে যদি কিছু—

বিপিন । নীরবালার কোনো বিশেষ সংবাদ—

রসিক । তাঁদের দুজনের সম্বন্ধেই বিশেষ চিন্তার কারণ হয়ে পড়েছে ।

উভয়ে । অস্বাভাবিক নয় তো ?

রসিক । তার চেয়ে বেশি । তাঁদের বিবাহের সম্বন্ধ—

শ্রীশ । বলেন কী রসিকবাবু ? বিবাহের তো কোনো কথা শোনা যায় নি—

রসিক । কিছু না— হঠাৎ মা কাশী থেকে এসে দুটো অকালকুম্মাণ্ডের সঙ্গে মেয়ে দুটির বিবাহ স্থির করেছেন—

বিপিন । এ তো কিছুতেই হতে পারে না রসিকবাবু !

রসিক । মশায়, পৃথিবীতে যেটা অপ্রিয় সেইটেরই সম্ভাবনা বেশি । ফুলগাছের চেয়ে আগাছাই বেশি সম্ভবপর ।

বিপিন । কিন্তু মশায়, আগাছা উৎপাটন করতে হবে—

শ্রীশ । ফুলগাছ রোপণ করতে হবে—

রসিক । তা তো বটেই, কিন্তু করে কে মশায় ?

শ্রীশ । আমরা করব । কী বল বিপিন ?

বিপিন । নিশ্চয়ই ।

রসিক । কিন্তু, কী করবেন ?

বিপিন । যদি বলেন তো সেই ছেলে দুটোকে পথের মধ্যে—

রসিক । বুঝেছি, সেটা মনে করলেও শরীর পুলকিত হয় । কিন্তু বিধাতার বরে অপাত্ত জিনিসটা অমর— দুটো গেলে আবার দশটা আসবে ।

বিপিন । এদের দুটোকে যদি ছলে বলে কিছুদিন ঠেকিয়ে রাখতে পারি তা হলে ভাববার সময় পাওয়া যাবে ।

রসিক । ভাববার সময় সংকীর্ণ হয়ে এসেছে । এই সন্ধ্যাবে তারা মেয়ে দেখতে আসবে ।

বিপিন । এই শুক্রবারে !

শ্রীশ । সে তো পরশু !

রসিক । আজ্ঞে, পরশুই তো বটে— শুক্রবারকে তো পথের মধ্যে ঠেকিয়ে রাখা যায় না ।

শ্রীশ । আচ্ছা, আমার একটা প্যান মাথায় এসেছে ।

রসিক । কিরকম, শুনি !

শ্রীশ । সেই ছেলে দুটোকে কেউ চেনে ?

রসিক । কেউ না ।

শ্রীশ । তারা বাড়ি চেনে ?

রসিক । তাও না ।

শ্রীশ । তা হলে বিপিন যদি সেদিন তাদের কোনো রকম করে আটকে রাখতে পারেন আমি তাদের নাম নিয়ে নূপবালাকে—

বিপিন । জানই তো ভাই, আমার কোনো রকম কৌশল মাথায় আসে না, তুমি ইচ্ছে করলে কৌশলে ছেলে দুটোকে ভুলিয়ে রাখতে পারবে— আমি বরঞ্চ নিজেকে তাদের নামে চালিয়ে দিয়ে নীরবালাকে—

রসিক । কিন্তু মশায়, এ স্থলে তো গৌরবে বহুবচন খাটবে না ; দুটি ছেলে আসবার কথা আছে, আপনাদের এক জনকে দু জন বলে চালানো আমার পক্ষে কঠিন হবে—

শ্রীশ । ও, তা বটে ।

বিপিন । হাঁ, সে কথা ভুলেছিলেম ।

শ্রীশ । তা হলে তো আমাদের দু জনকেই যেতে হয় । কিন্তু—

রসিক । সে দুটোকে ভুল রাস্তায় চালান করে দিতে আমিই পারব । কিন্তু আপনারা—

বিপিন । আমাদের জন্তে ভাববেন না রসিকবাবু !

শ্রীশ । আমরা সব-তাতেই প্রস্তুত আছি ।

রসিক । আপনারা মহৎ লোক— এরকম ত্যাগস্বীকার—

শ্রীশ । বিলক্ষণ ! এর মধ্যে ত্যাগস্বীকার কিছুই নেই ।

বিপিন । এ তো আনন্দের কথা ।

রসিক । না না, তবু তো মনে আশঙ্কা হতে পারে যে, কী জানি নিজের ঠান্ডে যদি নিজেরই পড়তে হয় ।

শ্রীশ । কিছু না মশায়, কোনো আশঙ্কায় ভয়াই নে ।

বিপিন । আমাদের যাই ঘটুক তাতেই আমরা স্থখী হব ।

রসিক । এ তো আপনাদের মহত্বের কথা, কিন্তু আমার কর্তব্য আপনাদের রক্ষা করা । তা আমি আপনাদের কথা দিচ্ছি, এই শুক্রবারের দিনটা আপনারা কোনোমতে উদ্ধার করে দিন— তার পরে আপনাদের আর কোনো দিন বিরক্ত করব না— আপনারা সম্পূর্ণ স্বাধীন হবেন— আমরাও সন্ধান করে ইতিমধ্যে আর দুটি সংপাত্র জোগাড় করব ।

শ্রীশ । আমাদের বিরক্ত করবেন না এ কথা শুনে হুঃখিত হলেম রসিকবাবু !

রসিক । আচ্ছা, করব ।

বিপিন । আমরা কি নিজের স্বাধীনতার জন্তেই কেবল ব্যস্ত ? আমাদের এতই স্বার্থপর মনে করেন ?

রসিক । মাপ করবেন— আমার ভুল ধারণা ছিল ।

শ্রীশ । আপনি যাই বলুন, ফস্ করে ভালো পাত্র পাওয়া বড়ো শক্ত !

রসিক । সেই জন্তেই তো এতদিন অপেক্ষা করে শেষে এই বিপদ । বিবাহের প্রসঙ্গমাত্রই আপনাদের কাছে অপ্রিয়, তবু দেখুন আপনাদের সুস্থ—

বিপিন । সেজন্তে কিছু সংকোচ করবেন না—

শ্রীশ । আপনি যে আর-কারও কাছে না গিয়ে আমাদের কাছে এসেছেন, সেজন্তে অন্তরের সঙ্গে ধন্যবাদ দিচ্ছি ।

রসিক । আমি আর আপনাদের ধন্যবাদ দেব না । সেই কস্তা দুটির চিরজীবনের ধন্যবাদ আপনাদের পুরস্কৃত করবে ।

বিপিন । ওরে পাখাটা টান ।

শ্রীশ । রসিকবাবুর জন্তে জলখাবার আনাবে বলেছিলে—

বিপিন । সে এল বলে ! ততক্ষণ এক গ্লাস বরফ-দেওয়া জল খান—

শ্রীশ । জল কেন, লেমনেড আনিয়ে দাও না । (পকেট হাতে টিনের বাস বাহির করিয়া) এই নিন রসিকবাবু, পান খান ।

বিপিন । ও দিকে হাওয়া পাচ্ছেন ? এই তাকিয়াটা নিন-না ।

শ্রীশ । আচ্ছা, রসিকবাবু, নূপবালা বুঝি খুব বিবগ্ন হয়ে পড়েছেন—

বিপিন । নীরবালাও অবস্ত খুব—

রসিক । সে আর বলতে ।

শ্রীশ । নূপবালা বুঝি কান্নাকাটি করছেন ?

বিপিন। আচ্ছা, নীরবালা তাঁর মাকে কেন একটু ভালো করে বুঝিয়ে বলেন না—

রসিক। (স্বগত) ওই রে, শুরু হল। আমার লেমনেডে কাজ নেই।

(প্রকাশ্যে) মাগ করবেন, আমার কিন্তু এখনি উঠতে হচ্ছে।

শ্রীশ। বলেন কী ?

বিপিন। সে কি হয় ?

রসিক। সেই ছেলে ছুটোকে তুল ঠিকানা দিয়ে আসতে হবে, নইলে—

শ্রীশ। বুঝেছি, তা হলে এখনি যান।

বিপিন। তা হলে আর দেরি করবেন না !

চতুর্দশ পরিচ্ছেদ

নির্মলা বাতায়নতলে আসীন। চন্দ্রের প্রবেশ

চন্দ্র। (স্বগত) বেচারি নির্মল বড়ো কঠিন ব্রত গ্রহণ করেছে। আমি দেখছি ক দিন ধরে ও চিন্তায় নিমগ্ন হয়ে রয়েছে। স্বীলোক, মনের উপর এতটা ভার কি সহ করতে পারবে ? (প্রকাশ্যে) নির্মল !

নির্মলা। (চমকিয়া) কী মামা !

চন্দ্র। সেই লেখাটা নিয়ে বুঝি ভাবছ ? আমার বোধ হয় অধিক না ভেবে মনকে দুই-এক দিন বিশ্রাম দিলে লেখার পক্ষে সুবিধা হতে পারে।

নির্মলা। (লজ্জিত হইয়া) আমি ঠিক ভাবছিলুম না মামা ! আমার এতক্ষণ সেই লেখায় হাত দেওয়া উচিত ছিল, কিন্তু এই ক দিন থেকে গরম পড়ে দক্ষিণে হাওয়া দিতে আরম্ভ করেছে, কিছুতেই যেন মন বসাতে পারছি নে— ভারি অস্তায় হচ্ছে, আজ আমি যেমন করে হোক—

চন্দ্র। না না, জোর করে চেষ্টা কোরো না। আমার বোধ হয় নির্মল, বাড়িতে কেউ সঙ্গিনী নেই, নিতান্ত একলা কাজ করতে তোমার শ্রান্তি বোধ হয়। কাজে দুই-এক জনের সঙ্গ এবং সহায়তা না হলে—

নির্মলা। অবলাকান্তবাবু আমাকে কতকটা সাহায্য করবেন বলেছেন ; আমি তাঁকে রোগীশ্রবা সহজে সেই ইংরাজি বইটা দিয়েছি, তিনি একটা অধ্যায় আজ লিখে পাঠাবেন বলেছেন, বোধ হয় এখনি পাওয়া যাবে— তাই আমি অপেক্ষা করে বসে আছি।

চন্দ্র । ওই ছেলেটি বড়ো ভালো—

নির্মলা । খুব ভালো— চমৎকার—

চন্দ্র । এমন অধ্যবসার, এমন কার্যতৎপরতা—

নির্মলা । আর এমন সুন্দর নম্র স্বভাব !

চন্দ্র । ভালো প্রস্তাবমাজেই তাঁর উৎসাহ দেখে আমি আশ্চর্য হয়েছি ।

নির্মলা । তা ছাড়া, তাঁকে দেখবামাত্র তাঁর মনের মাধুর্য মুখে এবং চেহারায় কেমন স্পষ্ট বোঝা যায় ।

চন্দ্র । এত অল্পকালের মধ্যেই যে কারও প্রতি এত গভীর স্নেহ জন্মাতে পারে তা আমি কখনো মনে করি নি— আমার ইচ্ছা করে, ওই ছেলেটিকে নিজের কাছে রেখে ওর সকলপ্রকার লেখাপড়ায় এবং কাজে সহায়তা করি ।

নির্মলা । তা হলে আমারও তারি উপকার হয়, অনেক কাজ করতে পারি ! আচ্ছা, এরকম প্রস্তাব করে একবার দেখোই-না ! ওই-যে বেহারী আসছে ! বোধ হয় তিনি লেখাটা পাঠিয়ে দিয়েছেন ।— রামদীন, চিঠি আছে ? এই দিকে নিয়ে আয় ।

বেহারার প্রবেশ

ও চন্দ্রবাবুর হাতে চিঠি-প্রদান

মামা, সেই প্রবন্ধটা নিশ্চয় তিনি আমাকে পাঠিয়েছেন, ওটা আমাকে দাও ।

চন্দ্র । না কেনি, এটা আমার চিঠি ।

নির্মলা । তোমার চিঠি ! অবলাকান্তবাবু বুঝি তোমাকেই লিখেছেন ? কী লিখেছেন ?

চন্দ্র । না, এটা পূর্ণর লেখা ।

নির্মলা । পূর্ণবাবুর লেখা ? ওঃ—

চন্দ্র । পূর্ণ লিখেছেন— ‘গুরুদেব আপনার চরিত্র মহৎ, মনের বল অসামান্য, আপনার মতো বলিষ্ঠপ্রকৃতি লোকেই মানুষের দুর্বলতা কমান চক্ষে দেখিতে পারেন ইহাই মনে করিয়া অস্ত এই চিঠিখানি আপনাকে লিখিতে সাহসী হইতেছি ।’

নির্মলা । হয়েছে কী ? বোধ হয় পূর্ণবাবু চিরকুমার-সভা ছেড়ে দেবেন তাই এত ভূমিকা করছেন । লক্ষ্য করে দেখেছ বোধ হয়, পূর্ণবাবু আজকাল কুমারসভার কোনো কাজই করে উঠতে পারেন না ।

চন্দ্র । ‘দেব, আপনি যে আদর্শ আমাদের সম্মুখে ধরিয়েছেন তাহা অতুল্য, যে উদ্দেশ্য আমাদের মস্তকে স্থাপন করিয়েছেন তাহা গুরুতর— সে আদর্শ এবং সেই

উদ্দেশ্যের প্রতি এক মুহূর্তের জন্ত ভক্তির অভাব হয় নাই, কিন্তু মাঝে মাঝে শক্তির দৈন্ত অমুভব করিয়া থাকি তাহা শ্রীচরণ-সমীপে সবিনয়ে স্বীকার করিতেছি।’

নির্মলা। আমার বোধ হয়, সকল বড়ো কাজেই মানুষ মাঝে মাঝে আপনার অক্ষমতা অমুভব করে হতাশ হয়ে পড়ে, শ্রান্ত মন এক-এক বার বিক্ষিপ্ত হয়ে যায়— কিন্তু সে কি বরাবর থাকে ?

চন্দ্র। ‘সভা হইতে গৃহে ফিরিয়া আসিয়া বধন কার্ণে হাত দিতে যাই তখন সহসা নিজেকে একক মনে হয়, উৎসাহ যেন আশ্রয়হীন লতার মতো লুপ্তিত হইয়া পড়িতে চাহে।’ নির্মল, আমরা তো ঠিক এই কথাই বলছিলাম।

নির্মলা। পূর্ণবাবু যা লিখেছেন সেটা সত্য, মানুষের সঙ্গ না হলে কেবলমাত্র সংকল্প নিয়ে উৎসাহ জাগিয়ে রাখা শক্ত।

চন্দ্র। ‘আমার ধৃষ্টতা মার্জনা করিবেন, কিন্তু অনেক চিন্তা করিয়া এ কথা স্থির বুঝিয়াছি, কুমারব্রত সাধারণ লোকের জন্ত নহে— তাহাতে বল দান করে না, বল হরণ করে। স্ত্রী পুরুষ পরস্পরের দক্ষিণ হস্ত— তাহারা মিলিত থাকিলে তবেই সম্পূর্ণরূপে সংসারের সকল কাজের উপযোগী হইতে পারে।’ তোমার কী মনে হয় নির্মল ? (নির্মলা নিরুত্তর) অক্ষয়বাবুও এই কথা নিয়ে সেদিন আমার সঙ্গে তর্ক করছিলেন, তাঁর অনেক কথার উত্তর দিতে পারি নি।

নির্মলা। তা হতে পারে। বোধ হয় কথাটার মধ্যে অনেকটা সত্য আছে।

চন্দ্র। ‘গৃহস্থসন্তানকে সন্ন্যাসধর্মে দীক্ষিত না করিয়া গৃহাশ্রমকে উন্নত আদর্শে গঠিত করাই আমার মতে শ্রেষ্ঠ কর্তব্য।’

নির্মলা। এ কথাটা কিন্তু পূর্ণবাবু বেশ বলেছেন।

চন্দ্র। আমিও কিছুদিন থেকে মনে করছিলাম কুমারব্রত গ্রহণের নিয়ম উঠিয়ে দেব।

নির্মলা। আমারও বোধ হয় উঠিয়ে দিলে মন্দ হয় না, কী বল মামা ? অন্য কেউ কি আপত্তি করবেন ? অবলাকান্তবাবু, শ্রীশবাবু—

চন্দ্র। আপত্তির কোনো কারণ নেই।

নির্মলা। তবু একবার অবলাকান্তবাবুদের মত নিয়ে দেখা উচিত।

চন্দ্র। মত তো নিতেই হবে। (পত্রপাঠ) ‘এপৰ্যন্ত বাহা লিখিলাম সহজে লিখিয়াছি, এখন বাহা বলিতে চাহি তাহা লিখিতে কলম সরিতেছে না।’

নির্মলা। মামা, পূর্ণবাবু হয়তো কোনো গোপনীয় কথা লিখেছেন, তুমি চেষ্টা করে পড়ছ কেন ?

চন্দ্র । ঠিক বলেছ ফেনি ! (আপন-মনে পাঠ) কী আশ্চর্য ! আমি কি সকল বিষয়েই অন্ধ ! এতদিন তো আমি কিছুই বুঝতে পারি নি । নির্মল, পূর্ণবাবুর কোনো ব্যবহার কি কখনো তোমার কাছে—

নির্মলা । হাঁ, পূর্ণবাবুর ব্যবহার আমার কাছে মাঝে মাঝে অত্যন্ত নির্বোধের মতো ঠেকেছিল ।

চন্দ্র । অথচ পূর্ণবাবু খুব বুদ্ধিমান । তা হলে তোমাকে খুলে বলি— পূর্ণবাবু বিবাহের প্রস্তাব করে পাঠিয়েছেন—

নির্মলা । তুমি তো তাঁর অভিভাবক নও— তোমার কাছে প্রস্তাব—

চন্দ্র । আমি যে তোমার অভিভাবক— এই পড়ে দেখো ।

নির্মলা । (পত্র পড়িয়া রক্তিমমুখে) এ হতেই পারে না ।

চন্দ্র । আমি তাকে কী বলব ?

নির্মলা । বোলো কোনোমতে হতেই পারে না ।

চন্দ্র । কেন নির্মল, তুমি তো বলছিলে কুমারব্রত পালনের নিয়ম সভা হতে উঠিয়ে দিতে তোমার আপত্তি নেই ।

নির্মলা । তাই বলেই কি যে প্রস্তাব করবে তাকেই—

চন্দ্র । পূর্ণবাবু তো যে-সে নয়, অমন ভালো ছেলে—

নির্মলা । মামা, তুমি এ-সব বিষয়ে কিছুই বোঝ না, তোমাকে বোঝাতে পারবও না— আমার কাজ আছে । [প্রস্থানোত্তম

মামা, তোমার পকেটে ওটা কী উচু হয়ে আছে ?

চন্দ্র । (চমকিয়া উঠিয়া) হাঁ হাঁ, ভুলে গিয়েছিলেম— বেহারা আজ সকালে তোমার নামে লেখা একটা কাগজ আমাকে দিয়ে গেছে—

নির্মলা । (তাড়াতাড়ি কাগজ লইয়া) দেখো দেখি মামা, কী অশ্রায়, অবলাকান্তবাবুর লেখাটা সকালেই এসেছে আমাকে দাও নি ? আমি ভাবছিলেম তিনি হয়তো ভুলেই গেছেন— তারি অশ্রায় !

চন্দ্র । অশ্রায় হয়েছে বটে । কিন্তু এর চেয়ে ঢের বেশি অশ্রায় ভুল আমি প্রতিদিনই করে থাকি ফেনি, তুমিই তো আমাকে প্রত্যেকবার সহাস্তে মাপ করে করে প্রশ্রয় দিয়েছ ।

নির্মলা । না, ঠিক অশ্রায় নয়— আমিই অবলাকান্তবাবুর প্রতি মনে মনে অশ্রায় করছিলেম, ভাবছিলেম— এই-যে রসিকবাবু আসছেন । আহ্ন রসিকবাবু, মামা এইখানেই আছেন ।

রসিকের প্রবেশ

চন্দ্র । এই-ষে রসিকবাবু এসেছেন ভালোই হয়েছে ।

রসিক । আমার আসাতেই যদি ভালো হয় চন্দ্রবাবু, তা হলে আপনাদের পক্ষে ভালো অত্যন্ত স্বলভ । যখনই বলবেন তখনই আসব, না বললেও আসতে রাজি আছি ।

চন্দ্র । আমরা মনে করছি আমাদের সভা থেকে চিরকুমার ব্রতের নিয়মটা উঠিয়ে দেব— আপনি কী পরামর্শ দেন ?

রসিক । আমি খুব নিঃস্বার্থভাবেই পরামর্শ দিতে পারব, কারণ, এ ব্রত রাখুন বা উঠিয়ে দিন আমার পক্ষে দুইই সমান । আমার পরামর্শ এই যে, উঠিয়ে দিন— নইলে সে কোন্ দিন আপনিই উঠে যাবে । আমাদের পাড়ার রামহরি মাতাল রাস্তার মাঝখানে এসে সকলকে ডেকে বলেছিল, বাবা-সকল, আমি স্থির করেছি এইখানটাতেই আমি পড়ব । স্থির না করলেও সে পড়ত, অতএব স্থির করাটাই তার পক্ষে ভালো হয়েছিল ।

চন্দ্র । ঠিক বলেছেন রসিকবাবু, যে জিনিস বলপূর্বক আসবেই তাকে বল প্রকাশ করতে না দিয়ে আসতে দেওয়াই ভালো । আসছে রবিবারের পূর্বেই এই প্রস্তাবটা সকলের কাছে একবার তুলতে চাই ।

রসিক । আচ্ছা, শুক্রবারের সন্ধ্যাবেলায় আপনারা আমাদের গুথানে যাবেন, আমি সকলকে সংবাদ দিয়ে আনাব ।

চন্দ্র । রসিকবাবু, আপনার যদি সময় থাকে তা হলে আমাদের দেশে গোজাতির উন্নতি-সম্বন্ধে একটা প্রস্তাব আপনাকে—

রসিক । বিষয়টা শুনে খুব ঐৎসুক্য জন্মাচ্ছে, কিন্তু সময় খুব যে বেশি—

নির্মলা । না রসিকবাবু, আপনি ও ঘরে চলুন, আপনার সঙ্গে অনেক কথা কবার আছে । মামা, তোমার লেখাটা শেষ করো, আমরা থাকলে ব্যাঘাত হবে ।

রসিক । তা হলে চলুন ।

নির্মলা । (চলিতে চলিতে) অবলাকান্তবাবু আমাকে তাঁর সেই লেখাটি পাঠিয়ে দিয়েছেন— আমার অসুযোগে যে তিনি মনে করে রেখেছিলেন সেজন্যে আপনি তাঁকে আমার ধন্যবাদ জানাবেন ।

রসিক । ধন্যবাদ না পেলেও আপনার অসুযোগে রক্ষা করেই তিনি কৃতার্থ ।

পঞ্চদশ পরিচ্ছেদ

অগস্তারিণী । বাবা অক্ষয় ! দেখো তো, মেয়েদের নিয়ে আমি কী করি ! নেপ বসে বসে কাঁদছে, নীর রেগে অস্থির, সে বলে সে কোনোমতেই বেরোবে না । ভদ্রলোকের ছেলেরা আজ এখনি আসবে, তাদের এখন কী বলে ফেরাব । তুমিই বাপু, ওদের শিখিয়ে পড়িয়ে বিবি করে তুলেছ, এখন তুমিই ওদের সামলাও ।

পুরবালা । সত্যি, আমি ওদের রকম দেখে অবাক হয়ে গেছি, ওরা কি মনে করেছে ওরা—

অক্ষয় । বোধ হয় আমাকে ছাড়া আর কাউকে ওরা পছন্দ করছে না ; তোমারই সহোদরা কিনা, কচিটা তোমারই মতো ।

পুরবালা । ঠাট্টা রাখো, এখন ঠাট্টার সময় নয়— তুমি ওদের একটু বুঝিয়ে বলবে কিনা বলো । তুমি না বললে ওরা শুনবে না ।

অক্ষয় । এত অহুগত ! একেই বলে ভয়ীপতিব্রতা শ্রালী । আচ্ছা, আমার কাছে একবার পাঠিয়ে দাও— দেখি ।

[অগস্তারিণী ও পুরবালার প্রস্থান]

নূপবালা ও নীরবালার প্রবেশ

নীরবালা । না, মুখোজ্যমশায়, সে কোনোমতেই হবে না ।

নূপবালা । মুখোজ্যমশায়, তোমার দুটি পায়ে পড়ি আমাদের যার তার সামনে ওরকম করে বের করো না ।

অক্ষয় । ফাঁসির হুকুম হলে একজন বলেছিল, আমাকে বেশি উচুতে চড়িয়ে না, আমার মাথাঘোরা ব্যামো আছে— তাদের যে তাই হল । বিয়ে করতে যাচ্ছি, এখন দেখা দিতে লজ্জা করলে চলবে কেন ?

নীরবালা । কে বললে আমরা বিয়ে করতে যাচ্ছি ?

অক্ষয় । অহো, শরীরে পুলক সঞ্চার হচ্ছে ! কিন্তু হৃদয় দুর্বল এবং দৈব বলবান, যদি দৈবাৎ প্রতিজ্ঞা ভঙ্গ করতে হয়—

নীরবালা । না, ভঙ্গ হবে না ।

অক্ষয় । হবে না তো ? তবে নির্ভয়ে এস ; যুবক দুটোকে দেখা দিয়ে আধপোড়া করে ছেড়ে দাও— হতভাগারা বাসায় ফিরে গিয়ে মরে থাকুক ।

নীরবালা । অকারণে প্রাণিহত্যা করবার জন্য আমাদের এত উৎসাহ নেই ।

অক্ষয় । জীবের প্রতি কী দয়া ! কিন্তু সামান্য ব্যাপার নিয়ে গৃহবিচ্ছেদ করবার দরকার কী ? তোদের মা-দিদি যখন ধরে পড়েছেন এবং ভদ্রলোক দুটি যখন গাড়ি-ভাড়া করে আসছে তখন একবার মিনিট পাঁচেকের মতো দেখা দিস, তার পরে আমি আছি— তোদের অনিচ্ছায় কোনোমতেই বিবাহ দিতে দেব না ।

নীরবালা । কোনোমতেই না ?

অক্ষয় । কোনোমতেই না ।

পুরবালার প্রবেশ

পুরবালা । আয় তোদের সাজিয়ে দিই গে ।

নীরবালা । আমরা সাজব না !

পুরবালা । ভদ্রলোকদের সামনে এইরকম বেশেই বেরোবি ? লজ্জা করবে না ?

নীরবালা । লজ্জা করবে বইকি দিদি, কিন্তু সেজে বেরোতে আরো বেশি লজ্জা করবে ।

অক্ষয় । উমা তপস্বিনীবেশে মহাদেবের মনোহরণ করেছিলেন, শকুন্তলা যখন দুঃস্থের হৃদয় জয় করেছিল তখন তার গায়ে একখানি বাকল ছিল— কালিদাস বলেন সেও কিছু আঁট হয়ে পড়েছিল, তোমার বোনেরা সেই-সব পড়ে সেয়ানা হয়ে উঠেছে, সাজতে চায় না !

পুরবালা । সে-সব হল সত্যযুগের কথা । কলিকালের দুঃস্থ মহারাজরা সাজ-সজ্জাতেই ভোলেন ।

অক্ষয় । যথা—

পুরবালা । যথা তুমি । যে দিন তুমি দেখতে এলে মা বুঝি আমাকে সাজিয়ে দেন নি ?

অক্ষয় । আমি মনে মনে ভাবলেম, সাজেও যখন একে সেজেছে তখন সৌন্দর্যে না জানি কত শোভা হবে ।

পুরবালা । আচ্ছা, তুমি ধামো, নীরু আয় !

নীরবালা । না ভাই দিদি—

পুরবালা । আচ্ছা, সাজ নাই করলি চুল তো বাঁধতে হবে !

অক্ষয় ।—

গান

অলকে কুম্ভ না দিয়ো,

ওধু শিখিলকবরী বাধিয়ো ।

কাজলবিহীন সজলনয়নে
 হৃদয়দুয়ারে যা দিয়ে।
 আকুল আঁচলে পখিকচরণে
 মরণের ফাঁদ ফাঁদিয়ে।
 না করিয়া বাদ মনে বাহা সাধ
 নিদ্রা নীরবে সাধিয়ে।

পুরবাল। তুমি আবার গান ধরলে? আমি কখন কী করি বলা দেখি।
 তাদের আসবার সময় হল— এখনো আমার খাবার তৈরি করা বাকি আছে।

[নৃপ ও নীরকে লইয়া প্রস্থান

রসিকের প্রবেশ

অক্ষয়। পিতামহ ভীষ্ম, যুদ্ধের সমস্তই প্রস্তুত?

রসিক। সমস্তই--- বীরপুরুষ দুটিও সমাগত।

অক্ষয়। এখন কেবল দিব্যান্ত্র দুটি সাজতে গেছেন। তুমি তা হলে সেনাপতির
 ভার গ্রহণ করো, আমি একটু অস্ত্রাঙ্গে থাকতে ইচ্ছা করি।

রসিক। আমিও প্রথমটা একটু আড়াল হই।

[উভয়ের প্রস্থান

শ্রীশ ও বিপিনের প্রবেশ

শ্রীশ। বিপিন, তুমি তো আজকাল সংগীতবিচার উপর চীৎকারশব্দে ডাকাতি
 আরম্ভ করেছ— কিছু আদায় করতে পারলে?

বিপিন। কিছু না। সংগীতবিচার দ্বারা সপ্তস্বর অনবরত পাহারা দিচ্ছে, সেখানে
 কি আমার ঢোকবার জো আছে। কিন্তু এ প্রশ্ন কেন তোমার মনে উদয় হল?

শ্রীশ। আজকাল মাঝে মাঝে কবিতায় স্বর বসাতে ইচ্ছে করে। সেদিন বইয়ে
 পড়ছিলুম—

কেন সারাদিন ধীরে ধীরে
 বালু নিয়ে শুধু খেল তীরে।
 চলে গেল বেলা, রেখে মিছে খেলা
 ঝাঁপ দিয়ে পড়ো কালো নীরে।
 অকুল ছানিয়ে যা পাস তা নিয়ে
 হেসে কেঁদে চলো ঘরে কিরে।

মনে হচ্ছিল এর সুরটা যেন জানি, কিন্তু গাবার জো নেই!

বিপিন। জিনিসটা মন্দ নয় হে— তোমার কবি লেখে ভালো। ওহে, ওর পরে আর কিছু নেই? যদি শুরু করলে তবে শেষ করো!

শ্রীশ।— নাহি জানি মনে কী বাসিয়া
পথে বসে আছে কে আসিয়া।
কী কুম্ববাসে ফাগুনবাতাসে
হৃদয় দিতেছে উদাসিয়া।
চল্ ওরে এই খেপা বাতাসেই
সাথে নিয়ে সেই উদাসীরে।

বিপিন। বাঃ বেশ! কিন্তু শ্রীশ, শেল্ফের কাছে তুমি কী খুঁজে বেড়াচ্ছ?

শ্রীশ। সেই-ষে সেদিন যে বইটাতে দুটি নাম লেখা দেখেছিলাম, সেইটে—

বিপিন। না ভাই, আজ ও-সব নয়!

শ্রীশ। কী-সব নয়?

বিপিন। তাঁদের কথা নিয়ে কোনো রকম—

শ্রীশ। কী আশ্চর্য বিপিন! তাঁদের কথা নিয়ে আমি কি এমন কোনো আলোচনা করতে পারি যাতে—

বিপিন। রাগ কোরো না ভাই— আমি নিজের সম্বন্ধেই বলছি, এই ঘরেই আমি অনেক সময় রসিকবাবুর সঙ্গে তাঁদের বিষয়ে যে ভাবে আলাপ করেছি আজ সে ভাবে কোনো কথা উচ্চারণ করতেও সংকোচ বোধ হচ্ছে— বুঝ না—

শ্রীশ। কেন বুঝ না? আমি কেবল একখানি বই খুলে দেখবার ইচ্ছে করেছিলুম মাত্র— একটি কথাও উচ্চারণ করতুম না!

বিপিন। না, আজ তাও না। আজ তাঁরা আমাদের সম্মুখে বেরোবেন, আজ আমরা যেন তার যোগ্য থাকতে পারি।

শ্রীশ। বিপিন, তোমার সঙ্গে—

বিপিন। না ভাই, আমার সঙ্গে তর্ক কোরো না, আমি হারলুম— কিন্তু বইটা রাখো।

রসিকের প্রবেশ

রসিক। এই-ষে, আপনারা এসে একলা বসে আছেন, কিছু মনে করবেন না—

শ্রীশ। কিছু না। এই ঘরটি আমাদের সাদর সম্ভাষণ করে নিয়েছিল।

রসিক । আপনাদের কত কষ্টই দেওয়া গেল ।

শ্রীশ । কষ্ট আর দিতে পারলেন কই ? একটা কষ্টের মতো কষ্ট স্বীকার করবার সুযোগ পেলে কৃতার্থ হতুম ।

রসিক । যা হোক, অল্পকণের মধ্যেই চুকে যাবে এই এক সুবিধে, তার পরেই আপনারা স্বাধীন । ভেবে দেখুন দেখি যদি এটা সত্যকার ব্যাপার হত তা হলেই পরিণামে বন্ধনভয়ং । বিবাহ তিনিসটা মিষ্টান্ন দিয়েই শুরু হয়, কিন্তু সকল সময় মধুরেণ সমাপ্ত হয় না । আচ্ছা, আজ আপনারা দুঃখিতভাবে এরকম চূপচাপ করে বসে আছেন কেন বলুন দেখি । আমি বলছি আপনাদের কোনো ভয় নেই । আপনারা বনের বিহঙ্গ, ছুটিখানি সন্দেশ খেয়েই আবার বনে উড়ে যাবেন, কেউ আপনাদের বাধবে না । 'নাত্র ব্যাধশরাঃ পতন্তি পরিতো, নৈবাত্র দাবানলঃ । দাবানলের পরিবর্তে ডাবের জল পাবেন ।

শ্রীশ । আমাদের সে দুঃখ নয় রসিকবাবু, আমরা ভাবছি আমাদের দ্বারা কতটুকু উপকারই বা হচ্ছে । ভবিষ্যতের সমস্ত আশঙ্কা তো দূর করতে পারছি নে ।

রসিক । বিলক্ষণ ! যা করছেন তাতে আপনারা দুটি অবলাকে চিরকৃতজ্ঞতাপাশে বদ্ধ করছেন— অথচ নিজেরা কোনোপ্রকার পাশেই বদ্ধ হচ্ছেন না ।

অগস্ত্যারিণী । (নেপথ্যে মৃদুস্বরে) আঃ নেপ, কী ছেলেমানুষি করছিস ! শিগ্গির চোখের জল মুছে ঘরের মধ্যে যা ! লক্ষ্মী মা আমার— কেঁদে চোখ লাল করলে কী রকম ছিরি হবে ভেবে দেখ্ দেখি !— নীর, যা-না ! তোদের সঙ্গে আর পারি নে বাপু ! ভদ্রলোকদের কতক্ষণ বসিয়ে রাখবি ? কী মনে করবেন ?

শ্রীশ । ওই শুনছেন রসিকবাবু ? এ অসহ ! এর চেয়ে রাজপুত্রদের কণ্ঠাহত্যা ভালো ।

বিপিন । রসিকবাবু, এঁদের এই সংকট থেকে সম্পূর্ণ রক্ষা করবার জন্যে আপনি আমাদের যা বলবেন আমরা তাতেই প্রস্তুত আছি ।

রসিক । কিছু না, আপনাদের আর অধিক কষ্ট দেব না ! কেবল আজকের দিনটা উত্তীর্ণ করে দিয়ে যান— তার পরে আপনাদের আর কিছুই ভাবতে হবে না ।

শ্রীশ । ভাবতে হবে না ? কী বলেন রসিকবাবু ! আমরা কি পাষণ ? আজ থেকেই আমরা বিশেষরূপে এঁদের জন্যে ভাববার অধিকার পাব ।

বিপিন । এমন ঘটনার পর আমরা যদি এঁদের সঙ্গে উদাসীন হই তবে আমরা কাণ্ডকার ।

শ্রীশ । এখন থেকে এঁদের জন্তে ভাবা আমাদের পক্ষে গর্বের বিষয়— গৌরবের বিষয় ।

রসিক । তা বেশ, ভাববেন, কিন্তু বোধ হয় ভাবা ছাড়া আর কোনো কষ্ট করতে হবে না ।

শ্রীশ । আচ্ছা রসিকবাবু, আমাদের কষ্ট স্বীকার করতে দিতে আপনার এত আপত্তি হচ্ছে কেন ?

বিপিন । এঁদের জন্তে যদিই আমাদের কোনো কষ্ট করতে হয় সেটা যে আমরা সম্মান বলে জ্ঞান করব ।

শ্রীশ । দু দিন ধরে, রসিকবাবু, বেশি কষ্ট পেতে হবে না বলে আপনি ক্রমাগতই আমাদের আশ্বাস দিচ্ছেন । এতে আমরা বাস্তবিক দুঃখিত হয়েছি ।

রসিক । আমাকে মাপ করবেন— আমি আর কখনো এমন অববেচনার কাজ করব না, আপনারা কষ্ট স্বীকার করবেন !

শ্রীশ । আপনি কি এখনো আমাদের চিনলেন না ?

রসিক । চিনেছি বইকি, সেজন্তে আপনারা কিছুমাত্র চিন্তিত হবেন না ।

কুণ্ঠিত নৃপবালা ও নীরবালার প্রবেশ

শ্রীশ । (নমস্কার করিয়া) রসিকবাবু, আপনি এঁদের বলুন আমাদের যেন মার্জনা করেন ।

বিপিন । আমরা যদি ভ্রমেও এঁদের লজ্জা বা ভয়ের কারণ হই তবে তার চেয়ে দুঃখের বিষয় আমাদের পক্ষে আর কিছুই হতে পারে না, সেজন্তে যদি ক্ষমা না করেন তবে—

রসিক । বিলক্ষণ ! ক্ষমা চেয়ে অপরাধিনীদের অপরাধ আর বাড়াবেন না । এঁদের অল্প বয়স, মাত্র অতিথিদের কিরকম সম্ভাষণ করা উচিত তা যদি এঁরা হঠাৎ ভুলে গিয়ে নতমুখে দাঁড়িয়ে থাকেন তা হলে আপনারদের প্রতি অসম্ভাব কল্পনা করে এঁদের আরো লজ্জিত করবেন না । নৃপদিদি, নীরদিদি— কী বল ভাই ! যদিও এখনো তোমাদের চোখের পাতা শুকোয় নি, তবু এঁদের প্রতি তোমাদের মন যে বিমুখ নয় সে কথা কি জানাতে পারি ? (নৃপ ও নীর লজ্জিত-নিরস্তর) না, একটু আড়ালে জিজ্ঞাসা করা দরকার । (জনান্তিকে) ভদ্রলোকদের এখন কী বলি বলো তো ভাই ? বলব কি, তোমরা যত শীঘ্র পার বিদায় হও ।

নীরবালা । (বৃহৎস্বরে) রসিকদাদা, কী বক তার ঠিক নেই, আমরা কি তাই বলেছি । আমরা কি জানতুম এঁরা এসেছেন ?

রসিক । (শ্রীশ ও বিপিনের প্রতি) এঁরা বলছেন—

সখা, কী মোর করমে লেখি !

তপত বলিয়া তপনে ডরিহু,

চাঁদের কিরণ দেখি !

এর উপরে আপনাদের কিছু বলবার আছে ?

নীরবালা । (জনাস্তিকে) আঃ রসিকদাদা, কী বলছ তার ঠিক নেই ! ও কথা আমরা কখন বললুম !

রসিক । (শ্রীশ ও বিপিনের প্রতি) এঁদের মনের ভাবটা আমি সম্পূর্ণ ব্যক্ত করতে পারি নি বলে এঁরা আমাকে ভৎসনা করছেন । এঁরা বলতে চান, চাঁদের কিরণ বললেও যথেষ্ট বলা হয় না— তার চেয়ে আরো যদি—

নীরবালা । (জনাস্তিকে) তুমি অমন কর যদি তা হলে আমরা চলে যাব ।

রসিক । সখি, ন যুক্তম্ অকৃতসংকারম্ অতিথিবিশেষম্ উজ্জ্বলিত্বা স্বচ্ছন্দতো গমনম্ ! (শ্রীশ ও বিপিনের প্রতি) এঁরা বলছেন এঁদের যথার্থ মনের ভাবটি যদি আপনাদের কাছে ব্যক্ত করে বলি, তা হলে এঁরা লজ্জায় এ ঘর থেকে চলে যাবেন ।

[নৃপ ও নীরর প্রস্থানোত্তম

শ্রীশ । রসিকবাবুর অপরাধে আপনারা নির্দোষদের সাজা দেবেন কেন ? আমরা তো কোনো প্রকার প্রগল্ভতা করি নি । [নৃপ ও নীরর 'ন যথৌ ন তসৌ' ভাব

বিপিন । (নীরকে লক্ষ্য করিয়া) পূর্বকৃত কোনো অপরাধ যদি থাকে তো ক্ষমা প্রার্থনার অবকাশ কি দেবেন না ?

রসিক । (জনাস্তিকে) এই ক্ষমাটুকুর জন্তে বেচারি অনেক দিন থেকে স্বেযোগ প্রত্যাশা করছে—

নীরবালা । (জনাস্তিকে) অপরাধ কী হয়েছে যে ক্ষমা করতে যাব ?

রসিক । (বিপিনের প্রতি) ইনি বলছেন, আপনার অপরাধ এমন মনোহর যে তাকে ইনি অপরাধ বলে লক্ষ্যই করেন নি ! কিন্তু আমি যদি সেই খাতাটি হরণ করতে সাহসী হতাম তবে সেটা অপরাধ হত— আইনের বিশেষ ধারায় এইরকম লিখছে ।

বিপিন । ঈর্ষা করবেন না রসিকবাবু ! আপনারা সর্বদাই অপরাধ করবার স্বেযোগ পান এবং সেজন্তে দণ্ডভোগ করে কৃতার্থ হন, আমি দৈবক্রমে একটা অপরাধ

করবার সুবিধা পেয়েছিলুম, কিন্তু এতই অধম যে দণ্ডনীয় বলেও গণ্য হলেম না, কমা পাবার যোগ্যতাও লাভ করলেম না !

রসিক । বিপিনবাবু, একেবারে হতাশ হবেন না । শাস্তি অনেক সময় বিলম্বে আসে, কিন্তু নিশ্চিত আসে । কসু করে মুক্তি না পেতেও পারেন ।

ভৃত্যের প্রবেশ

ভৃত্য । জলখাবার তৈরি ।

[নৃপ ও নীরর প্রস্থান

শ্রীশ । আমরা কি দুর্ভিক্ষের দেশ থেকে আসছি রসিকবাবু ? জলখাবারের জন্তে এত তাড়া কেন !

রসিক । মধুরেণ সমাপয়েৎ ।

শ্রীশ । (নিশ্বাস ফেলিয়া) কিন্তু সমাপনটা তো মধুর নয় । (জনাস্তিকে বিপিনের প্রতি) কিন্তু বিপিন, এঁদের তো প্রতারণা করে যেতে পারব না !

বিপিন । (জনাস্তিকে) তা যদি করি তবে আমরা পাষণ্ড ।

শ্রীশ । (জনাস্তিকে) এখন আমাদের কর্তব্য কী ।

বিপিন । (জনাস্তিকে) সে কি আর জিজ্ঞাসা করতে হবে ?

রসিক । আপনারা দেখছি ভয় পেয়ে গেছেন ! কোনো আশঙ্কা নেই, শেষকালে যেমন করেই হোক আমি আপনাদের উদ্ধার করবই ।

[সকলের প্রস্থান

অক্ষয় ও জগন্তারিণীর প্রবেশ

জগন্তারিণী । দেখলে তো বাবা, কেমন ছেলে দুটি ?

অক্ষয় । মা, তোমার পছন্দ ভালো, এ কথা আমি তো অস্বীকার করতে পারি নে ।

জগন্তারিণী । মেয়েদের রকম দেখলে তো বাবা ! এখন কাগাকাটি কোথায় গেছে তার ঠিক নেই !

অক্ষয় । ওই তো ওদের দোষ । কিন্তু মা, তোমাকে নিজে গিয়ে আশীর্বাদ দিয়ে ছেলে দুটিকে দেখতে হচ্ছে ।

জগন্তারিণী । সে কি ভালো হবে অক্ষয় ? ওরা কি পছন্দ জানিয়েছে ?

অক্ষয় । খুব জানিয়েছে । এখন তুমি নিজে এসে আশীর্বাদ করে গেলেই চটপট স্থির হয়ে যায় !

জগন্তারিণী । তা বেশ, তোমরা যদি বল তো যাব । আমি ওদের মার বয়সী, আমার লজ্জা কিসের ।

পুরবালার প্রবেশ

পুরবালা। খাবার গুছিয়ে দিয়ে এসেছি। ওদের কোন্ ঘরে বসিয়েছে, আমি আর দেখতেই পেলুম না।

অক্ষয়। কী আর বলব পুরো, এমন সোনার চাঁদ ছেলে।

পুরবালা। তা জানতুম। নীর-নূপর অদৃষ্টে কি খারাপ ছেলে হতে পারে।

অক্ষয়। তাদের বড়দিদির অদৃষ্টের ঝাঁচ লেগেছে আর-কি।

পুরবালা। আচ্ছা, ধামো। যাও দেখি, তাদের সঙ্গে একটু আলাপ করো গে।

—কিন্তু শৈল গেল কোথায় ?

অক্ষয়। সে খুশি হয়ে দরজা বন্ধ করে পুজোর বসেছে।

ষোড়শ পরিচ্ছেদ

অক্ষয়। ব্যাপারটা কী? রসিকদা, আজকাল তো খুব খাওয়াচ্ছ দেখছি। প্রত্যহ যাকে ছু বেলা দেখছ তাকে হঠাৎ ভুলে গেলে ?

রসিক। এঁদের নতুন আদর, পাতে যা পড়ছে তাতেই খুশি হচ্ছেন। তোমার আদর পুরোনো হয়ে এল, তোমাকে নতুন করে খুশি করি এমন সাধ্য নেই ভাই !

অক্ষয়। কিন্তু শুনেছিলেম, আজকের সমস্ত মিষ্টান্ন এবং এ পরিবারের সমস্ত অনাহাদিত মধু উজাড় করে নেবার জন্তে দুটি অখ্যাতনামা যুবকের অভ্যুদয় হবে— এঁরা তাঁদেরই অংশে ভাগ বসানো না কি ? ওহে রসিকদা, ভুল কর নি তো ?

রসিক। ভুলের জন্তেই তো আমি বিখ্যাত। বড়ো মা জানেন তাঁর বড়ো রসিক-কাকা যাতে হাত দেবেন তাতেই গলদ হবে।

অক্ষয়। বল কী রসিকদাদা ? করেছ কী ? সে ছুটি ছেলেকে কোথায় পাঠালে ?

রসিক। ভ্রমক্রমে তাদের ভুল ঠিকানা দিয়েছি।

অক্ষয়। সে বেচারাদের কী গতি হবে ?

রসিক। বিশেষ অনিষ্ট হবে না। তাঁরা কুমারটুলিতে নীলমাধব চৌধুরীর বাড়িতে এতক্ষণে অলযোগ সমাধা করছেন। বনমালী ভট্টাচার্য তাঁদের তত্ত্বাবধানের ভার নিয়েছেন।

অক্ষয়। তা যেন বুঝলুম, মিষ্টান্ন সকলেরই পাতে পড়ল, কিন্তু তোমারই অলযোগটি

কিছু কটু রকমের হবে। এইবেলা ভ্রম সংশোধন করে নাও। শ্রীশবাবু, বিপিনবাবু, কিছু মনে কোরো না, এর মধ্যে একটু পারিবারিক রহস্য আছে।

শ্রীশ। সরলপ্রকৃতি রসিকবাবু সে রহস্য আমাদের নিকট ভেদ করেই দিয়েছেন। আমাদের ফাঁকি দিয়ে আনেন নি।

বিপিন। মিষ্টানের খালায় আমরা অনধিকার আক্রমণ করি নি, শেষ পর্যন্ত তার প্রমাণ দিতে প্রস্তুত আছি।

অক্ষয়। বল কী বিপিনবাবু? তা হলে চিরকুমার-সভাকে চিরজন্মের মতো কাঁদিয়ে এসেছ? জেনেশুনে? ইচ্ছাপূর্বক?

রসিক। না না, তুমি ভুল করছ অক্ষয়!

অক্ষয়। আবার ভুল? আজ কি সকলেরই ভুল করবার দিন হল না কি?—

গান

ভুলে ভুলে আজ ভুলময়!

ভুলের লতায় বাতাসের ভুলে

ফুলে ফুলে হোক ফুলময়!

আনন্দ-ঢেউ ভুলের সাগরে

উছলিয়া হোক কূলময়।

রসিক। একি, বড়ো মা আসছেন যে!

অক্ষয়। আসবারই কথা। উনি তো কুমারটুলির ঠিকানায় যাবেন না।

জগন্তারিণীর প্রবেশ

শ্রীশ ও বিপিনের ভূমিষ্ঠ হইয়া প্রণাম। দুই জনকে দুই মোহর দিয়া জগন্তারিণীর আশীর্বাদ। জনাস্তিকে অক্ষয়ের সহিত জগন্তারিণীর আলাপ।

অক্ষয়। মা বলছেন, তোমাদের আজ ভালো করে খাওয়া হল না, সমস্তই পাতে পড়ে রইল।

শ্রীশ। আমরা দুবার চেয়ে নিয়ে খেয়েছি।

বিপিন। যেটা পাতে পড়ে আছে ওটা তৃতীয় কিস্তি।

শ্রীশ। ওটা না পড়ে থাকলে আমাদেরই পড়ে থাকতে হত।

জগন্তারিণী। (জনাস্তিকে) তা হলে তোমরা গুঁদের বসিয়ে কথাবার্তা কও বাছা, আমি আসি।

[প্রস্থান

রসিক । না, এ ভারি অন্তায় হল ।

অক্ষয় । অন্তায়টা কী হল ?

রসিক । আমি ঠুন্দের বার বার করে বলে এসেছি যে, ঠুন্দের কেবল আজ আহারটি করেই ছুটি পাবেন, কোনোরকম বধবন্ধনের আশঙ্কা নেই । কিন্তু—

শ্রীশ । ঠুন্দের মধ্যে কিন্তুটা কোথায় রসিকবাবু, আপনি অত চিন্তিত হচ্ছেন কেন ?

রসিক । বলেন কী শ্রীশবাবু, আপনাদের আমি কথা দিয়েছি বখন—

বিপিন । তা বেশ তো, এমনই কি মহাবিপদে ফেলেছেন !

শ্রীশ । মা আমাদের যে আশীর্বাদ করে গেলেন আমরা যেন তার যোগ্য হই ।

রসিক । না না, শ্রীশবাবু, সে কোনো কাজের কথা নয় । আপনারা যে দায়ে পড়ে ভদ্রতার খাতিরে—

বিপিন । রসিকবাবু, আপনি আমাদের প্রতি অবিচার করবেন না— দায়ে পড়ে—

রসিক । দায় নয় তো কী মশায় ! সে কিছুতেই হবে না । আমি বরঞ্চ সেই ছেলে দুটোকে বনমালীর হাত ছাড়িয়ে কুমারটুলি থেকে এখনো ফিরিয়ে আনব, তবু—

শ্রীশ । আপনার কাছে কী অপরাধ করেছি রসিকবাবু ?

রসিক । না না, এ তো অপরাধের কথা হচ্ছে না । আপনারা ভদ্রলোক, কৌমার্যব্রত অবলম্বন করেছেন, আমার অহুরোধে পড়ে পরের উপকার করতে এসে শেষকালে—

বিপিন । শেষকালে নিজের উপকার করে ফেলব এটুকু আপনি সহ করতে পারবেন না— এমনি হিতৈষী বন্ধু !

শ্রীশ । আমরা ষেটাকে সৌভাগ্য বলে স্বীকার করছি আপনি তার থেকে আমাদের বঞ্চিত করতে চেষ্টা করছেন কেন ?

রসিক । শেষকালে আমাদের দোষ দেবেন না ।

বিপিন । নিশ্চয় দেব, যদি না আপনি স্থির হয়ে শুভকর্মে সহায়তা করেন ।

রসিক । আমি এখনো সাবধান করছি—

গতং তদ্গাষ্ঠীর্ষং তটমপি চিতং জালিকশতৈঃ ।

সখে হংসোত্তিষ্ঠ, ত্বরিতমমুতো গচ্ছ সরসঃ ।

সে গাষ্ঠীর্ষ গেল কোথা,

নদীতটে হেরো হোথা

জালিকেরা জালে কেলে ঘিরে—

সখে হংস, ওঠ ওঠ,

সময় থাকিতে ছোটো

হেথা হতে মানসের তীরে ।

শ্রীশ। কিছুতেই না। তা, আপনার সংস্কৃত শ্লোক ছুঁড়ে মারলেও সখা হংসরা কিছুতেই এখান থেকে নড়ছেন না।

রসিক। স্থান খারাপ বটে। নড়বার জো নেই। আমি তো অচল হয়ে বসে আছি, হায় হায়—
অগ্নি কুরঙ্গ তপোবনবিভ্রমাং
উপগতাসি কিরাতপুরীমিমাম্।

ভূত্যের প্রবেশ

ভূত্য। চন্দ্রবাবু এসেছেন।

অক্ষয়। এইখানেই ডেকে নিয়ে আয়।

[ভূত্যের প্রস্থান

রসিক। একেবারে দারোগার হাতে চোর দুটিকে সমর্পণ করে দেওয়া হোক।

চন্দ্রবাবুর প্রবেশ

চন্দ্র। এই-ষে আপনারা এসেছেন। পূর্ণবাবুকেও দেখছি।

অক্ষয়। আশ্চর্য না, আমি পূর্ণ নই, তবু অক্ষয় বটে।

চন্দ্র। অক্ষয়বাবু! তা, বেশ হয়েছে, আপনাকেও দরকার ছিল।

অক্ষয়। আমার মতো অদরকারি লোককে, যে দরকারে লাগাবেন তাতেই লাগতে পারি— বলুন কী করতে হবে।

চন্দ্র। আমি ভেবে দেখেছি, আমাদের সভা থেকে কুমারব্রতের নিয়ম না ওঠালে সভাকে অত্যন্ত সংকীর্ণ করে রাখা হচ্ছে। শ্রীশবাবু বিপিনবাবুকে এই কথাটা একটু ভালো করে বোঝাতে হবে।

অক্ষয়। ভারি কঠিন কাজ, আমার দ্বারা হবে কি না সন্দেহ।

চন্দ্র। একবার একটা মতকে ভালো বলে গ্রহণ করেছি বলেই সেটাকে পরিত্যাগ করবার ক্ষমতা দূর করা উচিত নয়। মতের চেয়ে বিবেচনাশক্তি বড়ো। শ্রীশবাবু, বিপিনবাবু—

শ্রীশ। আমাদের অধিক বলা বাহুল্য—

চন্দ্র। কেন বাহুল্য? আপনারা যুক্তিতেও কর্ণপাত করবেন না?

বিপিন। আমরা আপনারই মতে—

চন্দ্র। আমার মত এক সময় ভ্রান্ত ছিল সে কথা স্বীকার করছি, আপনারা এখনো সেই মতেই—

রসিক। এই-ষে পূর্ণবাবু আসছেন। আহ্নন আহ্নন।

পূর্ণর প্রবেশ

চন্দ্র । পূর্ণবাবু, তোমার প্রস্তাবমতে আমাদের সভা থেকে কুমারব্রত তুলে দেবার
অন্তেই আজ আমরা এখানে মিলিত হয়েছি । কিন্তু শ্রীশবাবু এবং বিপিনবাবু অত্যন্ত
দৃঢ়প্রতিজ্ঞ, এখন এঁদের বোঝাতে পারলেই—

রসিক । এঁদের বোঝাতে আমি ক্রটি করি নি চন্দ্রবাবু—

চন্দ্র । আপনার মতো বাগ্মী যদি ফল না পেয়ে থাকেন তা হলে—

রসিক । ফল যা পেয়েছি তা ফলেন পরিচীয়েতে ।

চন্দ্র । কী বলছেন ভালো বুঝতে পারছি নে ।

অক্ষয় । ওহে রসিকদা, চন্দ্রবাবুকে খুব স্পষ্ট করে বুঝিয়ে দেওয়া দরকার । আমি
দুটি প্রত্যক্ষ প্রমাণ এখনি এনে উপস্থিত করছি । [প্রস্থান

শ্রীশ । পূর্ণবাবু ভালো আছেন তো ?

পূর্ণ । হ্যাঁ ।

বিপিন । আপনাকে একটু শুকনো দেখাচ্ছে ।

পূর্ণ । না, কিছু না ।

শ্রীশ । আপনাদের পরীক্ষার আর তো দেরি নেই ।

পূর্ণ । না ।

নূপবালা ও নীরবালাকে লইয়া অক্ষয়ের প্রবেশ

অক্ষয় । (নূপ ও নীরর প্রতি) ইনি চন্দ্রবাবু, ইনি তোমাদের গুরুজন, এঁকে
প্রণাম করো । (নূপ ও নীরর প্রণাম) চন্দ্রবাবু, নূতন নিয়মে আপনাদের সভায় এই
দুটি সভ্য বাড়ল !

চন্দ্র । বড়ো খুশি হলেম । এঁরা কে ?

অক্ষয় । আমার সঙ্গে এঁদের সম্বন্ধ খুব ঘনিষ্ঠ । এঁরা আমার দুটি শ্রালী । শ্রীশবাবু
এবং বিপিনবাবুর সঙ্গে এঁদের সম্বন্ধ শুভলগ্নে আরো ঘনিষ্ঠতর হবে । এঁদের প্রতি দৃষ্টি
করলেই বুঝবেন, রসিকবাবু এই যুবক দুটির যে মতের পরিবর্তন করিয়েছেন সে
কেবলমাত্র বাগ্মিতার দ্বারা নয় ।

চন্দ্র । বড়ো আনন্দের কথা ।

পূর্ণ । শ্রীশবাবু, বড়ো খুশি হলুম ! বিপিনবাবু, আপনাদের বড়ো সৌভাগ্য !
আশা করি অবলাকান্তবাবুও বকিত হন নি, তাঁরও একটি—

নির্মলার প্রবেশ

চন্দ্র । নির্মলা, শুনে খুশি হবে, শ্রীশবাবু এবং বিপিনবাবুর সঙ্গে এঁদের বিবাহের সম্বন্ধ স্থির হয়ে গেছে । তা হলে কুমারব্রত উঠিয়ে দেওয়া সম্বন্ধে প্রস্তাব উত্থাপন করাই বাহুল্য ।

নির্মলা । কিন্তু অবলাকাস্তবাবুর মত তো নেওয়া হয় নি— তাঁকে এখানে দেখছি নে—

চন্দ্র । ঠিক কথা, আমি সেটা ভুলেই গিয়েছিলুম, তিনি আজ এখনো এলেন না কেন ?

রসিক । কিছু চিন্তা করবেন না, তাঁর পরিবর্তন দেখলে আপনারা আরও আশ্চর্য হবেন ।

অক্ষয় । চন্দ্রবাবু এবারে আমাকেও দলে নেবেন । সভাটি বেরকম লোভনীয় হয়ে উঠল, এখন আমাকে ঠেকিয়ে রাখতে পারবেন না ।

চন্দ্র । আপনাকে পাওয়া আমাদের সৌভাগ্য ।

অক্ষয় । আমার সঙ্গে সঙ্গে আর-একটি সভ্যও পাবেন । আজকের সভায় তাঁকে কিছুতেই উপস্থিত করতে পারলেম না । এখন তিনি নিজেকে সুলভ করবেন না— বাসরঘরে ভূতপূর্ব কুমারসভাটিকে সাধ্যমত পিণ্ডান করে তার পরে যদি দেখা দেন । এইবার অবশিষ্ট সভ্যটি এলেই আমাদের চিরকুমার-সভা সম্পূর্ণ সমাপ্ত হয় !

শৈলের প্রবেশ

শৈল । (চন্দ্রকে প্রণাম করিয়া) আমাকে কমা করবেন ।

শ্রীশ । এ কী, অবলাকাস্তবাবু—

অক্ষয় । আপনারা মত পরিবর্তন করেছেন, ইনি বেশ পরিবর্তন করেছেন মাত্র ।

রসিক । শৈলজা ভবানী এতদিন কিরাতবেশ ধারণ করেছিলেন, আজ ইনি আবার তপস্বিনীবেশ গ্রহণ করলেন ।

চন্দ্র । নির্মলা, আমি কিছু বুঝতে পারছি নে ।

নির্মলা । অন্ডায় ! ভারি অন্ডায় ! অবলাকাস্তবাবু—

অক্ষয় । নির্মলা দেবী ঠিক বলেছেন— অন্ডায় ! কিন্তু সে বিধাতার অন্ডায় । এঁর অবলাকাস্ত হওয়াই উচিত ছিল, কিন্তু ভগবান এঁকে বিধবা শৈলবালা করে কী মঙ্গল সাধন করছেন সে রহস্য আমাদের অগোচর ।

শৈল । (নির্মলার প্রতি) আমি অন্ডায় করেছি, সে অন্ডায়ের প্রতিকার আমার দ্বারা কি হবে ? আশা করি কালে সমস্ত সংশোধন হয়ে যাবে ।

পূর্ণ । (নির্মলার নিকটে আসিয়া) এই অবকাশে আমি আপনার কাছে কমা প্রার্থনা করি, চন্দ্রবাবুর পত্রে আমি যে স্পর্ধা প্রকাশ করেছিলুম সে আমার পক্ষে অন্ডায় হয়েছিল— আমার মতো অযোগ্য—

চন্দ্র । কিছু অন্ডায় হয় নি পূর্ণবাবু, আপনার যোগ্যতা যদি নির্মলা না বুঝতে পারেন তো সে নির্মলারই বিবেচনার অভাব ।

[নির্মলার নতমুখে নিরুত্তরে অবস্থান

রসিক । (পূর্ণের প্রতি জনাস্তিকে) ভয় নেই পূর্ণবাবু, আপনার দরখাস্ত মঞ্জুর, প্রজাপতির আদালতে ডিক্রি পেয়েছেন— কাল প্রত্যুবেই জারি করতে বেরোবেন ।

শ্রীশ । (শৈলবালার প্রতি) বড়ো ঝাঁকি দিয়েছেন ।

বিপিন । সঞ্চয়ের পূর্বেই পরিহাসটা করে নিয়েছেন ।

শৈল । পরে তাই বলে নিরুত্তি পাবেন না ।

বিপিন । নিরুত্তি চাই নে ।

রসিক । এইবারে নাটক শেষ হল— এইখানে ভরতবাক্য উচ্চারণ করে দেওয়া যাক ।—

সর্বস্তরতু দুর্গাণি সর্বো ভদ্রাণি পশুতু ।

সর্বঃ কামানবাপ্নোতু সর্বঃ সর্বত্র নন্দতু ॥

প্রবন্ধ

ভারতবর্ষ

ভারতবর্ষ

নববর্ষ

বোলপুর, শান্তিনিকেতন আশ্রমে পঠিত

অধুনা আমাদের কাছে কর্মের গৌরব অত্যন্ত বেশি। হাতের কাছে হউক, দূরে হউক, দিনে হউক, দিনের অবসানে হউক, কর্ম করিতে হইবে। কী করি, কী করি, কোথায় মরিতে হইবে, কোথায় আত্মবিসর্জন করিতে হইবে, ইহাই অশাস্তচিত্তে আমরা খুঁজিতেছি। যুরোপে লাগাম-পরা অবস্থায় মরা একটা গৌরবের কথা। কাজ, অকাজ, অকারণ কাজ, যে উপায়েই হউক, জীবনের শেষ নিশ্বাসপাত পর্যন্ত ছুটাছুটি করিয়া, মাতামাতি করিয়া মরিতে হইবে! এই কর্ম-নাগরদোলার ঘূর্ণিনেশা যখন এক-একটা জাতিকে পাইয়া বসে তখন পৃথিবীতে আর শান্তি থাকে না। তখন দুর্গম হিমালয়শিখরে যে লোমশ ছাগ এতকাল নিরুদ্বেগে জীবন বহন করিয়া আসিতেছে তাহার অকস্মাৎ শিকারির গুলিতে প্রাণত্যাগ করিতে থাকে; বিশ্বস্তচিত্ত সীল এবং পেশুরিন পক্ষী এতকাল জনশূন্য ভূস্বারসকর মধ্যে নির্বিরোধে প্রাণধারণ করিবার সুখটুকু ভোগ করিয়া আসিতেছিল, অকলঙ্ক ভ্রম নীহার হঠাৎ সেই নিরীহ প্রাণীদের রক্তে রঞ্জিত হইয়া উঠে। কোথা হইতে বণিকের কামান শিলনিপুণ প্রাচীন চীনের কর্ণের মধ্যে অহিষ্কেনের পিণ্ড বর্ষণ করিতে থাকে, এবং আফ্রিকার নিভৃত অরণ্যসমাজের কুকর্ম সত্যতার বস্ত্রে বিদীর্ণ হইয়া আর্ভবরে প্রাণত্যাগ করে।

এখানে আশ্রমে নির্জন প্রকৃতির মধ্যে শুধু হইয়া বসিলে অন্তরের মধ্যে স্পষ্ট উপলব্ধি হয় যে, হওয়ারটাই জগতের চরম আদর্শ, করাটা নহে। প্রকৃতিতে কর্মের নীমা নাই, কিন্তু সেই কর্মটাকে অন্তরালে রাখিয়া সে আপনাকে হওয়ার মধ্যে প্রকাশ করে। প্রকৃতির মুখের দিকে যখনই চাই, দেখি সে অস্বীকৃত অস্বীকৃত, যেন সে কাহার নিয়ন্ত্রণে গাজগোজ করিয়া বিদীর্ণ নীলাকাশে আরায়ে আয়ন গ্রহণ করিয়াছে। এই

নিখিলগৃহিণীর রামাঘর কোথায়, টেকিশালা কোথায়, কোন্ ভাণ্ডারের স্তরে স্তরে ইহার বিচিত্র আকারের ভাণ্ড সাজানো রহিয়াছে? ইহার দক্ষিণহস্তের হাতাবেড়িগুলিকে আভরণ বলিয়া ভ্রম হয়, ইহার কাজকে লীলার মতো মনে হয়, ইহার চলাকে নৃত্য এবং চেষ্টাকে ঔদাসীশ্চের মতো জ্ঞান হয়। ঘূর্ণ্যমান চক্রগুলিকে নিরে গোপন করিয়া, স্থিতিকেই গতির উর্ধ্বে রাখিয়া, প্রকৃতি আপনাকে নিত্যকাল প্রকাশমান রাখিয়াছে— উর্ধ্বশ্বাস কর্মের বেগে নিজেকে অস্পষ্ট এবং সঙ্কীর্ণমান কর্মের সূপে নিজেকে আচ্ছন্ন করে নাই।

এই কর্মের চতুর্দিকে অবকাশ, এই চাঞ্চল্যকে ঋষশাস্তির দ্বারা মণ্ডিত করি রাখা, প্রকৃতির চিরনবীনতার ইহাই রহস্য। কেবল নবীনতা নহে, ইহাই তাহার বল

ভারতবর্ষ তাহার তপ্ততায় আকাশের নিকট, তাহার শুষ্ক ধূসর প্রান্তরের নিকট, তাহার জলজটামণ্ডিত বিরাট মধ্যাহ্নের নিকট, তাহার নিকষকৃষ্ণ নিঃশব্দ রাত্রির নিকট হইতে, এই উদার শাস্তি, এই বিশাল স্তব্ধতা আপনার অন্তঃকরণের মধ্যে লাভ করিয়াছে। ভারতবর্ষ কর্মের ক্রীতদাস নহে।

সকল জাতির স্বভাবগত আদর্শ এক নয়— তাহা লইয়া কোভ করিব'র প্রয়োজন দেখি না। ভারতবর্ষ মানুষকে লজ্জন করিয়া কর্মকে বড়ো করিয়া তোলে নাই। কলা-কাজ্জাহীন কর্মকে মাহাত্ম্য দিয়া সে বস্তুর কর্মকে সংঘত করিয়া লইয়াছে। কলের আকাজ্জা উপড়াইয়া ফেলিলে কর্মের বিষদাত ভাঙিয়া ফেলা হয়। এই উপায়ে মানুষ কর্মের উপরেও নিজেকে জাগ্রত করিবার অবকাশ পায়। হওয়াই আমাদের দেশের চরম লক্ষ্য, করা উপলক্ষ্যমাত্র।

বিদেশের সংঘাতে ভারতবর্ষের এই প্রাচীন স্তব্ধতা স্কুট হইয়াছে। তাহাতে যে আমাদের বলবৃদ্ধি হইতেছে, এ কথা আমি মনে করি না। ইহাতে আমাদের শক্তিকর হইতেছে। ইহাতে প্রতিদিন আমাদের নিষ্ঠা বিচলিত, আমাদের চরিত্র ভগ্নবিকীর্ণ, আমাদের চিত্ত বিক্ষিপ্ত এবং আমাদের চেষ্টা ব্যর্থ হইতেছে। পূর্বে ভারতবর্ষের কার্ণপ্রণালী অতি সহজ সরল, অতি প্রশান্ত, অথচ অত্যন্ত দৃঢ় ছিল। তাহাতে আড়ম্বরমাত্রেরই অভাব ছিল, তাহাতে শক্তির অনাবশ্যক অপব্যয় ছিল না। সতী স্ত্রী অনায়াসেই স্বামীর চিতায় আরোহণ করিত, সৈনিক-সিপাহি অকাতরেই চানা চিবাইয়া লড়াই করিতে বাইত। আচাররক্ষার জন্য সকল অস্থবিধা বহন করা, সমাজরক্ষার জন্য চূড়ান্ত দুঃখ ভোগ করা এবং ধর্মরক্ষার জন্য প্রাণবিসর্জন করা তখন অত্যন্ত সহজ ছিল। নিস্তব্ধতার এই ভীষণ শক্তি ভারতবর্ষের মধ্যে এখনো লুক্কিত হইয়া আছে; আমরা নিজেকে ইহাকে জানি না। দারিদ্র্যের যে কঠিন বল, মৌনের যে তপ্ত আবেগ, নিষ্ঠার

বে কঠোর শাস্তি এবং বৈরাগ্যের বে উদার গাভীর্ষ, তাহা আমরা কয়েক জন শিক্ষা-চকল মুক বিলাসে অবিধানে অনাচারে অহুকরণে এখনো ভারতবর্ষ হইতে দূর করিয়া দিতে পারি নাই। সংস্বের দ্বারা, বিশ্বাসের দ্বারা, ধ্যানের দ্বারা এই মৃত্যু-ভয়হীন আত্মসমাহিত শক্তি ভারতবর্ষের মুখশ্রীতে বৃহতা এবং মঙ্গলার মধ্যে কাঠিন্দ, লোকব্যবহারে কোমলতা এবং স্বধর্মরক্ষায় দৃঢ়তা দান করিয়াছে। শাস্তির মর্মগত এই বিপুল শক্তিকে অহুভব করিতে হইবে, শুদ্ধতার আধারভূত এই প্রকাণ্ড কাঠিন্দকে জানিতে হইবে। বহু দুর্গতির মধ্যে বহুশতাব্দী ধরিয়া ভারতবর্ষের অন্তর্নিহিত এই স্থির শক্তিই আমাদেরকে রক্ষা করিয়া আসিয়াছে, এবং সময়কালে এই দীনহীনবন্দী ভূষণহীন বাক্যহীন নিষ্ঠাভ্রটিষ্ঠ শক্তিই আগ্রত হইয়া সমস্ত ভারতবর্ষের উপরে আপন বরাভয়হস্ত প্রসারিত করিবে— ইংরাজি কোর্তা, ইংরাজের দোকানের আসবাব, ইংরাজি মার্টারের বাগ্‌ভদ্রিমার অবিকল মকল কোথাও থাকিবে না— কোনো কাজেই লাগিবে না। আমরা আজ বাহাকে অবজ্ঞা করিয়া চাহিয়া দেখিতেছি না, জানিতে পারিতেছি না, ইংরাজি ফুলের বাতায়নে বসিয়া বাহার সজ্জাহীন আভাসমাত্র চোখে পড়িতেই আমরা লাল হইয়া মুখ ফিরাইতেছি, তাহাই সনাতন বৃহৎ ভারতবর্ষ; তাহা আমাদের বাগ্নীদের বিলাতি পটহতালে সত্য সত্য নৃত্য করিয়া বেড়ায় না, তাহা আমাদের নদীতীরে কদ্ররৌদ্রবিকীর্ণ বিস্তীর্ণ ধূসর প্রান্তরের মধ্যে কোপীনবস্ত্র পরিয়া তৃণাসনে একাকী মৌন বসিয়া আছে। তাহা বলিষ্ঠ-ভীষণ, তাহা দারুণ-সহিষ্ণু, উপবাসব্রতধারী— তাহার কুশপঞ্জরের অভ্যন্তরে প্রাচীন ভগোবনের অমৃত অশোক অভয় হোমায়ি এখনো জলিতেছে। আর, আজিকার দিনের বহু আড়ম্বর, আফালন, করতালি, মিথ্যাবাক্য, বাহা আমাদের স্বরচিত, বাহাকে সমস্ত ভারতবর্ষের মধ্যে আমরা একমাত্র সত্য একমাত্র বৃহৎ বলিয়া মনে করিতেছি, বাহা মুখর, বাহা চকল, বাহা উদ্বেলিত পশ্চিমসমুদ্রের উদ্গীর্ণ কেনরাশি— তাহা, যদি কখনো ঝড় আসে, দশ দিকে উড়িয়া অদৃশ হইয়া যাইবে। তখন দেখিব, ওই অবিচলিতশক্তি সন্ন্যাসীর দীপ্তচক্ষু ছর্বোগের মধ্যে জলিতেছে, তাহার পিঙ্গল জটাজুট ঝঞ্জার মধ্যে কল্পিত হইতেছে— যখন ঝড়ের গর্জনে অতিবিশুদ্ধ উচ্চারণের ইংরাজি বক্তৃতা আর শুনা যাইবে না তখন ওই সন্ন্যাসীর কঠিন দক্ষিণবাহুর লৌহবলয়ের সঙ্গে তাহার লৌহহৃৎকের ঘর্ষণসংকার সমস্ত মেঘমস্তুর উপরে শব্দিত হইয়া উঠিবে। এই সজ্জাহীন নিভৃতবাসী ভারতবর্ষকে আমরা জানিব— বাহা শুদ্ধ তাহাকে উপেক্ষা করিব না, বাহা মৌন তাহাকে অবিদ্যাস করিব না, বাহা বিদেশের বিপুল বিলাসসামগ্রীকে জ্ঞেপের দ্বারা অবজ্ঞা করে তাহাকে দরিদ্র বলিয়া উপেক্ষা করিব না, করজোড়ে তাহার সম্মুখে

আসিয়া উপবেশন করিব এবং নিশ্চয় তাহার পদধূলি মাথায় তুলিয়া স্তব্ধভাবে গৃহে আসিয়া চিন্তা করিব।

আজ নববর্ষে এই শূন্য প্রান্তরের মধ্যে ভারতবর্ষের আর-একটি ভাব আমরা হৃদয়ের মধ্যে গ্রহণ করিব। তাহা ভারতবর্ষের একাকিত্ব। এই একাকিত্বের অধিকার বৃহৎ অধিকার। ইহা উপার্জন করিতে হয়। ইহা লাভ করা, রক্ষা করা দুঃসহ। পিতামহগণ এই একাকিত্ব ভারতবর্ষকে দান করিয়া গেছেন। মহাত্মারত-রামায়ণের স্তায় ইহা আমাদের জাতীয় সম্পত্তি।

সকল দেশেই এক জন অচেনা বিদেশী পথিক অপূর্ব বেশভূষায় আসিয়া উপস্থিত হইলে, স্থানীয় লোকের কোতূহল যেন উন্নত হইয়া উঠে— তাহাকে ঘিরিয়া, তাহাকে প্রশ্ন করিয়া, আঘাত করিয়া, সন্দেহ করিয়া বিব্রত করিয়া তোলে। ভারতবাসী অতি সহজে তাহার প্রতি দৃষ্টিপাত করে— তাহার দ্বারা আহত হয় না, এবং তাহাকে আঘাত করে না। চৈনিক পরিব্রাজক ফাহিয়ান, হিয়োন্থসাং, যেমন অনায়াসে আত্মীয়ের স্তায় ভারত পরিভ্রমণ করিয়া গিয়াছিলেন, যুরোপে কখনো সেরূপ পারিতেন না। ধর্মের ঐক্য বাহিরে পরিদৃশ্যমান নহে— যেখানে ভাষা, আকৃতি, বেশভূষা, সমস্তই স্বতন্ত্র সেখানে কোতূহলের নির্ভর আক্রমণকে পদে পদে অতিক্রম করিয়া চলা অসাধ্য। কিন্তু ভারতবর্ষীয় একাকী আত্মসমাহিত, সে নিজের চারি দিকে একটি চিরস্থায়ী নির্জনতা বহন করিয়া চলে— সেইজন্য কেহ তাহার একেবারে গায়ের উপর আসিয়া পড়ে না। অপরিচিত বিদেশী তাহার পার্শ্ব দিয়া চলিয়া যাইবার যথেষ্ট স্থান পায়। যাহারা সর্বদাই ভিড় করিয়া, দল বাঁধিয়া, রাস্তা জুড়িয়া বসিয়া থাকে তাহাদিগকে আঘাত না করিয়া এবং তাহাদের কাছ হইতে আঘাত না পাইয়া নূতন লোকের চলিবার সম্ভাবনা নাই। তাহাকে সকল প্রশ্নের উত্তর দিয়া, সকল পরীক্ষার উত্তীর্ণ হইয়া, তবে এক পা অগ্রসর হইতে হয়। কিন্তু ভারতবর্ষীয় যেখানে থাকে, সেখানে কোনো বাধা রচনা করে না— তাহার স্থানের টানাটানি নাই, তাহার একাকিত্বের অবকাশ কেহ কাড়িয়া লইতে পারে না। গ্রীক হউক, আরব হউক, চৈন হউক, সে জঙ্গলের স্তায় কাহাকেও আটক করে না; বনসম্পত্তির স্তায় নিজের তলদেশে চারি দিকে অবাধ স্থান রাখিয়া দেয়; আশ্রয় লইলে ছায়া দেয়, চলিয়া গেলে কোনো কথা বলে না।

এই একাকিত্বের মহত্ব যাহার চিত্ত আকর্ষণ করে না সে ভারতবর্ষকে ঠিকমতো চিনিতে পারিবে না। বহুশতাব্দী ধরিয়া প্রবল বিদেশী উন্নত বরাহের স্তায় ভারতবর্ষকে এক প্রান্ত হইতে আর-এক প্রান্ত পর্বত দন্তদ্বারা বিদীর্ণ করিয়া ফিরিয়াছিল, তখনো ভারতবর্ষ আপন বিদীর্ণ একাকিত্বদ্বারা পরিরক্ষিত ছিল— কেহই তাহার

মর্মস্থানে আঘাত করিতে পারে নাই। ভারতবর্ষ বুদ্ধবিরোধ না করিয়াও নিজেকে নিজের মধ্যে অতি সহজে স্বতন্ত্র করিয়া রাখিতে জানে— সেজন্য এগর্ভস্ত অন্ধধারী প্রহরীর প্রয়োজন হয় নাই। কর্ণ বেয়ুগ সহজ কবচ লইয়া জয়গ্রহণ করিয়াছিলেন, ভারতবর্ষীয় প্রকৃতি সেইরূপ একটি সহজ বেটনের দ্বারা আবৃত, সর্বপ্রকার বিরোধ-বিপ্লবের মধ্যেও একটি চূর্ণেষ্ঠ শান্তি তাহার সঙ্গে সঙ্গে অচলা হইয়া কিরে, তাই সে ভাঙিয়া পড়ে না, মিশিয়া যায় না, কেহ তাহাকে গ্রাস করিতে পারে না, সে উন্নত ভিড়ের মধ্যেও একাকী বিরাজ করে।

যুরোপ ভোগে একাকী, কর্মে দলবদ্ধ। ভারতবর্ষ তাহার বিপরীত। ভারতবর্ষ ভাগ করিয়া-ভোগ করে, কর্ম করে একাকী। যুরোপের ধনসম্পদ আরাম সুখ নিজের; কিন্তু তাহার দানধ্যান, স্কুলকলেজ, ধর্মচর্চা, বাণিজ্যব্যবসায়, সমস্ত দল বাধিয়া। আমাদের সুখসম্পত্তি একলার নহে; আমাদের দানধ্যান অধ্যাপন— আমাদের কর্তব্য একলার।

এই ভাবটাকে চেষ্টা করিয়া নষ্ট করিতে হইবে, এমন প্রতিজ্ঞা করা কিছু নহে; করিয়াও বিশেষ ফল হয় নাই, হইবেও না। এমন-কি, বাণিজ্যব্যবসায় প্রকাণ্ড মূলধন এক জায়গার মস্ত করিয়া উঠাইয়া তাহার আওতায় ছোটো ছোটো সামর্থ্যগুলিকে বলপূর্বক নিষ্ফল করিয়া তোলা শ্রেয়ঙ্কর বোধ করি না। ভারতবর্ষের তত্ত্ববায় যে মরিয়াছে সে একত্র হইবার ক্রটিতে নহে; তাহার যত্নের উন্নতির অভাবে। তাঁত যদি ভালো হয় এবং প্রত্যেক তত্ত্ববায় যদি কাজ করে, অন্ন করিয়া খায়, সন্তুষ্টচিত্তে জীবনযাত্রা নির্বাহ করে, তবে সমাজের মধ্যে প্রকৃত দারিদ্র্যের ও দৈবীর বিষ জন্মিতে পার না এবং ম্যাক্‌স্টের তাহার জটিল কলকারখানা লইয়াও ইহাদিগকে বধ করিতে পারে না। একটি শিক্ষিত জাপানি বলেন, “তোমরা বহুবায়সাধ্য বিদেশী কল লইয়া বড়ো কারবার ফাঁদিতে চেষ্টা করিয়ে না। আমরা জার্মানি হইতে একটা বিশেষ কল আনা হইয়া অবশেষে কিছুদিনেই সস্তা কাঠে তাহার সুলভ ও সরল প্রতিকৃতি করিয়া শিল্পিসম্প্রদায়ের ঘরে ঘরে তাহা প্রচারিত করিয়া দিয়াছি; ইহাতে কাজের উন্নতি হইয়াছে, সকলে আহারাও পাইতেছে।” এইরূপে স্বতন্ত্রকে অত্যন্ত সরল ও সহজ করিয়া কাজকে সকলের আয়ত্ত করা, অল্পকে সকলের পক্ষে সুলভ করা প্রাচ্য আদর্শ। এ কথা আমাদের মনে রাখিতে হইবে।

আমোদ বল, শিকা বল, হিতকর্ম বল, সকলকেই একান্ত জটিল ও চূনসাধ্য করিয়া তুলিলে, কাজেই সম্প্রদায়ের হাতে ধরা দিতে হয়। তাহাতে কর্মের আয়োজন ও

উদ্ভেজনা উত্তরোত্তর এতই বৃহৎ হইয়া উঠে যে, মানুষ আচ্ছন্ন হইয়া যায়। প্রতিযোগিতার নিষ্ঠুর তাড়নায় কর্মজীবীরা যন্ত্রের অধীন হয়। বাহির হইতে সত্যতার বৃহৎ আয়োজন দেখিয়া স্তম্ভিত হই— তাহার তলদেশে যে নিদারুণ নরমেধযজ্ঞ অহোরাত্র অল্পুষ্ঠিত হইতেছে তাহা গোপনে থাকে। কিন্তু বিধাতার কাছে তাহা গোপন নহে— মাঝে মাঝে সামাজিক ভূমিকম্পে তাহার পরিণামের সংবাদ পাওয়া যায়। যুরোপে বড়ো দল ছোটো দলকে পিষিয়া ফেলে, বড়ো টাকা ছোটো টাকাকে উপবাসে ক্ষীণ করিয়া আনিয়া শেষকালে বটিকার মতো চোখ বুজিয়া গ্রাস করিয়া ফেলে।

কাজের উচ্চমুখে অপরিমিত বাড়াইয়া তুলিয়া, কাজগুলোকে প্রকাণ্ড করিয়া, কাজে লড়াই বাধাইয়া দিয়া, যে অশান্তি ও অসন্তোষের বিষ উন্নথিত হইয়া উঠে, আপাতত সে আলোচনা থাক। আমি কেবল ভাবিয়া দেখিতেছি, এই-সকল কৃষ্ণধূম্রসিত দানবীয় কারখানাগুলার ভিতরে বাহিরে চারি দিকে মানুষগুলোকে যে ভাবে তাল পাকাইয়া থাকিতে হয়, তাহাতে তাহাদের নির্জনত্বের স্হজ অধিকার, একাকিত্বের আব্ৰুটুকু থাকে না। না থাকে স্থানের অবকাশ, না থাকে কালের অবকাশ, না থাকে ধ্যানের অবকাশ। এইরূপে নিজের সঙ্গ নিজের কাছে অত্যন্ত অনভ্যস্ত হইয়া পড়াতে, কাজের একটু ফাঁক হইলেই মদ খাইয়া, প্রমোদে মাতিয়া, বলপূর্বক নিজের হাত হইতে নিষ্কৃতি পাইবার চেষ্টা ঘটে। নীরব থাকিবার, শুক থাকিবার, আনন্দে থাকিবার সাধ্য আর কাহারও থাকে না।

বাহারা শ্রমজীবী তাহাদের এই দশা। বাহারা ভোগী তাহারা ভোগের নব নব উদ্ভেজনায় ক্লাস্ত। নিমন্ত্রণ খেলা নৃত্য ঘোড়দৌড় শিকার শ্রমণের ঝড়ের মুখে শুকপত্রের মতো দিনরাত্রি তাহারা নিজেকে আবর্তিত করিয়া বেড়ায়। ঘূর্ণাগতির মধ্যে কেহ কখনো নিজেকে এবং জগৎকে ঠিকভাবে দেখিতে পায় না, সবতই অত্যন্ত ঝাপসা দেখে। যদি এক মুহূর্তের জন্য তাহার প্রমোদচক্র থামিয়া যায়, তবে সেই ক্ষণকালের জন্য নিজের সহিত সাক্ষাৎকার, বৃহৎ জগতের সহিত মিলনলাভ, তাহার পক্ষে অত্যন্ত দুঃসহ বোধ হয়।

ভারতবর্ষ ভোগের নিবিড়তাকে আত্মীয় স্বজন প্রতিবেশীর মধ্যে ব্যাপ্ত করিয়া লঘু করিয়া দিয়াছে, এবং কর্মের জটিলতাকেও সরল করিয়া আনিয়া বাহুবে বাহুবে বিস্তৃত করিয়া দিয়াছে। ইহাতে ভোগে কর্মে এবং ধ্যানে প্রত্যেকেরই মনুষ্যচর্চার যথেষ্ট অবকাশ থাকে। ব্যবসায়ী— সেও মন দিয়া কথকতা শোনে, ক্রিয়াকর্ম করে; শিল্পী— সেও নিশ্চিন্তমনে স্থর করিয়া বাসায় পড়ে। এই অবকাশের বিস্তারে

গৃহকে, মনকে, সমাজকে কলুষের ঘনবাষ্প হইতে অনেকটা পরিমাণে নির্মল করিয়া রাখে, দূষিত বায়ুকে বন্ধ করিয়া রাখে না, এবং মলিনতার আবর্জনাকে একেবারে গায়ের পাশেই জমিতে দেয় না। পরস্পরের কাড়াকাড়িতে ঘেঁষাঘেঁষিতে যে রিপূর দাবানল জলিয়া উঠে, ভারতবর্ষে তাহা প্রশমিত থাকে।

ভারতবর্ষের এই একাকী থাকিয়া কাজ করিবার ব্রতকে যদি আমরা প্রত্যেকে গ্রহণ করি, তবে এবারকার নববর্ষ আশিস্বৰ্ণে ও কল্যাণশস্ত্রে পরিপূর্ণ হইবে। দল বাধিবার, টাকা ছুটাইবার ও সংকল্পকে ক্ষীণ করিবার অশু স্ফটিকাল অপেক্ষা না করিয়া যে যেখানে, আপনার গ্রামে, প্রান্তরে, পল্লীতে, গৃহে, হিরশান্তচিত্তে, ধৈর্ষের সহিত, সন্তোষের সহিত, পুণ্যকর্ম, মঙ্গলকর্ম সাধন করিতে আরম্ভ করি ; আড়ম্বরের অভাবে ক্ষুব্ধ না হইয়া, দরিদ্র আয়োজনে কুণ্ঠিত না হইয়া, দেশীয় ভাবে লঙ্কিত না হইয়া, কুটির থাকিয়া, মাটিতে বসিয়া, উত্তরীয় পরিয়া সহজভাবে কর্মে প্রবৃত্ত হই ; ধর্মের সহিত কর্মকে, কর্মের সহিত শান্তিকে জড়িত করিয়া রাখি— চাতকপক্ষীর স্তায় বিদেশীর করতালিবর্ষণের দিকে উর্ধ্বমুখে তাকাইয়া না থাকি ; তবে ভারতবর্ষের ভিতরকার স্বার্থ বলে আমরা বলী হইব। বাহির হইতে আঘাত পাইতে পারি, বল পাইতে পারি না ; নিজের বল ছাড়া বল নাই। ভারতবর্ষ যেখানে নিজবলে প্রবল সেই স্থানটি আমরা যদি আবিষ্কার ও অধিকার করিতে পারি, তবে মুহূর্তে আমাদের সমস্ত লজ্জা অপসারিত হইয়া যাইবে।

ভারতবর্ষ ছোটো-বড়ো স্ত্রী-পুরুষ সকলকেই মর্ষাদা দান করিয়াছে। এবং সে মর্ষাদাকে ছুরাকাজ্জার দ্বারা লভ্য করে নাই। বিদেশীরা বাহির হইতে ইহা দেখিতে পার না। যে ব্যক্তি যে পৈতৃক কর্মের মধ্যে জন্মগ্রহণ করিয়াছে, যে কর্ম বাহার পক্ষে সুলভতম, তাহা পালনেই তাহার গৌরব ; তাহা হইতে ভ্রষ্ট হইলেই তাহার অমর্ষাদা। এই মর্ষাদা মহুশ্যকে ধারণ করিয়া রাখিবার একমাত্র উপায়। পৃথিবীতে অবস্থার অসাম্য থাকিবেই, উচ্চ অবস্থা অতি অল্প লোকেরই ভাগ্যে ঘটে ; বাকি সকলেই যদি অবস্থাপন্ন লোকের সহিত ভাগ্য তুলনা করিয়া মনে মনে অমর্ষাদা অহুস্তব করে, তবে তাহারা আপন দীনতার স্বার্থই ক্ষুদ্র হইয়া পড়ে। বিলাতের প্রমজীবী প্রাণপণে কাজ করে ঘটে, কিন্তু সেই কাজে তাহাকে মর্ষাদার আবরণ দেয় না। সে নিজের কাছে হীন বলিয়া স্বার্থই হীন হইয়া পড়ে। এইরূপে যুরোপের পনেরো আনা লোক দীনতার ঈর্ষার ব্যর্থপ্রয়াসে অস্থির। যুরোপীয় অধিকারী, নিজদের দরিদ্র ও নিরশ্রমিকদের হিসাবে আমাদের দরিদ্র ও নিরশ্রমিকদের বিচার করে— ভাবে, তাহাদের হুঃখ ও অপমান ইহাদের মধ্যেও আছে। কিন্তু তাহা একেবারেই নাই। ভারতবর্ষে

কর্মবিভেদ শ্রেণীবিভেদ সুনির্দিষ্ট বলিয়াই, উচ্চশ্রেণীরেরা নিজের স্বাতন্ত্র্যরক্ষার জন্য নিম্নশ্রেণীকে লাহিত করিয়া বহিষ্কৃত করে না। ব্রাহ্মণের ছেলেরও বাগ্দিদাদা আছে। গণ্ডিটুকু অবিতর্কে রক্ষিত হয় বলিয়াই পরম্পরের মধ্যে স্বাতন্ত্র্য, মানুষে-মানুষে হৃদয়ের সম্বন্ধ বাধাহীন হইয়া উঠে— বড়োদের আত্মীয়তার ভার ছোটোদের হাড়গোড় একেবারে পিষিয়া ফেলে না। পৃথিবীতে যদি ছোটোবড়োর অসাম্য অবশ্যস্তাবীই হয়, যদি স্বভাবতই সর্বত্রই সকলপ্রকার ছোটোর সংখ্যাই অধিক ও বড়োর সংখ্যাই স্বল্প হয়, তবে সমাজের এই অধিকাংশকেই অমর্যাদার লজ্জা হইতে রক্ষা করিবার জন্য ভারতবর্ষ যে উপায় বাহির করিয়াছে তাহারই শ্রেষ্ঠ স্বীকার করিতে হইবে।

যুরোপে এই অমর্যাদার প্রভাব এতদূর ব্যাপ্ত হইয়াছে যে, সেখানে এক দল আধুনিক স্ত্রীলোক, স্ত্রীলোক হইয়াছে বলিয়াই লজ্জাবোধ করে। গর্ভধারণ করা, স্বামী-সন্তানের সেবা করা, তাহার কুষ্ঠার বিষয় জ্ঞান করে। মানুষ বড়ো, কর্মবিশেষ বড়ো নহে; মনুষ্যত্ব রক্ষা করিয়া যে কর্মই করা যায় তাহাতে অপমান নাই; দারিদ্র্য লজ্জাকর নহে, সেবা লজ্জাকর নহে, হাতের কাজ লজ্জাকর নহে— সকল কর্মে, সকল অবস্থাতেই সহজে মাথা তুলিয়া রাখা যায়, এ ভাব যুরোপে স্থান পায় না। সেইজন্য সক্ষম অক্ষম সকলেই সর্বশ্রেষ্ঠ হইবার জন্য সমাজে প্রভূত নিফলতা, অন্তহীন বৃথাকর্ম ও আত্মঘাতী উত্তমের সৃষ্টি করিতে থাকে। ঘর ঝাঁট দেওয়া, জল আনা, বাটনা বাটা, আত্মীয়-অতিথি সকলের সেবাবে নিজে আহাৰ করা, ইহা যুরোপের চক্ষে অত্যাচার ও অপমান, কিন্তু আমাদের পক্ষে ইহা গৃহলক্ষীর উন্নত অধিকার— ইহাতেই তাহার পুণ্য, তাহার সম্মান। বিলাতে এই-সমস্ত কাজে যাহারা প্রত্যহ রত থাকে, শুনিতে পাই, তাহারাই ইতরভাব প্রাপ্ত হইয়া শ্রীভ্রষ্ট হয়। কারণ, কাজকে ছোটো জানিয়া তাহা করিতে বাধ্য হইলে, মানুষ নিজে ছোটো হয়। আমাদের লক্ষ্মীগণ যতই সেবার কর্মে ব্রতী হন, তুচ্ছ কর্মসকলকে পুণ্যকর্ম বলিয়া সম্পন্ন করেন, অসামান্যতাহীন স্বামীকে দেবতা বলিয়া ভক্তি করেন, ততই তাঁহারা শ্রীসৌন্দর্থে পবিত্রতার মণ্ডিত হইয়া উঠেন— তাঁহাদের পুণ্যজ্যোতিতে চতুর্দিক হইতে ইতরতা অভিভূত হইয়া পলায়ন করে।

যুরোপ এই কথা বলেন যে, সকল মানুষেরই সব হইবার অধিকার আছে— এই ধারণাতেই মানুষের গৌরব। কিন্তু বস্ততই সকলের সব হইবার অধিকার নাই, এই অতি সত্যকথাটি সবিনয়ে গোড়াতেই মানিয়া লওয়া ভালো। বিনয়ের সহিত মানিয়া লইলে তাহার পরে আর কোনো অগৌরব নাই। রামের বাড়িতে শ্রামের

কোনো অধিকার নাই, এ কথা স্থিরনিশ্চিত বলিয়াই রামের বাড়িতে কর্তৃত্ব করিতে না পারিলেও শ্রামের তাহাতে লেশমাত্র লঙ্কার বিষয় থাকে না। কিন্তু শ্রামের যদি এমন পাগলামি মাথার জোটে যে, সে মনে করে, রামের বাড়িতে একাধিপত্য করাই তাহার উচিত এবং সেই বৃথাচেষ্টায় সে বারংবার বিড়ম্বিত হইতে থাকে, তবেই তাহার প্রত্যহ অপমান ও দুঃখের সীমা থাকে না। আমাদের দেশে স্বহানের নির্দিষ্ট গতির মধ্যে সকলেই আপনার নিশ্চিত অধিকারটুকুর মর্যাদা ও শাস্তি লাভ করে বলিয়াই, ছোটো সুযোগ পাইলেই বড়োকে খেদাইয়া যায় না, এবং বড়োও ছোটোকে সর্বদা সর্বপ্রযত্নে খেদাইয়া রাখে না।

যুরোপ বলে, এই সন্তোষই, এই জিগীষার অভাবই, জাতির মৃত্যুর কারণ। তাহা যুরোপীয় সভ্যতার মৃত্যুর কারণ বটে, কিন্তু আমাদের সভ্যতার তাহাই ভিত্তি। যে লোক জাহাজে আছে তাহার পক্ষে যে বিধান, যে লোক ঘরে আছে তাহারও পক্ষে সেই বিধান নহে। যুরোপ যদি বলে সভ্যতামাত্রেরই সমান এবং সেই বৈচিত্র্যহীন সভ্যতার আদর্শ কেবল যুরোপেই আছে, তবে তাহার সেই স্পর্ধাবাক্য শুনিয়াই তাড়া-তাড়ি আমাদের ধনরত্নকে ভাঙা কুলা দিয়া পথের মধ্যে বাহির করিয়া ফেলা সংগত হয় না।

বস্ত্রত সন্তোষের বিকৃতি আছে বলিয়াই অত্যাকাঙ্ক্ষার যে বিকৃতি নাই, এ কথা কে মানিবে? সন্তোষে জড়ত্ব প্রাপ্ত হইলে কাজে শৈথিল্য আনে ইহা যদি সত্য হয়, তবে অত্যাকাঙ্ক্ষার দম বাড়িয়া গেলে যে ভূরি-ভূরি অনাবশ্যক ও নিদারুণ অকাজের সৃষ্টি হইতে থাকে এ কথা কেন তুলিব? প্রথমটাতে যদি রোগে মৃত্যু ঘটে, তবে দ্বিতীয়টাতে অপঘাতে মৃত্যু ঘটয়া থাকে। এ কথা মনে রাখা কর্তব্য, সন্তোষ এবং আকাঙ্ক্ষা ছয়েরই মাত্রা বাড়িয়া গেলে বিনাশের কারণ হয়ে।

অন্তএব সে আলোচনা ছাড়িয়া দিয়া ইহা স্বীকার করিতেই হইবে, সন্তোষ, সংযম, শাস্তি, কমা, এ-সমস্তই উচ্চতর সভ্যতার অঙ্গ। ইহাতে প্রতিযোগিতা-চক্রমকির ঠোকাঠুকি-শব্দ ও ফুলিঙ্গবর্ষণ নাই, কিন্তু হীরকের নিখনিঃশব্দ জ্যোতি আছে। সেই শব্দ ও ফুলিঙ্গকে এই ক্রমজ্যোতির চেয়ে মূল্যবান মনে করা বর্বরতা মাত্র। যুরোপীয় সভ্যতার বিচালন হইতেও যদি সে বর্বরতা প্রসূত হয়, তবে তাহা বর্বরতা।

আমাদের প্রকৃতির নিভৃততম ককে যে অমর ভারতবর্ষ বিরাজ করিতেছেন, আজ নববর্ষের দিনে তাঁহাকে প্রণাম করিয়া আসিলাম। দেখিলাম, তিনি ফলমোলুপ কর্মের অনন্ত তাড়না হইতে মুক্ত হইয়া শান্তির ধ্যানাসনে বিদ্বানমান, অবিরাম জনতার জড়পেষণ হইতে মুক্ত হইয়া আপন একাকিত্বের মধ্যে আত্মীন, এবং প্রতিযোগিতার

নিবিড় সংঘর্ষ ও ঈর্ষাকালিয়া হইতে মুক্ত হইয়া তিনি আপন অবিচলিত স্বাধীন মনো
পরিবেষ্টিত। এই-ষে কর্মের বাসনা, জনসংঘের আঘাত ও জিনীবার উত্তেজনা হইতে
মুক্তি, ইহাই সমস্ত ভারতবর্ষকে ত্রস্তের পথে ভয়হীন শোকহীন যত্নহীন পরম মুক্তির
পথে স্থাপিত করিয়াছে। যুরোপে যাহাকে 'ক্রীডম' বলে সে মুক্তি ইহার কাছে
নিতান্তই কীর্ণ। সে মুক্তি চঞ্চল, দুর্বল, ভীক; তাহা স্পর্ধিত, তাহা নিষ্ঠুর; তাহা
পরের প্রতি অহ, তাহা ধর্মকেও নিজের সমতুল্য মনে করে না এবং সত্যকেও
নিজের দাসত্বে বিকৃত করিতে চাহে। তাহা কেবলই অশ্রুকে আঘাত করে, এইজন্য
অন্তের আঘাতের ভয়ে রাজিদিন বর্ষে-চর্মে অস্ত্রে-শস্ত্রে কণ্টকিত হইয়া বসিয়া থাকে,
তাহা আত্মরক্ষার জন্য স্বপক্ষের অধিকাংশ লোককেই দাসত্বনিগড়ে বদ্ধ করিয়া
রাখে— তাহার অসংখ্য সৈন্য মহুগ্ধত্বপ্রাপ্ত ভীষণ যন্ত্রমাত্র। এই দানবীয় ক্রীডম
কোনোকালে ভারতবর্ষের তপস্কার চরম বিষয় ছিল না— কারণ, আমাদের জন-
সাধারণ অন্ত সকল দেশের চেয়ে স্বার্থভাবে স্বাধীনতর ছিল। এখনো আধুনিক
কালের ধিক্কারসত্ত্বেও এই ক্রীডম আমাদের সর্বসাধারণের চেষ্টার চরমতম লক্ষ্য
হইবে না। না'ই হইল— এই ক্রীডমের চেয়ে উন্নততর বিশালতর যে মহত্ব, যে মুক্তি
ভারতবর্ষের তপস্কার ধন, তাহা যদি পুনরায় সমাজের মধ্যে আমরা আবাদন করিয়া
আনি, অন্তরের মধ্যে আমরা লাভ করি, তবে ভারতবর্ষের নগ্নচরণের ধূলিপাতে
পৃথিবীর বড়ো বড়ো রাজমুকুট পবিত্র হইবে।

এইখানেই নববর্ষের চিন্তা আমি সমাপ্ত করিলাম। আজ পুরাতনের মধ্যে প্রবেশ
করিয়াছিলাম, কারণ পুরাতনই চিরনবীনতার অক্ষয় ভাণ্ডার। আজ যে নবকিশলরে
বনলক্ষী উৎসববস্ত্র পরিয়াছেন এ বস্ত্রখানি আজিকার নহে, যে ঋষি কবিরাজিষ্ট্রুত্ব হৃদয়ে
তপস্বী-উষার বন্দনা করিয়াছেন তাঁহারাও এই মন্থন চিকণ পীতহরিৎ বসনখানিতে
বনলক্ষীকে অকস্মাৎ সাজিতে দেখিয়াছেন— উজ্জয়িনীর পুরোস্থানে কালিদাসের মুগ্ধদৃষ্টির
সম্মুখে এই সমীরকম্পিত কুসুমগন্ধি অঞ্চলপ্রান্তটি নবস্বর্ষকরে বলমল করিয়াছে।
নূতনত্বের মধ্যে চিরপুরাতনকে অসুভব করিলে তবেই অমের বোঁবনসমূহে আমাদের
জীর্ণ জীবন স্নান করিতে পার। আজিকার এই নববর্ষের মধ্যে ভারতের বহুসহস্র
পুরাতন বর্ষকে উপলব্ধি করিতে পারিলে তবেই আমাদের দুর্বলতা, আমাদের লজ্জা,
আমাদের লাঞ্ছনা, আমাদের দ্বিধা দূর হইয়া যাইবে। ধার-করা ফুলপাতার গাছকে
সাজাইলে তাহা আজ থাকে, কাল থাকে না। সেই নূতনত্বের অচিরপ্রাচীনতা ও
বিনাশ কেহ নিবারণ করিতে পারে না। নববল নবসৌন্দর্য আমরা যদি অশ্রু হইতে
ধার করিয়া লইয়া লাজিতে যাই, তবে দুই দণ্ড বাদেই তাহা কদম্বতার মাল্যরূপে

আমাদের লগাটকে উপহাসিত করিবে ; তবে তাহা হইতে পুষ্পগজ করিয়া গিয়া কেবল বকনরুইকুই থাকিয়া যাইবে । বিদেশের বেশভূষা ভারতবর্ষী আমাদের গায়ে দেখিতে দেখিতে মলিন শ্রীহীন হইয়া পড়ে, বিদেশের শিকা রীতিনীতি আমাদের মনে দেখিতে দেখিতে নির্ভীক ও নিষ্ফল হয়— কারণ, তাহার পশ্চাতে হুচিরকালের ইতিহাস নাই— তাহা অসংগত, অসংগত, তাহার শিকড় ছিন্ন । অচকার নববর্ষে আমরা ভারতবর্ষের চিরপুরাতন হইতেই আমাদের নবীনতা গ্রহণ করিব, সারাক্ষে বখন বিক্রামের ঘণ্টা বাজিবে তখনো তাহা করিয়া পড়িবে না— তখন সেই অন্নানগৌরব মাল্যখানি আশীর্বাদের সহিত আমাদের পুত্রের লগাটে বাঁধিয়া দিয়া তাহাকে নির্ভয়-চিত্তে সবলহৃদয়ে বিজয়ের পথে প্রেরণ করিব । অন্ন হইবে, ভারতবর্ষেরই অন্ন হইবে । যে ভারত প্রাচীন, যাহা প্রচ্ছন্ন, যাহা বৃহৎ, যাহা উদার, যাহা নির্বীক, তাহারই অন্ন হইবে ; আমরা— যাহারা ইংরাজি বলিতেছি, অবিশ্বাস করিতেছি, মিথ্যা কহিতেছি, আক্ষালন করিতেছি, আমরা বর্ষে বর্ষে— ‘মিলি মিলি বাণব সাগরলহরী-সমানা’ । তাহাতে নিস্তর সনাতন ভারতের কতি হইবে না । ভাস্কর মৌনী ভারত চতুষ্পথে যুগচর্চ পাতিয়া বসিয়া আছে ; আমরা বখন আমাদের সমস্ত চটুলতা সমাধা করিয়া পুত্রকন্যাগণকে কোট-ক্রক পরাইয়া দিয়া বিদায় হইব, তখনো সে শান্তচিত্তে আমাদের পৌত্রদের অস্ত্র প্রতীকা করিয়া থাকিবে । সে প্রতীকা ব্যর্থ হইবে না, তাহার এই সন্ন্যাসীর সন্মুখে করজোড়ে আসিয়া কহিবে : পিতামহ, আমাদিগকে মন্ত্র দাও ।

তিনি কহিবেন : ওঁ ইতি ব্রহ্ম ।

তিনি কহিবেন : ভূমৈব সুখং নাম্নে সুখমস্তি ।

তিনি কহিবেন : আনন্দং ব্রহ্মণো বিদ্বান্ ন বিভেতি কদাচন ।

বৈশাখ ১৩০২

ভারতবর্ষের ইতিহাস

ভারতবর্ষের যে ইতিহাস আমরা পড়ি এবং মুখস্থ করিয়া পরীক্ষা দিই, তাহা ভারতবর্ষের নিশ্চয়কালের একটা ছুঃখপ্ৰকাহিনীমাত্র । কোথা হইতে কাহারো আসিল, কাটাকাটি যারায়ারি পড়িয়া গেল, বাপে-ছেলের তাইয়ে-তাইয়ে সিংহাসন লইয়া টানাটানি চলিতে লাগিল, এক হল যদি বা বার কোথা হইতে আর-এক হল উঠিয়া

পড়ে— পাঠান-মোগল পর্তুগীজ-ফরাসী-ইংরাজ সকলে মিলিয়া এই স্বপ্নকে উত্তরোত্তর
জটিল করিয়া তুলিয়াছে।

কিন্তু এই রক্তবর্ণে রঞ্জিত পরিবর্তমান স্বপ্নদৃশ্যপটের দ্বারা ভারতবর্ষকে আচ্ছন্ন
করিয়া দেখিলে যথার্থ ভারতবর্ষকে দেখা হয় না। ভারতবাসী কোথায়, এ-সকল
ইতিহাস তাহার কোনো উত্তর দেয় না। যেন ভারতবাসী নাই, কেবল যাহারা
কাটাকাটি খুনাখুনি করিয়াছে তাহারাই আছে।

তখনকার ছুর্দিনেও এই কাটাকাটি-খুনাখুনিই যে ভারতবর্ষের প্রধানতম ব্যাপার
তাহা নহে। ঝড়ের দিনে যে ঝড়ই সর্বপ্রধান ঘটনা, তাহা তাহার গর্জনসঙ্গেও
স্বীকার করা যায় না— সেদিনও সেই ধূলিসমাচ্ছন্ন আকাশের মধ্যে পল্লীর গৃহে গৃহে
যে জন্মমৃত্যু-স্বখদুঃখের প্রবাহ চলিতে থাকে, তাহা ঢাকা পড়িলেও, মানুষের পক্ষে
তাহাই প্রধান। কিন্তু বিদেশী পথিকের কাছে এই ঝড়টাই প্রধান, এই ধূলিজালই
তাহার চক্ষে আর-সমস্তই গ্রাস করে; কারণ, সে ঘরের ভিতরে নাই, সে ঘরের
বাহিরে। সেই জন্ত বিদেশীর ইতিহাসে এই ধূলির কথা ঝড়ের কথাই পাই, ঘরের
কথা কিছুমাত্র পাই না। সেই ইতিহাস পড়িলে মনে হয়, ভারতবর্ষ তখন ছিল না,
কেবল মোগল-পাঠানের গর্জনমুখর বাত্যাঘাত শুকপত্রের ধ্বজা তুলিয়া উত্তর হইতে
দক্ষিণে এবং পশ্চিম হইতে পূর্বে ঘুরিয়া ঘুরিয়া বেড়াইতেছিল।

কিন্তু বিদেশ যখন ছিল দেশ তখনো ছিল, নহিলে এই-সমস্ত উপদ্রবের মধ্যে
কবীর নানক চৈতন্য তুকারাম ইহাদিগকে জন্ম দিল কে? তখন যে কেবল দিল্লি
এবং আগ্রা ছিল তাহা নহে, কাশী এবং নবদ্বীপও ছিল। তখন প্রকৃত ভারতবর্ষের
মধ্যে যে জীবনশ্রোত বহিতেছিল, যে চেষ্টার তরঙ্গ উঠিতেছিল, যে সামাজিক পরিবর্তন
ঘটিতেছিল, তাহার বিবরণ ইতিহাসে পাওয়া যায় না।

কিন্তু বর্তমান পাঠ্যগ্রন্থের বহির্ভূত সেই ভারতবর্ষের সঙ্গেই আমাদের যোগ।
সেই যোগের বহুবর্ষকালব্যাপী ঐতিহাসিক সূত্র বিলুপ্ত হইয়া গেলে আমাদের হৃদয়
আশ্রয় পায় না। আমরা ভারতবর্ষের আগাছা-পরগাছা নহি; বহুশত শতাব্দীর মধ্য
দিয়া আমাদের শতসহস্র শিকড় ভারতবর্ষের মর্মস্থান অধিকার করিয়া আছে। কিন্তু
হ্রদৃষ্টক্রমে এমন ইতিহাস আমাদের পড়িতে হয় যে, ঠিক সেই কথাটাই আমাদের
ছেলেরা তুলিয়া যায়। মনে হয়, ভারতবর্ষের মধ্যে আমরা যেন কেহই না,
আগন্তুকবর্গই যেন সব।

নিজের দেশের সঙ্গে নিজের সম্বন্ধ এইরূপ অকিঞ্চিৎকর বলিয়া জানিলে, কোথা
হইতে আমরা প্রাণ আকর্ষণ করিব? এরূপ অবস্থায় বিদেশকে স্বদেশের স্থানে

বসাইতে আমাদের মনে বিধামাত্র হয় না— ভারতবর্ষের অগৌরবে আমাদের প্রাণান্তকর লক্ষ্যবোধ হইতে পারে না। আমরা অনায়াসেই বলিয়া থাকি, পূর্বে আমাদের কিছুই ছিল না, এবং এখন আমাদেরকে অশনবসন আচারব্যবহার সমস্তই বিদেশীর কাছ হইতে ভিক্ষা করিয়া লইতে হইবে।

যে-সকল দেশ ভাগ্যবান তাহারা চিরন্তন স্বদেশকে দেশের ইতিহাসের মধ্যেই খুঁজিয়া পায়, বালককালে ইতিহাসই দেশের সহিত তাহাদের পরিচয়সাধন করাইয়া দেয়। আমাদের ঠিক তাহার উল্টা। দেশের ইতিহাসই আমাদের স্বদেশকে আচ্ছন্ন করিয়া রাখিয়াছে। মামুদের আক্রমণ হইতে লর্ড কার্জনের সাম্রাজ্যগর্ভোদগারকাল পর্যন্ত যে-কিছু ইতিহাসকথা তাহা ভারতবর্ষের পক্ষে বিচিত্র কুহেলিকা; তাহা স্বদেশ সম্বন্ধে আমাদের দৃষ্টির সহায়তা করে না, দৃষ্টি আবৃত করে মাত্র। তাহা এমন স্থানে কৃত্রিম আলোক ফেলে, বাহাতে আমাদের দেশের দিকটাই আমাদের চোখে অন্ধকার হইয়া যায়। সেই অন্ধকারের মধ্যে নবাবের বিলাসশালার দীপালোকে নর্তকীর মণিতুষণ জলিয়া উঠে, বাদশাহের সুরাপাত্রের রক্তিম ফেনোচ্ছ্বাস উন্নততার আগররক্ত দীপ্তনেত্রের জ্বায় দেখা দেয়; সেই অন্ধকারে আমাদের প্রাচীন দেবমন্দিরসকল মস্তক আবৃত করে এবং সুলতান-প্রৈয়সীদের শেতমর্মররচিত কারুখচিত কবরচূড়া নক্ষত্রলোক চূষন করিতে উদ্ভত হয়। সেই অন্ধকারের মধ্যে অশ্বের ক্ষুরধ্বনি, হস্তীর বৃংহিত, অস্ত্রের ঝঙ্কনা, হৃদয়ব্যাপী শিবিরের তরঙ্গিত পাণ্ডুরতা, কিংখাব-আস্তরণের স্বর্ণচ্ছটা, মসজিদের ফেন-বুদ্বুদাকার পাষণমণ্ডপ, খোজাপ্রহরিরকিত প্রাসাদ-অস্তঃপুরে রহস্তনিকেতনের নিস্তব্ধ মৌন—এ-সমস্তই বিচিত্র শব্দে ও বর্ণে ও ভাবে যে প্রকাণ্ড ইন্দ্রজাল রচনা করে তাহাকে ভারতবর্ষের ইতিহাস বলিয়া লাভ কী? তাহা ভারতবর্ষের পুণ্যময়ের পুঁথিটিকে একটি অপরূপ আরব্য উপন্যাস দিয়া মুড়িয়া রাখিয়াছে— সেই পুঁথিখানি কেহ খোলে না, সেই আরব্য উপন্যাসেরই প্রত্যেক ছত্র ছেলেরা মুখস্থ করিয়া লয়। তাহার পরে প্রলয়রাতে এই যোগলসাম্রাজ্য যখন মুমূর্ষু, তখন ঋশানস্থলে দূরাগত গৃধ্রগণের পরম্পরের মধ্যে যে-সকল চাতুরী প্রবঞ্চনা হানাহানি পড়িয়া গেল, তাহাও কি ভারতবর্ষের ইতিবৃত্ত? এবং তাহার পর হইতে পাঁচ পাঁচ বৎসরে বিভক্ত ছক-কাটা শতরকের মতো ইংরাজশাসন, ইহার মধ্যে ভারতবর্ষ আরো ক্ষুদ্র; বহুত শতরকের সহিত ইহার প্রভেদ এই যে, ইহার ঘরগুলি কালোয় সাদায় সমান বিভক্ত নহে, ইহার পনেরো-আনাই সাদা। আমরা পেটের অন্নের বিনিময়ে শাসন স্ববিচার স্থপিকা সমস্তই একটি বৃহৎ হোআইট্যাওরে-

লেঙ্কার দোকান হইতে কিনিয়া লইতেছি— আর-সমস্ত দোকানপাট বন্ধ। এ কারখানাটির বিচার হইতে বাণিজ্য পর্যন্ত সমস্তই স্তব্ধ হইতে পারে, কিন্তু ইহার মধ্যে কেরানিশালার এক কোণে আমাদের ভারতবর্ষের স্থান অতি বৎসামান্য।

ইতিহাস সকল দেশে সমান হইবেই, এ কুসংস্কার বর্জন না করিলে নয়। যে ব্যক্তি রুচাইল্ডের জীবনী পড়িয়া থাকিয়া গেছে, সে ক্রীস্টের জীবনীর বেলায় তাঁহার হিসাবের খাতাপত্র ও আপিসের ডায়ারি তলব করিতে পারে; যদি সংগ্রহ করিতে না পারে তবে তাহার অবজ্ঞা জন্মিবে এবং সে বলিবে, যাহার এক পয়সার সংগতি ছিল না তাহার আবার জীবনী কিসের? তেমনি ভারতবর্ষের রাষ্ট্রীয় দফতর হইতে তাহার রাজবংশমালা ও জয়পরাজয়ের কাগজপত্র না পাইলে যাহারা ভারতবর্ষের ইতিহাস সম্বন্ধে হতাশাস হইয়া পড়েন এবং বলেন ‘যেখানে পলিটিক্স নাই সেখানে আবার হিষ্টি কিসের’, তাঁহারা ধানের খেতে বেগুন খুঁজিতে যান এবং না পাইলে মনের ক্ষোভে ধানকে শস্তের মধ্যেই গণ্য করেন না। সকল খেতের আবাদ এক নহে, ইহা জানিয়া যে ব্যক্তি যথাস্থানে উপযুক্ত শস্তের প্রত্যাশা করে সেই প্রাজ্ঞ।

বিশুক্রীস্টের হিসাবের খাতা দেখিলে তাঁহার প্রতি অবজ্ঞা জন্মিতে পারে, কিন্তু তাঁহার অন্ত বিষয় সন্ধান করিলে খাতাপত্র সমস্ত নগণ্য হইয়া যায়। তেমনি রাষ্ট্রীয় ব্যাপারে ভারতবর্ষকে দীন বলিয়া জানিয়াও অন্ত বিশেষ দিক হইতে সে দীনতাকে তুচ্ছ করিতে পারা যায়। ভারতবর্ষের সেই নিজের দিক হইতে ভারতবর্ষকে না দেখিয়া আমরা শিশুকাল হইতে তাহাকে ধ্বংস করিতেছি ও নিজে ধ্বংস হইতেছি। ইংরাজের ছেলে জানে, তাহার বাপ-পিতামহ অনেক বুদ্ধজয় দেশ-অধিকার ও বাণিজ্যব্যবসায় করিয়াছে; সেও নিজেকে রণগৌরব ধনগৌরব রাজ্যগৌরবের অধিকারী করিতে চায়। আমরা জানি, আমাদের পিতামহগণ দেশ-অধিকার ও বাণিজ্যবিস্তার করেন নাই— এইটে জানাইবার জন্যই ভারতবর্ষের ইতিহাস। তাঁহারা কী করিয়াছিলেন জানি না, সুতরাং আমরা কী করিব তাহাও জানি না। সুতরাং পরের নকল করিতে হয়। ইহার জন্য কাহাকে দোষ দিব? ছেলেবেলা হইতে আমরা যে প্রণালীতে যে শিক্ষা পাই তাহাতে প্রতিদিন দেশের সহিত আমাদের বিচ্ছেদ ঘটিয়া ক্রমে দেশের বিরুদ্ধে আমাদের বিদ্রোহতাব জন্মে।

আমাদের দেশের শিক্ষিত লোকেরাও ক্রমে ক্রমে হতবুদ্ধির স্তায় বলিয়া উঠেন, দেশ তুমি কাহাকে বল, আমাদের দেশের বিশেষ তাবটী কী, তাহা কোথায় আছে, তাহা কোথায় ছিল? প্রশ্ন করিয়া ইহার উত্তর পাওয়া যায় না। কারণ, কথটা

এত সূত্র, এত বৃহৎ, বে, ইহা কেবলমাত্র যুক্তির দ্বারা বোধগম্য নহে। ইংরাজ বল, ফরাসি বল, কোনো দেশের লোকই আপনার দেশীয় ভাবটি কী, দেশের মূল স্বার্থস্থানটি কোথায়, তাহা এক কথায় ব্যক্ত করিতে পারে না— তাহা দেহস্থিত প্রাণের স্তায় প্রত্যক্ষ সত্য, অথচ প্রাণের স্তায় সংজ্ঞা ও ধারণার পক্ষে দুর্গম। তাহা শিশুকাল হইতে আমাদের জ্ঞানের ভিতর, আমাদের প্রেমের ভিতর, আমাদের করনার ভিতর নানা অলক্ষ্য পথ দিয়া নানা আকারে প্রবেশ করে। সে তাহার বিচিত্র শক্তি দিয়া আমাদের কাছে নিগূঢ়ভাবে গড়িয়া তোলে— আমাদের অতীতের সহিত বর্তমানের ব্যবধান ঘটিতে দেয় না— তাহারই প্রসাদে আমরা বৃহৎ, আমরা বিচ্ছিন্ন নহি। এই বিচিত্র-উচ্চম-সম্পন্ন গুণ্ড পুরাতনী শক্তিকে সংশয়ী জিজ্ঞাসুর কাছে আমরা সংজ্ঞার দ্বারা ছুই-চার কথায় ব্যক্ত করিব কী করিয়া ?

ভারতবর্ষের প্রধান সার্থকতা কী, এ কথায় স্পষ্ট উত্তর যদি কেহ জিজ্ঞাসা করেন সে উত্তর আছে ; ভারতবর্ষের ইতিহাস সেই উত্তরকেই সমর্থন করিবে। ভারতবর্ষের চিরদিনই একমাত্র চেষ্টা দেখিতেছি প্রভেদের মধ্যে ঐক্যস্থাপন করা, নানা পথকে একই লক্ষ্যের অভিমুখীন করিয়া দেওয়া এবং বহুর মধ্যে এককে নিঃসংশয়রূপে অন্তরতররূপে উপলব্ধি করা— বাহিরে যে-সকল পার্থক্য প্রতীয়মান হয় তাহাকে নষ্ট না করিয়া তাহার ভিতরকার নিগূঢ় যোগকে অধিকার করা।

এই এককে প্রত্যক্ষ করা এবং ঐক্যবিস্তারের চেষ্টা করা ভারতবর্ষের পক্ষে একান্ত স্বাভাবিক। তাহার এই স্বভাবই তাহাকে চিরদিন রাষ্ট্রগৌরবের প্রতি উদাসীন করিয়াছে। কারণ, রাষ্ট্রগৌরবের মূলে বিরোধের ভাব। বাহারা পরকে একান্ত পর বলিয়া সর্বাস্তঃকরণে অনুভব না করে তাহার রাষ্ট্রগৌরবলাভকে জীবনের চরম লক্ষ্য বলিয়া মনে করিতে পারে না। পরের বিরুদ্ধে আপনাকে প্রতিষ্ঠিত করিবার বে চেষ্টা তাহাই পোলিটিক্যাল উন্নতির ভিত্তি ; এবং পরের সহিত আপনার সম্বন্ধবন্ধন ও নিজের ভিতরকার বিচিত্র বিভাগ ও বিরোধের মধ্যে সামঞ্জস্যস্থাপনের চেষ্টা, ইহাই ধর্মনৈতিক ও সামাজিক উন্নতির ভিত্তি। যুরোপীয় সভ্যতা বে ঐক্যকে আশ্রয় করিয়াছে তাহা বিরোধমূলক ; ভারতবর্ষীয় সভ্যতা বে ঐক্যকে আশ্রয় করিয়াছে তাহা মিলনমূলক। যুরোপীয় পোলিটিক্যাল ঐক্যের ভিতরে বে বিরোধের ফাঁস রহিয়াছে তাহা তাহাকে পরের বিরুদ্ধে টানিয়া রাখিতে পারে, কিন্তু তাহাকে নিজের মধ্যে সামঞ্জস্য দিতে পারে না। এইজন্য তাহা ব্যক্তিতে ব্যক্তিতে, রাজার প্রজার, ধনীতে দরিদ্রে, বিচ্ছেদ ও বিরোধকে সর্বদা আগ্রত করিয়াই রাখিয়াছে। তাহার সকলে মিলিয়া বে নিজ নিজ নির্দিষ্ট অধিকারের দ্বারা সমগ্র সমাজকে বহন করিতেছে তাহা নয়,

তাহারা পরস্পরের প্রতিকূল—যাহাতে কোনো পক্ষের বলবৃদ্ধি না হয়, অপর পক্ষের ইহাই প্রাণপণ সতর্ক চেষ্টা। কিন্তু সকলে মিলিয়া যেখানে ঠেলাঠেলি করিতেছে সেখানে বলের সামঞ্জস্য হইতে পারে না—সেখানে কালক্রমে জনসংখ্যা যোগ্যতার অপেক্ষা বড়ো হইয়া উঠে, উচ্চম গুণের অপেক্ষা শ্রেষ্ঠতা লাভ করে এবং বণিকের ধনসংহতি গৃহস্থের ধনভাণ্ডারগুলিকে অভিভূত করিয়া ফেলে—এইরূপে সমাজের সামঞ্জস্য নষ্ট হইয়া যায় এবং এই-সকল বিসদৃশ বিরোধী অঙ্গগুলিকে কোনোমতে জোড়াতাড়া দিয়া রাখিবার জন্য গবর্মেণ্ট কেবলই আইনের পর আইন সৃষ্টি করিতে থাকে। ইহা অবশ্যস্বাভাবী। কারণ, বিরোধ যাহার বীজ বিরোধই তাহার শস্য; মাঝখানে যে পরিপুষ্ট পল্লবিত ব্যাপারটিকে দেখিতে পাওয়া যায় তাহা এই বিরোধ-শস্যেরই প্রাণবান বলবান বৃক্ষ।

ভারতবর্ষ বিসদৃশকেও সম্বন্ধবন্ধনে বাঁধিবার চেষ্টা করিয়াছে। যেখানে ষথার্থ পার্থক্য আছে সেখানে সেই পার্থক্যকে ষথাযোগ্য স্থানে বিভক্ত করিয়া, সংযত করিয়া, তবে তাহাকে ঐক্যদান করা সম্ভব। সকলেই এক হইল বলিয়া আইন করিলেই এক হয় না। যাহারা এক হইবার নহে তাহাদের মধ্যে সম্বন্ধস্থাপনের উপায়—তাহাদিগকে পৃথক অধিকারের মধ্যে বিভক্ত করিয়া দেওয়া। পৃথককে বলপূর্বক এক করিলে তাহারা একদিন বলপূর্বক বিচ্ছিন্ন হইয়া যায়, সেই বিচ্ছেদের সময় প্রলয় ঘটে। ভারতবর্ষ মিলনসাধনের এই রহস্য জানিত। ফরাসি-বিদ্রোহ গায়ের জোরে মানবের সমস্ত পার্থক্য রক্ত দিয়া মুছিয়া ফেলিবে এমন স্পর্ধা করিয়াছিল, কিন্তু ফল উল্টা হইয়াছে—যুরোপের রাজশক্তি, প্রজাশক্তি, ধনশক্তি, জনশক্তি ক্রমেই অত্যন্ত বিকৃত হইয়া উঠিতেছে। ভারতবর্ষের লক্ষ্য ছিল সকলকেই ঐক্যমূর্ত্তে আবদ্ধ করা, কিন্তু তাহার উপায় ছিল স্বতন্ত্র। ভারতবর্ষ সমাজের সমস্ত প্রতিযোগী বিরোধী শক্তিকে সীমাবদ্ধ ও বিভক্ত করিয়া সমাজকলেবরকে এক এবং বিচিত্র কর্মের উপযোগী করিয়াছিল, নিজ নিজ অধিকারকে ক্রমাগতই লঙ্ঘন করিবার চেষ্টা করিয়া বিরোধবিশৃঙ্খলা জাগ্রত করিয়া রাখিতে দেয় নাই। পরস্পর প্রতিযোগিতার পথেই সমাজের সকল শক্তিকে অহরহ সংগ্রামপরায়ণ করিয়া তুলিয়া ধর্ম কর্ম গৃহ সমস্তকেই আবর্তিত আবির্ভাব উদ্ভাস্ত করিয়া রাখে নাই। ঐক্যনির্গম মিলনসাধন এবং শাস্তি ও স্থিতির মধ্যে পরিপূর্ণ পরিণতি ও মুক্তিলাভের অবকাশ, ইহাই ভারতবর্ষের লক্ষ্য ছিল।

বিধাতা ভারতবর্ষের মধ্যে বিচিত্র জাতিকে টানিয়া আনিয়াছেন। ভারতবর্ষীয় আর্ষ যে শক্তি পাইয়াছে সেই শক্তি চর্চা করিবার অবসর ভারতবর্ষ অতি প্রাচীনকাল

হইতেই পাইয়াছে। ঐক্যমূলক যে সভ্যতা মানবজাতির চরম সভ্যতা, ভারতবর্ষ চিরদিন ধরিয়া বিচিত্র উপকরণে তাহার ভিত্তিনির্মাণ করিয়া আসিয়াছে। পর বলিয়া সে কাহাকেও দূর করে নাই, অন্যর্ধ বলিয়া সে কাহাকেও বহিষ্কৃত করে নাই, অসংগত বলিয়া সে কিছুকেই উপহাস করে নাই। ভারতবর্ষ সমস্তই গ্রহণ করিয়াছে, সমস্তই স্বীকার করিয়াছে। এত গ্রহণ করিয়াও আত্মরক্ষা করিতে হইলে এই পৃথিবীতে সামগ্রীর মধ্যে নিজের ব্যবস্থা নিজের শৃঙ্খলা স্থাপন করিতে হয়— পশুযুদ্ধ ভূমিতে পশুদলের মতো ইহাদিগকে পরস্পরের উপর ছাড়িয়া দিলে চলে না। ইহাদিগকে বিহিত নিয়মে বিভক্ত স্বতন্ত্র করিয়া একটি মূল ভাবের দ্বারা বদ্ধ করিতে হয়। উপকরণ বেধানকার হউক সেই শৃঙ্খলা ভারতবর্ষের, সেই মূলভাবটি ভারতবর্ষের। যুরোপ পরকে দূর করিয়া, উৎসাদন করিয়া, সমাজকে নিরাপদ রাখিতে চায়; আমেরিকা অষ্ট্রেলিয়া নিম্নজাতি ও কেপ-কলনিতে তাহার পরিচয় আমরা আজ পর্যন্ত পাইতেছি। ইহার কারণ, তাহার নিজের সমাজের মধ্যে একটি সুবিহিত শৃঙ্খলার ভাব নাই— তাহার নিজেরই ভিন্ন সম্প্রদায়কে সে যথোচিত স্থান দিতে পারে নাই এবং যাহারা সমাজের অঙ্গ তাহাদের অনেকেই সমাজের বোঝার মতো হইয়াছে— একরূপ স্থলে বাহিরের লোককে সে সমাজ নিজের কোন্স্থানে আশ্রয় দিবে? আত্মীয়ই যেখানে উপদ্রব করিতে উদ্ভূত সেখানে বাহিরের লোককে কেহ স্থান দিতে চায় না। যে সমাজে শৃঙ্খলা আছে, ঐক্যের বিধান আছে, সকলের স্বতন্ত্র স্থান ও অধিকার আছে, সেই সমাজেই পরকে আপন করিয়া লওয়া সহজ। হয় পরকে কাটিয়া মারিয়া খেদাইয়া নিজের সমাজ ও সভ্যতাকে রক্ষা করা, নয় পরকে নিজের বিধানে সংযত করিয়া সুবিহিত শৃঙ্খলার মধ্যে স্থান করিয়া দেওয়া, এই দুই রকম হইতে পারে। যুরোপ প্রথম প্রণালীটি অবলম্বন করিয়া সমস্ত বিশ্বের সঙ্গে বিরোধ উন্মুক্ত করিয়া রাখিয়াছে— ভারতবর্ষ দ্বিতীয় প্রণালী অবলম্বন করিয়া সকলকেই ক্রমে ক্রমে ধীরে ধীরে আপনায় করিয়া লইবার চেষ্টা করিয়াছে। যদি ধর্মের প্রতি শ্রদ্ধা থাকে, যদি ধর্মকেই মানবসভ্যতার চরম আদর্শ বলিয়া স্থির করা যায়, তবে ভারতবর্ষের প্রণালীকেই শ্রেষ্ঠতা দিতে হইবে।

পরকে আপন করিতে প্রতিভার প্রয়োজন। অস্ত্রের মধ্যে প্রবেশ করিবার শক্তি এবং অস্ত্রকে সম্পূর্ণ আপনায় করিয়া লইবার ইচ্ছা, ইহাই প্রতিভার নিজস্ব। ভারতবর্ষের মধ্যে সেই প্রতিভা আমরা দেখিতে পাই। ভারতবর্ষ অসংকোচে অস্ত্রের মধ্যে প্রবেশ করিয়াছে এবং অন্যায়সে অস্ত্রের সামগ্রী নিজের করিয়া লইয়াছে। বিদেশী বাহাকে পৌত্তলিকতা বলে ভারতবর্ষ তাহাকে

দেখিয়া ভীত হয় নাই, নাঙ্গা কুঞ্চিত করে নাই। ভারতবর্ষ গুলিন্দ শব্দ ব্যাধ প্রভৃতিদের নিকট হইতেও বীভৎস সামগ্রী গ্রহণ করিয়া তাহার মধ্যে নিজের ভাব বিস্তার করিয়াছে, তাহার মধ্য দিয়াও নিজের আধ্যাত্মিকতাকে অভিব্যক্ত করিয়াছে। ভারতবর্ষ কিছুই ত্যাগ করে নাই এবং গ্রহণ করিয়া সকলই আপনার করিয়াছে।

এই ঐক্যবিস্তার ও শৃঙ্খলাস্থাপন কেবল সমাজব্যবস্থায় নহে, ধর্মনীতিতেও দেখি। গীতার জ্ঞান প্রেম ও কর্মের মধ্যে যে সম্পূর্ণ সামঞ্জস্য-স্থাপনের চেষ্টা দেখি তাহা বিশেষরূপে ভারতবর্ষের। যুরোপে রিলিজেন বলিয়া যে শব্দ আছে ভারতবর্ষীয় ভাষায় তাহার অনুবাদ অসম্ভব; কারণ, ভারতবর্ষ ধর্মের মধ্যে মানসিক বিচ্ছেদ ঘটিতে বাধা দিয়াছে—আমাদের বুদ্ধি-বিশ্বাস-আচরণ, আমাদের ইহকাল-পরকাল, সমস্ত জড়াইয়াই ধর্ম। ভারতবর্ষ তাহাকে ধণ্ডিত করিয়া কোনোটাকে পোশাকি এবং কোনোটাকে আটপৌরে করিয়া রাখে নাই। হাতের জীবন, পায়ের জীবন, মাথার জীবন, উদরের জীবন যেমন আলাদা নয়—বিশ্বাসের ধর্ম, আচরণের ধর্ম, রবিবারের ধর্ম, অপর ছয় দিনের ধর্ম, গির্জার ধর্ম, এবং গৃহের ধর্মে ভারতবর্ষ ভেদ ঘটাইয়া দেয় নাই। ভারতবর্ষের ধর্ম সমস্ত সমাজেরই ধর্ম, তাহার মূল মাটির ভিতরে এবং মাথা আকাশের মধ্যে; তাহার মূলকে স্বতন্ত্র ও মাথাকে স্বতন্ত্র করিয়া ভারতবর্ষ দেখে নাই—ধর্মকে ভারতবর্ষ দ্যুলোকভুলোকব্যাপী মানবের-সমস্ত-জীবন-ব্যাপী একটি বৃহৎ বনস্পতিরূপে দেখিয়াছে।

পৃথিবীর সত্যসমাজের মধ্যে ভারতবর্ষ নানাকে এক করিবার আদর্শরূপে বিরাজ করিতেছে, তাহার ইতিহাস হইতে ইহাই প্রতিপন্ন হইবে। এককে বিশ্বের মধ্যে ও নিজের আত্মার মধ্যে অনুভব করিয়া সেই এককে বিচিত্রের মধ্যে স্থাপন করা, জ্ঞানের দ্বারা আবিষ্কার করা, কর্মের দ্বারা প্রতিষ্ঠিত করা, প্রেমের দ্বারা উপলব্ধি করা এবং জীবনের দ্বারা প্রচার করা—নানা বাধা-বিপত্তি ছুর্গতি-সুর্গতির মধ্যে ভারতবর্ষ ইহাই করিতেছে। ইতিহাসের ভিতর দিয়া যখন ভারতের সেই চিরন্তন ভাবটি অনুভব করিব তখন আমাদের বর্তমানের সহিত অতীতের বিচ্ছেদ বিলুপ্ত হইবে।

বিদেশের শিক্ষা ভারতবর্ষকে অতীতে ও বর্তমানে দ্বিধা বিভক্ত করিতেছে। যিনি সেতু নির্মাণ করিবেন তিনি আমাদেরকে রক্ষা করিবেন। যদি সেই সেতু নির্মিত হয় তবে এই দ্বিধারও সফলতা আছে; কারণ, বিচ্ছেদের আঘাত না পাইলে মিলন সচেতন হয় না। যদি আমাদের মধ্যে কিছুমাত্র পদার্থ থাকে তবে বিদেশ আমাদেরকে যে আঘাত করিতেছে সেই আঘাতে বহুশকেই আমরা নিবিড়তরূপে

উপলব্ধি করিব। প্রবাসে নির্বাসনই আমাদের কাছে গৃহের মাহাত্ম্যকে মহত্তম করিয়া তুলিবে।

মামুদ ও মহম্মদ ঘোরির বিজয়বার্তার সন তারিখ আমরা বুঝ করিয়া পরীক্ষায় প্রথম শ্রেণীতে উত্তীর্ণ হইয়াছি, এখন যিনি সমস্ত ভারতবর্ষকে সম্মুখে বৃত্তিমান করিয়া তুলিবেন অন্ধকারের মধ্যে দাঁড়াইয়া সেই ঐতিহাসিককে আমরা আহ্বান করিতেছি। তিনি তাঁহার প্রচার দ্বারা আমাদের মধ্যে প্রচার সঞ্চার করিবেন, আমাদের প্রতিষ্ঠা দান করিবেন, আমাদের আত্ম-উপহাস আত্ম-অবিশ্বাস অতি অনায়াসে তিরস্কৃত করিবেন, আমাদের প্রাচীন সম্পদের অধিকারী করিবেন যে পরের ছদ্মবেশে নিজের লজ্জা লুকাইবার আর প্রবৃত্তি থাকিবে না। তখন এ কথা আমরা বুঝিব, পৃথিবীতে ভারতবর্ষের একটি মহৎ স্থান আছে, আমাদের মধ্যে মহৎ আশার কারণ আছে ; আমরা কেবল গ্রহণ করিব না, অনুকরণ করিব না, দান করিব, প্রবর্তন করিব, এমন সম্ভাবনা আছে ; পলিটিক্‌স্ এবং বাণিজ্যই আমাদের চরমতম গতিমুক্তি নহে, প্রাচীন ব্রহ্মচর্যের পথে বৈরাগ্যকঠিন দারিদ্র্যগৌরব শিরোধার্য করিয়া জুর্গর নির্মল মাহাত্ম্যের উন্নততম শিখরে অধিরোহণ করিবার জন্ত আমাদের ঋষি-পিতামহদের সুগভীর নিদেশ-নির্দেশ প্রাপ্ত হইয়াছি— সে পথে পণ্যভারাক্রান্ত অস্ত্র কোনো পাহ নাই বলিয়া আমরা ফিরিব না, গ্রহভারনত শিক্ককমহাশয় সে পথে চলিতেছেন না বলিয়া লজ্জিত হইব না। মূল্য না দিলে কোনো মূল্যবান জিনিসকে আপনার করা যায় না। ভিক্ষা করিতে গেলে কেবল খুদকুড়া মেলে ; তাহাতে পেট অন্নই ভরে, অথচ জাতিও থাকে না। বিদেশকে যতক্ষণ আমরা কিছু দিতে পারি না, বিদেশ হইতে ততক্ষণ আমরা কিছু লইতেও পারি না ; লইলেও তাহার সঙ্গে আত্মসম্মান থাকে না বলিয়াই তাহা তেমন করিয়া আপনার হয় না, সংকোচে সে অধিকার চিরদিন অসম্পূর্ণ ও অসংগত হইয়া থাকে। যখন গৌরবসহকারে দিব তখন গৌরবসহকারে লইব। হে ঐতিহাসিক, আমাদের সেই দিবার সংগতি কোন্ প্রাচীন ভাণ্ডারে সঞ্চিত হইয়া আছে তাহা দেখাইয়া দাও, তাহার দ্বার উদ্ঘাটন করো। তাহার পর হইতে আমাদের গ্রহণ করিবার শক্তি বাধাহীন ও অকুণ্ঠিত হইবে, আমাদের উন্নতি ও শ্রীবৃদ্ধি অকৃত্রিম ও স্বভাবসিদ্ধ হইয়া উঠিবে। ইংরাজ নিজেকে সর্বত্র প্রসারিত, বিস্তারিত, চতুর্ভুগণিত করাকেই জগতের সর্বশ্রেষ্ঠ শ্রেয় বলিয়া জ্ঞান করিয়াছে ; তাহাদের বুদ্ধিবিচারের এই উন্নত অন্ধ অবস্থায় তাহারা ঐশ্বরের সহিত আমাদের পিতৃদান করিতে পারে না। উপনিষদে অনুশাসন আছে : প্রজ্ঞয়া বেয়ম্, অপ্রজ্ঞয়া অবেয়ম্। প্রজ্ঞার সহিত দিবে, অপ্রজ্ঞার

সহিত দিবে না। কারণ, শ্রদ্ধার সহিত না দিলে বখার্ব জিনিস দেওয়াই যায় না, বরঞ্চ এমন একটা জিনিস দেওয়া হয় যাহাতে গ্রহীতাকে হীন করা হয়। আজকালকার ইংরাজ শিক্ষকগণ দানের দ্বারা আমাদের হীন করিয়া থাকেন; তাঁহারা অবজ্ঞা-অশ্রদ্ধার সহিত দান করেন, সেই সঙ্গে প্রত্যহ সবিক্রমে স্বরণ করাইতে থাকেন, 'যাহা দিতেছি, ইহার তুল্য তোমাদের কিছুই নাই এবং যাহা লইতেছ তাহার প্রতিদান দেওয়া তোমাদের সাধ্যের অতীত।' প্রত্যহ এই অবমাননার বিষ আমাদের মস্তক মধ্যে প্রবেশ করে, ইহাতে পক্ষাঘাত আনিয়া আমাদের হীন করিয়া দেয়। শিশুকাল হইতেই নিজের নিজস্ব উপলব্ধি করিবার কোনো অবকাশ কোনো সুযোগ পাই নাই। পরভাষার বানান-বাক্য-ব্যাকরণ ও মতামতের দ্বারা উদ্ভ্রান্ত অভিভূত হইয়া আছি— নিজের কোনো শ্রেষ্ঠতার প্রমাণ দিতে না পারিয়া মাথা হেঁট করিয়া থাকিতে হয়। ইংরেজের নিজের ছেলের শিক্ষাপ্রণালী এরূপ নহে— অক্সফোর্ড-কেম্ব্রিজে তাঁহাদের ছেলে কেবল যে গিলিয়া থাকে তাহা নহে, তাহারা আলোক আলোচনা ও খেলা হইতে বঞ্চিত হয় না। অধ্যাপকদের সঙ্গে তাহাদের হৃদয় কলের সম্বন্ধ নহে। একে তো তাহাদের চতুর্দিক্‌বর্তী স্বদেশীসমাজ স্বদেশীশিক্ষাকে সম্পূর্ণরূপে আপন করিয়া লইবার জন্য শিশুকাল হইতে সর্বতোভাবে অহুকূল্য করিয়া থাকে, তাহার পরে শিক্ষাপ্রণালী ও অধ্যাপকগণও অহুকূল্য। আমাদের আত্মোপাস্ত সমস্তই প্রতিকূল; যাহা শিখি তাহা প্রতিকূল, যে উপায়ে শিখি তাহা প্রতিকূল, যে শেখায় সেও প্রতিকূল। ইহা সত্ত্বেও যদি আমরা কিছু লাভ করিয়া থাকি, যদি এ শিক্ষা আমরা কোনো কাজে খাটাইতে পারি, তাহা আমাদের গুণ।

অবশ্য, এই বিদেশী শিক্ষাধিককারের হাত হইতে স্বাভাবিক মুক্তি দিতে হইলে শিক্ষার ভার আমাদের নিজের হাতে লইতে হইবে এবং যাহাতে শিশুকাল হইতে ছেলেরা স্বদেশীয় ভাবে, স্বদেশী প্রণালীতে, স্বদেশের সহিত হৃদয়মনের যোগ রক্ষা করিয়া, স্বদেশের বায়ু ও আলোক-প্রবেশের দ্বারা উন্মুক্ত রাখিয়া, শিক্ষা পাইতে পারে, তাহার জন্য আমাদের একান্ত প্রযত্ন চেষ্টা করিতে হইবে। ভারতবর্ষ হৃদীর্ঘকাল ধরিয়া আমাদের মনের যে প্রকৃতিকে গঠন করিয়াছে তাহাকে নিজের বা পরের ইচ্ছামত বিকৃত করিলে আমরা জগতে নিষ্ফল ও লজ্জিত হইব। সেই প্রকৃতিকেই পূর্ণ পরিণতি দিলে সে অনায়াসেই বিদেশের জিনিসকে আপনায় করিয়া লইতে পারিবে এবং আপনায় জিনিস বিদেশকে দান করিতে পারিবে।

এই স্বদেশী প্রণালীর শিক্ষার প্রধান ভিত্তি বার্ষিক্যাগণের তৃপ্তিনিরপেক্ষ অধ্যয়ন-অধ্যাপনরত নিষ্ঠাবান গুরু এবং তাঁহার অধ্যাপনের প্রধান অবলম্বন স্বদেশের

একখানি সম্পূর্ণ ইতিহাস। এক দিন এইরূপ গুরু আমাদের দেশে গ্রামে গ্রামেই ছিলেন— তাঁহাদের কুতামোজা গাড়িবোড়া আসবাবপত্রের প্রয়োজনই ছিল না— নবাব ও নবাবের অহুকারিগণ তাঁহাদের চারি দিকে নবাবি করিয়া বেড়াইত, তাহাতে তাঁহাদের দৃকপাত ছিল না, তাঁহাদের অর্গোরব ছিল না। এখনো আমাদের দেশে সেই-সকল গুরুর অভাব নাই। কিন্তু শিক্ষার বিষয় পরিবর্তিত হইয়াছে— এখন ব্যাকরণ শ্রুতি ও স্তায় আমাদের অঠরানলনির্বাণের সহায়তা করে না এবং আধুনিক কালের জ্ঞানস্পৃহা মিটাইতে পারে না। কিন্তু ষাহারা নূতন শিক্ষাদানের অধিকারী হইয়াছেন তাঁহাদের চাল বিগড়াইয়া গেছে। তাঁহাদের আদর্শ বিকৃত হইয়াছে, তাঁহার অঙ্গে সন্তুষ্ট নহেন, বিজ্ঞানকে তাঁহারা ধর্মকর্ম বলিয়া জানেন না, বিজ্ঞাকে তাঁহারা পণ্যদ্রব্য করিয়া বিজ্ঞাকেও হীন করিয়াছেন নিজেকেও হীন করিয়াছেন। নব্যশিক্ষিতদের মধ্যে আমাদের সামাজিক উচ্চ আদর্শের এই বিপর্যয়দশা একদিন সংশোধিত হইবে, ইহা আমি হুরাশা বলিয়া গণ্য করি না। আমাদের বৃহৎ শিক্ষিতমণ্ডলীর মধ্যে ক্রমে ক্রমে এমন দুই-চারিটি লোক নিশ্চয়ই উঠিবেন ষাহারা বিজ্ঞাব্যবসায়কে স্বণা করিয়া বিজ্ঞানকে কৌলিকব্রত বলিয়া গ্রহণ করিবেন। তাঁহারা জীবনযাত্রার উপকরণ সংক্ষিপ্ত করিয়া, বিলাস বিসর্জন দিয়া, দেশের স্থানে স্থানে যে আধুনিক শিক্ষার টোল করিবেন, ইন্সপেক্টরের গর্জন ও য়ুনিভার্সিটির তর্জন -বর্জিত সেই-সকল টোলেই বিজ্ঞা স্বাধীনতা লাভ করিবে, মর্দাদা লাভ করিবে। ইংরাজ রাজবণিকের দৃষ্টান্ত ও শিক্ষা সত্ত্বেও বাংলাদেশ এমনতরো জনকয়েক গুরুকে জন্ম দিতে পারিবে, এ বিশ্বাস আমার মনে দৃঢ় রহিয়াছে।

ভাদ্র ১৩০২

ব্রাহ্মণ

সকলেই জানেন, সম্প্রতি কোনো মহারাষ্ট্রী ব্রাহ্মণকে তাঁহার ইংরাজ প্রভু পাছুকাছাত করিয়াছিল; তাহার বিচার উচ্চতম বিচারালয় পর্যন্ত গড়াইয়াছিল— শেষ, বিচারক ব্যাপারটাকে তুচ্ছ বলিয়া উড়াইয়া দিয়াছেন।

ঘটনাটা এতই লজ্জাকর যে, মাসিক পত্রে আমরা ইহার অবতারণা করিতাম না। যার খাইয়া যারা উচিত বা জন্দন করা উচিত বা নালিশ করা উচিত, সে-সমস্ত আলোচনা খবরের কাগজে হইয়া গেছে— সে-সকল কথাও আমরা তুলিতে

চাহি না। কিন্তু এই ঘটনাটি উপলক্ষ্য করিয়া যে-সকল গুরুতর চিন্তার বিষয় আমাদের মনে উঠিয়াছে তাহা ব্যক্ত করিবার সময় উপস্থিত।

বিচারক এই ঘটনাটিকে তুচ্ছ বলেন— কাজেও দেখিতেছি ইহা তুচ্ছ হইয়া উঠিয়াছে, সুতরাং তিনি অন্তায় বলেন নাই। কিন্তু এই ঘটনাটি তুচ্ছ বলিয়া গণ্য হওয়াতেই বুঝিতেছি, আমাদের সমাজের বিকার দ্রুতবেগে অগ্রসর হইতেছে।

ইংরাজ যাহাকে প্রেস্টিজ, অর্থাৎ তাঁহাদের রাজসম্মান বলেন, তাহাকে মূল্যবান জ্ঞান করিয়া থাকেন। কারণ, এই প্রেস্টিজের জোর অনেক সময়ে সৈন্তের কাজ করে। যাহাকে চালনা করিতে হইবে তাহার কাছে প্রেস্টিজ রাখা চাই। বোয়ার যুদ্ধের আরম্ভকালে ইংরাজ-সাম্রাজ্য যখন স্বল্পপরিমিত কৃষকসম্প্রদায়ের হাতে বার বার অপমানিত হইতেছিল তখন ইংরাজ ভারতবর্ষের মধ্যে ষত সংকোচ অনুভব করিতেছিল এমন আর কোথাও নহে। তখন আমরা সকলেই বুঝিতে পারিতেছিলাম, ইংরাজের বৃট এ দেশে পূর্বের ন্যায় তেমন অত্যন্ত জোরে মচম্চ করিতেছে না।

আমাদের দেশে এক কালে ব্রাহ্মণের তেমনি একটা প্রেস্টিজ ছিল। কারণ, সমাজচালনার ভার ব্রাহ্মণের উপরেই ছিল। ব্রাহ্মণ যথারীতি এই সমাজকে রক্ষা করিতেছেন কি না এবং সমাজরক্ষা করিতে হইলে যে-সকল নিঃস্বার্থ মহদগুণ থাকা উচিত সে-সমস্ত তাঁহাদের আছে কি না, সে কথা কাহারও মনে উদয় হয় নাই— ষতদিন সমাজে তাঁহাদের প্রেস্টিজ ছিল। ইংরাজের পক্ষে তাঁহার প্রেস্টিজ বেরূপ মূল্যবান ব্রাহ্মণের পক্ষেও তাঁহার নিজের প্রেস্টিজ সেইরূপ।

আমাদের দেশে সমাজ যে ভাবে গঠিত, তাহাতে সমাজের পক্ষেও ইহার আবশ্যিক আছে। আবশ্যিক আছে বলিয়াই সমাজ এত সম্মান ব্রাহ্মণকে দিয়াছিল।

আমাদের দেশের সমাজতন্ত্র একটি সুবৃহৎ ব্যাপার। ইহাই সমস্ত দেশকে নিয়মিত করিয়া ধারণ করিয়া রাখিয়াছে। ইহাই বিশাল লোকসম্প্রদায়কে অপরাধ হইতে, ঋলন হইতে, রক্ষা করিবার চেষ্টা করিয়া আসিয়াছে। যদি এরূপ না হইত তবে ইংরাজ তাঁহার পুলিশ ও ফৌজের দ্বারা এতবড়ো দেশে এমন আশ্চর্য শান্তি স্থাপন করিতে পারিতেন না। নবাব-বাদশাহের আমলেও নানা রাজকীয় অশান্তিসম্বন্ধে সামাজিক শান্তি চলিয়া আসিতেছিল— তখনো লোকব্যবহার শিথিল হয় নাই, আদানপ্রদানে সততা রক্ষিত হইত, মিথ্যা সাক্ষ্য নিষিদ্ধ হইত, ধর্মী উত্তমর্গকে ঠাকি দিত না এবং সাধারণ ধর্মের বিধানগুলিকে সকলে সরল বিশ্বাসে সম্মান করিত।

সেই বৃহৎ সমাজের আদর্শ রক্ষা করিবার ও বিধিবিধান স্বরণ করাইয়া দিবার ভার ব্রাহ্মণের উপর ছিল। ব্রাহ্মণ এই সমাজের চালক ও ব্যবস্থাপক। এই কার্য-সাধনের উপযোগী সম্মানও তাঁহার ছিল।

প্রাচ্যপ্রকৃতির অল্পগত এই-প্রকার সমাজবিধানকে যদি নিশ্চিন্ত বসিয়া না মনে করা যায়, তবে ইহার আদর্শকে চিরকাল বিস্মৃত রাখিবার এবং ইহার শৃঙ্খলাহীন করিবার ভার কোনো-এক বিশেষ সম্প্রদায়ের উপর সমর্পণ করিতেই হয়। তাঁহার জীবনযাত্রাকে সরল ও বিস্মৃত করিয়া, অভাবকে সংক্ষিপ্ত করিয়া, অধ্যয়ন-অধ্যাপন যজনযাজনকেই ব্রত করিয়া, দেশের উচ্চতম আদর্শকে সমস্ত দোকানদারির কলুষস্পর্শ হইতে রক্ষা করিয়া, সামাজিক যে সম্মান প্রাপ্ত হইতেছেন তাহার বখার্ব অধিকারী হইবেন— এক্ষণ আশা করা যায়।

বখার্ব অধিকার হইতে লোক নিজের দোষে ব্রষ্ট হয়। ইংরাজের বেলাতেও তাহা দেখিতে পাই। দেশী লোকের প্রতি অন্তায় করিয়া যখন প্রেস্টিজ রক্ষার দোহাই দিয়া ইংরাজ দণ্ড হইতে অব্যাহতি চায়, তখন বখার্ব প্রেস্টিজের অধিকার হইতে নিজেকে বঞ্চিত করে। স্তায়পরতার প্রেস্টিজ সকল প্রেস্টিজের বড়ো— তাহার কাছে আমাদের মন স্বেচ্ছাপূর্বক মাথা নত করে— বিভীষিকা আমাদের কাছে ধরিয়া নোয়াইয়া দেয়, সেই প্রগতি-অবমাননার বিরুদ্ধে আমাদের মন ভিতরে ভিতরে বিদ্রোহ না করিয়া থাকিতে পারে না।

ব্রাহ্মণও যখন আপন কর্তব্য পরিত্যাগ করিয়াছে তখন কেবল গায়ের জোরে পরলোকের ভয় দেখাইয়া সমাজের উচ্চতম আসনে আপনাকে রক্ষা করিতে পারে না।

কোনো সম্মান বিনা মূল্যের নহে। যথেষ্ট কাজ করিয়া সম্মান রাখা যায় না। যে রাজা সিংহাসনে বসেন তিনি দোকান খুলিয়া ব্যবসা চালাইতে পারেন না। সম্মান ষাঁহার প্রাপ্য তাঁহাকেই সকল দিকে সর্বদা নিজের ইচ্ছাকে খর্ব করিয়া চলিতে হয়। গৃহের অন্তস্ত লোকের অপেক্ষা আমাদের ঘেঁষে গৃহকর্তা ও গৃহকর্ত্রীকেই সাংসারিক বিষয়ে অধিক বঞ্চিত হইতে হয়— বাড়ির গৃহিণীই সকলের শেষে অন্ন পান। ইহা না হইলে আত্মসম্মতির উপর কর্তৃত্বকে দীর্ঘকাল রক্ষা করা যায় না। সম্মানও পাইবে, অথচ তাহার কোনো মূল্য দিবে না, ইহা কখনোই চিরদিন সম্ভব হয় না।

আমাদের আধুনিক ব্রাহ্মণেরা বিনা মূল্যে সম্মান আদায়ের বৃত্তি অবলম্বন করিয়াছিলেন। তাহাতে তাঁহাদের সম্মান আমাদের সমাজে উত্তরোত্তর বৌধিক

হইয়া আসিয়াছে। কেবল তাহাই নয়; ব্রাহ্মণেরা সমাজের যে উচ্চকর্মে নিযুক্ত ছিলেন সে কর্মে শৈথিল্য ঘটতে, সমাজেরও সন্ধিবন্ধন প্রতিদিন বিল্লিষ্ট হইয়া আসিতেছে।

যদি প্রাচ্যভাবেই আমাদের দেশে সমাজ রক্ষা করিতে হয়, যদি যুরোপীয় প্রণালীতে এই বহুদিনের বৃহৎ সমাজকে আমূল পরিবর্তন করা সম্ভবপর বা বাঞ্ছনীয় না হয়, তবে ষথার্থ ব্রাহ্মণসম্প্রদায়ের একান্ত প্রয়োজন আছে। তাঁহারা দরিদ্র হইবেন, পণ্ডিত হইবেন, ধর্মনিষ্ঠ হইবেন, সর্বপ্রকার আশ্রমধর্মের আদর্শ ও আশ্রয়-স্বরূপ হইবেন ও গুরু হইবেন।

যে সমাজের এক দল ধনমানকে অবহেলা করিতে জানেন, বিলাসকে ঘৃণা করেন— ষাহাদের আচার নির্মল, ধর্মনিষ্ঠা দৃঢ়, ষাহারা নিঃস্বার্থভাবে জ্ঞান-অর্জন ও নিঃস্বার্থভাবে জ্ঞান-বিতরণে রত— পরাধীনতা বা দারিদ্র্যে সে সমাজের কোনো অবমাননা নাই। সমাজ ষাহাকে ষথার্থভাবে সম্মাননীয় করিয়া তোলে সমাজ তাঁহার দ্বারাই সম্মানিত হয়।

সকল সমাজেই মান্তব্যক্তির, শ্রেষ্ঠ লোকেরাই, নিজ নিজ সমাজের স্বরূপ। ইংলণ্ডকে যখন আমরা ধনী বলি তখন অগণ্য দরিদ্রকে হিসাবের মধ্যে আনি না। যুরোপকে যখন আমরা স্বাধীন বলি, তখন তাহার বিপুল জনসাধারণের দুঃসহ অধীনতাকে গণ্য করি না। সেখানে উপরের কয়েক জন লোকই ধনী, উপরের কয়েক জন লোকই স্বাধীন, উপরের কয়েক জন লোকই পাশবতা হইতে মুক্ত। এই উপরের কয়েক জন লোক ষতক্ষণ নিম্নের বহুতর লোককে সুখস্বাস্থ্য জ্ঞানধর্ম দিবার জন্য সর্বদা নিজের ইচ্ছাকে প্রয়োগ ও নিজের সুখকে নিয়মিত করে ততক্ষণ সেই সভ্যসমাজের কোনো ভয় নাই।

যুরোপীয় সমাজ এই ভাবে চলিতেছে কি না সে আলোচনা বৃথা মনে হইতে পারে, কিন্তু সম্পূর্ণ বৃথা নহে।

যেখানে প্রতিযোগিতার তাড়নায়, পাশের লোককে ছাড়াইয়া উঠিবার অত্যাকাঙ্ক্ষায়, প্রত্যেককে প্রতি মুহূর্তে লড়াই করিতে হইতেছে, সেখানে কর্তব্যের আদর্শকে বিগুহ্ন রাখা কঠিন। এবং সেখানে কোনো একটা সীমায় আসিয়া আশাকে সংযত করাও লোকের পক্ষে দুঃসাধ্য হয়।

যুরোপের বড়ো বড়ো সাম্রাজ্যগুলি পরস্পর পরস্পরকে লঙ্ঘন করিয়া ষাইবার প্রাণপণ চেষ্টা করিতেছে, এ অবস্থায় এমন কথা কাহারও মুখ দিয়া বাহির হইতে পারে না যে, বরঞ্চ পিছাইয়া প্রথম শ্রেণী হইতে দ্বিতীয় শ্রেণীতে পড়িব, তবু অস্তায়

করিব না। এমন কথাও কাহারও মনে আসে না যে, বরঞ্চ জলে স্থলে সৈন্তসজ্জা কম করিয়া রাজকীয় ক্রমতার প্রতিবেশীর কাছে লাঘব স্বীকার করিব, কিন্তু সমাজের অভ্যন্তরে সুখসন্তোষ ও জ্ঞানধর্মের বিস্তার করিতে হইবে। প্রতিযোগিতার আকর্ষণে যে বেগ উৎপন্ন হয় তাহাতে উদ্দামভাবে চলাইয়া লইয়া যায়— এবং এই দুর্দান্তগতিতে চলাকেই যুরোপে উন্নতি কহে, আমরাও তাহাকেই উন্নতি বলিতে শিখিয়াছি।

কিন্তু যে চলা পদে পদে ধামার দ্বারা নিয়মিত নহে তাহাকে উন্নতি বলা যায় না। যে ছন্দে যতি নাই তাহা ছন্দই নহে। সমাজের পদমূলে সমুদ্র অহোরাত্র তরঙ্গিত কেন্দ্রায়িত হইতে পারে, কিন্তু সমাজের উচ্চতম শিখরে শান্তি ও স্থিতির চিরন্তন আদর্শ নিত্যকাল বিরাজমান থাকা চাই।

সেই আদর্শকে কাহারো অটলভাবে রক্ষা করিতে পারে? বাহারো পুরুষাত্মকমে স্বার্থের সংঘর্ষ হইতে দূরে আছে, আর্থিক দারিদ্র্যেই বাহাদের প্রতিষ্ঠা, মঙ্গলকর্মকে বাহারো পণ্যদ্রব্যের মতো দেখে না, বিত্তহীন জ্ঞান ও উন্নত ধর্মের মধ্যে বাহাদের চিত্ত অস্ত্রভেদী হইয়া বিরাজ করে, এবং অস্ত্র সকল পরিত্যাগ করিয়া সমাজের উন্নততম আদর্শকে রক্ষা করিবার মহত্তরই বাহাদিগকে পবিত্র ও পূজনীয় করিয়াছে।

যুরোপেও অবিশ্রাম কর্মালোড়নের মাঝে মাঝে এক-এক জন মনীষী উঠিয়া ঘূর্ণগতির উন্নত নেশার মধ্যে স্থিতির আদর্শ, লক্ষ্যের আদর্শ, পরিণতির আদর্শ ধরিয়া থাকেন। কিন্তু ছুই দণ্ড দাঁড়াইয়া শুনিবে কে? সন্মিলিত প্রকাণ্ড স্বার্থের প্রচণ্ড বেগকে এই প্রকারের ছুই-এক জন লোক তক্তনী উঠাইয়া রুধিবেন কী করিয়া! বাণিজ্য-আহাজে উনপঞ্চাশ পালে হাওয়া লাগিয়াছে, যুরোপের প্রান্তরে উন্নত দর্শকবৃন্দের মাঝখানে সারিসারি যুদ্ধ-ঘোড়ার ঘোড়দৌড় চলিতেছে— এখন কণকালের অস্ত্র থাকিবে কে?

এই উন্নততার, এই প্রাণপণে নিজ শক্তির একান্ত উদ্ঘর্ষনে, আধ্যাত্মিকতার জয় হইতে পারে এমন তর্ক আমাদের মনেও ওঠে। এই বেগের আকর্ষণ অভ্যন্তর বেশি; ইহা আমাদের প্রলুব্ধ করে; ইহা যে প্রলয়ের দিকে বাইতে পারে, এমন সন্দেহ আমাদের হয় না।

ইহা কী প্রকারের? যেমন চীরধারী যে-একটি বল নিজেকে সাধু ও সাধক বলিয়া পরিচয় দেয় তাহারো গাঁজার নেশাকে আধ্যাত্মিক আনন্দলাভের সাধনা বলিয়া মনে করে। নেশার একাগ্রতা জন্মে, উত্তেজনা হয়, কিন্তু তাহাতে আধ্যাত্মিক স্বাধীন মনোবলতা হ্রাস হইতে থাকে। আর-সমস্ত ছাড়া যায়, কিন্তু এই নেশার উত্তেজনা ছাড়া যায় না— ক্রমে মনের বল বত কমিতে থাকে নেশার মাজাও তত

বাড়াইতে হয়। ঘুরিয়া নৃত্য করিয়া বা শব্দে বাস্তব বাজাইয়া, নিজেকে উদ্ভাসিত ও মুহূর্তিত করিয়া, যে ধর্মোন্মাদের বিলাস সম্ভোগ করা যায় তাহাও কৃত্রিম। তাহাতে অভ্যাস জন্মিয়া গেলে, তাহা অহিফেনের নেশার মতো আমাদের অবসাদের সময় কেবলই তাড়না করিতে থাকে। আত্মসমাহিত শাস্ত্র একনিষ্ঠ সাধনা ব্যতীত ষথার্থ স্থায়ী মূল্যবান কোনো জিনিস পাওয়া যায় না ও স্থায়ী মূল্যবান কোনো জিনিস রক্ষা করা যায় না।

অথচ আবেগ ব্যতীত কাজ ও কাজ ব্যতীত সমাজ চলিতে পারে না। এই জন্মই ভারতবর্ষ আপন সমাজে গতি ও স্থিতির সমন্বয় করিতে চাহিয়াছিল। কৃত্রিয় বৈশ্ব প্রভৃতি যাহারা হাতে কলমে সমাজের কার্যসাধন করে তাহাদের কর্মের সীমা নির্দিষ্ট ছিল। এই জন্মই কৃত্রিয় কাব্যধর্মের আদর্শ রক্ষা করিয়া নিজের কর্তব্যকে ধর্মের মধ্যে গণ্য করিতে পারিত। স্বার্থ ও প্রবৃত্তির উর্ধ্ব ধর্মের উপরে কর্তব্য স্থাপন করিলে, কাজের মধ্যেও বিশ্রাম এবং আধ্যাত্মিকতাল্পভের অবকাশ পাওয়া যায়।

যুরোপীয় সমাজ যে নিয়মে চলে তাহাতে গতিজনিত বিশেষ একটা কোঁকের মুখেই অধিকাংশ লোককে ঠেলিয়া দেয়। সেখানে বুদ্ধিজীবী লোকেরা রাষ্ট্রীয় ব্যাপারেই ঝুঁকিয়া পড়ে, সাধারণ লোকে অর্ধোপার্জনেই ভিড় করে। বর্তমানকালে সাম্রাজ্যলোলুপতা সকলকে গ্রাস করিয়াছে এবং জগৎ জুড়িয়া লড়াভাগ চলিতেছে। এমন সময় হওয়া বিচিত্র নহে যখন বিত্তজ্ঞানচর্চা যথেষ্ট লোককে আকর্ষণ করিবে না। এমন সময় আসিতে পারে যখন আবশ্যিক হইলেও সৈন্ত পাওয়া যাইবে না। কারণ, প্রবৃত্তিকে কে ঠেকাইবে? যে জর্মনি এক দিন পণ্ডিত ছিল সে জর্মনি যদি বণিক হইয়া দাঁড়ায়, তবে তাহার পাণ্ডিত্য উদ্ধার করিবে কে? যে ইংরাজ এক দিন কৃত্রিয়ভাবে আর্তজ্ঞাপত্র গ্রহণ করিয়াছিল সে যখন গায়ের জোরে পৃথিবীর চতুর্দিকে নিজের দোকানদারি চালাইতে থাকিত হইয়াছে, তখন তাহাকে তাহার সেই পুরাতন উন্নয়ন কৃত্রিয়ভাবে ফিরাইয়া আনিবে কোন্ শক্তিতে?

এই কোঁকের উপরেই সমস্ত কর্তব্য না দিয়া সংবত সুশৃঙ্খল কর্তব্যবিধানের উপরে কর্তব্যভার দেওয়াই ভারতবর্ষীয় সমাজপ্রণালী। সমাজ যদি সজীব থাকে, বাহিরের আঘাতের দ্বারা অতিভূত হইয়া না পড়ে, তবে এই প্রণালী অচুসারে সকল সময়েই সমাজে সামঞ্জস্য থাকে— এক দিকে হঠাৎ হড়ামুড়ি পড়িয়া অন্য দিক শূন্য হইয়া যায় না। সকলেই আপন আদর্শ রক্ষা করে এবং আপন কাজ করিয়া পৌরব বোধ করে।

কিন্তু কাজের একটা বেগ আছেই। সেই বেগে সে আপনার পরিণাম ভুলিয়া যায়। কাজ তখন নিজেই লক্ষ্য হইয়া উঠে। শুধুমাত্র কর্মের বেগের মুখে নিজেকে ছাড়িয়া দেওয়াতে স্থখ আছে। কর্মের ভূত কর্মী লোককে পাইয়া বসে।

শুধু তাহাই নহে। কার্যসাধনই যখন অত্যন্ত প্রাধান্য লাভ করে তখন উপায়ের বিচার ক্রমেই চলিয়া যায়। সংসারের সহিত, উপস্থিত আবশ্যকের সহিত কর্মীকে নানাপ্রকারে রক্ষা করিয়া চলিতেই হয়।

অতএব যে সমাজে কর্ম আছে সেই সমাজেই কর্মকে সংযত রাখিবার বিধান থাকা চাই, অল্প কর্মই বাহাতে যত্নশূন্যের উপর কর্তৃত্ব লাভ না করে এমন সতর্ক পাহারা থাকা চাই। কর্মিদলকে বরাবর ঠিক পথটি দেখাইবার জন্য, কর্মকোলাহলের মধ্যে বিশুদ্ধ স্বরটি বরাবর অবিচলিতভাবে ধরিয়া রাখিবার জন্য, এমন এক দলের আবশ্যক যাহারা যথাসম্ভব কর্ম ও স্বার্থ হইতে নিজেকে মুক্ত রাখিবেন। তাঁহারা ই ব্রাহ্মণ।

এই ব্রাহ্মণেরাই স্বার্থ স্বাধীন। ইহারা ই স্বার্থ স্বাধীনতার আদর্শকে নির্ধারণ সহিত, কাঠিন্তের সহিত, সমাজে রক্ষা করেন। সমাজ ইহাদিগকে সেই অবসর, সেই সামর্থ্য, সেই সম্মান দেয়। ইহাদের এই মুক্তি, ইহা সমাজেরই মুক্তি। ইহারা যে সমাজে আপনাকে মুক্তভাবে রাখেন ক্ষুদ্র পরাধীনতার সে সমাজের কোনো ভয় নাই, বিপদ নাই। ব্রাহ্মণ-অংশের মধ্যে সে সমাজ সর্বদা আপনার মনের—আপনার আত্মার স্বাধীনতা উপলব্ধি করিতে পারে। আমাদের দেশের বর্তমান ব্রাহ্মণগণ যদি দৃঢ়ভাবে উন্নতভাবে অলুপ্তভাবে সমাজের এই পরমধনটি রক্ষা করিতেন তবে ব্রাহ্মণের অবমাননা সমাজ কখনোই ঘটিতে দিত না এবং এমন কথা কখনোই বিচারকের মুখ দিয়া বাহির হইতে পারিত না যে, শুধু ব্রাহ্মণকে পাড়কাঘাত করা তুচ্ছ ব্যাপার। বিদেশী হইলেও বিচারক মানী ব্রাহ্মণের মান আপনি বৃদ্ধিতে পারিতেন।

কিন্তু যে ব্রাহ্মণ সাহেবের আগিলে নতমস্তকে চাকরি করে, যে ব্রাহ্মণ আপনার অবকাশ বিক্রয় করে, আপনার মহান্ অধিকারকে বিসর্জন দেয়, যে ব্রাহ্মণ বিচারালয়ে বিচারালয়ে বিচারব্যবসায়ী, যে ব্রাহ্মণ পরসার পরিবর্তে আপনার ব্রাহ্মণ্যকে ধিক্কৃত করিয়াছে— সে আপন আদর্শ রক্ষা করিবে কী করিয়া? সমাজ রক্ষা করিবে কী করিয়া? শ্রদ্ধার সহিত তাহার নিকট কর্মের বিধান লইতে বাইব কী বলিয়া? সে তো সর্বসাধারণের সহিত সমানভাবে মিশিয়া ঘর্মান্তকলেশেরে কাড়াকাড়ি-ঠেলাঠেলির কাজে ভিড়িয়া গেছে। ভক্তির দ্বারা সে ব্রাহ্মণ তো সমাজকে উর্ধে আকৃষ্ট করে না, নিম্নেই লইয়া যায়।

এ কথা জানি কোনো সম্প্রদায়ের প্রত্যেক লোকই কোনো কালে আপনার ধর্মকে বিশুদ্ধভাবে রক্ষা করে না, অনেকে খলিত হয়। অনেকে ব্রাহ্মণ হইয়াও কত্রিয় ও বৈশ্যের স্থায় আচরণ করিয়াছে, পুরাণে এরূপ উদাহরণ দেখা যায়। কিন্তু তবু যদি সম্প্রদায়ের মধ্যে আদর্শ সজীব থাকে, ধর্মপালনের চেষ্টা থাকে, কেহ আগে যাক কেহ পিছাইয়া পড়ুক, কিন্তু সেই পথের পথিক যদি থাকে, যদি এই আদর্শের প্রত্যক্ষ দৃষ্টান্ত অনেকের মধ্যে দেখিতে পাওয়া যায়, তবে সেই চেষ্টার দ্বারা, সেই সাধনার দ্বারা, সেই সফলতাপ্রাপ্ত ব্যক্তিদের দ্বারাই সমস্ত সম্প্রদায় সার্থক হইয়া থাকে।

আমাদের আধুনিক ব্রাহ্মণসমাজে সেই আদর্শই নাই। সেই জন্তই ব্রাহ্মণের ছেলে ইংরাজি শিখিলেই ইংরাজি কেতা ধরে— পিতা তাহাতে অসন্তুষ্ট হন না। কেন এম. এ-পাস-করা মুখোপাধ্যায়, বিজ্ঞানবিৎ চট্টোপাধ্যায়, যে বিদ্যা পাইয়াছেন তাহা ছাত্রকে ঘরে ডাকিয়া আসন হইয়া বসিয়া বিতরণ করিতে পারেন না? সমাজকে শিক্ষাধানে ধনী করিবার গৌরব হইতে কেন তাঁহারা নিজেকে ও ব্রাহ্মণসমাজকে বঞ্চিত করেন?

তাঁহারা জিজ্ঞাসা করিবেন, খাইব কী? যদি কালিয়া-পোলোয়া না খাইলেও চলে, তবে নিশ্চয়ই সমাজ আপনি আসিয়া যাচিয়া খাওয়াইয়া যাইবে। তাঁহাদের নহিলে সমাজের চলিবে না, পায়ে ধরিয়া সমাজ তাঁহাদিগকে রক্ষা করিবে। আজ তাঁহারা বেতনের জন্ত হাত পাতেন, সেই জন্ত সমাজ রসিদ লইয়া টিপিয়া টিপিয়া তাঁহাদিগকে বেতন দেয় ও কড়ায় গণ্ডায় তাঁহাদের কাছ হইতে কাজ আদায় করিয়া লয়। তাঁহারাও কলের মতো বাঁধা নিয়মে কাজ করেন; শ্রদ্ধা দেনও না, শ্রদ্ধা পানও না— উপরন্তু মাঝে মাঝে সাহেবের পাছকা পৃষ্ঠে বহন করা -রূপ অত্যন্ত তুচ্ছ ঘটনার সুবিখ্যাত উপলক্ষ্য হইয়া উঠেন।

আমাদের সমাজে ব্রাহ্মণের কাজ পুনরায় আরম্ভ হইবে, এ সম্ভাবনাকে আমি সুদূরপর্যন্ত মনে করি না এবং এই আশাকে আমি লঘুভাবে মন হইতে অপসারিত করিতে পারি না। ভারতবর্ষের চিরকালের প্রকৃতি তাহার কণকালের বিকৃতিকে সংশোধন করিয়া লইবেই।

এই পুনর্জাগৃত ব্রাহ্মণসমাজের কাজে অত্রাহ্মণ অনেকেও যোগ দিবেন। প্রাচীন ভারতেও ব্রাহ্মণের অনেক ব্রাহ্মণের ব্রত গ্রহণ করিয়া জ্ঞানচর্চা ও উপদেষ্টার কাজ করিয়াছেন, ব্রাহ্মণও তাঁহাদের কাছে শিক্ষালাভ করিয়াছেন, এমন দৃষ্টান্তের অভাব নাই।

প্রাচীনকালে যখন ব্রাহ্মণই একমাত্র বিজ্ঞ ছিলেন না, ক্ষত্রিয়-বৈশ্যও বিজ্ঞ-সম্প্রদায়ভুক্ত ছিলেন, যখন ব্রহ্মচর্য অবলম্বন করিয়া উপযুক্ত শিক্ষালাভের দ্বারা ক্ষত্রিয়-বৈশ্যের উপনয়ন হইত, তখনই এ দেশে ব্রাহ্মণের আদর্শ উজ্জল ছিল। কারণ, চারি দিকের সমাজ যখন অবনত তখন কোনো বিশেষ সমাজ আগনাকে উন্নত রাখিতে পারে না, ক্রমেই নিয়ের আকর্ষণ তাহাকে নীচের স্তরে লইয়া আসে।

ভারতবর্ষে যখন ব্রাহ্মণই একমাত্র বিজ্ঞ অবশিষ্ট রহিল— যখন তাহার আদর্শ স্মরণ করাইয়া দিবার জন্য, তাহার নিকট ব্রাহ্মণত্ব দাবি করিবার জন্য, চারি দিকে আর কেহই রহিল না— তখন তাহার বিজ্ঞত্বের বিশুদ্ধ কঠিন আদর্শ ক্রমবেগে স্রষ্ট হইতে লাগিল। তখনই সে জ্ঞানে বিশ্বাসে রুচিতে ক্রমশ নিকট অধিকারীর দলে আসিয়া উত্তীর্ণ হইল। চারি দিকে যেখানে গোলপাতার কুঁড়ে সেখানে নিজের বিশিষ্টতা রক্ষা করিতে হইলে একটা আটচালা বাঁধিলেই যথেষ্ট— সেখানে সাত-মহল প্রাসাদ নির্মাণ করিয়া তুলিবার ব্যয় ও চেষ্টা স্বীকার করিতে সহজেই অপ্রবৃত্তি জন্মে।

প্রাচীনকালে ব্রাহ্মণ-ক্ষত্রিয়-বৈশ্য বিজ্ঞ ছিল, অর্থাৎ সমস্ত আর্ষসমাজই বিজ্ঞ ছিল; শূদ্র বলিতে যে-সকল লোককে বুঝাইত তাহারা সাঁওতাল ভিল কোল ধাঙড়ের দলে ছিল। আর্ষসমাজের সহিত তাহাদের শিক্ষা রীতিনীতি ও ধর্মের সম্পূর্ণ ঐক্যস্থাপন একেবারেই অসম্ভব ছিল। কিন্তু তাহাতে কোনো ক্ষতি ছিল না, কারণ, সমস্ত আর্ষসমাজই বিজ্ঞ ছিল— অর্থাৎ আর্ষসমাজের শিক্ষা একই রূপ ছিল। প্রভেদ ছিল কেবল কর্মে। শিক্ষা একই থাকায় পরস্পর পরস্পরকে আদর্শের বিশুদ্ধিরক্ষায় সম্পূর্ণ আত্মকূল্য করিতে পারিত। ক্ষত্রিয় এবং বৈশ্য ব্রাহ্মণকে ব্রাহ্মণ হইতে সাহায্য করিত এবং ব্রাহ্মণও ক্ষত্রিয়-বৈশ্যকে ক্ষত্রিয়-বৈশ্য হইতে সাহায্য করিত। সমস্ত সমাজের শিক্ষার আদর্শ সমান উন্নত না হইলে এরূপ কখনোই ঘটিতে পারে না।

বর্তমান সমাজেরও যদি একটা মাথার দরকার থাকে, সেই মাথাকে যদি উন্নত করিতে হয় এবং সেই মাথাকে যদি ব্রাহ্মণ বলিয়া গণ্য করা যায়, তবে তাহার স্বত্বকে ও গ্রীবাকে একেবারে মাটির সমান করিয়া রাখিলে চলিবে না। সমাজ উন্নত না হইলে তাহার মাথা উন্নত হয় না, এবং সমাজকে সর্বপ্রথমে উন্নত করিয়া রাখাই সেই মাথার কাজ।

আমাদের বর্তমান সমাজের ভঙ্গসম্প্রদায়— অর্থাৎ বৈশ্য কারু ও বণিক-সম্প্রদায়—সমাজ যদি ইহাদিগকে বিজ্ঞ বলিয়া গণ্য না করে তবে ব্রাহ্মণের আর উত্থানের আশা নাই। এক পায়ে দাঁড়াইয়া সমাজ বকবৃত্তি করিতে পারে না।

বৈষ্ণৱা তো উপবীত গ্রহণ করিয়াছেন। মাঝে মাঝে কায়স্থেরা বলিতেছেন তাঁহারা ক্ষত্রিয়, বণিকেরা বলিতেছেন তাঁহারা বৈশ্য—এ কথা অবিশ্বাস করিবার কোনো কারণ দেখি না। আকারপ্রকার বুদ্ধি ও ক্ষমতা, অর্থাৎ আর্ষত্বের লক্ষণে, বর্তমান ব্রাহ্মণের সহিত ইহাদের প্রভেদ নাই। বঙ্গদেশের যে-কোনো সত্য পইতা না দেখিলে, ব্রাহ্মণের সহিত কায়স্থ সুবর্ণবণিক প্রভৃতিদের তফাত করা অসম্ভব। কিন্তু ষ্ঠার্থ অনাৰ্য অর্থাৎ ভারতবর্ষীয় বস্তুজাতির সহিত তাঁহাদের তফাত করা সহজ। বিশুদ্ধ আর্ষরক্তের সহিত অনাৰ্যরক্তের মিশ্রণ হইয়াছে, তাহা আমাদের বর্ণ আকৃতিতে ধর্মে আচারে ও মানসিক দুর্বলতায় স্পষ্ট বুঝা যায়—কিন্তু সে মিশ্রণ ব্রাহ্মণ ক্ষত্রিয় বৈশ্য সকল সম্প্রদায়ের মধ্যেই রহিয়াছে।

তথাপি এই মিশ্রণ এবং বৌদ্ধযুগের সামাজিক অরাজকতার পরেও সমাজ ব্রাহ্মণকে একটা বিশেষ গণ্ডি দিয়া রাখিয়াছে। কারণ, আমাদের সমাজের বেরূপ গঠন, তাহাতে ব্রাহ্মণকে নহিলে তাহার সকল দিকেই বাধে, আত্মরক্ষার জন্ত যেমন-তেমন করিয়া ব্রাহ্মণকে সংগ্রহ করিয়া রাখা চাই। আধুনিক ইতিহাসে এমনও দেখা যায়, কোনো কোনো স্থানে বিশেষ-প্রয়োজন-বশত রাজা পইতা দিয়া এক দল ব্রাহ্মণ তৈরি করিয়াও লইয়াছেন। বাংলাদেশে যখন ব্রাহ্মণেরা আচারে ব্যবহারে বিগ্ৰাবুদ্ধিতে ব্রাহ্মণ হারাইয়াছিলেন তখন রাজা বিদেশ হইতে ব্রাহ্মণ আনাইয়া সমাজের কাজ চালাইতে বাধ্য হইয়াছিলেন। এই ব্রাহ্মণ যখন চারি দিকের প্রভাবে নত হইয়া পড়িতেছিল তখন রাজা কৃত্রিম উপায়ে কৌলীন্য স্থাপন করিয়া ব্রাহ্মণের নির্বাণোন্মুখ মর্মানাকে খোঁচা দিয়া জাগাইতেছিলেন। অপর পক্ষে, কৌলীন্যে বিবাহসম্বন্ধে বেরূপ বর্বরতার সৃষ্টি করিল তাহাতে এই কৌলীন্যই বর্ণমিশ্রণের এক গোপন উপায় হইয়া উঠিয়াছিল।

যাহাই হউক, শাস্ত্রবিহিত ক্রিয়াকর্ম রক্ষার জন্ত, বিশেষ আবশ্যকতাবশতই, সমাজ বিশেষ চেষ্টায় ব্রাহ্মণকে স্বতন্ত্রভাবে নির্দিষ্ট করিয়া রাখিতে বাধ্য হইয়াছিল। ক্ষত্রিয়-বৈশ্যদিগকে সেরূপ বিশেষভাবে তাহাদের পূর্বতন আচারকাঠিন্যের মধ্যে বদ্ধ করিবার কোনো অত্যাশঙ্কতা বাংলাসমাজে ছিল না। যে খুশি যুদ্ধ করুক, বাণিজ্য করুক, তাহাতে সমাজের বিশেষ কিছু আসিত বাইত না—এবং যাহারা যুদ্ধ বাণিজ্য কৃষি শিল্পে নিযুক্ত থাকিবে তাহাদিগকে বিশেষ চিহ্নের দ্বারা পৃথক করিবার কিছুমাত্র প্রয়োজন ছিল না। ব্যবসায় লোকে নিজের গরজেই করে, কোনো বিশেষ ব্যবস্থার অপেক্ষা রাখে না—ধর্মসম্বন্ধে সে বিধি নহে; তাহা প্রাচীন নিয়মে আবদ্ধ, তাহার আয়োজন রীতিপদ্ধতি আমাদের স্বেচ্ছাবিহিত নহে।

অতএব জড়প্রাপ্ত সমাজের শৈথিল্যবশতই এক সময়ে কত্রিয়-বৈশ্ব আগন অধিকার হইতে বৃষ্ট হইয়া এককার হইয়া গেছে। তাঁহারা যদি সচেতন হন, যদি তাঁহারা নিজের অধিকার স্বার্থভাবে গ্রহণ করিবার জন্য অগ্রসর হন, নিজের গৌরব স্বার্থভাবে প্রমাণ করিবার জন্য উত্তত হন, তবে তাহাতে সমস্ত সমাজের পক্ষে মঙ্গল, ব্রাহ্মণদের পক্ষে মঙ্গল।

ব্রাহ্মণদিগকে নিজের স্বার্থ গৌরব লাভ করিবার জন্য যেমন প্রাচীন আদর্শের দিকে বাইতে হইবে, সমস্ত সমাজকেও তেমনি বাইতে হইবে; ব্রাহ্মণ কেবল একলা বাইবে এবং আর-সকলে যে যেখানে আছে সে সেইখানেই পড়িয়া থাকিবে, ইহা হইতেই পারে না। সমস্ত সমাজের এক দিকে গতি না হইলে তাহার কোনো এক অংশ সিদ্ধিলাভ করিতে পারে না। যখন দেখিব আমাদের দেশের কারস্ব ও বণিক-গণ আপনাদিগকে প্রাচীন কত্রিয় ও বৈশ্ব-সমাজের সহিত যুক্ত করিয়া বৃহৎ হইবার, বহু পুরাতনের সহিত এক হইবার চেষ্টা করিতেছেন এবং প্রাচীন ভারতের সহিত আধুনিক ভারতকে সম্মিলিত করিয়া আমাদের জাতীয় সত্তাকে অবিচ্ছিন্ন করিবার চেষ্টা করিতেছেন, তখনই জানিব আধুনিক ব্রাহ্মণও প্রাচীন ব্রাহ্মণের সহিত মিলিত হইয়া ভারতবর্ষীয় সমাজকে সজীবভাবে স্বার্থভাবে অখণ্ডভাবে এক করিবার কার্যে সফল হইবেন। নহিলে কেবল স্থানীয় কলহবিবাদ দলাদলি লইয়া বিদেশী প্রভাবের সাংঘাতিক অভিঘাত হইতে সমাজকে রক্ষা করা অসম্ভব হইবে, নহিলে ব্রাহ্মণের সম্মান অর্থাৎ আমাদের সমস্ত সমাজের সম্মান ক্রমে তুচ্ছ হইতে তুচ্ছতম হইয়া আসিবে।

আমাদের সমস্ত সমাজ প্রধানতই বিজসমাজ; ইহা যদি না হয়, সমাজ যদি শূদ্রসমাজ হয়, তবে কয়েকজনমাত্র ব্রাহ্মণকে লইয়া এ সমাজ যুরোপীয় আদর্শেও ধ্বংস হইবে, ভারতবর্ষীয় আদর্শেও ধ্বংস হইবে।

সমস্ত উন্নত সমাজই সমাজস্থ লোকের নিকট প্রাণের দাবি করিয়া থাকে, আপনাকে নিকট বলিয়া স্বীকার করিয়া আরামে জড়স্থখভোগে যে সমাজ আপনার অধিকাংশ লোককে প্রশ্রয় দিয়া থাকে সে সমাজ মরে, এবং নাও যদি মরে তবে তাহার মরাই ভালো।

যুরোপ কর্মের উত্তেজনায়, প্রকৃতির উত্তেজনায় সর্বদাই প্রাণ দিতে প্রস্তুত—আমরা যদি ধর্মের জন্য প্রাণ দিতে প্রস্তুত না হই তবে সে প্রাণ অপমানিত হইতে থাকিলে অভিমান প্রকাশ করা আমাদের শোভা পায় না।

যুরোপীয় সৈন্ত যুদ্ধাচরণের উত্তেজনায় ও বেতনের লোভে ও গৌরবের আশাসে প্রাণ দেয়, কিন্তু কত্রিয় উত্তেজনা ও বেতনের অভাব ঘটিলেই যুদ্ধে প্রাণ দিতে প্রস্তুত

থাকে। কারণ, যুদ্ধ সমাজের অত্যাশ্রক কর্ম, এক সম্প্রদায় যদি নিজের ধর্ম বলিয়াই সেই কঠিন কর্তব্যকে গ্রহণ করেন তবে কর্মের সহিত ধর্ম রক্ষা হয়। দেশ-যুদ্ধ সকলে মিলিয়াই যুদ্ধের জন্ত প্রস্তুত হইলে মিলিটারিজম'এর প্রাবল্যে দেশের গুরুতর অনিষ্ট ঘটে।

বাণিজ্য সমাজরক্ষার পক্ষে অত্যাশ্রক কর্ম। সেই সামাজিক আবশ্রকপালনকে এক সম্প্রদায় যদি আপন সাম্প্রদায়িক ধর্ম, আপন কৌলিক গৌরব বলিয়া গ্রহণ করেন, তবে বণিকবৃত্তি সর্বত্রই পরিব্যাপ্ত হইয়া সমাজের অগ্ন্যান্ত শক্তিকে গ্রাস করিয়া ফেলে না। তা ছাড়া কর্মের মধ্যে ধর্মের আদর্শ সর্বদাই জাগ্রত থাকে।

ধর্ম এবং জ্ঞানার্জন, যুদ্ধ এবং রাজকার্য, বাণিজ্য এবং শিল্পচর্চা—সমাজের এই তিন অত্যাশ্রক কর্ম। ইহার কোনোটাকেই পরিত্যাগ করা যায় না। ইহার প্রত্যেকটিকেই ধর্মগৌরব কুলগৌরব দান করিয়া সম্প্রদায়বিশেষের হস্তে সমর্পণ করিলে তাহাদিগকে সীমাবদ্ধও করা হয়, অথচ বিশেষ উৎকর্ষসাধনেরও অবসর দেওয়া হয়।

কর্মের উত্তেজনাই পাছে কর্তা হইয়া আমাদের আত্মাকে অভিভূত করিয়া দেয়, ভারতবর্ষের এই আশঙ্কা ছিল। তাই ভারতবর্ষে সামাজিক মানুষটি লড়াই করে, বাণিজ্য করে, কিন্তু নিত্যমানুষটি, সমগ্র মানুষটি শুধুমাত্র সিপাই নহে, শুধুমাত্র বণিক নহে। কর্মকে কুলব্রত করিলে, কর্মকে সামাজিক ধর্ম করিয়া তুলিলে, তবে কর্মসাধনও হয়, অথচ সেই কর্ম আপন সীমা লঙ্ঘন করিয়া, সমাজের সামঞ্জস্য ভঙ্গ করিয়া, মানুষের সমস্ত মনুষ্যত্বকে আচ্ছন্ন করিয়া, আত্মার রাজসিংহাসন অধিকার করিয়া বসে না।

ঐহারা দ্বিজ তাঁহাদিগকে এক সময় কর্ম পরিত্যাগ করিতে হয়। তখন তাঁহারা আর ব্রাহ্মণ নহেন, ক্ষত্রিয় নহেন, বৈশ্য নহেন— তখন তাঁহারা নিত্যকালের মানুষ— তখন কর্ম তাঁহাদের পক্ষে আর ধর্ম নহে, স্তত্রাং অনায়াসে পরিহার্য। এইরূপে দ্বিজসমাজ বিজ্ঞা এবং অবিজ্ঞা উভয়কেই রক্ষা করিয়াছিলেন— তাঁহারা বলিয়াছিলেন, অবিজ্ঞা মৃত্যুং তীর্ন্থা বিজ্ঞামৃতমশ্নুতে, অবিজ্ঞার দ্বারা মৃত্যু উত্তীর্ণ হইয়া বিজ্ঞার দ্বারা অমৃত লাভ করিবে। এই সংসারই মৃত্যুনিকেতন, ইহাই অবিজ্ঞা— ইহাকে উত্তীর্ণ হইতে হইলে ইহার ভিতর দিয়াই বাইতে হয়; কিন্তু এমনভাবে বাইতে হয়, যেন ইহাই চরম না হইয়া উঠে। কর্মকেই একান্ত প্রাধান্ত দিলে সংসারই চরম হইয়া উঠে; মৃত্যুকে উত্তীর্ণ হওয়া যায় না; অমৃত লাভ করিবার লক্ষ্যই ভ্রষ্ট হয়, তাহার অবকাশই থাকে না। এইজন্যই কর্মকে সীমাবদ্ধ করা, কর্মকে ধর্মের সহিত যুক্ত করা—

কর্মকে প্রবৃত্তির হাতে, উত্তেজনার হাতে, কর্মজনিত বিপুল বেগের হাতে, ছাড়িয়া না দেওয়া— এবং এইজন্যই ভারতবর্ষে কর্মভেদ বিশেষ বিশেষ জনশ্রেণীতে নির্দিষ্ট করা।

ইহাই আদর্শ। ধর্ম ও কর্মের সামঞ্জস্য রক্ষা করা এবং মানুষের চিত্ত হইতে কর্মের নানা পাশ শিথিল করিয়া তাহাকে এক দিকে সংসারব্রতপরায়ণ অন্য দিকে মুক্তির অধিকারী করিবার অন্য কোনো উপায় তো দেখি না। এই আদর্শ উন্নততম আদর্শ, এবং ভারতবর্ষের আদর্শ। এই আদর্শে বর্তমান সমাজকে সাধারণভাবে অধিকৃত ও চালিত করিবার উপায় কী, তাহা আমাদের চিন্তা করিতে হইবে। সমাজের সমস্ত বন্ধন ছেদন করিয়া কর্মকে ও প্রবৃত্তিকে উদ্বাস করিয়া তোলা— সেজন্য কাহাকেও চেষ্টা করিতে হয় না। সমাজের সে অবস্থা জড়ত্বের দ্বারা, শৈথিল্যের দ্বারা আপনি আসিতেছে।

বিদেশী শিক্ষার প্রাবল্যে, দেশের অর্থনৈতিক অবস্থার প্রতিকূলতায়, এই ভারতবর্ষীয় আদর্শ সম্বন্ধে এবং সহজে সমস্ত সমাজকে অধিকার করিতে পারিবে না— ইহা আমি জানি। কিন্তু যুরোপীয় আদর্শ অবলম্বন করাই যে আমাদের পক্ষে সহজ এ ছুরাশাও আমার নাই। সর্বপ্রকার আদর্শ পরিত্যাগ করাই সর্বাপেক্ষা সহজ, এবং সেই সহজ পথই আমরা অবলম্বন করিয়াছি। যুরোপীয় সভ্যতার আদর্শ এমন একটা আলাগা জিনিস নহে যে, তাহা পাকা ফলটির মতো পাড়িয়া লইলেই কবলের মধ্যে অনায়াসে স্থান পাইতে পারে।

সকল পুরাতন ও বৃহৎ আদর্শের মধ্যেই বিনাশ ও রক্ষার একটি সামঞ্জস্য আছে। অর্থাৎ তাহার যে শক্তি বাড়াবাড়ি করিয়া মরিতে চায়, তাহার অন্য শক্তি তাহাকে সংযত করিয়া রক্ষা করে। আমাদের শরীরেও যন্ত্রবিশেষের যতটুকু কাজ প্রয়োজনীয়, তাহার অতিরিক্ত অনিষ্টকর, সেই কাজটুকু আদায় করিয়া সেই অকাজটুকুকে বহিষ্কৃত করিবার ব্যবস্থা আমাদের শরীরতন্ত্রে রহিয়াছে; পিত্তের দরকারটুকু শরীর লয়, অদরকারটুকু বর্জন করিবার ব্যবস্থা করিতে থাকে।

এই-সকল সুব্যবস্থা অনেক দিনের ক্রিয়া প্রক্রিয়া প্রতিক্রিয়া-দ্বারা উৎকর্ষ লাভ করিয়া সমাজের শরীরবিধানকে পরিণতি দান করিয়াছে। আমরা অন্তের নকল করিবার সময় সেই সমগ্র স্বাভাবিক ব্যবস্থাটি গ্রহণ করিতে পারি না। সুতরাং অন্য সমাজে যাহা ভালো করে, নকলকারীর সমাজে তাহাই মন্দের কারণ হইয়া উঠে। যুরোপীয় মানবপ্রকৃতি স্বদীর্ঘকালের কার্যে যে সভ্যতাবৃক্ষটিকে ফলবান করিয়া তুলিয়াছে, তাহার ছটো-একটা ফল চাহিয়া-ক্রিয়য়া লইতে পারি, কিন্তু

সমস্ত বুদ্ধকে আপনায় করিতে পারি না। তাহাদের সেই অতীতকাল আমাদের অতীত।

কিন্তু আমাদের ভারতবর্ষের অতীত যদি বা যত্নের অভাবে আমাদের কাছে ফল দেওয়া বন্ধ করিয়াছে, তবু সেই বৃহৎ অতীত ধ্বংস হয় নাই, হইতে পারে না; সেই অতীতই ভিতরে থাকিয়া আমাদের পরের নকলকে বারংবার অসংগত ও অকৃতকার্য করিয়া তুলিতেছে। সেই অতীতকে অবহেলা করিয়া যখন আমরা নূতনকে আনি তখন অতীত নিঃশব্দে তাহার প্রতিশোধ লয়—নূতনকে বিনাশ করিয়া, পচাইয়া, বায়ু দূষিত করিয়া দেয়। আমরা মনে করিতে পারি, এইটে আমাদের নূতন দরকার, কিন্তু অতীতের সঙ্গে সম্পূর্ণ আপোষে যদি রক্ষা নিষ্পত্তি না করিয়া লইতে পারি, তবে আবশ্যকের দোহাই পাড়িয়াই যে দেউড়ি খোলা পাইব তাহা কিছুতেই নহে। নূতনটাকে সিঁধ কাটিয়া প্রবেশ করাইলেও, নূতনে পুরাতনে মিশ না খাইলে সমস্তই পণ্ড হয়।

সেইজন্য আমাদের অতীতকেই নূতন বল দিতে হইবে, নূতন প্রাণ দিতে হইবে। শুধুভাবে শুধু বিচারবিতর্কের দ্বারা সে প্রাণসঞ্চার হইতে পারে না। বেক্রম ভাবে চলিতেছে সেইরূপ ভাবে চলিয়া যাইতে দিলেও কিছুই হইবে না। প্রাচীন ভারতের মধ্যে যে একটি মহান্ ভাব ছিল, যে ভাবের আনন্দে আমাদের মুক্তহৃদয় পিতামহগণ ধ্যান করিতেন, ত্যাগ করিতেন, কাজ করিতেন, প্রাণ দিতেন, সেই ভাবের আনন্দে, সেই ভাবের অমৃত্যুতে আমাদের জীবনকে পরিপূর্ণ করিয়া তুলিলে, সেই আনন্দই অপূর্ব শক্তিবলে বর্তমানের সহিত অতীতের সমস্ত বাধাগুলি অভাবনীয়রূপে বিলুপ্ত করিয়া দিবে। অটল ব্যাখ্যার দ্বারা আঁতু করিবার চেষ্টা না করিয়া, অতীতের রসে হৃদয়কে পরিপূর্ণ করিয়া দিতে হইবে। তাহা দিলেই আমাদের প্রকৃতি আপনায় কাজ আপনি করিতে থাকিবে। সেই প্রকৃতি যখন কাজ করে তখনই কাজ হয়— তাহার কাজের হিসাব আমরা কিছুই জানি না—কোনো বুদ্ধিমান লোকে বা বিদ্বান লোকে এই কাজের নিয়ম বা উপায় কোনোমতেই আগে হইতে বলিয়া দিতে পারে না। তর্কের দ্বারা তাহারা যেগুলিকে বাধা মনে করে সেই বাধাগুলিও সহায়তা করে, যাহাকে ছোটো বলিয়া প্রমাণ করে সেও বড়ো হইয়া উঠে।

কোনো জিনিসকে চাই বলিলেই পাওয়া যায় না—অতীতের সাহায্য এক্ষণে আমাদের দরকার হইয়াছে বলিলেই যে তাহাকে সর্বতোভাবে পাওয়া যাইবে তাহা কখনোই না। সেই অতীতের ভাবে যখন আমাদের বুদ্ধি-মন-প্রাণ অতিবিকৃত হইয়া উঠিবে তখন দেখিতে পাইব, নব নব আকারে নব নব বিকাশে আমাদের

কাছে সেই পুরাতন, নবীন হইয়া, প্রকৃত হইয়া, ব্যক্ত হইয়া উঠিয়াছে— তখন তাহা অশানশব্যার নীরস ইন্ধন নহে, জীবননিকুঞ্জের কলবান বৃক্ষ হইয়া উঠিয়াছে।

অকস্মাৎ উদ্বেলিত সমুদ্রের বস্তুর জ্ঞান যখন আমাদের সমাজের মধ্যে তাবের, আনন্দ প্রবাহিত হইবে তখন আমাদের দেশে এই-সকল প্রাচীন নদীপথগুলিই কূলে কূলে পরিপূর্ণ হইয়া উঠিবে। তখন স্বভাবতই আমাদের দেশ ব্রাহ্মচর্মে জাগিয়া উঠিবে, সামসংগীতধ্বনিতে জাগিয়া উঠিবে, ব্রাহ্মণে কজিরে বৈশ্বে জাগিয়া উঠিবে। যে পাখিরা প্রভাতকালে ভগোবনে গান গাহিত তাহারাই গাহিয়া উঠিবে, ঝাড়ের কাকাতুরা বা খাঁচার কেনারি-নাইটিভেল নহে।

আমাদের সমস্ত সমাজ সেই প্রাচীন বিজয়কে লাভ করিবার জন্য চঞ্চল হইয়া উঠিতেছে, প্রত্যহ তাহার পরিচয় পাইয়া মনে আশার সঞ্চার হইতেছে। এক সময় আমাদের হিন্দু গোপন করিবার, বর্জন করিবার জন্য আমাদের চেষ্টা হইয়াছিল— সেই আশায় আমরা অনেক দিন চাঁদনির দোকানে ফিরিয়াছি ও চৌরছি-অঞ্চলের দেউড়িতে হাজরি দিয়াছি। আজ যদি আপনাদিগকে ব্রাহ্মণ কজির বৈশ্ব বলিয়া প্রতিপন্ন করিবার উচ্চাকাঙ্ক্ষা আমাদের মনে জাগিয়া থাকে, যদি আমাদের সমাজকে পৈতৃক গৌরবে গৌরবান্বিত করিয়াই মহত্ত্বলাভ করিতে ইচ্ছা করিয়া থাকি, তবে তো আমাদের আনন্দের দিন। আমরা ফিরিঙ্গি হইতে চাই না, আমরা বিজ হইতে চাই। ক্ষুদ্র বুদ্ধিতে ইহাতে ধাহারা বাধা দিয়া অনর্থক কলহ করিতে বসেন, তর্কের ধূলায় ইহার সূদূরব্যাপী সফলতা ধাহারা না দেখিতে পান, বৃহৎ ভাবের মহত্বের কাছে আপনাদের ক্ষুদ্র পাণ্ডিত্যের ব্যর্থ বাদবিবাদ ধাহারা লজ্জার সহিত নিরস্ত না করেন, তাঁহারা যে সমাজের আশ্রয়ে মাহুয হইয়াছেন সেই সমাজেরই শত্রু। দীর্ঘকাল হইতে ভারতবর্ষ আপন ব্রাহ্মণ কজির বৈশ্ব-সমাজকে আহ্বান করিতেছে। যুরোপ তাহার জ্ঞানবিজ্ঞানকে বহুতর ভাগে বিভক্ত বিচ্ছিন্ন করিয়া তুলিয়া বিহ্বল বুদ্ধিতে তাহার মধ্যে সম্প্রতি ঐক্য সন্ধান করিয়া ফিরিতেছে— ভারতবর্ষের সেই ব্রাহ্মণ কোথায় যিনি স্বভাবসিদ্ধপ্রতিভাবলে অতি অনায়াসেই সেই বিপুল জটিলতার মধ্যে ঐক্যের নিগূঢ় সরল পথ নির্দেশ করিয়া দিবেন? সেই ব্রাহ্মণকে ভারতবর্ষ নগরকোলাহল ও স্বার্থসংগ্রামের বাহিরে ভগোবনে ধ্যানাসনে অধ্যাপকের বেদীতে আহ্বান করিতেছে— ব্রাহ্মণকে তাহার সমস্ত অবমাননা হইতে দূরে আকর্ষণ করিয়া ভারতবর্ষ আপনার অবমাননা দূর করিতে চাহিতেছে। বিধাতার আশীর্বাদে ব্রাহ্মণের পাছুকাষাতলাভ হয়তো ব্যর্থ হইবে না। নিজা অভ্যন্ত গভীর হইলে এইরূপ নিষ্ঠুর আঘাতেই তাহা ভাঙাইতে হয়। যুরোপের কর্মিগণ কর্মজালে জড়িত

হইয়া তাহা হইতে নিষ্কৃতির কোনো পথ খুঁজিয়া পাইতেছে না, সে নানা দিকে নানা আঘাত করিতেছে— ভারতবর্ষে ষাঁহার ক্রান্তব্রত বৈশ্রব্রত গ্রহণ করিবার অধিকারী আজ তাঁহার ধর্মের দ্বারা কর্মকে জগতে গৌরবাস্থিত করুন— তাঁহার প্রবৃত্তির অহুরোধে নহে, উত্তেজনার অহুরোধে নহে, ধর্মের অহুরোধেই অবিচলিত নিষ্ঠার সহিত, ফলকামনায় একান্ত আসক্ত না হইয়া, প্রাণ সমর্পণ করিতে প্রস্তুত হউন। নতুবা ব্রাহ্মণ প্রতিদিন শূদ্র, সমাজ প্রত্যহ ক্ষুদ্র এবং প্রাচীন ভারতবর্ষের মাহাত্ম্য ষাাঁহা অটল পর্বতশৃঙ্গের গায় দৃঢ় ছিল তাহা দূরশ্বত ইতিহাসের দিকপ্রান্তে মেঘের গায়, কুহেলিকার গায়, বিলীন হইয়া যাইবে এবং কর্মক্লাস্ত একটি বৃহৎ কেরানি-সম্প্রদায় এক পাটি বৃহৎ পাদুকা প্রাণপণে আকর্ষণ করিয়া ক্ষুদ্র কৃষ্ণপিপীলিকাশ্রেণীর মতো মৃত্তিকাতলবর্তী বিবরের অভিমুখে ধাবিত হওয়াকেই জীবনযাত্রা নির্বাহের একমাত্র পদ্ধতি বলিয়া গণ্য করিবে।

আঘাট ১৩০২

চীনেম্যানের চিঠি

‘জন চীনেম্যানের চিঠি’ বলিয়া একখানি চিঠি বই ইংরাজিতে বাহির হইয়াছে। চিঠিগুলি ইংরাজকে সম্বোধন করিয়া লেখা হইয়াছে। লেখক নিজের বিষয়ে বলেন—

‘দীর্ঘকাল ইংলণ্ডে বাস করার দরুন তোমাদের (ইংরাজদের) আচার অহুষ্ঠান-সম্বন্ধে কথা কহিবার কিছু অধিকার আমার জন্মিয়াছে। অপর পক্ষে, স্বদেশ হইতে দূরে আছি বলিয়া আমাদের সম্বন্ধেও আলোচনা করিবার ক্ষমতা খোওয়াইয়া বসি নাই। চীনেম্যান সর্বত্রই সর্বদাই চীনেম্যানই থাকে; এবং কোনো কোনো বিশেষ দিক হইতে বিলাতি সভ্যতাকে আমি যতই পছন্দ করি-না কেন, এখনো ইহার মধ্যে এমন কিছু দেখি নাই ষাাঁহাতে পূর্বদেশের মানুষ হইয়া জন্মিয়াছি বলিয়া আমার মনে কোনোপ্রকার ক্ষোভ হইতে পারে।’

ইংরাজি ভাষায় লেখকের অসামান্য দখল দেখিলেই বুঝা যায় যে, ইংরাজি শিক্ষায় ইনি পাকা হইয়াছেন— এইজন্য বিলাত সম্বন্ধে ইনি ষাাঁহা বলিয়াছেন তাহাকে নিতান্ত অনভিজ্ঞ লোকের অত্যাক্তি বলিয়া গণ্য করা যায় না।

এই ছোটো বইখানি পড়িয়া আমরা বিশেষ আনন্দ ও বল পাইয়াছি। ইহা হইতে দেখিয়াছি, এশিয়ার ভিন্ন ভিন্ন জাতির মধ্যে একটি গভীর ও বৃহৎ ঐক্য আছে। চীনের সঙ্গে ভারতবর্ষের প্রাণের মিল দেখিয়া আমাদের প্রাণ বেন বাড়িয়া যায়। শুধু তাহাই নহে; এশিয়া যে চিরকাল যুরোপের আদালতেই আসামী হইয়া দাঁড়াইয়া তাহার বিচারকেই বেদবাক্য বলিয়া শিরোধার্য করিবে, স্বীকার করিবে যে আমাদের সমাজের বারো আনা অংশকেই একেবারে ভিত্তহীন করিয়া বিলাতি এঞ্জিনিয়ারের প্ল্যান-অনুসারে বিলাতি ইটকাঠ দিয়া গড়াই আমাদের পক্ষে একমাত্র শ্রেয়, এই কথাটা ঠিক নহে— আমাদের বিচারালয়ে যুরোপকে দাঁড় করাইয়া তাহারও মারাত্মক অনেকগুলি গলদ আলোচনা করিয়া দেখিবার আছে, এই বইখানি হইতে সেই ধারণা আমাদের মনে একটু বিশেষ জোর পায়। প্রথমত ভারতবর্ষের সভ্যতা এশিয়ার সভ্যতার মধ্যে ঐক্য পাইয়াছে ইহাতেও আমাদের বল; দ্বিতীয়ত এশিয়ার সভ্যতার এমন একটি গৌরব আছে বাহা সত্য বলিয়াই প্রাচীন হইয়াছে, বাহা সত্য বলিয়াই চিরন্তন হইবার অধিকারী, ইহাতেও আমাদের বল।

সম্প্রতি আমাদের মধ্যে একটা চঞ্চলতা জন্মিয়াছে; আমাদের স্বাধীন শক্তি কোন্‌খানে প্রচ্ছন্ন হইয়া আছে তাহাই সন্ধান করিয়া সেইখানে আশ্রয় লইবার জন্য আমাদের মধ্যে একটা চেষ্টা জাগিয়াছে। বিদেশীর সহিত আমাদের সংঘাত ক্রমশ যতই কঠিন হইয়া উঠিতেছে স্বদেশকে ততই বিশেষভাবে জানিবার ও পাইবার জন্য আমাদের একটা ব্যাকুলতা বাড়িয়া উঠিতেছে। দেখিতেছি, ইহা কেবল আমাদের মধ্যে নহে। যুরোপের সংঘাত সমস্ত সভ্য এশিয়াকেই সজাগ করিতেছে। এশিয়া আজ আপনাকে সচেতনভাবে, স্মরণ্যং সর্বলভাবে উপলব্ধি করিতে বসিয়াছে। বুঝিয়াছে, আত্মানং বিদ্ধি, আপনাকে জানো— ইহাই মুক্তির উপায়। পরধর্মো ভয়াবহঃ, পরের অত্মকরণেই বিনাশ।

বস্তুপ্রধান শক্তিপ্রধান সভ্যতার সম্পদ আমাদের ইন্দ্রিয়মনকে অভিভূত করিয়া দেয়। তাহার কল ক্রম চল, তাহার প্রাসাদ আকাশ স্পর্শ করে, তাহার কামান শতগুণী, তাহার বাণিজ্যজাল জগদব্যাপী— ইহা আমাদের দৃষ্টিকে আচ্ছন্ন ও বুদ্ধিকে স্তম্ভিত না করিয়া থাকিতে পারে না। কিছু না হউক, বিপুলতার একটা গায়ের জোর আছে, সেই জোরকে ঠেলিয়া উঠিয়া মনকে মোহমুক্ত করা আমাদের মতো দুর্বলের পক্ষে বড়ো কঠিন। যদি বিপুলতাগ্রস্ত এই সভ্যতার দিকেই একমাত্র আমাদের দৃষ্টি নিবদ্ধ করি তবে তাহাতে আমাদের মানসিক দুর্বলতা কেবল

বাড়িতেই থাকে, এই সত্যতাকেই একমাত্র আদর্শ বলিয়া বোধ হয়, এবং নিজের সামর্থ্যকে ও সম্পদকে একেবারে নগণ্য বলিয়া জ্ঞান হয়। ইহাতে স্বচেষ্টা পরাস্ত হয়, আত্মগৌরব দূর হয়, ভবিষ্যতের জন্ত কোনো আশা থাকে না, এবং জড়ত্বের মধ্যে অনায়াসেই আত্মসমর্পণ করিয়া নিরাপত্তির আরামে নিদ্রার অচেতনতায় সমস্ত তুলিয়া থাকিতে ইচ্ছা হয়।

বিশেষত আমাদের বর্তমান অবস্থা ধর্মে কর্মে বিজ্ঞাবুদ্ধিতে অত্যন্ত দীন। যুরোপীয় সত্যতাকে কেবল নিজের সেই দীনতার সহিত তুলনা করিয়া নিজেদের সম্বন্ধে হতাশাস হইয়া পড়ি।

এ অবস্থায় প্রথমে আমাদের বুদ্ধিতে হইবে, বস্তুপ্রধান শক্তিপ্রধান সত্যতাই একমাত্র সত্যতা নহে, ধর্মপ্রধান মঙ্গলপ্রধান সত্যতা তাহা অপেক্ষা শ্রেষ্ঠ। তাহার পরে, এই শেবোক্ত সত্যতাই আমাদের ছিল, সুতরাং শেবোক্ত সত্যতার শক্তি আমাদের প্রকৃতির মধ্যে নিহিত হইয়া আছে ইহাই জানিয়া আমাদের মাথা তুলিতে হইবে, আমাদের আশা ও আনন্দ লাভ করিতে হইবে। আমরা বর্তমান দুর্গতির মধ্যে নিজেদের বিচ্ছিন্ন ক্ষুদ্র করিয়া রাখিলে, যুরোপীয় ব্যাপারের বৃহৎ আমাদের বুদ্ধিকে দলন-পেষণ করিয়া তাহাকে আপনার চিরদাস করিয়া রাখিবে। সেই বুদ্ধির দাসত্ব, ক্রটির দাসত্ব আমরা প্রত্যহ অনুভব করিতেছি। প্রাচীন ভারতের সহিত নিজেকে সংযুক্ত করিয়া নিজেকে বড়ো করিয়া তুলিতে হইবে।

জড়পদার্থের অপেক্ষা মানুষ জটিল জিনিস, জড়শক্তি অপেক্ষা মানুষের ইচ্ছাশক্তি দুর্বলতর, এবং বাহ্যসম্পদের অপেক্ষা স্বথ অনেক বেশি দুর্বল। সেই মানুষকে আকর্ষণ করিয়া, তাহার প্রবৃত্তিকে সংযত করিয়া, তাহার ইচ্ছাশক্তিকে নিয়ন্ত্রিত করিয়া, যে সত্যতা স্বথ দিয়াছে, সম্ভাষণ দিয়াছে, আনন্দ ও মুক্তির অধিকারী করিয়াছে, সেই সত্যতার মাহাত্ম্য আমাদের যথার্থভাবে উপলব্ধি করিতে হইবে।

উপলব্ধি করা কঠিন, কারণ তাহা বস্তুপুঞ্জ এবং বাহ্যশক্তির প্রাবল্যে আমাদের ইন্দ্রিয়মনকে অতিমাত্র অধিকার করে না। সমস্ত শ্রেষ্ঠ পদার্থের জ্ঞান তাহার মধ্যে একটি নিগূঢ়তা আছে, গভীরতা আছে— তাহা বাহির হইতে গায়ে পড়িয়া অভিজুত করিয়া দেয় না, নিজের চেষ্টায় তাহার মধ্যে প্রবেশ করিতে হয়— সংবাদপত্রে তাহার কোনো বিজ্ঞাপন নাই।

এইজন্য ভারতবর্ষের প্রাচীন সত্যতাকে বস্তুর তালিকা-দ্বারা ক্ষীণ করিয়া তুলিতে পারি না বলিয়া, তাহাকে নিজের কাছে প্রত্যক্ষগোচর করিতে পারি না বলিয়া, আমরা গুপ্তকরথকে রেলগাড়ি বলিতে চেষ্টা করি এবং ধর্মকে বৈজ্ঞানিক ব্যাখ্যা-দ্বারা কুটিল

করিয়া ক্যারাডে-ভারতবর্ষের প্রতিভাকে আমাদের শাস্ত্রের বিবরণ হইতে চিনিয়া বাহির করিবার প্রয়াস পাই। এই-সকল চাতুরী-ধারাতেই বুঝা যায়, ভারতবর্ষের সত্যতাকে আমরা ঠিক বুঝিতেছি না এবং তাহা আমাদের বুদ্ধিকে সম্পূর্ণ তৃপ্ত করিতেছে না। ভারতবর্ষকে কোশলে যুরোপ বলিয়া প্রমাণ না করিলে আমরা স্থির হইতে পারিতেছি না।

ইহার একটা কারণ, যুরোপীয় সত্যতাকে যেমন আমরা অত্যন্ত ব্যাধ করিয়া দেখিতেছি, প্রাচ্য সত্যতাকে তেমন ব্যাধ করিয়া দেখিতেছি না। ভারতবর্ষীয় সত্যতাকে অশ্রান্ত সত্যতার সহিত মিলাইয়া মানবপ্রকৃতির মধ্যে তাহার একটা বৃহৎ, একটা ঋণ উপলব্ধি করিতেছি না। ভারতবর্ষকে কেবল ভারতবর্ষের মধ্যে দেখিলেই তাহার সত্যতা, তাহার স্থায়িত্বযোগ্যতা আমাদের কাছে বর্ধারূপে প্রমাণিত হয় না। এক দিকে প্রত্যক্ষ যুরোপ, আর-এক দিকে শাস্ত্রের কথা, পুঁথির প্রমাণ—এক দিকে প্রবল শক্তি, আর-এক দিকে আমাদের দোহুল্যমান বিশ্বাসমাত্র—এ-অবস্থায় সত্যতার তত্ত্বকে ভারতবর্ষের অভিমুখে স্থির করিয়া রাখাই কঠিন।

এমন সময় আমাদের সেই পুরাতন যদি চীনে ও জাপানে প্রসারিত দেখি তবে বুঝিতে পারি, মানবপ্রকৃতির মধ্যে তাহার একটা বৃহৎ স্থান আছে, তাহা কেবল পুঁথির বচনমাত্র নহে। যদি দেখি চীন ও জাপান সেই সত্যতার মধ্যে সার্থকতা অন্বেষণ করিতেছে, তবে আমাদের দীনতার অর্গোরব দূর হয়, আমাদের ধনভাগ্যের কোন্‌খানে তাহা বুঝিতে পারি।

যুরোপের বস্তা অগৎ প্রাবিত করিতে ছুটিয়াছে, তাই আজ সত্য এশিয়া আপনার পুরাতন বাধগুলিকে সন্ধান ও তাহাদিগকে দূর করিবার জন্য উদ্বৃত্ত। প্রাচ্যসত্যতা আত্মরক্ষা করিবে। যেখানে তাহার বল সেইখানে তাহাকে দাঁড়াইতে হইবে। তাহার বল ধর্মে, তাহার বল সমাজে। তাহার ধর্ম ও তাহার সমাজ যদি আপনাকে ঠেকাইতে না পারে, তবে সে মরিল। যুরোপের প্রাণ বাণিজ্যে পলিটিক্‌সে, আমাদের প্রাণ অশ্রুত। সেই প্রাণ রক্ষা করিবার জন্য এশিয়া উত্তরোত্তর ব্যগ্র হইয়া উঠিতেছে। এইখানে আমরা একাকী নহি; সমস্ত এশিয়ার সহিত আমাদের যোগ রহিয়াছে। চীনেম্যানের চিঠিগুলি তাহাই প্রমাণ করিতেছে।

লেখক তাহার প্রথম পত্রে লিখিতেছেন—

‘আমাদের সত্যতা অগতের মধ্যে সব চেয়ে প্রাচীন।

অবশ্য, ইহা হইতে প্রমাণ হয় না যে, তাহা সব চেয়ে ভালো ; তেমনি আবার ইহাও প্রমাণ হয় না যে, তাহা সব চেয়ে মন্দ । এই প্রাচীনত্বের খাতিরে অন্তত এটুকুও স্বীকার করিতে হইবে যে, আমাদের আচার অনুষ্ঠান আমাদের কাছে যে একটা স্থায়িত্বের আশাস দিয়াছে যুরোপের কোনো জাতির মধ্যে তাহা খুঁজিয়া পাওয়া ভার । আমাদের সভ্যতা কেবল যে ধ্রুব তাহা নহে, ইহার মধ্যে একটা ধর্মনীতির শৃঙ্খলা আছে ; কিন্তু তোমাদের মধ্যে কেবল একটা অর্থনৈতিক উচ্ছ্বলতা দেখিতে পাই । তোমাদের ধর্ম আমাদের ধর্মের চেয়ে ভালো কি না, এ জায়গায় আমি সে তর্ক তুলিতে চাই না— কিন্তু এটা নিশ্চয়, তোমাদের সমাজের উপর তোমাদের ধর্মের কোনো প্রভাব নাই । তোমরা খ্রীস্টানধর্ম স্বীকার কর, কিন্তু তোমাদের সভ্যতা কোনোকালেই খ্রীস্টান হয় নাই । অপর পক্ষে আমাদের সভ্যতা একেবারে অন্তরে অন্তরে কনফুশিয়ান । কনফুশিয়ান বলাও যা আর ধর্মনৈতিক বলাও তা । অর্থাৎ, ধর্মবন্ধনগুলিকেই ইহা প্রধানভাবে গণ্য করে । অপরপক্ষে অর্থনৈতিক বন্ধনকেই তোমরা প্রথম স্থান দাও, তাহার পরে যতটা পারো তাহার সঙ্গে ধর্মনীতি বাহির হইতে জুড়িয়া দিতে চেষ্টা কর ।

‘তোমাদের পরিবার এবং আমাদের পরিবার তুলনায়’ করিলেই আমার কথাটা স্পষ্ট হইবে । সমস্তান যতদিন পর্যন্ত না বয়ঃপ্রাপ্ত হইয়া নিজের ভার লইতে পারে, তোমাদের পরিবার ততদিন পর্যন্ত তাহাকে আহার দিবার ও রক্ষা করিবার একটা উপায়স্বরূপ মাত্র । যত সকাল-সকাল পারো ছেলেগুলিকে পার্থক্য স্কুলে পাঠাইয়া দাও, সেখানে তাহারা যত শীঘ্র পারে গৃহের প্রভাব হইতে নিজেদের মুক্তিদান করিয়া বসে । যেমনি তাহারা বয়ঃপ্রাপ্ত হয় অমনি তাহাদিগকে যোজ্ঞার করিতে ছাড়িয়া দাও— এবং তাহার পরে অধিকাংশ স্থলেই বাপ-মার প্রতি নির্ভর, যখনই ফুরাইল, বাপ-মার প্রতি কর্তব্যস্বীকারও অমনি শেষ হইল । তাহার পরে ছোলরা যেখানে খুশি থাক, বাহা খুশি করুক, যত খুশি পাক এবং যেমন খুশি ছড়াক, তাহাতে কাহারও কথা কহিবার নাই— পরিবারবন্ধন রক্ষা করিবে কি না-করিবে তাহা সম্পূর্ণ তাহাদের ইচ্ছা । তোমাদের সমাজে এক-একটি ব্যক্তি এক জন এবং সেই এক জনেরা ছাড়া ছাড়া ; কেহ কাহারও সহিত বন্ধ নহে, তেমনি কোথাও কাহারও শিকড় নাই । তোমাদের সমাজকে তোমরা গতিশীল বলিয়া থাক— সর্বদাই তোমরা চলিতেছ । প্রত্যেকেই নিজের অন্ত একটা নূতন রাস্তা বাহির করা কর্তব্য জ্ঞান করে । যে অবস্থার মধ্যে অনিয়াছ সেই অবস্থার মধ্যে স্থির থাকাকে তোমরা অগৌরব মনে কর । পুরুষ যদি পুরুষ হইতে চায় তবে সে সাহস করিবে, চেষ্টা করিবে, লড়াই করিবে এবং

জয়ী হইবে। এই ভাব হইতেই তোমাদের সমাজে অপরিণীত উচ্চের সৃষ্টি হইয়াছে, এবং বস্তুগত শিল্পাদির তোমরা উন্নতি করিতে পারিয়াছ। কিন্তু ইহা হইতেই তোমাদের সমাজের এত অস্থিরতা, উচ্ছ্বলতা, এবং এইজন্যই আমাদের মতে ইহার মধ্যে ধর্মভাবের অভাব। চীনেম্যানের চোখে এইটেই বিশেষ করিয়া ঠেকে। তোমাদের মধ্যে কেহই সন্তুষ্ট নও— জীবনযাত্রার আয়োজনবৃদ্ধি করিতে সকলেই এত ব্যগ্র যে, কাহারও জীবনযাত্রার অবকাশ জোটে না। মানুষের মধ্যে অর্থের সম্বন্ধকেই তোমরা স্বীকার কর।

‘পূর্বদেশীয় আমাদের কাছে ইহা বর্বরসমাজের লক্ষণ বলিয়া বোধ হয়। জীবন-যাত্রার উপকরণবৃদ্ধির মাগে আমরা সত্যতাকে মাগি না; কিন্তু সেই জীবনযাত্রার প্রকৃতি ও মূল্য-দ্বারাই আমরা সত্যতার বিচার করি। যেখানে কোনো সহৃদয় ও ধর্ম বন্ধন নাই, পুরাতনের প্রতি ভক্তি নাই, বর্তমানের প্রতিও বখার্ব শ্রদ্ধা নাই, কেবল ভবিষ্যৎকেই লুকুভাবে লুপ্তন করিবার চেষ্টা আছে, সেখানে আমাদের মতে বখার্ব সমাজই নাই। যদি তোমাদের আচার-অনুষ্ঠানের নকল না করিলে ধনে বিজ্ঞানে ও শিল্পে তোমাদের সঙ্গে টকর দেওয়া না যায়, তবে আমরা টকর না দেওয়াই ভালো মনে করি।

‘এ-সকল ব্যাপারে আমাদের পদ্ধতি তোমাদের ঠিক উল্টা। আমাদের কাছে সমাজ প্রথম, ব্যক্তিবিশেষ তাহার পরে। আমাদের মধ্যে নিয়ম এই যে, মানুষ যে-সকল সম্বন্ধের মধ্যে জন্মলাভ করে চিরজীবন তাহারই মধ্যে সে আপনাকে বন্ধা করিবে। সে তাহার পরিবারতন্ত্রের অঙ্গ হইয়া জীবন আরম্ভ করে, সেইভাবেই জীবন শেষ করে, এবং তাহার জীবননির্বাহের সমস্ত তত্ত্ব এবং অনুষ্ঠান এই অবস্থারই অনুযায়ী। সে তাহার পূর্বপুরুষদিগকে পূজা করিতে শিখিয়াছে, তাহার পিতামাতাকে ভক্তি ও মাগ্ন করিতে শিখিয়াছে এবং অল্প বয়স হইতেই পতি ও পিতার কর্তব্যসাধনের জন্ত নিজেকে প্রস্তুত করিয়াছে। বিবাহের দ্বারা পরিবারবন্ধন ছিঁড়িয়া যায় না, স্বামী পরিবারেই থাকে এবং স্ত্রী আত্মীয়কুটুম্ববর্গের অঙ্গীভূত হয়। এইরূপ এক-একটি কুটুম্বশ্রেণীই সমাজের এক-একটি অংশ। ইহার ভূমিধণ্ড, ইহার দেবপীঠ ও পূজাপদ্ধতি, আত্মীয়দের মধ্যে বিবাদমীমাংসার বিচারব্যবস্থা, এ-সমস্তই পরিবারের মধ্যে সরকারি। চীনে দেশে নিজের দোষে ছাড়া কোনো লোক একলা পড়ে না। চীনে কোনো এক জন ব্যক্তির পক্ষে তোমাদের মতো ধনী হইয়া উঠা সহজ নহে, তেমনি তাহার পক্ষে অনাহারে মরাও শক্ত; যেমন রোজগারের জন্ত অত্যন্ত ঠেলাঠেলি করিবার উত্তেজনা তাহার নাই, তেমনি প্রবন্ধন এবং গীড়ন করিবার প্রলোভনও

তাহার অন্ন। অত্যাচারের তাড়না এবং অভাবের আশঙ্কা হইতে মুক্ত হইয়া, জীবন-যাত্রার উপকরণ-উপার্জনের অবিশ্রাম চেষ্টা ছাড়িয়া, জীবনযাত্রার জগুই সে অবসর লাভ করে। প্রকৃতির দানসকল উপভোগ করিতে, শিল্পের চর্চা করিতে এবং মানুষের সঙ্গে সহৃদয় নিঃস্বার্থ সঙ্ঘর্ষ পাতাইয়া বসিতে তাহার ভিতরের স্বভাব এবং বাহিরের সুযোগ দুইই অসুস্থ। ইহার ফল হইয়াছে এই যে, ধর্মের দিকেই বল, আর মাধুর্যের দিকেই বল, তোমাদের যুরোপের অধিকাংশ অধিবাসীর চেয়ে আমাদের লোকেরা শ্রেষ্ঠতা লাভ করিয়াছে। তোমাদের কার্যকরী এবং বৈজ্ঞানিক সফলতার মহত্ব আমরা স্বীকার করি; কিন্তু স্বীকার করিয়াও, তোমাদের যে সত্যতা হইতে বড়ো বড়ো শহরে এমন রুঢ় আচার, এমন অবনত ধর্মনীতি এবং বাহ্যশোভনতার এমন বিকার উৎপন্ন হইয়াছে, সে সত্যতাকে আমরা সমস্ত মন দিয়া প্রশংসা করা অসম্ভব দেখি। তোমরা যাহাকে উন্নতিশীল জাত বল আমরা তাহা নই এ কথা মানিতে রাজি আছি, কিন্তু ইহাও দেখিতেছি, উন্নতির মূল্য সর্বনেশে হইতে পারে। তোমাদের আর্থিক লাভের চেয়ে আমাদের ধর্মনৈতিক লাভকেই আমরা শিরোধার্য করি, এবং তোমাদের সেই সম্পদ হইতে যদি বঞ্চিত হইতে হয় সেও স্বীকার, তবু আমাদের যে-সকল আচার-অনুষ্ঠান আমাদের ধর্মলাভকে সুনিশ্চিত করিয়াছে তাহাকে আমরা শেষ পর্যন্ত আঁকড়িয়া ধরিবার জন্ত দৃঢ়প্রতিজ্ঞ।’

এই গেল প্রথম পত্র। দ্বিতীয় পত্রে লেখক অর্থনৈতিক অবস্থা সম্বন্ধে আলোচনা করিয়াছেন। তিনি বলেন—

‘আমাদের যাহা দরকার তাহাই আমরা উৎপন্ন করি, আমরা যাহা উৎপন্ন করি তাহা আমরাই খাই। অন্য জাতের উৎপন্ন দ্রব্য আমরা চাহি নাই, আমাদের দরকারও হয় নাই। আমাদের মতে সমাজের স্থিতি রক্ষা করিতে হইলে, তাহার আর্থিক স্বাধীনতা থাকা চাই। বৃহৎ বিদেশী বাণিজ্য সামাজিক অষ্টতার একটা নিশ্চিত কারণ।

‘তোমরা যাহা খাইতে চাও তাহা তোমরা উৎপন্ন করিতে পার না, তোমাদিগকে যাহা উৎপন্ন করিতে হয় তাহা তোমরা কুরাইতে পার না। প্রাণের দ্বায়ে এমনতরো কেনাবেচার গল্প তোমাদের দরকার যেখানে তোমাদের কারখানার মাল চালাইতে পার এবং খাদ্য এবং কৃষিজাত দ্রব্য কিনিতে পার। অতএব যেমন করিয়া হউক, চীনকে তোমাদের দরকার।

‘তোমরা চাও আমরাও ব্যবসাদার হই এবং আমাদের রাষ্ট্রীয় ও আর্থিক যে

স্বাধীনতা আছে তাহা বিসর্জন দিই ; কেবল যে আমাদের সমস্ত কাজ কারবার উলট-পালট করিয়া দিই তাহা নহে, আমাদের আচারব্যবহার ধর্ম, আমাদের সাবক রীতিনীতি, সমস্তই বিপর্যস্ত করিয়া ফেলি। এমন অবস্থায় তোমাদের দশাটা কী হইয়াছে তাহা যদি বেশ করিয়া আলোচনা করিয়া দেখি, তবে আশা করি মাপ করিবে।

‘যাহা দেখা যায় সেটা তো বড়ো উৎসাহজনক নহে। প্রতিযোগিতা-নামক একটা দৈত্যকে তোমরা ছাড়িয়া দিয়াছ, এখন আর সেটাকে কিছুতেই কারদা করিতে পারিতেছ না। তোমাদের গত একশো বৎসরের বিধিবিধান কেবল এই আর্থিক বিশৃঙ্খলাকে সংযত করিবার জন্য অবিশ্রাম নিষ্ফল চেষ্টা মাত্র। তোমাদের গরিবেরা, মাতালেরা, অক্ষমেরা, তোমাদের পীড়া ও-জরা গ্রস্তগণ একটা বিভীষিকার মতো তোমাদের ঘাড়ে চাপিয়া আছে। মানুষের সহিত সমস্ত ব্যক্তিগত বন্ধন তোমরা ছেদন করিয়া বসিয়া আছ, এখন স্টেট অর্থাৎ সরকারের অব্যক্তিক উত্তমের দ্বারা তোমরা ব্যক্তির সমস্ত কাজ সারিয়া লইবার বৃথা চেষ্টা করিতেছ। তোমাদের সভ্যতার প্রধান লক্ষণ দায়িত্ববিহীনতা। তোমাদের কারবারের সর্বত্রই তোমরা ব্যক্তির আয়গায় কোম্পানি এবং মজুরের আয়গায় কল বসাইতেছ। মুনফার চেষ্টাতেই সকলে ব্যস্ত—শ্রমজীবীর মঙ্গলের তার কাহারোই নহে, সেটা সরকারের। সরকার সেটাকে সামলাইয়া উঠিতে পারেন না। সহস্র ক্রোশ দূরে যদি দুর্ভিক্ষ হয়, যদি কোথাও মানুষের কোনো পরিবর্তন হয়, তবে তোমাদের লক্ষ লোকের কারবার বিলম্বিত হইবার জো হয়— যাহার উপরে তোমাদের হাত নাই তাহার উপরে তোমাদিগকে নির্ভর করিতে হয়। তোমাদের মূলধন একটা সজীব পদার্থ, সেটা খোরাকের জন্য সর্বদাই চীৎকার করিতেছে ; তাহাকে আহাৰ না জোগাইলে সে তোমাদের গলা চাপিয়া ধরে। তোমরা যে উৎপন্ন কর সেটা ইচ্ছামত নহে, অগত্যা—এবং তোমরা যে কিনিয়া থাক সেটা যে চাও বলিয়া তাহা নহে, সেটা তোমাদের ঘাড়ের উপর আসিয়া পড়ে বলিয়া। এই-যে বাণিজ্যটাকে তোমরা মুক্ত বল, ইহার মতো বন্ধ বাণিজ্য আর নাই। কিন্তু ইহা কোনো বিবেচনাসংগত ইচ্ছার দ্বারা বন্ধ নহে, ইহা আকস্মিক খেয়ালের সূপাকার মূঢ়তার দ্বারা বন্দীকৃত।

‘চীনেম্যানের চক্ষে তোমাদের দেশের ভিতরকার আর্থিক অবস্থা এই-রকমই ঠেকে। পররাষ্ট্রের সহিত তোমাদের বাণিজ্যসম্বন্ধ, সেও অত্যন্ত উল্লাসজনক নয়। পঞ্চাশ বৎসর পূর্বে ধারণা হইয়াছিল যে, বিভিন্ন জাতির মধ্যে যখন বাণিজ্যসম্বন্ধ স্থাপিত হইবে তখন শান্তির সত্যযুগ আসিবে। কাজে দেখা গেল সমস্তই উল্টা।

প্রাচীনকালের রাজাদের অত্যাচার ও ধর্মযাজকদের গোঁড়ামির চেয়ে এই বাণিজ্য-স্থান লইয়া পরস্পর টানাটানিতে যুদ্ধবিগ্রহের সম্ভাবনা আরও বেশি প্রবল হইয়া উঠিতেছে। পৃথিবীর যেখানেই একটুখানি অপরিচিত স্থান ছিল, সেইখানেই যুরোপের লোক একেবারে ক্ষুধিত হিংস্র জন্তুর মতো হংকার দিয়া পড়িতেছে। এখন যুরোপের এলাকার সীমানার বাহিরে এই লুণ্ঠনব্যাপার চলিতেছে। কিন্তু যতক্ষণ ভাগাভাগি চলিতেছে ততক্ষণ পরস্পরের প্রতি পরস্পর কটমটু করিয়া থাকাইতেছে। আজ হউক বা কাল হউক, যখন আর বাঁটোয়ারা করিবার জন্ত কিছুই বাকি থাকিবে না, তখন তাহারা পরস্পরের ঘাড়ের উপরে গিয়া পড়িবে। তোমাদের শত্রুসঙ্ঘার এই আসল তাৎপর্য— হয় তোমরা অন্তকে গ্রাস করিবে, নয় অন্তে তোমাদিগকে গ্রাস করিবে। যে বাণিজ্যসম্পর্কে তোমরা শান্তিবন্ধন মনে করিয়াছিলে তাহাই তোমাদিগকে পরস্পরের গলা-কাটাকাটির প্রতিযোগী করিয়া তুলিয়াছে এবং তোমাদের সকলকে একটা বিরাট বিনাশব্যাপারের অনতিদূরে আনিয়া স্থাপন করিয়াছে।

লেখক বলেন—

‘পরিশ্রম বাঁচাইবার কল তৈরি করিতে তোমরা যে বুদ্ধি খাটাইতেছ তাহাতে সমাজের কল্যাণ হইতেছে না। তাহাতে ধনবৃদ্ধি হইতেছে সন্দেহ নাই, কিন্তু সেটা যে মঙ্গলই আমার মতে এমন কথা মনে করিবার হেতু নাই। ধন কিরূপে ভাগ হয় এবং সেই ধনে জাতির চরিত্রের উপরে কী ফল হয়, তাহাই চিন্তার বিষয়। সেইটে যখন চিন্তা করি তখন বিলাতি পদ্ধতি চীনে ঢুকাইবার প্রস্তাবে মন বিগড়াইয়া যায়।

‘এই তোমরা যতদিন ধরিয়া যন্ত্রতন্ত্রের শ্রীবৃদ্ধিসাধনে লাগিয়াছ ততদিনে তোমাদের শ্রমজীবীদিগকে সংকটে ফেলিয়া তাহা হইতে উদ্ধারের কোনো একটা ভালো উপায় বাহির কর নাই। ইহা আশ্চর্যের বিষয় নহে; কারণ টাকা করা তোমাদের প্রধান লক্ষ্য, জীবনের আর-সমস্ত লক্ষ্য তাহার নীচে। চীনেম্যানের কাছে এটা কিছুতেই উৎসাহজনক ঠেকে না। বিলাতি কারবারের প্রণালী যদি চীনদেশে ফালাও করিয়া তোলা যায় তবে তাহার চল্লিশ কোটি অধিবাসীর মধ্যে যে নিশ্চিত বিশৃঙ্খলা জাগিয়া উঠিবে, অন্তত আমি তো তাহাকে অত্যন্ত আশঙ্কার চক্ষে দেখি। তোমরা বলিবে, সে বিশৃঙ্খলা সাময়িক। আমি তো দেখিতেছি, তোমাদের দেশে তাহা চিরস্থায়ী। আচ্ছা, সে কথাও যাক, তাহাতে আমাদের লাভটা কী? আমরা তো তোমাদেরই মতো হইয়া যাইব! সে সম্ভাবনা কি অবিচলিতচিত্তে কল্পনা করা যায়? তোমাদের লোকেরা নাহয় আমাদের চেয়ে আরামে খায় বেশি, পান করে

বেশি, নিজে যায় বেশি— কিন্তু তাহারা প্রকৃত নয়, লম্বা নয়, শ্রমাহরণী নয়, তাহারা আইন মানে না। তাহাদের কর্ম শরীরমনের পক্ষে অস্বাস্থ্যকর, তাহারা প্রকৃতি হইতে বিচ্যুত হইয়া, ভূমিখণ্ডের অধিকার হইতে বঞ্চিত হইয়া, শহরে এবং কারখানার মধ্যে ঠাসাঠাসি করিয়া থাকে।

‘আমাদের কবিগণ— লেখকগণ— ধনের মধ্যে, কামতার মধ্যে, নানাপ্রকার উদ্ভোগের মধ্যে, কল্যাণ অহুসঙ্কান করিতে উপদেশ দেন নাই; কিন্তু মানবজীবনের অত্যন্ত সরল ও বিশ্বব্যাপী সৎকর্মগুলির সংবৃত সুনির্বাচিত সুমার্জিত রসাস্বাদনের পথে আমাদের মনকে তাহারা প্রবর্তিত করিয়াছেন। এই জিনিসটা আমাদের আছে— এটা তোমরা আমাদের দিতে পার না, কিন্তু এটা তোমরা অন্যায়সে অপহরণ করিতে পার। তোমাদের কলের গর্জনের মধ্যে ইহার স্বর শোনা যায় না, তোমাদের কারখানার কালো ধোঁওয়ার মধ্যে ইহাকে দেখিতে পাওয়া যায় না, তোমাদের বিলাতী জীবনযাত্রার ঘূর্ণি এবং ঘর্ষণের মধ্যে ইহা মরিয়া যায়। যে কেহো লোকদিগকে তোমরা অত্যন্ত খাতির করিয়া থাক, যখন দেখি তাহারা ঘণ্টার পর ঘণ্টায়, দিনের পর দিনে, বৎসরের পর বৎসরে, তাহাদের জাঁতার মধ্যে আনন্দহীন অগত্যাশ্রিত খাটুনিতে নিযুক্ত— যখন দেখি তাহাদের দিনের উৎকর্ষকে তাহারা স্বল্পাবশিষ্ট অবকাশের মধ্যে টানিয়া আনিতেছে, এবং পরিশ্রমের দ্বারা ততটা নহে যতটা শুষ্ক সংকীর্ণ ছুশ্চিস্তা-দ্বারা আপনাকে জীর্ণ করিয়া ফেলিতেছে— তখন এ কথা স্বীকার করিতেই হইবে যে, আমাদের দেশের প্রাচীন বৈশ্ববৃত্তির সরলতর পদ্ধতির কথা স্মরণ করিয়া আমি সন্তোষ লাভ করি, এবং আমাদের যে-সকল চিরব্যবহৃত পথগুলি আমাদের অত্যন্ত চরণের কাছে এমন পরিচিত যে তাহা দিয়া চলিবার সময়েও অনন্ত নক্ষত্রমণ্ডলীর দিকে দৃষ্টিপাত করিবার জন্য আমাদের অবকাশের অভাব ঘটে না, তোমাদের সমুদয় নূতন ও ভয়সংকুল বর্ত্তের চেয়ে সেই পথগুলিকে আমি অধিক মূল্যবান বলিয়া গৌরব করি।’

ইহার পরে লেখক রাষ্ট্রতন্ত্রের কথা তুলিয়াছেন। তিনি বলেন—

‘গবর্নেন্ট্ তোমাদের কাছে এতই প্রধান এবং সর্বত্রই সে তোমাদের সঙ্গে এমনি লাগিয়াই আছে যে, যে জাতি গবর্নেন্ট্কে প্রায় সম্পূর্ণই বাদ দিয়া চলিতে পারে, তাহার অবস্থা তোমরা কল্পনাই করিতে পার না। অথচ আমাদেরই সেই অবস্থা। আমাদের সভ্যতার সরল এবং অকৃত্রিম ভাব, আমাদের লোকদের শান্তিপ্রিয় প্রকৃতি, এবং সর্বোচ্চে আমাদের সেই

পরিবারতন্ত্র বাহা পোলিটিক্যাল সামাজিক ও আর্থিক ব্যাপারে এক-একটি ক্ষুদ্র রাজ্যবিশেষ, তাহারা আমাদেরকে গবর্নেন্ট-শাসন হইতে এতটা দূর মুক্তিমান করিয়াছে যে যুরোপের পক্ষে তা বিশ্বাস করাই কঠিন।

‘আমাদের সমাজের গোড়াকার জিনিসগুলি কোনো রাজস্বতন্ত্রের স্বেচ্ছাকৃত সৃজন নহে। আমাদের জনসাধারণ নিজের জীবনকে এইরূপ শরীরতন্ত্রের মধ্যে প্রতিষ্ঠিত করিয়াছে। কোনো গবর্নেন্ট তাহাকে গড়ে নাই, কোনো গবর্নেন্ট তাহার বদল করিতে পারে না। এক কথায় আইন জিনিসটা উপর হইতে আমাদের মাথায় চাপানো হয় নাই— তাহা আমাদের জাতিগত জীবনের মূলসূত্র, এবং বাহা শাস্ত্রে লিপিবদ্ধ আছে তাহাই ব্যবহারে প্রবর্তিত হইয়াছে। এইজন্য চীনে গবর্নেন্ট যথেষ্টাচারী নহে, অত্যাশঙ্ককও নয়। রাজপুরুষদের শাসন তুলিয়া লও, তবু আমাদের জীর্ঘনযাত্রা প্রায় পূর্বের মতোই চলিয়া যাইবে। যে আইন আমরা মান্ত করি সে আমাদের স্বভাবের আইন, বহু শতাব্দীর অভিজ্ঞতায় তাহা অভিব্যক্ত হইয়া উঠিয়াছে—বাহিরের শাসন তুলিয়া লইলেও ইহার কাছে আমরা বশতা স্বীকার করি। বাহাই ঘটুক-না, আমাদের পরিবার থাকে, পরিবারের সঙ্গে সঙ্গে মনের সেই গঠনটি থাকে, সেই শৃঙ্খলা কর্মনিষ্ঠতা ও মিতব্যয়িতার ভাবটি থাকিয়া যায়। ইহারাই চীনকে তৈরি করিয়াছে।

‘তোমাদের পশ্চিমদেশে গবর্নেন্ট ব্যাপারটা সম্পূর্ণ স্বতন্ত্র। এখানে কোনো মূল-বিধান নাই, কিন্তু ইচ্ছাকৃত অস্বহীন আইন পড়িয়া আছে। মাটি হইতে কিছুই গজাইয়া উঠে না, উপর হইতে সমস্ত পুঁতিয়া দিতে হয়। বাহাকে একবার পৌতা হয় তাহাকে আবার পৌতা দরকার হয়। গত শত বৎসরের মধ্যে তোমরা তোমাদের সমস্ত সমাজকে উল্টাইয়া দিয়াছ। সম্পত্তি, বিবাহ, ধর্ম, চরিত্র, শ্রেণী-বিভাগ, পদবিভাগ, অর্থাৎ মানবসম্বন্ধগুলির মধ্যে বাহা-কিছু সব চেয়ে উদার ও গভীর, তাহাদিগকে একেবারে শিকড়ে ধরিয়া উপড়াইয়া কালের স্রোতে আবর্জনার মতো ভাসাইয়া দেওয়া হইয়াছে। এইজন্যই তোমাদের গবর্নেন্টকে এত বেশি উচ্চম প্রকাশ করিতে হয়— কারণ, গবর্নেন্ট নহিলে কে তোমাদের সমাজকে ধারণ করিয়া রাখিবে? তোমাদের পক্ষে গবর্নেন্ট যত একান্ত আবশ্যিক, সৌভাগ্যক্রমে আমাদের পূর্বদেশের পক্ষে তত নয়। আমার কাছে এটা একটা অমঙ্গল বলিয়াই বোধ হয়; কিন্তু দেখিতেছি, ইহা নহিলেও তোমাদের চলিবার উপায় নাই। তবু এত বড়ো কাজটা বাহাকে দিয়া আঁদায় করিতে চাও, সেই বস্তুটার অসামান্য অপটুতা দেখিয়া আমি আরও আশ্চর্য হই। যোগ্য লোক-নির্বাচনের সুনিশ্চিত উপায় আবিষ্কার বা

উদ্ভাবন করা ছুঁহ সে কথা স্বীকার করি, কিন্তু তবু এটা বড়োই অদ্ভুত যে বাহাদের উপরে এমন একটা মহৎ ভার দেওয়া হয় তাহাদের ধর্মনৈতিক ও বুদ্ধিগত সামর্থ্যের কোনোপ্রকার পরীক্ষার চেষ্টা হয় না।

ইলেকশন ব্যাপারটার অর্থ কী? তোমরা মুখে বল, তাহার অর্থ জনসাধারণের দ্বারা প্রতিনিধিনির্বাচন— কিন্তু তোমরা মনে মনে কি নিশ্চয় জান না তাহার অর্থ তাহা নহে? বস্তুত এক-একটি দলীয় স্বার্থেরই প্রতিনিধি নির্বাচিত হয়। জমিদার, মদের কারখানার কর্তা, রেল-কোম্পানির অধ্যক্ষ— ইহারা কি তোমাদিগকে শাসন করিতেছে না? আমি জানি এক দল আছে তাহারা 'মাস' অর্থাৎ জনসাধারণের প্রচণ্ড পশুশক্তিকেও এই কর্তৃপক্ষদের দলভুক্ত করিয়া সামঞ্জস্য সাধন করিতে চাহে। কিন্তু তোমাদের দেশে জনসাধারণও যে একটা স্বতন্ত্র বিশেষ দল, তাহাদেরও একটা দলগত সংকীর্ণ স্বার্থ আছে। তোমাদের এই স্বতন্ত্র উদ্দেশ্য দেখিতেছি, একটা গর্তের মধ্যে কতকগুলো প্রাইভেট স্বার্থের আশ্রয়িত শক্তিকে ছাড়িয়া দেওয়া— তাহারা শুধুমাত্র পরস্পর লড়াইয়ের জোরেই সাধারণের কল্যাণে উপনীত হইবে। ধর্ম এবং সদ্বিবেচনার কর্তৃত্বের উপর চীনেম্যানের এমন একটা মজাগত শ্রদ্ধা আছে যে, তোমাদের এই প্রণালীকে আমার ভালোই বোধ হয় না। তোমাদের বিশ্ববিদ্যালয়ে এবং অন্তত আমি এমন-সকল লোক দেখিয়াছি যাহারা তোমাদের ব্যবস্থাসংক্রান্ত সমস্ত বিষয়গুলিকে সুগভীরভাবে আলোচনা করিয়াছেন, তাহাদের বুদ্ধি পরিষ্কৃত, বিচার পক্ষপাতশূন্য, উৎসাহ নিঃস্বার্থ এবং নির্মল, কিন্তু তাহারা তাহাদের প্রাজ্ঞতাকে কোনো কাজে লাগাইবার আশাও করিতে পারেন না— কারণ, তাহাদের প্রকৃতি, তাহাদের শিক্ষা, তাহাদের অভ্যাস, জ্ঞানপাদিক ইলেকশনের উপক্রম সহ করিবার পক্ষে তাহাদিগকে অপটু করিয়াছে। পার্লামেন্টের সভ্য হওয়াও একটা ব্যবসা-বিশেষ— এবং ধর্মনৈতিক ও মানসিক যে-সকল গুণ সাধারণের মঙ্গলসাধনের জন্য আবশ্যিক এই ব্যবসায় প্রবেশ করিবার গুণ তাহা হইতে স্বতন্ত্র বলিয়াই বোধ হয়।'

আমি সংক্ষেপে চীনেম্যানের পত্রের প্রধান অংশগুলি উপরে বিবৃত করিলাম। এই পত্রগুলি পড়িলে প্রাচ্যসমাজের সাধারণ ভিত্তি সম্বন্ধে আমাদের পরস্পরের যে ঐক্য, তাহা বেশ স্পষ্ট বোঝা যায়। কিন্তু ইহাও দেখিতে পাই, এই-যে শান্তি এবং শৃঙ্খলা, সম্ভাব্য এবং সংঘের উপরে সমস্ত সমাজকে গড়িয়া তোলা, তাহার চরম সার্থকতার কথা এই চিঠিগুলির মধ্যে পাওয়া যায় না। চীনদেশ স্থবী, সস্ত্রী, কর্মনিষ্ঠ হইয়াছে, কিন্তু সেই সার্থকতা পায় নাই। অল্পে অল্পে সমাজকে

ব্যর্থ করিতে পারে, কিন্তু সুখে সম্ভাষণে মানুষকে ক্ষুদ্র করে। চীন বলিতেছে, আমি বাহিরের কিছুতেই দৃকপাত করি নাই; নিজের এলাকার মধ্যে নিজের সমস্ত চেষ্টাকে বদ্ধ করিয়া সুখী হইয়াছি। কিন্তু এ কথা যথেষ্ট নহে। এই সংকীর্ণতাটুকুর মধ্যে সকল উৎকর্ষ লাভ করাকেই চরম মনে করিলে হতাশ হইতে হয়। জলধারা যদি সমুদ্রকে চায়, তবে নিজেকে ছুই তটের মধ্যে সংহত সংযত করিয়া তাহাকে চলিতে হয়, কিন্তু তাই বলিয়া নিজেকে এক জায়গায় আনিয়া বদ্ধ করিলে চলে না। মুক্তির জগুই তাহাকে সংযত হইতে হয়, কিন্তু নিজেকে বন্দী করিলে তাহার চরম উদ্দেশ্য ব্যর্থ হয়— তাহা হইলে নদীকে ঝিল হইতে হয় এবং স্রোতের অন্তহীন ধারাকে সমুদ্রের অন্তহীন তৃপ্তির মধ্যে লইয়া যাওয়া হয় না।

ভারতবর্ষ সমাজকে সংযত সরল করিয়া তুলিয়াছিল, তাহা সমাজের মধ্যেই আবদ্ধ হইবার জগু নহে। নিজেকে শতধা বিভক্ত অন্ধ চেষ্টার মধ্যে বিক্ষিপ্ত না করিয়া, সে আপন সংহত শক্তিকে অনন্তের অভিমুখে একাগ্র করিবার জগুই ইচ্ছাপূর্বক বাহ্যবিষয়ে সংকীর্ণতা আশ্রয় করিয়াছিল। নদীর তটবন্ধনের জায় সমাজবন্ধন তাহাকে বেগদান করিবে, বন্দী করিবে না, এই তাহার উদ্দেশ্য ছিল। এইজগু ভারতবর্ষের সমস্ত ক্রিয়াকর্মের মধ্যে, সুখশাস্তিসম্ভাষণের মধ্যে মুক্তির আহ্বান আছে— আত্মাকে ভূমানন্দে ব্রহ্মের মধ্যে বিকশিত করিয়া তুলিবার জগুই সে সমাজের মধ্যে আপন শিকড় বাধিয়াছিল। যদি সেই লক্ষ্য হইতে ভ্রষ্ট হই, জড়ত্ববশত সেই পরিণামকে উপেক্ষা করি, তবে বন্ধন কেবল বন্ধনই থাকিয়া যায়, তবে অতিক্ষুদ্র সম্ভাষণশাস্তির কোনো অর্থই থাকে না। ভারতবর্ষের লক্ষ্য ক্ষুদ্র নহে, তাহা ভারতবর্ষ স্বীকার করিয়াছে— ভূমৈব সুখং নাগ্নে সুখমস্তি। ভূমাই সুখ, অগ্নে সুখ নাই। ভারতের ব্রহ্মবাদিনী বলিয়াছেন : যেনাহং নামৃত্য স্মাং কিমহং তেন কুর্ধাম্। যাহার দ্বারা অমর না হইব তাহা লইয়া আমি কী করিব? কেবলমাত্র পারিবারিক শৃঙ্খলা এবং সামাজিক সুব্যবহার দ্বারা আমি অমর হইব না, তাহাতে আমার আত্মার বিকাশ হইবে না। সমাজ যদি আমাকে সম্পূর্ণ সার্থকতা না দেয়, তবে সমাজ আমার কে? সমাজকে রাখিবার জগু যে আমাকে বঞ্চিত হইতে হইবে, এ কথা স্বীকার করা যায় না। যুরোপও বলে, individualকে যে সমাজ পন্থ ও প্রতিহত করে সে সমাজের বিরুদ্ধে বিদ্রোহ না করিলে হীনতা স্বীকার করা হয়। ভারতবর্ষও অত্যন্ত অসংকোচে নির্ভয়ে বলিয়াছে, আত্মার্থে পৃথিবীং ত্যজেৎ। সমাজকে মুখ্য করিলে উপায়কে উদ্দেশ্য করা হয়। ভারতবর্ষ তাহা করিতে চাহে নাই, সেইজগু তাহার বন্ধন যেমন দৃঢ় তাহার ত্যাগও সেইরূপ সম্পূর্ণ। সাংসারিক পরিপূর্ণতার মধ্যে ভারতবর্ষ আপনাকে বেষ্টিত বদ্ধ করিত

না, তাহার বিপরীতই করিত। যখন সমস্ত সঞ্চিত হইয়াছে, তাহার পূর্ণ হইয়াছে, পুত্র বয়ঃপ্রাপ্ত হইয়া বিবাহ করিয়াছে, যখন সেই পূর্ণপ্রতিষ্ঠিত সংসারের মধ্যে আরাম করিবার—ভোগ করিবার—অবসর উপস্থিত হইয়াছে, ঠিক সেই সময়েই সংসার পরিত্যাগের ব্যবস্থা ; যতদিন খাটুনি ততদিন তুমি আছ, যখন খাটুনি বন্ধ তখন আরামে ফলভোগের দ্বারা জড়তলাভ করিতে বসি নিষিদ্ধ। সংসারের কাজ হইলেই সংসার হইতে মুক্তি হইল, তাহার পরে আত্মার অবাধ অনন্ত গতি। তাহা নিশ্চেষ্টতা নহে। সংসারের হিসাবে তাহা জড়ত্বের স্তায় দৃশ্যমান, কিন্তু চাকা অত্যন্ত ঘুরিলে যেমন তাহাকে দেখা যায় না তেমনি আত্মার অত্যন্ত বেগকে নিশ্চলতা বলিয়া প্রতীয়মান হয়। আত্মার সেই বেগকে চতুর্দিকে নানারূপে অপব্যয় না করিয়া সেই শক্তিকে উদ্‌বোধিত করিয়া তোলাই আমাদের সমাজের কাজ ছিল। আমাদের সমাজে প্রকৃতিকে খর্ব করিয়া প্রত্যহই নিঃস্বার্থ মঙ্গলসাধনের যে ব্যবস্থা আছে তাহা ব্রহ্মলাভের সোপান বলিয়াই আমরা তাহা লইয়া গৌরব করি। বাসনাকে ছোটো করিলে আত্মাকেই বড়ো করা হয়, এইজন্যই আমরা বাসনা খর্ব করি—সন্তোষ অসুভব করিবার জন্ত নহে। যুরোপ মরিতে রাজি আছে, তবু বাসনাকে ছোটো করিতে চায় না। আমরাও মরিতে রাজি আছি, তবু আত্মাকে তাহার চরমগতি পরমসম্পদ হইতে বঞ্চিত করিয়া ছোটো করিতে চাই না। দুর্গতির দিনে ইহা আমরা বিশ্বত হইয়াছি—সেই সমাজ আমাদের এখনো আছে, কিন্তু তাহার তিতর দিয়া ব্রহ্মাভিমুখী মোক্ষাভিমুখী বেগবতী স্রোতোধারা 'যেনাহং নামতা স্তাং কিমহং তেন কুর্ষাম্' এই গান করিয়া ধাবিত হইতেছে না—

মালা ছিল তার ফুলগুলি গেছে

রয়েছে ডোর।

সেইজন্য আমাদের এতদিনকার সমাজ আমাদেরকে বল দিতেছে না, গৌরব দিতেছে না, আধ্যাত্মিকতার দিকে আমাদেরকে অগ্রসর করিতেছে না ; আমাদেরকে চতুর্দিকে প্রতিহত করিয়া রাখিয়াছে। এই সমাজের মহৎ উদ্দেশ্য যখন আমরা সচেতনভাবে বুঝিব, ইহাকে সম্পূর্ণ সকল করিবার জন্ত যখন সচেতনভাবে উত্তত হইব, তখনই মুহূর্তের মধ্যে বৃহৎ হইব, মুক্ত হইব, অমর হইব—জগতের মধ্যে আমাদের প্রতিষ্ঠা হইবে, প্রাচীন ভারতের ভূপোবনে ঋষিরা যে বক্ত করিয়াছিলেন তাহা সকল হইবে এবং পিতামহগণ আমাদের মধ্যে কৃতার্থ হইয়া আমাদেরকে আশীর্বাদ করিবেন।

প্রাচ্য ও পাশ্চাত্য সভ্যতা

ফরাসি মনীষী গিজেও যুরোপীয় সভ্যতার প্রকৃতি সম্বন্ধে যাহা বলিয়াছেন তাহা আমাদের আলোচনার যোগ্য। প্রথমে তাহার মত নিরে উদ্ধৃত করি।

তিনি বলেন, আধুনিক যুরোপীয় সভ্যতার পূর্ববর্তী কালে, কি এশিয়ার কি অন্তর্ভুক্ত, এমন-কি প্রাচীন গ্রীস-রোমেও, সভ্যতার মধ্যে একটি একমুখী ভাব দেখিতে পাওয়া যায়। প্রত্যেক সভ্যতা যেন একটি মূল হইতে উঠিয়াছে এবং একটি ভাবকে আশ্রয় করিয়া অধিষ্ঠিত রহিয়াছে; সমাজের মধ্যে তাহার প্রত্যেক অঙ্গুষ্ঠানে, তাহার আচারে বিচারে, তাহার অবয়ববিকাশে, সেই একটি স্থায়ী ভাবেরই কর্তৃত্ব দেখা যায়।

যেমন, ইজিপ্টে এক পুরোহিতশাসনতন্ত্রে সমস্ত সমাজকে, অধিকার করিয়া বসিয়াছিল; তাহার আচারব্যবহারে, তাহার কীর্তিস্তম্ভগুলিতে, ইহারই একমাত্র প্রভাব। ভারতবর্ষেও ব্রাহ্মণ্যতন্ত্রে সমস্ত সমাজকে একভাবে গঠিত করিয়া তুলিয়াছিল।

সময়ে সময়ে ইহাদের মধ্যে ভিন্ন শক্তির বিরোধ উপস্থিত হয় নাই তাহা বলা যায় না, কিন্তু তাহারা সেই কর্তৃত্বের দ্বারা পরাস্ত হইয়াছে।

এইরূপ এক ভাবের কর্তৃত্বে ভিন্ন দেশ ভিন্ন রূপ ফললাভ করিয়াছে। সমগ্র সমাজের মধ্যে এই ভাবের ঐক্যবশত গ্রীস অতি আশ্চর্য দ্রুতবেগে এক অপূর্ব উন্নতি লাভ করিয়াছিল। আর কোনো জাতিই এত অল্পকালের মধ্যে এমন উজ্জলতা লাভ করিতে পারে নাই। কিন্তু গ্রীস তাহার উন্নতির চরমে উঠিতে না উঠিতেই যেন জীর্ণ হইয়া পড়িল। তাহার অবনতিও বড়ো আকস্মিক। যে মূলভাবে গ্রীক সভ্যতায় প্রাণসঞ্চার করিয়াছিল তাহা যেন রিক্ত নিঃশেষিত হইয়া গেল; আর কোনো নূতন শক্তি আসিয়া তাহাকে বলদান বা তাহার স্থান অধিকার করিল না।

অপর পক্ষে, ভারতবর্ষে ও ইজিপ্টেও সভ্যতার মূলভাব এক বটে, কিন্তু সমাজকে তাহা অচল করিয়া রাখিল; তাহার সরলতায় সমস্ত যেন একঘেয়ে হইয়া গেল। দেশ ধ্বংস হইল না, সমাজ টিকিয়া রহিল, কিন্তু কিছুই অগ্রসর হইল না, সমস্তই এক জায়গায় আসিয়া বন্ধ হইয়া গেল।

প্রাচীন সভ্যতামাজেই একটা না একটা কিছু একাধিপত্য ছিল। সে আর

কাহাকেও কাছে আসিতে দিত না, সে আপনার চারি দিকে আটঘাট বাধিয়া রাখিত। এই ঐক্য, এই সরলতার ভাব সাহিত্যে এবং লোকসকলের বুদ্ধিচেষ্টার মধ্যেও আপন শাসন বিস্তার করিত। এই কারণেই প্রাচীন হিন্দুর ধর্ম ও চারিত্র্য গ্রন্থে ইতিহাসে কাব্যে সর্বত্রই একই-চেহারা দেখিতে পাওয়া যায়। তাহাদের জ্ঞানে এবং কল্পনার, তাহাদের জীবনযাত্রায় এবং অহুঠানে এই একই ছাঁদ। এমন-কি গ্রীসেও জ্ঞানবুদ্ধির বিপুল ব্যাপ্তি-সম্বন্ধে, তাহার সাহিত্যে ও শিল্পে এক আশ্চর্য একপ্রবণতা দেখা যায়।

যুরোপের আধুনিক সভ্যতা ইহার সম্পূর্ণ বিপরীত। এই সভ্যতার উপর দিয়া একবার চোখ বুলাইয়া যাও, দেখিবে তাহা কী বিচিত্র জটিল এবং বিকৃত। ইহার অভ্যন্তরে সমাজতন্ত্রের সকল-রকম মূলতত্ত্বই বিরাজমান; লৌকিক এবং আধ্যাত্মিক শক্তি, পুরোহিততন্ত্র রাজতন্ত্র প্রধানতন্ত্র প্রজাতন্ত্র সমাজশক্তির সকল পর্যায় সকল অবস্থাই বিজড়িত হইয়া দৃশ্যমান; স্বাধীনতা ঐশ্বর্য এবং ক্ষমতার সর্বপ্রকার ক্রমাধর্য ইহার মধ্যে স্থান গ্রহণ করিয়াছে। এই বিচিত্র শক্তি স্থির নাই, ইহারা আপনা-আপনি মধ্যে কেবলই লড়িতেছে। অথচ ইহাদের কেহই আর-সকলকেই অতিক্রম করিয়া সমাজকে একা অধিকার করিতে পারে না। একই কালে সমস্ত বিরোধী শক্তি পাশাপাশি কাজ করিতেছে; কিন্তু তাহাদের বৈচিত্র্য-সম্বন্ধে তাহাদের মধ্যে একটি পারিবারিক সাদৃশ্য দেখিতে পাই, তাহাদিগকে যুরোপীয় বলিয়া চিনিতে পারা যায়।

চারিত্রে মতে এবং ভাবেও এইরূপ বৈচিত্র্য এবং বিরোধ। তাহারা অহরহ পরস্পরকে লঙ্ঘন করিতেছে, আঘাত করিতেছে, সীমাবদ্ধ করিতেছে, রূপান্তরিত করিতেছে এবং পরস্পরের মধ্যে অহুপ্রবিষ্ট হইতেছে। এক দিকে স্বাতন্ত্র্যের ছুস্বস্ত তৃষ্ণা, অন্য দিকে একান্ত বাধ্যতাশক্তি; মনুষ্যে মনুষ্যে আশ্চর্য বিশ্বাসবন্ধন, অথচ সমস্ত শৃঙ্খল মোচন-পূর্বক বিশ্বের আর-কাহারও প্রতি জ্ঞপ্তিমাত্র না করিয়া একাকী নিজের স্বৈচ্ছামতে চলিবার উচ্চত বাসনা। সমাজ যেমন বিচিত্র, মনও তেমনি বিচিত্র।

আবার সাহিত্যেও সেই বৈচিত্র্য। এই সাহিত্যে নামবসনের চেষ্টা বহুধা বিভক্ত, বিষয় বিবিধ, এবং গভীরতা দূরগামিনী। সেইজন্যই সাহিত্যের বাহ্য আকার ও আদর্শ প্রাচীন সাহিত্যের স্তায় বিশুদ্ধ সরল ও সম্পূর্ণ নহে। সাহিত্যে ও শিল্পে তাবের পয়িশুটতা সরলতা ও ঐক্য হইতেই রচনার সৌন্দর্য উদ্ভূত হইয়া থাকে। কিন্তু বর্তমান যুরোপে ভাব ও চিন্তার অপরিমিত বহুলতার রচনার এই মহৎ বিশুদ্ধ সারল্য

রক্ষা করা উত্তরোত্তর কঠিন হইতেছে।

আধুনিক যুরোপীয় সভ্যতার প্রত্যেক অংশে প্রত্যংশেই আমরা এই বিচিত্র প্রকৃতি দেখিতে পাই। নিঃসন্দেহ ইহার অস্ববিধাও আছে। ইহার কোনো-একটা অংশকে পৃথক করিয়া দেখিতে গেলে হয়তো প্রাচীন কালের তুলনায় ধ্বংস দেখিতে পাইব— কিন্তু সমগ্রভাবে দেখিলে ইহার ঐশ্বর্য আমাদের কাছে প্রতীয়মান হইবে।

যুরোপীয় সভ্যতা পঞ্চদশ শতাব্দীকাল টিকিয়া আছে এবং বরাবর অগ্রসর হইয়া চলিয়াছে। ইহা গ্রীক সভ্যতার ম্যায় তেমন দ্রুতবেগে চলিতে পারে নাই বটে, কিন্তু পদে পদে নব নব অভিঘাত প্রাপ্ত হইয়া এখনো ইহা সম্মুখে ধাবমান। অগ্গাণ্ড সভ্যতার এক ভাব এক আদর্শের একাধিপত্যে অধীনতাবন্ধনের সৃষ্টি করিয়াছিল, কিন্তু যুরোপে কোনো-এক সামাজিক শক্তি অপর শক্তিগুলিকে সম্পূর্ণ অভিভূত করিতে না পারায়, এবং ঘাতপ্রতিঘাতে পরস্পরকে সচেতন অথচ সংযত করিয়া রাখায়, যুরোপীয় সভ্যতায় স্বাধীনতার জন্ম হইয়াছে। ক্রমাগত বিবাদে এই-সকল বিরোধী শক্তি আপোষে একটা বোঝাপড়া করিয়া সমাজে আপন অধিকার নির্দিষ্ট করিয়া লইয়াছে। এইজন্য ইহারা পরস্পরকে উচ্ছেদ করিবার জন্য সচেষ্ট থাকে না, এবং নানা প্রতিকূল পক্ষ আপন স্বাতন্ত্র্য রক্ষা করিয়া চলিতে পারে।

ইহাই আধুনিক যুরোপীয় সভ্যতার মূলপ্রকৃতি, ইহাই ইহার শ্রেষ্ঠত্ব।

গিজো বলেন, বিশ্বজগতের মধ্যেও এই বৈচিত্র্যের সংগ্রাম। ইহা স্পষ্ট যে, কোনো একটি নিয়ম, কোনো এক প্রকারের গঠনতন্ত্র, কোনো একটি সরল ভাব, কোনো একটি বিশেষ শক্তি, সমস্ত বিশ্বকে একা অধিকার করিয়া, তাহাকে একটি-মাত্র কঠিন ছাঁচে ফেলিয়া, সমস্ত বিরোধী প্রভাবকে দূর করিয়া শাসন করিবার ক্ষমতা পায় নাই। বিশ্বে নানা শক্তি, নানা তত্ত্ব, নানা তন্ত্র জড়িত হইয়া যুদ্ধ করে, পরস্পরকে গঠিত করে, কেহ কাহাকে সম্পূর্ণ পরাস্ত করে না, সম্পূর্ণ পরাস্ত হয় না।

অথচ এই-সকল গঠন, তত্ত্ব ও ভাবের বৈচিত্র্য, তাহাদের সংগ্রাম ও বেগ— একটি বিশেষ ঐক্য একটি বিশেষ আদর্শের অভিমুখে চলিয়াছে। যুরোপীয় সভ্যতাই এইরূপ বিশ্বতন্ত্রের প্রতিবিম্ব। ইহা সংকীর্ণরূপে সীমাবদ্ধ একরত ও অচল নহে। অগতঃ সভ্যতা এই প্রথম নিজের বিশেষ মূর্তি বর্জন করিয়া দেখা দিয়াছে। এই প্রথম ইহার বিকাশ বিশ্বব্যাপারের বিকাশের ম্যায় বহুবিভক্ত বিপুল এবং বহুচেষ্টিগত। যুরোপীয় সভ্যতা এইরূপে চিরন্তন সত্যের পথ পাইয়াছে, তাহা অসদীপনের কার্ধপ্রণালীর ধারা

গ্রহণ করিয়াছে, ঈশ্বর যে পথ নির্মাণ করিয়াছেন এ সত্যতা সেই পথে অগ্রসর হইতেছে। এ সত্যতার শ্রেষ্ঠতাত্ত্ব এই সত্যের উপরেই নির্ভর করে।

গিঞ্জোর মত আমরা উদ্ভূত করিয়া দিলাম।

যুরোপীয় সত্যতা এক্ষণে বিপুলায়তন ধারণ করিয়াছে, তাহাতে সন্দেহ নাই। যুরোপ, আমেরিকা, অষ্ট্রেলিয়া— তিন মহাদেশ এই সত্যতাকে বহন পোষণ করিতেছে। এত ভিন্ন ভিন্ন বহুসংখ্যক দেশের উপরে এক মহাসত্যতার প্রতিষ্ঠা, পৃথিবীতে এমন আশ্চর্য বৃহদব্যাপার ইতিপূর্বে আর ঘটে নাই। সুতরাং কিসের সঙ্গে তুলনা করিয়া ইহার বিচার করিব? কোন্ ইতিহাসের সাক্ষ্য গ্রহণ করিয়া ইহার পরিণাম নির্ণয় করিব? অল্প সকল সত্যতাই এক দেশের সত্যতা, এক জাতির সত্যতা। সেই জাতি যতদিন ইচ্ছন জোগাইয়াছে ততদিন তাহা জলিয়াছে, তাহার পরে তাহা নিবিয়া গেছে অথবা ভস্মাচ্ছন্ন হইয়াছে। যুরোপীয় সত্যতাহোমানলের সমিধকাঠ জোগাইবার ভার লইয়াছে নানা দেশ নানা জাতি। অতএব এই যজ্ঞহত্যাশন কি নিবিবে, না, ব্যাপ্ত হইয়া সমস্ত পৃথিবীকে গ্রাস করিবে? কিন্তু এই সত্যতার মধ্যেও একটি কর্তৃত্ব আছে— কোনো সত্যতাই আকারপ্রকারহীন হইতে পারে না। ইহার সমস্ত অবয়বকে চালনা করিতেছে, এমন একটি বিশেষ শক্তি নিশ্চয়ই আছে। সেই শক্তির অভ্যুদয় ও পরাভবের উপরেই এই সত্যতার উন্নতি ও ধ্বংস নির্ভর করে। তাহা কী? তাহার বহু বিচিত্র চেষ্টা ও স্বাতন্ত্র্যের মধ্যে ঐক্যতন্ত্র কোথায়?

যুরোপীয় সত্যতাকে দেশে দেশে ধণ্ড ধণ্ড করিয়া দেখিলে অল্প সকল বিষয়েই তাহার স্বাতন্ত্র্য ও বৈচিত্র্য দেখা যায়, কেবল একটা বিষয়ে তাহার ঐক্য দেখিতে পাই। তাহা রাষ্ট্রীয় স্বার্থ।

ইংলণ্ডে বল, ফ্রান্সে বল, আর সকল বিষয়েই জনসাধারণের মধ্যে মতবিশ্বাসের প্রভেদ থাকিতে পারে, কিন্তু স্ব স্ব রাষ্ট্রীয় স্বার্থ প্রাণপণে রক্ষা ও পোষণ করিতে হইবে এ সম্বন্ধে মতভেদ নাই। সেইখানে তাহার একাগ্র, তাহার প্রবল, তাহার নির্ভর, সেইখানে আঘাত লাগিলেই সমস্ত দেশ একমুর্তি ধারণ করিয়া দণ্ডায়মান হয়। জাতিরক্ষা আমাদের যেমন একটা গভীর সংস্কারের মতো হইয়া গেছে, রাষ্ট্রীয় স্বার্থরক্ষা যুরোপের সর্বসাধারণের তেমনি একটি অন্তর্নিহিত সংস্কার।

ইতিহাসের কোন্ গূঢ় নিয়মে দেশবিশেষের সত্যতা ভাববিশেষকে অবলম্বন করে, তাহা নির্ণয় করা কঠিন; কিন্তু ইহা স্থনিশ্চিত যে, যখন সেই ভাব তাহার অপেক্ষা উচ্চতর ভাবে হ্রস্ব হইয়া বসে তখন ধ্বংস অদূরবর্তী হয়।

প্রত্যেক জাতির যেমন একটি জাতিধর্ম আছে তেমনি জাতিধর্মের অতীত একটি শ্রেষ্ঠ ধর্ম আছে, তাহা মানবসাধারণের। আমাদের দেশে বর্ণাশ্রমধর্মে যখন সেই উচ্চতর ধর্মকে আঘাত করিল তখন ধর্ম তাহাকে আঘাত করিল—ধর্ম এব হতো হস্তি ধর্মো রক্ষতি রক্ষিতঃ।

এক সময় আর্ষসভ্যতা আত্মরক্ষার জন্য ব্রাহ্মণ-শূদ্রে দুর্লভ্য ব্যবধান রচনা করিয়াছিল। কিন্তু ক্রমে সেই ব্যবধান বর্ণাশ্রমধর্মের উচ্চতর ধর্মকে পীড়িত করিল। বর্ণাশ্রম আপনাকে রক্ষা করিবার জন্য চেষ্টা করিল, কিন্তু ধর্মকে রক্ষার জন্য চেষ্টা করিল না। সে যখন উচ্চ অঙ্গের মনুষ্যত্বচর্চা হইতে শূদ্রকে একেবারে বঞ্চিত করিল তখন ধর্ম তাহার প্রতিশোধ লইল। তখন ব্রাহ্মণ্য আপন জ্ঞানধর্ম লইয়া পূর্বের মতো আর অগ্রসর হইতে পারিল না। অজ্ঞানজড় শূদ্রসম্প্রদায় সমাজকে গুরুভারে আকৃষ্ট করিয়া নীচের দিকে টানিয়া রাখিল। শূদ্রকে ব্রাহ্মণ উপরে উঠিতে দেয় নাই, কিন্তু শূদ্র ব্রাহ্মণকে নীচে নামাইল। আজিও ভারতে ব্রাহ্মণপ্রধান বর্ণাশ্রম থাকা সত্ত্বেও শূদ্রের সংস্কারে, নিকৃষ্ট অধিকারীর অজ্ঞানতায়, ব্রাহ্মণসমাজ পর্যন্ত আচ্ছন্ন আবিষ্ট।

ইংরাজের আগমনে যখন জ্ঞানের বন্ধনমুক্তি হইল, যখন সকল মনুষ্যই মনুষ্যত্ব-লাভের অধিকারী হইল, তখনই ব্রাহ্মণধর্মের মূর্ছাপগমের লক্ষণ প্রকাশ পাইল। আজ ব্রাহ্মণ শূদ্রে সকলে মিলিয়া হিন্দুজাতির অন্তর্নিহিত আদর্শের বিস্তৃত মূর্তি দেখিবার জন্য সচেষ্ট হইয়া উঠিয়াছে। শূদ্রেরা আজ জাগিতেছে বলিয়াই ব্রাহ্মণধর্মও জাগিবার উপক্রম করিতেছে।

যাহাই হউক, আমাদের বর্ণাশ্রমধর্মের সংকীর্ণতা নিত্যধর্মকে নানা স্থানে ধ্বংস করিয়াছিল বলিয়াই তাহা উন্নতির দিকে না গিয়া বিকৃতির পথেই গেল।

যুরোপীয় সভ্যতার মূলভিত্তি রাষ্ট্রীয় স্বার্থ যদি এত অধিক ক্ষীণতাভ করে যে, ধর্মের সীমাকে অতিক্রম করিতে থাকে, তবে বিনাশের ছিদ্র দেখা দিবে এবং সেই পথে শনি প্রবেশ করিবে।

স্বার্থের প্রকৃতিই বিরোধ। যুরোপীয় সভ্যতার সীমায় সীমায় সেই বিরোধ উত্তরোত্তর কণ্টকিত হইয়া উঠিতেছে। পৃথিবী লইয়া ঠেলাঠেলি কাড়াকাড়ি পড়িবে, তাহার পূর্বসূচনা দেখা যাইতেছে।

ইহাও দেখিতেছি, যুরোপের এই রাষ্ট্রীয় স্বার্থপরতা ধর্মকে প্রকাশ্যভাবে অবজ্ঞা করিতে আরম্ভ করিয়াছে। 'জোর যার মূলুক তার' এ নীতি স্বীকার করিতে আর লজ্জা বোধ করিতেছে না।

ইহাও স্পষ্ট দেখিতেছি, যে ধর্মনীতি ব্যক্তিবিশেষের নিকট বরণীয় তাহা রাষ্ট্রীয় ব্যাপারে আবশ্যকের অল্পবোধে বর্জনীয় এ কথা একপ্রকার সর্বজনগ্রাহ্য হইয়া উঠিতেছে। রাষ্ট্রতন্ত্রে মিথ্যাচরণ সত্যতত্ত্ব প্রবন্ধনা এখন আর লক্ষ্যজনক বলিয়া গণ্য হয় না। যে-সকল জাতি মনুষ্যে মনুষ্যে ব্যবহারে সত্যের মর্যাদা রাখে, স্মারচরণকে শ্রেয়োজ্ঞান করে, রাষ্ট্রতন্ত্রে তাহাদেরও ধর্মবোধ অসাড় হইয়া থাকে। সেইজন্য ফরাসি, ইংরাজ, জর্মান, রুশ, ইহারা পরস্পরকে কপট ভণ্ড প্রবন্ধক বলিয়া উচ্চস্বরে গালি দিতেছে।

ইহা হইতে এই প্রমাণ হয় যে, রাষ্ট্রীয় স্বার্থকে যুরোপীয় সভ্যতা এতই আত্যন্তিক প্রাধান্য দিতেছে যে, সে ক্রমশই স্পর্ধিত হইয়া ধ্রুবধর্মের উপর হস্তক্ষেপ করিতে উদ্যত হইয়াছে। এখন গত শতাব্দীর সাম্য-সৌভ্রাতের মন্ত্র যুরোপের মুখে পরিহাসবাক্য হইয়া উঠিয়াছে। এখন খ্রীস্টান মিশনারিদের মুখেও 'ভাই' কথার মধ্যে ভ্রাতৃত্বভাবের স্বর লাগে না।

জগদ্বিখ্যাত পরিহাসরসিক মার্ক টোয়েন গত ফেব্রুয়ারি মাসের 'নর্থ আমেরিকান রিভিউ' পত্রে 'তিমিরবাসী ব্যক্তিটির প্রতি' (To The Person Sitting in Darkness) -নামক যে প্রবন্ধ লিখিয়াছেন তাহা পাঠ করিলে আধুনিক সভ্যতার ব্যাধিলক্ষণ কিছু কিছু চোখে পড়িবে। তীব্র পরিহাসের দ্বারা প্রথরশাণিত সেই প্রবন্ধটি বাংলায় অল্পবাদ করা অসম্ভব। লেখাটি সভ্যমণ্ডলীর রুচিকর হয় নাই; কিন্তু শ্রদ্ধেয় লেখক স্বার্থপর সভ্যতার বর্বরতার যে-সকল উদাহরণ উদ্ঘৃত করিয়া দিয়াছেন তাহা প্রামাণিক। দুর্বলের প্রতি সবলের অত্যাচার এবং হানিহানি-কাড়াকাড়ির যে চিত্র তিনি উদ্ঘাটন করিয়াছেন তাহার, বিভীষিকা তাঁহার উজ্জল পরিহাসের আলোকে ভীষণরূপে পরিষ্কৃত হইয়াছে।

রাষ্ট্রীয় স্বার্থপরতা যে যুরোপের সাহিত্য ও ধর্মকে ক্রমশ অধিকার করিতেছে তাহা কাহারও অগোচর নাই। কিপলিং এক্ষণে ইংরাজি সাহিত্যের শীর্ষস্থানে, এবং চেম্বারলিন ইংরাজ রাষ্ট্রব্যাপারের একজন প্রধান কাণ্ডারী। ধূমকেতুর ছোটো যুগটির পশ্চাতে তাহার ভীষণ কাঁটার মতো পুচ্ছটি দিগন্ত কাঁটাইয়া আসে— তেমনি মিশনারির করদৃত খ্রীস্টান ধর্মালোকের পশ্চাতে কী দারুণ উৎপাত জগৎকে সন্ত্রস্ত করে তাহা এক্ষণে জগদ্বিখ্যাত হইয়া গেছে। এ সম্বন্ধে মার্ক টোয়েনের মন্তব্য পাদটীকায় উদ্ঘৃত হইল। *

* The following is from the NEW YORK TRIBUNE of Christmas Eve. It comes from that Journal's Tokio Correspondent. It has a

প্রাচীন গ্রীক ও রোমক সভ্যতারও মূলে এই রাষ্ট্রীয় স্বার্থ ছিল। সেইজন্য রাষ্ট্রীয় মহত্ব বিলোপের সঙ্গে সঙ্গেই গ্রীক ও রোমক সভ্যতার অধঃপতন হইয়াছে। হিন্দু-সভ্যতা রাষ্ট্রীয় ঐক্যের উপরে প্রতিষ্ঠিত নহে। সেইজন্য আমরা স্বাধীন হই বা পরাধীন থাকি, হিন্দুসভ্যতাকে সমাজের ভিতর হইতে পুনরায় সঞ্জীবিত করিয়া তুলিতে পারি এ আশা ত্যাগ করিবার নহে।

strange and impudent sound, but the Japanese are but partially civilized as yet. When they become wholly civilized they will not talk so :

'The missionary question, of course, occupies a foremost place in the discussion. It is now felt as essential that the Western Powers take cognizance of the sentiment here that religious invasions of Oriental countries by powerful Western organizations are tantamount to filibustering expeditions, and should not only be discountenanced but that stern measures should be adopted for their suppression. The feeling here is that the missionary organizations constitute a constant menace to peaceful international relations.'

Shall We ? That is, shall we go on conferring our Civilization upon the People that Sit in Darkness, or shall we give those poor things a rest ? Shall we bang right ahead in our old-time loud, pious way, and commit the new century to the game ; or shall we sober up and sit down and think it over first ? Would it not be prudent to get our Civilization-tools together, and see how much stock is left on hand in the way of Glass Beads and Theology, and Maxim Guns and Hymn Books, and Trade Gin and Torches of progress and Enlightenment (patent adjustable ones good to fire villages with, upon occasion), and balance the books, and arrive at the profit and loss, so that we may intelligently decide whether to continue the business or sell out the property and start a new Civilization Scheme proceeds ?

Extending the Blessings of Civilization to our Brother who Sits in Darkness has been a good trade and has paid, well, on the whole ; and there is money in it yet, if carefully worked— but not enough, in my judgement, to make any considerable risk advisable. The People that Sit in Darkness are getting to be too scarce— too scarce and too shy. And such darkness as is now left is really of but an indifferent quality and not dark enough for the game. The most of those People that Sit in Darkness have been furnished with more light than was good for them or profitable for us. We have been injudicious.

‘নেশন’ শব্দ আমাদের ভাষায় নাই, আমাদের দেশে ছিল না। সম্প্রতি যুরোপীয় শিক্ষাশ্রমে গ্রাম্যমান মহত্বকে আমরা অত্যধিক আদর দিতে শিখিয়াছি। অথচ তাহার আদর্শ আমাদের অন্তঃকরণের মধ্যে নাই। আমাদের ইতিহাস, আমাদের ধর্ম, আমাদের সমাজ, আমাদের গৃহ, কিছুই নেশন-গঠনের প্রাধান্ত স্বীকার করে না। যুরোপে স্বাধীনতাকে যে স্থান দেয় আমরা মুক্তিকে সেই স্থান দিই। আত্মার স্বাধীনতা ছাড়া অন্য স্বাধীনতার মাহাত্ম্য আমরা মানি না। বিপুল বন্ধনই প্রধান বন্ধন— তাহা ছেদন করিতে পারিলে রাজা-মহারাজার অপেক্ষা শ্রেষ্ঠ পদ লাভ করি। আমাদের গৃহস্থের কর্তব্যের মধ্যে সমস্ত জগতের প্রতি কর্তব্য জড়িত রহিয়াছে। আমরা গৃহের মধ্যেই সমস্ত ব্রহ্মাণ্ড ও ব্রহ্মাণ্ডপতির প্রতিষ্ঠা করিয়াছি। আমাদের সর্বপ্রধান কর্তব্যের আদর্শ এই একটি মন্ত্রেই রহিয়াছে—

ব্রহ্মনিষ্ঠো গৃহস্থঃ স্মাৎ তত্ত্বজ্ঞানপরায়ণঃ ।

যদ্ব্যং কর্ম প্রকুবীত তদ্ ব্রহ্মণি সমর্পয়েৎ ॥

এই আদর্শ ষথার্থভাবে রক্ষা করা গ্রাম্যমান কর্তব্য অপেক্ষা দুর্লভ এবং মহত্তর। এক্ষণে এই আদর্শ আমাদের সমাজের মধ্যে সজীব নাই বলিয়াই আমরা যুরোপকে ঈর্ষা করিতেছি। ইহাকে যদি ঘরে ঘরে সঞ্জীবিত করিতে পারি, তবে মউজর বন্দুক ও দম্‌দম্‌ বুলেটের সাহায্যে বড়ো হইতে হইবে না; তবে আমরা ষথার্থ স্বাধীন হইব, স্বতন্ত্র হইব, আমাদের বিজ্ঞেতাদের অপেক্ষা নূন হইব না। কিন্তু তাঁহাদের নিকট হইতে দরখাস্তের দ্বারা বাহা পাইব তাহার দ্বারা আমরা কিছুই বড়ো হইব না।

পনেরো-ষোলো শতাব্দী খুব দীর্ঘকাল নহে। নেশনই যে সভ্যতার অভিব্যক্তি তাহার চরম পরীক্ষা হয় নাই। কিন্তু ইহা দেখিতেছি, তাহার চারিত্র-আদর্শ উচ্চতম নহে। তাহা অজ্ঞায় অবিচার ও মিথ্যার দ্বারা আকীর্ণ এবং তাহার মজ্জার মধ্যে একটি ভীষণ নিষ্ঠুরতা আছে।

এই গ্রাম্যমান আদর্শকেই আমাদের আদর্শরূপে বরণ করাতে আমাদের মধ্যেও কি মিথ্যার প্রভাব স্থান পায় নাই? আমাদের রাষ্ট্রীয় সভাগুলির মধ্যে কি নানাপ্রকার মিথ্যা চাতুরী ও আত্মগোপনের প্রাচুর্য নাই? আমরা কি ষথার্থ কথা স্পষ্ট করিয়া বলিতে শিখিতেছি? আমরা কি পরস্পর বলাবলি করি না যে, নিজের স্বার্থের জন্য বাহা দৃষ্ণীয় রাষ্ট্রীয় স্বার্থের জন্য তাহা গর্হিত নহে? কিন্তু আমাদের শাস্ত্রেই কি বলে না?—

ধর্ম এব হতো হস্তি ধর্মো ব্রহ্মতি ব্রহ্মিতঃ ।

তন্মাং ধর্মো ন হস্তব্যো মা নো ধর্মো হতো বধীং ॥

বস্তুত প্রত্যেক সভ্যতারই একটি মূল আশ্রয় আছে। সেই আশ্রয়টি ধর্মের উপর প্রতিষ্ঠিত কি না তাহাই বিচার্য। যদি তাহা উদার ব্যাপক না হয়, যদি তাহা ধর্মকে শীড়িত করিয়া বর্ধিত হয়, তবে তাহার আপাত উন্নতি দেখিয়া আমরা তাহাকে যেন ঈর্ষা, এবং তাহাকেই একমাত্র ঈর্ষিত বলিয়া বরণ, না করি।

আমাদের হিন্দুসভ্যতার মূলে সমাজ, যুরোপীয় সভ্যতার মূলে রাষ্ট্রনীতি। সামাজিক মহত্বও মানুষ মাহাত্ম্য লাভ করিতে পারে, রাষ্ট্রনীতিক মহত্বও পারে। কিন্তু আমরা যদি মনে করি, যুরোপীয় ছাঁদে নেশন গড়িয়া তোলাই সভ্যতার একমাত্র প্রকৃতি এবং মনুষ্যত্বের একমাত্র লক্ষ্য— তবে আমরা ভুল বুঝিব।

জ্যৈষ্ঠ ১৩০৮

বারোয়ারি-মঙ্গল

আমাদের দেশের কোনো বন্ধু অথবা বড়োলোকের মৃত্যুর পর আমরা বিশেষ কিছুই করি না। এইজন্য আমরা পরস্পরকে অনেক দিন হইতে অকৃতজ্ঞ বলিয়া নিন্দা করিতেছি— অথচ সংশোধনের কোনো লক্ষণ দেখা বাইতেছে না। ধিক্কার যদি আন্তরিক হইত, লজ্জা যদি বার্থ্য পাইতাম, তবে এত দিনে আমাদের ব্যবহারে তাহার কিছু-না-কিছু পরিচয় পাওয়া বাইত।

কিন্তু কেন আমরা পরস্পরকে লজ্জা দিই, অথচ লজ্জা পাই না? ইহার কারণ আলোচনা করিয়া দেখা কর্তব্য। ঘা মারিলে যদি দরজা না খোলে তবে দেখিতে হয়, তালি বন্ধ আছে কি না।

স্বীকার করিতেই হইবে, মৃত মান্নব্যক্তির জন্ম পাথরের মূর্তি গড়া আমাদের দেশে চলিত ছিল না; এই প্রকার মার্বেল পাথরের পিণ্ডদানপ্রথা আমাদের কাছে অভ্যস্ত নহে। আমরা হাহাকার করিয়াছি, অশ্রুপাত করিয়াছি, বলিয়াছি ‘আহা, দেশের এত বড়ো লোকটাও গেল!’— কিন্তু কমিটির উপর নৃতিরকার ভার দিই নাই।

এখন আমরা শিখিয়াছি এইরূপই কর্তব্য, অথচ তাহা আমাদের সংস্কারগত হয় নাই, এইজন্য কর্তব্য পালিত না হইলে মুখে লজ্জা দিই, কিন্তু হৃদয়ে আঘাত পাই না।

ভিন্ন মানুষের হৃদয়ের বৃন্তি এক-রকম হইলেও বাহিরে তাহার প্রকাশ নানা কারণে নানা-রকম হইয়া থাকে। ইংরাজ প্রিয়ব্যক্তির মৃতদেহ মাটির মধ্যে ঢাকিয়া

পাথরে চাপা দিয়া রাখে, তাহাতে নামধাম-তারিখ খুদিয়া রাখিয়া দেয় এবং তাহার চারি দিকে ফুলের গাছ করে। আমরা পরমাত্মীরের মৃতদেহ শ্মশানে ভস্ম করিয়া চলিয়া আসি। কিন্তু প্রিয়জনের প্রিয়ত্ব কি আমাদের কাছে কিছুমাত্র অল্প? ভালোবাসিতে এবং শোক করিতে আমরা জানি না, ইংরাজ জানে, এ কথা কবর এবং শ্মশানের সাক্ষ্য লইয়া ঘোষণা করিলেও হৃদয় তাহাতে সার দিতে পারে না।

ইহার অনুরূপ তর্ক এই যে, 'থ্যাঙ্ক্ যু'র প্রতিবাক্য আমরা বাংলায় ব্যবহার করি না, অতএব আমরা অকৃতজ্ঞ। আমাদের হৃদয় ইহার উত্তর এই বলিয়া দেয় যে, কৃতজ্ঞতা আমার যে আছে আমিই তাহা জানি, অতএব 'থ্যাঙ্ক্ যু' বাক্য-ব্যবহারই যে কৃতজ্ঞতার একমাত্র পরিচয় তাহা হইতেই পারে না।

'থ্যাঙ্ক্ যু' শব্দের দ্বারা হাতে হাতে কৃতজ্ঞতা ঝাড়িয়া কেলিবার একটা চেষ্টা আছে, সেটা আমরা জবাব-স্বরূপ বলিতে পারি। যুরোপ কাহারও কাছে বাধ্য থাকিতে চাহে না— সে স্বতন্ত্র। কাহারও কাছে তাহার কোনো দাবি নাই, স্বতরাং যাহা পায় তাহা সে গায়ে রাখে না। শুধিয়া তখনই নিষ্কৃতি পাইতে চায়।

পরম্পরের প্রতি আমাদের দাবি আছে, আমাদের সমাজের গঠনই সেইরূপ। আমাদের সমাজে যে ধনী সে দান করিবে, যে গৃহী সে আতিথ্য করিবে, যে জ্ঞানী সে অধ্যাপন করিবে, যে জ্যেষ্ঠ সে পালন করিবে, যে কনিষ্ঠ সে সেবা করিবে—ইহাই বিধান। পরম্পরের দাবিতে আমরা পরস্পর বাধ্য। ইহাই আমরা মঙ্গল বলিয়া জানি। প্রার্থী যদি ফিরিয়া যায় তবে ধনীর পক্ষেই তাহা অশুভ, অতিথি যদি ফিরিয়া যায় তবে গৃহীর পক্ষেই তাহা অকল্যাণ। শুভকর্ম কর্মকর্তার পক্ষেই শুভ। এইজন্য নিমন্ত্রণকারীই নিমন্ত্রিতের নিকট কৃতজ্ঞতা স্বীকার করেন। আহুতবর্গের সন্তোষে যে-একটি মঙ্গলজ্যোতি গৃহ পরিব্যাপ্ত করিয়া উদ্ভাসিত হয় তাহা নিমন্ত্রণকারীর পক্ষেই পুরস্কার। আমাদের দেশে নিমন্ত্রণের প্রধানতম ফল নিমন্ত্রিত পায় না, নিমন্ত্রণকারীই পায়— তাহা মঙ্গলকর্ম সুসম্পন্ন করিবার আনন্দ, তাহা রসনাভূষ্টির অপেক্ষা অধিক।

এই মঙ্গল যদি আমাদের সমাজের মুখ্য অবলম্বন না হইত তবে সমাজের প্রকৃতি এবং কর্ম অগ্ন রকমের হইত। স্বার্থ এবং স্বাতন্ত্র্যকে যে বড়ো করিয়া দেখে পরের অস্ত্র কাজ করিতে তাহার সর্বদা উত্তেজনা আবশ্যিক করে। সে যাহা দেয় অশুভ তাহার একটা রসিক লিখিয়া রাখিতে চায়। তাহার যে কমতা আছে সেই কমতার দ্বারা অন্যের উপরে সে যদি প্রভাব বিস্তার করিতে না পারে, তবে কমতা প্রয়োগ করিবার যথেষ্ট উৎসাহ তাহার না থাকিতে পারে। এইজন্য স্বাতন্ত্র্য-

প্রধান সমাজকে ক্ষমতাশালী লোকের কাছ হইতে কাজ আদায় করিবার জন্ত সর্বদা বাহবা দিতে হয় ; যে দান করে তাহার যেমন সমারোহ, যে গ্রহণ করে তাহারও তেমনি অনেক আয়োজনের দরকার হয়। প্রত্যেক সমাজ নিজের বিশেষ প্রকৃতি এবং বিশেষ আবশ্যক -অনুসারে নিজের নিয়মে নিজের কাজ-উদ্ধারে প্রবৃত্ত হয়। দাতা দান করিয়াই কৃতার্থ, এই ভাবটার উপরেই আমরা অত্যন্ত ঝোঁক দিয়া থাকি ; আর গ্রহীতা গ্রহণ করিয়া কৃতার্থ, এই ভাবটার উপরেই যুরোপ অধিক ঝোঁক দিয়া থাকে। স্বার্থের দিক দিয়া দেখিলে যে গ্রহণ করে তাহারই গরজ বেশি, মঙ্গলের দিক দিয়া দেখিলে যে দান করে তাহারই গরজ বেশি। অতএব আদর্শভেদে ভিন্ন সমাজ ভিন্ন পথ দিয়া নিজের কাজে যাত্রা করে।

কিন্তু স্বার্থের উত্তেজনা মানবপ্রকৃতিতে মঙ্গলের উত্তেজনা অপেক্ষা সহজ এবং প্রবল, তাহাতে সন্দেহ নাই। অর্থনীতিশাস্ত্রে বলে ডিমাণ্ড-অনুসারে সাপ্লাই, অর্থাৎ চাহিদা-অনুসারে জোগান হইয়া থাকে। খরিদদারের তরফে যেখানে অধিক মূল্য হাঁকে ব্যাবসাদারের তরফ হইতে সেইখানেই অধিক মাল আসিয়া পড়ে। যে সমাজে ক্ষমতার মূল্য বেশি সেই সমাজেই ক্ষমতাশালীর চেষ্টা বেশি হইয়া থাকে, ইহাই সহজ স্বভাবের নিয়ম।

কিন্তু আমাদের সৃষ্টিছাড়া ভারতবর্ষ বরাবর সহজ স্বভাবের নিয়মের উপর জয়ী হইবার চেষ্টা করিয়াছে। অর্থনীতিশাস্ত্র আর-সব জায়গাতেই খাটে, কেবল ভারতবর্ষেই তাহা উলট-পালট হইয়া যায়। ছোটো বড়ো সকল বিষয়েই ভারতবর্ষ মানবস্বভাবকে সহজ স্বভাবের উর্ধে রাখিতে চেষ্টা করিয়াছে। স্খুধাতৃষ্ণ হইতে আরম্ভ করিয়া ধনমানসম্ভোগ পর্যন্ত কোনো বিষয়েই তাহার চাল চলন সহজ-রকম নহে। আর-কিছু না পায় তো অস্তুত তিখিনক্ষত্রের দোহাই দিয়া সে আমাদের অত্যন্ত স্বাভাবিক প্রবৃত্তিগুলোকে পদে পদে প্রতিহত করিয়া রাখে। এই দুঃসাধ্য কার্যে সে অনেক সময় মূঢ়তাকে সহায় করিয়া অবশেষে সেই মূঢ়তার দ্বারা নিজের সর্বনাশ সাধন করিয়াছে। ইহা হইতে তাহার চেষ্টার একান্ত লক্ষ কোন্ দিকে তাহা বুঝা যায়।

দুর্ভাগ্যক্রমে মানুষের দৃষ্টি সংকীর্ণ। এইজন্য তাহার প্রবল চেষ্টা এমন-সকল উপায় অবলম্বন করে যাহাতে শেষ কালে সেই উপায়ের দ্বারাতেই সে মারা পড়ে। সমস্ত সমাজকে নিষ্কাম মঙ্গলকর্মে দীক্ষিত করিবার প্রবল আবেগে ভারতবর্ষ অন্ধতাকেও প্রয়োজ্ঞান করিয়াছে। এ কথা তুলিয়া গেছে যে, বরঞ্চ স্বার্থের কাজ অন্ধভাবে চলিতে পারে, কিন্তু মঙ্গলের কাজ তাহা পারে না। সজ্ঞান ইচ্ছার

উপরেই মঙ্গলের মঙ্গল প্রতিষ্ঠিত। কলেই হউক, আর বলেই হউক, উপযুক্ত কাজটি করাইয়া লইতে পারিলেই স্বার্থসাধন হয়, কিন্তু সম্পূর্ণ বিবেকের সঙ্গে কাজ না করিলে কেবল কাজের দ্বারা মঙ্গলসাধন হইতে পারে না। তিথিনক্ষত্রের বিজ্ঞানিক এবং অস্বাভাবিকতার সঙ্গতির লোভ -দ্বারা মঙ্গলকাজ করাইবার চেষ্টা করিলে কেবল কাজই করানো হয়, মঙ্গল করানো হয় না। কারণ, মঙ্গল স্বার্থের দ্বারা অল্প লক্ষ্যের অপেক্ষা করে না, মঙ্গলেই মঙ্গলের পূর্ণতা।

কিন্তু বৃহৎ জনসমাজকে এক আদর্শে বাধিবার সময় মানুষের ধৈর্য থাকে না। তখন ফলশাস্ত্রের প্রতি তাহার আগ্রহ ক্রমে যতই বাড়িতে থাকে, ততই উপায় সম্বন্ধে তাহার আর বিচার থাকে না। রাষ্ট্রহিতৈষী যে-সকল দেশের উচ্চতম আদর্শ সেখানেও এই অন্ধতা দেখিতে পাওয়া যায়। রাষ্ট্রহিতৈষীর চেষ্টাবেগ যতই বাড়িতে থাকে ততই সত্য-মিথ্যা স্মরণ-অস্মরণের বুদ্ধি তিরোহিত হইতে থাকে। ইতিহাসকে অলীক করিয়া, প্রতিজ্ঞাকে লঙ্ঘন করিয়া, ভদ্রনীতিকে উপেক্ষা করিয়া, রাষ্ট্রমহিমাকে বড়ো করিবার চেষ্টা হয়; অন্ধ অহংকারকে প্রতিদিন অস্তিত্ব করিয়া তোলাকেও শ্রেয় বলিয়া বোধ হইতে থাকে— অবশেষে, ধর্ম, যিনি সকলকে ধারণ করিয়া রক্ষা করেন, তাঁহাকে সবলে আঘাত করিয়া নিজের আশ্রয়শাখাটিকেই ছেদন করা হয়। ধর্ম কলের মধ্যেও বিনষ্ট হন, বলের দ্বারাও বিক্ষিপ্ত হইয়া থাকেন। আমরা আমাদের মঙ্গলকে কলের মধ্যে ধরিয়া রাখিতে গিয়া মারিয়া ফেলিয়াছি, যুরোপ স্বার্থোন্নতিকে বলপূর্বক চাপিয়া রাখিতে গিয়া প্রত্যহই বিনাশ করিতেছে।

অতএব আমাদের প্রাচীন সমাজ আজ নিজের মঙ্গল হারাইয়াছে, দুর্গতির বিস্তীর্ণ জালের মধ্যে অন্ধ-প্রত্যন্ধে জড়ীভূত হইয়া আছে, ইহা প্রত্যক্ষ দেখিতেছি বটে; তবু বলিতে হইবে, মঙ্গলকেই লাভ করিবার জন্য ভারতবর্ষের সর্বাঙ্গীণ চেষ্টা ছিল। স্বার্থসাধনের প্রয়াসই যদি স্বভাবের সহজ নিয়ম হয়, তবে সে নিয়মকে ভারতবর্ষ উপেক্ষা করিয়াছিল। সেই নিয়মকে উপেক্ষা করিয়াই যে তাহার দুর্গতি ঘটিয়াছে তাহা নহে, কারণ, সে নিয়মের বশবর্তী হইয়াও গুরুতর দুর্গতি ঘটে— কিন্তু সমাজকে সকল দিক হইতে মঙ্গলজালে জড়িত করিবার প্রবল চেষ্টায় অন্ধ হইয়া সে নিজের চেষ্টাকে ব্যর্থ করিয়াছে। বৈধের সহিত যদি জ্ঞানের উপর এই মঙ্গলকে প্রতিষ্ঠিত করিতে চেষ্টা করি, তবে আমাদের সামাজিক আদর্শ সত্য-জগতের সমুদয় আদর্শের অপেক্ষা শ্রেষ্ঠ হইবে। অর্থাৎ, আমাদের পিতামহদের শুভ ইচ্ছাকে যদি কলের দ্বারা সকল করিবার চেষ্টা না করিয়া জ্ঞানের দ্বারা সকল করিবার চেষ্টা করি, তবে ধর্ম আমাদের সহায় হইবেন।

কিন্তু কল জিনিসটাকে একেবারে বরখাস্ত করা যায় না। এক-এক দেবতার এক-এক বাহন আছে—সম্প্রদায়-দেবতার বাহন কল। বহুতর লোককে এক আদর্শে গঠিত করিতে গেলে বোধ করি বারো-আনা লোককে অঙ্ক অভ্যাসের বশবর্তী করিতে হয়। জগতে ষত ধর্মসম্প্রদায় আছে তাহাদের মধ্যে সজ্ঞান নিষ্ঠা-সম্পন্ন লোক বেশি পাওয়া যায় না। খ্রীষ্টানজাতির মধ্যে আন্তরিক খ্রীষ্টান কত অল্প তাহা দুর্ভাগ্যক্রমে আমরা জানিতে পাইয়াছি—এবং হিন্দুদের মধ্যে অঙ্ক-সংস্কারবিমুক্ত ষথার্থ জ্ঞানী হিন্দু যে কত বিরল তাহা আমরা চিরাভ্যাসের জড়তা-বশত ভালো করিয়া জানিতেও পাই না। সকল লোকের প্রকৃতি যখন এক হয় না তখন এক আদর্শকে প্রতিষ্ঠিত করিতে গেলে অনেক বাজে মাল-মসলা আসিয়া পড়ে। যে-সকল বাছা-বাছা লোক এই আদর্শের অহুসারী তাঁহারা সাম্প্রদায়িক কলের ভাবটাকে প্রাণের দ্বারা ঢালিয়া লন। কিন্তু কলটাই যদি বিপুল হইয়া উঠিয়া প্রাণকে পিষিয়া ফেলে, প্রাণকে খেলিবার সুবিধা না দেয়, তবেই বিপদ। সকল দেশেই মাঝে মাঝে মহাপুরুষরা উঠিয়া সামাজিক কলের বিরুদ্ধে সকলকে সচেতন করিতে চেষ্টা করেন—সকলকে সতর্ক করিয়া বলেন, কলের অঙ্ক গতিকেই সকলে প্রাণের গতি বলিয়া যেন ভ্রম না করে। অল্পদিন হইল, ইংরেজ-সমাজে কার্ণাইল এইরূপ চেষ্টায় প্রবৃত্ত হইয়াছিলেন। অতএব বাহনটাই যখন সমাজদেবতার কাঁধের উপর চড়িয়া বসিবার চেষ্টা করে, যত্ন যখন যত্নীকেই নিজের যত্নস্বরূপ করিবার উপক্রম করে, তখন সমাজে ও সমাজের কলে মাঝে-মাঝে ঝুটাপুটি বাধিয়া যায়। মানুষ যদি সেই যুদ্ধে কলের উপর জয়ী হয় তো ভালো, আর কল যদি মানুষকে পরাভূত করিয়া চাকার নীচে চাপিয়া রাখে তবেই সর্বনাশ।

আমাদের সমাজের প্রাচীন কলটা নিজের সচেতন আদর্শকে অন্তরাল করিয়া ফেলিয়াছে বলিয়া, জড় অহুষ্ঠানে জ্ঞানকে সে আধ-মরা করিয়া পিঁজরার মধ্যে আবদ্ধ করিয়াছে বলিয়া, আমরা যুরোপীয় আদর্শের সহিত নিজের আদর্শের তুলনা করিয়া গৌরব অনুভব করিবার অবকাশ পাই না। আমরা কথায় কথায় লজ্জা পাই। আমাদের সমাজের দুর্ভেদ্য জড়ত্ব হিন্দুসভ্যতার কীর্তিস্তম্ভ নহে; ইহার অনেকটাই সুদীর্ঘকালের যত্নসঞ্চিত ধূলিমাাত্র। অনেক সময় যুরোপীয় সভ্যতার কাছে ধিক্কার পাইয়া আমরা এই ধূলিত্বকে গইয়াই গায়ের জোরে গর্ব করি, কালের এই-সমস্ত অনাহুত আবর্জনারাশিকেই আমরা আপনার বলিয়া অভিমান করি—ইহার অত্যন্তরে যেখানে আমাদের ষথার্থ গর্বের ধন হিন্দুসভ্যতার প্রাচীন আদর্শ আলোক ও বায়ুর অভাবে মূর্ছাশিত হইয়া পড়িয়া আছে সেখানে দৃষ্টিপাত করিবার পথ পাই না।

প্রাচীন ভারতবর্ষ স্বধ, স্বার্থ, এমন-কি ঐশ্বরকে পর্বস্ত ধর্ব করিয়া মঙ্গলকেই যে ভাবে সমাজের প্রতিষ্ঠা স্থল করিবার চেষ্টা করিয়াছিল এমন আর কোথাও হয় নাই। অল্প দেশে ধনমানের অল্প, প্রতুৎ-অর্জনের অল্প, হানাহানি-কাড়াকাড়ি করিতে সমাজ প্রত্যেককেই উৎসাহ দিয়া থাকে। ভারতবর্ষ সেই উৎসাহকে সর্বপ্রকারে নিরস্ত করিয়াছে; কারণ, স্বার্থোন্নতি তাহার লক্ষ্য ছিল না, মঙ্গলই তাহার লক্ষ্য ছিল। আমরা ইংরাজের ছাত্র আজ বলিতেছি, এই প্রতিযোগিতা এই হানাহানির অভাবে আমাদের আজ দুর্গতি হইয়াছে। প্রতিযোগিতার উত্তরোত্তর প্রপ্রয়ে ইংলণ্ড ফ্রান্স জার্মানি রাশিয়া আমেরিকাকে ক্রমশ কিরূপ উগ্র হিংস্রতার দিকে টানিয়া লইয়া যাইতেছে, কিরূপ প্রচণ্ড সংঘাতের মুখের কাছে দাঁড় করাইয়াছে, সভ্যনীতিকে প্রতিদিন কিরূপ বিপর্যস্ত করিয়া দিতেছে, তাহা দেখিলে প্রতিযোগিতাপ্রধান সভ্যতাকেই চরম সভ্যতা বলিতে কোনোমতেই প্রবৃত্তি হয় না। বল বৃদ্ধি ও ঐশ্বর্য মনুষ্যদেহের একটা অঙ্গ হইতে পারে, কিন্তু শান্তি সামঞ্জস্য এবং মঙ্গলও কি তদপেক্ষা উচ্চতর অঙ্গ নহে? তাহার আদর্শ এখন কোথায়? এখনকার কোন্ বণিকের আগিসে, কোন্ বণিকেরে? কোন্ কালো কোর্তায়, লাল কোর্তায়, বা ধাকি কোর্তায় সে সজ্জিত হইয়াছে? সে ছিল প্রাচীন ভারতবর্ষের কুটিরপ্রাঙ্গণে শুভ্র উত্তরীয় পরিয়া। সে ছিল ব্রহ্মপরায়ণ তপস্বীর স্তিমিত ধ্যানাসনে, সে ছিল ধর্মপরায়ণ আর্ষ গৃহস্থের কর্মমুখরিত যজ্ঞশালায়। দল বাধিয়া পূজা, কমিটি করিয়া শোক, বা চাঁদা করিয়া কৃতজ্ঞতাপ্রকাশ, এ আমাদের জাতির প্রকৃতিগত নহে এ কথা আমাদের স্বীকার করিতেই হইবে। এ গৌরবের অধিকার আমাদের নাই। কিন্তু তাই বলিয়া আমরা লজ্জা পাইতে প্রস্তুত নহি। সংসারের সর্বত্রই হরণ-পূরণের নিয়ম আছে। আমাদের বাঁ দিকে কমতি থাকিলেও ডান দিকে বাড়তি থাকিতে পারে। যে ওড়ে তাহার ডানা বড়ো, কিন্তু পা ছোটো; যে দৌড়ায় তাহার পা বড়ো, কিন্তু ডানা নাই।

আমাদের দেশে আমরা বলিয়া থাকি, মহাত্মাদের নাম প্রাতঃস্মরণীয়। তাহা কৃতজ্ঞতার ঋণ শুধিবার অঙ্গ নহে— ভক্তিভাজনকে দিবসারম্ভে যে ব্যক্তি ভক্তিভাবে স্মরণ করে তাহার মঙ্গল হয়— মহাপুরুষদের তাহাতে উৎসাহবৃদ্ধি হয় না, যে ভক্তি করে সে ভালো হয়। ভক্তি করা প্রত্যেকের প্রাত্যহিক কর্তব্য।

কিন্তু তবে তো একটা লম্বা নামের মালা গাঁথিয়া প্রত্যহ আওড়াইতে হয় এবং সে মালা ক্রমশই বাড়িয়া চলে। তাহা হয় না। স্বার্থ ভক্তিই যেখানে উদ্দেশ্য সেখানে মালা বেশি বাড়িতে পারে না। ভক্তি যদি নির্জীব না হয় তবে সে জীবনের ধর্ম অনুসারে গ্রহণ-বর্জন করিতে থাকে, কেবলই সঞ্চয় করিতে থাকে না।

পুস্তক কতই প্রকাশিত হইতেছে, কিন্তু যদি অবিচারে সঞ্চয় করিবার প্রবৃত্তি না থাকে— যদি মনে করি কেবল যে বইগুলি বখাৰ্ধই আমার প্রিয়, বাহা আমার পক্ষে চিরদিন পড়িবার যোগ্য, সেইগুলিই রক্ষা করিব— তবে শত বৎসর পরমায়ু হইলেও আমার পাঠ্যগ্রন্থ আমার পক্ষে ছুৰ্ত্তর হইয়া উঠে না।

আমার প্রকৃতি যে মহাত্মাদের প্রত্যহস্মরণযোগ্য বলিয়া ভক্তি করে তাঁহাদের নাম যদি উচ্চারণ করি, তবে কতটুকু সময় লয়? প্রত্যেক পাঠক যদি নিজের মনে চিন্তা করিয়া দেখেন তবে কয়টি নাম তাঁহাদের মুখে আসে? ভক্তি বাহাদিগকে হৃদয়ে সজীব করিয়া না রাখে, বাহিরে তাঁহাদের পাথরের মূর্তি গড়িয়া রাখিলে আমার তাহাতে কী লাভ?

তাঁহাদের তাহাতে লাভ আছে এমন কথা উঠিতেও পারে! লোকে দল বাধিয়া প্রতিমা স্থাপন করিবে, অথবা মৃতদেহ বিশেষ স্থানে সমাহিত হইয়া গৌরব প্রাপ্ত হইবে, এই আশা স্পষ্টত বা অলক্ষ্যে মনকে উৎসাহ দিতেও পারে। কবরের দ্বারা ধ্যাতিলাভ করিবার একটা মোহ আছে, তাহা তাজমহল প্রভৃতির ইতিহাস হইতে জানা যায়।

কিন্তু আমাদের সমাজ মহাত্মাদিগকে সেই বেতন দিয়া বিদায় করিতে চাহে নাই। আমাদের সমাজে মাহাত্ম্য সম্পূর্ণ বিনা বেতনের। ভারতবর্ষে অধ্যাপক সমাজের নিকট হইতে ব্রাহ্মণের প্রাপ্য দানদক্ষিণা গ্রহণ করিয়া থাকেন, কিন্তু অধ্যাপনার বেতন শোধ করিয়া দিয়া আমাদের সমাজ তাঁহাদিগকে অপমানিত করে না। পূর্বেই বলিয়াছি, মঙ্গলকর্ম যিনি করিবেন তিনি নিজের মঙ্গলের জন্যই করিবেন ইহাই ভারতবর্ষের আদর্শ। কোনো বাহ্য মূল্য লইতে গেলেই মঙ্গলের মূল্য কমিয়া যায়।

দলের একটা উৎসাহ আছে, তাহা সংক্রামক, তাহা মূঢ়ভাবে পরস্পরের মধ্যে সঞ্চারিত হয়— তাহার অনেকটা অলীক। 'গোলে হরিবোল' ব্যাপারে হরিবোল যতটা থাকে গোলের মাত্রা তাহা অপেক্ষা অনেক বেশি হইয়া পড়ে। দলের আন্দোলনে অনেক সময় তুচ্ছ উপলক্ষ্যে ভক্তির ঝড় উঠিতে পারে— তাহার সাময়িক প্রবলতা যতই হোক-না কেন, ঝড় জিনিসটা কখনোই স্থায়ী নহে। সংসারে এমন কত বার কত শত দলের দেবতার অকস্মাৎ সৃষ্টি হইয়াছে এবং অয়তাক বাজিতে বাজিতে অতলস্পর্শ বিশ্বতির মধ্যে তাহাদের বিসর্জন হইয়া গেছে। পাথরের মূর্তি গড়িয়া অবদন্তি করিয়া কি কাহাকেও মনে রাখা যায়? ওয়েস্টমিনিস্টার অ্যাবিভে কি এমন অনেকের নাম পাথরে খোদা হয় নাই ইতিহাসে বাহাদের নামের অক্ষর

প্রত্যহ স্মৃতি ও জ্ঞান হইয়া আসিতেছে? এই-সকল কণকালের দেবতাগণকে দলীয় উৎসাহে চিরকালের আসনে বসাইবার চেষ্টা করা, না দেবতার পক্ষে ভালো, না দলের পক্ষে শুভকর। দলগত প্রবল উদ্বেজনা যুদ্ধে বিগ্রহে এবং প্রমোদ-উৎসবে উপবোধী হইতে পারে, কারণ কণিকতাই তাহার প্রকৃতি— কিন্তু স্নেহ প্রেম দয়া ভক্তির পক্ষে সংবত-সমাহিত শান্তিই শোভন এবং অহুকুল, কারণ, তাহা অকৃত্রিমতা এবং ক্রবতা চাহে, আপনাকে নিঃশেষিত করিতে চাহে না।

যুরোপেও আমরা কী দেখিতে পাই? সেখানে দল বাধিয়া যে ভক্তি উচ্ছ্বসিত হয় তাহা কি ষথার্থ ভক্তিভাজনের বিচার করে? তাহা কি সাময়িক উপকারকে চিরন্তন উপকারের অপেক্ষা বড়ো করে না, তাহা কি গ্রাম্যদেবতাকে বিশ্বদেবতার চেয়ে উচ্চে বসায় না? তাহা মুখর দলপতিগণকে যত সম্মান দেয় নিভৃতবাসী মহাতপস্বীদিগকে কি তেমন সম্মান দিতে পারে? শুনিয়াছি লর্ড পামার্স্টনের সমাধিকালে যেক্রপ বিরাট সম্মানের সমারোহ হইয়াছিল, এমন কচিং হইয়া থাকে। দূর হইতে আমাদের মনে এ কথা উদয় হয় যে, এই ভক্তিই কি শ্রেয়? পামার্স্টনের নামই কি ইংলণ্ডের প্রাতঃস্মরণীয়ের মধ্যে, সর্বাগ্রগণ্যীয়ের মধ্যে স্থান পাইল? দলের চেষ্টায় যদি কৃত্রিম উপায়ে সেই উদ্দেশ্য কিয়ৎপরিমাণে সাধিত হইয়া থাকে তবে দলের চেষ্টাকে প্রশংসা করিতে পারি না— যদি না হইয়া থাকে তবে সেই বৃহৎ আড়ম্বরে বিশেষ গৌরব করিবার এমন কী কারণ আছে?

যাহাদের নামস্মরণ আমাদের সমস্ত দিনের বিচিত্র মঙ্গলচেষ্টার উপযুক্ত উপক্রমণিকা বলিয়া গণ্য হইতে পারে তাঁহারাি আমাদের প্রাতঃস্মরণীয়। তাহার অধিক আর বোঝাই করিবার কোনো দরকার নাই। ব্যয়কাতর কৃপণের ধনের মতো, ছোটো বড়ো মাঝারি, কণিক এবং চিরন্তন, সকলপ্রকার মাহাত্ম্যকেই সাদা পাথর দিয়া চাপা দিয়া রাখিবার প্রবৃত্তি যদি আমাদের না হয় তবে তাহা লইয়া লজ্জা না করিলেও চলে। ভক্তিকে যদি প্রতিদিনের ব্যবহারযোগ্য করিতে হয় তবে তাহা হইতে প্রতিদিনের অভ্যাগত অনাবশ্যক ভারগুলি বিদায় করিবার উপায় রাখিতে হয়, তাহার বিপরীত প্রণালীতে সমস্তই স্তূপাকার করিবার চেষ্টা না করাই ভালো।

যাহা বিনষ্ট হইবার তাহাকে বিনষ্ট হইতে দিতে হইবে, যাহা অগ্নিতে দহ হইবার তাহা ভস্ম হইয়া যাক। মৃতদেহ যদি লুপ্ত না হইয়া বাইত তবে পৃথিবীতে জীবিতের অবকাশ থাকিত না, ধরাডল একটি প্রকাণ্ড কবরস্থান হইয়া থাকিত। আমাদের জন্মের ভক্তিকে পৃথিবীর ছোটো এবং বড়ো, খাঁটি এবং স্ফুটো, সমস্ত

বড়োত্বের গোরস্থান করিয়া রাখিতে পারি না। যাহা চিরজীবী তাহাই থাক; যাহা মৃতদেহ, আজ বাদে কাল কীটের খাণ্ড হইবে, তাহাকে মুখ স্নেহে ধরিয়া রাখিবার চেষ্টা না করিয়াই শোকের সহিত, অথচ বৈরাগ্যের সহিত, শ্মশানে ভস্ম করিয়া আসাই বিহিত। পাছে তুলি, এই আশঙ্কায় নিজেকে উত্তেজিত রাখিবার জন্য কল বানাইবার চেয়ে ভোলাই ভালো। ঈশ্বর আমাদেরকে দয়া করিয়াই বিশ্বরণ-শক্তি দিয়াছেন।

সঞ্চয় নিতান্ত অধিক হইয়া উঠিতে থাকিলে বাছাই করা দুঃসাধ্য হয়। তাহা ছাড়া সঞ্চয়ের নেশা বড়ো দুর্জয় নেশা। এক বার যদি হাতে কিছু জমিয়া যায়, তবে জমাইবার ঝোক আর সামলানো যায় না। আমাদের দেশে ইহাকেই বলে নিরানব্বইয়ের ধাক্কা। যুরোপ এক বার বড়োলোক জমাইতে আরম্ভ করিয়া এই নিরানব্বইয়ের আবর্তের মধ্যে পড়িয়া গেছে। যুরোপে দেখিতে পাই কেহ বা ডাকের টিকিট জমায়, কেহ বা দেশলাইয়ের বাস্কের কাগজের আচ্ছাদন জমায়, কেহ বা পুরাতন জুতা কেহ বা বিজ্ঞাপনের ছবি জমাইতে থাকে— সেই নেশার রোধ যতই চড়িতে থাকে ততই এই-সকল জিনিসের একটা কৃত্রিম মূল্য অসম্ভবরূপে বাড়িয়া উঠে। তেমনি যুরোপে মৃত বড়োলোক জমাইবার বে-একটা প্রচণ্ড নেশা আছে তাহাতে মূল্যের বিচার আর থাকে না। কাহাকেও আর বাদ দিতে ইচ্ছা করে না। যেখানে একটুমাত্র উচ্চতা বা বিশেষত্ব আছে সেইখানেই যুরোপ তাড়াতাড়ি সিঁদুর মাখাইয়া দিয়া ঘণ্টা নাড়িতে থাকে। দেখিতে দেখিতে দল জুটিয়া যায়।

বস্তুত মাহাত্ম্যের সঙ্গে ক্ষমতা বা প্রতিভার প্রভেদ আছে। মহাত্মারা আমাদের কাছে এমন একটি আদর্শ রাখিয়া যান, যাহাতে তাঁহাদিগকে ভক্তিভরে স্মরণ করিলে জীবন মহত্বের পথে আকৃষ্ট হয়, কিন্তু ক্ষমতাশালীকে স্মরণ করিয়া আমরা যে ক্ষমতাপ্রাপ্ত হইতে পারি তাহা নহে। ভক্তিভাবে শেকস্পিয়রের স্মরণমাত্র আমাদেরকে শেকস্পিয়রের গুণের অধিকারী করে না, কিন্তু ষথার্থভাবে কোনো সাধুকে অথবা বীরকে স্মরণ করিলে আমাদের পক্ষে সাধুত্ব বা বীরত্ব কিয়ৎপরিমাণেও সরল হইয়া আসে।

তবে গুণিসম্বন্ধে আমাদের কী কর্তব্য? গুণীকে তাঁহার গুণের দ্বারা স্মরণ করাই আমাদের স্বাভাবিক কর্তব্য। প্রকার সহিত তানসেনের গানের চর্চা করিয়াই গুণমুগ্ধ প্রায়কগণ তানসেনকে ষথার্থভাবে স্মরণ করে। ঋগ্বেদে গুণীকে বাহার গানে অর আসে সেও তানসেনের প্রতিমা গড়িবার জন্য চাঁদা দিয়া ঐহিক পারত্রিক কোনো ফললাভ

করে এ কথা মনে করিতে পারি না। সকলকেই যে গানে ওস্তাদ হইতে হইবে এমন কোনো অবশ্যবাধ্যতা নাই। কিন্তু সাধুতা বা বীরত্ব সকলেরই পক্ষে আদর্শ। সাধুদিগের এবং মহৎকর্মে প্রাণবিসর্জনপর বীরদিগের স্মৃতি সকলেরই পক্ষে মঙ্গলকর। কিন্তু দল বাধিয়া ঋণশোধ করাকে সেই স্মৃতি-পালন কহে না; স্বরণব্যাপার প্রত্যেকের পক্ষে প্রত্যাহের কর্তব্য

যুরোপে এই ক্ষমতা এবং মাহাত্ম্যের প্রভেদ সুপ্তপ্রায়। উভয়েরই অয়ধ্বজা একই রকম, এমন-কি, মাহাত্ম্যের পতাকাই যেন কিছু খাটো। পাঠকগণ অহুধাবন করিয়া দেখিলেই বুঝিতে পারিবেন, বিলাতে অভিনেতা আর্ভিঙের সম্মান পরমসাধুর প্রাপ্য সম্মান অপেক্ষা অল্প নহে। রামমোহন রায় আজ যদি ইংলণ্ডে যাইতেন তবে তাঁহার গৌরব ক্রিকেট-খেলোয়াড় রঞ্জিতসিংহের গৌরবের কাছে ধ্বংস হইয়া থাকিত।

আমরা কবিচরিত-নামক প্রবন্ধে উল্লেখ করিয়াছি, যুরোপে ক্ষমতাশালী লোকের জীবনচরিত লেখার একটা নিরতিশয় উত্তম আছে। যুরোপকে চরিতবায়ুগ্রস্ত বলা যাইতে পারে। কোনোমতে একটা যে-কোনো প্রকারের বড়লোকদের সুদূর গন্ধটুকু পাইলেই তাহার সমস্ত চিঠিপত্র, গল্পগুজব, প্রাত্যহিক ঘটনার সমস্ত আবৎনা সংগ্রহ করিয়া মোটা দুই ভল্যুমে জীবনচরিত লিখিবার জন্য লোকে ইচ্ছা করিয়া বসিয়া থাকে। যে নাচে তাহার জীবনচরিত, যে গান করে তাহার জীবনচরিত, যে হাসাইতে পারে তাহার জীবনচরিত— জীবন বাহার যেমনই হোক, যে লোক কিছু-একটা পারে তাহারই জীবনচরিত। কিন্তু যে মহাত্মা জীবনযাত্রার আদর্শ দেখাইয়াছেন তাঁহারই জীবনচরিত সার্থক; বাহার সমস্ত জীবনের দ্বারা কোনো কাজ করিয়াছেন তাঁহাদেরই জীবন আলোচ্য। যিনি কবিতা লিখিয়াছেন, গান তৈরি করিয়াছেন, তিনি কবিতা এবং গানই দান করিয়া গেছেন, তিনি জীবন দান করিয়া দান নাই— তাঁহার জীবনচরিতে কাহার কী প্রয়োজন? টেনিসনের কবিতা পড়িয়া আমরা টেনিসনকে যত বড়ো করিয়া জানিয়াছি, তাঁহার জীবনচরিত পড়িয়া তাঁহাকে তাহা অপেক্ষা অনেক ছোটো করিয়া জানিয়াছি মাত্র।

কৃত্রিম আদর্শে মাহুযকে এইরূপ নির্বিবেক করিয়া তোলে। মেকি এবং খাঁটির এক দর হইয়া আসে। আমাদের দেশে আধুনিক কালে পাপপুণ্যের আদর্শ কৃত্রিম হওয়াতে তাহার ফল কী হইয়াছে? ব্রাহ্মণের পায়ে ধূলা লওয়া এবং গদ্যর স্মান করাও পুণ্য, আবার অচৌর্ষ ও সত্যপরায়ণতাও পুণ্য, কিন্তু কৃত্রিমের সহিত খাঁটি পুণ্যের কোনো আতিবিচার না থাকাতে, যে ব্যক্তি নিত্য গদ্যস্মান ও আচারপালন

করে, সমাজে অলুপ ও সত্যপরায়ণের অপেক্ষা তাহার গুণ্যের সম্মান কম নহে, বরঞ্চ বেশি। যে ব্যক্তি যবনের অন্ন খাইয়াছে আর যে ব্যক্তি জাল মকদ্দমায় যবনের অন্নের উপায় অপহরণ করিয়াছে, উভয়েই পাণীর কোঠায় পড়ায় প্রথমোক্ত পাণীর প্রতি ঘৃণা ও দণ্ড যেন মাত্রায় বাড়িয়ে উঠে।

যুরোপে তেমনি মাহাত্ম্যের মধ্যে জাতিবিচার উঠিয়া গেছে। যে ব্যক্তি ক্রিকেট-খেলায় শ্রেষ্ঠ, যে অভিনয়ে শ্রেষ্ঠ, যে দানে শ্রেষ্ঠ, যে সাধুতার শ্রেষ্ঠ, সকলেই গ্রেট-ম্যান। একই-জাতীয় সম্মানস্বর্গে সকলেরই সদগতি। ইহাতে ক্রমেই যেন ক্ষমতার অর্ঘ্য মাহাত্ম্যের অপেক্ষা বেশি দাঁড়াইয়াছে। দলের হাতে বিচারের ভার থাকিলে এইরূপ ঘটাই অনিবার্হ। যে আচারপরায়ণ সে ধর্মপরায়ণের সমান হইয়া দাঁড়ায়, এমন-কি, বেশি হইয়া ওঠে; যে ক্ষমতামালী সে মাহাত্ম্যদের সমান, এমন-কি, তাঁহাদের চেয়ে বড়ো হইয়া দেখা দেয়। আমাদের সমাজে দলের লোকে যেমন আচারকে পূজ্য করিয়া ধর্মকে খর্ব করে, তেমনি যুরোপের সমাজে দলের লোকে ক্ষমতাকে পূজ্য করিয়া মাহাত্ম্যকে ছোটো করিয়া ফেলে।

যথার্থ ভক্তির উপর পূজার ভার না দিয়া লোকারণ্যের উপর পূজার ভার দিলে দেবপূজার ব্যাঘাত ঘটে। বারোয়ারির দেবতার যত ধুম গৃহদেবতা-ইষ্টদেবতার তত ধুম নহে। কিন্তু বারোয়ারির দেবতা কি মুখ্যত একটা অবাস্তব উদ্ভেজনার উপলক্ষ্যমাত্র নহে? ইহাতে ভক্তির চর্চা না হইয়া ভক্তির অবমাননা হয় না কি?

আমাদের দেশে আধুনিক কালের বারোয়ারির শোকের মধ্যে, বারোয়ারির স্মৃতিপালনচেষ্টার মধ্যে, গভীর শূন্যতা দেখিয়া আমরা পদে পদে ক্ষুব্ধ হই। নিজের দেবতাকে কোন্ প্রাণে এমন কৃত্রিম সভায় উপস্থিত করিয়া পূজার অভিনয় করা হয় বুঝিতে পারি না। সেই অভিনয়ের আয়োজনে যদি মাল-মসলা কিছু কম হয় তবে আমরা পরস্পরকে লজ্জা দিই, কিন্তু লজ্জার বিষয় গোড়াতেই। যিনি ভক্ত তিনি মহতের মাহাত্ম্য কীর্তন করিবেন ইহা স্বাভাবিক এবং সকলের পক্ষেই শুভ-ফলপ্রদ, কিন্তু মাহাত্ম্যকে লইয়া সকলে মিলিয়া এক দিন বারোয়ারির কোলাহল তুলিয়া কর্তব্যসমাধার চেষ্টা লজ্জাকর এবং নিষ্ফল।

বিদ্যাসাগর আমাদের সমাজে ভক্তিলাভ করেন নাই এ কথা কোনোমতেই বলা যায় না। তাঁহার প্রতি বাঙালিযাত্রেরই ভক্তি অকৃত্রিম। কিন্তু বাহারা বর্ষে বর্ষে বিদ্যাসাগরের স্মরণসভা আহ্বান করেন তাঁহারা বিদ্যাসাগরের স্মৃতিরক্ষার জন্য সমুচিত চেষ্টা হইতেছে না বলিয়া আক্ষেপ করিতে থাকেন। ইহাতে কি এই

প্রমাণ হয় যে, বিজ্ঞানাগরের জীবন আমাদের দেশে নিফল হইয়াছে ? তাহা নহে । তিনি আপন মহত্বদ্বারা দেশের হৃদয়ে অমর স্থান অধিকার করিয়াছেন সন্দেহ নাই । নিফল হইয়াছে তাঁহার স্বরণসভা । বিজ্ঞানাগরের জীবনের যে উদ্দেশ্য তাহা তিনি নিজের ক্রমতাবলিই সাধন করিয়াছেন ; স্বরণসভার যে উদ্দেশ্য তাহা সাধন করিবার ক্রমতা স্বরণসভার নাই, উপায় সে জানে না ।

মহত্বতাব স্বভাবতই আমাদের কাছে কত পূজ্য বিজ্ঞানাগর তাহার দৃষ্টান্ত । তাঁহার অসামান্ত ক্রমতা অনেক ছিল, কিন্তু সেই-সকল ক্রমতার তিনি আমাদের কাছে আকর্ষণ করেন নাই । তাঁহার দয়া, তাঁহার অকৃত্রিম অশ্রান্ত লোকহিতৈষ্যতাই তাঁহাকে বাংলাদেশের আবালবৃদ্ধবনিতার হৃদয়ে প্রতিষ্ঠিত করিয়াছে । নূতন ক্যাশনের টানে পড়িয়া আমরা যতই আড়ম্বর করিয়া যত চেষ্টাই করি-না কেন, আমাদের অন্তঃকরণ স্বভাবতই শক্তি-উপাসনার মাতে না । ক্রমতা আমাদের আরাধ্য নহে, মহত্বই আমাদের আরাধ্য । আমাদের ভক্তি শক্তির অভ্রভেদী সিংহদ্বারে নহে, পুণ্যের নিষ্ক-নিষ্ঠিত দেবমন্দিরেই মস্তক নত করে ।

আমরা বলি, কীর্তিবিশ্ব ম জীবতি । যিনি ক্রমতাপন্ন লোক তিনি নিজের কীর্তির মধ্যেই নিজে বাঁচিয়া থাকেন । তিনি যদি নিজেকে বাঁচাইতে না পারেন, তবে তাঁহাকে বাঁচাইবার চেষ্টা আমরা করিলে তাহা হান্তকর হয় । বন্ধিমকে কি আমরা স্বহস্তরচিত পাথরের মূর্তিদ্বারা অমরত্বলাভে সহায়তা করিব ? আমাদের চেয়ে তাঁহার ক্রমতা কি অধিক ছিল না ? তিনি কি নিজের কীর্তিকে স্থায়ী করিয়া যান নাই ? হিমালয়কে স্বরণ রাখিবার অস্ত্র কি চাঁদা করিয়া তাহার একটা কীর্তিস্তম্ভ স্থাপন করার প্রয়োজন আছে ? হিমালয়কে দর্শন করিতে গেলেই তাহার দেখা পাইব— অস্ত্র তাহাকে স্বরণ করিবার উপায় করিতে যাওয়া মূঢ়তা । কুস্তিবাসের জন্মস্থানে বাঙালি একটা কোনোপ্রকারের ধুমধাম করে নাই বলিয়া বাঙালি কুস্তিবাসকে অবজ্ঞা করিয়াছে, এ কথা কেমন করিয়া বলিব ? যেমন 'গঙ্গা পূজি গঙ্গাজলে', তেমনি বাংলাদেশে মুন্দির দোকান হইতে রাজার প্রাসাদ পর্যন্ত কুস্তিবাসের কীর্তিধারাই কুস্তিবাস কত শতাব্দী ধরিয়া প্রত্যহ পূজিত হইয়া আসিতেছেন । এমন প্রত্যক্ষ পূজা আর কিসে হইতে পারে ?

- যুরোপে যে হল বাঁধিবার ভাব আছে তাহার উপযোগিতা নাই এ কথা বলা মূঢ়তা । যে-সকল কাজ বলসাধ্য, বহুলোকের আলোচনার দ্বারা সাধ্য, সে-সকল কাজে হল না বাঁধিলে চলে না । হল বাঁধিয়া যুরোপ যুদ্ধে বিগ্রহে বাণিজ্যে ষাট্টিব্যাপারে বড়ো হইয়া উঠিয়াছে সন্দেহ নাই । যৌমাছির পক্ষে যেমন ছাক বাঁধা

যুরোপের পক্ষে তেমনি দল বাঁধা প্রকৃতিসিদ্ধ। সেইজন্য যুরোপ দল বাঁধিয়া দয়া করে, ব্যক্তিগত দয়াকে প্রশ্রয় দেয় না; দল বাঁধিয়া পূজা করিতে বায়, ব্যক্তিগত পূজাহিকে মন দেয় না; দল বাঁধিয়া ত্যাগ স্বীকার করে, ব্যক্তিগত ত্যাগে তাহাদের আস্থা নাই। এই উপায়ে যুরোপ একপ্রকার মহত্ব লাভ করিয়াছে, অন্যপ্রকার মহত্ব খোঁওয়াইয়াছে। একাকী কর্তব্য কর্ম নিষ্পন্ন করিবার উৎসাহ তাহার নাই। আমাদের সমাজে প্রত্যেককে প্রত্যাহই প্রত্যেক প্রহরেই ধর্মপালন করিতে বাধ্য বলিয়া জানে। যুরোপে ধর্মপালন করিতে হইলে কমিটিতে বা ধর্মসভায় বাইতে হয়। সেখানে সম্প্রদায়গণই সদনুষ্ঠানে রত, সাধারণ লোকেরা স্বার্থসাধনে তৎপর। কৃত্রিম উদ্বেজনায় দোষ এই যে, তাহার অভাবে মানুষ অসহায় হইয়া পড়ে। দল বাঁধিলে পরস্পর পরস্পরকে ঠেলিয়া খাড়া করিয়া রাখে; কিন্তু দলের বাহিরে, নামিয়া পড়িতে হয়। আমাদের দেশে প্রত্যেকের প্রত্যাহের কর্তব্য ধর্মকর্মরূপে নির্দিষ্ট হওয়াতে আবালবৃদ্ধবনিতাকে ষথাসম্ভব নিজের স্বার্থপ্রবৃত্তি ও গণপ্রকৃতিকে সংযত করিয়া পরের জন্য নিজেকে উৎসর্গ করিতে হয়; ইহাই আমাদের আদর্শ। ইহার জন্য সভা করিতে বা খবরের কাগজে রিপোর্ট পাঠাইতে হয় না। এইজন্য সাধারণত সমস্ত হিন্দুসমাজে একটি সাঙ্ঘিক ভাব বিরাজমান— এখানে ছোটোবড়ো সকলেই মঙ্গলচর্চায় রত, কারণ, গৃহই তাহাদের মঙ্গলচর্চার স্থান। এই-যে আমাদের ব্যক্তিগত মঙ্গলভাব ইহাকে আমরা শিক্ষার দ্বারা উন্নত, অভিজ্ঞতার দ্বারা বিস্তৃত এবং জ্ঞানের দ্বারা উজ্জলতর করিতে পারি; কিন্তু ইহাকে নষ্ট হইতে দিতে পারি না, ইহাকে অবজ্ঞা করিতে পারি না, যুরোপে ইহার প্রাচুর্য নাই বলিয়া ইহাকে লক্ষ্য দিতে এবং ইহাকে লইয়া লক্ষ্য করিতে পারি না— দলকেই একমাত্র দেবতা জ্ঞান করিয়া তাহার নিকট ইহাকে ধূলিলুষ্ঠিত করিতে পারি না। যেখানে দল বাঁধা অত্যাবশ্যক সেখানে যদি দল বাঁধিতে পারি তো ভালো, যেখানে অনাবশ্যক, এমন-কি অসংগত, সেখানেও দল বাঁধিবার চেষ্টা করিয়া শেষকালে দলের উগ্র নেশা যেন অভ্যাস না করিয়া বসি। সর্বাগ্রে সর্বোচ্চে নিজের ব্যক্তিগত কৃত্য, তাহা প্রাত্যহিক, তাহা চিরন্তন; তাহার পরে দলীয় কর্তব্য, তাহা বিশেষ আবশ্যক-সাধনের জন্য ক্ষণকালীন, তাহা অনেকটা পরিমাণে বহুমান, তাহাতে নিজের ধর্মপ্রবৃত্তির সর্বোত্তোভাবে সম্পূর্ণ চর্চা হয় না। তাহা ধর্মসাধন অপেক্ষা প্রয়োজন-সাধনের পক্ষে অধিক উপযোগী।

কিন্তু কালের এবং ভাবের পরিবর্তন হইতেছে। চারি দিকেই দল বাঁধিয়া উঠিতেছে, কিছুই নিতৃত এবং কেহই গোপন থাকিতেছে না। নিজের কীর্তির

মধ্যেই নিজেকে কৃতার্থ করা, নিজের মঙ্গলচেষ্টার মধ্যেই নিজেকে পুরস্কৃত করা, এখন আর টেকে না। শুভকর্ম এখন আর সহজ এবং আশ্বিন্ধিত নহে, এখন তাহা সর্বদাই উদ্ভেজনার অপেক্ষা রাখে। যে-সকল ভালো কাজ ধনিত হইয়া উঠে না আমাদের কাছে তাহার মূল্য প্রতিদিন কমিয়া আসিতেছে, এইজন্য ক্রমশ আমাদের গৃহ পরিত্যক্ত, আমাদের অনপদ নিঃসহায়, আমাদের জয়গ্রাম রোগজীর্ণ, আমাদের পল্লীর সরোবরসকল পঙ্কদূষিত, আমাদের সমস্ত চেষ্টাই কেবল সভাসমিতি এবং সংবাদপত্র-হাটের মধ্যে। ভ্রাতৃত্ব এখন ভ্রাতাকে ছাড়িয়া বাহিরে ফিরিতেছে, দয়া এখন দীনকে ছাড়িয়া সংবাদদাতার স্তম্ভের উপর চড়িয়া দাঁড়াইতেছে, এবং লোকহিতৈষিতা এখন লোককে ছাড়িয়া রাজদ্বারে খেতাব খুঁজিয়া বেড়াইতেছে। ম্যাজিস্ট্রেটের তাড়া না খাইলে এখন আমাদের গ্রামে স্কুল হয় না, রোগী ঔষধ পায় না, দেশের জলকষ্ট দূর হয় না। এখন ধনি এবং ধন্যবাদ এবং করতালির নেশা যখন চড়িয়া উঠিয়াছে তখন সেই প্রলোভনের ব্যবস্থা রাখিতে হয়। ঠিক যেন বাছুরটাকে কসাইখানায় বিক্রয় করিয়া ফুঁকা-দেওয়া ছুধের ব্যবসায় চালাইতে হইতেছে।

অতএব আমরা যে দল বাঁধিয়া শোক, দল বাঁধিয়া কৃতজ্ঞতাপ্রকাশের জন্য পরস্পরকে প্রাণপণে উৎসাহিত করিতেছি, এখন তাহার সময় আসিয়াছে। কিন্তু পরিবর্তনের সন্ধিকালে ঠিক নিয়মমত কিছুই হয় না। সকালে হয়তো শীতের আভাস, বিকালে হয়তো বসন্তের বাতাস দিতে থাকে। দিগি হালকা কাপড় গায়ে দিলে হঠাৎ সর্দি লাগে, বিলাতি মোটা কাপড় গায়ে দিলে ঘর্মাক্তকলেবর হইতে হয়। সেইজন্য আজকাল দিগি ও বিলাতি কোনো নিয়মই পুরাপুরি খাটে না। যখন বিলাতি প্রথায় কাজ করিতে বাই, দেশী সংস্কার অলক্ষ্যে হৃদয়ের অন্তঃপুরে থাকিয়া বাধা দিতে থাকে, আমরা লজ্জায় ধিক্কারে অস্থির হইয়া উঠি— দেশী ভাবে যখন কাজ ফাঁদিয়া বসি তখন বিলাতের রাজ-অতিথি আসিয়া নিজের বসিবার উপযুক্ত আসন না পাইয়া নাসা কুঞ্চিত করিয়া সমস্ত মাটি করিয়া দেয়। সভা-সমিতি নিয়ম-মত ডাকি, অথচ তাহা সফল হয় না— চাঁদার খাতা খুলি, অথচ তাহাতে যেটুকু অঙ্গপাত হয় তাহাতে কেবল আমাদের কলঙ্ক ফুটিয়া উঠে।

আমাদের সমাজে ধেরূপ বিধান ছিল তাহাতে আমাদের প্রত্যেক গৃহস্থকে প্রতিদিন চাঁদা দিতে হইত। তাহার ভহবিল আত্মীয়জন অতিথি-অভ্যাগত দীনহুঃখী সকলের জগ্গই ছিল। এখনো আমাদের দেশে যে দরিদ্র সে নিজের ছোটো ভাইকে স্কুলে পড়াইতেছে, ভগিনীর বিবাহ দিতেছে, পৈতৃক মিত্যনৈমিত্তিক ক্রিয়া

সাধন করিতেছে, বিধবা পিসি-মাসিকে সমস্তান পালন করিতেছে। ইহাই দিশি মতে চাঁদা, ইহার উপরে আবার বিলাতি মতে চাঁদা লোকের সহ হয় কী করিয়া? ইংরাজ নিজের বয়স ছেলেকে পর্যন্ত স্বতন্ত্র করিয়া দেয়, তাহার কাছে চাঁদার দাবি করা অসংগত নহে। নিজের ভোগেরই জন্ত বাহার তহবিল তাহাকে বাহ্য উপায়ে স্বার্থত্যাগ করাইলে ভালোই হয়। আমাদের কয়জন লোকের নিজের ভোগের জন্ত কতটুকু উদ্বৃত্ত থাকে? ইহার উপরে বারো মাসে তেরো শত নূতন নূতন অল্পটানের জন্ত চাঁদা চাহিতে আসিলে বিলাতি সভ্যতার উদ্ভেজনার সঙ্গে গৃহীর পক্ষে বিনয় রক্ষা করা কঠিন হয়। আমরা ক্রমাগতই লক্ষিত হইয়া বলিতেছি, এত বড়ো অল্পটানপত্র বাহির করিলাম, টাকা আসিতেছে না কেন— এত বড়ো ঢাক পিটাইতেছি, টাকা আসিয়া পড়িতেছে না কেন— এত বড়ো কাজ আরম্ভ করিলাম, অর্থাভাবে বন্ধ হইয়া যাইতেছে কেন? বিলাত হইলে এমন হইত, তেমন হইত, হু হু করিয়া মুখলধারে টাকা বর্ষিত হইয়া যাইত— কবে আমরা বিলাতের মতো হইব?

বিলাতের আদর্শ আসিয়া পৌঁছিয়াছে, বিলাতের অবস্থা এখনো বহু দূরে। বিলাতি মতের লক্ষ্য পাইয়াছি, কিন্তু সে লক্ষ্য নিবারণের বহুমূল্য বিলাতি বস্ত্র এখনো পাই নাই। সকল দিকেই টানাটানি করিয়া মরিতেছি। এখন সর্বসাধারণে চাঁদা দিয়া যে-সকল কাজের চেষ্টা করে, পূর্বে আমাদের দেশে ধনীরা তাহা একাকী করিতেন— তাহাতেই তাঁহাদের ধনের সার্থকতা ছিল। পূর্বেই বলিয়াছি, আমাদের দেশে সাধারণ গৃহস্থ সমাজকৃত্য শেষ করিয়া নিজের স্বাধীন ভোগের জন্ত উদ্বৃত্ত কিছুই পাইত না, সুতরাং অতিরিক্ত কোনো কাজ করিতে না পারা তাহার পক্ষে লক্ষ্যের বিষয় ছিল না। যে-সকল ধনীর ভাঙারে উদ্বৃত্ত অর্থ থাকিত, ইষ্টাপূর্ত কাজের জন্ত তাহাদেরই উপর সমাজের সম্পূর্ণ দাবি থাকিত। তাহারা সাধারণের অভাব পূরণ করিবার জন্ত ব্যয়সাধ্য মঙ্গলকর্মে প্রবৃত্ত না হইলে সকলের কাছে লাঞ্চিত হইত, তাহাদের নামোচ্চারণও অন্ততকর বলিয়া গণ্য হইত। ঐশ্বৰ্যের আড়ম্বরই বিলাতি ধনীর প্রধান শোভা, মঙ্গলের আয়োজন ভারতের ধনীর প্রধান শোভা। সমাজস্থ বন্ধুদিগকে বহুমূল্য পাত্রে বহুমূল্য ভোজ দিয়া বিলাতের ধনী ভৃগু, আহুত রবাহুত অনাহুতদিগকে কলার পাতায় অন্নদান করিয়া আমাদের ধনীরা ভৃগু। ঐশ্বৰ্যকে মঙ্গলদানের মধ্যে প্রকাশ করাই ভারতবর্ষের ঐশ্বৰ্য— ইহা নীতিশাস্ত্রের নীতিকথা নহে, আমাদের সমাজে ইহা ঐতকাল পর্যন্ত প্রত্যহই ব্যক্ত হইয়াছে— সেইজন্যই সাধারণ গৃহস্থের কাছে আমাদের চাঁদা-চাহিতে হয় নাই। ধনীরাই আমাদের দেশে ছুঁতিকালালে অন্ন, জলাতাবকালে জল দান

করিয়েছে— তাহারাই দেশের শিক্ষাবিধান, শিল্পের উন্নতি, আনন্দকর উৎসবরক্ষা ও গুণীর উৎসাহসাধন করিয়েছে। হিতাহুষ্ঠানে আজ যদি আমরা পূর্বাভ্যাসক্রমে তাহাদের ধারণা হই, তবে সামান্য ফল পাইয়া অথবা নিষ্ফল হইয়া কেন কিরিয়া আসি? বরঞ্চ আমাদের মধ্যবিস্তরণ সাধারণ কাজে বেক্রপ ব্যয় করিয়া থাকেন, সম্পদের তুলনা করিয়া দেখিলে ধনীরা তাহা করেন না। তাঁহাদের ধারণানগণ স্বদেশের অভাবকে দেউড়ি পার হইয়া প্রাসাদে ঢুকিতে দেয় না; ভ্রমক্রমে ঢুকিতে দিলেও কিরিবার সময় তাহার মুখে অধিক উন্নাসের লক্ষণ দেখা যায় না। ইহার কারণ, আমাদের ধনীদের ঘরে বিলাতের বিলাসিতা প্রবেশ করিয়েছে, অথচ বিলাতের ঐশ্বর্য নাই। নিজদের ভোগের অন্ত তাহাদের অর্থ উদ্ভূত থাকে বটে, কিন্তু সেই ভোগের আদর্শ বিলাতের। বিলাতের ভোগীরা ভারবিহীন স্বাধীন ঐশ্বর্যশালী, নিজের ভাণ্ডারের সম্পূর্ণ কর্তা। সমাজবিধানে আমরা তাহা নহি। অথচ ভোগের আদর্শ সেই বিলাতি ভোগীর অহরূপ হওয়াতে খাটে-পালকে, বসনে-ভূষণে, গৃহসজ্জায়, গাড়িতে-জুড়িতে আমাদের ধনীদিগকে আর বদান্ধতার অবসর দেয় না— তাহাদের বদান্ধতা বিলাতি জুতাওয়ালার, টুপিওয়ালার, ঝাড়লঠনওয়ালার চৌকিটেবিলওয়ালার সুবৃহৎ পকেটের মধ্যে নিজেকে উজাড় করিয়া দেয়, শীর্ণ কঙ্কালসার দেশ রিক্তহস্তে গ্লানমুখে দাঁড়াইয়া থাকে। দেশী গৃহস্থের বিপুল কর্তব্য এবং বিলাতি ভোগীর বিপুল ভোগ, এই দুই ভার একলা কয় জনে বহন করিতে পারে?

কিন্তু আমাদের পরাধীন দরিদ্র দেশ কি বিলাতের সঙ্গে বরাবর এমনি করিয়া টকর দিয়া চলিবে? পরের হুঁসাধ্য আদর্শে সম্ভ্রান্ত হইয়া উঠিবার কঠিন চেষ্টায় কি উদ্ভবনে প্রাণত্যাগ করিবে? নিজদের চিরকালের সহজ পথে অবতীর্ণ হইয়া কি নিজেকে লজ্জা হইতে রক্ষা করিবে না?

বিজ্ঞসম্প্রদায় বলেন, যাহা ঘটিতেছে তাহা অনিবার্য, এখন এই নূতন আদর্শই নিজেকে গড়িতে হইবে। এখন প্রতিযোগিতার বুদ্ধিক্ষেত্রে নামিতে হইবে, শক্তির প্রতি শক্তি-অস্ত্র হানিতে হইবে।

এ কথা কোনোমতেই মানিতে পারি না। আমাদের ভারতবর্ষের যে মঙ্গল-আদর্শ ছিল তাহা মৃত আদর্শ নহে, তাহা সকল সভ্যতার পক্ষেই চিরন্তন আদর্শ এবং আমাদের অন্তরে বাহিরে কোথাও ভয় কোথাও সম্পূর্ণ আকারে তাহা বিরাজ করিতেছে। সেই আদর্শ আমাদের সমাজের মধ্যে থাকিয়া যুরোপের স্বার্থপ্রধান শক্তিপ্রধান স্বাতন্ত্র্যপ্রধান আদর্শের সহিত প্রতিদিন যুদ্ধ করিতেছে। সে যদি

না থাকিত তবে আমরা অনেক পূর্বেই ফিরিঙ্গি হইয়া যাইতাম। ক্রমে ক্রমে আমাদের সেই ভীষ্ম-পিতামহতুল্য প্রাচীন সেনাপতির পরাজয়ে এখনো আমাদের হৃদয় বিদীর্ণ হইয়া যাইতেছে। যতক্ষণ আমাদের সেই বেদনাবোধ আছে ততক্ষণ আমাদের আশা আছে। মানবপ্রকৃতিতে স্বার্থ এবং স্বাতন্ত্র্যই যে মঙ্গলের অপেক্ষা বৃহত্তর সত্য এবং ধ্রুবতর আশ্রয়স্থল, এ নাস্তিকতাকে যেন আমরা প্রত্যাশ না দিই। আত্মত্যাগ যদি স্বার্থের উপর জয়ী না হইত তবে আমরা চিরদিন বর্বর থাকিয়া যাইতাম। এখনো বহুল পরিমাণে বর্বরতা পশ্চিমদেশে সভ্যতার নামাবলী পরিয়া বিচরণ করিতেছে বলিয়াই তাহাকে সভ্যতার অপরিহার্য অঙ্গস্বরূপে বরণ করিতে হইবে, আমাদের ধর্মবুদ্ধির এমন ভীকৃত্য যেন না ঘটে। যুরোপ আজকাল সত্য-যুগকে উদ্ধতভাবে পরিহাস করিতেছে বলিয়া আমরা যেন সত্যযুগের আশা কোনো কালে পরিত্যাগ না করি। আমরা যে পথে চলিয়াছি সে পথের পাথের আমাদের নাই— অপমানিত হইয়া আমাদের ফিরিতেই হইবে। দরখাস্ত করিয়া এ পর্যন্ত কোনো দেশই রাষ্ট্রনীতিতে বড়ো হয় নাই, অধীনে থাকিয়া কোনো দেশ বাণিজ্যে স্বাধীন দেশকে দূরে ঠেকাইয়া রাখিতে পারে নাই, এবং ভোগবিলাসিতা ও ঐশ্বর্ষের আড়ম্বরে বাণিজ্যজীবী দেশের সহিত কোনো ভূমিজীবী দেশ সমকক্ষতা রাখিতে পারে নাই। যেখানে প্রকৃতিগত এবং অবস্থাগত বৈষম্য সেখানে প্রতিযোগিতা অপঘাতমুত্যের কারণ। আমাদের দারে পড়িয়া, বিপদে পড়িয়া এক দিন ফিরিতেই হইবে— তখন কি লঙ্কার সহিত নতশিরে ফিরিব? ভারতবর্ষের পর্ণকুটিরের মধ্যে তখন কি কেবল দারিদ্র্য ও অবনতি দেখিব? ভারতবর্ষ যে অলক্ষ্য ঐশ্বর্ষবলে দরিদ্রকে শিব, শিবকে দরিদ্র করিয়া তুলিয়াছিল, তাহা কি আধুনিক ভারত-সম্ভানের চাকচিক্য-অঙ্ক চক্রে একেবারেই পড়িবে না? কখনোই না। ইহা নিশ্চয় সত্য যে, আমাদের নূতন শিক্ষাই ভারতের প্রাচীন মাহাত্ম্যকে আমাদের চক্রে নূতন করিয়া সজীব করিয়া দেখাইবে, আমাদের কণিক বিচ্ছেদের পরেই চিরন্তন আত্মীয়তাকে নবীনতর নিবিড়তার সহিত সমস্ত হৃদয় দিয়া সম্পূর্ণভাবে গ্রহণ করিতে পারিব। চিরসহিষ্ণু ভারতবর্ষ বাহিরের রাজহাট হইতে তাহার সম্ভানদের গৃহ-প্রত্যাবর্তনের প্রতীক্ষা করিয়া আছে— গৃহে আমাদের ফিরিতেই হইবে, বাহিরে আমাদের কেহ আশ্রয় দিবে না এবং ভিক্ষার অয়ে চিরকাল আমাদের পেট ভরিবে না।

অত্যাক্তি

বিদ্রি-বরবারের উদ্বোধনকালে লিখিত

পৃথিবীর পূর্বকোণের লোক, অর্থাৎ আমরা, অত্যাক্তি অত্যন্ত ব্যবহার করিয়া থাকি ; আমাদের পশ্চিমের গুরুশায়দের কাছ হইতে ইহা লইয়া আমরা প্রায় বকুনি খাই। ঠাহারা সাত সমুদ্র পার হইয়া আমাদের ভালোর জন্ত উপদেশ দিতে আসেন তাঁহাদের কথা আমাদের নতশিরে শোনা উচিত। কারণ, তাঁহারা যে হতভাগ্য আমাদের মতো কেবল কথাই বলিতে জানেন তাহা নহে, কথা যে কী করিয়া শোনাইতে হয় তাহাও তাঁহাদের অবিদিত নাই। আমাদের দুটো কানের উপরেই তাঁহাদের দখল সম্পূর্ণ।

আচারে উক্তিভে আতিশয্য ভালো নহে, বাক্যে ব্যবহারে সংযম আবশ্যিক, এ কথা আমাদের শাস্ত্রেও বলে। তাহার ফল যে ফলে নাই তাহা বলিতে পারি না। ইংরেজের পক্ষে আমাদের দেশশাসন সহজ হইত না, যদি আমরা গুরুর উপদেশ না মানিতাম। ঘরে বাহিরে এত দিনের শাসনের পরেও যদি আমাদের উক্তিভে কিছু পরিমাণাধিক্য থাকে তবে ইহা নিশ্চয়, সেই অত্যাক্তি অপরাধের নহে, তাহা আমাদের একটা বিলাসমাত্র।

আমল কথা, সকল জাতির মধ্যেই অত্যাক্তি ও আতিশয্য আছে। নিজেরটাকেই অত্যন্ত স্বাভাবিক ও পরেরটাকেই অত্যন্ত অসংগত বোধ হয়। যে প্রসঙ্গে আমাদের কথা আপনি বাড়িয়া চলে সে প্রসঙ্গে ইংরেজ চূপ, যে প্রসঙ্গে ইংরেজ অত্যন্ত বেশি বকিয়া থাকে সে প্রসঙ্গে আমাদের মুখে কথা বাহির হয় না। আমরা মনে করি ইংরেজ বড়ো বাড়াবাড়ি করে, ইংরেজ মনে করে প্রাচ্যলোকের পরিমাণ-বোধ নাই।

আমাদের দেশে গৃহস্থ অতিথিকে সন্মান করিয়া বলে, 'সমস্ত আপনারই— আপনারই ঘর, আপনারই বাড়ি।' ইহা অত্যাক্তি। ইংরেজ তাহার নিজের রান্নাঘরে প্রবেশ করিতে হইলে রাঁধুনিকে জিজ্ঞাসা করে, 'ঘরে ঢুকিতে পারি কি?' এ এক রকমের অত্যাক্তি।

শ্রী হুনের বাটি সরাইয়া দিলে ইংরেজ স্বামী বলে, 'আমার ধন্যবাদ জানিবে।' ইহা অত্যাক্তি। নিমন্ত্রণকারীর ঘরে চর্ব্যাচোগ্র খাইয়া এবং বাধিয়া এ-দেশীয় নিমন্ত্রিত বলে 'বড় পরিতোষ লাভ করিলাম', অর্থাৎ 'আমার পরিতোষই তোমার

পারিতোষিক', তদ্বৎসরে নিমন্ত্রণকারী বলে 'আমি কৃতার্থ হইলাম'— ইহাকে অত্যাক্তি বলিতে পারে।

আমাদের দেশে স্ত্রী স্বামীকে পত্রে 'শ্রীচরণেষু' পাঠ লিখিয়া থাকে, ইংরেজের কাছে ইহা অত্যাক্তি। ইংরেজ যাহাকে-তাহাকে পত্রে 'প্রিয়' সম্বোধন করে— অভ্যস্ত না হইয়া গেলে ইহা আমাদের কাছে অত্যাক্তি বলিয়া ঠেকিত।

নিশ্চয়ই আরও এমন :সহস্র দৃষ্টান্ত আছে। কিন্তু এগুলি বাধা অত্যাক্তি, ইহার পৈতৃক। দৈনিক ব্যবহারে আমরা নব নব অত্যাক্তি রচনা করিয়া থাকি, ইহাই প্রাচ্যজাতির প্রতি ভৎসনার কারণ।

তালি এক হাতে বাজে না, তেমনি কথা দুজনে মিলিয়া হয়। শ্রোতা ও বক্তা যেখানে পরস্পরের ভাষা বোঝে সেখানে অত্যাক্তি উভয়ের যোগে আপনি সংশোধিত হইয়া আসে। সাহেব যখন চিঠির শেষে আমাকে লেখেন yours truly, সত্যই তোমারই, তখন তাঁহার এই অভ্যস্ত ঘনিষ্ঠ আত্মীয়তার সত্যপাঠটুকুকে তর্জমা করিয়া আমি এই বুঝি, তিনি সত্যই আমারই নহেন। বিশেষত বড়ো সাহেব যখন নিজেকে আমার বাধ্যতম ভৃত্য বলিয়া বর্ণনা করেন তখন অনায়াসে সে কথাটার যোলো আনা বাদ দিয়া তাহার উপরে আরও যোলো আনা কাটিয়া লইতে পারি। এগুলি বাধা দম্বরের অত্যাক্তি, কিন্তু প্রচলিত ভাষাপ্রয়োগের অত্যাক্তি ইংরেজিতে বুড়ি-বুড়ি আছে। immensely, immeasurably, extremely, awfully, infinitely, absolutely, ever so much, for the life of me, for the world, unbounded, endless প্রভৃতি শব্দপ্রয়োগগুলি যদি সর্বত্র বখার্বভাবে লওয়া যায় তবে প্রাচ্য অত্যাক্তিগুলি ইহজন্মে আর মাথা তুলিতে পারে না।

বাহু বিষয়ে আমাদের কতকটা টিলামি আছে এ কথা স্বীকার করিতেই হইবে। বাহিরের জিনিসকে আমরা ঠিকঠাক-মতো দেখি না, ঠিকঠাক-মতো গ্রহণ করি না। যখন-তখন বাহিরের নয়কে আমরা ছয় এবং ছয়কে আমরা নয় করিয়া থাকি। ইচ্ছা করিয়া না করিলেও এ স্থলে অজ্ঞানকৃত পাপের ভবল দোষ— একে পাপ তাহাতে অজ্ঞান। ইন্দ্রিয়কে এমন অলস এবং বুদ্ধিকে এমন অসাবধান করিয়া রাখিলে পৃথিবীতে আমাদের দুটি প্রধান নির্ভরকে একেবারে মাটি করা হয়। বৃত্তান্তকে নিতান্ত ফাঁকি দিয়া সিদ্ধান্তকে বাহারা করনার সাহায্যে পড়িয়া তুলিতে চেষ্টা করে তাহার নিজেকেই ফাঁকি দেয়। যে-যে বিষয়ে আমাদের ফাঁকি আছে সেই-সেই বিষয়েই আমরা ঠকিয়া বসিয়া আছি। একচক্ষু হরিণ বে দিকে তাহার কানা চোখ কিরাইয়া আরামে ঘাস খাইতেছিল সেই দিক হইতেই ব্যাধের তীর তাহার

বুকে বাজিয়াছে। আমাদের কানা চোখটা ছিল ইহলোকের দিকে— সেই তরফ হইতে আমাদের শিক্কা যথেষ্ট হইয়াছে। সেই দিকের বা খাইয়া আমরা মরিলাম। কিন্তু স্বভাব না যায় মলে।

নিজের দোষ কবুল করিলাম, এবার পরের প্রতি দোষারোপ করিবার অবসর পাওয়া যাইবে। অনেকে এরূপ চেষ্টাকে নিন্দা করেন, আমরাও করি। কিন্তু যে লোক বিচার করে অস্ত্রে তাহাকে বিচার করিবার অধিকারী। সে অধিকারটা ছাড়িতে পারিব না। তাহাতে পরের কোনো উপকার হইবে বলিয়া আশা করি না— কিন্তু অপমানের দিনে যেখানে ষতটুকু আত্মপ্রসাদ পাওয়া যায় তাহা ছাড়িয়া দিতে পারিব না।

আমরা দেখিয়াছি, আমাদের অত্যাঙ্কি অলস বুদ্ধির বাহু প্রকাশ। তা ছাড়া স্বদীর্ঘকাল পরাধীনতাবশত চিন্তাবিকারেরও হাত দেখিতে পাই। যেমন আমাদের যখন-তখন, সময়ে অসময়ে, উপলক্ষ্য থাকে বা না থাকে, চীৎকার করিয়া বলিতে হয়— আমরা রাজভক্ত। অথচ ভক্তি করিব কাহাকে তাহার ঠিকানা নাই। আইনের বইকে, না কমিশনার-সাহেবের চাপরাশকে, না পুলিশের দারোগাকে? গবর্নেন্ট আছে, কিন্তু মানুষ কই? হৃদয়ের সম্বন্ধ পাতাইব কাহার সঙ্গে? আপিসকে বন্ধে আলিঙ্গন করিয়া ধরিতে পারি না। মাঝে মাঝে অপ্রত্যক্ষ রাজার মৃত্যু বা অভিব্যেক উপলক্ষ্যে যখন বিবিধ চাঁদার আকারে রাজভক্তি দোহন করিয়া লইবার আরোজন হয় তখন ভীতচিত্তে শুধু ভক্তি ঢাকিবার জন্য অতিদান ও অত্যাঙ্কির দ্বারা রাজপাত্র কানার কানার পূর্ণ করিয়া দিতে হয়। বাহা স্বাভাবিক নহে তাহাকে প্রমাণ করিতে হইলে লোকে অধিক চীৎকার করিতে থাকে— এ কথা ভুলিয়া যায় যে, মুহূর্ত্তে যে বেসুর ধরা পড়ে না চীৎকারে তাহা চার-পুণ হইয়া উঠে।

কিন্তু এই শ্রেণীর অত্যাঙ্কির জন্য আমরা একা দায়ী নই। ইহাতে পরাধীন জাতির ভীকতা ও হীনতা প্রকাশ পায় বটে, কিন্তু এই অবস্থাটার আমাদের কর্তৃপুরুষদের মহত্ব ও সত্যাহরণের প্রমাণ দেয় না। জলাশয়ের জল সমতল নহে এ কথা যখন কেহ অগ্নানমুখে বলে তখন বুঝিতে হইবে, সে কথাটা অবিশ্বাস হইলেও তাহার মনিব তাহাই শুনিতে চাহে। আজকালকার সাম্রাজ্যমদমত্ততার দিনে ইংরেজ নানাপ্রকারে শুনিতে চায় আমরা রাজভক্ত, আমরা তাহার চরণতলে স্বেচ্ছায় বিক্রীত। এ কথা জগতের কাছে তাহারা ধ্বনিত-প্রতিধ্বনিত করিতে চাহে।

এ দিকে আমাদের প্রতি সিকি-পরসার বিশ্বাস মনের মধ্যে নাই; এত বড়ো দেশটা সমস্ত নিঃশেষে নিরস্ত; একটা হিংস্র পশু দ্বারের কাছে আসিলে ঘরে অর্গল

লাগানো ছাড়া আর কোনো উপায় আমাদের হাতে নাই— অথচ জগতের কাছে সাম্রাজ্যের বলপ্রমাণ উপলক্ষ্যে আমাদের অটল ভক্তি রটাইবার বেলা আমরা আছি। মুসলমান সম্রাটের সময় দেশনায়কতা-সেনানায়কতার অধিকার আমরা হারাই নাই; মুসলমান সম্রাট যখন সভাস্থলে সামন্তরাজগণকে পার্শ্বে লইয়া বসিতেন তখন তাহা শূন্যগর্ভ প্রহসনমাত্র ছিল না। যথার্থই রাজারা সম্রাটের সহায় ছিলেন, রক্ষী ছিলেন, সম্মানভাজন ছিলেন। আজ রাজাদের সম্মান মৌখিক, অথচ তাহাদিগকে পশ্চাতে টানিয়া লইয়া দেশে বিদেশে রাজভক্তির অভিনয় ও আড়ম্বর তখনকার চেয়ে চার-পুণ। যখন ইংলণ্ডের সাম্রাজ্যলক্ষী রাজ পরিতে বসেন তখন কলোনিগুলির সামান্ত শাসন-কর্তারা মাথার মুকুটে ঝলমল করেন, আর ভারতবর্ষের প্রাচীনবংশীয় রাজগণ তাঁহার চরণ-নুপুরে কিংকিণীর মতো আবদ্ধ হইয়া কেবল ঝংকার দিবার কাজ করিতে থাকেন—এবারকার বিলাতি দরবারে তাহা বিশ্বজগতের কাছে জারি হইয়াছে। হায় জয়পুর! হায় যোধপুর! কোলাপুর! ইংরেজ-সাম্রাজ্যের মধ্যে তোমাদের কোথায় স্থান তাহা কি এমন করিয়া দেশে বিদেশে ঘোষণা করিয়া আসিবার জগুই এত লক্ষ লক্ষ টাকা বিলাতের জলে জলাঞ্জলি দিয়া আসিলে? ইংরেজের সাম্রাজ্য-জগন্নাথজির মন্দিরে যেখানে কানাডা নিউজিল্যান্ড, অস্ট্রেলিয়া দক্ষিণ-আফ্রিকা ক্ষীত উদর ও পরিপুষ্ট দেহ লইয়া দিব্য হাঁকডাক-সহকারে পাণ্ডাগিরি করিয়া বেড়াইতেছে সেখানে কুশজীর্ণতনু ভারতবর্ষের কোথাও প্রবেশাধিকার নাই— ঠাকুরের ভোগও তাহার কপালে অন্নই ছোটে— কিন্তু যেদিন বিশ্বজগতের রাজপথে ঠাকুরের অত্রভেদী রথ বাহির হয় সেই একটা দিন রথের দড়া ধরিয়া টানিবার জন্ত ভারতবর্ষের ডাক পড়ে। সেদিন কত বাহবা, কত কয়তালি, কত সৌহার্দ্য— সেদিন কার্জনের নিষেধশৃঙ্খলমুক্ত ভারতবর্ষীয় রাজাদের মণিমাণিক্য লগুনের রাজপথে ঝলমল করিতে থাকে এবং লগুনের হাঁসপাতালগুলির 'পরে রাজতন্ত রাজাদের মুম্বলধারে বদান্ততাবৃষ্টির বার্তা ভারতবর্ষ নতশিরে নীরবে শ্রবণ করে। এই ব্যাপারের সমস্তটা পাশ্চাত্য অত্যাঙ্কি। ইহা মেকি অত্যাঙ্কি, খাটি নহে।

প্রাচ্যদিগের অত্যাঙ্কি ও আতিশয্য অনেক সময়েই তাহাদের স্বভাবের ঔদার্য হইতেই ঘটিয়া থাকে। পাশ্চাত্য অত্যাঙ্কি সাজানো জিনিস, তাহা ভাল বলিলেই হয়। দিল-দরাজ মোগল-সম্রাটের আমলে দিল্লিতে দরবার জমিত। আজ সে দিল নাই, সে দিল্লি নাই, তবু একটা নকল দরবার করিতে হইবে। সংবৎসর ধরিয়৷ রাজারা পোলিটিকাল এক্সপেটের রাহগ্রাসে কবলিত; সাম্রাজ্যচালনার তাহাদের স্থান নাই, কাজ নাই, তাহাদের স্বাধীনতা নাই— হঠাৎ একদিন ইংরেজ সম্রাটের নামের পরিত্যক্ত-মহিমা দিল্লিতে সেলাম কুড়াইবার জন্ত রাজাদিগকে তলব দিলেন, নিজের তুলুটিত

পোশাকের প্রান্ত শিখ ও রাজপুত্র রাজকুমারদের দ্বারা বহন করাইয়া লইলেন, আকস্মিক উপজবের মতো একদিন একটা সমারোহের আশ্রয় উচ্ছ্বাস উদ্গীরিত হইয়া উঠিল— তাহার পর সমস্ত শূন্য, সমস্ত নিশ্চল ।

এখনকার ভারতসাম্রাজ্য আগিসে এবং আইনে চলে— তাহার রঙচঙ নাই, গীতবাণ্য নাই, তাহাতে প্রত্যক্ষ মাহুয নাই । ইংরেজের খেলাধুলা, নাচগান, আমোদ-প্রমোদ সমস্ত নিজেদের মধ্যে বন্ধ— সে আনন্দ-উৎসবের উদ্ভূত খুদকুড়াও ভারতবর্ষের জনসাধারণের অন্ত প্রমোদশালার বাহিরে আসিয়া পড়ে না । আমাদের সঙ্গে ইংরেজের সম্বন্ধ আগিসের বাঁধা কাজ এবং হিগাবের খাতা-সহির সম্বন্ধ । প্রাচ্য সম্রাটের ও নবাবের সঙ্গে আমাদের অল্পবস্ত্র শিল্পশোভা আনন্দ-উৎসবের নানা সম্বন্ধ ছিল । তাঁহাদের প্রাসাদে প্রমোদের দীপ জলিলে তাহার আলোক চারি দিকে প্রজার ঘরে ছড়াইয়া পড়িত— তাঁহাদের ভোরণঘারে যে নহবত বসিত তাহার আনন্দধ্বনি দীনের কুটিরের মধ্যেও প্রতিধ্বনিত হইয়া উঠিত ।

ইংরেজ সিভিলিয়ানগণ পরম্পরের আমন্ত্রণে নিমন্ত্রণে সামাজিকতার যোগদান করিতে বাধ্য, যে ব্যক্তি স্বভাবদোষে এই-সকল বিনোদনব্যাপারে অপটু তাহার উন্নতির অনেক ব্যাঘাত ঘটে । এই সমস্তই নিজেদের জন্ত । যেখানে পাঁচটা ইংরেজ আছে সেখানে আমোদ-আহ্লাদের অভাব নাই ; কিন্তু সে আমোদে চারি দিক আমোদিত হইয়া উঠে না । আমরা কেবল দেখিতে পাই— কুলিগুলা বাহিরে বসিয়া সমস্তচিত্তে পাখার দড়ি টানিতেছে, সহিস ডগ্‌কার্টের ঘোড়ার লাগাম ধরিয়া চামর দিয়া মশামাছি তাড়াইতেছে, এবং দৃষ্ট ভারতবর্ষের তপ্ত সংস্রব হইতে হৃদয়ে বাইবার জন্ত রাজপুরুষগণ সিমলার শৈলশিখরে উর্ধ্বদ্বাসে ছুটিয়া চলিয়াছেন । যুগয়ার সময় বাজে লোকেরা জঙ্গলের শিকার তাড়া করিতেছে এবং বন্দুকের ছুটো-একটা গুলি পশুলক্ষ্য হইতে ভ্রষ্ট হইয়া নেটিভের মর্মভেদ করিতেছে । ভারতবর্ষে ইংরেজরাজ্যের বিপুল শাসনকার্য একেবারে আনন্দহীন, সৌন্দর্যহীন— তাহার সমস্ত পথই আগিস-আদালতের দিকে— জনসমাজের হৃদয়ের দিকে নহে । হঠাৎ ইহার মধ্যে একটা খাপছাড়া দরবার কেন ? সমস্ত শাসনপ্রণালীর সঙ্গে তাহার কোন্‌খানে যোগ ? গাছে লতায় ফুল ধরে, আগিসের কড়িবরণায় তো মাথবীমঞ্জরী ফোটে না । এ যেন মক্‌ভূমির মধ্যে মরীচিকার মতো । এ ছায়া তাপনিবারণের জন্ত নহে, এ জল ছুকা দূর করিবে না ।

পূর্বকার দরবারে সম্রাটেরা যে নিজের প্রতাপ বাহির করিতেন তাহা নহে । সে-সকল দরবার কাহারও কাছে তারত্বের কিছু প্রমাণ করিবার জন্ত ছিল না ; তাহা

স্বাভাবিক। সে-সকল উৎসব বাদশাহ-নবাবদের ঔদার্যের উদ্বেলিত প্রবাহস্বরূপ ছিল। সেই প্রবাহ বদান্ততা বহন করিত, তাহাতে প্রার্থীর প্রার্থনা পূর্ণ করিত, দীনের অভাব দূর হইত, তাহাতে আশা এবং আনন্দ দূরদূরান্তরে বিকীর্ণ হইয়া যাইত। আগামী দরবার উপলক্ষে কোন্ পীড়িত আশ্রিত হইয়াছে, কোন্ দরিদ্র সুখস্বপ্ন দেখিতেছে? সেদিন যদি কোনো ছুরাশাগ্রস্ত ছুর্ভাগা দরখাস্ত হাতে সম্রাটপ্রতিনিধির কাছে অগ্রসর হইতে চায়, তবে কি পুলিশের প্রহার পৃষ্ঠে লইয়া তাহাকে কাঁদিয়া ফিরিতে হইবে না?

তাই বলিতেছিলাম, আগামী দিল্লির দরবার পাশ্চাত্য অত্যাঙ্কি, তাহা মেকি অত্যাঙ্কি। এ দিকে হিসাবকিতাব এবং দোকানদারিটুকু আছে—ও দিকে প্রাচ্যসম্রাটের নকলটুকু না করিলে নয়। আমরা দেশব্যাপী অনশনের দিনে এই নিতান্ত ভুয়া দরবারের আড়ম্বর দেখিয়া ভীত হইয়াছিলাম বলিয়া কর্তৃপক্ষ আশ্বাস দিয়া বলিয়াছেন—খরচ খুব বেশি হইবে না, যাহাও হইবে তাহার অর্ধেক আদায় করিয়া লইতে পারিব। কিন্তু সেদিন উৎসব করা চলে না যেদিন খরচপত্র সামলাইয়া চলিতে হয়। তহবিলের টানাটানি লইয়া উৎসব করিতে হইলে, নিজের খরচ বাঁচাইবার দিকে দৃষ্টি রাখিয়া অগ্নের খরচের প্রতি উদাসীন হইতে হয়। তাই আগামী দরবারে সম্রাটের নায়েব অল্প খরচে কাজ চালাইবেন বটে, কিন্তু আড়ম্বরটাকে ক্ষীণ করিয়া তুলিবার জন্য রাজাদিগকে খরচ করাইবেন। প্রত্যেক রাজাকে অন্তত কটা হাতি, কটা ঘোড়া, কজন লোক আনিতে হইবে, শুনিতেছি তাহার অহুশাসন জারি হইয়াছে। সেই-সকল রাজাদেরই হাতিঘোড়া-লোকলব্ধে যথাসম্ভব অল্প খরচে চতুর সম্রাটপ্রতিনিধি যথাসম্ভব বৃহৎ ব্যাপার ফাঁদিয়া তুলিবেন। ইহাতে চাতুর্ঘ ও প্রতাপের পরিচয় পাওয়া যায়, কিন্তু বদান্ততা ও ঔদার্য, প্রাচ্য সম্রদায়ের মতে যাহা রাজকীয় উৎসবের প্রাণ বলিলেই হয়, তাহা ইহার মধ্যে থাকে না। এক চক্ষু টাকার খলিটির দিকে এবং অন্য চক্ষু মাবেক বাদশাহের অহুকরণকার্যে নিযুক্ত রাখিয়া এ-সকল কাজ চলে না। এ-সব কাজ যে স্বভাবত পারে সেই পারে, এবং তাহাকেই শোভা পায়।

ইতিমধ্যে আমাদের দেশের একটি ক্ষুদ্র রাজা সম্রাটের অভিষেক উপলক্ষে তাঁহার প্রজাদিগকে বহুসংখ্য টাকা খাজনা মাপ দিয়াছেন। আমাদের মনে হইল, ভারতবর্ষের রাজকীয় উৎসব কী ভাবে চালাইতে হয়, ভারতবর্ষীয় এই রাজাটি তাহা ইংরেজ কর্তৃপক্ষদিগকে শিক্ষা দিলেন। কিন্তু যাহারা নকল করে, তাহারা আসল শিক্ষাটুকু গ্রহণ করে না, তাহারা বাহু আড়ম্বরটাকেই ধরিতে পারে। তপ্ত বালুকা সূর্যের মতো তাপ দেয়, কিন্তু আলোক দেয় না। সেইজন্য তপ্তবালুকার তাপকে আমাদের

দেশে অসহ আতিশয্যের উদাহরণ বলিয়া উল্লেখ করে। আগামী দ্বি-দরবারও সেইরূপ প্রতাপ বিকিরণ করিবে, কিন্তু আশা ও আনন্দ দিবে না। শুধুমাত্র দস্তপ্রকাশ সম্রাটকেও শোভা পায় না—ঔদার্ধের দ্বারা, দয়াদাক্ষিণ্যের দ্বারা, দুঃসহ দস্তকে আচ্ছন্ন করিয়া রাখাই যথার্থ রাজোচিত। আগামী দরবারে ভারতবর্ষ তাহার সমস্ত রাজরাজ্য লইয়া বর্তমান বাদশাহের নায়েবের কাছে নতিস্বীকার করিতে বাইবে—কিন্তু বাদশাহ তাহাকে কী সম্মান, কী সম্পদ, কোন্ অধিকার দান করিবেন? কিছুই নহে। ইহাতে যে কেবল ভারতবর্ষের অবনতিস্বীকার তাহা নহে, এইরূপ শূন্য-গর্ত আকস্মিক দরবারের বিপুল কার্পণ্যে ইংরেজের রাজমহিমা প্রাচ্য জাতির নিকট ধ্বংস না হইয়া থাকিতে পারে না।

যে-সকল কাজ ইংরেজি দস্তরমতে সম্পন্ন হয় তাহা আমাদের প্রথার সঙ্গে না মিলিলেও সে সম্বন্ধে আমরা চুপ করিয়া থাকিতে বাধ্য। যেমন, আমাদের দেশে বরাবর রাজার আগমনে বা রাজকীয় শুভকর্মাদিতে যে-সকল উৎসব-আমোদ হইত তাহার ব্যয় রাজাই বহন করিতেন, প্রজারা জন্মতিথি প্রভৃতি নানাপ্রকার উপলক্ষে রাজার অমুগ্রহ লাভ করিত। এখন ঠিক তাহার উল্টা হইয়াছে। রাজা জন্মিলে-মরিলে নড়িলে-চড়িলে প্রজার কাছে রাজার তরফ হইতে চাঁদার খাতা বাহির হয়, রাজা-রায়বাহাদুর প্রভৃতি খেতাবের রাজকীয় নিলামের দোকান জমিয়া উঠে। আকবর শাহজাহান প্রভৃতি বাদশারা নিজদের কীর্তি নিজেরা রাখিয়া গেছেন, এখনকার দিনে রাজকর্মচারীরা নানা ছলে নানা কৌশলে প্রজাদের কাছ হইতে বড়ো বড়ো কীর্তিস্তম্ভ আদায় করিয়া লন। এই-যে সম্রাটের প্রতিনিধি সূর্যবংশীয় ক্ষত্রিয় রাজাদিগকে সেলাম দিবার জন্ত ডাকিয়াছেন, ইনি নিজের দানের দ্বারা কোথায় দিঘি খনন করাইয়াছেন, কোথায় পাহাশালা নির্মাণ করিয়াছেন, কোথায় দেশের বিদ্যালয় ও শিল্পচর্চাকে আশ্রয় দান করিয়াছেন। সেকালে বাদশারা, নবাবরা, রাজকর্মচারীগণও, এই-সকল মঙ্গলকার্যের দ্বারা প্রজাদের হৃদয়ের সঙ্গে যোগ রাখিতেন। এখন কর্মচারীর অভাব নাই, তাঁহাদের বেতনও যথেষ্ট মোটা বলিয়া জগদ্বিখ্যাত, কিন্তু দানে ও সংকর্মে এ দেশে তাঁহাদের অস্তিত্বের কোনো চিহ্ন তাঁহারা রাখিয়া যান না। বিলাতি দোকান হইতে তাঁহারা জিনিসপত্র কেনেন, বিলাতি সঙ্গীদের সঙ্গে আমোদ-আহ্লাদ করেন, এবং বিলাতের কোণে বসিয়া অস্তিমকাল পর্যন্ত তাঁহাদের পেনশন সম্ভোগ করিয়া থাকেন।

ভারতবর্ষে লেডি ডকারিনের নামে যে-সকল হাসপাতাল খোলা হইল তাহার টাকা ইচ্ছায়-অনিচ্ছায় ভারতবর্ষের প্রজারাই জোগাইয়াছে। এ প্রথা খুব ভালো

হইতে পারে, কিন্তু ইহা ভারতবর্ষের প্রথা নহে, সুতরাং এই প্রকারের পূর্তকার্বে আমাদের হৃদয় স্পর্শ করে না। না ককক, তথাপি বিলাতের রাজা বিলাতের প্রথামতই চলিবেন, ইহাতে বলিবার কথা কিছু নাই। কিন্তু কখনো দিশি কখনো বিলিতি হইলে কোনোটাই মানানসই হয় না। বিশেষত, আড়ম্বরের বেলায় দিশি দস্তুর এবং ধরচপত্রের বেলায় বিলিতি দস্তুর হইলে আমাদের কাছে ভারি অসংগত ঠেকে। আমাদের বিদেশী কর্তারা ঠিক করিয়া বসিয়া আছেন যে, প্রাচ্য হৃদয় আড়ম্বরেই ভোলে, এই জগুই ত্রিশ কোটি অপদার্থকে অভিজুত করিতে দিল্লির দরবার-নামক একটা সুবিপুল অত্যাক্তি বহু চিন্তায়-চেষ্টায় ও হিসাবের বহুতর কষাকষি-দ্বারা খাড়া করিয়া তুলিয়াছেন— জানেন না যে, প্রাচ্য হৃদয় দানে, দয়া-দাক্ষিণ্যে, অব্যাহত মঙ্গল অনুষ্ঠানেই ভোলে। আমাদের যে উৎসবসমারোহ তাহা আহুত অনাহুত রবাহুতের আনন্দসমাগম, তাহাতে 'এহি এহি দেহি দেহি পীয়তাং ভূজ্যতাং' রবের কোথাও বিরাম ও বাধা নাই। তাহা প্রাচ্য আতিশয্যের লক্ষণ হইতে পারে, কিন্তু তাহা খাঁটি, তাহা স্বাভাবিক। আর পুলিশের দ্বারা সীমানাবন্ধ, সড়িনের দ্বারা কণ্টকিত, সংশয়ের দ্বারা সন্ত্রস্ত, সতর্ক কৃপণতার দ্বারা সংকীর্ণ, দয়াহীন দানহীন যে দরবার, যাহা কেবলমাত্র দস্তপ্রচার, তাহা পাশ্চাত্য অত্যাক্তি— তাহাতে আমাদের হৃদয় পীড়িত ও লাঞ্চিত হয়— আমাদের কল্পনা আকৃষ্ট না হইয়া প্রতিহত হইতে থাকে। তাহা ঔদার্য হইতে উৎসারিত নহে, তাহা প্রাচুর্য হইতে উদ্বেলিত হয় নাই।

এই গেল নকল-করা অত্যাক্তি। কিন্তু নকল, বাহু আড়ম্বরে মূলকে ছাড়াইবার চেষ্টা করে এ কথা সকলেই জানে। সুতরাং সাহেব যদি সাহেবি ছাড়িয়া নবাবি ধরে তবে তাহাতে যে আতিশয্য প্রকাশ হইয়া পড়ে তাহা কতকটা কৃত্রিম, অতএব তাহার দ্বারা জাতিগত অত্যাক্তির প্রকৃতি ঠিক ধরা যায় না। ঠিক খাঁটি বিলাতি অত্যাক্তির একটা দৃষ্টান্ত মনে পড়িতেছে। গবর্নেন্ট্ সেই দৃষ্টান্তটি আমাদের চোখের সামনে পাথরের স্তম্ভ দিয়া স্থায়িতাবে খাড়া করিয়া তুলিয়াছেন, তাই সেটা হঠাৎ মনে পড়িল। তাহা অন্ধকূপহত্যার অত্যাক্তি।

পূর্বেই বলিয়াছি, প্রাচ্য অত্যাক্তি মানসিক টিলামি। আমরা কিছু প্রাচুর্যপ্রিয়, আঁটাআঁটি আমাদের সহ্যে না। দেখো-না, আমাদের কাপড়গুলো টিলাঢালা, আবশ্যকের চেয়ে অনেক বেশি; ইংরেজের বেশভূষা কাটাছাঁটা, ঠিক মাপসই— এমন-কি, আমাদের মতে তাহা আঁটিতে আঁটিতে কাটিতে কাটিতে শালীনতার সীমা ছাড়াইয়া গেছে। আমরা— হয় প্রচুররূপে নয় নয় প্রচুররূপে আবৃত।

আমাদের কথাবার্তাও সেই ধরণের— হয় একেবারে মৌনের কাছাকাছি নয় উদার-ভাবে সুবিভূত। আমাদের ব্যবহারও তাই, হয় অভিশয় সংযত নয় হৃদয়াবেগে উচ্ছ্বসিত।

কিন্তু ইংরেজের অত্যাঙ্কির সেই স্বাভাবিক প্রাচুর্য নাই; তাহা অত্যাঙ্কি হইলেও ধ্বংসকায়। তাহা আপনার অমূলকতাকে নিপুণভাবে মাটি চাপা দিয়া ঠিক সমূলকতার মতো সাজাইয়া তুলিতে পারে। প্রাচ্য অত্যাঙ্কির ‘অতি’টুকুই শোভা, তাহাই তাহার অলংকার, সুতরাং তাহা অসংকোচে বাহিরে আপনাকে ঘোষণা করে। ইংরেজি অত্যাঙ্কির ‘অতি’টুকুই গভীরভাবে ভিতরে থাকিয়া যায়; বাহিরে তাহা বাস্তবের সংযত সাজ পরিয়া খাঁটি সত্যের সহিত এক পঙ্ক্তিতে বসিয়া পড়ে।

আমরা হইলে বলিতাম, অন্ধকূপের মধ্যে হাজারো লোক মরিয়াছে। সংবাদটাকে একেবারে এক ঠেলায় অত্যাঙ্কির মাঝদরিয়ার মধ্যে রওনা করিয়া দিতাম। হলওয়েল সাহেব একেবারে জনসংখ্যা সম্পূর্ণ নির্দিষ্ট করিয়া তাহার তালিকা দিয়া অন্ধকূপের আয়তন একেবারে ফুট-হিসাবে গণনা করিয়া দিয়াছেন। যেন সত্যের মধ্যে কোথাও কোনো ছিদ্র নাই! ও দিকে যে গণিতশাস্ত্র তাঁহার প্রতিবাদী হইয়া বসিয়া আছে সেটা খেয়াল করেন নাই। হলওয়েলের মিথ্যা যে কত স্থানে কত রূপে ধরা পড়িয়াছে, তাহা অক্ষয়কুমার মৈত্রেয় মহাশয়ের সিরাজদৌলা গ্রন্থে ভালোরূপেই আলোচিত হইয়াছে। আমাদের উপদেষ্টা কার্জন সাহেবের নিকট স্পর্ধা পাইয়া হলওয়েলের সেই অত্যাঙ্কি রাজপথের মাঝখানে মাটি ফুঁড়িয়া স্বর্গের দিকে পাবাণ-অঙ্গুষ্ঠ উত্থাপিত করিয়াছে।

প্রাচ্য ও পাশ্চাত্য সাহিত্য হইতে দুই বিভিন্ন শ্রেণীর অত্যাঙ্কির উদাহরণ দেওয়া যাইতে পারে। প্রাচ্য অত্যাঙ্কির উদাহরণ আরব্য উপন্যাস এবং পাশ্চাত্য অত্যাঙ্কির উদাহরণ রাভিন্সার্ড্, কিপ্লিঙের “কিম্” এবং তাঁহার ভারতবর্ষীয় চিত্রাবলী। আরব্য উপন্যাসেও ভারতবর্ষের কথা আছে, চীনদেশের কথা আছে, কিন্তু সকলেই জানে তাহা গল্পমাত্র— তাহার মধ্য হইতে কাল্পনিক সত্য ছাড়া আর কোনো সত্য কেহ প্রত্যাশাই করিতে পারে না, তাহা এতই সুস্পষ্ট। কিন্তু কিপ্লিঙ তাঁহার কল্পনাকে আচ্ছন্ন রাখিয়া এমনি একটি সত্যের আড়ম্বর করিয়াছেন যে, যেমন হলপ-পড়া সাক্ষীর কাছ হইতে লোকে প্রকৃত বৃত্তান্ত প্রত্যাশা করে তেমনি কিপ্লিঙের গল্প হইতে ব্রিটিশ পাঠক ভারতবর্ষের প্রকৃত বৃত্তান্ত প্রত্যাশা না করিয়া থাকিতে পারে না।

ব্রিটিশ পাঠককে এমনি ছল করিয়া তুলাইতে হয়। কারণ, ব্রিটিশ পাঠক বাস্তবের প্রিয়। শিক্ষা লাভ করিবার বেলাও তাহার বাস্তব চাই, আবার খেলেনাকেও বাস্তব

করিয়া তুলিতে না পারিলে তাহার স্থখ হয় না। আমরা দেখিয়াছি, ব্রিটিশ ভোজে খরগোশ রাখিয়া জন্তটাকে যথাসম্ভব অবিকল রাখিয়াছে। সেটা যে স্থখাঙ্ক ইহাই যথেষ্ট আমাদের নহে; কিন্তু সেটা যে একটা বাস্তব জন্ত, ব্রিটিশ ভোগী তাহা প্রত্যক্ষ অনুভব করিতে চায়। ব্রিটিশ খানা যে কেবল খানা তাহা নহে, তাহা প্রাণিবৃত্তান্তের গ্রন্থবিশেষ বলিলেই হয়। যদি কোনো ব্যক্তনে পাখিগুলা ভাজা ময়দার আবরণে ঢাকা পড়ে, তবে তাহাদের পাগুলা কাটিয়া আবরণের উপরে বসাইয়া রাখা হয়। বাস্তব এত আবশ্যিক। কল্পনার নিজ এলাকার মধ্যেও ব্রিটিশ পাঠক বাস্তবের সন্ধান করে— তাই কল্পনাকেও দায়ে পড়িয়া প্রাণপণে বাস্তবের ভান করিতে হয়। যে ব্যক্তি অসম্ভব স্থান হইতেও সাপ দেখিতেই চায়, সাপুড়ে তাহাকে ঠকাইতে বাধ্য হয়। সে নিজের ঝুলির ভিতর হইতেই সাপ বাহির করে, কিন্তু ভান করে যেন দর্শকের চাদরের মধ্য হইতে বাহির হইল। কিপুলিঙ নিজের কল্পনার ঝুলি হইতেই সাপ বাহির করিলেন, কিন্তু নৈপুণ্যগুণে ব্রিটিশ পাঠক ঠিক বুঝিল যে, এশিয়ার উত্তরীয়ের ভিতর হইতেই সরীসৃপগুলা দলে দলে বাহির হইয়া আসিল।

বাহিরের বাস্তব সত্যের প্রতি আমাদের একান্ত লোলুপতা নাই। আমরা কল্পনাকে কল্পনা জানিয়াও তাহার মধ্য হইতে রস পাই। একান্ত গল্প শুনিতে বসিয়া আমরা নিজেকে নিজে ভুলাইতে পারি; লেখককে কোনোরূপ ছলনা অবলম্বন করিতে হয় না। কাল্পনিক সত্যকে বাস্তব সত্যের ছন্দ-গোঁফ-দাড়ি পরিতে হয় না। আমরা বরঞ্চ বিপরীত দিকে যাই। আমরা বাস্তব সত্যে কল্পনার রঙ ফলাইয়া তাহাকে অপ্রাকৃত করিয়া ফেলিতে পারি, তাহাতে আমাদের দুঃখবোধ হয় না। আমরা বাস্তব সত্যকেও কল্পনার সহিত মিশাইয়া দিই, আর যুরোপ কল্পনাকেও বাস্তব সত্যের মূর্তি পরিগ্রহ করাইয়া তবে ছাড়ে। আমাদের এই স্বভাবদোষে আমাদের বিস্তর ক্ষতি হইয়াছে, আর ইংরেজের স্বভাবে ইংরেজের কি কোনো লোকসান করে নাই? গোপন মিথ্যা কি সেখানে ঘরে-বাহিরে বিহার করিতেছে না? সেখানে খবরের কাগজে খবর বানানো চলে তাহা দেখা গিয়াছে এবং সেখানে ব্যবসাদার-মহলে শেয়ার-কেনাবেচার বাজারে যে কিরূপ সর্বনেশে মিথ্যা বানানো হইয়া থাকে তাহা কাহারও অগোচর নাই। বিলাতে বিজ্ঞাপনের অত্যাঙ্কি ও মিথ্যোঙ্কি নানা বর্ণে নানা চিত্রে নানা অক্ষরে দেশে বিদেশে নিজেকে কিরূপ ঘোষণা করে তাহা আমরা জানি— এবং আজকাল আমরাও ভ্রাতৃত্বের মিলিয়া নির্লজ্জভাবে এই অত্যাঙ্ক গ্রহণ করিয়াছি। বিলাতে পলিটিক্‌সে বানানো বাজেট তৈরি করা, প্রব্লেম বানানো উত্তর দেওয়া প্রতৃষ্টি অভিযোগ তুলিয়া এক পক্ষের প্রতি অপর পক্ষে যে-সকল দোষারোপ করিয়া থাকেন

তাহা যদি মিথ্যা হয় তবে লঙ্কার বিবরণ, যদি না হয় তবে শঙ্কর বিবরণ সন্দেহ নাই। সেখানকার পার্লামেন্টে পার্লামেন্ট-সংগত ভাষায় এবং কখনো বা তাহা লঙ্ঘন করিয়াও বড়ো বড়ো লোককে মিথ্যুক, প্রবঞ্চক, সত্যগোপনকারী বলা হইয়া থাকে। হয় এরূপ নিন্দাবাদকে অত্যাঙ্গিরায়ণতা বলিতে হয়, নয় ইংলণ্ডের পলিটিক্‌স্ মিথ্যার দ্বারা জীর্ণ এ কথা স্বীকার করিতে হয়।

বাহা হউক, এ-সমস্ত আলোচনা করিলে এই কথা মনে উদয় হয় যে, বরঞ্চ অত্যাঙ্গিকে সুস্পষ্ট অত্যাঙ্গিরূপে গোষণ করাও ভালো, কিন্তু অত্যাঙ্গিকে সুকৌশলে ছাঁটিয়া-ছুঁটিয়া তাহাকে বাস্তবের দলে চালানো চেষ্টা করা ভালো নহে— তাহাতে বিপদ অনেক বেশি।

পূর্বেই বলিয়াছি, যেখানে দুইপক্ষে উভয়ের ভাষা বোঝে সেখানে পরস্পরের ষোগে অত্যাঙ্গি আপনি সংশোধিত হইয়া আসে। কিন্তু দুর্ভাগ্যক্রমে বিলাতি অত্যাঙ্গি বোঝা আমাদের পক্ষে শক্ত। এইজন্য তাহা অক্ষরে অক্ষরে বিশ্বাস করিয়া আমরা নিজের অবস্থাকে হান্তকর ও শোচনীয় করিয়া তুলিয়াছি। ইংরেজ বলিয়াছিল, ‘আমরা তোমাদের ভালো করিবার জন্যই তোমাদের দেশ শাসন করিতেছি, এখানে সাদা-কালোর অধিকারভেদ নাই, এখানে বাঘে গোকতে এক ঘাটে জল খায়, সম্রাটশ্রেষ্ঠ মহাপুরুষ আকবর বাহা করুনা মাত্র করিয়াছিলেন আমাদের সাম্রাজ্যে তাহাই সত্যে ফলিতেছে।’ আমরা তাড়াতাড়ি ইহাই বিশ্বাস করিয়া আশ্বাসে ক্ষীত হইয়া বসিয়া আছি। আমাদের দাবির আর অস্ত নাই। ইংরেজ বিরক্ত হইয়া আজকাল এই-সকল অত্যাঙ্গিকে ধ্বংস করিয়া লইতেছে। এখন বলিতেছে, ‘বাহা তরবারি দিয়া জয় করিয়াছি তাহা তরবারি দিয়া রক্ষা করিব।’ সাদা-কালোর যে ষথেষ্ট ভেদ আছে তাহা এখন অনেক সময়ে নিতান্ত গায়ে পড়িয়া নিতান্ত স্পষ্ট করিয়া দেখানো হইতেছে। কিন্তু তবু বিলাতি অত্যাঙ্গি এমনি সুনিপুণ ব্যাপার যে, আজও আমরা দাবি ছাড়ি নাই, আজও আমরা বিশ্বাস আঁকড়িয়া বসিয়া আছি, সেই-সকল অত্যাঙ্গিকেই আমাদের প্রধান দলিল করিয়া আমাদের জীর্ণচীরপ্রান্তে বহু ষয়ে বাধিয়া রাখিয়াছি। অথচ আমরা প্রত্যক্ষ দেখিতেছি, এক সময়ে ভারতবর্ষ পৃথিবীকে কাপড় জোগাইয়াছে, আজ সে পরের কাপড় পরিয়া লঙ্কা বাড়াইতেছে— এক সময়ে ভারতভূমি অন্নপূর্ণা ছিল, আজ ‘হাদে লক্ষী হইল লক্ষীছাড়া’— এক সময়ে ভারতে পৌরুষ রক্ষা করিবার অস্ত্র ছিল, আজ কেবল কেরানিগিরির কলম কাটিবার ছুরিটুকু আছে। ইস্ট ইণ্ডিয়া কোম্পানি রাজত্ব পাইয়া অবধি ইচ্ছাপূর্বক চেষ্টাপূর্বক ছলে বলে কৌশলে ভারতের শিল্পকে পঙ্গু করিয়া সমস্ত দেশকে কৃষিকার্ষে দীক্ষিত করিয়াছে, আজ আবার সেই

কৃষকের খাজনা বাড়িতে বাড়িতে সেই হতভাগ্য ঋণসমুদ্রের মধ্যে চিরদিনের মতো নিমগ্ন হইয়াছে— এই তো গেল বাণিজ্য এবং কৃষি। তাহার পর বীর্ষ এবং অস্ত্র, সে কথার উল্লেখ করিবার প্রয়োজন নাই। ইংরেজ বলে, 'তোমরা কেবলই চাকরির দিকে ঝুঁকিয়াছ, ব্যাবসা কর না কেন?' এ দিকে দেশ হইতে বর্ষে বর্ষে প্রায় পাঁচ শত কোটি টাকা খাজনায় ও মহাজনের লাভে বিদেশে চলিয়া যাইতেছে। মূলধন থাকে কোথায়? এই অবস্থায় দাঁড়াইয়াছি। তবু কি বিলাতি অত্যাচার উপর সম্পূর্ণ নির্ভর করিয়া কেবলই দরখাস্ত জারি করিতে হইবে? হায়, ভিক্ষকের অনন্ত ধৈর্য! হায়, দরিদ্রাণাং মনোরথা! রোমের শাসনে, স্পেনের শাসনে, মোগলের শাসনে এতবড়ো একটা বৃহৎ দেশ কি এমন নিঃশেষে উপায়বিহীন হইয়াছে। অথচ পরদেশশাসন সহজে এত বড়ো বড়ো নীতিকথার দৃষ্টপূর্ণ অত্যাচার আর কেহ কি কখনো উচ্চারণ করিয়াছে? কিন্তু এ-সকল অপ্রিয় কথা উত্থাপন করা কেন! কোনো একটা জাতিকে অনাবশ্যক আক্রমণ করিয়া পীড়া দেওয়া আমাদের দেশের লোকের স্বভাবসংগত নহে, ইহা আমরা ক্রমাগত ঘা খাইয়া ইংরেজের কাছ হইতেই শিখিয়াছি। নিতান্ত গায়ের জালায় আমাদেরকে যে অশিষ্টতায় দীক্ষিত করিয়াছে তাহা আমাদের দেশের জিনিস নহে।

কিন্তু অন্তের কাছ হইতে আমরা যতই আঘাত পাই-না কেন, আমাদের দেশের যে চিরন্তন নব্রতা, যে ভদ্রতা, তাহা পরিত্যাগ করিব কেন? ইহাকেই বলে চোরের উপর রাগ করিয়া নিজের ক্ষতি করা।

অবশ্য, পরের নিকট হইতে স্বজাতি যখন অপবাদ ও অপমান সহ করিতে থাকে তখন যে আমার মন অবিচলিত থাকে এ কথা আমি বলিতে পারি না। কিন্তু সেই অপবাদলাঞ্ছনার জবাব দিবার জন্তই যে আমার এই প্রবন্ধ লেখা তাহা নহে। আমরা যেটুকু জবাব দিবার চেষ্টা করি তাহা নিতান্ত ক্ষীণ, কারণ বাকশক্তিই আমাদের একটিমাত্র শক্তি। কামানের যে গর্জন তাহা ভীষণ, কারণ তাহার সঙ্গে সঙ্গে লোহার গোলাটা থাকে। কিন্তু প্রতিধ্বনির যে প্রত্যুত্তর তাহা ফাঁকা— সেরূপ খেলামাত্র আমার অভিক্রটি নাই।

ইংরেজ আমার এ লেখা পড়িবে না, পড়িলেও সকল কথা ঠিক বুঝিবে না। আমার এ লেখা আমাদের স্বদেশীয় পাঠকদের জন্তই। অনেক দিন ধরিয়া চোখ বুজিয়া আমরা বিলাতি সত্যতার হাতে আত্মসমর্পণ করিয়াছিলাম। ভাবিয়াছিলাম, সে সত্যতা স্বার্থকে অভিভূত করিয়া বিশ্বহিতৈষী ও বিশ্বজনের শৃঙ্খলমুক্তির পথেই সত্য প্রেম শান্তির অহুকূলে অগ্রসর হইতেছে। কিন্তু আজ হঠাৎ চমক ভাঙিবার সময় আসিয়াছে।

পৃথিবীতে এক-এক সময়ে প্রলয়ের বাতাস হঠাৎ উঠিয়া পড়ে। এক সময়ে মধ্য এশিয়ার মোগলগণ ধরণী হইতে লম্বীশ্রী কাঁটাইতে বাহির হইয়াছিল। এক সময়ে মুসলমানগণ ধূমকেতুর মতো পৃথিবীর উপর প্রলয়পুচ্ছ সঞ্চালন করিয়া কিরিয়াছিল। পৃথিবীর মধ্যে যে কোণে ক্ষুধার বেগ বা ক্ষমতার লালসা ক্রমাগত পোষিত হইতে থাকে সেই কোণ হইতে অগদ্বিনাশী ঝড় উঠিবেই।

প্রাচীনকালে এই ধ্বংসধ্বজা তুলিয়া গ্রীক-রোমক-পারসীকগণ অনেক রক্ত সেচন করিয়াছে। ভারতবর্ষ বৌদ্ধ-রাজাদের অধীনে বিদেশে আপন ধর্ম প্রেরণ করিয়াছে, আপন স্বার্থ বিস্তার করে নাই। ভারতবর্ষীয় সভ্যতার বিনাশপ্রাবনের বেগ কোনো-কালে ছিল না। ক্ষমতা ও স্বার্থ- বিস্তার ভারতবর্ষীয় সভ্যতার ভিত্তি নহে।

যুরোপীয় সভ্যতার ভিত্তি তাহাই। তাহা সর্বপ্রথমে নানা আকারে নানা দিক হইতে আপনার ক্ষমতাকে ও স্বার্থকেই বলীয়ান করিবার চেষ্টা করিতেছে। স্বার্থ ও ক্ষমতাস্পৃহা কোনো-কালেই নিজের অধিকারের মধ্যে নিজেকে রক্ষা করিতে পারে না— এবং অধিকারলজ্বনের পরিণামফল নিঃসংশয় বিপ্লব।

ইহা ধর্মের নিয়ম, ইহা ধ্রুব। সমস্ত যুরোপ আজ অস্ত্রে-শস্ত্রে দস্তুর হইয়া উঠিয়াছে। ব্যবসায়বুদ্ধি তাহার ধর্মবুদ্ধিকে অতিক্রম করিতেছে।

আমাদের দেশে বিলাতি সভ্যতার এমন-সকল পরম ভক্ত আছেন যাহারা ধর্মকে অবিশ্বাস করিতে পারেন, কিন্তু বিলাতি সভ্যতাকে অবিশ্বাস করিতে পারেন না। তাঁহারা বলেন, বিকার যাহা-কিছু দেখিতেছ এ-সমস্ত কিছুই নহে— দুই দিনেই কাটিয়া যাইবে। তাঁহারা বলেন, যুরোপীয় সভ্যতার রক্তচক্ষু এতদিনটা সার্বজনীন ভ্রাতৃত্বের পথে ধক্ধক্ শব্দে ছুটিয়া চলিয়াছে।

এরূপ অসামান্ত অন্ধভক্তি সকলের কাছে প্রত্যাশা করিতে পারি না। সেইজন্যই পূর্বদেশের হৃদয়ের মধ্যে আজ এক সুগভীর চাঞ্চল্যের সঞ্চার হইয়াছে। আসন্ন ঝড়ের আশঙ্কায় পাখি যেমন আপন নীড়ের দিকে ছোটে, তেমনি বায়ুকোণে রক্তমেঘ দেখিয়া পূর্বদেশ হঠাৎ আপনার নীড়ের সন্ধানে উড়িবার উপক্রম করিয়াছে; বঙ্গগর্জনকে সে সার্বভৌমিক প্রেমের মঙ্গলশব্দধ্বনি বলিয়া কল্পনা করিতেছে না। যুরোপ ধরণীর চারি দিকেই আপনার হাত বাড়াইতেছে; তাহাকে প্রেমালিঙ্গনের বাহুবিস্তার মনে করিয়া প্রাচ্যধণ্ড পুনর্কিত হইয়া উঠিতেছে না।

এই অবস্থায় আমরা বিলাতি সভ্যতার যে সমালোচনায় প্রবৃত্ত হইয়াছি তাহা কেবলমাত্র আত্মরক্ষার আকাজক্ষায়। আমরা যদি সংবাহ পাই যে, বিলাতি সভ্যতার মূলকাণ্ড যে পলিটিক্‌স সেই পলিটিক্‌স হইতে স্বার্থপরতা নির্দয়তা ও অসত্য, ধনাভিমান

ও ক্ষমতাভিমান, প্রত্যহ জগৎ জুড়িয়া শাখাপ্রশাখা বিস্তার করিতেছে, এবং যদি ইহা বুঝিতে পারি যে স্বার্থকে সভ্যতার মূলশক্তি করিলে এরূপ দারুণ পরিণাম একান্তই অবশ্যস্বাবী, তবে সে কথা সর্বতোভাবে আলোচনা করিয়া দেখা আবশ্যক হইয়া পড়ে— পরকে অপবাদ দিয়া সাধনা পাইবার জন্ত নহে, নিজেকে সময় থাকিতে সংযত করিবার জন্ত ।

আমরা আজকাল পলিটিক্‌স্ অর্থাৎ রাষ্ট্রগত একান্ত স্বার্থপরতাকেই সভ্যতার একটিমাত্র মুকুটমণি ও বিরোধপরতাকেই উন্নতিলাভের একটিমাত্র পথ বলিয়া ধরিয়া লইয়াছি, আমরা পলিটিক্‌সের মিথ্যা ও দোকানদারির মিথ্যা বিদেশের দৃষ্টান্ত হইতে প্রতিদিন গ্রহণ করিতেছি, আমরা টাকাকে মনুষ্যত্বের চেয়ে বড়ো এবং ক্ষমতালভকে মঙ্গলব্রতচরণের চেয়ে শ্রেয় বলিয়া জানিয়াছি— তাই এতকাল যে স্বাভাবিক নিয়মে আমাদের দেশে লোকহিতকর কর্ম ঘরে ঘরে অনুষ্ঠিত হইতেছিল তাহা হঠাৎ বন্ধ হইয়া গেছে । ইংরেজ গোয়ালার বাঁটে হাত না দিলে আমাদের কামধেনু আর এককোঁটা দুধ দেয় না— নিজের বাছুরকেও নহে । এমনি দারুণ মোহ আমাদেরকে আক্রমণ করিয়াছে । সেই মোহজাল ছিন্ন করিবার জন্ত যে-সকল তীক্ষ্ণবাক্য প্রয়োগ করিতে হইতেছে, আশা করি, তাহা বিদেহবুদ্ধির অঙ্গশালা হইতে গৃহীত হইতেছে না ; আশা করি, তাহা স্বদেশের মঙ্গল-ইচ্ছা হইতে প্রেরিত । আমরা গালি খাইয়া যদি জবাব দিতে উদ্বৃত্ত হইয়া থাকি সে জবাব বিদেশী গালিদাতার উদ্দেশ্যে নহে— সে কেবল আমাদের নিজের কাছে নিজের সম্মান রাখিবার জন্ত, আমাদের নিজের প্রতি ভগ্নপ্রবণ বিশ্বাসকে বাধিয়া তুলিবার জন্ত, শিশুকাল হইতে বিদেশীকে একমাত্র গুরু বলিয়া মানা অভ্যাস হওয়াতে তাহাদের কথাকে বেদবাক্য বলিয়া স্বজাতির প্রতি প্রকৃতিবিহীন হইবার মহাবিপদ হইতে নিজেরা রক্ষা পাইবার জন্ত । ইংরেজ যে পথে যাইতে চায় থাক, যত ক্রতবেগে রথ চালাইতে চাহে চালাক, তাহাদের চঞ্চল চাবুকটা যেন আমাদের পৃষ্ঠে না পড়ে এবং তাহাদের চাকার তলায় আমরা যেন অস্তিম গতি লাভ না করি এই হইলেই হইল । ভিখ আমরা চাহি না । উত্তরোত্তর দুর্লভতর আধুরের গুচ্ছ অক্ষমের অদৃষ্টে প্রতিদিন টকিয়া উঠিতেছে বলিয়াই হউক আর যে কারণেই হউক, আমাদের আর ভিকার কাজ নাই— এবং এ কথা বলাও বাহুল্য, কুস্তাতেও আমাদের প্রয়োজন দেখি না । শিকাই বল, চাকরিই বল, যাহা পরের কাছে মাগিয়া-পাতিয়া লইতে হয়, পাছে কবে আবার কাড়িয়া লয় এই ভয়ে যাহাকে পাঁজরের কাছে সবলে চাপিয়া বন্ধ ব্যধিত করিয়া তুলি, তাহা খোওয়া গেলে অত্যন্ত বেশি ক্ষতি নাই । কারণ, মানুষের প্রাণ বড়ো

কঠিন, সে বাঁচিবার শেষ চেষ্টা না করিয়া থাকিতে পারে না। তাহার যে কতটা শক্তি আছে, নিতান্ত দ্বায়ে না পড়িলে তাহা সে নিজেই বোধে না। নিজের সেই অন্তরতর শক্তি আবিষ্কার করিবার জন্য বিখাতা যদি ভারতকে সর্বপ্রকারে বঞ্চিত হইতে দেন, তাহাতে শাপে বর হইবে। এমন জিনিস আমাদের চাই বাহা সম্পূর্ণ আমাদের স্বায়ত্ত, বাহা কেহ কাড়িয়া লইতে পারিবে না—সেই জিনিসটি হৃদয়ে রাখিয়া আমরা যদি কোঁপীন পরি, যদি সন্ন্যাসী হই, যদি মরি, সেও ভালো। ভিক্ষায়াং নৈব নৈব চ। আমাদের খুব বেশি ব্যঞ্জে দরকার নাই, যেটুকু আহাৰ করিব নিজে যেন আহরণ করিতে পারি; খুব বেশি সাজসজ্জা না হইলেও চলে, মোটা কাপড়টা যেন নিজের হয়; এবং দেশকে শিক্কা দিবার ব্যবস্থা আমরা যেটুকু নিজে করিতে পারি তাহা যেন সম্পূর্ণ নিজের দ্বারা অহুষ্ঠিত হয়। এক কথা, বাহা করিব আত্মত্যাগের দ্বারায় করিব, বাহা পাইব আত্মবিসর্জনের দ্বারায় পাইব, বাহা দিব আত্মদানের দ্বারাতেই দিব। এই যদি সম্ভব হয় তো হউক—না যদি হয়, পরে চাকরি না দিলেই যদি আমাদের অন্ন না জোটে, পরে বিদ্যালয় বন্ধ করিবামাত্রই যদি আমাদের গণ্ডমূৰ্ছ হইয়া থাকিতে হয়, এবং পরের নিকট হইতে উপাধির প্রত্যাশা না থাকিলে দেশের কাজে আমাদের টাকার ধলির গ্রহিমোচন যদি না হইতে পারে, তবে পৃথিবীতে আর কাহারও উপর কোনো দোষাবোপ না করিয়া যথাসম্ভব সম্বর যেন নিঃশব্দে এই ধরাতল হইতে বিদায় গ্রহণ করিতে পারি। ভিক্ষাবৃত্তির তারত্বরে, অক্ষম বিলাপের সান্নাসিকতার রাজপথের মাঝখানে আমরা যেন বিশ্বজগতের দৃষ্টি নিজদের প্রতি আকর্ষণ না করি। যদি আমাদের নিজের চেষ্টায় আমাদের দেশের কোনো বৃহৎ কাজ হওয়ার সম্ভাবনা না থাকে তবে, হে মহামারী, তুমি আমাদের বাহুব—হে ছুৰ্ভিক্ষ, তুমি আমাদের সহায়।

কার্তিক ১৩০২

মন্দির

উড়িষ্যায় ভুবনেশ্বরের মন্দির যখন প্রথম দেখিলাম তখন মনে হইল, একটা যেন কী নূতন গ্রন্থ পাঠ করিলাম। বেশ বুঝিলাম, এই পাথরগুলির মধ্যে কথা আছে। সে কথা বহু শতাব্দী হইতে স্তম্ভিত বলিয়া, মুক বলিয়া, হৃদয়ে আরও যেন বেশি করিয়া আঘাত করে।

ঋক্-রচয়িতা ঋষি ছন্দে মন্ত্ররচনা করিয়া গিয়াছেন, এই মন্দিরও পাথরের মন্ত্র ; হৃদয়ের কথা দৃষ্টিগোচর হইয়া আকাশ জুড়িয়া দাঁড়াইয়াছে।

মানুষের হৃদয় এখানে কী কথা গাঁথিয়াছে ? ভক্তি কী রহস্য প্রকাশ করিয়াছে ? মানুষ অনন্তের মধ্য হইতে আপন অন্তঃকরণে এমন কী বাণী পাইয়াছিল যাহার প্রকাশের প্রকাণ্ড চেষ্টায় এই শৈলপদমূলে বিস্তীর্ণ প্রান্তর আকীর্ণ হইয়া রহিয়াছে।

এই-যে শতাধিক দেবালয়— যাহার অনেকগুলিতেই আজ আর সন্ধ্যারতির দীপ জলে না, শঙ্খঘণ্টা নীরব, যাহার ক্ষোদিত প্রস্তরখণ্ডগুলি ধূলিলুপ্তিত— ইহারা কোনো একজন ব্যক্তিবিশেষের কল্পনাকে আকার দিবার চেষ্টা করে নাই। ইহারা তখনকার সেই অজ্ঞাত যুগের ভাষাভারে আক্রান্ত। যখন ভারতবর্ষের জীর্ণ বৌদ্ধধর্ম নবভূমিষ্ঠ হিন্দুধর্মের মধ্যে দেহান্তর লাভ করিতেছে, তখনকার সেই নবজীবনোচ্ছাসের তরঙ্গলীলা এই প্রস্তরপুঞ্জ আবদ্ধ হইয়া ভারতবর্ষের এক প্রান্তে যুগান্তরের আগ্রত মানবহৃদয়ের বিপুল কলধ্বনিকে আজ সহস্র বৎসর পরে নিঃশব্দ ইন্দ্রিতে ব্যক্ত করিতেছে। ইহা কোনো-একটি প্রাচীন নবযুগের মহাকাব্যের কয়েকখণ্ড ছিন্ন-পত্র।

এই দেবালয়শ্রেণী তাহার নিগূঢ়নিহিত নিস্তর চিন্তাশক্তির দ্বারা দর্শকের অন্তঃকরণকে সহসা যে ভাবান্দোলনে উদ্‌বোধিত করিয়া তুলিল তাহার আকস্মিকতা, তাহার সমগ্রতা, তাহার বিপুলতা, তাহার অপূর্বতা প্রবন্ধে প্রকাশ করা কঠিন— বিশ্লেষণ করিয়া খণ্ড খণ্ড করিয়া বলিবার চেষ্টা করিতে হইবে। মানুষের ভাষা এইখানে পাথরের কাছে হার মানে— পাথরকে পরে পরে বাক্য গাঁথিতে হয় না, সে স্পষ্ট কিছু বলে না, কিন্তু যাহা-কিছু বলে সমস্ত একসঙ্গে বলে— এক পলকেই সে সমস্ত মনকে অধিকার করে— স্তব্ধাং মন যে কী বুঝিল, কী শুনিল, কী পাইল, তাহা ভাবে বুঝিলেও ভাষায় বুঝিতে সময় পায় না— অবশেষে স্থির হইয়া ক্রমে ক্রমে তাহাকে নিজের কথায় বুঝিয়া লইতে হয়।

দেখিলাম মন্দিরভিত্তির সর্বাঙ্গে ছবি খোদা। কোথাও অবকাশমাত্র নাই। যেখানে চোখ পড়ে এবং যেখানে চোখ পড়ে না, সর্বত্রই শিল্পীর নিরলস চেষ্টা কাজ করিয়াছে।

ছবিগুলি বিশেষভাবে পৌরাণিক ছবি নয়, দশ অবতারের লীলা বা স্বর্গলোকের দেবকাহিনীই যে দেবালয়ের গায়ে লিখিত হইয়াছে তাও বলিতে পারি না। মানুষের ছোটোবড়ো ভালোমন্দ প্রতিদিনের ঘটনা— তাহার খেলা ও কাজ, যুদ্ধ ও

শান্তি, ঘর ও বাহির, বিচিত্র আলোখোর দ্বারা মন্দিরকে বেটন করিয়া আছে। এই ছবিগুলির মধ্যে আর কোনো উদ্দেশ্য দেখি না, কেবল এই সংসার যেমনভাবে চলিতেছে তাহাই আঁকিবার চেষ্টা। সুতরাং চিত্রশ্রেণীর ভিতরে এমন অনেক জিনিস চোখে পড়ে যাহা দেবালয়ে অকনযোগ্য বলিয়া হঠাৎ মনে হয় না। ইহার মধ্যে বাছাবাছি কিছুই নাই— তুচ্ছ এবং মহৎ, গোপনীয় এবং ঘোষণীয়, স্মরণীয় আছে।

কোনো গির্জার মধ্যে গিয়া যদি দেখিতাম সেখানে দেয়ালে ইংরেজ-সমাজের প্রতিদিনের ছবি বুলিতেছে— কেহ খানা খাইতেছে, কেহ ডগ্‌কারুট হাঁকাইতেছে, কেহ ছইস্ট খেলিতেছে, কেহ পিয়ানো বাজাইতেছে, কেহ সঙ্গিনীকে বাহপাশে বেটন করিয়া পল্কা নাচিতেছে, তবে হতবুদ্ধি হইয়া ভাবিতাম, বুঝি বা স্বপ্ন দেখিতেছি— কারণ, গির্জা সংসারকে সর্বতোভাবে মুছিয়া ফেলিয়া আপন স্বর্গীয়তা প্রকাশ করিতে চেষ্টা করে। মানুষ সেখানে লোকালয়ের বাহিরে আসে; তাহা যেন যথাসম্ভব মর্তসংস্পর্শবিহীন দেবলোকের আদর্শ।

তাই, ভুবনেশ্বর-মন্দিরের চিত্রাবলীতে প্রথমে মনে বিশ্বয়ের আঘাত লাগে। স্বভাবত হয়তো লাগিত না, কিন্তু আশৈশব ইংরেজি শিক্ষার আমরা স্বর্গমর্তকে মনে মনে ভাগ করিয়া রাখিয়াছি। সর্বদাই সম্বর্পণে ছিলাম, পাছে দেব-আদর্শে মানবভাবের কোনো আঁচ লাগে; পাছে দেব মানবের মধ্যে যে পরমপবিত্র সূদূর ব্যবধান, ক্ষুদ্র মানব তাহা লেশমাত্র লঙ্ঘন করে।

এখানে মানুষ দেবতার একেবারে যেন গায়ের উপর আসিয়া পড়িয়াছে— তাও যে ধূলা ঝাড়িয়া আসিয়াছে তাও নয়। গতিশীল, কর্মরত, ধূলিলিপ্ত সংসারের প্রতিকৃতি নিঃসংকোচে সমুচ্চ হইয়া উঠিয়া দেবতার প্রতিমূর্তিকে আচ্ছন্ন করিয়া রহিয়াছে।

মন্দিরের ভিতরে গেলাম— সেখানে একটিও চিত্র নাই, আলোক নাই, অনলংকৃত নিভৃত অক্ষুটতার মধ্যে দেবমূর্তি নিস্তর বিরাজ করিতেছে।

ইহার একটি বৃহৎ অর্ধ মনে উদয় না হইয়া থাকিতে পারে না। মানুষ এই প্রস্তরের ভাষায় যাহা বলিবার চেষ্টা করিয়াছে তাহা সেই বহুদূরকাল হইতে আমার মনের মধ্যে ধ্বনিত হইয়া উঠিল।

সে কথা এই— দেবতা দূরে নাই, গির্জায় নাই, তিনি আমাদের মধ্যেই আছেন। তিনি অস্বস্ত্য স্তম্ভঃখ পাপপুণ্য মিলনবিচ্ছেদের মাঝখানে স্তম্ভভাবে বিরাজমান। এই সংসারই তাঁহার চিরন্তন মন্দির। এই সজীব-সচেতন বিপুল দেবালয় অহরহ

বিচিত্র হইয়া রচিত হইয়া উঠিতেছে। ইহা কোনোকালে নূতন নহে, কোনোকালে পুরাতন হয় না। ইহার কিছুই স্থির নহে, সমস্তই নিয়ত পরিবর্তমান— অথচ ইহার মহৎ ঐক্য, ইহার সত্যতা, ইহার নিত্যতা নষ্ট হয় না, কারণ এই চঞ্চল বিচিত্রের মধ্যে এক নিত্যসত্য প্রকাশ পাইতেছেন।

ভারতবর্ষে বুদ্ধদেব মানবকে বড়ো করিয়াছিলেন। তিনি জাতি মানেন নাই, যাগযজ্ঞের অবলম্বন হইতে মানুষকে মুক্তি দিয়াছিলেন, দেবতাকে মানুষের লক্ষ্য হইতে অপমৃত্ত করিয়াছিলেন। তিনি মানুষের আত্মশক্তি প্রচার করিয়াছিলেন। দয়া এবং কল্যাণ তিনি স্বর্গ হইতে প্রার্থনা করেন নাই, মানুষের অন্তর হইতেই তাহা তিনি আহ্বান করিয়াছিলেন।

এমনি করিয়া শ্রদ্ধার দ্বারা, ভক্তির দ্বারা, মানুষের অন্তরের জ্ঞান শক্তি ও উত্তমকে তিনি মহীয়ান করিয়া তুলিলেন। মানুষ যে দীন দৈবাধীন হীন পদার্থ নহে, তাহা তিনি ঘোষণা করিলেন।

এমন সময় হিন্দুর চিত্ত জাগ্রত হইয়া কহিল— সে কথা ষথার্থ, মানুষ দীন নহে, হীন নহে; কারণ, মানুষের যে শক্তি— যে শক্তি মানুষের মুখে ভাষা দিয়াছে, মনে ধী দিয়াছে, বাহ্যে নৈপুণ্য দিয়াছে, যাহা সমাজকে গঠিত করিতেছে, সংসারকে চালনা করিতেছে, তাহাই দৈবী শক্তি।

বুদ্ধদেব যে অলভেদী মন্দির রচনা করিলেন, নবপ্রবুদ্ধ হিন্দু তাহারই মধ্যে তাঁহার দেবতাকে লাভ করিলেন। বৌদ্ধধর্ম হিন্দুধর্মের অন্তর্গত হইয়া গেল। মানবের মধ্যে দেবতার প্রকাশ, সংসারের মধ্যে দেবতার প্রতিষ্ঠা, আমাদের প্রতি মুহূর্তের সুখদুঃখের মধ্যে দেবতার সঞ্চার, ইহাই নবহিন্দুধর্মের মর্মকথা হইয়া উঠিল। শাক্তের শক্তি, বৈষ্ণবের প্রেম, ঘরের মধ্যে ছড়াইয়া পড়িল; মানুষের কৃত্ত কাজে-কর্মে শক্তির প্রত্যক্ষ হাত, মানুষের স্নেহপ্রীতির সঙ্করের মধ্যে দিব্যপ্রেমের প্রত্যক্ষ লীলা অভ্যস্ত নিকটবর্তী হইয়া দেখা দিল। এই দেবতার আবির্ভাবে ছোটোবড়োয় ভেদ ঘুচিবার চেষ্টা করিতে লাগিল। সমাজে যাহারা ঘৃণিত ছিল তাহারাও দৈবশক্তির অধিকারী বলিয়া অভিমান করিল, প্রাকৃত পুরাণগুলিতে তাহার ইতিহাস রহিয়াছে।

উপনিষদে একটি মন্ত্র আছে—

বৃক ইব শুকো দিবি তিষ্ঠত্যেকঃ।

যিনি এক, তিনি আকাশে বৃকের স্থায় শুক হইয়া আছেন।

ভুবনেশ্বরের মন্দির সেই মন্ত্রকেই আর-একটু বিশেষভাবে এই বলিয়া উচ্চারণ

করিতেছে— যিনি এক, তিনি এই মানবসংসারের মধ্যে শুধু হইয়া আছেন। অন্নমৃত্যুর বাতায়ান্ড আমাদের চোখের উপর দিয়া কেবলই আবর্তিত হইতেছে, সুখদুঃখ উঠিতেছে পড়িতেছে, পাপপুণ্য আলোকে ছায়ার সংসারভিত্তি খচিত করিয়া দিতেছে— সমস্ত বিচিত্র, সমস্ত চঞ্চল— ইহারই অস্তরে নিরলংকার নিভৃত, সেখানে যিনি এক তিনিই বর্তমান। এই অস্থির-সমুদয়, যিনি স্থির তাঁহারই শান্তিনিকেতন— এই পরিবর্তনপরম্পরা, যিনি নিত্য তাঁহারই চিরপ্রকাশ। দেবমানব, স্বর্গ-মর্ত, বন্ধন ও মুক্তির এই অনন্ত সামঞ্জস্য— ইহাই প্রকৃতভাৱে ভাবায় ধ্বনিত।

উপনিষদ এইরূপ কথাই একটি উপমায় প্রকাশ করিয়াছেন—

যা স্থপর্ণা সবুজা সখায়া সমানং বৃকং পরিবনজাতে ।

ভয়োরন্তঃ পিঙ্গলং স্বাঘন্ত্যনন্নরন্তোহভিচাকশীতি ॥

দুই সুন্দর পক্ষী একত্র সংযুক্ত হইয়া এক বৃক্ষে বাস করিতেছে। তাহার মধ্যে একটি স্বাদু পিঙ্গল আহার করিতেছে, অপরটি অনশনে থাকিয়া তাহা দেখিতেছে।

জীবাশ্মা-পরমাশ্মার একরূপ সাযুজ্য, একরূপ সারূপ্য, একরূপ সালোক্য, এত অনায়াসে, এত সহজ উপমায়, এমন সরল সাহসের সহিত আর কোথায় বলা হইয়াছে! জীবের সহিত ভগবানের সুন্দর সাম্য যেন কেহ প্রত্যক্ষ চোখের উপর দেখিয়া কথা কহিয়া উঠিয়াছে— সেইজন্য তাহাকে উপমায় মন্ত আকাশ-পাতাল হাংড়াইতে হয় নাই। অরণ্যচারী কবি বনের দুটি সুন্দর ডানাওয়াল পাখির মতো করিয়া সসীমকে ও অসীমকে গায়ে গায়ে মিলাইয়া বসিয়া থাকিতে দেখিয়াছেন, কোনো প্রকাণ্ড উপমায় ঘটা করিয়া এই নিগূঢ় তত্ত্বকে বৃহৎ করিয়া তুলিবার চেষ্টামাত্র করেন নাই। দুটি ছোটো পাখি যেমন স্পষ্টরূপে গোচর, যেমন সুন্দরভাবে দৃশ্যমান, তাহার মধ্যে নিত্য পরিচয়ের সরলতা যেমন একান্ত, কোনো বৃহৎ উপমায় এমনটি থাকিত না। উপমাটি ক্ষুদ্র হইয়াই সত্যটিকে বৃহৎ করিয়া প্রকাশ করিয়াছে— বৃহৎ সত্যের যে নিশ্চিত সাহস তাহা ক্ষুদ্র সরল উপমাতেই যথার্থভাবে ব্যক্ত হইয়াছে।

ইহারা দুটি পাখি, ডানায় ডানায় সংযুক্ত হইয়া আছে— ইহারা সখা, ইহারা এক বৃক্ষেই পরিবৃত্ত— ইহার মধ্যে একজন ভোক্তা, আর-একজন সাকী; একজন চঞ্চল, আর-একজন শুভ।

ভুবনেশ্বরের মন্দিরও যেন এই মত বহন করিতেছে— তাহা দেবালয় হইতে মানবকে মুছিয়া ফেলে নাই; তাহা দুই পাখিকে একত্র প্রতিষ্ঠিত করিয়া ঘোষণা করিয়াছে।

কিন্তু ভুবনেশ্বরের মন্দিরের আরও যেন একটু বিশেষত্ব আছে। ঋষিকবির

উপমার মধ্যে নিভৃত অরণ্যের একান্ত নির্জনতার ভাবটুকু রহিয়া গেছে। এই উপমার দৃষ্টিতে প্রত্যেক জীবাত্মা যেন একাকীরূপেই পরমাত্মার সহিত সংযুক্ত। ইহাতে যে ধ্যানচ্ছবি মনে আনে তাহাতে দেখিতে পাই যে, যে আমি ভোগ করিতেছি, ভ্রমণ করিতেছি, সন্ধান করিতেছি, সেই আমার মধ্যে শাস্তং শিবমর্ষেতম্ স্তরুভাবে নিয়ত আবিবৃভূত।

কিন্তু এই একের সহিত একের সংযোগ ভুবনেশ্বরের মন্দিরে লিখিত নহে। সেখানে সমস্ত মানুষ তাহার সমস্ত কর্ম সমস্ত ভোগ লইয়া, তাহার তুচ্ছবৃহৎ সমস্ত ইতিহাস বহন করিয়া, সমগ্রভাবে এক হইয়া, আপনার মাঝখানে অন্তরতররূপে স্তরুরূপে সাক্ষীরূপে ভগবানকে প্রকাশ করিতেছে—নির্জনে নহে, যোগে নহে—সজনে, কর্মের মধ্যে। তাহা সংসারকে লোকালয়কে দেবালয় করিয়া ব্যক্ত করিয়াছে—তাহা সমষ্টিরূপে মানবকে দেবত্বে অভিষিক্ত করিয়াছে। তাহা প্রথমত ছোটোবড়ো সমস্ত মানবকে আপনার প্রস্তরপটে এক করিয়া সাজাইয়াছে, তাহার পর দেখাইয়াছে—পরম ঐক্যটি কোন্‌খানে, তিনি কে। এই ভূমা-ঐক্যের অন্তরতর আবির্ভাবে প্রত্যেক মানব সমগ্র মানবের সহিত মিলিত হইয়া মহীয়ান। পিতার সহিত পুত্র, ভ্রাতার সহিত ভ্রাতা, পুরুষের সহিত স্ত্রী, প্রতিবেশীর সহিত প্রতিবেশী, এক জাতির সহিত অন্য জাতি, এক কালের সহিত অন্য কাল, এক ইতিহাসের সহিত অন্য ইতিহাস দেবতাত্মা-দ্বারা একাত্ম হইয়া উঠিয়াছে।

পৌষ ১৩১০

ধম্মপদং

ধম্মপদং। অর্থাৎ, ধম্মপদ নামক গালি গ্রন্থের মূল, অক্ষর, সংস্কৃত ব্যাখ্যা ও বঙ্গানুবাদ

শ্রীচারচন্দ্র বসু -কর্তৃক সম্পাদিত, প্রণীত ও প্রকাশিত

জগতে যে কয়েকটি শ্রেষ্ঠ ধর্মগ্রন্থ আছে, 'ধম্মপদং' তাহার একটি। বৌদ্ধদের মতে এই ধম্মপদগ্রন্থের সমস্ত কথা স্বয়ং বুদ্ধদেবের উক্তি এবং এগুলি তাঁহার মৃত্যুর অনতিকাল পরেই গ্রন্থাকারে আবদ্ধ হইয়াছিল।

এই গ্রন্থে যে-সকল উপদেশ আছে তাহা সমস্তই বুদ্ধের নিজের রচনা কিনা তাহা নিঃসংশয়ে বলা কঠিন; অন্তত এ কথা স্বীকার করিতে হইবে, এই-সকল নীতিকাব্য ভারতবর্ষে বুদ্ধের সময়ে এবং তাঁহার পূর্বকাল হইতে প্রচলিত হইয়া আসিতেছে। ইহার মধ্যে অনেকগুলি শ্লোকের অনুরূপ শ্লোক মহাভারত পঞ্চতন্ত্র

মহুসংহিতা প্রভৃতি গ্রন্থে দেখিতে পাওয়া যায়, তাহা পণ্ডিত সতীশচন্দ্র বিদ্যাতৃষণ মহাশয় এই বাংলা অমুবাদগ্রন্থের ভূমিকায় দেখাইয়াছেন।

এ স্থলে কে কাহার নিকট হইতে সংগ্রহ করিয়াছে তাহা লইয়া তর্ক করা নিরর্থক। এই-সকল ভাবের ধারা ভারতবর্ষে অনেক দিন হইতে প্রবাহিত হইয়া আসিতেছে। আমাদের দেশ এমনি করিয়াই চিন্তা করিয়া আসিয়াছে। বুদ্ধ এইগুলিকে চতুর্দিক হইতে সহজে আকর্ষণ করিয়া, আপনায় করিয়া, সুস্বাদু করিয়া, ইহাদিগকে চিরন্তনরূপে স্থায়িত্ব দিয়া গেছেন—যাহা বিক্ষিপ্ত ছিল তাহাকে ঐক্যসূত্রে গাঁথিয়া মানবের ব্যবহারযোগ্য করিয়া গেছেন। অতএব ভগবদ্গীতায় ভারতবর্ষ যেমন আপনাকে প্রকাশ করিয়াছে, গীতার উপদেষ্টা ভারতের চিন্তাকে যেমন এক স্থানে একটি সংহত মূর্তি দান করিয়াছেন, ধর্মপদং গ্রন্থেও ভারতবর্ষের চিন্তের একটি পরিচয় তেমনি ব্যক্ত হইয়াছে। এইজন্যই কী ধর্মপদে, কী গীতায়, এমন অনেক কথাই আছে ভারতের অন্তান্ত নানা গ্রন্থে যাহার প্রতিক্রম দেখিতে পাওয়া যায়।

ধর্মগ্রন্থকে যাহারা ধর্মগ্রন্থরূপে ব্যবহার করিবেন তাঁহারা যে ফললাভ করিবেন এখানে তাহার আলোচনা করিতেছি না। এখানে আমরা ইতিহাসের দিক হইতে বিষয়টাকে দেখিতেছি—সেইজন্য ধর্মপদং গ্রন্থটিকে বিশ্বজনীনভাবে না লইয়া আমরা তাহার সহিত ভারতবর্ষের সংস্রবের কথাটাই বিশেষ করিয়া পাড়িয়াছি।

সকল মানুষের জীবনচরিত যেমন, তেমনি সকল দেশের ইতিহাস এক ভাবের হইতেই পারে না, এ কথা আমরা পূর্বে অন্তত কোথাও বলিয়াছি। এইজন্য, যখন আমরা বলি যে ভারতবর্ষে ইতিহাসের উপকরণ মেলে না তখন এই কথা বুঝিতে হইবে যে, ভারতবর্ষে যুরোপীয় ছাঁদের ইতিহাসের উপকরণ পাওয়া যায় না। অর্থাৎ, ভারতবর্ষের ইতিহাস রাষ্ট্রীয় ইতিহাস নহে। ভারতবর্ষে এক বা একাধিক নেশন কোনোদিন সকলে মিলিয়া রাষ্ট্রের চাক বাধিয়া তুলিতে পারে নাই। সুতরাং এ দেশে কে কবে রাজা হইল, কতদিন রাজত্ব করিল, তাহা লিপিবদ্ধভাবে রক্ষা করিতে দেশের মনে কোনো আগ্রহ জন্মে নাই।

ভারতবর্ষের মন যদি রাষ্ট্রগঠনে লিপ্ত থাকিত তাহা হইলে ইতিহাসের বেশ মোটা মোটা উপকরণ পাওয়া যাইত এবং ঐতিহাসিকের কাজ অনেকটা সহজ হইত। কিন্তু তাই বলিয়া ভারতবর্ষের মন যে নিজের অতীত ও ভবিষ্যৎকে কোনো ঐক্যসূত্রে গ্রথিত করে নাই তাহা স্বীকার করিতে পারি না। সে সূত্র সূত্র, কিন্তু তাহার প্রভাব সামান্য নহে; তাহা স্থলভাবে গোচর নহে, কিন্তু তাহা আজ পর্যন্ত আমাদের বিচ্ছিন্ন বিক্ষিপ্ত হইতে দেয় নাই। সর্বত্র যে বৈচিত্র্যহীন সাম্য স্থাপন করিয়াছে তাহা

নহে, কিন্তু সমস্ত বৈচিত্র্য ও বৈষম্যের ভিতরে ভিতরে একটি মূলগত অপ্রত্যক্ষ যোগ-সূত্র রাখিয়া দিয়াছে। সেইজন্য মহাভারতে বর্ণিত ভারত এবং বর্তমান শতাব্দীর ভারত নানা বড়ো বড়ো বিষয়ে বিভিন্ন হইলেও উভয়ের মধ্যে নাড়ীর যোগ বিচ্ছিন্ন হয় নাই।

সেই যোগই ভারতবর্ষের পক্ষে সর্বাঙ্গের সত্য এবং সেই যোগের ইতিহাসই ভারতবর্ষের ঐতিহাস। সেই যোগটি কী লইয়া? পূর্বেই বলিয়াছি, রাষ্ট্রীয় স্বার্থ লইয়া নহে। এক কথায় বলিতে গেলে বলিতে হইবে, ধর্ম লইয়া।

কিন্তু ধর্ম কী তাহা লইয়া তর্কের সীমা নাই, এবং ভারতবর্ষে ধর্মের বাহ্য রূপ যে নানা পরিবর্তনের মধ্য দিয়া আসিয়াছে তাহাতেও সন্দেহ নাই।

তাহা হইলেও এটা বোঝা উচিত, পরিবর্তন বলিতে বিচ্ছেদ বুঝায় না। শৈশব হইতে যৌবনের পরিবর্তন বিচ্ছিন্নতার ভিতর দিয়া ঘটে না। যুরোপীয় ইতিহাসেও রাষ্ট্রীয় প্রকৃতির বহুতরো পরিবর্তন ঘটিয়াছে। সেই পরিবর্তনের ভিতর দিয়া পরিণতির চেহারা দেখাইয়া দেওয়াই ইতিহাসবিদের কাজ।

যুরোপীয় নেশনগণ নানা চেষ্টা ও নানা পরিবর্তনের ভিতর দিয়া মুখ্যত রাষ্ট্র গড়িতে চেষ্টা করিয়াছে। ভারতবর্ষের লোক নানা চেষ্টা ও পরিবর্তনের মধ্য দিয়া ধর্মকে সমাজের মধ্যে আকার দিতে চেষ্টা করিয়াছে। এই একমাত্র চেষ্টাতেই প্রাচীন ভারতের সহিত আধুনিক ভারতের ঐক্য।

যুরোপে ধর্মের চেষ্টা আংশিকভাবে কাজ করিয়াছে, রাষ্ট্রচেষ্টা সর্বাঙ্গীণভাবে কাজ করিয়াছে। ধর্ম সেখানে স্বতন্ত্রভাবে উদ্ভূত হইলেও রাষ্ট্রের অঙ্গ হইয়া পড়িয়াছে; যেখানে দৈবক্রমে তাহা হয় নাই সেখানে রাষ্ট্রের সঙ্গে ধর্মের চিরস্থায়ী বিরোধ রহিয়া গেছে।

আমাদের দেশে মোগল-শাসন-কালে শিবাজিকে আশ্রয় করিয়া যখন রাষ্ট্রচেষ্টা মাথা তুলিয়াছিল তখন সে চেষ্টা ধর্মকে লক্ষ্য করিতে ভুলে নাই। শিবাজির ধর্মগুরু রামদাস এই চেষ্টার প্রধান অবলম্বন ছিলেন। অতএব দেখা যাইতেছে, রাষ্ট্রচেষ্টা ভারতবর্ষে আপনাকে ধর্মের অঙ্গীভূত করিয়াছিল।

পলিটিক্‌স্ এবং নেশন কথাটা যেমন যুরোপের কথা, ধর্ম কথাটাও তেমনি ভারতবর্ষের কথা। পলিটিক্‌স্ এবং নেশন কথাটার অনুবাদ যেমন আমাদের ভাষায় সম্ভবে না তেমনি ধর্ম শব্দের প্রতিশব্দ যুরোপীয় ভাষায় খুঁজিয়া পাওয়া অসাধ্য। এইজন্য ধর্মকে ইংরিজি রিলিজন রূপে কল্পনা করিয়া আমরা অনেক সময়ে ভুল করিয়া বসি। এইজন্য, ধর্মচেষ্টার ঐক্যই যে ভারতবর্ষের ঐক্য এ কথা বলিলে তাহা অস্পষ্ট শুনাইবে।

মানুষ মুখ্যভাবে কোন্ ফলের প্রতি লক্ষ্য করিয়া কর্ম করে তাহাই তাহার প্রকৃতির পরিচয় দেয়। লাভ করিব এ লক্ষ্য করিয়াও টাকা করা যায়, কল্যাণ

করিব এ লক্ষ্য করিয়াও টাকা করা যায়। যে ব্যক্তি কল্যাণকে মানে টাকা করিবার পথে তাহার অনেক অপ্রাসঙ্গিক বাধা আছে, সেগুলিকে সাবধানে কাটাঁইয়া তবে তাহাকে অগ্রসর হইতে হয়— যে ব্যক্তি লাভকেই মানে তাহার পক্ষে ঐ-সকল বাধার অস্তিত্ব নাই।

এখন কথা এই, কল্যাণকে কেন মানিব? অন্তত ভারতবর্ষ লাভের চেয়ে কল্যাণকে, প্রেমের চেয়ে শ্রেয়কে, কী বুঝিয়া মানিয়াছে তাহা ভাবিয়া দেখিতে হইবে।

যে ব্যক্তি সম্পূর্ণ একা তাহার ভালোমন্দ কর্ম কিছুই নাই। আত্ম-অনাত্মের যোগে ভালোমন্দ সকল কর্মের উদ্ভব। অতএব গোড়ায় এই আত্ম-অনাত্মের সত্য-সম্বন্ধ-নির্ণয় আবশ্যিক। এই সম্বন্ধনির্ণয় এবং জীবনের কাজে এই সম্বন্ধকে স্বীকার করিয়া চলা, ইহাই চিরদিন ভারতবর্ষের সর্বপ্রধান চেষ্টার বিষয় ছিল।

ভারতবর্ষে আশ্চর্যের বিষয় এই দেখা যায় যে, এখানে ভিন্ন ভিন্ন সম্প্রদায় এই সম্বন্ধকে ভিন্ন ভিন্ন রূপে নির্ণয় করিয়াছে, কিন্তু ব্যবহারে এক জায়গায় আসিয়া মিলিয়াছে। ভিন্ন ভিন্ন স্বতন্ত্র দিক হইতে ভারতবর্ষ একই কথা বলিয়াছে।

এক সম্প্রদায় বলিয়াছেন, আত্ম-অনাত্মের মধ্যে কোনো সত্য প্রভেদ নাই। যে প্রভেদ প্রতীয়মান হইতেছে তাহার মূলে অবিজ্ঞা।

কিন্তু যদি এক ছাড়া দুই না থাকে তবে তো ভালোমন্দের কোনো স্থান থাকে না। কিন্তু এত সহজে নিষ্কৃতি নাই। যে অজ্ঞানে এককে দুই করিয়া তুলিয়াছে তাহাকে বিনাশ করিতে হইবে, নতুবা মায়ার চক্রে পড়িয়া দুঃখের অস্ত থাকিবে না। এই লক্ষ্যের প্রতি দৃষ্টি রাখিয়া কর্মের ভালোমন্দ স্থির করিতে হইবে।

আর-এক সম্প্রদায় বলেন, এই-যে সংসার আবর্তিত হইতেছে আমরা বাসনার দ্বারা ইহার সহিত আবদ্ধ হইয়া ঘুরিতেছি ও দুঃখ পাইতেছি, এক কর্মের দ্বারা আর-এক কর্ম এবং এইরূপে অন্তহীন কর্মশৃঙ্খল রচনা করিয়া চলিয়াছি— এই কর্মপাশ ছেদন করিয়া মুক্ত হওয়াই মানুষের একমাত্র শ্রেয়।

কিন্তু তবে তো সকল কর্ম বন্ধ করিতে হয়। তাহা নহে, এত সহজে নিষ্কৃতি নাই। কর্মকে এমন করিয়া নিয়মিত করিতে হয় যাহাতে কর্মের দুঃশ্বেদ বন্ধন ক্রমশ শিথিল হইয়া আসে। এই দিকে লক্ষ রাখিয়া কোন্ কর্ম শুভ, কোন্ কর্ম অশুভ, তাহা স্থির করিতে হইবে।

অন্য সম্প্রদায় বলেন, জগৎসংসার ভগবানের লীলা। এই লীলার মূলে তাঁহার প্রেম, তাঁহার আনন্দ, অচূড়িত করিতে পারিলেই আমাদের সার্থকতা।

এই সার্থকতার উপায়ও পূর্বোক্ত দুই সম্প্রদায়ের উপায় হইতে বহুত ভিন্ন নহে।

নিজের বাসনাকে ধ্বংস করিতে না পারিলে ভগবানের ইচ্ছাকে অহুভব করিতে পারা যায় না। ভগবানের ইচ্ছার মধ্যে নিজের ইচ্ছাকে মুক্তিদানই মুক্তি। সেই মুক্তির প্রতি লক্ষ্য করিয়াই কর্মের শুভাশুভ স্থির করিতে হইবে।

যাহারা অধৈতানন্দকে লক্ষ্য করিয়াছেন তাঁহারাও বাসনামোহকে ছেদন করিতে উদ্বৃত্ত, যাহারা কর্মের অনন্ত শৃঙ্খল হইতে মুক্তিপ্রার্থী তাঁহারাও বাসনাকে উৎপাটিত করিতে চান, ভগবানের প্রেমে যাহারা নিজেকে সম্মিলিত করাই শ্রেয় জ্ঞান করেন তাঁহারাও বিষয়বাসনাকে তুচ্ছ করিবার কথা বলিয়াছেন।

যদি এই-সকল ভিন্ন ভিন্ন সম্প্রদায়ের উপদেশগুলি কেবল আমাদের জ্ঞানের বিষয় হইত তাহা হইলে আমাদের পরম্পরের মধ্যে পার্থক্যের সীমা থাকিত না। কিন্তু এই ভিন্ন সম্প্রদায়গণ তাঁহাদের ভিন্ন ভিন্ন তত্ত্বকে কাজে লাগাইবার চেষ্টা করিয়াছেন। সে তত্ত্ব যতই সূক্ষ্ম বা যতই স্থূল হউক, সে তত্ত্বকে কাজের মধ্যে অহুসরণ করিতে হইলে যতদূর পর্যন্তই যাওয়া যাক, আমাদের গুরুগণ নির্ভীকচিত্তে সমস্ত স্বীকার করিয়া সেই তত্ত্বকে কর্মের দ্বারা সফল করিতে চেষ্টা করিয়াছেন। ভারতবর্ষ কোনো বড়ো কথাকে অসাধ্য বা সংসারযাত্রার সহিত অসংগত-বোধে কোনো দিন ভীকৃতাবশত কথার কথা ধরিয়ানি রাখেন নাই। একত্র এক সময়ে যে ভারতবর্ষ মাংসাহারী ছিল সেই ভারতবর্ষ আজ প্রায় সর্বত্রই নিরামিষাশী হইয়া উঠিয়াছে। জগতে একরূপ দৃষ্টান্ত অল্প কোথাও পাওয়া যায় না। যে যুরোপ জাতিগত সমুদয় পরিবর্তনের মূলে সুবিধাকেই লক্ষ্য করেন তাঁহারা বলিতে পারেন যে, কৃষির ব্যাপ্তিসহকারে ভারতবর্ষে আর্থিক কারণে গোমাংস-ভক্ষণ রহিত হইয়াছে। কিন্তু মনু প্রভৃতি শাস্ত্রের বিধান-সম্বন্ধেও অল্প-সকল মাংসাহারও, এমন-কি মৎস্যভোজনও ভারতবর্ষের অনেক স্থান হইতেই লোপ পাইয়াছে। কোনো প্রাণীকে হিংসা করিবে না, এই উপদেশ জৈনদের মধ্যে এমন করিয়া পালিত হইতেছে যে, তাহা সুবিধার তরফ হইতে দেখিলে নিতান্ত বাড়াবাড়ি না মনে করিয়া থাকিবার জো নাই।

যাহাই হউক, তত্ত্বজ্ঞান যতদূর পৌঁছিয়াছে ভারতবর্ষ কর্মকেও ততদূর পর্যন্ত টানিয়া লইয়া গেছে। ভারতবর্ষ তত্ত্বের সহিত কর্মের ভেদসাধন করে নাই। এই জন্ত আমাদের দেশে কর্মই ধর্ম। আমরা বলি, মানুষের কর্মমাজেরই চরম লক্ষ্য কর্ম হইতে মুক্তি— এবং মুক্তির উদ্দেশ্যে কর্ম করাই ধর্ম।

পূর্বেই বলিয়াছি, তত্ত্বের মধ্যে আমাদের যতই পার্থক্য থাকুক, কর্মে আমাদের ঐক্য আছে; অধৈতানন্দতত্ত্বের মধ্যেই মুক্তি বল, আর বিগতসংসার নির্বাণের মধ্যেই মুক্তি বল, আর ভগবানের অপরিমেয় প্রেমানন্দের মধ্যেই মুক্তি বল— প্রকৃতিভেদে যে মুক্তির

আদর্শই বাহাকে আকর্ষণ করুক-না কেন, সেই মুক্তিপথে বাইবার উপায়গুলির মধ্যে একটি ঐক্য আছে। সে ঐক্য আর কিছু নয়, সমস্ত কর্মকেই নিরন্তর অভিমুখ করা। সোপান যেমন সোপানকে অতিক্রম করিবার উপায়, ভারতবর্ষে কর্ম তেমনি কর্মকে অতিক্রম করিবার উপায়। আমাদের সমস্ত শাস্ত্রে পুরাণে এই উপদেশই দিয়াছে। এবং আমাদের সমাজ এই ভাবের উপরেই প্রতিষ্ঠিত।

- যুরোপ কর্মকে কর্ম হইতে মুক্তির সোপান করে নাই, কর্মকেই লক্ষ্য করিয়াছে। এইজন্য যুরোপে কর্মসংগ্রামের অন্ত নাই— সেখানে কর্ম ক্রমশই বিচিত্র ও বিপুল হইয়া উঠিতেছে, কৃতকার্য হওয়া সেখানে সকলেরই উদ্দেশ্য। যুরোপের ইতিহাস কর্মেরই ইতিহাস।

যুরোপ কর্মকে বড়ো করিয়া দেখিয়াছে বলিয়া কর্ম করা সবক্ষে স্বাধীনতা চাহিয়াছে। আমরা বাহা ইচ্ছা তাহা করিব; সেই স্বাধীন ইচ্ছা যেখানে অন্তের কর্ম করিবার স্বাধীনতাকে হনন করে কেবল সেইখানেই আইনের প্রয়োজন। এই আইনের শাসন ব্যতিরেকে সমাজের প্রত্যেকের স্বাধীনতা থাকিতেই পারে না। এইজন্য যুরোপীয় সমাজে সমস্ত শাসন ও শাসনের অভাব প্রত্যেক মাহুষের ইচ্ছাকে স্বাধীন করিবার জন্যই কল্পিত।

- ভারতবর্ষও স্বাধীনতা চাহিয়াছে, কিন্তু সে স্বাধীনতা একেবারে কর্ম হইতে স্বাধীনতা। আমরা জানি, আমরা বাহাকে সংসার বলি সেখানে কর্মই বস্তুত কর্তা, মাহুষ তাহার বাহনমাত্র। জন্ম হইতে মৃত্যু পর্যন্ত আমরা এক বাসনার পরে আর-এক বাসনাকে, এক কর্ম হইতে আর-এক কর্মকে বহন করিয়া চলি, হাঁপ ছাড়িবার সময় পাই না— তাহার পরে সেই কর্মের ভার অন্তের ঘাড়ে চাপাইয়া দিয়া হঠাৎ মৃত্যুর মধ্যে সরিয়া পড়ি। এই-বে বাসনার তাড়নার চিরজীবন অন্তবিহীন কর্ম করিয়া যাওয়া, ইহারই অবিরাম দাসত্ব ভারতবর্ষ উচ্ছেদ করিতে চাহিয়াছে।

এই লক্ষ্যের পার্থক্য থাকিতেই যুরোপ বাসনাকে স্বাধীনতা দিয়াছে এবং আমরা বাসনাকে স্বাধীনতাবর্ষ করিয়াছি। বাসনা যে কোনো দিনই শাস্তিতে লইয়া যায় না, পরিণামহীন কর্মচেষ্টাকে জাগ্রত করিয়া রাখে, ইহাকেই আমরা বাসনার দৌরাত্ম্য বলিয়া অসহিষ্ণু হইয়া উঠি। যুরোপ বলে, বাসনা যে কোনো পরিণামে লইয়া যায় না, তাহা নিরন্তরই যে আমাদের প্রয়াসকে উদ্ভিক্ত করিয়া রাখে, ইহাই তাহার গৌরব। যুরোপ বলে, প্রাপ্তি নহে— সন্ধানই আনন্দ। ভারতবর্ষ বলে, তোমরা বাহাকে প্রাপ্তি বল তাহাতে আনন্দ নাই বটে; কারণ সে প্রাপ্তির মধ্যে আমাদের সন্ধানের শেষ নাই, সে প্রাপ্তি আমাদেরকে অন্ত প্রাপ্তির দিকে টানিয়া লইয়া

যায়। প্রত্যেক প্রাপ্তিকেই পরিণাম বলিয়া ভ্রম করি এবং তাহার পরে দেখিতে পাই, তাহা পরিণাম নহে। যে প্রাপ্তিতে আমাদের শাস্তি, আমাদের সন্ধানের শেষ, এই ভ্রমে তাহা হইতে আশ্রয়কে ভ্রষ্ট করে, আশ্রয়কে কোনো মতেই মুক্তি দেয় না। যে বাসনা সেই মুক্তির বিরোধী সেই বাসনাকে আমরা হীনবল করিয়া দিব। আমরা কর্মকে জয়ী করিব না, কর্মের উপরে জয়ী হইব।

আমাদের গৃহধর্ম, আমাদের সন্ন্যাসধর্ম, আমাদের আহারবিহারের সমস্ত নিয়ম-সংঘম, আমাদের বৈরাগী ভিক্ষকের গান হইতে তত্ত্বজ্ঞানীদের শাস্ত্রব্যাখ্যা পর্যন্ত, সর্বত্রই এই ভাবের আধিপত্য। চাষা হইতে পণ্ডিত পর্যন্ত সকলেই বলিতেছে, ‘আমরা দুর্লভ মানবজন্ম লাভ করিয়াছি বুদ্ধিপূর্বক মুক্তির পথ গ্রহণ করিবার জন্ত, সংসারের অন্তহীন আবর্তের আকর্ষণ হইতে বহির্গত হইয়া পড়িবার জন্ত।’

সংস্কৃত ভাষায় ‘ভব’ শব্দের ধাতুগত অর্থ ‘হওয়া’। ভবের বন্ধন অর্থাৎ হওয়ার বন্ধন কাটিতে চাই। যুরোপ খুব করিয়া হইতে চায়, আমরা একেবারেই না-হইতে চাই।

এমনতরো ভয়ংকর স্বাধীনতার চেষ্টা ভালো কি মন্দ, তাহার মীমাংসা করা বড়ো কঠিন। একরূপ অনাসক্তি যাহাদের স্বভাবসিদ্ধ আসক্ত লোকের সংঘাতে তাহাদের বিপদ ঘটিতে পারে, এমন-কি, তাহাদের মারা যাইবার কথা। অপর পক্ষে বলিবার কথা এই যে, মরা-বাঁচাই সার্থকতার চরম পরীক্ষা নয়। ক্রান্ত তাহার ভীষণ রাষ্ট্র-বিপ্লবে স্বাধীনতার বিশেষ একটি আদর্শকে জয়ী করিবার চেষ্টা করিয়াছিল, সেই চেষ্টায় প্রায় তাহার আত্মহত্যার জো হইয়াছিল— যদিই সে মরিত তবু কি তাহার গৌরব কম হইত? একজন মজ্জমান ব্যক্তিকে উদ্ধার করিবার চেষ্টায় একটা লোক প্রাণ দিল, আর-একজন তীরে দাঁড়াইয়া থাকিল— তাই বলিয়া কি উদ্ধারচেষ্টাকে মৃত্যুপরিণামের দ্বারা বিচার করিয়া দিক্কার দিতে হইবে? পৃথিবীতে আজ সকল দেশেই বাসনার অগ্নিকে প্রবল ও কর্মের দৌরাণ্যকে উৎকট করিয়া তুলিতেছে; আজ ভারতবর্ষ যদি— জড়ভাবে নহে, মূঢ়ভাবে নহে— জাগ্রত সচেতনভাবে বাসনাবন্ধ-মুক্তির আদর্শকে, শাস্তির জয়পতাকাকে, এই পৃথিবীব্যাপী রক্তাক্ত বিক্ষোভের উর্ধ্বে অবিচলিত দৃঢ়হস্তে ধারণ করিয়া মরিতে পারিত তবে, অন্ত সকলে তাহাকে বতই দিক্কার দিক, মৃত্যু তাহাকে অপমানিত করিত না।

কিন্তু এ তর্ক এখানে বিস্তার করিবার স্থান নহে। মোট কথা এই, যুরোপের ইতিহাসের সঙ্গে আমাদের ইতিহাসের ঐক্য হইতেই পারে না, এ কথা আমরা বারবার তুলিয়া যাই। যে ঐক্যস্থলে ভারতবর্ষের অতীত ভবিষ্যৎ বিধৃত তাহাকে স্বার্থভাবে অনুসরণ করিতে গেলে আমাদের শাস্ত্র, পুরাণ, কাব্য, সামাজিক অনুষ্ঠান

প্রভৃতির মধ্যে প্রবেশ করিতে হয়— রাজবংশাবলীর ভ্রম বৃথা আক্ষেপ করিয়া বেড়াইলে বিশেষ লাভ নাই। যুরোপীয় ইতিহাসের আদর্শে ভারতবর্ষের ইতিহাস রচনা করিতে হইবে এ কথা আমাদেরকে একেবারেই ভুলিয়া যাইতে হইবে।

এই ইতিহাসের বহুতরো উপকরণ যে বৌদ্ধশাস্ত্রের মধ্যে আবদ্ধ হইয়া আছে, সে বিষয়ে কোনো সন্দেহ নাই। আমাদের দেশে বহুদিন অনাদৃত এই বৌদ্ধশাস্ত্র যুরোপীয় পণ্ডিতগণ উদ্ধার করিতে প্রবৃত্ত হইয়াছেন। আমরা তাঁহাদের পদানুসরণ করিবার প্রতীকার বসিয়া আছি। ইহাই আমাদের দেশের পক্ষে দারুণতম লজ্জার কারণ। দেশের প্রতি আমাদের সমস্ত ভালোবাসাই কেবল গবর্মেণ্টের দ্বারে ভিক্ষাকার্ষের মধ্যেই আবদ্ধ— আর কোনো দিকেই তাহার কোনো গতি নাই। সমস্ত দেশে পাঁচ জন লোকও কি বৌদ্ধশাস্ত্র উদ্ধার করাকে চিরজীবনের ব্রতস্বরূপে গ্রহণ করিতে পারেন না? এই বৌদ্ধশাস্ত্রের পরিচয়ের অভাবে ভারতবর্ষের সমস্ত ইতিহাস কানা হইয়া আছে, এ কথা মনে করিয়াও কি দেশের জনকয়েক তরুণ যুবাব উৎসাহ এই পথে ধাবিত হইবে না।

সম্প্রতি শ্রীযুক্ত চারুচন্দ্র বসু মহাশয় ধর্মপদং গ্রন্থের অনুবাদ করিয়া দেশের লোকের কৃতজ্ঞতাভাজন হইয়াছেন। আশা করি, তিনি এইখানেই ক্ষান্ত হইবেন না। একে একে বৌদ্ধশাস্ত্রসকলের অনুবাদ বাহির করিয়া বঙ্গসাহিত্যের কলঙ্কমোচন করিবেন।

চারুবাবুর প্রতি আমাদের একটা অনুরোধ এই যে, অনুবাদটি মূলের সঙ্গে একেবারে কথায় কথায় মিলাইয়া করিলে ভালো হয়— যেখানে ছর্বোধ হইয়া পড়িলে সেখানে টীকার সাহায্যে বুঝাইয়া দিলে কোনো ক্ষতি হইবে না। অনুবাদ যদি স্থানে স্থানে ব্যাখ্যার আকার ধারণ করে তবে অস্তায় হয়, কারণ, ব্যাখ্যার অনুবাদকের ভ্রম থাকিতেও পারে— এইজন্য অনুবাদ ও ব্যাখ্যা স্বতন্ত্র রাখিয়া দিলে পাঠককে বিচার করিবার অবকাশ দেওয়া হয়। মূলের যে-সকল কথার অর্থ সুস্পষ্ট নহে অনুবাদে তাহা যথাযথ রাখিয়া দেওয়াই কর্তব্য মনে করি। গ্রন্থের প্রথম শ্লোকটিই তাহার দৃষ্টান্তস্বরূপ। মূলে আছে—

মনোপুরুষমা ধম্মা মনোসেচ্ছা মনোময়া ।

চারুবাবু ইহার অনুবাদে লিখিয়াছেন— মনই ধর্মসমূহের পূর্বগামী, মনই ধর্মসমূহের মধ্যে শ্রেষ্ঠ, এবং ধর্ম মন হইতে উৎপন্ন হয়। যদি মূলের কথাগুলিই রাখিয়া লিখিতেন 'ধর্মসমূহ মনঃপূর্বকম, মনঃশ্রেষ্ঠ, মনোময়', তবে মূলের অস্পষ্টতা

লইয়া পাঠকগণ অর্থ চিন্তা করিতেন। ‘মনই ধর্মসমূহের মধ্যে শ্রেষ্ঠ’ বলিলে ভালো অর্থগ্রহ হয় না, সুতরাং এরূপ স্থলে মূল কথাটা অবিকৃত রাখা উচিত।

অকোচ্ছি মং অবধি মং অজিনি মং অহাসি মে।

যে তং ন উপহস্তি বেরং তেহুপসম্মতি।

ইহার অমুবাদে আছে—

আমাকে তিরস্কার করিল, আমাকে প্রহার করিল, আমাকে পরাস্ত করিল, আমার দ্রব্য অপহরণ করিল, এইরূপ চিন্তা যাহারা মনে স্থান দেয় না, তাহাদের বৈরতার দূর হইয়া যায়।

‘এইরূপ চিন্তা যাহারা মনে স্থান দেয় না’ বাক্যটি ব্যাখ্যা, প্রকৃত অমুবাদ নহে ; বোধ হয় ‘যে ইহাতে লাগিয়া থাকে না’ বলিলে মূলের অমুগত হইত। অর্থস্বগমতার অমুরোধে অতিরিক্ত কথাগুলি ত্র্যাকেটের মধ্যে দিলে ক্ষতি হয় না ; যথা, ‘আমাকে গালি দিল, আমাকে মারিল, আমাকে জিতিল, আমার (ধন) হরণ করিল, ইহা যাহারা (মনে) বাঁধিয়া না রাখে, তাহাদের বৈর শান্ত হয়।’

এই গ্রন্থে মূলের অন্বয়, সংস্কৃত ভাষান্তর ও বাংলা অমুবাদ থাকাতে ইহা পাঠকদের ও ছাত্রগণের পক্ষে বিশেষ উপযোগী হইয়াছে। এই গ্রন্থ অবলম্বন করিলে পালিভাষা অধ্যয়নের বিশেষ সাহায্য হইতে পারিবে।

এইখানে বলা আবশ্যিক, সম্প্রতি ত্রিবেণী কপিলাশ্রম হইতে শ্রীমং হরিহরানন্দ স্বামী -কর্তৃক ধর্মপদং সংস্কৃত ও বাংলাভাষায় অমুবাদিত হইয়াছে। আশা করি, এই গ্রন্থখানিও এই ধর্মশাস্ত্র-প্রচারের সাহায্য করিবে।

জ্যৈষ্ঠ ১৩১২

বিজয়া-সম্মিলন

বাংলাদেশে কতকাল হইতে কত বিজয়া দশমীর পরে ঘরে ঘরে প্রীতিসম্মিলনের সুধাস্রোত প্রবাহিত হইয়া গেছে, কিন্তু অল্প এখানে এই-যে মিলনসভা আহুত হইয়াছে, আশা করি, আমাদের দেশের ইতিহাসে এই সভা চিরদিন স্মরণীয় হইয়া থাকিবে। আশা করি, আজ হইতে বাংলাদেশের বিজয়া-সম্মিলন যে-একটি নূতন জীবন লইয়া অপূর্বভাবে পরিপুষ্ট হইয়া উঠিল, সেই জীবনধারা কোনো দুর্দিনে কোনো

সুদূরকালেও যেন শীর্ণ না হয় ; আমাদের সৌভাগ্যক্রমে বে মিলন-উৎস বিধাতার সংকেতমাত্রে আমাদের দেশের পাষণ-চাপা হৃদয় ভেদ করিয়া আজ অকস্মাৎ উচ্ছ্বসিত হইয়া উঠিল, আমাদের পাশে কোনো অভিশাপ কোনো দিন তাহাকে যেন শুষ্ক না করে ।

এতদিন বিজয়া-মিলনের সীমাকে আমরা সংকীর্ণ করিয়া রাখিয়াছিলাম । বে মিলন আমাদের সমস্ত দেশের অখণ্ড ধন তাহাকে আমরা ঘরে ঘরে খণ্ডিত করিয়া বিভক্ত করিয়া ফেলিয়াছিলাম ; বিজয়া-মিলনকে কেবল আমাদের আত্মীয়বন্ধুদের মধ্যে আবদ্ধ করিয়াছিলাম ; এ কথা ভুলিয়াছিলাম যে, বে উৎসব আমাদের সমগ্র দেশের উৎসব সেই উৎসবে দেশের লোককে ঘরের লোক করিয়া লইতে হয় ; সেই উৎসবের দিনে শরতের অগ্নান আলোকে স্বর্ণমণ্ডিত এই-বে নীলাকাশ ইহাই আমাদের গৃহের ছাদ, সেই উৎসবের দিনে শিশিরধৌত নবধান্তশ্যামলা এই নদীমালিনী ভূমি ইহাই আমাদের গৃহপ্রাঙ্গণ, বাঙালি জননী কোলে জন্মগ্রহণ করিয়া যে-কেহ একটি একটি করিয়া বাংলা কথা আবৃত্তি করিতে শিখিয়াছে সেদিন সেই আমাদের বন্ধু, সেই আমাদের আপন—এতকাল ইহাই আমরা বর্থাভাবে উপলব্ধি করিতে পারি নাই বলিয়া আমাদের মিলনের মহাদিন বৎসরে বৎসরে আসিয়া বৎসরে বৎসরে ফিরিয়া গেছে, সে তাহার সম্পূর্ণ সফলতা রাখিয়া যায় নাই ।

একাকিনী যমুনা যেমন বহুদূর যাত্রার পরে একদিন সহসা বিপুলধারা গঙ্গার সহিত মিলিত হইয়া ধন্ত হইয়াছে, পুণ্য হইয়াছে, তেমনি আমাদের বাংলাদেশের বিজয়া-মিলন বহুকাল পরে আজ একটি দেশপ্রাণী স্মৃহং ভাবস্রোতের সহিত সংগত হইয়া সম্পূর্ণ সার্থকতা লাভ করিল । আজ হইতে এই উভয় ভাবধারা যেন মিলিত গঙ্গাযমুনার মতো আর কোনোদিন বিচ্ছিন্ন না হয় । আজ হইতে বাংলাদেশে ঘরের মিলন এবং দেশের মিলন যেন এক উৎসবের মধ্যে আসিয়া সংগত হয় । আজ হইতে প্রতি বৎসরে এই দিনকে কেবল বান্ধবসন্মিলন নহে আমাদের জাতীয় সন্মিলনের এক মহাদিন বলিয়া গণ্য করিব ।

যাহা আমাদের চিরপরিচিত তাহাকে আমরা বর্থাভাবে চিনি না, এমন ঘটনা আমাদের নিজের জীবনে এবং জাতীয় জীবনে অনেক সময়ে দেখিতে পাওয়া যায় । যাহাকে একান্তই জানি বলিয়া মনে করি— হঠাৎ একদিন ঈশ্বর আমাদের চোখের পর্দা সরাইয়া দেন— অমনি দেখি যে তাহাকে এতদিন বুঝি নাই, দেখি যে আজ তাহার সমস্ত তাৎপর্য একেবারে নুতন করিয়া উদ্দীপ্ত হইল । সেইরূপ ঈশ্বরের কৃপায়

আজ বিজয়ার মিলনকে আমরা নূতন করিয়া বুঝিলাম— এতদিন আমরা তাহার যথাযোগ্য আয়োজন করি নাই, বাহাকে সিংহাসনের উপরে বসাইবার তাহাকে আমাদের ঘরের দাওয়ার উপরে বসাইয়াছি। আজ বুঝিয়াছি, যে মিলন আমাদের কাছে বর দান করিবে, জয় দান করিবে, অভয় দান করিবে, সে মহামিলন গৃহপ্রাঙ্গণের মধ্যে নহে, সে মিলন দেশে। সে মিলনে কেবল মাধুর্যস নহে, সে মিলনে উদ্দীপ্ত অগ্নির তেজ আছে— তাহা কেবল তৃপ্তি নহে, তাহা শক্তি দান করে।

বন্ধুগণ, আজ আমাদের চোখের পর্দা যে কেমন করিয়া সরিয়া গেছে সেই অভাবনীয় ব্যাপারের বার্তা বাংলায় কাহাকেও নূতন করিয়া শুনাইবার নাই। এতদিন আমরা মুখে বলিয়া আসিয়াছি : জননী জনভূমিষ্ট স্বর্গাদপি গরীয়সী। কিন্তু জনভূমির গরিমা যে কতখানি তাহা আজ আমাদের কাছে যেমন প্রত্যক্ষ হইয়া উঠিয়াছে তেমন কি পূর্বে আর কখনো হইয়াছিল? এ কি কোনো বহুতায়, কোনো উপদেশে ঘটিয়াছে? তাহা নহে। বহুব্যবচ্ছেদ একটা উপলক্ষ্যরূপ হইয়া সমস্ত বাঙালির হৃদয়ে এক-আঘাত সঞ্চার করিতেই অমনি আমাদের যেন একটা তন্দ্রা ছুটিয়া গেল, অমনি আমরা মুহূর্তের মধ্যেই চোখ মেলিয়া দেখিতে পাইলাম— বহু কোটি বাঙালির সম্মিলিত হৃদয়ের মাঝখানে আমাদের মাতৃভূমির মূর্তি বিরাজ করিতেছে। বাংলাদেশে চিরদিন বাস করিয়াও বাংলাদেশের এমন অখণ্ড স্বরূপ আমরা আর কখনো দেখি নাই। সেইজন্যই আমাদের সজোজাগ্রত চক্ষুর উপরে জননীর মাতৃদৃষ্টিপাত হইবামাত্রই এমন অনায়াসেই বাঙালি বাঙালির এত কাছে আসিয়া পড়িল— আমাদের স্লথ-দুঃখ বিপদ-সম্পদ মান-অপমান যে আমাদের সেই এক মাতার চিত্তেই আঘাত করিতেছে এ কথা বুঝিতে আমাদের আর কিছুমাত্র বিলম্ব হইল না। সেইজন্যই আজ আমাদের চিরন্তন দেবমন্দিরে কেবল ব্যক্তিগত পূজা নহে, সমস্ত দেশের পূজা উপস্থিত হইতেছে, আমাদের চিরপ্রচলিত সামাজিক উৎসবগুলি কেবলমাত্র পারিবারিক সম্মিলনে আমাদের কাছে তৃপ্ত করিতেছে না— আনন্দের দিনে সমস্ত দেশের জন্ত আমাদের গৃহদ্বার আজ অর্গলমুক্ত হইয়াছে। আজ হইতে আমাদের সমস্ত সমাজ যেন একটি নূতন তাৎপর্য গ্রহণ করিতেছে। আমাদের গার্হস্থ্য, আমাদের ক্রিয়াকর্ম, আমাদের সমাজধর্ম একটি নূতন বর্ণে রঞ্জিত হইয়া উঠিতেছে— সেই বর্ণ আমাদের সমস্ত দেশের নব-আশাপ্রদীপ্ত হৃদয়ের বর্ণ। ধন্ত হইল এই ১৩১২ সাল। বাংলাদেশের এমন শুভক্ষণে আমরা যে আজ জীবন ধারণ করিয়া আছি, আমরা ধন্ত হইলাম।

বন্ধুগণ, এতদিন স্বদেশ আমাদের কাছে একটা শব্দমাত্র, একটা ভাবমাত্র ছিল—

আশা করি, আজ তাহা আমাদের কাছে বস্তুগত সত্যরূপে উজ্জ্বল হইয়া উঠিয়াছে। কারণ, যাহাকে আমরা সত্যরূপে না লাভ করি তাহার সহিত আমরা বর্থাৎ ব্যবহার স্থাপন করিতে পারি না, তাহার জন্ত ত্যাগ করিতে পারি না, তাহার জন্ত দুঃখ স্বীকার করা আমাদের পক্ষে দুঃসাধ্য হয়। তাহার সম্বন্ধে বতই কথা শুনি, বতই কথা কই, সমস্তই কেবল কুহেলিকা সৃষ্টি করিতে থাকে। এই-বে বাংলাদেশ ইহার মৃত্তিকা, ইহার জল, ইহার বায়ু, ইহার আকাশ, ইহার বন, ইহার শস্যক্ষেত্র লইয়া আমাদের সর্বতোভাবে বেঁধেন করিয়া আছে— যাহা আমাদের পিতা-পিতামহগণকে বহুযুগ হইতে লাগন করিয়া আসিয়াছে, যাহা আমাদের অনাগত সম্ভানদিগকে বন্ধে ধারণ করিবার জন্ত প্রস্তুত হইয়া আছে, যে কল্যাণী আমাদের পিতৃগণের অমর কীর্তি অমৃতবাণী আমাদের জন্ত বহন করিয়া চলিয়াছে, আমরা তাহাকে যেন সত্য পদার্থের মতোই সর্বতোভাবে ভালোবাসিতে পারি— কেবলমাত্র ভাবরসসম্ভোগের মধ্যে আমাদের সমস্ত শ্রীতিকে নিঃশেষ করিয়া না দিই। আমরা যেন ভালোবাসিয়া তাহার মৃত্তিকাকে উর্বরা করি, তাহার জলকে নির্মল করি, তাহার বায়ুকে নিরাময় করি, তাহার বনশলীকে ফলপুষ্পবতী করিয়া তুলি, তাহার নরনারীকে মহুশ্যজলাভে সাহায্য করি। যাহাকে এমনি সত্যরূপে জানি ও সত্যরূপে ভালোবাসি, তাহাকেই আমরা সকল দিক দিয়া এমনি করিয়া সাঙ্গাই, সকল দিক হইতে এমনি করিয়া সেবা করি, এবং সেই আমাদের সেবার সামগ্রী প্রাণের ধনের জন্ত প্রাণ দিতে কুণ্ঠিত হই না।

আমি যে একা আমি নহি, আমার যেমন এই ক্ষুদ্র শরীর তেমনি আমার যে একটি বৃহৎ শরীর আছে, আমার দেশের মাটি জল আকাশ যে আমারই দেহের বিস্তার, তাহারই স্বাস্থ্যে যে আমারই স্বাস্থ্য, আমার সমস্ত স্বদেশীদের সুখদুঃখময় চিন্তা যে আমারই চিন্তার বিস্তার, তাহারই উন্নতি যে আমারই চিন্তার উন্নতি, এই একান্ত সত্য যতদিন আমরা না উপলব্ধি করিয়াছি ততদিন আমরা দুর্ভিক্ষ হইতে দুর্ভিক্ষে, দুর্গতি হইতে দুর্গতিতে অবতীর্ণ হইয়াছি— ততদিন কেবলই আমরা ভয়ে ভীত এবং অপমানে লাহিত হইয়াছি। একবার ভাবিয়া দেখুন, আজ যে বহুদিনের দাসত্বে পিষ্ট অস্বাভাবে ক্লিষ্ট কেয়ানি সহসা অপমানে অসহিষ্ণু হইয়া ভবিষ্যতের বিচার বিসর্জন দিয়াছে তাহার কারণ কী। তাহার কারণ, তাহার অনেকটা পরিমাণে আপনাকে সমস্ত বাঙালির সহিত এক বলিয়া অনুভব করিয়াছে। যতদিন তাহার নিজেকে একেবারে স্বতন্ত্র বিচ্ছিন্ন বলিয়া জানিত ততদিন তাহার তুল জানিত। ইহাই মায়া। এই মায়াই তাহাদিগকে ক্লিষ্ট করিয়াছে, অপমানিত করিয়াছে। মানুষ যে মৃত্যুকে ভয় করে সেও এই অমবশতই করে। সে মনে করে, আমি বুঝি স্বতন্ত্র, হুতরাং মৃত্যুতেই

আমার লোপ। কিন্তু নিজেকে সকলের সহিত মিলিত করিয়া উপলব্ধি করিলেই মুহূর্তের মধ্যে মৃত্যুভয় দূর হইয়া যায়, কারণ তখন আমি জানি সকলের সঙ্গে আমি এক, সকলের জীবনের মধ্যেই আমি জীবিত। এই সত্য উপলব্ধি করিয়াই আপানের শত সহস্র বীর দেশের জন্য অনায়াসে আপনার প্রাণ উৎসর্গ করিয়াছে। আমরা যে নিজের প্রাণটাকে টাকার খলিটাকে একান্ত আগ্রহে আঁকড়িয়া বসিয়া থাকি, নিজেকে একা বলিয়া জানাই ইহার একমাত্র কারণ। যদি আজ আমি সমস্ত দেশকেই 'আমি' বলিয়া জানিতে পারি তবে আমার ভয়কে, আমার লোভকে, দেশের মধ্যে মুক্তিদান করিয়া দেবত্ব লাভ করিতে পারি, অসাধ্য সাধন করিতে পারি। তখন যে নিতান্ত ক্ষুদ্র সেও বৃহৎ হয়, যে নিতান্ত দুর্বল সেও সবল হইয়া উঠে। আজ কতকাল পরে আমরা বাংলাদেশে এই সত্যের আভাস পাইয়াছি। সেইজন্য যাহার কাছে বাহা প্রত্যাশা করি নাই তাহাও লাভ করিলাম। সেইজন্য আমরা আপনাতে আপনি বিস্মিত হইয়াছি। সেইজন্য আজ আমাদের বাঙালির চিন্তাসম্মিলনের ক্ষেত্র হইতে যাহারা পৃথক হইয়া আছেন তাঁহাদের ব্যবহার আমাদের কাছে এমন কঠোর আঘাত করিতেছে— যাহারা ভয় পাইতেছেন, দ্বিধা করিতেছেন, সকল দিক বাঁচাইবার জন্য নিষ্ফল চেষ্টা করিতেছেন, তাঁহাদের প্রতি আমাদের অন্তরের অবজ্ঞা এমন দুর্নিবার বেগে উদ্বেল হইয়া উঠিতেছে। আমাদের মধ্যে যাহারা বিলাসে অভ্যস্ত ছিলেন তাঁহারা বিলাস-উপকরণের জন্য লব্ধিত হইতেছেন, যাহাদিগকে চপলচিত্ত বলিয়া জানিতাম তাঁহারা কঠিন ব্রত গ্রহণ করিতে কুণ্ঠিত হইতেছেন না, যাহারা বিদেশী আড়ম্বরের অগ্নিশিখায় পতঙ্গের মতো বাঁপ দিয়াছিলেন তাঁহাদিগকে সেই সাংঘাতিক প্রলয়দীপ্তি আর প্রলুপ্ত করিতেছে না। ইহার কারণ কী? ইহার কারণ, আমরা সত্য বস্তুর আভাস পাইয়াছি, সেই সত্যের আবির্ভাবমাত্রেই আমরা বৃহৎ হইয়াছি, বলিষ্ঠ হইয়াছি।

এখন ঈশ্বরের কাছে একান্তমনে প্রার্থনা করি, এই সত্য যেন ক্রমশ উজ্জলতর হইয়া উঠে, এই সত্যকে যেন আবার একদিন আমাদের শিথিল মুষ্টি হইতে খলিত হইতে না দিই, অস্বকার সংঘাতজনিত উত্তেজনা যখন একদিন শান্ত হইয়া আসিবে তখন যেন জীবনের প্রতিদিন এই সত্যকে আমরা অপ্রমত্তচিত্তে সকল কর্মে ধারণ ও পোষণ করিতে পারি। মনে রাখিতে হইবে, আজ স্বদেশের স্বদেশীয়তা আমাদের কাছে যে প্রত্যক্ষ হইয়া উঠিয়াছে ইহা রাজার কোনো প্রসাদ বা অপ্রসাদে নির্ভর করে না; কোনো আইন পাস হউক বা না হউক, বিলাতের লোক আমাদের করুণোক্তি কৰ্ণপাত করুক বা না করুক, আমার স্বদেশ আমার চিরন্তন স্বদেশ,

আমার পিতৃপিতামহের স্বদেশ, আমার সন্তানসন্ততির স্বদেশ, আমার প্রাণদাতা শক্তিদাতা সম্পদদাতা স্বদেশ। কোনো মিথ্যা আশ্বাসে তুলিব না, কাহারও মুখের কথায় ইহাকে বিকাইতে পারিব না, একবার যে হস্তে ইহার স্পর্শ উপলব্ধি করিয়াছি সে হস্তকে ভিক্ষাপাত্রবহনে আর নিযুক্ত করিব না, সে হস্ত মাতৃসেবার জন্য সম্পূর্ণভাবে উৎসর্গ করিলাম। আজ আমরা প্রস্তুত হইয়াছি। যে পথ কঠিন, যে পথ কণ্টকসংকুল, সেই পথে যাত্রার জন্য প্রস্তুত হইয়াছি। আজ যাত্রারস্তুে এখনো মেঘের গর্জন শোনা যায় নাই বলিয়া সমস্তটাকে যেন খেলা বলিয়া মনে না করি। যদি বিদ্যুৎ চকিত হইতে থাকে, বজ্র ধ্বনিত হইয়া উঠে, তবে তোমরা ফিরিয়ো না, ফিরিয়ো না— দুর্ভোগের রক্তচক্ষুকে ভয় করিয়া তোমাদের পৌরুষকে জগৎসমক্ষে অপমানিত করিয়ো না। বাধার সম্ভাবনা জানিয়াই চলিতে হইবে, দুঃখকে স্বীকার করিয়াই অগ্রসর হইতে হইবে, অতিবিবেচকদের ভীত পরামর্শে নিজেকে দুর্বল করিয়ো না। যখন বিধাতার ঝড় আসে, বন্যা আসে, তখন সংযত বেশে আসে না, কিন্তু প্রয়োজন বলিয়াই আসে, তাহা ভালোমন্দ লাভক্ষতি দুইই লইয়া আসে। যখন বৃহৎ উদ্ভোগে সমস্ত দেশের চিত্ত বহুকাল নিরুত্তমের পর প্রথম প্রবৃত্ত হয় তখন সে নিতান্ত শান্তভাবে বিজ্ঞভাবে বিবেচকভাবে বিনীতভাবে প্রবৃত্ত হয় না। শক্তির প্রথম জাগরণে মত্ততা থাকেই— তাহার বেগ, তাহার দুঃখ, তাহার ক্ষতি আমাদের সকলকেই সন্ত্রস্ত করিতে হইবে— সেই সমুদ্রমহনের বিষ ও অমৃত উভয়কেই আমাদের স্বীকার করিয়া লইতে হইবে।

হে বন্ধুগণ, আজ আমাদের বিজয়া-সম্মিলনের দিনে হৃদয়কে একবার আমাদের এই বাংলাদেশের সর্বত্র প্রেরণ করো। উত্তরে হিমাচলের পাদমূল হইতে দক্ষিণে তরঙ্গমুখর সমুদ্রকূল পর্যন্ত, নদীজালজড়িত পূর্বসীমান্ত হইতে শৈলমালাবন্ধুর পশ্চিমপ্রান্ত পর্যন্ত চিত্তকে প্রসারিত করো। যে চাষি চাষ করিয়া এতক্ষণে ঘরে ফিরিয়াছে তাহাকে সম্ভাষণ করো, যে রাখাল খেচুদলকে গোষ্ঠগৃহে এতক্ষণে ফিরাইয়া আনিয়াছে তাহাকে সম্ভাষণ করো, শঙ্খমুখরিত দেবালয়ে যে পূজার্থী আগত হইয়াছে তাহাকে সম্ভাষণ করো, অন্তর্দ্বারের দিকে মুখ ফিরাইয়া যে মুসলমান নমাজ পড়িয়া উঠিয়াছে তাহাকে সম্ভাষণ করো। আজ সায়াছে গজার শাখা-প্রশাখা বাহিয়া ব্রহ্মপুত্রের কূল-উপকূল দিয়া একবার বাংলাদেশের পূর্বে পশ্চিমে আপন অন্তরের আলিঙ্গন বিস্তার করিয়া দাও, আজ বাংলাদেশের সমস্ত ছায়াতরুনিবিড় গ্রামগুলির উপরে এতক্ষণে যে শারদ আকাশে একাদশীর চন্দ্রমা জ্যোৎস্নাধারা অক্ষয় ঢালিয়া দিয়াছে সেই নিস্তর স্তম্ভিত রুচির সন্ধ্যাকাশে তোমাদের সম্মিলিত হৃদয়ের 'বন্দেমাতরম্' গীতধ্বনি এক প্রান্ত

রবীন্দ্র-রচনাবলী

হইতে আর-এক প্রান্তে পরিব্যাপ্ত হইয়া থাক— একবার করজোড় করিয়া নতশিরে
বিশ্বভুবনেশ্বরের কাছে প্রার্থনা করো—

বাংলার মাটি, বাংলার জল,
বাংলার বায়ু, বাংলার ফল
পুণ্য হউক পুণ্য হউক
পুণ্য হউক হে ভগবান ॥

বাংলার ঘর, বাংলার হাট,
বাংলার বন, বাংলার মাঠ
পূর্ণ হউক পূর্ণ হউক
পূর্ণ হউক হে ভগবান ॥

বাঙালির পণ, বাঙালির আশা,
বাঙালির কাম্ব, বাঙালির ভাষা
সত্য হউক সত্য হউক
সত্য হউক হে ভগবান ॥

বাঙালির প্রাণ, বাঙালির মন,
বাঙালির ঘরে ষত ভাইবোন
এক হউক এক হউক
এক হউক হে ভগবান ॥

চারিত্রপূজা

চারিত্রপুঞ্জ

বিভাসাগরচরিত

১৩০২ সালের ১৩ই আশ্বিন অপরাদ্ধে বিভাসাগরের স্মরণার্থ সভার সাংবৎসরিক
অধিবেশনে এমারল্ড্‌ থিয়েটার রঙ্গমঞ্চে পঠিত

বিভাসাগরের চরিত্রে বাহা সর্বপ্রধান গুণ— যে গুণে তিনি পরী-আচারের ক্ষুদ্রতা, বাঙালি জীবনের অড়ত্ব, সবলে ভেদ করিয়া একমাত্র নিজের গতিবেগপ্রাবল্যে কঠিন প্রতিকূলতার বন্ধ বিদীর্ণ করিয়া, হিন্দুত্বের দিকে নহে, সাম্প্রদায়িকতার দিকে নহে, করুণার অপ্রজ্বলপূর্ণ উন্মুক্ত অপার মহুগ্ধত্বের অভিমুখে আপনার দৃঢ়নিষ্ঠ একাগ্র একক জীবনকে প্রবাহিত করিয়া লইয়া গিয়াছিলেন— আরি যদি অল্প তাঁহার সেই গুণকীর্তন করিতে বিরত হই তবে আমার কর্তব্য একেবারেই অসম্পন্ন থাকিয়া যায়। কারণ, বিভাসাগরের জীবনবৃত্তান্ত আলোচনা করিয়া দেখিলে এই কথাটি বারম্বার মনে উদয় হয় যে, তিনি যে বাঙালি বড়োলোক ছিলেন তাহা নহে, তিনি যে রীতিমত হিন্দু ছিলেন তাহাও নহে— তিনি তাহা অপেক্ষাও অনেক বেশি বড়ো ছিলেন, তিনি ষথার্থ মাহুগ্ধ ছিলেন। বিভাসাগরের জীবনীতে এই অনন্তমূলভ মহুগ্ধত্বের প্রাচুর্যই সর্বোচ্চ গৌরবের বিষয়। তাঁহার সেই পর্বতপ্রমাণ চরিত্রমাহাশ্বেয় তাঁহারই কৃতকীর্তিকেও খর্ব করিয়া রাখিয়াছে।

তাঁহার প্রধান কীর্তি বঙ্গভাষা। যদি এই ভাষা কখনো সাহিত্যসম্পদে ঐশ্বর্যশালিনী হইয়া উঠে, যদি এই ভাষা অক্ষয়তাবজননীরূপে মানবসভ্যতার ধাত্রীগণের ও মাতৃ-গণের মধ্যে গণ্য হয়— যদি এই ভাষা পৃথিবীর শোকছুঃখের মধ্যে এক নূতন সাধনাস্থল, সংসারের তুচ্ছতা ও ক্ষুদ্র স্বার্থের মধ্যে এক মহত্বের আদর্শলোক, দৈনন্দিন মানব-জীবনের অবসাদ ও অস্বাস্থ্যের মধ্যে সৌন্দর্যের এক নিভৃত নিকুঞ্জবন রচনা করিতে পারে, তবেই তাঁহার এই কীর্তি তাঁহার উপযুক্ত গৌরব লাভ করিতে পারিবে।

বাংলাভাষার বিকাশে বিভাসাগরের প্রভাব কিরূপ কাঁচ করিয়াছে এখানে তাহা স্পষ্ট করিয়া নির্দেশ করা আবশ্যিক।

বিভাসাগর বাংলাভাষার প্রথম ষথার্থ শিল্পী ছিলেন। তৎপূর্বে বাংলার গদ্যসাহিত্যের সূচনা হইয়াছিল, কিন্তু তিনিই সর্বপ্রথম বাংলা গদ্যে কলাবৈশিষ্ট্যের

অবতারণা করেন। ভাষা যে কেবল ভাবের একটা আধারমাত্র নহে, তাহার মধ্যে যেন তেন প্রকারেণ কতকগুলি বক্তব্য বিষয় পুরিয়া দিলেই যে কর্তব্যসমাপন হয় না, বিদ্যাসাগর দৃষ্টান্তদ্বারা তাহাই প্রমাণ করিয়াছিলেন। তিনি দেখাইয়াছিলেন যে, যতটুকু বক্তব্য তাহা সরল করিয়া, সুন্দর করিয়া এবং সুশৃঙ্খল করিয়া ব্যক্ত করিতে হইবে। আজিকার দিনে এ কাজটিকে তেমন বৃহৎ বলিয়া মনে হইবে না, কিন্তু সমাজবন্ধন যেমন মনুষ্যবিকাশের পক্ষে অত্যাৱশ্যক তেমনি ভাষাকে কলাবন্ধনের দ্বারা সুন্দররূপে সংযমিত না করিলে সে ভাষা হইতে কদাচ প্রকৃত সাহিত্যের উদ্ভব হইতে পারে না। সৈন্যদলের দ্বারা যুদ্ধ সম্ভব, কেবলমাত্র জনতার দ্বারা নহে; জনতা নিজেকেই নিজে ধণ্ডিত-প্রতিহত করিতে থাকে, তাহাকে চালনা করাই কঠিন। বিদ্যাসাগর বাংলা গদ্যভাষার উচ্ছৃঙ্খল জনতাকে সুবিভক্ত সুবিগ্ৰস্ত সুপরিচ্ছন্ন এবং সুসংযত করিয়া তাহাকে সহজ গতি এবং কার্যকুশলতা দান করিয়াছেন, এখন তাহার দ্বারা অনেক সেনাপতি ভাবপ্রকাশের কঠিন বাধাসকল পরাহত করিয়া সাহিত্যের নব নব ক্ষেত্র আবিষ্কার ও অধিকার করিয়া লইতে পারেন— কিন্তু যিনি এই সেনানীর রচনাকর্তা যুদ্ধজয়ের যশোভাগ সর্বপ্রথমে তাঁহাকেই দিতে হয়।

বাংলাভাষাকে পূর্বপ্রচলিত অনাবশ্যক সমাসাড়াধরতার হইতে মুক্ত করিয়া, তাহার পদগুলির মধ্যে অংশযোজনায় সুনিয়ম স্থাপন করিয়া, বিদ্যাসাগর যে বাংলা গদ্যকে কেবলমাত্র সর্বপ্রকার-ব্যবহার-যোগ্য করিয়াই ক্ষান্ত ছিলেন তাহা নহে, তিনি তাহাকে শোভন করিবার জন্যও সর্বদা সচেত্ন ছিলেন। গদ্যের পদগুলির মধ্যে একটা ধনিসামঞ্জস্য স্থাপন করিয়া, তাহার গতির মধ্যে একটি অনতিলক্ষ্য ছন্দঃশ্রোত রক্ষা করিয়া, সৌম্য এবং সরল শব্দগুলি নির্বাচন করিয়া, বিদ্যাসাগর বাংলা গদ্যকে সৌন্দর্য ও পরিপূর্ণতা দান করিয়াছেন। গ্রাম্য পাণ্ডিত্য এবং গ্রাম্য বর্বরতা, উভয়ের হস্ত হইতেই উদ্ধার করিয়া তিনি ইহাকে পৃথিবীর ভদ্রসভার উপযোগী আর্ধভাষারূপে গঠিত করিয়া গিয়াছেন। তৎপূর্বে বাংলা গদ্যের যে অবস্থা ছিল তাহা আলোচনা করিয়া দেখিলে এই ভাষাগঠনে বিদ্যাসাগরের শিল্পপ্রতিভা ও সৃষ্টিকর্মতার প্রচুর পরিচয় পাওয়া যায়।

কিন্তু প্রতিভাসম্পন্ন বলিয়া বিদ্যাসাগরের সম্মান নহে। বিশেষত বিদ্যাসাগর যাহার উপর আপন প্রতিভা প্রয়োগ করিয়াছিলেন তাহা প্রবহমান, পরিবর্তনশীল। ভাষা নদীশ্রোতের মতো, তাহার উপরে কাহারও নাম খুঁদিয়া রাখা যায় না। মনে হয়, যেন সে চিরকাল এবং সর্বত্র স্বভাবতই এইভাবে প্রবাহিত হইয়া আসিতেছে। বাস্তবিক সে যে কোন্ কোন্ নির্বরধারায় গঠিত ও পরিপুষ্ট তাহা নির্ণয় করিতে হইলে উদ্ভান-মুখে গিয়া পুরাতত্ত্বের দুর্গম গিরিশিখরে আরোহণ করিতে হয়। বিশেষ

গ্রন্থ অথবা চিত্র অথবা মূর্তি চিরকাল আপনার স্বাতন্ত্র্য রক্ষা করিয়া আপন রচনা-কর্তাকে স্বরণ করাইয়া দেয়, কিন্তু ভাষা ছোটো বড়ো অসংখ্য লোকের নিকট হইতে জীবনলাভ করিতে করিতে ব্যাপ্ত হইয়া পূর্ব ইতিহাস বিস্মৃত হইয়া চলিয়া যায়, বিশেষ-রূপে কাহারও নাম ঘোষণা করে না।

কিন্তু সেজন্য আক্ষেপ করিবার প্রয়োজন নাই; কারণ, বিদ্যাসাগরের গৌরব কেবলমাত্র তাঁহার প্রতিভার উপর নির্ভর করিতেছে না।

প্রতিভা মানুষের সমস্তটা নহে, তাহা মানুষের একাংশমাত্র। প্রতিভা মেঘের মধ্যে বিছাভের মতো; আর মনুষ্য চরিত্রের দিবালোক, তাহা সর্বত্রব্যাপী ও স্থির। প্রতিভা মানুষের সর্বশ্রেষ্ঠ অংশ; আর, মনুষ্য জীবনের সকল মুহূর্তেই সকল কার্ণেই আপনাকে ব্যক্ত করিতে থাকে। প্রতিভা অনেক সময়ে বিছাভের স্তায় আপনার আংশিকতাবশতই লোকচক্ষে তীব্রতররূপে আঘাত করে এবং চরিত্রমহত্ব আপনার ব্যাপকতাগুণেই প্রতিভা অপেক্ষা স্নানতর বলিয়া প্রতীয়মান হয়। কিন্তু চরিত্রের শ্রেষ্ঠতাই যে স্বার্থ শ্রেষ্ঠতা, তাবিয়া দেখিলে সে বিষয়ে কাহারও সংশয় থাকিতে পারে না।

ভাষা প্রস্তর অথবা চিত্রপটের দ্বারা সত্য এবং সৌন্দর্য প্রকাশ করা ক্ষমতার কার্য সন্দেহ নাই; তাহাতে বিচিত্র বাধা-অতিক্রম এবং অসামান্য নৈপুণ্য-প্রয়োগ করিতে হয়। কিন্তু নিজের সমগ্র জীবনের দ্বারা সেই সত্য ও সৌন্দর্য প্রকাশ করা তদপেক্ষা আরও বেশি দুঃসহ; তাহাতে পদে পদে কঠিনতর বাধা অতিক্রম করিতে হয় এবং তাহাতে স্বাভাবিক সূক্ষ্ম বোধশক্তি ও নৈপুণ্য, সংযম ও বল অধিকতর আবশ্যিক হয়।

এই চরিত্ররচনার প্রতিভা কোনো সাম্প্রদায়িক শাস্ত্র মানিয়া চলে না। প্রকৃত কবির কবিত্ব যেমন অলংকারশাস্ত্রের অতীত, অথচ বিশ্বহৃদয়ের মধ্যে বিধিরচিত নিগূঢ়-নিহিত এক অলিখিত অলংকারশাস্ত্রের কোনো নিয়মের সহিত তাহার স্বভাবত কোনো বিরোধ হয় না, তেমনি ষাঁহার স্বার্থ মনুষ্য তাঁহাদের শাস্ত্র তাঁহাদের অস্তরের মধ্যে, অথচ বিশ্বব্যাপী মনুষ্যের সমস্ত নিত্যবিধানগুলির সঙ্গে সে শাস্ত্র আপনি মিলিয়া যায়। অতএব, অন্তান্ত প্রতিভায় যেমন 'ওরিজিনালিটি' অর্থাৎ অনন্ততন্ত্রতা প্রকাশ পায়, মহচ্চরিত্রবিকাশেও সেইরূপ অনন্ততন্ত্রতার প্রয়োজন হয়। অনেকে বিদ্যাসাগরের অনন্ততন্ত্র প্রতিভা ছিল না বলিয়া আভাস দিয়া থাকেন; তাঁহারা জানেন অনন্ততন্ত্র কেবল সাহিত্যে এবং শিল্পে, বিজ্ঞানে এবং দর্শনেই প্রকাশ পাইয়া থাকে। বিদ্যাসাগর এই সুরুতকীর্তি অকিকিংকর বকসমাজের মধ্যে নিজের চরিত্রকে মনুষ্যের আদর্শরূপে

প্রস্তুত করিয়া যে এক অসামান্য অনন্ততন্ত্র প্রকাশ করিয়াছেন তাহা বাংলার ইতিহাসে অতিশয় বিরল। এত বিরল যে, এক শতাব্দীর মধ্যে কেবল আর দুই-এক জনের নাম মনে পড়ে এবং তাঁহাদের মধ্যে রামমোহন রায় সর্বশ্রেষ্ঠ।

অনন্ততন্ত্রতা শব্দটা শুনিবামাত্র তাহাকে সংকীর্ণতা বলিয়া ভ্রম হইতে পারে ; মনে হইতে পারে, তাহা ব্যক্তিগত বিশেষত্ব, সাধারণের সহিত তাহার যোগ নাই। কিন্তু সে কথা ষথার্থ নহে। বস্তুত আমরা নিয়মের শৃঙ্খলে, অটল কৃত্রিমতার বন্ধনে এতই জড়িত ও আচ্ছন্ন হইয়া থাকি যে, আমরা সমাজের কল-চালিত পুস্তকের মতো হইয়া যাই ; অধিকাংশ কাজই সংস্কারাধীনে অন্ধভাবে সম্পন্ন করি ; নিজস্ব কাহাকে বলে জানি না, জানিবার আবশ্যিকতা রাখি না। আমাদের ভিতরকার আসল মানুষটি জন্মাবধি মৃত্যুকাল পর্যন্ত প্রায় সুপ্তভাবেই কাটাইয়া দেয়, তাহার স্থানে কাজ করে একটা নিয়ম-বঁধা বস্তু। ষাহাদের মধ্যে মনুষ্যত্বের পরিমাণ অধিক, চিরাগত প্রথা ও অভ্যাসের জড় আচ্ছাদনে তাঁহাদের সেই প্রবল শক্তিকে চাপা দিয়া রাখিতে পারে না। ইহারাই নিজের চরিত্রপূরীর মধ্যে স্বায়ত্তশাসনের অধিকার প্রাপ্ত হন। অন্তরস্থ মনুষ্যত্বের এই স্বাধীনতার নামই নিজস্ব। এই নিজস্ব ব্যক্তভাবে ব্যক্তিবিশেষের, কিন্তু নিগূঢ়ভাবে সমস্ত মানবের। মহৎব্যক্তির এই নিজস্বপ্রভাবে এক দিকে স্বতন্ত্র, একক, অন্য দিকে সমস্ত মানবজাতির সর্বর্ণ, সহোদর। আমাদের দেশে রামমোহন রায় এবং বিদ্যাসাগর উভয়ের জীবনেই ইহার পরিচয় পাওয়া যায়। এক দিকে যেমন তাঁহারা ভারতবর্ষীয় তেমনি অপর দিকে যুরোপীয় প্রকৃতির সহিত তাঁহাদের চরিত্রের বিস্তর নিকটসাদৃশ্য দেখিতে পাই। অথচ তাহা অহুকরণগত সাদৃশ্য নহে। বেশভূষায় আচারে ব্যবহারে তাঁহারা সম্পূর্ণ বাঙালি ছিলেন ; স্বজাতীয় শাস্ত্রজ্ঞানে তাঁহাদের সমতুল্য কেহ ছিল না ; স্বজাতিকে মাতৃভাষায় শিক্ষাদানের মূলপত্তন তাঁহারাই করিয়া গিয়াছেন ; অথচ নির্ভীক বলিষ্ঠতা, সত্যচারিতা, লোকহিতৈষণা, দৃঢ়প্রতিজ্ঞা এবং আত্মনির্ভরতার তাঁহারা বিশেষরূপে যুরোপীয় মহাজনদের সহিত তুলনীয় ছিলেন। যুরোপীয়দের তুচ্ছ বাহু অহুকরণের প্রতি তাঁহারা যে অবজ্ঞা প্রকাশ করিয়াছেন তাহাতেও তাঁহাদের যুরোপীয়মূলত গভীর আত্মসম্মানবোধের পরিচয় পাওয়া যায়। যুরোপীয় কেন, সর্বল সত্যপ্রিয় সাঁওতালেরাও যে অংশে মনুষ্যত্বে ভূষিত সেই অংশে বিদ্যাসাগর তাঁহার স্বজাতীয় বাঙালির অপেক্ষা সাঁওতালের সহিত আপনায় অন্তরের ষথার্থ ঐক্য অহুত্ব করিতেন।

মাঝে মাঝে বিধাতার নিয়মের এরূপ আশ্চর্য ব্যতিক্রম হয় কেন, বিশ্বকর্মা বেখানে চার কোটি বাঙালি নির্মাণ করিতেছিলেন সেখানে হঠাৎ দুই-একজন মানুষ গড়িয়া

বসেন কেন, তাহা বলা কঠিন। কী নিয়মে বড়োলোকের অত্যাখান হয় তাহা সকল দেশেই রহস্যময়—আমাদের এই ক্ষুদ্রকর্মা ভীকৃষ্ণদয়ের দেশে সে রহস্য দ্বিগুণতর দুর্ভেদ্য। বিদ্যাসাগরের চরিত্রসৃষ্টিও রহস্যাবৃত; কিন্তু ইহা দেখা যায়, সে চরিত্রের হাঁচ ছিল ভালো। ঈশ্বরচন্দ্রের পূর্বপুরুষের মধ্যে মহেশ্বরের উপকরণ প্রচুরপরিমাণে সঞ্চিত ছিল।

বিদ্যাসাগরের জীবনবৃত্তান্ত আলোচনা করিলে প্রথমেই তাঁহার পিতামহ রামজয় তর্কভূষণ আমাদের দৃষ্টি আকর্ষণ করেন। লোকটি অননুসাধারণ ছিলেন তাহাতে সন্দেহমাত্র নাই।

মেদিনীপুর জেলার বনমালীপুরে তাঁহার পৈতৃক বাসভবন ছিল। তাঁহার পিতার মৃত্যুর পরে বিষয়বিভাগ লইয়া সহোদরদের সহিত মনান্তর হওয়ার তিনি সংসার ত্যাগ করিয়া চলিয়া গিয়াছিলেন। বহুকাল পরে তর্কভূষণ দেশে কিরিয়া আসিয়া দেখিলেন, তাঁহার স্ত্রী দুর্গাদেবী ভাস্কর ও দেবরগণের অনাদরে প্রথমে স্বত্ত্বালয় হইতে বীরসিংহ গ্রামে পিড়ালয়ে, পরে সেখানেও ভ্রাতা ও ভ্রাতৃজায়ার লাহনার বৃদ্ধ পিতার সাহায্যে পিতৃভবনের অনতিদূরে এক কুটির বাস করিয়া চরকা কাটিয়া দুই পুত্র ও চারি কন্যা-সহ বহুকষ্টে দিনপাত করিতেছেন। তর্কভূষণ ভ্রাতাদের আচরণ শুনিয়া নিজের স্বপ্ন ও তাঁহাদের সংস্রব ত্যাগ করিয়া ভিন্ন গ্রামে দারিদ্র্য অবলম্বন করিয়া রহিলেন। কিন্তু বাহ্যিক স্বভাবের মধ্যে মহেশ্ব আছে দারিদ্র্যে তাঁহাকে দরিদ্র করিতে পারে না। বিদ্যাসাগর স্বয়ং তাঁহার পিতামহের যে চরিত্র বর্ণনা করিয়াছেন, স্থানে স্থানে তাহা উদ্ধৃত করিতে ইচ্ছা করি।—

‘তিনি নিরতিশয় তেজস্বী ছিলেন; কোনও অংশে, কাহারও নিকট অবনত হইয়া চলিতে, অথবা কোনও প্রকারে, অনাদর বা অবমাননা সহ করিতে পারিতেন না। তিনি সকল স্থলে, সকল বিষয়ে স্বীয় অভিপ্রায়ের অক্ষুবর্তী হইয়া চলিতেন, অন্তর্দীয় অভিপ্রায়ের অক্ষুবর্তন, তদীয় স্বভাব ও অভ্যাসের সম্পূর্ণ বিপরীত ছিল। উপকার প্রত্যাশায়, অথবা অন্য কোনও কারণে, তিনি কখনও পরের উপাসনা বা আত্মগত্য করিতে পারেন নাই।’

ইহা হইতেই প্রোভূগণ বুঝিতে পারিবেন, একান্তবর্তী পরিবারে কেন এই অশ্লিষ্টগুণিক ধরিয়া রাখিতে পারে নাই। তাঁহার পাঁচ সহোদর ছিলেন, কিন্তু তিনি একাই নীহারিকাচক্র হইতে বিচ্ছিন্ন জ্যোত্বিকের মতো আপন বেগে বাহিরে বিক্ষিপ্ত

হইয়াছিলেন। একান্তবর্তী পরিবারের বহুভারাক্রান্ত বন্ধেও তাঁহার কঠিন চরিত্রবাহিত্য পেষণ করিয়া দিতে পারে নাই।

‘তাঁহার শ্রালক, রামসুন্দর বিদ্যাভূষণ, গ্রামের প্রধান বলিয়া পরিগণিত এবং সাতিশয় গর্ভিত ও উদ্ধতস্বভাব ছিলেন। তিনি মনে করিয়াছিলেন, ভগিনীপতি রামজয় তাঁহার অমুগত হইয়া থাকিবেন। কিন্তু, তাঁহার ভগিনীপতি কিরূপ প্রকৃতির লোক, তাহা বুঝিতে পারিলে, তিনি সেরূপ মনে করিতে পারিতেন না। রামজয় রামসুন্দরের অমুগত হইয়া না চলিলে, রামসুন্দর নানাপ্রকারে তাঁহাকে জয় করিবেন, অনেকে তাঁহাকে এই ভয় দেখাইয়াছিলেন। কিন্তু রামজয়, কোনও কারণে, ভয় পাইবার লোক ছিলেন না; তিনি স্পষ্টবাক্যে বলিতেন, বরং বাসত্যাগ করিব, তথাপি শালার অমুগত হইয়া চলিতে পারিব না। শ্রালকের আক্রোশে, তাঁহাকে, সময়ে সময়ে, প্রকৃত-প্রস্তাবে, একঘরিয়্যা হইয়া থাকিতে ও নানাপ্রকার অত্যাচার উপদ্রব সহ্য করিতে হইত, তিনি তাহাতে ক্ষুব্ধ বা চলচিত্ত হইতেন না।’^১

তাঁহার তেজস্বিতার উদাহরণস্বরূপে উল্লেখ করা যাইতে পারে যে, জমিদার যখন তাঁহাদের বীরসিংহ গ্রামের নূতন বাসভাটী নিষ্কর ব্রহ্মোত্তর করিয়া দিবেন মানস করিয়াছিলেন তখন রামজয় দানগ্রহণ করিতে সম্মত হন নাই। গ্রামের অনেকেই বসভাটী নাথেরাজ করিবার জন্য তাঁহাকে অনেক উপদেশ দিয়াছিল, কিন্তু তিনি কাহারও অমুরোধ রক্ষা করেন নাই। এমন লোকের পক্ষে দারিদ্র্যও মর্হেখর্ষ, ইহাতে তাঁহার স্বাভাবিক সম্পদ জাজল্যমান করিয়া তোলে।^২

কিন্তু তর্কভূষণ যে আপন স্বাতন্ত্র্যগর্বে সর্বসাধারণকে অবজ্ঞা করিয়া দূরে থাকিতেন তাহা নহে। বিদ্যাসাগর বলেন—

‘তর্কভূষণ মহাশয় নিরতিশয় অমারিক ও নিরহঙ্কার ছিলেন; কি ছোট, কি বড়, সর্ববিধ লোকের সহিত, সমভাবে সদয় ও সাদর ব্যবহার করিতেন। তিনি ষাঁহাদিগকে কপটবাচী মনে করিতেন, তাঁহাদের সহিত সাধ্যপক্ষে আলাপ করিতেন না। তিনি স্পষ্টবাদী ছিলেন, কেহ রুষ্ট বা অসন্তুষ্ট হইবেন, ইহা ভাবিয়া, স্পষ্ট কথা বলিতে ভীত বা সঙ্কচিত্ত হইতেন না, তিনি যেমন স্পষ্টবাদী, তেমনই বথার্থবাদী ছিলেন। কাহারও ভয়ে বা অমুরোধে, অথবা অন্য কোনও কারণে, তিনি, কখনও কোনও বিষয়ে অস্বাধা নির্দেশ করেন নাই। তিনি ষাঁহাদিগকে আচরণে স্তম্ভ দেখিতেন,

১ বরচিত্ত বিদ্যাসাগরচরিত

২ মহোদর শঙ্কর বিদ্যাসাগর -প্রণীত বিদ্যাসাগরজীবনচরিত

ঠাহাদিগকেই ভদ্রলোক বলিয়া গণ্য করিতেন ; আর ঠাহাদিগকে আচরণে অভদ্র দেখিতেন, বিধান, ধনবান্ ও কমতাপন্ন হইলেও, ঠাহাদিগকে ভদ্র লোক বলিয়া জ্ঞান করিতেন না ।’

এ দিকে তর্কভূষণমহাশয়ের বল এবং সাহসও আশ্চর্য ছিল । সর্বদাই ঠাহার হস্তে একখানি লৌহদণ্ড থাকিত । তখন দস্যুভয়ে অনেকে একত্র না হইয়া স্থানান্তরে বাইতে পারিত না, কিন্তু তিনি একা এই লৌহদণ্ডহস্তে অকুতোভয়ে সর্বত্র যাতায়াত করিতেন ; এমন-কি, দুই-চারিবার আক্রান্ত হইয়া দস্যুদিগকে উপযুক্তরূপে শিক্ষা দিয়াছিলেন । একুশ বৎসর বয়সে একবার তিনি এক ভালুকের সম্মুখে পড়িয়াছিলেন । ‘ভালুক নখরপ্রহারে ঠাহার সর্কশরীর ক্ষতবিক্ষত করিতে লাগিল, তিনিও অবিভ্রান্ত লৌহদণ্ড প্রহার করিতে লাগিলেন । ভালুক ক্রমে নিস্তেজ হইয়া পড়িলে, তিনি, তদীয় উদরে উপর্যুপরি পদাঘাত করিয়া, তাহার প্রাণসংসার করিলেন ।’ অবশেষে শোণিতক্ষতবিক্ষতদেহে চারি কোশ পথ হাঁটিয়া মেদিনীপুরে এক আত্মীয়ের গৃহে শয্যা আশ্রয় করেন— দুই মাস পরে সুস্থ হইয়া বাড়ি ফিরিতে পারেন ।

আর একটিমাত্র ঘটনা উল্লেখ করিলে তর্কভূষণের চরিত্রচিত্র সম্পূর্ণ হইবে ।

১৭৪২ শকের ১২ই আশ্বিন মঙ্গলবারে বিজ্ঞানাগরের পিতা ঠাকুরদাস বন্দ্যোপাধ্যায় অদূরে কোমরগঞ্জে মধ্যাহ্নে হাট করিতে গিয়াছিলেন । রামজয় তর্কভূষণ ঠাহাকে ঘরের একটি শুভসংবাদ দিতে বাহির হইয়াছিলেন । পথের মধ্যে পুত্রের সহিত দেখা হইলে বলিলেন, ‘একটি এঁড়ে বাছুর হয়েছে ।’ শুনিয়া ঠাকুরদাস ঘরে আসিয়া গোয়ালের অভিমুখে গমন করিতেছিলেন ; তর্কভূষণ হাসিয়া কহিলেন, ‘ও দিকে নয়, এ দিকে এস’— বলিয়া স্মৃতিকাগৃহে লইয়া নবপ্রসূত শিশু ঈশ্বরচন্দ্রকে নির্দেশ করিয়া দেখাইলেন ।

এই কৌতুকহাস্যরস্মিপাতে রামজয়ের বলিষ্ঠ উন্নত চরিত্র আমাদের নিকট প্রভাতের গিরিশিখরের স্তায় রমণীয় বোধ হইতেছে । এই হাস্যময় ভেজোময় নির্ভীক ঋজুস্বভাব পুরুষের মতো আদর্শ বাংলাদেশে অত্যন্ত বিরল না হইলে বাঙালির মধ্যে পৌরুষের অভাব হইত না । আমরা ঠাহার চরিত্রবর্ণনা বিস্তারিতরূপে উদ্ধৃত করিলাম তাহার কারণ, এই চরিত্র ব্রাহ্মণ ঠাহার পৌত্রকে আর কোনো সম্পত্তি দান করিতে পারেন নাই, কেবল বে অক্ষয়সম্পদের উত্তরাধিকারবর্তন একমাত্র ভগবানের হস্তে সেই চরিত্রমাহাত্ম্য অখণ্ডভাবে ঠাহার জ্যেষ্ঠ পৌত্রের অংশে রাখিয়া গিয়াছিলেন ।

পিতা ঠাকুরদাস বন্দ্যোপাধ্যায়ও সাধারণ লোক ছিলেন না। যখন তাঁহার বয়স ১৪।১৫ বৎসর এবং যখন তাঁহার মাতা দুর্গাদেবী চরকায় স্ত্রী কাটিয়া একাকিনী তাঁহার ছুই পুত্র এবং চারি কন্যার ভরণপোষণে প্রবৃত্ত ছিলেন, তখন ঠাকুরদাস উপার্জনের চেষ্টায় কলিকাতায় প্রস্থান করিলেন।

কলিকাতায় আসিয়া প্রথমে তিনি তাঁহার আত্মীয় জগন্মোহন তর্কালংকারের বাড়িতে উঠিলেন। ইংরাজি শিখিলে সওদাগর সাহেবদের হোসে কাজ জুটিতে পারিবে জানিয়া প্রত্যহ সন্ধ্যাবেলায় এক শিপ-সরকারের বাড়ি ইংরাজি শিখিতে যাইতেন। যখন বাড়ি ফিরিতেন তখন তর্কালংকারের বাড়িতে উপরি লোকের আহ্বারের কাণ্ড শেষ হইয়া যাইত, সুতরাং তাঁহাকে রাত্রে অনাহারে থাকিতে হইত। অবশেষে তিনি তাঁহার শিক্ষকের এক আত্মীয়ের বাড়ি আশ্রয় লইলেন। আশ্রয়দাতার দারিদ্র্যানিবন্ধন এক-একদিন তাঁহাকে সমস্ত দিন উপবাসী থাকিতে হইত। একদিন ক্ষুধার জ্বালায় তাঁহার যথাসর্বস্ব একখানি পিতলের থালা ও একটি ছোটো ঘটি কাঁসারির দোকানে বেচিতে গিয়াছিলেন। কাঁসারিরা তাহার পাঁচ সিকা দর স্থির করিয়াছিল, কিন্তু কিনিতে সম্মত হইল না; বলিল, অজানিত লোকের নিকট হইতে পুরানো বাসন কিনিয়া মাঝে মাঝে বড়ো ক্যাসাদে পড়িতে হয়।^১

আর-একদিন ক্ষুধার যন্ত্রণা ভুলিবার অভিপ্রায়ে মধ্যাহ্নে ঠাকুরদাস বাসা হইতে বাহির হইয়া পথে পথে ভ্রমণ করিতে লাগিলেন।

‘বড়বাজার হইতে ঠন্থনিয়া পর্যন্ত গিয়া, এত ক্লান্ত ও ক্ষুধায় ও তৃষ্ণায় এত অভিভূত হইলেন, যে, আর তাঁহার চলিবার ক্ষমতা রহিল না। কিঞ্চিৎ পরেই, তিনি এক দোকানের সম্মুখে উপস্থিত ও দণ্ডায়মান হইলেন; দেখিলেন, এক মধ্যবয়স্ক বিধবা নারী ঐ দোকানে বসিয়া মুড়ি-মুড়কি বেচিতেছেন। তাঁহাকে দাঁড়াইয়া থাকিতে দেখিয়া, ঐ স্ত্রীলোক জিজ্ঞাসা করিলেন, বাপাঠাকুর, দাঁড়াইয়া আছ কেন? ঠাকুরদাস, তৃষ্ণার উল্লেখ করিয়া, পানার্থে জলপ্রার্থনা করিলেন। তিনি, সাদর ও স্নেহবাক্যে, ঠাকুরদাসকে বসিতে বলিলেন, এবং ব্রাহ্মণের ছেলেকে শুধু জল দেওয়া অবিধেয়, এই বিবেচনা করিয়া, কিছু মুড়কি ও জল দিলেন। ঠাকুরদাস বেক্লম ব্যগ্র হইয়া, মুড়কিগুলি খাইলেন, তাহা এক দৃষ্টিতে নিরীক্ষণ করিয়া, ঐ স্ত্রীলোক জিজ্ঞাসা করিলেন, বাপা-ঠাকুর, আজ বুঝি তোমার খাওয়া হয় নাই? তিনি বলিলেন, না মা, আজ আমি, এখন পর্যন্ত কিছুই খাই নাই। তখন সেই স্ত্রীলোক ঠাকুরদাসকে বলিলেন, বাপাঠাকুর,

জল ধাইও না, একটু অপেক্ষা কর। এই বলিয়া নিকটবর্তী গোয়ালার দোকান হইতে, সন্ধ্যা, দুই কিনিয়া আনিলেন, এবং আরও মুড়কি দিয়া, ঠাকুরদাসকে পেট ভরিয়া ফলার করাইলেন; পরে তাঁহার মুখে সবিশেষ সমস্ত অবগত হইয়া, জিদ করিয়া বলিয়া দিলেন, 'বেদিন তোমার একরূপ ঘটিবেক, এখানে আসিয়া ফলার করিয়া বাইবে।' ১

এইরূপ কষ্টে কিছু ইংরাজি শিখিয়া ঠাকুরদাস প্রথমে মাসিক দুই টাকা ও তাহার দুই-তিন বৎসর পরে মাসিক পাঁচ টাকা বেতন উপার্জন করিতে লাগিলেন। অবশেষে জননী দুর্গাদেবী যখন শুনিলেন, তাঁহার ঠাকুরদাসের মাসিক আট টাকা মাহিয়ানা হইয়াছে তখন তাঁহার আফ্লাদের সীমা রহিল না, এবং ঠাকুরদাসের সেই তেইশ-চব্বিশ বৎসর বয়সে গোঘাটনিবাসী রামকান্ত তর্কবাগীশের দ্বিতীয়া কন্যা ভগবতী-দেবীর সহিত তাঁহার বিবাহ দিলেন।

বঙ্গদেশের সৌভাগ্যক্রমে এই ভগবতীদেবী এক অসামান্য রমণী ছিলেন। শ্রীযুক্ত চণ্ডীচরণ বন্দ্যোপাধ্যায় মহাশয়ের রচিত বিদ্যাসাগরগ্রন্থে লিখোগ্রন্থপটে এই দেবীমূর্তি প্রকাশিত হইয়াছে। অধিকাংশ প্রতিমূর্তিই অধিকক্ষণ দেখিবার দরকার হয় না, তাহা যেন মুহূর্তকালের মধ্যেই নিঃশেষিত হইয়া যায়। তাহা নিপুণ হইতে পারে, সুন্দর হইতে পারে, তথাপি তাহার মধ্যে চিত্তনিবেশের যথোচিত স্থান পাওয়া যায় না, চিত্রপটের উপরিতলেই দৃষ্টির প্রসার পর্ষবসিত হইয়া যায়। কিন্তু ভগবতীদেবীর এই পবিত্র মুখশ্রীর গভীরতা এবং উদারতা বহুক্ষণ নিরীক্ষণ করিয়াও শেষ করিতে পারা যায় না। উন্নত ললাটে তাঁহার বুদ্ধির প্রসার, সুদূরদর্শী স্নেহবর্ষা আয়ত নেত্র, সরল সুগঠিত নাসিকা, দয়ালু ওষ্ঠাধর, দৃঢ়তাপূর্ণ চিবুক, এবং সমস্ত মুখের একটি মহিমময় স্নসংঘত সৌন্দর্য দর্শকের হৃদয়কে বহু দূরে এবং বহু উর্ধ্বে আকর্ষণ করিয়া লইয়া যায়—এবং ইহাও বুঝিতে পারি, ভক্তিবৃন্তির চরিতার্থতাসাধনের জন্য কেন বিদ্যাসাগরকে এই মাতৃদেবী ব্যতীত কোনো পৌরাণিক দেবীপ্রতিমার মন্দিরে প্রবেশ করিতে হয় নাই।

ভগবতীদেবীর অকুণ্ঠিত দয়া তাঁহার গ্রাম পল্লী প্রতিবেশীকে নিরন্তর অভিবিক্ত করিয়া রাখিত। রোগার্ভের সেবা, ক্ষুধার্তকে অন্নদান এবং শোকাতুরের হৃৎখে শোকপ্রকাশ করা তাঁহার নিত্যনিয়মিত কার্য ছিল। অগ্নিদাহে বীরসিংহ গ্রামের বাসস্থান ভস্মীভূত হইয়া গেলে বিদ্যাসাগর যখন জননীদেবীকে কলিকাতায় লইয়া বাইবার চেষ্টা করেন তিনি বলিলেন, 'যে নব্বয় দরিদ্রলোকের সন্তানগণ এখানে

ভোজন করিয়া বীরসিংহ বিদ্যালয়ে অধ্যয়ন করে, আমি এহান পরিত্যাগ করিয়া হানান্তরে প্রস্থান করিলে তাহারা কী খাইয়া ফুলে অধ্যয়ন করিবে।’

দয়াবৃত্তি আরও অনেক রমণীর মধ্যে দেখা যায়, কিন্তু ভগবতীদেবীর দয়ার মধ্যে একটি অসাধারণত্ব ছিল, তাহা কোনোপ্রকার সংকীর্ণ সংস্কারের দ্বারা বদ্ধ ছিল না। সাধারণ লোকের দয়া দিয়াশলাই-শলাকার মতো কেবল বিশেষরূপ সংঘর্ষেই জ্বলিয়া উঠে এবং তাহা অভ্যাস ও লোকাচারের ক্ষুদ্র বাস্তবের মধ্যেই বদ্ধ। কিন্তু ভগবতীদেবীর হৃদয় সূর্যের স্তায় আপনার বুদ্ধি-উজ্জ্বল দয়ারশক্তি স্বভাবতই চতুর্দিকে বিকীর্ণ করিয়া দিত, শাস্ত্র বা প্রথা-সংঘর্ষের অপেক্ষা করিত না। বিদ্যাসাগরের তৃতীয় সহোদর শঙ্কুচন্দ্র বিদ্যারত্ন মহাশয় তাঁহার ভ্রাতার জীবনচরিতে লিখিয়াছেন যে, একবার বিদ্যাসাগর তাঁহার জননীকে জিজ্ঞাসা করিয়াছিলেন, ‘বৎসরের মধ্যে একদিন পূজা করিয়া ছয় সাত শত টাকা ব্যথা ব্যয় করা ভালো, কি, গ্রামের নিরুপায় অনাথ লোকদিগকে ঐ টাকা অবস্থানসারে মাসে মাসে কিছু কিছু সাহায্য করা ভালো? ইহা শুনিয়া জননীদেবী উত্তর করেন, গ্রামের দরিদ্র নিরুপায় লোক প্রত্যহ খাইতে পাইলে, পূজা করিবার আবশ্যিক নাই।’ এ কথাটি সহজ কথা নহে— তাঁহার নির্মল বুদ্ধি এবং উজ্জ্বল দয়া প্রাচীন সংস্কারের মোহাবরণ যে এমন অনায়াসে বর্জন করিতে পারে, ইহা আমার নিকট বড়ো বিস্ময়কর বোধ হয়। লৌকিক প্রথার বন্ধন রমণীর কাছে যেমন দৃঢ় এমন আর কার কাছে? অথচ, কী আশ্চর্য স্বাভাবিক চিন্তাশক্তির দ্বারা তিনি জড়তাময় প্রথাভিত্তি ভেদ করিয়া নিত্যজ্যোতির্ময় অনন্ত বিশ্বধর্মাকাশের মধ্যে উদ্ভীর্ণ হইলেন! এ কথা তাঁহার কাছে এত সহজ বোধ হইল কী করিয়া যে, মনুষ্যের সেবাই ষথার্থ দেবতার পূজা। তাহার কারণ, সকল সংহিতা অপেক্ষা প্রাচীনতম সংহিতা তাঁহার হৃদয়ের মধ্যে স্পষ্টাক্ষরে লিখিত ছিল।

সিবিলিয়ান ছারিসন সাহেব যখন কার্ণোপলকে মেদিনীপুর জেলায় গমন করেন, তখন ভগবতী দেবী তাঁহাকে স্বনামে পত্র পাঠাইয়া বাড়িতে নিমন্ত্রণ করিয়া আনিয়াছিলেন; তৎসম্বন্ধে তাঁহার তৃতীয় পুত্র শঙ্কুচন্দ্র নিম্নলিখিত বর্ণনা প্রকাশ করিয়াছেন।—

‘জননীদেবী, সাহেবের ভোজনসময়ে উপস্থিত থাকিয়া তাঁহাকে ভোজন করাইয়াছিলেন। তাহাতে সাহেব আশ্চর্য্যাবিত হইয়াছিলেন, যে, অতি বৃদ্ধা হিন্দু স্ত্রীলোক, সাহেবের ভোজনের সময়ে চেয়ারে উপবিষ্টা হইয়া কথাবার্তা কহিতে প্রবৃত্ত

হইলেন ।... নাহেব হিন্দুর মত জননীদেবীকে ভূষিত হইয়া মাতৃভাবে অভিবাদন করেন । তখনকার নানা বিষয়ে কথাবার্তা হইল । জননীদেবী প্রবীণা হিন্দু স্ত্রীলোক, তথাপি তাঁহার স্বভাব অতি উদার, মন অতিশয় উন্নত, এবং মনে কিছুমাত্র কুসংস্কার নাই । কি ধনশালী, কি দরিদ্র, কি বিদ্বান, কি মুর্থ, কি উচ্চজাতীয়, কি নীচজাতীয়, কি পুরুষ, কি স্ত্রী, কি হিন্দুধর্মাবলম্বী, কি অন্তর্ধর্মাবলম্বী, সকলেরই প্রতি সমদৃষ্টি ।’ ১

শত্ৰুচক্র অস্ত্র লিখিতেছেন—

‘১২৬৬ সাল হইতে ১২৭২ সাল পর্যন্ত ক্রমিক বিস্তর বিধবা কামিনীর বিবাহকার্য সমাধা হয় । ঐ সকল বিবাহিত লোককে বিপদ হইতে রক্ষার জন্য, অগ্রজমহাশয় বিশেষরূপ যত্নবান্ ছিলেন । উহাদিগকে মধ্যে মধ্যে আপনার দেশস্থ ভবনে আনাইতেন । বিবাহিতা ঐ সকল স্ত্রীলোককে যদি কেহ ঘৃণা করে, একারণ জননীদেবী ঐ সকল বিবাহিতা ব্রাহ্মণজাতীয়া স্ত্রীলোকের সহিত একত্র এক পাত্রে ভোজন করিতেন ।’ ২

অথচ তখন বিধবাবিবাহের আন্দোলনে দেশের পুরুষেরা বিদ্যাসাগরের প্রাণ-সংহারের জন্য গোপনে আয়োজন করিতেছিল, এবং দেশের পণ্ডিতবর্গ শাস্ত্র মন্বন করিয়া কুযুক্তি এবং ভাষা মন্বন করিয়া কটুক্তি বিদ্যাসাগরের মস্তকের উপর বর্ষণ করিতেছিলেন । আর, এই রমণীকে কোনো শাস্ত্রের কোনো শ্লোক খুঁজিতে হয় নাই ; বিদ্যাতার সহস্রলিখিত শাস্ত্র তাঁহার হৃদয়ের মধ্যে রাত্রিদিন উদ্ঘাটিত ছিল । অতিমহু জননীজঠরে থাকিতে যুদ্ধবিজ্ঞা শিখিয়াছিলেন, বিদ্যাসাগরও বিধিলিখিত সেই মহাশাস্ত্র মাতৃগর্ভবাসকালেই অধ্যয়ন করিয়া আসিয়াছিলেন ।

আশঙ্কা করিতেছি, সমালোচকমহাশয়েরা মনে করিতে পারেন যে, বিদ্যাসাগর-সহস্রীয় ক্ষুদ্র প্রবন্ধে তাঁহার জননীসম্বন্ধে এতখানি আলোচনা কিছু পরিমাণবহিবৃত্ত হইয়া পড়িতেছে । কিন্তু এ কথা তাঁহারা স্থির জানিবেন—এখানে জননীর চরিতে এবং পুত্রের চরিতে প্রভেদ নাই, তাঁহারা বেন পরস্পরের পুনরাবৃত্তি । তাহা ছাড়া, মহাপুরুষের ইতিহাস বাহিরের নানা কার্বে এবং জীবনবৃত্তান্তে স্থায়ী হয়, আর, মহৎ-নারীর ইতিহাস তাঁহার পুত্রের চরিত্রে, তাঁহার স্বামীর কার্বে রচিত হইতে থাকে, এবং সে লেখার তাঁহার নামোল্লেখ থাকে না । অতএব, বিদ্যাসাগরের জীবনে তাঁহার মাতার জীবনচরিত কেমন করিয়া লিখিত হইয়াছে তাহা ভালরূপ আলোচনা না করিলে উভয়েরই জীবনী অসম্পূর্ণ থাকে । আর, আমরা যে মহাত্মার স্মৃতিপ্রতিমা-পূজার জন্য এখানে সমবেত হইয়াছি যদি তিনি কোনোরূপ স্মরণ চিন্ময় বেহে অস্ত এই

সভায় আসনগ্রহণ করিয়া থাকেন, এবং যদি এই অযোগ্য ভক্তকর্তৃক তাঁহার চরিত-কীর্তন তাঁহার প্রতিগোচর হয়, তবে এই রচনার যে অংশে তাঁহার জীবনী অবলম্বন করিয়া তাঁহার মাতৃদেবীর মাহাত্ম্য মহীয়ান হইয়াছে সেইখানেই তাঁহার দিব্যনেত্র হইতে প্রভূততম পুণ্যাক্রম হইতে থাকিবে তাহাতে সন্দেহমাত্র নাই।

বিভাগসাগর তাঁহার বর্ণপরিচয় প্রথম ভাগে গোপাল-নামক একটি স্তবোধ ছেলের দৃষ্টান্ত দিয়াছেন, তাহাকে বাপ-মায়ের যাহা বলে সে তাহাই করে। কিন্তু ঈশ্বরচন্দ্র নিজের যখন সেই গোপালের বয়সী ছিলেন তখন গোপালের অপেক্ষা কোনো কোনো অংশে রাখালের সঙ্গেই তাঁহার অধিকতর সাদৃশ্য দেখা যাইত। পিতার কথা পালন করা দূরে থাক, পিতা যাহা বলিতেন তিনি তাহার ঠিক উল্টা করিয়া বলিতেন। শঙ্কুচন্দ্র লিখিয়াছেন—

‘পিতা তাঁহার স্বভাব বুদ্ধিয়া চলিতেন। যে দিন সাদা বস্ত্র না থাকিত, সে দিন বলিতেন, আজ ভাল কাপড় পরিয়া কলেজে যাইতে হইবে। তিনি হঠাৎ বলিতেন, না, আজ ময়লা কাপড় পরিয়া যাইব। যে দিন বলিতেন, আজ স্নান করিতে হইবে, শ্রবণমাত্র দাদা বলিতেন যে, আজ স্নান করিব না; পিতা প্রহার করিয়াও স্নান করাইতে পারিতেন না। সঙ্গে করিয়া টাকশালের ঘাটে নামাইয়া দিলেও দাঁড়াইয়া থাকিতেন। পিতা চড়াপড় মারিয়া জোর করিয়া স্নান করাইতেন।’^১

পাঁচ-ছয় বৎসর বয়সের সময় যখন গ্রামের পাঠশালায় পড়িতে যাইতেন তখন প্রতিবেশী মথুর মণ্ডলের স্ত্রীকে রাগাইয়া দিবার জন্য যে-প্রকার মত্যাভিগর্হিত উপদ্রব তিনি করিতেন, বর্ণপরিচয়ের সর্বজননিন্দিত রাখাল বেচারীও বোধ করি এমন কাজ কখনো করে নাই।

নিরীহ বাংলাদেশে গোপালের মতো স্তবোধ ছেলের অভাব নাই। এই ক্ষীণভেদ দেশে রাখাল এবং তাহার জীবনীলেখক ঈশ্বরচন্দ্রের মতো দুর্দান্ত ছেলের প্রাদুর্ভাব হইলে বাঙালিজাতির শীর্ণচরিত্রের অপবাদ ঘুচিয়া যাইতে পারে। স্তবোধ ছেলেগুলি পাস করিয়া ভালো চাকরি-বাকরি ও বিবাহকালে প্রচুর পণ লাভ করে সন্দেহ নাই, কিন্তু দুই অবাধ্য অশান্ত ছেলেগুলির কাছে স্বদেশের জন্য অনেক আশা করা যায়। বহুকাল পূর্বে একদা নবদ্বীপের শচীমাতার এক প্রবল ছরস্তু ‘ছেলে’ এই আশা পূর্ণ করিয়াছিলেন।

কিন্তু একটা বিষয়ে রাখালের সহিত তাহার জীবনচরিত-লেখকের সাদৃশ্য ছিল না।

‘রাখাল পড়িতে বাইবার সময় পথে খেলা করে, মিছামিছি ঘেরি করিয়া, সকলের শেষে পাঠশালার যায়।’ কিন্তু পড়াশুনার বালক ঈশ্বরচন্দ্রের কিছুমাত্র শৈথিল্য ছিল না। যে প্রবল জিদের সহিত তিনি পিতার আদেশ ও নিষেধের বিপরীত কাজ করিতে প্রবৃত্ত হইতেন সেই দুর্দম জিদের সহিত তিনি পড়িতে বাইতেন। সেও তাঁহার প্রতিকূল অবস্থার বিরুদ্ধে নিজের জিদ রক্ষা। ক্ষুদ্র একগুঁয়ে ছেলেটি মাথায় এক মস্ত ছাতা তুলিয়া তাঁহাদের বড়োবাজারের বাসা হইতে পটলডাঙার সংস্কৃত-কালেজে যাত্রা করিতেন; লোকে মনে করিত, একটা ছাতা চলিয়া বাইতেছে। এই দুর্জয় বালকের শরীরটি খর্ব নীর্ণ, মাথাটা প্রকাণ্ড; ঘুলের ছেলেরা সেইজন্য তাঁহাকে বসুরে কই ও তাহার অপভ্রংশে কসুরে জই বলিয়া খেপাইত; তিনি তখন তোংলা ছিলেন, রাগিয়া কথা বলিতে পারিতেন না।’

এই বালক রাত্রি দশটার সময় শুইতে বাইতেন। পিতাকে বলিয়া বাইতেন, রাত্রি দুই প্রহরের সময় তাঁহাকে জাগাইয়া দিতে। পিতা আর্ম্যানিগির্জার ঘড়িতে বারোট্টা বাজিলেই ঈশ্বরচন্দ্রকে জাগাইতেন, বালক অবশিষ্ট রাত্রি জাগিয়া পড়া করিতেন। ইহাও একগুঁয়ে ছেলের নিজের শরীরের প্রতি জিদ। শরীরও তাহার প্রতিশোধ তুলিতে ছাড়িত না। মাঝে মাঝে কঠিন সাংঘাতিক পীড়া হইয়াছিল, কিন্তু পীড়ার শাসনে তাঁহাকে পরাভূত করিতে পারে নাই।

ইহার উপরে গৃহকর্মও অনেক ছিল। বাসায় তাঁহার পিতা ও মধ্যম ভ্রাতা ছিলেন। দাসদাসী ছিল না। ঈশ্বরচন্দ্র দুই বেলা সকলের রন্ধনাদি কার্য করিতেন। সহোদর শঙ্কুচন্দ্র তাহার বর্ণনা করিয়াছেন। প্রত্যুষে নিদ্রাভঙ্গ হইলে ঈশ্বরচন্দ্র কিয়ৎক্ষণ পুস্তক আবৃত্তি করিয়া গছার ঘাটে স্নান করিয়া কাশীনাথবাবুর বাজারে বাটা মাছ ও আলু-পটল তরকারি ক্রয় করিয়া আনিতেন। বাটনা বাটিয়া উনান ধরাইয়া রন্ধন করিতেন। বাসায় তাঁহারা চারি জন বাইতেন। আহারের পর উচ্ছিষ্ট মুক্ত ও বাসন ধৌত করিয়া তবে পড়িতে বাইবার অবসর পাইতেন; পাক করিতে করিতে ও ঘুলে বাইবার সময় পথে চলিতে চলিতে পাঠাভ্যাস করিতেন।

এই তো অবস্থা। এ দিকে ছুটির সময় যখন জল খাইতে বাইতেন তখন ঘুলের ছাত্র যাহারা উপস্থিত থাকিত তাহাদিগকে মিঠায় খাওয়াইতেন। ঘুল হইতে মাসিক যে বৃষ্টি পাইতেন ইহাতেই তাহা ব্যয় হইত। আবার দরওয়ানের নিকট ধার করিয়া দরিদ্র ছাত্রদিগকে নুতন বস্ত্র কিনিয়া দিতেন। পূজার ছুটির পর দেশে গিয়া

‘দেশস্থ যে সকল লোকের দিনপাত হওয়া ছুঁকর দেখিতেন, তাহাদিগকে যথাসাধ্য সাহায্য করিতে কাস্ত থাকিতেন না। অন্যান্য লোকের পরিধেয় বস্ত্র না থাকিলে, গামছা পরিধান করিয়া, নিজের বস্ত্রগুলি তাহাদিগকে বিতরণ করিতেন।’

যে অবস্থায় মানুষ নিজের নিকট নিজে প্রধান দয়ার পাত্র সে অবস্থায় ঈশ্বরচন্দ্র অন্তরে দয়া করিয়াছেন। তাঁহার জীবনে প্রথম হইতে ইহাই দেখা যায় যে, তাঁহার চরিত্র সমস্ত প্রতিকূল অবস্থায় বিরুদ্ধে ক্রমাগতই যুদ্ধ করিয়া জয়লাভ করিয়াছে। তাঁহার মতো অবস্থাপন্ন ছাত্রের পক্ষে বিজালাভ করা পরম দুঃসাধ্য, কিন্তু এই গ্রাম্য বালক শীর্ণ ধর্ব দেহ এবং প্রকাণ্ড মাথা লইয়া আশ্চর্য অল্পকালের মধ্যেই বিজাসাগর উপাধি প্রাপ্ত হইয়াছেন। তাঁহার মতো দরিদ্রাবস্থার লোকের পক্ষে দান করা, দয়া করা বড়ো কঠিন; কিন্তু তিনি যখন যে অবস্থাতেই পড়িয়াছেন নিজের কোনোপ্রকার অসচ্ছলতার তাঁহাকে পরের উপকার হইতে বিরত করিতে পারে নাই, এবং অনেক মর্হৈশ্বরশালী রাজা রায়বাহাদুর প্রচুর ক্ষমতা লইয়া যে উপাধি লাভ করিতে পারে নাই এই দরিদ্র পিতার দরিদ্র সন্তান সেই ‘দয়ার সাগর’ নামে বঙ্গদেশে চিরদিনের জন্য বিখ্যাত হইয়া রহিলেন।

কলেজ হইতে উত্তীর্ণ হইয়া বিজাসাগর প্রথমে কোর্ট, উইলিয়ম-কলেজের প্রধান পণ্ডিত ও পরে সংস্কৃতকলেজের অ্যাসিস্ট্যান্ট সেক্রেটারির পদে নিযুক্ত হন। এই কার্যোপলক্ষে তিনি যে-সকল ইংরাজ প্রধান কর্মচারীদের সংস্রবে আসিয়াছিলেন সকলেরই পরম শ্রদ্ধা ও প্রীতি-ভাজন হইয়াছিলেন। আমাদের দেশে প্রায় অনেকেই নিজের এবং স্বদেশের মর্ধাদা নষ্ট করিয়া ইংরাজের অনুগ্রহ লাভ করেন। কিন্তু বিজাসাগর সাহেবের হস্ত হইতে শিরোপা লইবার জন্য কখনো মাথা নত করেন নাই; তিনি আমাদের দেশের ইংরাজপ্রসাদগর্বিত সাহেবানুজীবীদের মতো আত্মাবমাননার মূল্যে বিক্রীত সম্মান ক্রয় করিতে চেষ্টা করেন নাই। একটা উদাহরণে তাহার প্রমাণ হইবে। একবার তিনি কার্যোপলক্ষ্যে হিন্দুকলেজের প্রিন্সিপাল কার-সাহেবের সঙ্গে দেখা করিতে গিয়াছিলেন। সভ্যতাভিমानी সাহেব তাঁহার বুট-বোষ্ট্রিত ছুই পা টেবিলের উপরে উর্ধ্বগামী করিয়া দিয়া, বাঙালি ভদ্রলোকের সহিত ভদ্রতারক্ষা করা বাহুল্য বোধ করিয়াছিলেন। কিছু দিন পরে ঐ কার-সাহেব কার্ধবশত সংস্কৃতকলেজে বিজাসাগরের সহিত দেখা করিতে আসিলে বিজাসাগর চটিজুতা-সমেত তাঁহার সর্বজন-বন্দনীয় চরণযুগল টেবিলের উপর প্রসারিত করিয়া এই অহংকৃত ইংরাজ অভ্যাগতের

সহিত আলোচনা করিলেন। বোধ করি তিনি কেহ বিন্দিত হইবেন না, সাহেব নিজের এই অবিকল অহুঙ্করণ দেখিয়া সন্তোষলাভ করেন নাই।

ইতিমধ্যে কলেজের কার্যপ্রণালী সম্বন্ধে তাঁহার সহিত কর্তৃপক্ষের মতান্তর হওয়ায় ঈশ্বরচন্দ্র কর্মত্যাগ করিলেন। সম্পাদক রসময় দত্ত এবং শিক্ষাসমাজের অধ্যক্ষ ময়েট সাহেব অনেক উপরোধ-অহুরোধ করিয়াও কিছুতেই তাঁহার পণভঙ্গ করিতে পারিলেন না। আত্মীয়-বান্ধবেরা তাঁহাকে জিজ্ঞাসা করিল, 'তোমার চলিবে কী করিয়া?' তিনি বলিলেন, 'আলুপটল বেচিয়া, মুদির দোকান করিয়া দিন চালাইব।' তখন বাসায় প্রায় কুড়িটি বালককে তিনি অন্নবস্ত্র দিয়া অধ্যয়ন করাইতেছিলেন— তাহাদের কাহাকেও বিদায় করিলেন না। তাঁহার পিতা পূর্বে চাকরি করিতেন— বিদ্যাসাগরের সবিশেষ অহুরোধে কার্যত্যাগ করিয়া বাড়ি বসিয়া সংসারখরচের টাকা পাইতেছিলেন। বিদ্যাসাগর কাজ ছাড়িয়া দিয়া প্রতি মাসে ধার করিয়া পঞ্চাশ টাকা বাড়ি পাঠাইতে লাগিলেন। এই সময় ময়েট সাহেবের অহুরোধে বিদ্যাসাগর কাপ্তেন ব্যাঙ্ক-নামক একজন ইংরাজকে কয়েক মাস বাংলা ও হিন্দি শিখাইতেন। সাহেব যখন মাসিক পঞ্চাশ টাকা হিসাবে বেতন দিতে গেলেন তিনি বলিলেন, 'আপনি ময়েট সাহেবের বন্ধু এবং ময়েট সাহেব আমার বন্ধু— আপনার কাছে আমি বেতন লইতে পারি না।'

১৮৫০ খ্রীস্টাব্দে বিদ্যাসাগর সংস্কৃতকলেজের সাহিত্য-অধ্যাপক ও ১৮৫১ খ্রীস্টাব্দে উক্ত কলেজের প্রিন্সিপাল পদে নিযুক্ত হন। আট বৎসর দক্ষতার সহিত কাজ করিয়া শিক্ষাবিভাগের নবীন কর্তা এক তরুণ সিভিলিয়ানের সহিত মনান্তর হইতে থাকায় ১৮৫৮ খ্রীস্টাব্দে তিনি কর্ম ত্যাগ করেন। বিদ্যাসাগর স্বভাবতই সম্পূর্ণ স্বাধীনত্বের লোক ছিলেন; অব্যাহতভাবে আপন ইচ্ছা চালনা করিতে পাইলে তবে তিনি কাজ করিতে পারিতেন, উপরিতন কর্তৃপক্ষের মতের দ্বারা কোনোরূপ প্রতিঘাত প্রাপ্ত হইলে তদনুসারে আপন সংকল্পের প্রবাহ তিলমাত্র পরিবর্তন করিতে পারিতেন না। কর্মনীতির নিয়মে ইহা তাঁহার পক্ষে প্রশংসনীয় ছিল না। কিন্তু বিধাতা তাঁহাকে একাধিপত্য করিবার অল্প পাঠাইয়াছিলেন; অধীনে কাজ চালাইবার গুণগুলি তাঁহাকে দেন নাই। উপযুক্ত অধীনস্থ কর্মচারী বাংলাদেশে যথেষ্ট আছে; বিদ্যাসাগরকে দিয়া তাহাদের সংখ্যাবৃদ্ধি করা বিধাতা অনাবশ্যক ও অসংগত বোধ করিয়াছিলেন।

বিদ্যাসাগর যখন সংস্কৃতকলেজে নিযুক্ত, তখন কলেজের কাজকর্মের মধ্যে থাকিয়াও এক প্রচণ্ড সমাজসংগ্রামে প্রবৃত্ত হইয়াছিলেন। একদিন বীরসিংহবাটীর চতুর্থমণ্ডপে বসিয়া ঈশ্বরচন্দ্র তাঁহার পিতার সহিত বীরসিংহ স্কুল সম্বন্ধে আলোচনা করিতেছিলেন,

এমন সময় তাঁহার মাতা রোদন করিতে করিতে চণ্ডীমণ্ডপে আসিয়া একটি বালিকার বৈধব্যসংঘটনের উল্লেখ করিয়া তাঁহাকে বলিলেন, 'তুই এতদিন এত শাস্ত্র পড়িলি, তাহাতে বিধবার কি কোনো উপায় নাই?' মাতার পুত্র উপায়-অন্বেষণে প্রবৃত্ত হইলেন।

স্বীজাতির প্রতি বিদ্যাসাগরের বিশেষ স্নেহ অথচ ভক্তি ছিল। ইহাও তাঁহার স্মৃহং পৌরুষের একটি প্রধান লক্ষণ। সাধারণত আমরা স্বীজাতির প্রতি ঈর্ষা-বিশিষ্ট; অবলা স্বীলোকের সুখস্বাস্থ্যস্বচ্ছন্দতা আমাদের নিকট পরম পরিহাসের বিষয়, প্রহসনের উপকরণ। আমাদের ক্ষুদ্রতা ও কাপুরুষতার অন্তান্ত লক্ষণের মধ্যে ইহাও একটি।

বিদ্যাসাগর শৈশবে জগদ্দুর্লভবাবুর বাসায় আশ্রয় পাইয়াছিলেন। জগদ্দুর্লভের কনিষ্ঠা ভগিনী রাইমণির স্নেহে তিনি স্বরচিত জীবনবৃত্তান্তে যাহা লিখিয়াছেন তাহা এ স্থলে উদ্ধৃত করা যাইতে পারে।—

'রাইমণির অদ্ভুত স্নেহ ও যত্ন আমি কল্পিন্‌কালেও বিশ্বত হইতে পারিব না। তাঁহার একমাত্র পুত্র গোপালচন্দ্র ঘোষ আমার প্রায় সমবয়স্ক ছিলেন। পুত্রের উপর জননীর যেরূপ স্নেহ ও যত্ন থাকা উচিত ও আবশ্যিক, গোপালচন্দ্রের উপর রাইমণির স্নেহ ও যত্ন তদপেক্ষা অধিকতর ছিল, তাহার সংশয় নাই। কিন্তু আমার আন্তরিক দৃঢ়বিশ্বাস এই, যে, স্নেহ ও যত্ন বিষয়ে, আমার ও গোপালে রাইমণির অণুমাত্র বিভিন্নভাব ছিল না। ফলকথা এই, স্নেহ, দয়া, সৌজন্য, অমায়িকতা, সদ্বিবেচনা প্রভৃতি সদগুণ বিষয়ে, রাইমণির সমকক্ষ স্বীলোক এ পর্যন্ত আমার নয়নগোচর হয় নাই। এই দয়াময়ীর সৌম্যমূর্তি, আমার হৃদয়মন্দিরে, দেবীমূর্তির স্থায়, প্রতিষ্ঠিত হইয়া বিরাজমান রহিয়াছে। প্রসঙ্গক্রমে, তাঁহার কথা উত্থাপিত হইলে, ভগ্নীয় অপ্রতিম গুণের কীর্তন করিতে করিতে, অশ্রুপাত না করিয়া থাকিতে পারি না। আমি স্বীজাতির পক্ষপাতী বলিয়া, অনেকে নির্দেশ করিয়া থাকেন। আমার বোধ হয়, সে নির্দেশ অসঙ্গত নহে। যে ব্যক্তি রাইমণির স্নেহ, দয়া, সৌজন্য প্রভৃতি প্রত্যক্ষ করিয়াছে, এবং ঐ সমস্ত সদগুণের ফলভোগী হইয়াছে, সে যদি স্বীজাতির পক্ষপাতী না হয়, তাহা হইলে, তাহার তুল্য কৃতর পামর ছুমণ্ডলে নাই।'

স্বীজাতির স্নেহদয়াসৌজন্য হইতে বঞ্চিত হইয়াছে, আমাদের মধ্যে এমন হতভাগ্য কয়জন আছে? কিন্তু ক্ষুদ্র হৃদয়ের স্বভাব এই যে, সে যে পরিমাণে অবাচিত উপকার

প্রাপ্ত হয় সেই পরিমাণে অকৃতজ্ঞ হইয়া উঠে। বাহা-কিছু সহজেই পার তাহাই আপনার প্রাপ্য বলিয়া জানে, নিজের দিক হইতে যে কিছুমাত্র দেয় আছে তাহা সহজেই তুলিয়া যায়। আমরাও সংসারে মাঝে মাঝে রাইমণিকে দেখিতে পাই, এবং যখন সেবা করিতে আসেন তখন তাঁহার সমস্ত বস্তু এবং শ্রীতি অবহেলাভরে গ্রহণ করিয়া তাঁহাকে পরম অহুগ্রহ করিয়া থাকি, তিনি যখন চরণপূজা করিতে আসেন তখন আপন পঙ্ককলঙ্কিত পদযুগল অসংকোচে প্রসারিত করিয়া দিয়া অত্যন্ত নির্লজ্জ স্পর্ধাভারে সত্যসত্যই আপনাদিগকে নরদেবতারূপে নারীসম্প্রদায়ের পূজাগ্রহণে অধিকারী বলিয়া জ্ঞান করি। কিন্তু এই-সকল সেবক-পূজক অবলাগণের দুঃখমোচন এবং সুখস্বাস্থ্যবিধানে আমাদের মতো মর্তদেবগণের স্মহৎ ঔদাসীন্য কিছুতেই দূর হয় না; তাহার কারণ, নারীদের কৃত সেবা কেবল আমরা আমাদের সাংসারিক স্বার্থস্বার্থের সহিত জড়িত করিয়া দেখি, তাহা আমাদের হৃদয়ের মধ্যে প্রবেশ করিয়া কৃতজ্ঞতা উদ্রেক করিবার অবকাশ পায় না।

বিদ্যাসাগর প্রথমত বেথুন সাহেবের সহায়তা করিয়া বঙ্গদেশে স্ত্রীশিক্ষার সূচনা ও বিস্তার করিয়া দেন। অবশেষে যখন তিনি বালবিধবাদের দুঃখে ব্যথিত হইয়া বিধবাবিবাহপ্রচলনের চেষ্টা করেন তখন দেশের মধ্যে সংস্কৃত শ্লোক ও বাংলা গালি-মিশ্রিত এক ভূমূল কলকোলাহল উখিত হয়। সেই মুঘলধারে শাস্ত্র ও গালি-বর্ষণের মধ্যে এই ব্রাহ্মণবীর বিজয়ী হইয়া বিধবাবিবাহ শাস্ত্রসম্মত প্রমাণ করিলেন এবং তাহা রাজবিধিসম্মত করিয়া লইলেন।

বিদ্যাসাগর এই সময়ে আরও এক ক্ষুদ্র সামাজিক যুদ্ধে জয়লাভ করিয়াছিলেন, এ স্থলে তাহারও সংক্ষেপে উল্লেখ আবশ্যিক। তখন সংস্কৃতকলেজে কেবল ব্রাহ্মণেরই প্রবেশ ছিল, সেখানে শূদ্রেরা সংস্কৃত পড়িতে পাইত না। বিদ্যাসাগর সকল বাধা অতিক্রম করিয়া শূদ্রদিগকে সংস্কৃতকলেজে বিদ্যালিক্ষার অধিকার দান করেন।

সংস্কৃতকলেজের কর্ম ছাড়িয়া দিবার পর বিদ্যাসাগরের প্রধান কীর্তি মেট্রোপলিটান ইনস্টিটিউশন। বাঙালির নিজের চেষ্টায় এবং নিজের অধীনে উচ্চতর শিক্ষার কলেজ-স্থাপন এই প্রথম। আমাদের দেশে ইংরাজি শিক্ষাকে স্বাধীনভাবে স্থায়ী করিবার এই প্রথম ভিত্তি বিদ্যাসাগর-কর্তৃক প্রতিষ্ঠিত হইল। যিনি দরিদ্র ছিলেন তিনি দেশের প্রধান দাতা হইলেন, যিনি লোকাচাররক্ষক ব্রাহ্মণপণ্ডিতের বংশে জন্মগ্রহণ করিয়াছিলেন তিনি লোকাচারের একটি স্ফূট বন্ধন হইতে সমাজকে মুক্ত করিবার জন্য সুকঠোর সংগ্রাম করিলেন, এবং সংস্কৃত বিদ্যায় বাহার অধিকারের ইয়ত্তা ছিল না তিনিই ইংরাজি বিদ্যাকে প্রকৃতপ্রস্তাবে স্বদেশের ক্ষেত্রে বহুমূল করিয়া

রোপণ করিয়া গেলেন।

বিद्याসাগর তাঁহার জীবনের অবশিষ্টকাল এই ফুল ও কলেজটিকে একাগ্রচিত্তে প্রাণাধিক যত্নে পালন করিয়া, দীনদরিদ্র রোগীর সেবা করিয়া, অকৃতজ্ঞদিগকে মার্জনা করিয়া, বন্ধুবান্ধবদিগকে অপরিমেয় স্নেহে অভিষিক্ত করিয়া, আপন পুষ্পকোমল এবং বজ্রকঠিন বক্ষে দুঃসহ বেদনাশল্য বহন করিয়া, আপন আত্মনির্ভরপর উন্নত বলিষ্ঠ চরিত্রের মহান আদর্শ বাঙালিজাতির মনে চিরাক্তিত করিয়া দিয়া, ১২৯৮ সালের ১৩ই শ্রাবণ রাতে ইহলোক হইতে অপসৃত হইয়া গেলেন।

বিद्याসাগর বঙ্গদেশে তাঁহার অক্ষয় দয়ার জন্ম বিখ্যাত। কারণ, দয়াবৃত্তি আমাদের অশ্রুপাতপ্রবণ বাঙালিহৃদয়কে যত শীঘ্র প্রশংসায় বিচলিত করিতে পারে এমন আর কিছুই নহে। কিন্তু বিद्याসাগরের দয়ায় কেবল যে বাঙালিহৃদয় হৃদয়ের কোমলতা প্রকাশ পায় তাহা নহে, তাহাতে বাঙালিহৃদয় চরিত্রের বলশালিতারও পরিচয় পাওয়া যায়। তাঁহার দয়া কেবল একটা প্রবৃত্তির কণিক উত্তেজনামাত্র নহে, তাহার মধ্যে একটা সচেতন আত্মশক্তির অচল কর্তৃত্ব সর্বদাই বিরাজ করিত বলিয়াই তাহা এমন মহিমশালিনী। এ দয়া অন্তের কষ্টলাঘবের চেষ্টায় আপনাকে কঠিন কষ্টে ফেলিতে মুহূর্তকালের জন্ম কুণ্ঠিত হইত না। সংস্কৃতকলেজে কাজ করিবার সময় ব্যাকরণ-অধ্যাপকের পদ শূন্য হইলে বিद्याসাগর তারানাথ তর্কবাচস্পতির জন্ম মার্শাল সাহেবকে অনুরোধ করেন। সাহেব বলিলেন, তাঁহার চাকরি লইবার ইচ্ছা আছে কি না, অগ্রে জানা আবশ্যিক। শুনিয়া বিद्याসাগর সেইদিনই ত্রিশ কোশ পথ দূরে কালনায় তর্কবাচস্পতির চতুশ্চাঠী-অভিমুখে পদব্রজে যাত্রা করিলেন। পরদিনে তর্কবাচস্পতির সম্মতি ও তাঁহার প্রশংসাপত্রগুলি লইয়া পুনরায় বথাসময়ে সাহেবের নিকট উপস্থিত হইলেন। পরের উপকারকার্যে তিনি আপনার সমস্ত বল ও উৎসাহ প্রয়োগ করিতেন। ইহার মধ্যেও তাঁহার আজন্মকালের একটা জিদ প্রকাশ পাইত। সাধারণত আমাদের দয়ার মধ্যে এই জিদ না থাকিতে তাহা সংকীর্ণ ও স্বল্পফলপ্রসূ হইয়া বিনীর্ণ হইয়া যায়, তাহা পৌরুষমহত্ব লাভ করে না।

কারণ, দয়া বিশেষরূপে স্ত্রীলোকের নহে; প্রকৃত দয়া বথার্থ পুরুষেরই ধর্ম। দয়ার বিধান পূর্ণরূপে পালন করিতে হইলে দৃঢ় বীর্য এবং কঠিন অধ্যবসায় আবশ্যিক। তাহাতে অনেক সময় হৃদয়ব্যাপী ও হৃদয়ীর্ষ কর্মপ্রণালী অহুসরণ করিয়া চলিতে হয়; তাহা কেবল ক্রমকালের আত্মত্যাগের দ্বারা প্রবৃত্তির উচ্ছ্বাসনিবৃত্তি এবং হৃদয়ের ভারলাঘব করা নহে, তাহা দীর্ঘকাল ধরিয়া নানা উপায়ে নানা বাধা অতিক্রম করিয়া হুরুহ উদ্দেশ্যসিদ্ধির অপেক্ষা রাখে।

একবার গবর্মেণ্টের কোনো অত্যাংসাহী ভৃত্য জাহানাবাদ মহকুমার ইন্সপেক্ট্যান্ট, ধার্মের জন্ত উপস্থিত হন। আয়ের স্বল্পতাপ্রযুক্ত বে-সকল ক্ষুদ্র ব্যবসায়ী ইন্সপেক্ট্যান্টের অধীনে না আসিতে পারে, গবর্মেণ্টের এই সূচত্বর শিকারি তাহাদের দুই-তিন জনের নাম একত্র করিয়া ট্যান্টের জালে বদ্ধ করিতেছিলেন। বিষ্ণাসাগর ইহা শুনিয়া তৎক্ষণাৎ ধড়ার গ্রামে অ্যাসেসরুবারুর নিকটে আসিয়া আপত্তি প্রকাশ করেন। বাবুটি তাহাতে কর্ণপাত না করিয়া অভিযোগকারীদিগকে ধমক দিয়া বাধ্য করিলেন। বিষ্ণাসাগর তৎক্ষণাৎ কলিকাতায় আসিয়া লেফ্.টেনেন্ট্ গবর্নরের নিকট বাদী হইলেন। লেফ্.টেনেন্ট্ গবর্নর বর্ধমানের কালেক্টর হারিসন সাহেবকে তদন্ত-জন্ত প্রেরণ করেন। বিষ্ণাসাগর হারিসনের সঙ্গে গ্রামে গ্রামে ব্যবসায়ীদের খাতাপত্র পরীক্ষা করিয়া বেড়াইতে লাগিলেন—এইরূপে দুইমাস কাল অনন্তমনা ও অনন্তকর্মা হইয়া তিনি এই অন্তায়নিবারণে ক্লান্তকাঁধ হইয়াছিলেন।^১

বিষ্ণাসাগরের জীবনে একরূপ দৃষ্টান্ত আরও অনেক দেওয়া যাইতে পারে। কিন্তু একরূপ দৃষ্টান্ত বাংলায় অন্তত্ব হইতে সংগ্রহ করা হুঙ্কর। আমাদের হৃদয় অত্যন্ত কোমল বলিয়া আমরা প্রচার করিয়া থাকি, কিন্তু আমরা কোনো বন্ধুতে যাইতে চাহি না। এই অলস শান্তিপ্রিয়তা আমাদের অনেক সময়েই স্বার্থপর নিষ্ঠুরতার অবতীর্ণ করে। একজন জাহাজি গোরা কিছুমাত্র চিন্তা না করিয়া মজ্জমান ব্যক্তির পশ্চাতে জলে ঝাঁপ দিয়া পড়ে ; কিন্তু একখানা নৌকা যেখানে বিপন্ন অন্ত নৌকাগুলি তাহার কিছুমাত্র সাহায্যচেষ্টা না করিয়া চলিয়া যায়, একরূপ ঘটনা আমাদের দেশে সর্বদাই শুনিতে পাই। দয়ার সহিত বীর্যের সম্মিলন না হইলে সে দয়া অনেক স্থলেই অকিঞ্চিৎকর হইয়া থাকে।

কেবল যে সংকট এবং অধ্যবসায়ের ক্ষেত্রে আমাদের অন্তঃপুরচারিণী দয়া প্রবেশ করিতে চাহে না তাহা নহে। সামাজিক কৃত্রিম শুচিতারকার নিয়ম-সম্বনও তাহার পক্ষে হুঃসাধ্য। আমি জানি, কোনো এক গ্রাম্য মেলায় এক বিদেশী ব্রাহ্মণের মৃত্যু হইলে স্মৃণা করিয়া কেহই তাহার অন্ত্যেষ্টিসংকারের ব্যবস্থা করে নাই, অবশেষে তাহার অস্থপস্থিত আত্মীয়পরিজনের অন্তরে চিরশোকশল্য নিহিত করিয়া ডোমের দ্বারা মৃতদেহ স্মশানে শূগালকুঙ্কুরের মুখে কেলিয়া আসা হয়। আমরা অতি সহজেই 'আহা উহ' এবং অশ্রুপাত করিতে পারি, কিন্তু কর্মক্ষেত্রে পরোপকারের পথে আমরা সহস্র স্বাভাবিক এবং কৃত্রিম বাধার দ্বারা পদে পদে প্রতিহত। বিষ্ণা-

^১ সহোদর পত্রের বিচারক -প্রদত্ত বিষ্ণাসাগরজীবনচরিত

সাগরের কারুণ্য বলিষ্ঠ, পুরুষোচিত, এইজন্য তাহা সরল এবং নির্বিকার ; তাহা কোথাও স্তম্ভ তর্ক তুলিত না, নাসিকাকুঞ্জন করিত না, বসন তুলিয়া ধরিত না— একেবারে ক্ষতপদে, ঋজু রেখায়, নিঃশব্দে, নিঃসংকোচে আপন কার্বে গিয়া প্রবৃত্ত হইত। রোগের বীভৎস মলিনতা তাঁহাকে কখনো রোগীর নিকট হইতে দূরে রাখে নাই। এমন-কি, চণ্ডীচরণবাবুর গ্রন্থে লিখিত আছে, কার্মাটাড়ে এক মেথরজাতীয়া স্ত্রীলোক ওলাউঠায় আক্রান্ত হইলে বিজ্ঞাসাগর স্বয়ং তাহার কুটির উপস্থিত থাকিয়া বহুসময় তাহার সেবা করিতে কুণ্ঠিত হন নাই। বর্ধমান-বাস-কালে তিনি তাঁহার প্রতিবেশী দরিদ্র মুসলমানগণকে আত্মীয়নির্বিশেষে যত্ন করিয়াছিলেন। শ্রীযুক্ত শম্ভুচন্দ্র বিজ্ঞানরত্ন মহাশয় তাঁহার সহোদরের জীবনচরিতে লিখিতেছেন—

‘অল্পসময়ে ভোজনকারিণী স্ত্রীলোকদের মস্তকের কেশগুলি তৈলাভাবে বিরূপ দেখাইত। অগ্রজ মহাশয় তাহা অবলোকন করিয়া দুঃখিত হইয়া তৈলের ব্যবস্থা করিয়াছিলেন, প্রত্যেককে দুই পলা করিয়া তৈল দেওয়া হইত। যাহারা তৈল বিতরণ করিত, তাহারা, পাছে মুচি, হাড়ী, ডোম প্রভৃতি অপকৃষ্ট জাতীয় স্ত্রীলোক স্পর্শ করে, এই আশঙ্কায় তফাৎ হইতে তৈল দিত, ইহা দেখিয়া অগ্রজ মহাশয় স্বয়ং উক্ত অপকৃষ্ট ও অস্পৃশ্য জাতীয় স্ত্রীলোকদের মস্তকে তৈল মাখাইয়া দিতেন।’

এই ঘটনাশ্রবণে আমাদের হৃদয় যে ভক্তিতে উচ্ছ্বসিত হইয়া উঠে তাহা বিজ্ঞাসাগরের দয়া অনুভব করিয়া নহে। কিন্তু তাঁহার দয়ার মধ্য হইতে যে-একটি নিঃসংকোচ বলিষ্ঠ মনুষ্যত্ব পরিস্ফুট হইয়া উঠে তাহা দেখিয়া, আমাদের এই নীচজাতির প্রতি চিরাভ্যস্ত-স্বর্ণা-প্রবণ মনও আপন নিগূঢ়মানবধর্মবশত ভক্তিতে আকৃষ্ট না হইয়া থাকিতে পারে না।

তাঁহার কারুণ্যের মধ্যে যে পৌরুষের লক্ষণ ছিল তাহার অনেক উদাহরণ দেখা যায়। আমাদের দেশে আমরা বাহাদুরগকে ভালোমানুষ অমায়িকপ্রকৃতি বলিয়া প্রশংসা করি, সাধারণত তাঁহাদের চকুলজ্জা বেশি। অর্থাৎ কর্তব্যস্থলে তাঁহারা কাহাকেও বেদনা দিতে পারেন না। বিজ্ঞাসাগরের দয়ায় সেই কাপুরুষতা ছিল না। ঈশ্বরচন্দ্র যখন কলেজের ছাত্র ছিলেন তখন তাঁহাদের বেদান্ত-অধ্যাপক শম্ভুচন্দ্র বাচস্পতির সহিত তাঁহার বিশেষ প্রীতিবন্ধন ছিল। বাচস্পতিমহাশয় বৃদ্ধবয়সে পুনরায় দারপরিগ্রহ করিবার ইচ্ছা করিয়া তাঁহার প্রিয়তম ছাত্রের মত জিজ্ঞাসা করিলে ঈশ্বরচন্দ্র প্রবল আপত্তিপ্রকাশ করিলেন। গুরু বারংবার কাকুতিমিনতি করা সত্ত্বেও তিনি মত-পরিবর্তন করিলেন না। তখন বাচস্পতিমহাশয় ঈশ্বরচন্দ্রের নিষেধে কর্ণপাত না করিয়া এক সুন্দরী বালিকাকে বিবাহপূর্বক তাহাকে আশু বৈধব্যের স্তম্ভরূপে আনয়ন

করিলেন। শ্রীবৃক্ষ চণ্ডীচরণ বন্দ্যোপাধ্যায় মহাশয় তাঁহার বিজ্ঞানাগর গ্রহে এই ব্যাপারের যে পরিণাম বর্ণন করিয়াছেন তাহা এই স্থলে উদ্ধৃত করি।—

‘বাচস্পতিমহাশয় ঈশ্বরচন্দ্রের হাত ধরিয়া বলিলেন, ‘তোমার মাকে দেখিয়া যাও।’ এই বলিয়া দাসীকে নববধূর অবগুষ্ঠন উন্মোচন করিতে বলিলেন, তখন বাচস্পতি মহাশয়ের নববিবাহিতা পত্নীকে দেখিয়া ঈশ্বরচন্দ্র অশ্রুসংবরণ করিতে পারিলেন না। সেই জননীস্থানীয়া বালিকাকে দর্শন করিয়া ও সেই বালিকার পরিণাম চিন্তা করিয়া তিনি বালকের দ্বায় রোদন করিতে লাগিলেন। তখন বাচস্পতি মহাশয় ‘অকল্যাণ করিস্ না রে’ বলিয়া তাঁহাকে লইয়া বাহির বাটীতে আসিলেন এবং নানাপ্রকার শাস্ত্রীয় উপদেশের দ্বারা ঈশ্বরচন্দ্রের মনের উত্তেজনা ও হৃদয়ের আবেগ রোধ করিতে ও তাঁহাকে প্রবোধ দিতে প্রয়াস পাইতে লাগিলেন। পরিশেষে ঈশ্বরচন্দ্রকে কিঞ্চিৎ জল খাইতে অহুরোধ করিলেন। কিন্তু পাষণতুল্য কঠিন প্রতিজ্ঞাপরায়ণ ঈশ্বরচন্দ্র জলযোগ করিতে সম্পূর্ণরূপে অসম্মত হইয়া বলিলেন, ‘এ ভিটায় আর কখনও জলস্পর্শ করিব না।’

বিজ্ঞানাগরের হৃদয়বৃন্তির মধ্যে যে বলিষ্ঠতা দেখা যায় তাঁহার বুদ্ধিবৃন্তির মধ্যেও তাহার পরিপূর্ণ প্রভাব প্রকাশ পায়। বাঙালির বুদ্ধি সহজেই অত্যন্ত সূক্ষ্ম। তাহার দ্বারা চুল চেঁচা যায়, কিন্তু বড়ো বড়ো গ্রহি ছেদন করা যায় না। তাহা সূনিপুণ, কিন্তু সবল নহে। আমাদের বুদ্ধি ঘোড়দৌড়ের ঘোড়ার মতো অতিসূক্ষ্ম তর্কের বাহাছুরিতে ছোট্টে ভালো, কিন্তু কর্মের পথে গাড়ি লইয়া চলে না। বিজ্ঞানাগর যদ্বিচ ব্রাহ্মণ এবং জ্ঞানশাস্ত্রও যথোচিত অধ্যয়ন করিয়াছিলেন তথাপি বাহাকে বলে কাণ্ডজ্ঞান সেটা তাঁহার যথেষ্ট ছিল। এই কাণ্ডজ্ঞানটি যদি না থাকিত, তবে যিনি এক সময় ছোলা ও বাতাসা জলপান করিয়া পাঠশিক্ষা করিয়াছিলেন তিনি অকুতোভয়ে চাকরি ছাড়িয়া দিয়া স্বাধীন জীবিকা অবলম্বন করিয়া জীবনের মধ্যপথে সচ্ছল স্বচ্ছন্দাবস্থায় উত্তীর্ণ হইতে পারিতেন না। আশ্চর্যের বিষয় এই যে, দয়ার অহুরোধে যিনি ছুরি ছুরি স্বার্থত্যাগ করিয়াছেন, যিনি স্বার্থের অহুরোধে আপন মহোচ্চ আত্মসম্মানকে মুহূর্তের জন্য তিলমাত্র অবনত হইতে দেন নাই, যিনি আপনার জ্ঞানসংকল্পের ঋজুরেখা হইতে কোনো মন্ত্রণায় কোনো প্রলোভনে দক্ষিণে বামে কেশাগ্রপরিমাণ হেলিতে চাহেন নাই, তিনি কিরূপ প্রশস্ত বুদ্ধি এবং দৃঢ় প্রতিজ্ঞার বলে সংগতিসম্পন্ন হইয়া সহস্রের আশ্রয়দাতা হইয়াছিলেন। গিরিশঙ্করের দেবদাক্ষকর্ম যেমন শুক শিলাস্তরের মধ্যে অহুরিত হইয়া, প্রাণঘাতক হিমালীবৃষ্টি শিরোধার্য করিয়া, নিজের আত্যন্তরীণ কঠিন শক্তির দ্বারা আপনাকে প্রচুরসরসশাখাপল্লবসম্পন্ন সরল

রবীন্দ্র-রচনাবলী

মহিমায় অলভেদী করিয়া তুলে— তেমনি এই ব্রাহ্মণতন্ত্র জন্মদারিত্র্য এবং সর্বপ্রকার প্রতিকূলতার মধ্যেও কেবল নিজের মজ্জাগত অপর্ধাপ্ত বলবুদ্ধির দ্বারা নিজেকে যেন অনায়াসেই এমন সরল, এমন প্রবল, এমন সমুন্নত, এমন সর্বসম্পাংশালী করিয়া তুলিয়াছিলেন।

মেট্রোপলিটান বিদ্যালয়কে তিনি যে একাকী সর্বপ্রকার বিঘ্নবিপত্তি হইতে রক্ষা করিয়া তাহাকে সর্গোরবে বিশ্ববিদ্যালয়ের সহিত সংযুক্ত করিয়া দিলেন, ইহাতে বিদ্যালয়গরের কেবল লোকহিতৈষা ও অধ্যবসায় নহে, তাঁহার সজাগ ও সহজ কর্ম-বুদ্ধি প্রকাশ পায়। এই বুদ্ধিই ষথার্থ পুরুষের বুদ্ধি— এই বুদ্ধি হৃদয়সম্ভবপর কালনিক বাধাবিঘ্ন ও ফলাফলের সূক্ষ্মাতিসূক্ষ্ম বিচারজালের দ্বারা আপনাকে নিরুপায় অকর্মণ্যতার মধ্যে জড়ীভূত করিয়া বসে না; এই বুদ্ধি, কেবল সূক্ষ্মভাবে নহে, প্রত্যুত প্রশস্তভাবে সমগ্রভাবে কর্ম ও কর্মক্ষেত্রের আত্মোপাস্ত দেখিয়া লইয়া, বিধা বিসর্জন দিয়া, মুহূর্তের মধ্যে উপস্থিত বাধার মর্মস্থল আক্রমণ করিয়া, বীরের মতো কাজ করিয়া যায়। এই সবল কর্মবুদ্ধি বাঙালির মধ্যে বিরল।

যেমন কর্মবুদ্ধি তেমনি ধর্মবুদ্ধির মধ্যেও একটা সবল কাণ্ডজ্ঞান থাকিলে তাহার দ্বারা ষথার্থ কাজ পাওয়া যায়। কবি বলিয়াছেন : ধর্মস্ত সূক্ষ্মা গতিঃ। ধর্মের গতি সূক্ষ্ম হইতে পারে, কিন্তু ধর্মের নীতি সরল ও প্রশস্ত। কারণ, তাহা বিশ্বসাধারণের এবং নিত্যকালের। তাহা পণ্ডিতের এবং তর্কিকের নহে। কিন্তু মনুষ্যের দুর্ভাগ্যক্রমে মানুষ আপন সংস্রবের সকল জিনিসকেই অলক্ষিতভাবে কৃত্রিম ও জটিল করিয়া তুলে। যাহা সরল, যাহা স্বাভাবিক, যাহা উন্মুক্ত-উদার, যাহা মূল্য দিয়া কিনিতে হয় না, বিধাতা যাহা আলোক ও বায়ুর দ্বারা মনুষ্যসাধারণকে অবাচিত দান করিয়াছেন, মানুষ আপনি তাহাকে দুর্মূল্য দুর্গম করিয়া দেয়। সেই জন্ত সহজ কথা ও সরল ভাব প্রচারের জন্ত লোকোত্তর মহত্বের অপেক্ষা করিতে হয়।

বিদ্যালয়গর বালবিধবাবিবাহের ঔচিত্য সম্বন্ধে যে প্রস্তাব করিয়াছেন তাহাও অত্যন্ত সহজ; তাহার মধ্যে কোনো নূতনত্বের অসামান্য নৈপুণ্য নাই। তিনি প্রত্যক্ষ ব্যাপারকে সম্পূর্ণ উপেক্ষা করিয়া এক অমূলক কল্পনালোক সৃজন করিতে আপন শক্তির অপব্যয় করেন নাই। তিনি তাঁহার বিধবাবিবাহগ্রহে আমাদিগকে সন্মোদন করিয়া যে আক্ষেপোক্তি প্রকাশ করিয়াছেন তাহা উদ্ভূত করিলেই আমার কথাটি পরিষ্কার হইবে।—

‘হা ভারতবর্ষীয় মানবগণ!... অভ্যাসদোষে তোমাদের বুদ্ধিবৃত্তি ও ধর্মপ্রবৃত্তি

সকল এরূপ কলুষিত হইয়া গিয়াছে ও অভিতুত হইয়া রহিয়াছে যে, হতভাগা বিধবা-
দিগের ছুরবহা দর্শনে, তোমাদের চিরন্তন নীরস হৃদয়ে কারুণ্য রসের সঞ্চার হওয়া
কঠিন এবং ব্যভিচার দোষের ও ভ্রূণহত্যা পাপের প্রবল স্রোতে দেশ উচ্ছলিত হইতে
দেখিয়াও, মনে ঘৃণার উদয় হওয়া অসম্ভাবিত। তোমরা প্রাণতুল্য কন্যা প্রভৃতিকে
অসহ বৈধব্যব্রতগানলে দগ্ধ করিতে সম্মত আছ; তাহারা দুর্নিবার-রিপু-বশীভূত হইয়া,
ব্যভিচারদোষে দূষিত হইলে, তাহার পোষকতা করিতে সম্মত আছ; ধর্মলোপভয়ে
জলাঞ্জলি দিয়া, কেবল লোকলজ্জাভয়ে, তাহাদের ভ্রূণহত্যার সহায়তা করিয়া, স্বয়ং
সপরিবারে পাপপঙ্কে কলঙ্কিত হইতে সম্মত আছ; কিন্তু, কি আশ্চর্য! শাস্ত্রের
বিধি অবলম্বন পূর্বক, তাহাদের পুনরায় বিবাহ দিয়া, তাহাদিগকে ছঃসহ বৈধব্য
ব্রতগা হইতে পরিভ্রাণ করিতে এবং আপনাদিগকেও সকল বিপদ হইতে মুক্ত করিতে
সম্মত নহ। তোমরা মনে কর, পতিবিয়োগ হইলেই, স্ত্রীজাতির শরীর পাষণ্ডময়
হইয়া যায়; দুঃখ আর দুঃখ বলিয়া বোধ হয় না; ব্রতগা আর ব্রতগা বলিয়া বোধ হয়
না; দুর্জয় রিপুবর্গ এককালে নির্মূল হইয়া যায়। কিন্তু, তোমাদের এই সিদ্ধান্ত যে
নিতান্ত ভ্রান্তিমূলক, পদে পদে তাহার উদাহরণ প্রাপ্ত হইতেছে। ভাবিয়া দেখ, এই
অনবধানদোষে, সংসারতরুর কি বিষময় ফল ভোগ করিতেছে !’

রমণীর দেবীত্ব ও বালিকার ব্রহ্মচর্যমাহাত্ম্যের সম্বন্ধে বিদ্যাসাগর আকাশগামী
ভাবুকতার ভূরিপরিমাণ সজল বাষ্প সৃষ্টি করিতে বসেন নাই; তিনি তাঁহার পরিষ্কার
সবল বুদ্ধি ও সরল সজ্জদয়তা লইয়া সমাজের স্বার্থ অবস্থা ও প্রকৃত বেদনার সঙ্করণ
হস্তক্ষেপ করিয়াছেন। কেবলমাত্র মধুর বাক্যরসে চিঁড়াকে সরস করিতে সেই
ছায় বাহার দধি নাই। কিন্তু বিদ্যাসাগরের দধির অভাব না থাকাতে বাকপটুতার
প্রয়োজন হয় নাই। দয়া আপনি দুঃখের স্থানে গিয়া আকৃষ্ট হয়। বিদ্যাসাগর স্পষ্ট
দেখিতেছেন যে, প্রকৃত সংসারে বিধবা হইবামাত্র বালিকা হঠাৎ দেবী হইয়া উঠে
না, এবং আমরাও তাহার চতুর্দিকে নিষ্কলঙ্ক দেবলোক সৃষ্টি করিয়া বসিয়া নাই;
এমন অবস্থায় সেও দুঃখ পায়, সমাজেরও রাশি রাশি অমঙ্গল ঘটে, ইহা প্রতিদিনের
প্রত্যক্ষ সত্য। সেই দুঃখ সেই অকল্যাণ-নিবারণের উপযুক্ত উপায় অবলম্বন না
করিয়া বিদ্যাসাগর থাকিতে পারেন না। আমরা সে স্থলে স্ননিপুণ কাব্যকলা-প্রয়োগ-
পূর্বক একটা স্বকপোলকল্পিত জগতের আদর্শ বৈধব্য কল্পনা করিয়া ভূপ্তিলাভ করি।
কারণ, তাঁহার সবল ধর্মবুদ্ধিতে তিনি সহজেই যে বেদনা বোধ করিয়াছেন আমরা
সেই বেদনা স্বার্থরূপে হৃদয়ের মধ্যে অহুভব করি না। সেইজন্য এ সম্বন্ধে আমাদের
রচনার নৈপুণ্য প্রকাশ পায়, সরলতা প্রকাশ পায় না। স্বার্থ সবলতার সঙ্গে সঙ্গেই

একটা স্ববৃহৎ সরলতা থাকে।

এই সরলতা, কেবল মতামতে নহে, লোকব্যবহারেও প্রকাশ পায়। বিজ্ঞানাগর পিতৃদর্শনে কাশীতে গমন করিলে সেখানকার অর্থলোলুপ কতকগুলি ব্রাহ্মণ তাঁহাকে টাকার জন্য ধরিয়া পড়িয়াছিল। বিজ্ঞানাগর তাহাদের অবস্থা ও স্বভাব দৃষ্টে তাহাদিগকে দয়া অথবা ভক্তির পাত্র বলিয়া জ্ঞান করেন নাই, সেইজন্য তৎক্ষণাৎ অকপটচিত্তে উত্তর দিলেন, 'এখানে আছেন বলিয়া, আপনাদিগকে যদি আমি ভক্তি বা শ্রদ্ধা করিয়া বিশেষর বলিয়া মান্ত করি, তাহা হইলে আমার মতো নরাধম আর নাই।' ইহা শুনিয়া কাশীর ব্রাহ্মণেরা ক্রোধাক্ত হইয়া বলেন, 'তবে আপনি কী মানেন।' বিজ্ঞানাগর উত্তর করিলেন, 'আমার বিশেষর ও অন্নপূর্ণা, উপস্থিত এই পিতৃদেব ও জননীদেবী বিরাজমান।' ১

যে বিজ্ঞানাগর হীনতম শ্রেণীর লোকেরও দুঃখমোচনে অর্থব্যয় করিতে কৃষ্টিত হইতেন না, তিনি কৃত্রিম কপট ভক্তি দেখাইয়া কাশীর ব্রাহ্মণের প্রার্থনা পূর্ণ করিতে পারিলেন না। ইহাই বলিষ্ঠ সরলতা, ইহাই স্বার্থ পৌরুষ।

নিজের অশনবসনেও বিজ্ঞানাগরের একটি অটল সরলতা ছিল। এবং সেই সরলতার মধ্যেও দৃঢ় বলের পরিচয় পাওয়া যায়। পূর্বেই দৃষ্টান্ত দেখানো গিয়াছে, নিজের তিলমাত্র সন্মান রক্ষার প্রতিও তাঁহার লেশমাত্র শৈথিল্য ছিল না। আমরা সাধারণত প্রবল সাহেবি অথবা প্রচুর নবাবি দেখাইয়া সন্মানলাভের চেষ্টা করিয়া থাকি। কিন্তু আড়ম্বরের চাপল্য বিজ্ঞানাগরের উন্নত-কঠোর আত্মসন্মানকে কখনো স্পর্শ করিতে পারিত না। ভূষণহীন সারল্যই তাঁহার রাজভূষণ ছিল। ঈশ্বরচন্দ্র যখন কলিকাতায় অধ্যয়ন করিতেন তখন তাঁহার দরিদ্রা 'জননীদেবী চরখায় সূতা কাটিয়া উভয় পুত্রের বস্ত্র প্রস্তুত করিয়া কলিকাতায় পাঠাইতেন।' ২ সেই মোটা কাপড়, সেই মাতৃস্নেহমণ্ডিত দারিদ্র্য তিনি চিরকাল সগৌরবে সর্বাঙ্গে ধারণ করিয়াছিলেন। তাঁহার বন্ধু তদানীন্তন লেক্টেন্যান্ট গবর্নর হ্যালিডে সাহেব তাঁহাকে রাজসাক্ষাতের উপযুক্ত সাজ করিয়া আসিতে অস্বরোধ করেন। বন্ধুর অস্বরোধে বিজ্ঞানাগর কেবল দুই-একদিন চোগা-চাপকান পরিয়া সাহেবের সহিত দেখা করিতে গিয়াছিলেন। কিন্তু সে সজ্জা আর সহ্য করিতে পারিলেন না। বলিলেন, 'আমাকে যদি এই বেশে আসিতে হয়, তবে এখানে আর আমি আসিতে পারিব না।' হ্যালিডে তাঁহাকে তাঁহার অভ্যস্ত বেশে আসিতে অস্বমতি দিলেন। ব্রাহ্মণপণ্ডিত যে চটিছুতা ও মোটা ধুতিচাদর

১ মহোদয় পদুচন্দ্র বিহারয় -প্রণীত বিজ্ঞানাগরজীবনচরিত

পরিত্যাগ করিয়া সর্বত্র সম্মানলাভ করেন বিদ্যাসাগর রাজদ্বারেও তাহা ত্যাগ করিবার আবশ্যিকতা বোধ করেন নাই। তাঁহার নিজের সমাজে যখন ইহাই ভ্রমবেশ তখন তিনি অন্য সমাজে অন্য বেশ পরিত্যাগ আপন সমাজের ও সেই সঙ্গে আপনাব্যবসায়ের অবমাননা করিতে চাহেন নাই। সাদা ধুতি ও সাদা চাদরকে ঈশ্বরচন্দ্রে যে গৌরব অর্পণ করিয়াছিলেন আমাদের বর্তমান রাজাদের ছদ্মবেশ পরিত্যাগ আমরা আপনাদিগকে সে গৌরব দিতে পারি না, বরঞ্চ এই কৃষ্ণচর্মের উপর শিঙণতর কৃষ্ণকলঙ্ক লেপন করি। আমাদের এই অবমানিত দেশে ঈশ্বরচন্দ্রের মতো এমন অখণ্ড পৌরুষের আদর্শ কেমন করিয়া অনুগ্রহণ করিল, আমরা বলিতে পারি না। কাকের বাসায় কোকিলে ডিম পাড়িয়া যায়, মানব-ইতিহাসের বিধাতা সেইরূপ গোপনে কৌশলে বঙ্গভূমির প্রতি বিদ্যাসাগরকে মাহুষ করিবার ভার দিয়াছিলেন।

সেইসময় বিদ্যাসাগর এই বঙ্গদেশে একক ছিলেন। এখানে যেন তাঁহার স্বজাতিসৌন্দর্য কেহ ছিল না। এ দেশে তিনি তাঁহার সমযোগ্য সহযোগীর অভাবে আয়তুকাল নির্বাসন ভোগ করিয়া গিয়াছেন। তিনি স্বাধীন ছিলেন না। তিনি নিজের মধ্যে যে এক অকৃত্রিম মনুষ্যত্ব সর্বদাই অহুত্ব করিতেন চারি দিকের জনমণ্ডলীর মধ্যে তাহার আভাস দেখিতে পান নাই। তিনি উপকার করিয়া কৃতজ্ঞতা পাইয়াছেন, কার্যকালে সহায়তা প্রাপ্ত হন নাই। তিনি প্রতিদিন দেখিয়াছেন— আমরা আরম্ভ করি, শেষ করি না; আড়ম্বর করি, কাজ করি না; যাহা অহুত্ব করি তাহা বিশ্বাস করি না; যাহা বিশ্বাস করি তাহা পালন করি না; ভূরিপরিমাণ বাক্যরচনা করিতে পারি, তিলপরিমাণ আত্মত্যাগ করিতে পারি না; আমরা অহংকার দেখাইয়া পরিতৃপ্ত থাকি, যোগ্যতালাভের চেষ্টা করি না; আমরা সকল কাজেই পরের প্রত্যাশা করি, অথচ পরের ক্রটি লইয়া আকাশ বিদীর্ণ করিতে থাকি; পরের অহুত্বের আশ্রয় আমাদের গর্ব, পরের অহুত্বের আশ্রয় আমাদের সম্মান, পরের চক্ষে ধূলিনিক্ষেপ করিয়া আমাদের পলিটিক্‌স্, এবং নিজের বাক্‌চাতুর্যে নিজের প্রতি ভক্তিবিশ্বাস হইয়া উঠাই আমাদের জীবনের প্রধান উদ্দেশ্য। এই দুর্বল, ক্ষুদ্র, হৃদয়হীন, কর্মহীন, দার্শনিক, তাত্ত্বিক জাতির প্রতি বিদ্যাসাগরের এক সুগভীর শিক্কার ছিল। কারণ, তিনি সর্ববিষয়েই ইহাদের বিপরীত ছিলেন। বৃহৎ বনস্পতি যেমন ক্ষুদ্র বনজঙ্গলের পরিবেষ্টন হইতে ক্রমেই শূন্য আকাশে মস্তক তুলিয়া উঠে বিদ্যাসাগর সেইরূপ বয়োবৃদ্ধি-সহকারে বঙ্গসমাজের সমস্ত অস্বাস্থ্যকর ক্ষুদ্রতাজান হইতে ক্রমশই শব্দহীন হৃদয় নির্জনে উত্থান করিয়াছিলেন, সেখান হইতে তিনি তাপিতকে ছায়া এবং ক্ষুধিতকে কল দান করিতেন, কিন্তু আমাদের শতসহস্র কণ্ঠস্বরী সত্যসত্যিতির বিলিখংকার

হইতে সম্পূর্ণ স্বতন্ত্র ছিলেন। ক্ষুধিত পীড়িত অনাথ-অসহায়দের জন্য আজ তিনি বর্তমান নাই, কিন্তু তাঁহার মহৎচরিত্রের যে অক্ষয়বট তিনি বঙ্গভূমিতে রোপণ করিয়া গিয়াছেন তাহার তলদেশ সমস্ত বাঙালিজাতির তীর্থস্থান হইয়াছে। আমরা সেইখানে আসিয়া আমাদের তুচ্ছতা, ক্ষুদ্রতা, নিফল আড়ম্বর ভুলিয়া, স্মরণতম তর্ক-জাল এবং স্থূলতম জড়ত্ব বিচ্ছিন্ন করিয়া, সরল সবল অটল মাহাত্ম্যের শিক্ষা লাভ করিয়া যাইব। আজ আমরা বিদ্যাসাগরকে কেবল বিদ্যা ও দয়ার আধার বলিয়া জানি— এই বৃহৎ পৃথিবীর সংস্রবে আসিয়া যতই আমরা মানুষ হইয়া উঠিব, যতই আমরা পুরুষের মতো দুর্গমবিস্তীর্ণ কর্মক্ষেত্রে অগ্রসর হইতে থাকিব, বিচিত্র শৌর্ধ-বীর্ষ-মহত্বের সহিত যতই আমাদের প্রত্যক্ষ সন্নিহিত ভাবে পরিচয় হইবে, ততই আমরা নিজের অন্তরের মধ্যে অনুভব করিতে থাকিব যে, দয়া নহে, বিদ্যা নহে, ঈশ্বরচন্দ্র বিদ্যাসাগরের চরিত্রে প্রধান গৌরব তাঁহার অজ্ঞেয় পৌরুষ, তাঁহার অক্ষয় মনুষ্যত্ব; এবং যতই তাহা অনুভব করিব ততই আমাদের শিক্ষা সম্পূর্ণ ও বিধাতার উদ্দেশ্য সফল হইবে, এবং বিদ্যাসাগরের চরিত্র বাঙালির জাতীয় জীবনে চিরদিনের জন্য প্রতিষ্ঠিত হইয়া থাকিবে।

ভাদ্র ১৩০২

বিদ্যাসাগরচরিত

প্রদ্বান্দ্বদ শ্রীযুক্ত শিবনাথ শাস্ত্রী মহাশয় বিদ্যাসাগরের জীবনী সম্বন্ধে যে প্রবন্ধ প্রকাশ করিয়াছেন তাহার আরম্ভে যোগবাশিষ্ঠ হইতে নিম্নলিখিত শ্লোকটি উদ্ধৃত করিয়া দিয়াছেন—

তরবোহপি হি জীবন্তি জীবন্তি যুগপক্ষিণঃ ।

স জীবন্তি মনো যন্ত মনেন হি জীবন্তি ।

তরলতাও জীবনধারণ করে, পশুপক্ষীও জীবনধারণ করে; কিন্তু সেই প্রকৃত-রূপে জীবিত যে মনের দ্বারা জীবিত থাকে।

মনের জীবন মননক্রিয়া এবং সেই জীবনেই মনুষ্যত্ব।

প্রাণ সমস্ত দেহকে ঐক্যদান করিয়া তাহার বিচিত্র কার্যসকলকে একতন্ত্রে নিয়মিত করে। প্রাণ চলিয়া গেলে দেহ পঞ্চদপ্রাপ্ত হয়; তাহার ঐক্য ছিন্ন হইয়া মাটির অংশ মাটিতে, জলের অংশ জলে মিশিয়া যায়। নিয়তক্রিয়াশীল নিরলস প্রাণই

এই শরীরটাকে মাটি হইতে, জল হইতে উচ্চ করিয়া, স্বতন্ত্র করিয়া, এক করিয়া স্বত্চালিত এক অপূর্ব ইন্দ্রজাল রচনা করে।

মনের যে জীবন, শাস্ত্রে যাহাকে মনন বলিতেছে, তাহাও সেইরূপ মনকে এক করিয়া তাহাকে তাহার সমস্ত তুচ্ছতা, সমস্ত অস্বচ্ছতা হইতে উদ্ধার করিয়া, খাড়া করিয়া গড়িয়া তোলে। সেই মনন-দ্বারা ঐক্যপ্রাপ্ত মন বিচ্ছিন্নভাবে বিক্ষিপ্ত হইয়া থাকে না, সে মন বাহ্যপ্রবাহের মুখে জড়পুঞ্জের মতো ভাসিয়া যায় না।

কোনো মনস্বী ইংরাজ লেখক বলিয়াছেন—

এমন লোকটি পাওয়া দুর্লভ যিনি নিজের পায়ের উপর খাড়া হইয়া দাঁড়াইতে পারেন, যিনি নিজের চিত্তবৃত্তিসম্বন্ধে সচেতন, কর্মশ্রোতকে প্রবাহিত এবং প্রতিহত করিবার মতো বল যাহার আছে, যিনি ধাবমান জনতা হইতে আপনাকে উর্ধ্বে রাখিতে পারেন এবং সেই জনতাপ্রবাহ কোথা হইতে আসিতেছে ও কোথায় তাহার গতি তৎসম্বন্ধে যাহার একটি পরিষ্কৃত সংস্কার আছে।

উক্ত লেখক যাহা বলিয়াছেন, তাহাকে সংক্ষেপে বলিতে হইলে বলা যায় যে, এমন লোক দুর্লভ 'মনো যন্ত মননেন হি জীবতি'।

সাধারণ লোকের মধ্যে মন-নামক যে একটা ব্যাপার আছে বলিয়া ভ্রম হয় তাহাকে খাড়া রাখিয়াছে কিসে? কেবল প্রথা এবং অভ্যাসে। তাহার জড় অঙ্গগুলি অভ্যাসের আঁটা দিয়া জোড়া, তাহা প্রাণের বন্ধনে এক হইয়া নাই। তাহার গতি চির-কাল-প্রবাহিত দশ জনের গতি, তাহার অশুভন দিন কল্যাণন দিনের অভ্যস্ত অঙ্গ পুনরাবৃত্তিমাত্র।

জলের মধ্যে তৃণ যেমন করিয়া ভাসিয়া যায়, মাছ তেমন করিয়া ভাসে না। তৃণের পথ এবং মাছের পথ সর্বদাই এক নহে। মাছকে খাণ্ডের অকুসরণে, আত্মরক্ষার উদ্দেশ্যনার নিয়ত আপনার পথ আপনি খুঁজিয়া লইতে লয়; তৃণ সে প্রয়োজন অনুভবই করে না।

মননক্রিয়ার দ্বারা যে মন জীবিত তাহাকেও আত্মরক্ষার জন্যই নিজের পথ নিজে খুঁজিয়া বাহির করিতে হয়। দশ জনের মধ্যে ভাসিয়া চলা তাহার পক্ষে একেবারেই অসম্ভব।

সাধারণ বাঙালির সহিত বিজ্ঞানাগরের যে-একটি জাতিগত স্মৃহান প্রভেদ দেখিতে পাওয়া যায় সে প্রভেদ শাস্ত্রীমহাশয় বোম্বাইশিঠের একটিমাত্র শ্লোকের দ্বারা পরিস্ফুট করিয়াছেন। আমাদের অপেক্ষা বিজ্ঞানাগরের একটা জীবন অধিক ছিল। তিনি কেবল বিজ্ঞ ছিলেন না, তিনি বিগুণজীবিত ছিলেন।

সেইজন্য তাঁহার লক্ষ্য, তাঁহার আচরণ, তাঁহার কার্যপ্রণালী আমাদের মতো ছিল না। আমাদের সম্মুখে আছে আমাদের ব্যক্তিগত সুখদুঃখ, ব্যক্তিগত লাভক্ষতি ; তাঁহার সম্মুখেও অবশ্য সেগুলো ছিল, কিন্তু তাহার উপরেও ছিল তাঁহার অন্তর্জীবনের সুখদুঃখ, মনোজীবনের লাভক্ষতি। সেই সুখদুঃখ লাভক্ষতির নিকট বাহ্য সুখদুঃখ লাভক্ষতি কিছুই নহে।

আমাদের বহির্জীবনেরও একটা লক্ষ্য আছে, তাহাকে সমস্ত জড়াইয়া এক কথায় স্বার্থ বলা যায়। আমাদের খাওয়া-পরা-শোওয়া, কাজকর্ম করা— সমস্ত স্বার্থের অঙ্গ। ইহাই আমাদের বহির্জীবনের মূলগ্রন্থি।

মননের দ্বারা আমরা যে অন্তর্জীবন লাভ করি তাহার মূল লক্ষ্য পরমার্থ। এই আম-মহল ও খাস-মহলের দুই কর্তা— স্বার্থ ও পরমার্থ। ইহাদের সামঞ্জস্যসাধন করিয়া চলাই মানবজীবনের আদর্শ। কিন্তু মধ্যে মধ্যে সংসারের বিপাকে পড়িয়া যে অবস্থায় ‘অর্থঃ ত্যজতি পণ্ডিতঃ’ তখন পরমার্থকে রাখিয়া স্বার্থই পরিত্যাগ্য, এবং যাহার মনোজীবন প্রবল তিনি অবলীলাক্রমে সেই কাজ করিয়া থাকেন।

অধিকাংশের মন সজীব নয় বলিয়া শাস্ত্রে এবং লোকাচারে আমাদের মনঃপুস্তলী-যন্ত্রে দম দিয়া তাহাকে একপ্রকার কৃত্রিম গতি দান করে। কেবল সেই জোরে আমরা বহুকাল ধরিয়া দয়া করি না, দান করি— ভক্তি করি না, পূজা করি— চিন্তা করি না, কর্ম করি— বোধ করি না, অথচ সেইজন্যই কোন্টা ভালো ও কোন্টা মন্দ তাহা অত্যন্ত জোরের সহিত অতিশয় সংক্ষেপে চোখ বুজিয়া ঘোষণা করি। ইহাতে সজীব-দেবতা-স্বরূপ পরমার্থ আমাদের মনে জাগ্রত না থাকিলেও তাহার জড়প্রতিমা কোনোমতে আপনার ঠাঁট বজায় রাখে।

এই নির্জীবতা ধরা পড়ে বাধা নিয়মের নিশ্চেষ্ট অহুসরণ-দ্বারা। যে সমাজে একজন অবিকল আর-একজনের মতো এবং এক কালের সহিত অন্য কালের বিশেষ প্রভেদ খুঁজিয়া পাওয়া যায় না, সে সমাজে পরমার্থ সজীব নাই এবং মননক্রিয়া একেবারে বন্ধ হইয়া গেছে এ কথা নিশ্চয় বলা যাইতে পারে।

আমাদের দেশের কবি তাই বলিয়াছেন : গতানুগতিকো লোকো ন লোকঃ পারমার্থিকঃ। অর্থাৎ, লোক গতানুগতিক। লোক যে পারমার্থিক নহে এবং পারমার্থিক লোক গতানুগতিক হইয়া থাকিতে পারেন না, কবি এই নিগূঢ় কথাটি অহুত্ব করিয়াছেন।

বিষ্ণুসাগর আর বাহাই হউন, গতানুগতিক ছিলেন না। কেন ছিলেন না তাহার প্রধান কারণ, মননজীবনই তাঁহার মুখ্য জীবন ছিল।

অবশ্য, সকল দেশেই গতানুগতিকের সংখ্যা বেশি। কিন্তু যে দেশে স্বাধীনতার স্মৃতি ও বিচিত্র কর্মের চাকল্য সর্বদা বর্তমান সেখানে লোকসমাজমহনে সেই অমৃত উঠে বাহাতে মনকে জীবনদান করে, মননক্রিয়াকে সতেজ করিয়া তোলে।

তথাপি সকলেই জানেন, কার্নাইলের ছায় লেখক তাঁহাদের দেশের সাধারণ জনসমাজের অন্ধ মূঢ়তাকে কিরূপ স্মৃতিভাৱে সঁৎসনা করিয়াছেন।

কার্নাইল বাহাকে hero অর্থাৎ বীর বলেন, তিনি কে।—

The hero is he who lives in the inward sphere of things, in the True, Divine and Eternal, which exists always, unseen to most, under the Temporary, Trivial ; his being is in that ; he declares that abroad ; by act or speech, as it may be, in declaring himself abroad.

অর্থাৎ, তিনিই বীর যিনি বিষয়পুঞ্জের অন্তরতর রাজ্যে সত্য এবং দিব্য এবং অনন্তকে আশ্রয় করিয়া আছেন— যে সত্য, দিব্য ও অনন্ত পদার্থ অধিকাংশের অগোচরে চারি দিকের তুচ্ছ এবং কণিক ব্যাপারের অভ্যন্তরে নিত্যকাল বিরাজ করিতেছেন ; সেই অন্তররাজ্যেই তাঁহার অস্তিত্ব ; কর্ম-দ্বারা অথবা বাক্য-দ্বারা নিজেকে বাহিরে প্রকাশ করিয়া তিনি সেই অন্তররাজ্যকেই বাহিরে বিস্তার করিতেছেন।

কার্নাইলের মতে ইহারা কাপড় ঝুলাইবার আলনা বা হজম করিবার যন্ত্র নহেন, ইহারা সজীব মনুষ্য, অর্থাৎ, সেই একই কথা— স জীবতি মনো যন্ত মনেন হি জীবতি। অথবা অন্ত কবির ভাষায়, ইহারা গতানুগতিকমাত্র নহেন, ইহারা পারমার্থিক।

আমরা স্বার্থকে যেমন সহজে এবং স্মৃতিভাৱে অনুভব করি, মননজীবিগণ পরমার্থকে ঠিক তেমনি সহজে অনুভব করেন এবং তাহার দ্বারা তেমনি অনায়াসে চালিত হন। তাঁহাদের দ্বিতীয় জীবন, তাঁহাদের অন্তরতর প্রাণ, যে খাঙ্গ চায়, যে বেদনা বোধ করে, যে আনন্দামৃতে সাংসারিক কতি এবং মৃত্যুর বিরুদ্ধেও অমর হইয়া উঠে, আমাদের নিকট তাহার অস্তিত্বই নাই।

পৃথিবীর এমন এক দিন ছিল যখন সে কেবল আপনার প্রবীড়িত ধাতুপ্রস্তুতময় ভূপিও লইয়া সূর্যকে প্রদক্ষিণ করিত। বহুগুণ পরে তাহার নিজের অভ্যন্তরে এক অপক্লপ প্রাণশক্তির বিকাশে জীবনে এবং সৌন্দর্যে তাহার হল জল পরিপূর্ণ হইয়া গেল।

মানবসমাজেও মননশক্তি-দ্বারা মনঃসৃষ্টি বহুগুণের এক বিচিত্র ব্যাপার। তাহার

সৃষ্টিকার্য অনবরত চলিতেছে, কিন্তু এখনও সর্বত্র যেন দানা বাঁধিয়া উঠে নাই। মাঝে মাঝে এক-এক স্থানে যখন তাহা পরিষ্কৃত হইয়া উঠে তখন চারি দিকের সহিত তাহার পার্থক্য অত্যন্ত বেশি বোধ হয়।

বাংলাদেশে বিজ্ঞানাগরকে সেইজন্য সাধারণ হইতে অত্যন্ত পৃথক দেখিতে হইয়াছে। সাধারণত আমরা যে পরমার্থের প্রভাব একেবারেই অনুভব করি না তাহা নহে। মধ্যে মধ্যে বহুকাল গুমটের পর হঠাৎ একদিন ভিতর হইতে একটা আধ্যাত্মিক ঝড়ের বেগ আমাদেরিকে স্বার্থ ও সুবিধা লঙ্ঘন করিয়া আরাম ও অভ্যাসের বাহিরে ক্ষণকালের জন্য আকর্ষণ করে, কিন্তু সে-সকল দমকা হাওয়া চলিয়া গেলে সে কথা আর মনেও থাকে না, আবার সেই আহারবিহার আমোদপ্রমোদের নিত্যচক্রের মধ্যে ঘুরিতে আরম্ভ করি।

ইহার কারণ, মনোজীবন আমাদের মধ্যে পরিণতি লাভ করে নাই, আগাগোড়া বাঁধিয়া যায় নাই। চেতনা ও বেদনার আভাস সে অনুভব করে, কিন্তু তাহার স্থায়িত্ব নাই। অনুভূতি হইতে কার্যসম্পাদন পর্যন্ত অবিচ্ছেদ যোগ ও অনিবার্য বেগ থাকে না। কাজের সহিত ভাবের ও ভাবের সহিত মনের সচেতন নাড়ীজালের সম্বন্ধ বন্ধন স্থাপিত হয় নাই।

ঋতাহাদের মধ্যে সেই বন্ধন স্থাপিত হইয়াছে, ঋতারা সেই দ্বিতীয় জীবন লাভ করিয়াছেন, পরমার্থ-দ্বারা শেষ পর্যন্ত চালিত না হইয়া তাঁহাদের থাকিবার জো নাই। তাঁহাদের একটা দ্বিতীয় চেতনা আছে— সে চেতনার সমস্ত বেদনা আমাদের অনুভবের অতীত।

বিজ্ঞানাগর সেই দ্বিতীয় চেতনা লইয়া সংসারে জন্মগ্রহণ করিতে তাঁহার বেদনার অস্ত ছিল না। চারি দিকের অসাড়তার মধ্যে এই ব্যথিত বিশাল হৃদয় কেবল নিঃসহায়ভাবে, কেবল আপনার প্রাণের জ্বরে, কেবল আপনার বেদনার উত্তাপে একাকী আপন কাজ করিয়া গিয়াছেন।

সাধারণ লোকের হিসাবে সে-সমস্ত কাজের কোনো প্রয়োজন ছিল না। তিনি কেবলমাত্র পাণ্ডিত্যে এবং বিজ্ঞানপাঠ্য গ্রন্থ-বিক্রয়দ্বারা ধনোপার্জনে সংসারে যথেষ্ট সম্মান-প্রতিপত্তি লাভ করিয়া বাইতে পারিতেন। কিন্তু তাঁহার নিজের হিসাবে এ-সমস্ত কাজের একান্ত প্রয়োজন ছিল; নতুবা তিনি যে অধিক জীবন বহন করিতেন সে জীবনের নিঃসারোধ হইত, তাঁহার ধনোপার্জন ও সম্মানলাভে তাহাকে রক্ষা করিতে পারিত না।

বালবিধবার দুঃখে দুঃখবোধ আমাদের পক্ষে একটি কণিক ভাবোদ্বেক মাত্র।

তাহাদের বেদনা আমাদের জীবনকে স্পর্শ করে না। কারণ, আমরা গতানুগতিক, যেখানে দশ জনের বেদনাবোধ নাই সেখানে আমরা অচেতন। আমরা প্রকৃতরূপে, প্রত্যক্ষরূপে, অব্যবহিতরূপে, তাহাদের বঞ্চিত জীবনের সমস্ত ছুঃখ-অবমাননাকে আপনার ছুঃখ ও অবমাননা -রূপে অনুভব করিতে পারি না। কিন্তু ঈশ্বরচন্দ্র বিজ্ঞানাগরকে আপন অতিচেতনার দণ্ড বহন করিতে হইয়াছিল। অভ্যাস লোকাচার ও অসাড়তার পাষণব্যবধান আশ্রয় করিয়া পরের ছুঃখ হইতে তিনি আপনাকে রক্ষা করিতে পারেন নাই। এইজন্য আমরা যেমন ব্যাকুলভাবে আপনার ছুঃখ মোচন করিতে চেষ্টা করিয়া থাকি, তিনি যেন তাহা অপেক্ষা অধিক প্রাণপণে দ্বিগুণতর প্রতিজ্ঞাসহকারে বিধবাগণকে অতলস্পর্শ অচেতন নিষ্ঠুরতা হইতে উদ্ধার করিতে চেষ্টা করিয়াছিলেন। আমাদের পক্ষে স্বার্থ যেমন প্রবল, পরমার্থ তাঁহার পক্ষে ততোধিক প্রবল ছিল।

এমন একটি দৃষ্টান্ত দিলাম। কিন্তু তাঁহার জীবনের সকল কার্বেই দেখা গিয়াছে, তিনি যে চেতনারাজ্যে, যে মননলোকে বাস করিতেন, আমরা তাহা হইতে বহু দূরে অবস্থিত; তাঁহার চিন্তা ও চেষ্টা, বুদ্ধি ও বেদনা গতানুগতিকের মতো ছিল না, তাহা পারমার্থিক ছিল।

তাঁহার মতো লোক পারমার্থিকতাব্রষ্ট বঙ্গদেশে জন্মিয়াছিলেন বলিয়া, চতুর্দিকের নিঃসাড়তার পাষণথণ্ডে বারম্বার আহত-প্রতিহত হইয়াছিলেন বলিয়া, বিজ্ঞানাগর তাঁহার কর্মসংকুল জীবন যেন চিরদিন ব্যথিতক্লান্তভাবে যাপন করিয়াছেন। তিনি যেন সৈন্যহীন বিজ্রোহীর মতো তাঁহার চতুর্দিককে অবজ্ঞা করিয়া জীবনরণরত্নভূমির প্রান্ত পর্যন্ত জয়ধ্বজা নিজের স্বর্কে একাকী বহন করিয়া লইয়া গেছেন। তিনি কাহাকেও ডাকেন নাই, তিনি কাহারও সাড়াও পান নাই, অথচ বাধা ছিল পদে পদে। তাঁহার মননজীবী অন্তঃকরণ তাঁহাকে প্রবল আবেগে কাজ করাইয়াছিল, কিন্তু গতজীবন বহিঃসংসার তাঁহাকে আশ্বাস দেয় নাই। তিনি যে শবসাধনার প্রবৃত্ত ছিলেন তাহার উত্তরসাধকও ছিলেন তিনি নিজে।

আধুনিক ইংলণ্ডে বিজ্ঞানাগরের ঠিক উপমা পাওয়া যায় না। কেবল জনসনের সহিত কতকগুলি বিষয়ে তাঁহার অত্যন্ত সাদৃশ্য দেখিতে পাই। সে সাদৃশ্য বাহিরের কাজে ততটা নয়— কারণ, কাজে বিজ্ঞানাগর জনসন অপেক্ষা অনেক বড়ো ছিলেন, কিন্তু এই সাদৃশ্য অন্তরের সরল প্রবল এবং অকৃত্রিম মহত্বশ্বে। জনসন্ও বিজ্ঞানাগরের স্তায় বাহিরে রুঢ় ও অন্তরে সুকোমল ছিলেন; জনসন্ও পাণ্ডিত্যে অসামান্য, বাক্যালাপে স্বরসিক, ক্রোধে উদ্দীপ্ত, মেহরসে আর্দ্র, মতে নির্ভীক, হৃদয়ভাবে অকপট

এক পরহিতৈষীর আত্মবিশ্বাস ছিলেন। ছবিষহ দারিদ্র্যও মুহূর্তকালের জন্য তাঁহার আত্মসম্মান আচ্ছন্ন করিতে পারে নাই। সুবিখ্যাত ইংরাজলেখক লেসলি স্টীফেন জনসন সম্বন্ধে যাহা বলিয়াছেন তাহার কিয়দংশ অহুবাদ করিয়া দিলাম—

‘মতের পরিবর্তে কেবল কথামাত্র -দ্বারা তাঁহাকে ভুলাইবার জো ছিল না, এবং তিনি এমন কোনো মতবাদও গ্রাহ্য করিতেন না যাহা অকৃত্রিম আবেগ-উৎপাদনে অক্ষম। ইহা ব্যতীত, তাঁহার হৃদয়বৃত্তিসকল যেমন অকৃত্রিম তেমনি গভীর এবং সুকোমল ছিল। তাঁহার বুদ্ধি এবং কৃত্রিম স্ত্রীর প্রতি তাঁহার প্রেম কী পবিত্র ছিল! যেখানে কিছুমাত্র উপকারে লাগিত সেখানে তাঁহার করুণা কিরূপ সবেগে অগ্রসর হইত, ‘গ্রাব স্ট্রীট’এর সর্বপ্রকার প্রলোভন হইতে তিনি কিরূপ পুরুষোচিত আত্মসম্মানের সহিত আপন সম্মরক্ষা করিয়াছিলেন, সে-সব কথার পুনরুল্লেখের প্রয়োজন নাই। কিন্তু বোধ করি, এ-সকল গুণের একান্ত দুর্লভতা সম্বন্ধে মনোযোগ আকর্ষণ করা ভালো। বোধ হয় অনেকেই আপন পিতাকে ভালোবাসে— সৌভাগ্যক্রমে তাহা সত্য— কিন্তু কটা লোক আছে যাহার পিতৃভক্তি খেপামি-অপবাদের আশঙ্কা অভিক্রম করিতে পারে। কয় জন আছেন যাহারা বহুদিনগত এক অবাধ্যতা-অপরাধের প্রায়শ্চিত্ত-সাধনের জন্য যুটকসিটারের হাটে পিতার মৃত্যুর বহুবৎসর পরেও বাজা করিতে পারেন। সমাজত্যাগী রমণী পথপ্রান্তে নিরাশ্রয়ভাবে পড়িয়া আছে দেখিলে আমাদের অনেকেই মনে ক্ষণিক দয়ার আবেশ হয়। আমরা হয়তো পুলিশকে ডাকি কিম্বা ঠিকাগাড়িতে চড়াইয়া দিয়া তাহাকে সরকারি দরিদ্রাশ্রমে পাঠাই, অথবা বড়োজোর সরকারি দরিদ্রপালনব্যবস্থার অসম্পূর্ণতার বিরুদ্ধে টাইম্‌স্ পত্রে প্রবন্ধ লিখিয়া পাঠাই। কিন্তু এ প্রশ্ন বোধ করি জিজ্ঞাসা না করাই ভালো যে, কয় জন সাধু আছেন যাহারা তাহাকে কাঁধে করিয়া নিজের বাড়িতে লইয়া যাইতে পারেন এবং তাহার অভাবসকল মোচন করিয়া দিয়া তাহার জীবনবাজার সুব্যবস্থা করিয়া দেন। অনেক বড়োলোকের জীবনে আমরা সাধুভাব ও সদাচার দেখিতে পাই; কিন্তু ভালো লোকের মধ্যেও এমন আদর্শ সচরাচর দেখিতে পাওয়া যায় না যাহার জীবন প্রচলিত লোকাচারের দ্বারা গঠিত নহে অথবা যাহার হৃদয়বৃত্তি চিরাত্যস্ত শিষ্টপ্রথার বাঁধা খাল উদ্বেল করিয়া উঠিতে পারে। জনসনের চরিত্রের প্রতি আমাদের যে প্রীতি জন্মে তাহার প্রধান কারণ, তাঁহার জীবন যে নেমি আশ্রয় করিয়া আবর্তিত হইত তাহা মহৎ, তাহা প্রথামাত্রের দাসত্ব নহে। ... অ্যাডিসন দেখাইয়াছিলেন ক্রীস্টানের মরণ কিরূপ; কিন্তু তাঁহার জীবন আরামের অবস্থা ও স্টেটসেক্রেটারির পদ এবং কাউন্টসের সহিত বিবাহের মধ্য দিয়া অতি অবাধে প্রবাহিত হইয়াছিল,

মাঝে মাঝে পোর্ট, মদিরার অভিসেবন ছাড়া আর কিছুতেই তাঁহার নাড়ী ও তাঁহার মেজাজকে চঞ্চল করিতে পারে নাই। কিন্তু আর-একজন কঠিন বৃদ্ধ তীর্থযাত্রী, যিনি অন্তর এবং বাহিরের দুঃখরাশিসঙ্গেও বৃদ্ধ করিয়া জীবনকে শাস্তির পথে লইয়া গেছেন, যিনি এই সংসারের মায়ার হাটে উপহসিত হইয়া মৃত্যুচ্ছায়ার অন্ধগুহামধ্যে অবতীর্ণ হইয়াছিলেন এবং যিনি নৈরাশ্রদৈত্যের বন্ধন হইতে বহু চেষ্টায় বহু কষ্টে উদ্ধার পাইয়াছিলেন, তাঁহার মৃত্যুশয্যায় আমাদের মনে গভীরতর ভাবাবেগ উচ্ছ্বসিত হইয়া উঠে। যখন দেখিতে পাই এই লোকের অস্তিমকালের হৃদয়বৃত্তি কিরূপ কোমল গম্ভীর এবং সরল, তখন আমরা স্বতই অসুভব করি যে, যে নিরীহ ভদ্রলোকটি পরম শিষ্টাচার রক্ষা করিয়া বাঁচিয়াছিলেন ও মরিয়াছিলেন তাঁহার অপেক্ষা উন্নততর সত্তার সন্নিধানে বর্তমান আছি।’

এই বর্ণনা পাঠ করিলে বিজ্ঞানাগরের সহিত জনসনের সাদৃশ্য সহজেই মনে পড়ে। বিজ্ঞানাগরও কেবল ক্ষুদ্র সংকীর্ণ অভ্যস্ত ভব্যতার মধ্য দিয়া চলিতে পারেন নাই, তাঁহারও স্নেহভক্তিদয়া, তাঁহার বিপুলবিস্তীর্ণ হৃদয়, সমস্ত আদব-কায়দাকে বিদীর্ণ করিয়া কেমন অসামান্য আকারে ব্যক্ত হইত তাহা তাঁহার জীবনচরিতে নানা ঘটনায় প্রকাশ পাইয়াছে।

এইখানে জনসন সম্বন্ধে কার্লাইল বাহা লিখিয়াছেন তাহার কিয়দংশ অসুভাব করি।—

‘তিনি বলিষ্ঠচেতা এবং মহৎ লোক ছিলেন। শেষ পর্যন্তই অনেক ভিনিস তাঁহার মধ্যে অপরিণত থাকিয়া গিয়াছিল; অসুস্থ উপকরণের মধ্যে তিনি কী না হইতে পারিতেন— কবি, ঋষি, রাজাধিরাজ। কিন্তু মোটের উপরে, নিজের ‘উপকরণ’, নিজের ‘কাল’ এবং ওইগুলো লইয়া নালিশ করিবার প্রয়োজন কোনো লোকেই নাই; উহা একটা নিফল আক্ষেপমাত্র। তাঁহার কালটা খারাপ ছিল, ভালোই; তিনি সেটাকে আরও ভালো করিবার জন্তই আসিয়াছেন। জনসনের কৈশোরকাল ধনহীন, সঙ্গহীন, আশাহীন এবং দুর্ভাগ্যজালে বিজড়িত ছিল। তা থাক, কিন্তু বাহু অবস্থা অসুস্থতম হইলেও জনসনের জীবন দুঃখের জীবন হওয়া ছাড়া আর-কিছু হওয়া সম্ভবপর হইত না। প্রকৃতি তাঁহার মহত্বের প্রতিদানস্বরূপ তাঁহাকে বলিয়াছিল, রোগাতুর দুঃখরাশির মধ্যে বাস করো। না, বোধ করি, দুঃখ এবং মহত্ব ঘনিষ্ঠভাবে, এমন-কি, অচ্ছেদ্যভাবে পরস্পর জড়িত ছিল। যে কারণেই হউক, অত্যাগা জনসনকে নিয়তই রোগাবিষ্টতা, শারীরিক ও আধ্যাত্মিক বেহুলা, কোমরে বাঁধিয়া কিরিতে হইত। তাঁহাকে একবার কল্পনা করিয়া দেখো— তাঁহার সেই রুগ শরীর, তাঁহার

ক্ষুধিত প্রকাণ্ড হৃদয় এবং অনির্বচনীয় উদ্ভর্তিত চিন্তাপুঞ্জ লইয়া পৃথিবীতে বিপদাকীর্ণ বিদেশীর মতো ফিরিতেছেন, ব্যগ্রভাবে গ্রাস করিতেছেন যে-কোনো পারমার্থিক পদার্থ তাঁহার সম্মুখে আসিয়া পড়ে, আর যদি কিছুই না পান তবে অন্তত বিছালয়ের ভাষা এবং কেবলমাত্র ব্যাকরণের ব্যাপার! সমস্ত ইংলণ্ডের মধ্যে বিপুলতম অন্তঃকরণ যাহা ছিল তাঁহারই ছিল, অথচ তাঁহার জন্ম বরাদ্দ ছিল মাড়ে চার আনা করিয়া প্রতিদিন। তবু সে হৃদয় ছিল অপরাঙ্কিত মহাবলী, প্রকৃত মহুগ্নের হৃদয়! অকস্মাতে তাঁহার সেই জুতাজোড়ার গল্পটা সর্বদাই মনে পড়ে— মনে পড়ে, কেমন করিয়া সেই দাগ-কাটা-মুখ হাড়-বাহির-করা কলেজের দীন ছাত্র শীতের সময় জীর্ণ জুতা লইয়া ঘুরিয়া বেড়াইতেছে; কেমন করিয়া এক কুপালু সচ্ছল ছাত্র গোপনে একজোড়া জুতা তাঁহার দরজার কাছে রাখিয়া দিল, এবং সেই হাড়-বাহির-করা দরিদ্র ছাত্র সেটা তুলিল, কাছে আনিয়া তাহার বহুচিন্তাজালে-অক্ষুট দৃষ্টির নিকট ধরিল এবং তাহার পরে জানালার বাহিরে দূর করিয়া ছুঁড়িয়া ফেলিল। ভিক্ষা পা বল, পঙ্ক বল, বরফ বল, ক্ষুধা বল, সবই সহ্য হয়, কিন্তু ভিক্ষা নহে। আমরা ভিক্ষা সহ্য করিতে পারি না! এখানে কেবল রুঢ় আত্মসহায়তা। দৈন্ত, মালিন্য, উদ্ভ্রান্ত বেদনা এবং অভাবের অন্ত নাই, তথাপি অন্তরের মহত্ব এবং পৌরুষ! এই-যে জুতা ছুঁড়িয়া ফেলা, ইহাই এ মানুষটির জীবনের ছাঁচ। একটি স্বকীয়ত্ব (original) মানুষ; এ তোমার গতানুগতিক, ঋণপ্রার্থী, ভিক্ষাজীবী লোক নহে। আর যাই হউক, আমরা নিজের ভিত্তির উপরেই যেন স্থিতি করি— সেই জুতা পায়ে দিয়াই দাঁড়ানো যাক যাহা আমরা নিজে জোড়াইতে পারি। যদি তেমনই ঘটে তবে পাকের উপর চলিব, বরফের উপরেই চলিব, কিন্তু উন্নতভাবে চলিব; প্রকৃতি আমাদেরকে যে সত্য দিয়াছেন তাহারই উপর চলিব; অপরকে যাহা দিয়াছেন তাহারই নকলের উপর চলিব না।’

কার্লাইল যাহা লিখিয়াছেন তাহার ঘটনা সন্দেহ না মিলুক, তাহার মর্মকথাটুকু বিজ্ঞানাগরে অবিকল খাটে। তিনি গতানুগতিক ছিলেন না, তিনি স্বতন্ত্র, সচেতন, পারমার্থিক ছিলেন; শেষ দিন পর্যন্ত তাঁহার জুতা তাঁহার নিজেরই চটিজুতা ছিল। আমাদের কেবল আক্ষেপ এই যে, বিজ্ঞানাগরের বসুণ্ডেল কেহ ছিল না; তাঁহার মনের তীক্ষ্ণতা, সবলতা, গভীরতা ও সহৃদয়তা তাঁহার বাক্যালাপের মধ্যে প্রতিদিন অল্প বিকীর্ণ হইয়া গেছে, অল্প সে আর উদ্ধার করিবার উপায় নাই। বসুণ্ডেল না থাকিলে অনুসনের মহুগ্ন লোকসমাজে হারী আদর্শ দান করিতে পারিত না। সৌভাগ্যক্রমে বিজ্ঞানাগরের মহুগ্ন তাঁহার কাজের মধ্যে আপনার

ছাপ রাখিয়া বাইবে— কিন্তু তাঁহার অসামান্য বন্যতা, বাহা তিনি অধিকাংশ সময়ে মুখের কথাই ছড়াইয়া দিয়াছেন, তাহা কেবল অপরিষ্কৃত জনশ্রুতির মধ্যে অসম্পূর্ণ আকারে বিরাজ করিবে।

অগ্রহারণ ১৩০৫

রামমোহন রায়

রাজা রামমোহন রায়ের স্মরণার্থ সতায় ১২২১ সালের ৫ মাসে

সিটি কলেজ গৃহে পঠিত

সাধারণত আমরা প্রতিদিন গুটিকতক ছোটো ছোটো কাজ লইয়াই থাকি ; মাকড়সার মতো নিজের ভিতর হইতে টানিয়া টানিয়া আমাদের চারি দিকে স্বার্থের জাল নির্মাণ করি ও ফীত হইয়া তাহারই মাঝখানটিতে বুলিতে থাকি ; সমস্ত জীবন দৈনন্দিন খুঁটিনাটির মধ্যে সমাহিত হইয়া অহংকার ও সংকীর্ণতার গর্ভে স্বচ্ছন্দস্থ অস্থভব করি। আমাদের প্রতিদিন পূর্বদিনের পুনরাবৃত্তি মাত্র, আমাদের ক্ষুদ্র জীবন একটি ধারাবাহী উন্নতির কাহিনী নহে। সেই প্রতিদ্বন্দ্বিতার উদ্বোধন, প্রতিরাজের নিদ্রা— বৎসরের মধ্যে এই ঘটনা ও ইহারই আনুষঙ্গিক অনুষ্ঠানগুলিরই তিন-শো পঁয়ষট্টি বার করিয়া পুনরাবর্তন— এই তো আমাদের জীবন, ইহাতে আমাদের নিজের প্রতি শ্রদ্ধা হয় না— অহংকার ও আত্মাভিমানের অভাব নাই বটে, কিন্তু আপনাদের প্রতি বর্ধা শ্রদ্ধা নাই। একপ্রকার নিকৃষ্টজাতীয় জীবাত্ম আছে, সে কেবল গতিবিশেষ অবলম্বন করিয়া ঘুরিতেই জানে ; সে সমস্ত জীবন একই ঘুরন ঘুরিতেছে। তাহার সহিত আমাদের বেশি প্রভেদ দেখিতে পাই না। আমাদের আঙ্গিক গতি আছে, বার্ষিক গতি নাই— আমরা নিজের চারি দিকে ঘুরিতেছি, নিজের নাভিকুণ্ডল প্রদক্ষিণ করিতেছি, কিন্তু অনন্তজীবনের কক্ষপথে এক পা অগ্রসর হইতেছি না। এই পরম কোতুকাবহ আত্মপ্রদক্ষিণ-দৃশ্য চতুর্দিকে দেখা বাইতেছে— সকলে মাটির উপরে বিন্দুমাত্র চিহ্ন রচনা করিয়া লাটিমের স্থায় সূচ্যগ্র-পরিমাণ-ভূমির মধ্যেই জীবনের সুদীর্ঘ ভ্রমণ নিঃশেষ করিয়া দিতেছে। প্রতিদিন চারি দিকে ইহাই দেখিয়া মনুষ্যের উপরে আমাদের বিশ্বাস হ্রাস হইয়া যায়, সুতরাং মনুষ্যের গুরুতর কর্তব্য সাধন করিবার বল চলিয়া যায়। এইজন্য

মহাত্মাদের প্রতি মাঝে মাঝে দৃষ্টিপাত করা আমাদের নিত্য আবশ্যিক। মহাত্মাদের জীবন আলোচনা করিলে মনুষ্য যে কী তাহা বুঝিতে পারি, 'আমরা মানুষ' বলিলে যে কতখানি বলা হয় তাহা উপলব্ধি করিতে পারি, জানিতে পারি যে আমরা কেবল অস্থিচর্মনির্মিত একটা আহার করিবার বস্তু মাত্র নই, আমাদের স্তম্ভং কুলমর্ধাদার খবর পাইয়া থাকি। আমরা যে আমাদের চেয়ে ঢের বড়ো, অর্থাৎ মনুষ্য, সাধারণ মানুষদের চেয়ে যে অনেক পরিমাণে শ্রেষ্ঠ, ইহাই মনের মধ্যে অনুভব করিলে তবে আমাদের মাথা তুলিতে ইচ্ছা করে, মৃত্তিকার আকর্ষণ হ্রাস হইয়া যায়।

মহাপুরুষেরা সমস্ত মানবজাতির গৌরবের ও আদর্শের স্থল বটেন, কিন্তু তাঁহারা জাতিবিশেষের বিশেষ গৌরবের স্থল তাহার আর সন্দেহ নাই। গৌরবের স্থল বলিলে যে কেবলমাত্র সামান্য অহংকারের স্থল বুঝায় তাহা নহে, গৌরবের স্থল বলিলে শিক্ষার স্থল, বললাভের স্থল বুঝায়। মহাপুরুষদিগের মহৎকার্য-সকল দেখিয়া কেবলমাত্র সঙ্কমমিশ্রিত বিশ্বয়ের উদ্রেক হইলেই যথেষ্ট ফললাভ হয় না— তাঁহাদের যতই 'আমার' মনে করিয়া তাঁহাদের প্রতি যতই প্রেমের উদ্রেক হয় ততই তাঁহাদের কথা, তাঁহাদের কার্য, তাঁহাদের চরিত্র আমাদের নিকট জীবন্ত হইয়া উঠে। তাঁহাদের লইয়া আমরা গৌরব করি তাঁহাদের শুধুমাত্র যে আমরা ভক্তি করি তাহা নহে, তাঁহাদের 'আমার' বলিয়া মনে করি। এইজন্য তাঁহাদের মহত্বের আলোক বিশেষরূপে আমাদেরই উপরে আসিয়া পড়ে, বিশেষরূপে আমাদেরই মুখ উজ্জ্বল করে। শিশু যেমন সহস্র বলবান ব্যক্তিকে ফেলিয়া বিপদের সময় পিতার কোলে আশ্রয় লইতে যায়, তেমনি আমরা দেশের দুর্গতির দিনে আর-সকলকে ফেলিয়া আমাদের স্বদেশীয় মহাপুরুষদিগের অটল আশ্রয় অবলম্বন করিবার জন্য ব্যাকুল হই। তখন আমাদের নিরাশ হৃদয়ে তাঁহারা যেমন বলবিধান করিতে পারেন এমন আর কেহই নহে। ইংলণ্ডের দুর্গতি কর্ত্তা করিয়া কবি ওয়ার্ড্‌স্‌ওয়ার্থ্‌ পৃথিবীর আর-সমস্ত মহাপুরুষকে ফেলিয়া কাতর স্বরে মিল্টনকেই ডাকিলেন; কহিলেন, 'মিল্টন, আহা, তুমি যদি আজি বাঁচিয়া থাকিতে! তোমাকে ইংলণ্ডের বড়োই আবশ্যিক হইয়াছে।' যে জাতির মধ্যে স্বদেশীয় মহাপুরুষ জন্মান নাই সে জাতি কাহার মুখ চাহিবে— তাহার কী দুর্দশা! কিন্তু, যে জাতির মধ্যে মহাপুরুষ জন্মগ্রহণ করিয়াছেন কিন্তু তথাপিও যে জাতি কর্ত্তার জড়তা— হৃদয়ের পক্ষাঘাত -বশত তাঁহার মহত্ব কোনোমতে অনুভব করিতে পারে না, তাহার কী দুর্ভাগ্য।

আমাদের কী দুর্ভাগ্য! আমরা প্রত্যেকেই নিজে নিজেকে মস্তলোক মনে করিয়া নিজের পায়ে পাণ্ড-অর্ঘ্য দিতেছি, বাষ্পের প্রভাবে ফীত হইয়া লঘু হৃদয়কে লঘুতর করিয়া তুলিতেছি। প্রতিদিনকার ছোটো ছোটো মস্তলোকদিগকে, বঙ্গসমাজের বড়ো বড়ো বশোব্দবুদ্ধদিগকে, বালুকার সিংহাসনের উপর বসাইয়া দুই দিনের মতো পুষ্পচন্দন দিয়া মহত্বপূজার স্পৃহা খেলাচ্ছলে চরিতার্থ করিতেছি, বিদেশীয়দের অমু-করণে কথায় কথায় সস্তা ডাকিয়া টানা তুলিয়া মহত্বপূজার একটা ভান ও আড়ম্বর করিতেছি। এজলাস হইতে জোন্স সাহেব চলিয়া গেলে হাটে তাহার ছবি টাঙাইয়া রাখি, জেম্‌স সাহেব আসিলে তাহার পায়ে পুষ্পমাল্য দিই। অর্থের, বিনয়ের, উদারতার অভাব দেখিতে পাই না। কেবল আমাদের যথার্থ স্বদেশীয় মহাপুরুষকেই হৃদয় হইতে দূরে রাখিয়া, তাঁহাকে সম্মান করিবার ভার বিদেশীদের উপরে অর্পণ করিয়া নিশ্চিন্ত মনে বসিয়া রহিয়াছি ও প্রতিদিন তিন বেলা তিনটে করিয়া নূতন নূতন যুৎপ্রতিমা-নির্মাণে নিরতিশয় ব্যস্ত হইয়া আছি।

বর্তমান বঙ্গসমাজের ভিত্তি স্থাপন করিয়াছেন রামমোহন রায়। আমরা সমস্ত বঙ্গবাসী তাঁহার সম্পত্তির উত্তরাধিকারী, তাঁহার নির্মিত ভবনে বাস করিতেছি। তিনি আমাদের জন্ত যে কত করিয়াছেন, কত করিতে পারিয়াছেন, তাহা ভালো করিয়া আলোচনা করিয়া দেখিলে তাঁহার প্রতি প্রগাঢ় ভক্তি ও স্বজাতির প্রতি বিশ্বাস জন্মিবে। আমাদের কাছে যদি কেহ বাঙালি বলিয়া অবহেলা করে আমরা বলিব, রামমোহন রায় বাঙালি ছিলেন।

রামমোহন রায়ের চরিত্র আলোচনা করিবার আর-একটি গুরুতর আবশ্যকতা আছে। আমাদের এখনকার কালে তাঁহার মতো আদর্শের নিতান্ত প্রয়োজন হইয়াছে। আমরা কাতর স্বরে তাঁহাকে বলিতে পারি, 'রামমোহন রায়, আহা, তুমি যদি আজ বাঁচিয়া থাকিতে! তোমাকে বঙ্গদেশের বড়োই আবশ্যক হইয়াছে। আমরা বাকপটু লোক, আমাদের কাছে তুমি কাজ করিতে শিখাও। আমরা আত্মসত্তরী, আমাদের কাছে আত্মবিসর্জন দিতে শিখাও। আমরা লঘুপ্রকৃতি, বিপ্লবের স্রোতে চরিত্রগৌরবের প্রভাবে আমাদের কাছে অটল থাকিতে শিখাও। আমরা বাহিরের প্রথর আলোকে অন্ধ, হৃদয়ের অভ্যন্তরস্থ চিরোজ্জ্বল আলোকের সাহায্যে ভালোমন্দ নির্বাচন করিতে ও স্বদেশের পক্ষে বাহা স্থায়ী ও যথার্থ মঙ্গল তাহাই অবলম্বন করিতে শিক্ষা দাও।'

রামমোহন রায় যথার্থ কাজ করিয়াছেন। তাঁহার সময়ে প্রগল্ভা রসনার এত স্রীবৃদ্ধি হয় নাই, হুতরাং তাহার এত সমাদরও ছিল না। কিন্তু আর-একটা কথা

দেখিতে হইবে। এক-একটা সময়ে কাজের ভিড় পড়িয়া যায়, কাজের হাট বসিয়া যায়, অনেকে মিলিয়া হোহা করিয়া একটা কাজের কারখানা বসাইয়া দেন— তখন কাজ করিতে অথবা কাজের ভান করিতে একটা আমোদ আছে। তখন সেই কাঁধাড়ম্বর নাট্যরস জন্মাইয়া মানুষকে মত্ত করিয়া তুলে, বিশেষত একটা তুমুল কোলাহলে সকলে বাহুজ্ঞান বিস্মৃত হইয়া একপ্রকার বিহ্বল হইয়া পড়েন। কিন্তু রামমোহন রায়ের সময়ে বঙ্গসমাজের সে অবস্থা ছিল না। তখন কাজেতে মত্ততাসুখ ছিল না; অত্যন্ত ব্যস্তমস্ত হইবার, হাঁসফাঁস করিবার আনন্দ ছিল না; একাকী অপ্রমত্ত থাকিয়া ধীরভাবে সমস্ত কাজ করিতে হইত। সঙ্গহীন স্রগস্তীর সমুদ্রের গর্ভে যেমন নীরবে অতি ধীরে ধীরে দ্বীপ নির্মিত হইয়া উঠে, তাঁহার সংকল্প তেমনি অবিশ্রাম নীরবে সূধীরে তাঁহার গভীর হৃদয় পরিপূর্ণ করিয়া কার্য-আকারে পরিষ্ফুট হইয়া উঠিত। ব্যস্তমস্ত চটুল শ্রোতস্বিনীতে যেমন দেখিতে দেখিতে আঙ্গ চড়া পড়ে কাল ভাঙিয়া যায়— সেরূপ ভাঙিয়া গড়িয়া কাজ যত না হউক, খেলা অতি চমৎকার হয়— তাঁহাদের সেকালে সেরূপ ছিল না। মহত্বের প্রভাবে, হৃদয়ের অমুরাগের প্রভাবে কাজ না করিলে, কাজ করিবার আর কোনো প্রবর্তনাই তখন বর্তমান ছিল না। অথচ কাজের ব্যাঘাত এখনকার চেয়ে ঢের বেশি ছিল। রামমোহন রায়ের যশের প্রলোভন কিছুমাত্র ছিল না। তিনি যতগুলি কাজ করিয়াছিলেন কোনো কাজেই তাঁহার সমসাময়িক স্বদেশীয়দিগের নিকট হইতে যশের প্রত্যাশা করেন নাই। নিন্দাগানি শ্রাবণের বারিধারার জায় তাঁহার মাথার উপরে অবিশ্রাম বর্ষিত হইয়াছে— তবুও তাঁহাকে তাঁহার কার্য হইতে বিরত করিতে পারে নাই। নিজের মহত্বে তাঁহার কী অটল আশ্রয় ছিল, নিজের মহত্বের মধ্যেই তাঁহার হৃদয়ের কী সম্পূর্ণ পরিতৃপ্তি ছিল, স্বদেশের প্রতি তাঁহার কী স্বার্থশূন্য স্রগস্তীর প্রেম ছিল! তাঁহার স্বদেশীয় লোকেরা তাঁহার সহিত যোগ দেয় নাই, তিনিও তাঁহার সময়ের স্বদেশীয় লোকদের হইতে বহুদূরে ছিলেন, তথাপি তাঁহার বিপুল হৃদয়ের প্রভাবে স্বদেশের স্বার্থ মর্মস্থলের সহিত আপনার সূদৃঢ় যোগ রক্ষা করিতে পারিয়াছিলেন। বিদেশীয় শিক্ষায় সে বন্ধন ছিন্ন করিতে পারে নাই এবং তদপেক্ষা গুরুতর যে স্বদেশীয়ের উৎপীড়ন তাহাতেও সে বন্ধন বিচ্ছিন্ন হয় নাই। এই অভিমানশূন্য বন্ধনের প্রভাবে তিনি স্বদেশের জন্ত সম্পূর্ণ আত্মবিসর্জন করিতে পারিয়াছিলেন। তিনি কী না করিয়াছিলেন! শিক্ষা বল, রাজনীতি বল, বঙ্গভাষা বল, বঙ্গসাহিত্য বল, সমাজ বল, ধর্ম বল, কেবলমাত্র হতভাগ্য স্বদেশের মুখ চাহিয়া তিনি কোন্ কাজে না রীতিমত হস্তক্ষেপ করিয়াছিলেন! কোন্ কাজটাই বা তিনি

কাকি দিয়াছিলেন। বঙ্গসমাজের যে-কোনো বিভাগে উত্তরোত্তর বর্ত্তই উন্নতি হইতেছে, সে কেবল তাঁহারই হস্তাকর কালের নূতন নূতন পৃষ্ঠায় উত্তরোত্তর পরিস্ফুটতর হইয়া উঠিতেছে মাত্র। বঙ্গসমাজের সর্বত্রই তাঁহার স্বরণস্তম্ভ মাথা তুলিয়া উঠিতেছে ; তিনি এই মরুস্থলে যে-সকল বীজ রোপণ করিয়াছিলেন তাহারা বৃক্ষ হইয়া শাখা-প্রশাখায় প্রতিদিন বিস্তৃত হইয়া পড়িতেছে। তাহারই বিপুল ছায়ায় বসিয়া আমরা কি তাঁহাকে স্বরণ করিব না !

তিনি যাহা করিয়াছেন তাহাতে তাঁহার মহত্ব প্রকাশ পায় ; আবার তিনি যাহা না করিয়াছেন তাহাতে তাঁহার মহত্ব আরও প্রকাশ পায়। তিনি যে এত কাজ করিয়াছেন কিছুই মধ্যে তাঁহার আত্মপ্রতিষ্ঠা করেন নাই। তিনি যে ব্রাহ্মসমাজ স্থাপন করিয়াছেন তাহাতে নিজের অথবা আর-কাহারও প্রতিমূর্তি স্থাপন করিতে নিষেধ করিয়াছেন। তিনি যে সময়ে জন্মগ্রহণ করিয়াছিলেন, চেষ্টা করিলে একাদশ অবতারের পদ সহজে অধিকার করিয়া বসিতে পারিতেন। তিনি গড়িয়া পিটিয়া একটা নূতন ধর্ম বানাইতে পারিতেন, তাহা না করিয়া পুরাতন ধর্ম প্রচার করিলেন। তিনি নিজেকে গুরু বলিয়া চালাইতে পারিতেন, তাহা না করিয়া তিনি প্রাচীন ঋষিদিগকে গুরু বলিয়া মানিলেন। তিনি তাঁহার কাজ স্থায়ী করিবার জন্য প্রাণপণ করিয়াছেন, কিন্তু তাঁহার নাম স্থায়ী করিবার জন্য কিছুমাত্র চেষ্টা করেন নাই, বরং তাহার প্রতিকূলতা করিয়াছেন। এরূপ আত্মবিলোপ এখন তো দেখা যায় না। বড়ো বড়ো সংবাদপত্রপুট পরিপূর্ণ করিয়া অবিশ্রাম নিজের নামস্থাপন-করত একপ্রকার মত্ততা জন্মাইয়া আমাদের কাজের উৎসাহ জাগাইয়া রাখিতে হয়— দেশের জন্য যে সামান্ত কাজটুকু করি তাহাও বিদেশী আকারে সমাধা করি, চেষ্টা করি যাহাতে সে কাজটা বিদেশীয়দের নয়ন-আকর্ষণ পণ্যদ্রব্য হইয়া উঠে, ও তাহারই সঙ্গে সঙ্গে আমাদের তুচ্ছ নামটা বিলাতে প্রচুর পরিমাণে রপ্তানি করিবার সরঞ্জাম করি। স্বভিকোলাহল ও দলস্থ লোকের অবিশ্রাম একমহোচ্চারণ-শব্দে বিব্রত থাকিয়া স্থিরভাবে কোনো বিষয়ের স্বার্থ ভালোমন্দ বুঝিবার শক্তিও থাকে না, ততটা ইচ্ছাও থাকে না, একটা গোলযোগের আবর্তের মধ্যে মহানন্দে ঘুরিতে থাকি ও মনে করিতে থাকি বিদ্যুৎ-বেগে উন্নতির পথে অগ্রসর হইতেছি।

আমরা যে আত্মবিলোপ করিতে পারি না তাহার কারণ, আমরা আপনাকে ধারণ করিতে পারি না। সামান্ত মাত্র ভাবের প্রবাহ উপস্থিত হইলেই আমরাই সর্বোপরি ভাসিয়া উঠি। আত্মগোপন করিতে পারি না বলিয়াই সর্বদা ভাবিতে হয়, আমাকে কেমন দেখিতে হইতেছে। বাহ্যিক মাঝারি রকমের বড়ো লোক

তাঁহারা নিজের শুভসংকল্প সিদ্ধ করিতে চান বটে, কিন্তু তৎসঙ্গে আপনাকেও প্রচলিত করিতে চান। এ বড়ো বিষম অবস্থা। আপনিই যখন আপনার সংকল্পের প্রতিযোগী হইয়া উঠে তখন সংকল্পের অপেক্ষা আপনার প্রতি আদর স্বভাবতই কিঞ্চিৎ অধিক হইয়া পড়ে। তখন সংকল্প অনেক সময়ে হীনবল, লক্ষ্যভ্রষ্ট হয়। সে ইতস্তত করিতে থাকে। কথায় কথায় তাহার পরিবর্তন হয়। কিছু কিছু ভালো কাজ সে করিতে পারে, কিন্তু সর্বদক্ষন্দর কাজটি হইয়া উঠে না। যে আপনার পায়ে আপনি বাধাস্বরূপ বিরাজ করিতে থাকে সংসারের সহস্র বাধা সে অতিক্রম করিবে কী করিয়া? যে ব্যক্তি আপনাকে ছাড়িয়া সংসারের মধ্যস্থলে নিজের শুভকার্য স্থাপন করে সে স্থায়ী ভিত্তির উপরে নিজের মঙ্গলসংকল্প প্রতিষ্ঠিত করে। আর যে নিজের উপরেই সমস্ত কার্যের প্রতিষ্ঠা করে সে যখন চলিয়া যায় তাহার অসম্পূর্ণ কার্যও তাহার সঙ্গে সঙ্গে চলিয়া যায়, যদি বা বিশৃঙ্খল ভগ্নাবশেষ ধুলির উপরে পড়িয়া থাকে তবে তাহার ভিত্তি কোথাও খুঁজিয়া পাওয়া যায় না। রামমোহন রায় আপনাকে ভুলিয়া নিজের মহতী ইচ্ছাকে বঙ্গসমাজের মধ্যে রোপণ করিয়াছিলেন, এইজন্য তিনি না থাকিলেও আজ তাঁহার সেই ইচ্ছা জীবন্তভাবে প্রতিদিন বঙ্গসমাজের চারি দিকে অবিচ্যাম কাজ করিতেছে। সমস্ত বঙ্গবাসী তাঁহার স্মৃতি হৃদয়পট হইতে মুছিয়া ফেলিতে পারে, কিন্তু তাঁহার সেই অমর ইচ্ছার বংশ বঙ্গসমাজ হইতে বিলুপ্ত করিতে পারে না।

পূর্বেই বলিয়াছি, লঘু-আত্মাই প্রবাহে ভাসিয়া উঠে, ভাসিয়া যায়। তাঁহার আত্মার গৌরব আছে তিনিই প্রবাহে আত্মসম্বরণ করিতে পারেন। রামমোহন রায়ের এই আত্মধারণশক্তি কিরূপ অসাধারণ ছিল তাহা কল্পনা করিয়া দেখুন। অতি বাল্যকালে যখন তিনি হৃদয়ের পিপাসায় ভারতবর্ষের চতুর্দিকে আকুল হইয়া ভ্রমণ করিতেছিলেন তখন তাঁহার অন্তরে বাহিরে কী সুগভীর অন্ধকার বিরাজ করিতেছিল! যখন এই মহানিশীথিনীকে মুহূর্তে দৃষ্ট করিয়া ফেলিয়া তাঁহার হৃদয়ে প্রথর আলোক দীপ্ত হইয়া উঠিল তখন তাহাতে তাঁহাকে বিপর্যস্ত করিতে পারে নাই। সে ভেজ, সে আলোক তিনি হৃদয়ে ধারণ করিতে পারিলেন। যুগযুগান্তরের সঙ্কিত-অন্ধকার অন্ধারের খনিতে যদি বিদ্যুৎশিখা প্রবেশ করে তবে সে কী কাণ্ডই উপস্থিত হয়, ভূগর্ভ শতধা বিদীর্ণ হইয়া যায়। তেমনি সহসা জ্ঞানের নূতন উজ্জ্বল কয়লন ব্যক্তি সহজে ধারণ করিতে পারে? কোনো বালক তো পারেই না। কিন্তু রামমোহন রায় অত্যন্ত মহৎ ছিলেন, এইজন্য এই জ্ঞানের বজ্রায় তাঁহার হৃদয় অটল ছিল; এই জ্ঞানের বিপ্লবের মধ্যে মাথা ভুলিয়া বাহা আমাদের দেশে এর মঙ্গলের কারণ হইবে তাহা

নির্বাচন করিতে পারিয়াছিলেন। এ সময়ে ধৈর্যরক্ষা করা যায় কি? আজিকার কালে আমরা তো ধৈর্য কাহাকে বলে জানিই না। কিন্তু রামমোহন রায়ের কী অসামান্য ধৈর্যই ছিল! তিনি আর-সমস্ত ফেলিয়া পর্বতপ্রমাণ স্তূপাকার ভস্মের মধ্যে আচ্ছন্ন যে অগ্নি, ফুঁ দিয়া দিয়া তাহাকেই প্রজ্বলিত করিতে চাহিয়াছিলেন; তাড়া-তাড়ি চমক লাগাইবার জন্য বিদেশী দেশলাইকাঠি জালাইয়া জাহ্নুগিরি করিতে চাহেন নাই। তিনি জানিতেন, ভস্মের মধ্যে যে অগ্নিকণিকা অবশিষ্ট আছে তাহা ভারত-বাসীর হৃদয়ের গুঢ় অভ্যন্তরে নিহিত, সে অগ্নি প্রজ্বলিত হইয়া উঠিলে সে আর নিভিবে না। এত বল এত ধৈর্য নহিলে তিনি রাজা কিসের? দিল্লির সম্রাট তাঁহাকে রাজ্যোপাধি দিয়াছেন, কিন্তু দিল্লির সম্রাটের সম্রাট তাঁহাকে রাজা করিয়া পাঠাইয়াছেন। ভারতবর্ষে বঙ্গসমাজের মধ্যে তিনি তাঁহার রাজসিংহাসন প্রতিষ্ঠা করিয়াছেন। তবে আমরা কি তাঁহাকে সম্মান করিব না?

রামমোহন রায় যখন ভারতবর্ষে জনগ্রহণ করেন তখন এখানে চতুর্দিকে কালরাত্রির অন্ধকার বিরাজ করিতেছিল। আকাশে মৃত্যু বিচরণ করিতেছিল। মিথ্যা ও মৃত্যুর বিরুদ্ধে তাঁহাকে সংগ্রাম করিতে হইয়াছিল। মিথ্যা ও মৃত্যু-নামক মায়াবী রাজাদের প্রকৃত বল নাই, অমোঘ অস্ত্র নাই, কোথাও তাহাদের দাঁড়াইবার স্থল নাই, কেবল নিশীথের অন্ধকার ও একপ্রকার অনির্দেশ্য বিভীষিকার উপরে তাহাদের সিংহাসন প্রতিষ্ঠিত। আমাদের অজ্ঞান—আমাদের হৃদয়ের দুর্বলতাই তাহাদের বল। অতি বড়ো ভীকুও প্রভাতের আলোকে প্রেতের নাম শুনিলে হাসিতে পারে, কিন্তু অন্ধকার নিশীথিনীতে একটি শুক পত্রের শব্দ একটি ভূণের ছায়াও অবসর পাইয়া আমাদের হৃদয়ে নিষ্ঠুর আধিপত্য করিতে থাকে। যথার্থ দৃশ্যভঙ্গ অপেক্ষা সেই মিথ্যা অনির্দেশ্য ভয়ের শাসন প্রবলতর। অজ্ঞানের মধ্যে মাহুষ যেমন নিরুপায়, যেমন অসহায়, এমন আর কোথায়? রামমোহন রায় যখন আগ্রত হইয়া বঙ্গসমাজের চারি দিকে দৃষ্টিপাত করিলেন তখন বঙ্গসমাজ সেই প্রেতভূমি ছিল। তখন ঋশানস্থলে প্রাচীনকালের জীবন্ত হিন্দুধর্মের প্রেতমাত্র রাজত্ব করিতেছিল। তাহার জীবন নাই, অস্তিত্ব নাই, কেবল অহুশাসন ও ভয় আছে মাত্র। সেই নিশীথে, ঋশানে, সেই ভয়ের বিপক্ষে ‘মা ভৈঃ’ শব্দ উচ্চারণ করিয়া যিনি একাকী অগ্রসর হইয়াছিলেন তাঁহার মাহাত্ম্য আমরা আজিকার এই দিনের আলোকে হয়তো ঠিক অহুভব করিতে পারিব না। যে ব্যক্তি সর্পবধ করিতে অগ্রসর হয় তাহার কেবলমাত্র জীবনের আশঙ্কা থাকে, কিন্তু যে ব্যক্তি বাহুসর্প মারিতে যায় তাহার জীবনের আশঙ্কার অপেক্ষা অনির্দেশ্য অমঙ্গলের আশঙ্কা বলবন্তর

হইয়া উঠে। তেমনি রামমোহন রায়ের সময়ে হিন্দুসমাজের ভগ্নভিত্তির সহস্র ছিদ্রে সহস্র বাস্তু-অমল উত্তরোত্তর পরিবর্তমান বংশপরম্পরা লইয়া প্রাচীনতা ও জড়তার প্রভাবে অতিশয় স্থূলকায় হইয়া উঠিতেছিল। রামমোহন রায় সমাজকে এই সহস্র নাগপাশবন্ধন হইতে মুক্ত করিতে নির্ভয়ে অগ্রসর হইলেন। কিন্তু এই নিদারুণ বন্ধন অহুরাগবন্ধনের গায় সমাজকে জড়াইয়াছিল, এইজন্ত সমস্ত বঙ্গসমাজ আর্তনাদ করিয়া রামমোহন রায়ের বিরুদ্ধে উত্থান করিল। আজি আমাদের বালকেরাও সেই-সকল মৃতসর্পের উপরে হাশ্বমুখে পদাঘাত করে, আমরা তাহাদিগকে নির্বিষ ঢোঁড়া সাপ বলিয়া উপহাস করি— ইহাদের প্রবল প্রতাপ, ইহাদের চক্কর মোহ-আকর্ষণ, ইহাদের সুদীর্ঘ লানুলের ভীষণ আলিঙ্গনের কথা আমরা বিস্মৃত হইয়াছি।

একবার ভাঙচুর করিতে আরম্ভ করিলে একটা নেশা চড়িয়া যায়। স্বজনের যেমন আনন্দ আছে প্রলয়ের তেমনি একপ্রকার ভীষণ আনন্দ আছে। যাহারা রাজনারায়ণবাবুর 'একাল ও সেকাল' পাঠ করিয়াছেন তাঁহারা জানেন, নূতন ইংরাজি শিক্ষা লাভ করিয়া বাঙালি ছাত্রেরা যখন হিন্দুকালেজ হইতে বাহির হইলেন তখন তাঁহাদের কিরূপ মত্ততা জন্মিয়াছিল। তাঁহারা দলবদ্ধ হইয়া গুরুতর আঘাতে হিন্দুসমাজের হৃদয় হইতে রক্তপাত করিয়া তাহাই লইয়া প্রকাশ্য পথে আবীর খেলাইতেন। কঠোর অট্টহাস্য ও নিষ্ঠুর উৎসবের কোলাহল তুলিয়া তখনকার শ্মশানদৃশ্য তাঁহারা আরও ভীষণতর করিয়া তুলিয়াছিলেন। তাঁহাদের নিকট হিন্দুসমাজের কিছুই ভালো কিছুই পবিত্র ছিল না; হিন্দুসমাজের যে-সকল কঙ্কাল ইতস্তত বিক্ষিপ্ত ছিল তাহাদের ভালোরূপ সংকার করিয়া শেষ ভস্মমুষ্টি গঙ্গার জলে নিক্ষেপ করিয়া বিষগ্নমনে যে গৃহে ফিরিয়া আসিবেন, প্রাচীন হিন্দুসমাজের স্মৃতির প্রতি তাঁহাদের ততটুকুও শ্রদ্ধা ছিল না। তাঁহারা কালভৈরবের অহুচর ভূতপ্রেতের গায় শ্মশানের নরকপালে মদিরা পান করিয়া বিকট উল্লাসে উন্মত্ত হইতেন। সে-সময়কার অবস্থা বিবেচনা করিলে তাঁহাদের ততটা দোষ দেওয়া যায় না। প্রথম বিপ্লবের সময় এইরূপই ঘটিয়া থাকে। একবার ভাঙিবার দিকে মন দিলে প্রলয়ের আনন্দ উত্তরোত্তর বাড়িয়া উঠে। সে সময়ে খানিকটা খারাপ লাগিলেই সমস্তটা খারাপ লাগে, বাহিরটা খারাপ লাগিলেই ভিতরটা খারাপ লাগে। কিন্তু বর্তমান বঙ্গসমাজে বিপ্লবের আগের উচ্ছ্বাস সর্বপ্রথমে যিনি উৎসারিত করিয়া দিলেন সেই রামমোহন রায় তাঁহার তো এরূপ মত্ততা জন্মে নাই। তিনি তো হিরচিন্তে ভালোমন্দ সমস্ত পর্ষবেক্ষণ করিয়াছিলেন। তিনি তখনকার অন্ধকার হিন্দুসমাজে

আলোক জ্বালাইয়া দিলেন, কিন্তু চিতালোক তো জ্বালান নাই। ইহাই রামমোহন রায়ের প্রধান মহত্ব। কেবলমাত্র বাহ্য অস্থান ও জীবনহীন তত্ত্বমন্ত্রের মধ্যে জীবন্তে সমাহিত হিন্দুধর্মের পুনরুদ্ধার করিলেন। যে মৃতভারে আচ্ছন্ন হইয়া হিন্দুধর্ম দিন দিন অবসন্ন মুর্খ হইয়া পড়িতেছিল, যে জড়পাষণস্বপ্নে পিষ্ট হইয়া হিন্দুধর্মের হৃদয় হতচেতন হইয়া পড়িতেছিল, সেই মৃতভারে, সেই জড়স্বপ্নে, রামমোহন রায় প্রচণ্ড বলে আঘাত করিলেন— তাহার ভিত্তি কম্পিত হইয়া উঠিল— তাহার আপাদ-মস্তক বিদীর্ণ হইয়া গেল। হিন্দুধর্মের বিপুলায়তন প্রাচীন মন্দির জীর্ণ হইয়া প্রতিদিন ভাঙিয়া পড়িতেছিল, অবশেষে হিন্দুধর্মের দেবপ্রতিমা আর দেখা যাইতেছিল না, কেবল মন্দিরেরই কাষ্ঠলৌহধূলিস্বপ্ন অত্যন্ত উচ্চ হইয়া উঠিয়াছিল। তাহার গর্ভের মধ্যে অন্ধকার ঘনীভূত হইতেছিল, ছোটোবড়ো নানাবিধ সরীসৃপগণ গুহা নির্মাণ করিতেছিল, তাহার ইতস্তত প্রতিদিন কণ্টকাকীর্ণ গুল্মসকল উদ্ভিন্ন হইয়া সহস্র শিকড়ের দ্বারা নূতন নূতন বন্ধনে সেই পুরাতন ভগ্নাবশেষকে একত্রে বাধিয়া রাখিতে চেষ্টা করিতেছিল। হিন্দুসমাজ দেবপ্রতিমাকে ভুলিয়া এই জড়স্বপ্নকে পূজা করিতেছিল ও পর্বতপ্রমাণ জড়মন্ত্রের তলে পড়িয়া প্রতিদিন চেতনা হারাইতেছিল। রামমোহন রায় সেই ভগ্নমন্দির ভাঙিলেন। সকলে বলিল, তিনি হিন্দুধর্মের উপরে আঘাত করিলেন। কিন্তু তিনিই হিন্দুধর্মের জীবন রক্ষা করিলেন। সমস্ত ভারতবর্ষ এই-অন্ত তাঁহার নিকটে কৃতজ্ঞ। কী সংকটের সময়েই তিনি জন্মিয়াছিলেন! তাঁহার এক দিকে হিন্দুসমাজের তটভূমি জীর্ণ হইয়া পড়িতেছিল, আর-এক দিকে বিদেশীয় সভ্যতাসাগরের প্রচণ্ড বগ্না বিদ্যুৎ-বেগে অগ্রসর হইতেছিল— রামমোহন রায় তাঁহার অটল মহত্ব মাঝখানে আসিয়া দাঁড়াইলেন। তিনি যে বাধ নির্মাণ করিয়া দিলেন খ্রীষ্টীয় বিপ্লব সেখানে আসিয়া প্রতিহত হইয়া গেল। সে সময়ে তাঁহার মতো মহৎ লোক না জন্মাইলে এতদিন বঙ্গদেশে হিন্দুসমাজে এক অতি শোচনীয় মহাপ্রাণ উপস্থিত হইত।

এইখানে রামমোহন রায়ের উদারতা সঘনো হয়তো ছ-একটা কথা উঠিতে পারে। ভগ্নস্বপ্নের মধ্যে ঋষিদের হৃদয়জাত যে অমর অগ্নি প্রচ্ছন্ন ছিল, ভগ্ন উড়াইয়া দিয়া তিনি তাহাই বাহির করিয়াছেন। কিন্তু এত করিবার কী প্রয়োজন ছিল? তিনি এত ভাষা জানিতেন, এত ধর্ম আলোচনা করিয়াছিলেন এবং সকল ধর্মের সত্যের প্রতিই তাঁহার শ্রদ্ধা ও অহুরাগ ছিল, তিনি তো বিদেশ হইতে অনায়াসে ধর্মগ্নি আহরণ করিতে পারিতেন— তবে কেন তিনি সংকীর্ণতা অবলম্বন করিয়া অন্ত সকল ধর্ম ফেলিয়া ভারতবর্ষেরই ধর্ম ভারতবর্ষে প্রতিষ্ঠিত করিলেন? তাহার উত্তর এই—

বিজ্ঞান-দর্শনের জায় ধর্ম যদি কেবলমাত্র জ্ঞানের বিষয় হইত— হৃদয়ের মধ্যে অনুভব করিবার, লাভ করিবার, সঞ্চয় করিবার বিষয় না হইত— ধর্ম যদি গৃহের অলংকারের জায় কেবল গৃহভিত্তিতে ছুলাইয়া রাখিবার সামগ্রী হইত, আমাদের সংসারের প্রত্যেক ক্ষুদ্র কাজের প্রবর্তক নিবর্তক না হইত— তাহা হইলে একরূপ না করিলেও চলিত। তাহা হইলে নানাবিধ বিদেশী অলংকারে গৃহ সাজাইয়া রাখা যাইত। কিন্তু ধর্ম নাকি হৃদয়ে পাইবার ও সংসারের কাজে ব্যবহার করিবার দ্রব্য, দূরে রাখিবার নহে, এইজন্যই স্বদেশের ধর্ম স্বদেশের জন্য বিশেষ উপযোগী। ব্রহ্ম সমস্ত জগতের ঈশ্বর, কিন্তু তিনি বিশেষরূপে ভারতবর্ষেরই ব্রহ্ম। অন্য কোনো দেশের লোকে তাঁহাকে ব্রহ্ম বলিয়া জানে না, ব্রহ্ম বলিতে আমরা ঈশ্বরকে বেকরূপ ভাবে বুঝি ঈশ্বরের অন্য কোনো বিদেশীয় নামে বিদেশীয়েরা কখনোই তাঁহাকে ঠিক সেরূপ ভাবে বুঝে না। বুঝে বা না বুঝে জানি না, কিন্তু ব্রহ্ম বলিতে আমাদের মনে যে ভাবের উদয় হইবে ঈশ্বরের অন্য কোনো বিদেশীয় নামে আমাদের মনে সে ভাব কখনোই উদয় হইবে না। ব্রহ্ম একটি কথার কথা নহে— যে ইচ্ছা পাইতে পারে না, যাহাকে ইচ্ছা দেওয়া যায় না। ব্রহ্ম আমাদের পিতামহদের অনেক সাধনার ধন; সমস্ত সংসার বিসর্জন দিয়া, সমস্ত জীবনক্ষেপণ করিয়া, নিভৃত অরণ্যে ধ্যানধারণা করিয়া আমাদের ঋষিরা আমাদের ব্রহ্মকে পাইয়াছিলেন। আমরা তাঁহাদের সেই আধ্যাত্মিক সম্পদের উত্তরাধিকারী। আর-কোনো জাতি ঠিক এমন সাধনা করে নাই, ঠিক এমন অবস্থায় পড়ে নাই, এইজন্য ব্রহ্মকে প্রাপ্ত হয় নাই। প্রত্যেক জাতি বিশেষ সাধনা -অনুসারে বিশেষ ফল প্রাপ্ত হয়, সেই ফল তাহারা অন্য জাতিকে দান করে। এইরূপে সমস্ত পৃথিবীর উপকার হয়। আমাদের এত সাধনার ফল কি আমরা ইচ্ছাপূর্বক অবহেলা করিয়া ফেলিয়া দিব? এইজন্যই বলি, ব্রাহ্মধর্ম পৃথিবীর ধর্ম বটে, পৃথিবীকে আমরা এ ধর্ম হইতে বঞ্চিত করিতে পারিও না চাহিও না, কিন্তু অবস্থা ও সাধনা-বিশেষের গুণে ইহা বিশেষরূপে ভারতবর্ষেরই ব্রাহ্মধর্ম হইয়াছে, ব্রাহ্মধর্মের জন্য পৃথিবী ভারতবর্ষেরই নিকটে ঋণী। আমি যদি উদারতা-পূর্বক বলি, খ্রীষ্টধর্মে ব্রাহ্মধর্ম আছে, মুসলমান-ধর্মে ব্রাহ্মধর্ম আছে, তবে উদারতা-নামক পরম শ্রুতিমধুর শব্দটার গুণে তাহা কানে খুব ভালো শুনাইতে পারে, কিন্তু কথাটা মিথ্যা কথা হয়। স্মরণ্য সত্যের অনুরোধে মিথ্যা উদারতাকে ত্যাগ করিতে হয়। এইজন্য রামমোহন রায়ের ব্রাহ্মধর্ম ঋষিদেরই ব্রাহ্মধর্ম, সমস্ত জগতে ইহাকে প্রচার করিতে হইবে, এইজন্য সর্বাগ্রে ভারতবর্ষে ইহাকে বিশেষরূপে রোপণ করিতে হইবে। ভারতবর্ষের তো দারিদ্র্যের অভাব নাই, জীবন্ত ঈশ্বরকে হারাইয়া ভারতবর্ষ

ক্রমাগত হীনতার অন্ধকূপে নিমগ্ন হইতেছে, আমাদের পৈতৃক সম্পদ যে ভাণ্ডারে প্রচ্ছন্ন আছে রামমোহন রায় সেই ভাণ্ডারের দ্বার উন্মার্চন করিয়া দিলেন— আমরা কি গৌরবের সহিত মনের সাথে আমাদের দারিদ্র্যদুঃখ দূর করিতে পারিব! আমাদের দীনহীন জাতিকে এই একমাত্র গৌরব হইতে কোন্ নিষ্ঠুর বঞ্চিত করিতে চাহে! আর-একটা কথা ভিজ্জাসা করি— ব্রহ্মকে পাইয়া কি আমাদের হৃদয়ের পরিপূর্ণ পরিভূষ্টি হয় না? আমাদের ব্রহ্ম কি কেবলমাত্র নীরস দর্শনশাস্ত্রের ব্রহ্ম? তাহা যদি হইত তবে কি ঋষিরা তাঁহাদের সমস্ত জীবন এই ব্রহ্মতে নিমগ্ন করিয়া রাখিতে পারিতেন, তাঁহাদের সংসারের সমস্ত সুখদুঃখ এই ব্রহ্মে গিয়া নির্বাণ প্রাপ্ত হইত? প্রেমের ঈশ্বর কি বিদেশী ধর্মে আছে, আমাদের ধর্মে নাই? না, তাহা নঃ। আমাদের ব্রহ্ম— রসো বৈ সঃ। তিনি রসস্বরূপ। আমাদের ব্রহ্ম আনন্দস্বরূপ। কো হেবাগ্নাং কঃ প্রাণ্যাং যদেষ আকাশ আনন্দো ন স্রাং। এষ হেবানন্দয়াতি। এই আনন্দ সমস্ত আকাশ পরিপূর্ণ করিয়া আছেন বলিয়াই আমাদের বাঁচিয়া আনন্দ। এইজন্ত পুষ্পে আনন্দ, সমীরণে আনন্দ। এইজন্ত পুত্রের মুখ দেখিয়া আনন্দ, বন্ধুর মিলনে আনন্দ, নরনারীর প্রেমে আনন্দ। এইজন্তই, আনন্দং ব্রহ্মণো বিদ্বান্ ন বিভেতি কদাচন। এই আনন্দকে পাইলে ভয় থাকে না, আনন্দের অবসান থাকে না। এত পাইয়াও কি হৃদয়ের আকাঙ্ক্ষা অবশিষ্ট থাকে? এমন অসীম আনন্দের আকর ঋষিরা আবিষ্কার করিয়াছেন ও আমাদের জন্ত রাখিয়া গিয়াছেন, তবে কিসের জন্ত অজ্ঞান যাইব? ঋষিদের উপার্জিত, ভারতবর্ষীয়দের উপার্জিত, আমাদের উপার্জিত এই আনন্দ আমরা পৃথিবীময় বিতরণ করিব। এইজন্ত রামমোহন রায় আমাদেরই ব্রাহ্মধর্ম দিয়া গিয়াছেন। আমাদের ব্রহ্ম যেমন নিকট হইতে নিকটতর, আত্মা হইতেও আত্মীয়তর, এমন আর কোনো দেশের ঈশ্বর নছেন। রামমোহন রায় ঋষিপ্রদর্শিত পথে সেই আমাদের পরমাত্মীয়ের সন্ধান পাইয়াছেন, আমাদেরই সেই পথ দেখাইয়া দিয়াছেন। তিনি যদি স্পর্ধিত হইয়া নূতন পথ অবলম্বন করিতেন তবে আমাদেরই কতদূরেই ভ্রমণ করিতে হইত— তবে আমাদের হৃদয়ের এমন অসীম পরিভূষ্টি হইত না, তবে সমস্ত ভারতবাসী বিশ্বাস করিয়া তাঁহার সেই নূতন পথের দিকে চাহিয়াও দেখিত না। তিনি যে ক্ষুদ্র অভিমানে অথবা উদারতা প্রভৃতি দুই-একটা কথার প্রলোভনে পুরাতনকে পরিত্যাগ করেন নাই, এই তাঁহার প্রধান মহত্ত্ব।

বাস্তবিক, একটু ভাবিয়া দেখিলেই দেখা যায়, জ্ঞানের কথার আর ভাবের কথার একই নিয়ম খাটে না। জ্ঞানের কথাকে ভাবান্তরিত করিলে তাহার তেমন ক্ষতি হয় না, কিন্তু ভাবের কথাকে ভাবাবিশেষ হইতে উৎপাটিত করিয়া তাহাকে ভাবান্তরে

রোষণ করিলে তাহার ক্ষুতি থাকে না, তাহার ফুল হয় না, ফল হয় না, সে ক্রমে মরিয়া যায়। আমি ভারতবাসী যখন ঈশ্বরকে দয়াময় বলিয়া ডাকি তখন সেই 'দয়াময়' শব্দ সমস্ত অতীত ও বর্তমান ভারতবাসীর বিরাট হৃদয় হইতে প্রতিধ্বনিত হইয়া সমস্ত ভারতবর্ষের আকাঙ্ক্ষা কুড়াইয়া লইয়া কী সুগম্ভীর ধ্বনিতে ঈশ্বরের নিকটে গিয়া উদ্ভিত হয়! আর, অনুবাদ করিয়া তাঁহাকে যদি merciful বলিয়া ডাকি, তবে ওয়েব্‌স্টার্স ডিক্‌শনারির গোটাকতক শুধু পত্রের মধ্যে সে শব্দ মর্মর করিয়া উঠে মাত্র। অতএব, ভাবের সহজে সম্পূর্ণ উদারতা খাটে না। আজকালকার অনেক ধর্ম-প্রবন্ধে দেখিতে পাওয়া যায়, অনেকে ইংরাজি faith শব্দকে অনুবাদ করিয়া 'বিশ্বাস'-নামক শব্দ ব্যবহার করিয়া থাকেন। ইহাতে তাঁহাদের হৃদয়হীনতা প্রকাশ পায়; প্রকাশ পায় যে, হৃদয়ের অভাব-বশত স্বদেশীয় ভাষার অমূল্য ভাবের ভাণ্ডার তাঁহাদের নিকটে রুদ্ধ রহিয়াছে। বিশ্বাস শব্দের বিশেষ স্থলে বিশেষ প্রয়োগ আছে, কিন্তু ভক্তি শব্দের স্থলে বিশ্বাস শব্দের প্রয়োগ অসহ। অলীক উদারতার প্রভাবে স্বদেশীয় ভাবের প্রতি সংকীর্ণ দৃষ্টি জন্মিলে এই-সকল উপদ্রব ঘটিয়া থাকে। আমাদের দেশে যদি সস্তা কাপড় সহজে কিনিতে পাওয়া যায়, তবে তাহার উপরে মাণ্ডল বসাইয়া সেই জিনিসটাই আর-এক আকারে বিলাত হইতে আমদানি করাইলে দেশের কিরূপ শ্রীবৃদ্ধি করা হয়? সর্বসাধারণে কি সে কাপড় সহজে পরিতে পায়? এক হিসাবে বিলাতের পক্ষে উদারতা করা হয় সন্দেহ নাই, কিন্তু ইহাকে প্রকৃত উদারতা বলে না। আমি নিজের গৃহ নির্মাণ করিতেছি বলিয়া কি সকলে বলিবে, আমি হৃদয়ের সংকীর্ণতা-বশত পরের সহিত স্বতন্ত্র হইতেছি। স্বগৃহ না থাকিলে আমি পরকে আশ্রয় দিব কী করিয়া? রামমোহন রায় সেই স্বগৃহ দৃঢ়রূপে প্রতিষ্ঠিত করিতে চাহিলেন। অথচ স্পষ্ট দেখা গিয়াছে, পরের প্রতি তাঁহার বিদ্বেষ ছিল না। তাঁহাকে অনুদার বলিতে চাও তো বলা। উদ্ভিঙ্ক ও পশু-মাংসের মধ্যে যে জীবনীশক্তি আছে তাহা যে আমরা স্বায়ত্ত করিতে পারি তাহার কারণ—আমাদের নিজের জীবন আছে বলিয়া। আমাদের নিজের প্রাণ না থাকিলে আমরা নূতন প্রাণ উপার্জন করিতে পারি না। আমাদের প্রাণ না থাকিলে উদ্ভিঙ্ক পশু পক্ষী কীট প্রভৃতি অন্ত প্রাণীরা আমাদেরকে গ্রহণ করিত। এ জগতে মৃত টুকিতে পারে না, জীবিতের মধ্যে বিলীন হইয়া যায়। রামমোহন রায় যদি দেখিতেন আমাদের জীবন নাই, তবে পারসিক মৃতদেহের জায় আমাদেরকে মৃতভবনে ফেলিয়া রাখিতে দিতেন, খ্রীষ্টধর্ম প্রভৃতি অন্যান্য জীবিত প্রাণীর উদরস্থ হইতে দিতেন। কিন্তু তাহা না করিয়া তিনি চিকিৎসা শুরু করিয়া দিলেন। তিনি দেখিলেন, জীবন

আমাদের মধ্যে আচ্ছন্ন হইয়া আছে। তাহাকেই তিনি জাগ্রত করিয়া তুলিলেন। আমাদের চেষ্টা হউক, আমাদের এই জীবনকে সতেজ করিয়া তুলি— তবে আমরা ক্রমে বিদেশীয় সত্য আপনায় করিতে পারিব। তাও যে সকল সময়ে সকল অবস্থায় সম্পূর্ণ করিতে পারিব, এমন ভরসা নাই। আমাদের জঠরানলেরও যেমন এমন সার্বভৌমিক উদারতা নাই যে সমস্ত খাণ্ডকে সমান পরিপাক করিতে পারে, আমাদের হৃদয়েরও সেই দশা— কী করা যায়, উপায় নাই। এইজন্যই বলি, প্রাচীন ঋষিদের উপনিষদের ব্রহ্মনাম উচ্চারণ করিয়া আগে আমাদের দেশে ঈশ্বরের সিংহাসন প্রতিষ্ঠা করিয়া লই, তাহার পরে সার্বভৌমিকতার দিকে মনোযোগ দেওয়া যাইতে পারে। ঈশ্বর যেমন সকলের ঈশ্বর তেমনি তিনি প্রত্যেকের ঈশ্বর, যেমন তিনি জ্ঞানের ঈশ্বর তেমনি তিনি হৃদয়ের ঈশ্বর, তিনি যেমন সমস্ত জগতের দেবতা তেমনি আমাদের গৃহদেবতা। তাঁহাকে রাজা বলিয়াও দেখিতে পারি, তাঁহাকে পিতা বলিয়াও দেখিতে পারি। কিন্তু পিতা ঈশ্বর আমাদের যত নিকটের, তিনি আমাদের হৃদয়ের যত অভাব মোচন করেন, এমন রাজা ঈশ্বর নহেন। তেমনি ব্রহ্ম ভারতবর্ষের গৃহদেবতা, তিনি ভারতবর্ষের পিতা। তিনি ভারতের হৃদয়ের যত নিকটবর্তী, তিনি ভারতের অভাব যত বুঝিবেন, এমন আর কেহ নহে। ব্রহ্মই ভারতবর্ষের জাগ্রত দেবতা; অহোবা, গড্, অথবা আল্লা আমাদের ভাবের সম্পূর্ণ গম্য নহেন। রামমোহন রায় হৃদয়ের উদারতা-বশত ইহা বুঝিয়াছিলেন। সংকীর্ণ দৃষ্টি হইলে ভারতের এ মর্মান্তিক অভাব হয়তো তাঁহার চক্ষে পড়িত না। পিতামহ ঋষিরা যে ব্রহ্মকে বহু সাধনা-দ্বারা আবাহন করিয়া আমাদের ভারতবাসীর হৃদয়ের মধ্যে প্রতিষ্ঠিত করিয়াছিলেন, আমাদের হীনতা-অন্ধকারে যে ব্রহ্মের মূর্তি এতদিন আচ্ছন্ন হইয়া আছে, রামমোহন রায় সেই ব্রহ্মকে আমাদের হৃদয়ে পুনঃ-প্রতিষ্ঠিত করিতে উদ্বৃত্ত হইয়াছেন; আমরা যদি তাঁহার সেই শুভসংকল্প সিদ্ধ করি তবেই তাঁহার চিরস্থায়ী স্মরণস্তম্ভ পৃথিবীতে স্থাপন করিতে পারিব। আমরা অগ্রে ভারতবর্ষের মন্দিরে সনাতন ব্রহ্মের প্রতিষ্ঠা করিব; অবশেষে এমন হইবে যে, পৃথিবীর চারি দিক হইতে ধর্মার্থীরা ভারতবর্ষের তীর্থক্ষেত্রে ব্রহ্মদর্শন-লালসায় দলে দলে আগমন করিতে থাকিবে। তখনই রাজা রামমোহন রায়ের জয়। তিনি যে সত্যের পতাকা ধরিয়া ভারতভূমিতে দাঁড়াইয়াছিলেন সেই পুরাতন সত্যের জয়। তখন সেই রামমোহন রায়ের জয়ে, ঋষিদের জয়ে, সত্যের জয়ে, ব্রহ্মের জয়ে আমাদের ভারতবর্ষেরই জয়।

মাঘ ১২০১

৪১৩৫

মহর্ষির জন্মোৎসব

৩রা জ্যৈষ্ঠ মহর্ষি দেবেন্দ্রনাথের জন্মোৎসবে পঠিত

পূজনীয় পিতৃদেবের আজ অষ্টাশীতিতম সাংবৎসরিক জন্মোৎসব। এই উৎসব-দিনের পবিত্রতা আমরা বিশেষভাবে হৃদয়ের মধ্যে গ্রহণ করিব।

বহুতর দেশকে সঞ্জীবনস্পর্শে উর্বর করিয়া, পুণ্যধারায় বহুতর গ্রামনগরীর পিপাসা মিটাইয়া, অবশেষে জাহ্নবী যেখানে মহাসমুদ্রের প্রত্যক্ষসম্মুখে আপন সুদীর্ঘ পর্যটন অভিলম্পর্শ শান্তির মধ্যে সমাপ্ত করিতে উচ্ছত হন, সেই সাগরসংগমস্থল তীর্থস্থান। পিতৃদেবের পুত্ৰজীবন অল্প আমাদের সম্মুখে সেই তীর্থস্থান অব্যাহত করিয়াছে। তাঁহার পুণ্যকর্মরত দীর্ঘজীবনের একাগ্রধারা অল্প যেখানে তটহীন সীমান্ত বিপুল বিরামসমুদ্রের সম্মুখীন হইয়াছে সেইখানে আমরা ঋণকালের জন্ত নতশিরে স্তব্ধ হইয়া দণ্ডায়মান হইব। আমরা চিন্তা করিয়া দেখিব, বহুকাল পূর্বে একদিন স্বর্গ হইতে কোন্ শুভসূর্যকিরণের আঘাতে অকস্মাৎ সৃষ্টি হইতে জাগ্রত হইয়া, কঠিন তুষারবেষ্টনকে অশ্রুধারায় বিগলিত করিয়া, এই জীবন আপন কল্যাণ-যাত্রা আরম্ভ করিয়াছিল— তখন ইহার ক্ষীণ স্বচ্ছ ধারা কখনও আলোক, কখনও অন্ধকার, কখনও আশা, কখনও নৈরাশ্রের মধ্য দিয়া দুর্গম পথ কাটিয়া কাটিয়া চলিতেছিল। বাধা প্রতিদিন বৃহদাকার হইয়া দেখা দিতে লাগিল, কঠিন প্রস্তরপিণ্ডসকল পথরোধ করিয়া দাঁড়াইল— কিন্তু সে-সকল বাধায় শ্রোতকে রুদ্ধ না করিতে পারিয়া দ্বিগুণবেগে উদ্বেল করিয়া তুলিল, দুঃসাধ্য দুর্গমতা সেই দুর্বীর বলের নিকট মস্তক নত করিয়া দিল। এই জীবনধারা ক্রমশ বৃহৎ হইয়া, বিস্তৃত হইয়া, লোকালয়ের মধ্যে অবতরণ করিল, দুই কূলকে নবজীবনে অভিষিক্ত করিয়া চলিল, বাধা মানিল না, বিশ্রাম করিল না, কিছুতেই তাহাকে লক্ষ্য হইতে বিক্ষিপ্ত করিয়া দিল না— অবশেষে আজ সেই একনিষ্ঠ অনন্তপরায়ণ জীবনশ্রোত সংসারের দুই কূলকে আচ্ছন্ন করিয়া, অতিক্রম করিয়া উঠিয়াছে— আজ সে তাহার সমস্ত চেষ্টা, সমস্ত চাঞ্চল্যকে পরমপরিণামের সম্মুখে প্রশান্ত করিয়া পরিপূর্ণ আত্মবিসর্জনের দিকে আপনাকে প্রসারিত করিয়াছে— অনন্ত জীবনসমুদ্রের সহিত সার্থক জীবনধারার এই সুগভীর সন্মিলনদৃশ্য অল্প আমাদের ধ্যাননেত্রের সম্মুখে উদ্ঘাটিত হইয়া আমাদের দৃষ্টি কল্পক।

অমৃতপিপাসা ও অমৃতসন্ধানের পথে ঐশ্বর্য একটি প্রধান অন্তরায়। সামান্ত সোনার প্রাচীর উচ্চ হইয়া উঠিয়া আমাদের দৃষ্টি হইতে অনন্ত আকাশের অমৃত-

আলোককে রুদ্ধ করিয়া দাঁড়াইতে পারে। ধনসম্পদের মধ্যেই দীনহীন আপনার সার্থকতা উপলব্ধি করিতে থাকে ; সে বলে, 'এই তো আমি কৃতার্থ হইয়াছি, দেশে আমার স্তব করিতেছে, দেশে আমার প্রতাপ বিকীর্ণ হইতেছে, বাহিরে আমার আড়ম্বর অভ্রভেদ করিতেছে, ঘরে আমার আরামশয়ন প্রতিদিন স্তরে স্তরে রানীকৃত হইয়া উঠিতেছে— আমার আর কী চাই !' হায় রে দরিদ্র, নিখিল মানবের অন্তরাশ্রা যখন ক্রন্দন করিয়া উঠিয়াছে 'বাহাতে আমি অমর না হইব তাহা লইয়া আমি কী করিব, যেনাহং নাশ্বতা স্তাং কিমহং তেন কুর্ধাম্'— সপ্তলোক যখন অন্তরীক্ষে উর্ধ্ব-কররাজি প্রসারিত করিয়া প্রার্থনা করিতেছে 'আমাকে সত্য দাও, আলোক দাও, অমৃত দাও, অসতো মা সদগময়, তমসো মা জ্যোতির্গময়, মৃত্যোর্যামৃতং গময়'— তখন তুমি বলিতেছ, 'আমার ধন আছে, আমার মান আছে, আমার আরাম আছে, আমি প্রভু, আমি অধিপতি, আমার আর কী চাই !' ঐশ্বরের ইহাই বিড়ম্বনা— দীনাশ্রার কাছে ঐশ্বর্ষই চরম সার্থকতার রূপ ধারণ করে। অজ্ঞকার উৎসবে আমরা বাহার মাহাত্ম্য স্মরণ করিবার জন্ত সমবেত হইয়াছি, একদা প্রথম-ষৌবনেই তাঁহার অধ্যাত্মদৃষ্টি এই কঠিন ঐশ্বরের দুর্লভ্য প্রাচীর অতিক্রম করিয়া অন্তরের দিকে উন্মীলিত হইয়াছিল— যখন তিনি ধনমানের দ্বারা নীরঙ্কভাবে আবৃত-আচ্ছন্ন ছিলেন তখনই ধনসম্পদের স্থূলতম আবরণ ভেদ করিয়া, স্তাবকগণের বন্দনাগানকে অধঃকৃত করিয়া, আরাম-আমোদ-আড়ম্বরের ঘন ঘনিকা বিচ্ছিন্ন করিয়া, এই অমৃতবাণী তাঁহার কর্ণে কেমন করিয়া প্রবেশলাভ করিল যে 'ঈশাবাস্তমিদং সর্বং'— বাহা-কিছু সমস্তকেই ঈশ্বরের দ্বারা আচ্ছন্ন দেখিবে, ধনের দ্বারা নহে, স্বার্থের দ্বারা নহে, আত্মাভিমানের দ্বারা নহে— যিনি 'ঈশানং ভূতভব্যশ্চ', যিনি আমাদের অনন্তকালের ঈশ্বর, আমাদের ভূতভবিষ্যতের প্রভু, তাঁহাকে এই ধনিসস্তান কেমন করিয়া মুহূর্তের মধ্যে ঐশ্বর্ষ-প্রভাবের উর্ধ্বে, সমস্ত প্রভুত্বের উচ্চে আপনার একমাত্র প্রভু বলিয়া প্রত্যক্ষ করিতে পারিলেন— সংসারের মধ্যে তাঁহার নিজের প্রভুত্ব, সমাজের মধ্যে তাঁহার ধনমর্ষাদার সম্মান তাঁহাকে অন্ধ করিয়া রাখিতে পারিল না।

আবার যেদিন এই প্রভূত ঐশ্বর্ষ অকস্মাৎ এক হৃদিনের বজ্রাঘাতে বিপুল আয়োজন-আড়ম্বর লইয়া তাঁহার চতুর্দিকে সশব্দে তাড়িয়া পড়িতে লাগিল— ঋণ যখন মুহূর্তের মধ্যেই বৃহদাকার ধারণ করিয়া তাঁহার গৃহদ্বার, তাঁহার স্বখসমৃদ্ধি, তাঁহার অশনবসন, সমস্তই গ্রাস করিবার উপক্রম করিল— তখনো পদ্র যেমন আপন মৃগালবৃত্ত দীর্ঘতর করিয়া জলপ্রাবনের উর্ধ্বে আপনাকে সূর্যকিরণের দিকে নির্বল সৌন্দর্যে উন্মেষিত করিয়া রাখে, তেমনি করিয়া তিনি সমস্ত বিপদবস্তার উর্ধ্বে আপনার

অন্নান হৃদয়কে ঋজ্বজ্যোতির দিকে উদ্ঘাটিত করিয়া রাখিলেন। সম্পদ ষাঁহাকে অমৃতলাভ হইতে তিরস্কৃত করিতে পারে নাই, বিপদও তাঁহাকে অমৃতসঞ্চয় হইতে বঞ্চিত করিতে পারিল না। সেই দুঃসময়কেই তিনি আত্মজ্যোতির দ্বারা সুসময় করিয়া তুলিয়াছিলেন; যখন তাঁহার ধনসম্পদ ধূলিশায়ী তখনই তিনি তাঁহার দৈন্তের উর্ধ্বে দণ্ডায়মান হইয়া পরমাত্মসম্পদবিতরণের উপলক্ষ্যে সমস্ত ভারতবর্ষকে মুহূর্মুহু আহ্বান করিতেছিলেন। সম্পদের দিনে তিনি ভুবনেশ্বরের দ্বারে রিক্তহস্তে ভিক্ষু হইয়া দাঁড়াইয়াছিলেন, বিপদের দিনে তিনি আত্মশ্রমের গৌরবে ব্রহ্মসত্র খুলিয়া বিশ্বপতির প্রসাদসুধাবন্টনের ভার গ্রহণ করিয়াছিলেন।

ঐশ্বৰ্যের সুখশয্যা হইতে তুলিয়া লইয়া ধর্ম ইহাকে তাহার পথের মধ্যে দাঁড় করাইয়া দিল— সুরশ্র ধারা নিশিতা ছুরত্যা দুর্গং পথস্তং কবয়ো বদন্তি। কবিরা বলেন, সেই পথ নিশিত সুরধারার শ্রায় অতি দুর্গম পথ। লোকাচারপ্রচলিত চিরাভ্যস্ত ধর্ম আরামের ধর্ম, তাহা অন্ধভাবে জড়ভাবেও পালন করিয়া যাওয়া চলে এবং তাহা পালন করিয়া লোকের নিকট সহজেই যশোলাভ করিতে পারা যায়। ধর্মের সেই আরাম, সেই সম্মানকেও পিতৃদেব পরিহার করিয়াছিলেন। নিশিত সুরধারার শ্রায় ছুরতিক্রম্য পথেই তিনি নির্ভয়ে পদনিক্ষেপ করিলেন। লোকসমাজের আনুগত্য করিতে গিয়া তিনি আত্মবিদ্রোহী আত্মঘাতী হইলেন না।

ধনিগৃহে ষাঁহাদের জন্ম, পৈতৃক কাল হইতেই সমাজের নিকট সম্মানলাভে ষাঁহারা অভ্যস্ত, সমাজপ্রচলিত সংস্কারের নিবিড় ব্যুহ ভেদ করিয়া নিজের অন্তর্লব্ধ সত্যের পতাকাতে শক্রমিত্রের ধিক্কার লাঞ্ছনা ও প্রতিকূলতার বিরুদ্ধে অবিচলিত দৃঢ়মুষ্টিতে ধারণ করিয়া রাখা তাঁহাদের পক্ষে কোনোমতেই সহজ নহে— বিশেষত বৈষয়িক সংকটের সময় সকলের আনুকূল্য যখন অত্যাবশ্যক হইয়া উঠে তখন তাহা যে কিরূপ কঠিন সে কথা সহজেই অনুমান করা যাইতে পারে। সেই তরুণ বয়সে, বৈষয়িক দুর্যোগের দিনে, সম্ভ্রান্তসমাজে তাঁহার যে বংশগত প্রভূত প্রতিপত্তি ছিল তাহার প্রতি দৃকপাত না করিয়া, পিতৃদেব ভারতবর্ষের ঋষিবন্দিত চিরন্তন ব্রহ্মের— সেই অপ্রতিম দেবাদিদেবের আধ্যাত্মিক পূজা প্রতিকূল সমাজের নিকট মুক্তকণ্ঠে ঘোষণা করিলেন।

তাঁহার পরে তাঁহার জীবনে আর-এক গুরুতর সংগ্রামের দিন উপস্থিত হইল। সকলেই জানেন, বৈচিত্র্যই জগতের ঐক্যকে প্রমাণ করে, বৈচিত্র্য যতই সুনির্দিষ্ট হয় ঐক্য ততই সুস্পষ্ট হইয়া উঠে। ধর্মও সেইরূপ নানা সমাজের ইতিহাসকে আশ্রয় করিয়া নানা বিভিন্ন কণ্ঠে নানা বিচিত্র আকারে এক নিত্যসত্যকে চারি দিক হইতে

সপ্রমাণ করিতে চেষ্টা করিতেছে। ভারতবর্ষ বিশেষ সাধনার বিশেষভাবে বাহা লাভ করিয়াছে তাহার ভারতবর্ষীয় আকার বিলুপ্ত করিয়া, তাহাকে ভারতবর্ষের ইতিহাস হইতে উৎপাটিত করিয়া, তাহাকে অন্তর্দেশীয় আকৃতিপ্রকৃতির সহিত মিশ্রিত করিয়া দিবার চেষ্টা করিলে জগতের ঐক্যমূলক বৈচিত্র্যের ধর্মকে লঙ্ঘন করা হয়। প্রত্যেক লোক যখন আপনার প্রকৃতি-অনুসারে পরিপূর্ণ উৎকর্ষ লাভ করে তখনই সে মনুষ্যত্ব লাভ করে; সাধারণ মনুষ্যত্ব ব্যক্তিগত বিশেষত্বের ভিত্তির উপরে প্রতিষ্ঠিত। মনুষ্যত্ব হিন্দুর মধ্যে এবং খ্রীষ্টানের মধ্যে বস্তুত একই, তথাপি হিন্দু-বিশেষত্ব মনুষ্যত্বের একটি বিশেষ সম্পদ, এবং খ্রীষ্টান-বিশেষত্বও মনুষ্যত্বের একটি বিশেষ লাভ; তাহার কোনোটা সম্পূর্ণ বর্জন করিলে মনুষ্যত্ব দৈন্তপ্রাপ্ত হয়। ভারতবর্ষের বাহা শ্রেষ্ঠ ধন তাহাও সার্বভৌমিক, যুরোপের বাহা শ্রেষ্ঠ ধন তাহাও সার্বভৌমিক; তথাপি ভারতবর্ষীয়তা এবং যুরোপীয়তা উভয়ের স্বতন্ত্র সার্থকতা আছে বলিয়া, উভয়কে একাকার করিয়া দেওয়া চলে না। মেঘ আকাশ হইতে জলবর্ষণ করে এবং সরোবর ভূতলে থাকিয়া জল দান করে; যদিও দানের সামগ্রী একই তথাপি এই পার্থক্যবশতই মেঘ আপন প্রকৃতি-অনুসারে বিশেষভাবে ধন্য এবং সরোবরও আপন প্রকৃতি-অনুসারে বিশেষভাবে কৃতার্থ। ইহারা উভয়ে এক হইয়া গেলে জলের পরিমাণ মোটের উপর কমে না, কিন্তু জগতে কৃতির কারণ ঘটে।

তরুণ ব্রাহ্মসমাজ যখন পাশ্চাত্য শিক্ষার প্রভাবে এই কথা ভুলিয়াছিল, যখন ধর্মের স্বদেশীয় রূপ রক্ষা করাকে সে সংকীর্ণতা বলিয়া জ্ঞান করিত— যখন সে মনে করিয়াছিল, বিদেশীয় ইতিহাসের ফল ভারতবর্ষীয় শাখায় ফলাইয়া তোলা সম্ভবপর এবং সেই চেষ্টাতেই যথার্থভাবে ঐদর্শ রক্ষা হয়, তখন পিতৃদেব সার্বভৌমিক ধর্মের স্বদেশীয় প্রকৃতিকে একটা বিমিশ্রিত একাকারত্বের মধ্যে বিসর্জন দিতে অস্বীকার করিলেন। ইহাতে তাঁহার অমুর্খতা অসামান্যপ্রতিভাশালী ধর্মোৎসাহী অনেক তেজস্বী যুবকের সহিত তাঁহার বিচ্ছেদ ঘটিল। এই বিচ্ছেদ স্বীকার করিতে যে দৃঢ়তা, যে সাহস, যে বলের প্রয়োজন হয়, সমস্ত মতামতের কথা বিস্মৃত হইয়া আজ তাহাই যেন আমরা স্মরণ করি। আধুনিক হিন্দুসমাজের প্রচলিত লোকাচারের প্রবল প্রতিকূলতার মুখে আপন অমুর্খতা সমাজের ক্ষমতাশালী সহায়গণকে পরিত্যাগ করিয়া নিজেকে সকল দিক হইতেই বিস্তৃত করিতে কে পারে, বাহার অন্তঃকরণ জগতের আদিশক্তির অক্ষয় নির্বরধারায় অহরহ পূর্ণ হইয়া না উঠিতেছে।

ইহাকে যেমন আমরা সম্পদে-বিপদে অভয় আশ্রয়ে অবিচলিত দেখিয়াছি তেমনি একবার বর্তমান সমাজের প্রতিকূলে, আর-একবার হিন্দুসমাজের অনুরূপে তাঁহাকে

সত্যে বিশ্বাসে দৃঢ় থাকিতে দেখিলাম ; দেখিলাম উপস্থিত গুরুতর কঠির আশঙ্কা তাঁহাকে টলাইতে পারিল না। হিন্দুসমাজের মধ্যে তিনি পরম দুর্দিনেও একাকী দাঁড়াইয়াছিলেন, ব্রাহ্মসমাজে তিনি নব আশা নব উৎসাহের অভ্যুদয়ের মুখে পুনর্বার সমস্ত ত্যাগ করিয়া একাকী দাঁড়াইলেন। তাঁহার কেবল এই প্রার্থনা রহিল : মাং ব্রহ্ম নিরাকুর্ধাং মা মা ব্রহ্ম নিরাকরোং।— আমি ব্রহ্মকে ত্যাগ করিলাম না, ব্রহ্ম আমাকে ত্যাগ না করুন।

ধনসম্পদের স্বর্ণসুপরিচিত ঘনাককার ভেদ করিয়া নবযৌবনের অপরিভূপ প্রবৃত্তির পরিবেষ্টনের মধ্যে দিব্যজ্যোতি ষাঁহার ললাট স্পর্শ করিয়াছিল, ঘনীভূত বিপদের ক্রকটিকুটিল ক্রদ্রচ্ছায়ায় আসন্ন দারিদ্র্যের উত্তত বজ্রদণ্ডের সম্মুখেও ঈশ্বরের প্রসন্ন মুখচ্ছবি ষাঁহার অনিমেষ অন্তর্দৃষ্টির সম্মুখে অচঞ্চল ছিল, দুর্দিনের সময়েও সমস্ত লোকভয় অতিক্রম করিয়া ষাঁহার কর্ণে ধর্মের ‘মা ভৈঃ’ বাণী স্পষ্ট ধ্বনিত হইয়া উঠিয়াছিল, বলবৃদ্ধি-দলপুষ্টির মুখে যিনি বিশ্বাসের বলে সমস্ত সহায় হইতে বিচ্ছিন্ন হইয়া নিঃসংকোচে পরমসহায়ের আশ্রয়গ্রহণ করিয়াছিলেন, অগ্ন তঁহার পুণ্যচেষ্ঠা-ভূয়িষ্ঠ সুদীর্ঘ জীবনদিনের সায়াহুকাল সমাগত হইয়াছে। অগ্ন তঁহার ক্লাস্তকণ্ঠের স্বর ক্ষীণ, কিন্তু তঁহার সম্পূর্ণপ্রায় জীবনের নিঃশব্দবাণী স্পষ্টতর। অগ্ন তঁহার ইহজীবনের কর্ম সমাপ্ত, কিন্তু তঁহার জীবনব্যাপী কর্মচেষ্টার মূলদেশ হইতে যে একাগ্র নিষ্ঠা উর্ধ্বলোকে উঠিয়াছে তাহা আজ নিস্তব্ধভাবে প্রকাশমান। অগ্ন তিনি তঁহার এই বৃহৎ সংসারের বহির্দ্বারে আসিয়া দাঁড়াইয়াছেন, কিন্তু সংসারের সমস্ত সুখদুঃখ-বিচ্ছেদমিলনের মধ্যে যে অচলা শাস্তি জননীর আশীর্বাদের শ্রায় চিরদিন তঁহার অন্তরে ধ্রুব হইয়া ছিল তাহা দিনান্তকালের রমণীয় সূর্যাস্তচ্ছটার শ্রায় অগ্ন তঁাহাকে বেষ্টন করিয়া উদ্ভাসিত। কর্মশালায় তিনি তঁহার জীবনেশ্বরের আদেশ পালন করিয়া অগ্ন বিরামশালায় তিনি তঁহার হৃদয়েশ্বরের সহিত নির্বাহমিলনের পথে যাত্রা করিবার জগ্ন প্রস্তুত হইয়াছেন। এই পুণ্যক্ষেণে আমরা তঁাহাকে প্রণাম করিবার জগ্ন, তঁহার সার্থকজীবনের শাস্তিসৌন্দর্যমণ্ডিত শেষ রশ্মিচ্ছটা মস্তক পাতিয়া গ্রহণ করিবার জগ্ন, এখানে সমাগত হইয়াছি।

বন্ধুগণ, ষাঁহার জীবন আপনাদের জীবনশিখাকে ক্রমে ক্রমে উজ্জ্বল করিয়াছে, ষাঁহার বাণী অবসাদের সময় আপনাদিগকে বল ও বিবাদের সময় আপনাদিগকে সাহসনা দিয়াছে, তঁহার জন্মদিনকে উৎসবের দিন করিয়া আপনারা শুক্তিকে চরিতার্থ করিতে আসিয়াছেন, এইখানে আমি আমার পুত্রসখক লইয়া এই উৎসবদিনে যদি ক্রমকালের জগ্ন পিতার নিকট বিশেষভাবে উপস্থিত হই, তবে আমাকে সার্থনা

করিবেন। সন্নিকটবর্তী মহাআত্মাকে সমগ্রভাবে সম্পূর্ণভাবে দেখিবার অবসর আত্মীয়দের প্রায় ঘটে না। সংসারের সম্বন্ধ— বিচিত্র সম্বন্ধ, বিচিত্র স্বার্থ, বিচিত্র মত, বিচিত্র প্রবৃত্তি— ইহার দ্বারা বিচারশক্তির বিশুদ্ধতা রক্ষা করা কঠিন হয়, ছোটো জিনিস বড়ো হইয়া উঠে, অনিত্য জিনিস নিত্য জিনিসকে আচ্ছন্ন করিয়া রাখে, সংসারের নানা ঘাত-প্রতিঘাতে প্রকৃত পরিচয় প্রত্যহ ধ্বংসিত হইয়া যায়। এইজন্যই পিতৃদেবের এই জন্মদিনের উৎসব তাঁহার আত্মীয়দের পক্ষে একটি বিশেষ শুভ অবসর। যে পরিমাণ দূরে দাঁড়াইলে মহত্বকে আত্মোপাস্ত অথও দেখিতে পাওয়া যায়, অতীতকার এই উৎসবের সুযোগে বাহিরের ভক্তমণ্ডলীর সহিত একাসনে বসিয়া আমরা সেই পরিমাণ দূরে আসিব, তাঁহাকে ক্ষুদ্র সংসারের সমস্ত তুচ্ছ সম্বন্ধজাল হইতে বিচ্ছিন্ন করিয়া দেখিব, আমাদের সংকীর্ণ জীবনের প্রাত্যহিক ব্যবহারোৎক্লিপ্ত সমস্ত ধূলিরাশিকে অপসারিত করিয়া তাঁহাকে বৃহৎ আকাশের মধ্যে, নির্মল শান্তির মধ্যে, দেবপ্রসাদের অক্ষুণ্ণ আনন্দরশ্মির মধ্যে, তাঁহার স্বার্থ মহিমায় তাঁহাকে তাঁহার জীবনের নিত্যপ্রতিষ্ঠার উপরে সমাসীন দেখিব। সংসারের আবর্তে উদ্ভ্রান্ত হইয়া যত বিদ্রোহ, যত চপলতা, যত অন্তায় করিয়াছি, অত তাহার জন্ত তাঁহার শ্রীচরণে একান্তচিত্তে কমাপ্রার্থনা করিব— আজ তাঁহাকে আমাদের সংসারের, আমাদের সর্বজনের, অতীত করিয়া তাঁহাকে বিশ্বভুবনের ও বিশ্বভুবনের সহিত বৃহৎ নিত্যসম্বন্ধে যুক্ত করিয়া দেখিব এবং তাঁহার নিকট এই আশীর্বাদ প্রার্থনা করিব যে, যে চিরজীবনের ধনকে তিনি নিজের জীবনের মধ্যে সঞ্চিত করিয়াছেন সেই সঞ্চয়কেই যেন আমরা সর্বপ্রধান গৈতুক সম্পত্তি বলিয়া গণ্য করি, তাঁহার জীবনের দৃষ্টান্ত যেন আমাদের ধনসম্পদের অঙ্কতা হইতে রক্ষা করে, বিপদের বিভীষিকা হইতে উদ্ধার করে, বিশ্বাসের দৃঢ়তার মধ্যে আমাদের ধারণ করিয়া রাখে এবং তিনি ঋষিদের যে মন্ত্র আমাদের কর্ণে ধ্বনিত করিয়াছেন, তাহা যেন কোনো আরাগের জড়ত্বে, কোনো নৈরাশ্রের অবসাদে বিস্তৃত না হই—

মাহং ব্রহ্ম নিরাকুর্ষাং মা মা ব্রহ্ম নিরাকরোং ।

অনিরাকরণমস্ত অনিরাকরণং মেহস্ত ।

বন্ধুগণ, ভ্রাতৃগণ, এই সপ্তাশীতিবর্ষীয় জীবনের সম্মুখে দাঁড়াইয়া আনন্দিত হও, আশাবিত হও। ইহা জানো যে, সত্যমেব জয়তে নানৃতম্। ইহা জানো যে, ধর্মই ধর্মের সার্থকতা। ইহা জানো যে, আমরা যাহাকে সম্পদ বলিয়া উন্নত হই তাহা সম্পদ নহে, যাহাকে বিপদ বলিয়া ভীত হই তাহা বিপদ নহে; আমাদের অন্তরাত্মা, সম্পদবিপদের অতীত যে পরমা শক্তি তাহাকে আশ্রয় করিবার অধিকারী। কুমা-

যেব বিজিজ্ঞাসিতব্যঃ। সমস্ত জীবন দিয়া তুমাকেই জানিতে ইচ্ছা করো, এবং সমস্ত জীবনের মধ্যে তুমাকেই সপ্রমাণ করো। এই প্রার্থনা করো, আশ্বিনাবীর্ষ এষি। হে স্বপ্রকাশ, আমার নিকটে প্রকাশিত হও— আমার নিকটে প্রকাশিত হইলে সেই প্রকাশ আমাকে অতিক্রম করিয়া সমস্ত মানবের নিকট সহজে দীপ্যমান হইয়া উঠিবে— এইরূপে আমার জীবন সমস্ত মানবের নিত্যজীবনের মধ্যে উৎসর্গীকৃত হইয়া থাকিবে, আমার এই কয়দিনের মানবজন্ম চিরদিনের জন্য সার্থক হইবে।

আষাঢ় ১৩১১

মহর্ষির আত্মকৃত্য উপলক্ষ্যে প্রার্থনা

হে পরমপিতঃ, হে পিতৃতম পিতৃগাম, এ সংসারে ষাঁহার পিতৃভাবের মধ্য দিয়া তোমাকে পিতা বলিয়া জানিয়াছি, অষ্ট একাদশ দিন হইল, তিনি ইহলোক হইতে অপস্থত হইয়াছেন। তাঁহার সমস্ত জীবন হোমহতাশনের উর্ধ্বমুখী পবিত্র শিখার স্তায় তোমার অভিমুখে নিয়ত উখিত হইয়াছে। অষ্ট তাঁহার স্বর্গীয় জীবনযাত্রার অবসানে তুমি তাঁহাকে কী শাস্তিতে, কী অমৃতে অভিষিক্ত করিয়াছ— যিনি স্বর্গকামনা করেন নাই, কেবল 'ছায়াতপয়োরিব' ব্রহ্মলোকে তোমার সহিত যুক্ত হইবার জন্য ষাঁহার চরমাকাজ্ঞা ছিল, অষ্ট তাঁহাকে তুমি কিরূপ স্বর্গীয় চরিতার্থতার মধ্যে বেষ্টন করিয়াছ, তাহা আমাদের মননের অগোচর, তথাপি হে মঙ্গলময়, তোমার পরিপূর্ণ মঙ্গল-ইচ্ছার প্রতি সম্পূর্ণ বিশ্বাস স্থাপন করিয়া তোমাকে বারবার নমস্কার করি। তুমি অনন্তসত্য, তোমার মধ্যে আমাদের সমস্ত সত্যচিন্তা নিঃশেষে সার্থক হয়— তুমি অনন্তকল্যাণ, তোমার মধ্যে আমাদের সমস্ত শুভকর্ম সম্পূর্ণরূপে সফল হয়— আমাদের সমস্ত অকৃত্রিম প্রেম, হে আনন্দস্বরূপ, তোমারই মধ্যে সুন্দরভাবে ধস্ত হয়— আমাদের পিতৃদেবের জীবনের সমস্ত সত্য, সমস্ত মঙ্গল, সমস্ত প্রেম তোমার মধ্যে অনির্বচনীয়রূপে পরিপূর্ণ হইয়াছে, ইহা জানিয়া আমরা ভ্রাতাভগিনীগণ করজোড়ে তোমার অয়োচ্চারণ করিতেছি।

পৃথিবীতে অধিকাংশ সৎকর্মই দানপ্রতিদানের অপেক্ষা রাখে, কিন্তু পিতামাতার স্নেহ প্রতিদানপ্রত্যাশার অতীত। তাহা পাপ, অপরাধ, কদর্ঘতা, কৃতঘ্নতা, সমস্তকেই অতিক্রম করিয়া আপনাকে প্রকাশ করে। তাহা ঋণ নহে, তাহা দান।



রবীন্দ্রনাথ ঠাকুর

রবীন্দ্রনাথ

পিতৃশ্রাদ্ধান্তে : ১৩১১

তাহা আলোকের দ্বার, সসীমের দ্বার; তাহা শিশুকাল হইতে আমাদেরকে নিয়ত রক্ষা করিয়াছে, কিন্তু তাহার মূল্য কেহ কখনও চাহে নাই। পিতৃদেহের সেই অবাচিত, সেই অপরাধিত মঙ্গলের জন্য, যে বিধিত, তঁহাকে আজ প্রণাম করি।

আজ প্রায় পঞ্চাশ বৎসর অতীত হইল, আমাদের পিতামহের মৃত্যুর পরে এই গৃহের উপরে সহস্র ঋণশাসিতারাকান্ত কী দুর্দিন উপস্থিত হইয়াছিল তাহা সকলে জানেন। পিতৃদেব একাকী বহুবিধ প্রতিকূলতার মধ্যে দুস্তর ঋণসমূহ সম্বরণপূর্বক কেমন করিয়া যে কূলে উত্তীর্ণ হইয়াছিলেন, আমাদের অসুকার অন্নবস্ত্রের সংহান কেমন করিয়া যে তিনি ধ্বংসের মুখ হইতে বাঁচাইয়া আমাদের জন্য রক্ষা করিয়াছেন, আজ তাহা আমাদের পক্ষে কল্পনা করাও কঠিন। সেই বন্ধার ইতিহাস আমরা কী জানি। কতকাল ধরিয়া তাঁহাকে কী দুঃখ, কী চিন্তা, কী চেষ্টা, কী দশাবিপর্যয়ের মধ্য দিয়া প্রতিদিন প্রতিরাত্রি বাপন করিতে হইয়াছে, তাহা মনে করিতে গেলে শরীর কণ্টকিত হয়। তিনি অতুল বৈভবের মধ্যে লালিতপালিত হইয়াছিলেন— অকস্মাৎ ভাগ্যপরিবর্তনের সম্মুখে কেমন করিয়া তিনি অবিচলিত বীর্ষের সহিত দণ্ডায়মান হইলেন! বাহারা অপরাধিত ধনসম্পদ ও বাধাহীন ভোগস্বখের মধ্যে মাহুত্ব হইয়া উঠে, দুঃখসংঘাতের অভাবে, বিলাসলালিত্যের সংবেষ্টনে বাল্যকাল হইতে বাহাদের শক্তির চর্চা অসম্পূর্ণ, সংকটের সময় তাহাদের মতো অসহায় কে আছে! বাহিরের বিপদের অপেক্ষা নিজের অপরিণত চারিত্রবল ও অসংযত প্রবৃত্তি তাহাদের পক্ষে গুরুতর শত্রু। এই সময়ে এই অবস্থায় যে ধনপতির পুত্র নিজের চিরাত্ম্যাসকে ধ্বংস করিয়া, ধনিসমাজের প্রভূত প্রতিপত্তিকে তুচ্ছ করিয়া, শাস্ত সংযত শৌর্ষের সহিত এই দুঃবৃহৎ পরিবারকে স্বল্পে লইয়া দুঃসহ দুঃসময়ের বিরুদ্ধে যাত্রা করিয়াছেন ও জয়ী হইয়াছেন, তাঁহার সেই অসামান্য বীর্ষ, সেই সংযম, সেই দৃঢ়চিত্ততা, সেই প্রতিমূহূর্তের ত্যাগস্বীকার আমরা মনের মধ্যে সম্পূর্ণরূপে উপলব্ধিই বা করিব কী করিয়া, এবং তদনুরূপ কৃতজ্ঞতাই বা কেমন করিয়া অসম্ভব করিব! আমাদের অসুকার সমস্ত অন্ন-বস্ত্র-আশ্রয়ের পশ্চাতে তাঁহার সেই বিপত্তিতে অকম্পিত বলিষ্ঠ দক্ষিণহস্ত ও সেই হস্তের মঙ্গল-আশিসস্পর্শ আমরা বেন নিয়ত মননভাবে অসম্ভব করি।

আমাদের সর্বপ্রকার অভাবমোচনের পক্ষে প্রচুর এই-বে সম্পত্তি তিনি সম্পূর্ণ নিজের বলে রক্ষা করিয়াছেন, ইহা যদি অধর্মের সহায়তার দৃষ্টিতে, তবে অসু অসুধার্মীর সম্মুখে সেই পিতার নিকটে প্রত্নানিবেদন করিতে আমাদেরকে কুণ্ঠিত

হইতে হইত। সর্বাগ্রে তিনি ধর্মকে রক্ষা করিয়া পরে তিনি ধনরক্ষা করিয়াছেন— অল্প আমরা যাহা লাভ করিয়াছি তাহার সহিত তিনি অসত্যের গ্লানি মিশ্রিত করিয়া দেন নাই; আজ আমরা যাহা ভোগ করিতেছি তাহাকে দেবতার প্রসাদস্বরূপ নির্মলচিত্তে নিঃসংকোচে গ্রহণ করিবার অধিকারী হইয়াছি।

সেই বিপদের দিনে তাঁহার বিষয়ী বন্ধুর অভাব ছিল না; তিনি ইচ্ছা করিলে হয়তো কৌশলপূর্বক তাঁহার পূর্বসম্পত্তির বহুতর অংশ এমন করিয়া উদ্ধার করিতে পারিতেন যে, ধনগৌরবে বন্দী ধনীদিগের ঈর্ষাভাজন হইয়া থাকিতেন। তাহা করেন নাই বলিয়া আজ যেন আমরা তাঁহার নিকটে দ্বিগুণতর কৃতজ্ঞ হইতে পারি।

ঘোর সংকটের সময় একদিন তাঁহার সম্মুখে একই কালে প্রেয়ের পথ ও প্রেয়ের পথ উদ্ঘাটিত হইয়াছিল। তখন সর্বস্ব হারাইবার সম্ভাবনা তাঁহার সম্মুখে ছিল— তাঁহার স্ত্রীপুত্র ছিল, তাঁহার মানসম্ভ্রম ছিল— তৎসঙ্গে যেদিন তিনি প্রেয়ের পথ নির্বাচন করিয়া লইলেন সেই মহাদিনের কথা আজ যেন আমরা একবার স্মরণ করিবার চেষ্টা করি, তাহা হইলে আমাদের বিষয়লালসার তীব্রতা শাস্ত হইয়া আসিবে এবং সন্তোষের অমৃতে আমাদের হৃদয় অভিষিক্ত হইবে। অর্জনের দ্বারা তিনি যাহা আমাদের দিয়াছেন তাহা আমরা গ্রহণ করিয়াছি; বর্জনের দ্বারা তিনি যাহা আমাদের দিয়াছেন তাহাও যেন গৌরবের সহিত গ্রহণ করিবার যোগ্য আমরা হইতে পারি।

তিনি ব্রহ্মনিষ্ঠ গৃহস্থ ছিলেন। কিন্তু তিনি যদি শুদ্ধমাত্র বিষয়ী হইতেন, তবে তাঁহার উদ্ধারপ্রাপ্ত সম্পত্তিখণ্ডকে উত্তরোত্তর সঞ্চয়ের দ্বারা বহুলরূপে বিস্তৃত করিতে পারিতেন। কিন্তু বিষয়বিস্তারের প্রতি লক্ষ রাখিয়া ঈশ্বরের সেবাকে তিনি বঞ্চিত করেন নাই। তাঁহার ভাণ্ডার ধর্মপ্রচারের জন্য মুক্ত ছিল— কত অনাথ পরিবারের তিনি আশ্রয় ছিলেন, কত দরিদ্র গুণীকে তিনি অভাবের পেষণ হইতে উদ্ধার করিয়াছেন, দেশের কত হিতকর্মে তিনি বিনা আড়ম্বরে গোপনে সাহায্য দিয়াছেন। এই দিকে কৃপণতা করিয়া তিনি কোনোদিন তাঁহার সম্ভানদিগকে বিলাসভোগ বা ধনাভিমানচর্চায় প্রেয় দেন নাই। ধর্মপরায়ণ গৃহস্থ যেমন সমস্ত অতিথিবর্গের আহার-শেষে নিজে ভোজন করেন, তিনি সেইরূপ তাঁহার ভাণ্ডারদ্বারের সমস্ত অতিথিবর্গের পরিবেশনশেষ লইয়া নিজের পরিবারকে প্রতিপালন করিয়াছেন। এইরূপে তিনি আমাদের ধনসম্পদের মধ্যে রাখিয়াও আড়ম্বর ও ভোগোন্মত্ততার হস্ত হইতে রক্ষা করিয়াছেন, এবং এইরূপে যদি তাঁহার সম্ভানগণের সম্মুখ হইতে লক্ষ্মীর স্বর্ণপিণ্ডের অবরোধদ্বার কিছুমাত্র শিথিল হইয়া থাকে, যদি তাঁহারা ভাবলোকের মুক্ত আকাশে

অবাধবিহারের কিছুমাত্র অধিকারী হইয়া থাকেন, তবে নিশ্চয়ই তাঁহারা পিতার পুণ্যপ্রসাদে বহুতর লক্ষণতির অপেক্ষা সৌভাগ্যবান হইয়াছেন।

আজ এই কথা বলিয়া আমরা সকলের কাছে গৌরব করিতে পারি যে, এতকাল আমাদের পিতা যেমন আমাদের দারিদ্র্য হইতে রক্ষা করিয়াছিলেন তেমনি ধনের গণ্ডির মধ্যেও আমাদেরকে বদ্ধ করিয়া রাখেন নাই। পৃথিবী আমাদের সম্মুখে মুক্ত ছিল— ধনী দরিদ্র সকলেরই গৃহে আমাদের বাতায়ানের পথ সমান প্রশস্ত ছিল। সমাজে তাঁহাদের অবস্থা আমাদের অপেক্ষা হীন ছিল তাঁহারা স্বহৃদভাবেই আমাদের পরিবারে অভ্যর্থনা প্রাপ্ত হইয়াছেন, পারিষদভাবে নহে। ভবিষ্যতে আমরা ভ্রষ্ট হইতে পারি, কিন্তু আমরা ভ্রাতৃগণ দারিদ্র্যের অসম্মানকে এই পরিবারের ধর্ম বলিয়া জানিতে পাই নাই। ধনের সংকীর্ণতা ভেদ করিয়া মহুশাসাধারণের অকুণ্ঠিত সংস্রবলাভ তাঁহারা প্রসাদে আমাদের ঘটিয়াছে তাঁহাকে আজ আমরা নমস্কার করি।

তিনি আমাদেরকে যে কী পরিমাণে স্বাধীনতা দিয়াছেন তাহা আমরা ছাড়া আর কে জানিবে! যে ধর্মকে তিনি ব্যাকুল সন্মানের দ্বারা পাইয়াছেন, যে ধর্মকে তিনি উৎকট বিপদের মধ্যেও রক্ষা করিয়াছেন, যে ধর্মের উদ্দেশে তিনি তাঁহার সমস্ত জীবন উৎসর্গ করিয়াছেন, সেই ধর্মকে তিনি আপনার গৃহের মধ্যেও শাসনের বন্ধ করেন নাই। তাঁহার দৃষ্টান্ত আমাদের সম্মুখে ছিল, তাঁহার উপদেশ হইতে আমরা বঞ্চিত হই নাই, কিন্তু কোনো নিয়মের শাসনে তিনি আমাদের বুদ্ধিকে, আমাদের কর্মকে বদ্ধ করেন নাই। তিনি কোনো বিশেষ মতকে অভ্যাস বা অহুশাসনের দ্বারা আমাদের উপরে স্থাপন করিতে চান নাই—ঈশ্বরকে ধর্মকে স্বাধীনভাবে সন্মান করিবার পথ তিনি আমাদের সম্মুখে মুক্ত করিয়া দিয়াছেন। এই স্বাধীনতার দ্বারা তিনি আমাদেরকে পরমসম্মানিত করিয়াছেন— তাঁহার প্রদত্ত সেই সন্মানের যোগ্য হইয়া সত্য হইতে যেন স্বলিত না হই, ধর্ম হইতে যেন স্বলিত না হই, কুশল হইতে যেন স্বলিত না হই। পৃথিবীতে কোনো পরিবার কখনোই চিরদিন একভাবে থাকিতে পারে না, ধন ও খ্যাतिकে কোনো বংশ চিরদিন আপনার মধ্যে বদ্ধ করিয়া রাখিতে পারে না, ইন্দ্রধনুর বিচিত্র বর্ণচ্ছটার স্তায় এই গৃহের সমৃদ্ধি নিশ্চয়ই একদিন দিগন্তস্থানে বিলীন হইয়া যাইবে, ক্রমে নানা ছিদ্রযোগে বিচ্ছেদবিগ্নেষের বীজ প্রবেশ করিয়া কোনো একদিন এই পরিবারের ভিত্তিকে শতধা বিদীর্ণ করিয়া দিবে— কিন্তু এই পরিবারের মধ্য দিয়া যিনি অচেতন সমাজকে ধর্মজিজ্ঞাসায় সজীব করিয়া দিয়াছেন, যিনি নূতন ইংরাজি-

শিকার ঔজ্জ্বল্যের দিনে শিশু বন্ধুভাষাকে বহুযত্নে কৈশোরে উত্তীর্ণ করিয়া দিয়াছেন, যিনি দেশকে তাহার প্রাচীন ঐশ্বর্যের ভাণ্ডার উদ্ঘাটিত করিতে প্রবৃত্ত করিয়াছেন, যিনি তাঁহার তপঃপরায়ণ একলক্ষ্য জীবনের দ্বারা আধুনিক বিষয়লুপ্ত সমাজে ব্রহ্মনিষ্ঠ গৃহস্থের আদর্শ পুনঃস্থাপিত করিয়া গিয়াছেন, তিনি এই পরিবারকে সমস্ত মহত্ত্ব-পরিবারের সহিত সংযুক্ত করিয়া দিয়া, ইহার সর্বোচ্চ লাভকে সমস্ত মহত্ত্বের লাভ করিয়া দিয়া, ইহার পরম কৃতিকে সমস্ত মহত্ত্বের কৃতি করিয়া দিয়া, আমাদেরকে যে গৌরব দান করিয়াছেন, অল্প সমস্ত ক্ষুদ্র মানমর্ষাদা বিন্ধিত হইয়া অল্প আমরা তাহাই স্বরণ করিব ও একান্ত ভক্তির সহিত তাঁহার নিকটে আপনাকে প্রণত করিয়া দিব ও তাঁহার মধ্যে তিনি আশ্রয়লাভ করিয়াছেন 'সমস্ত ধনমানের উর্ধ্বে ধ্যাতিপ্রতিপত্তির উর্ধ্বে তাঁহাকেই দর্শন করিব ।

হে বিশ্ববিধাতঃ, আজ আমাদের সমস্ত বিবাদ-অবসাদ দূর করিয়া দাও— মৃত্যু সহসা যে যবনিকা অপসারণ করিয়াছে তাহার মধ্য দিয়া তোমার অমৃতলোকের আভাস আমাদের দেখিতে দাও । সংসারের নিয়ত উত্থানপতন, ধনমানজীবনের আবির্ভাব-তিরোভাবের মধ্যে তোমার 'আনন্দরূপমমৃতং' প্রকাশ করো । কত বৃহৎ সাম্রাজ্য ধূলিসাৎ হইতেছে, কত প্রবল প্রতাপ অস্তমিত হইতেছে, কত লোক-বিশ্রুত খ্যাতি বিস্মৃতিমগ্ন হইতেছে, কত কুবেরের ভাণ্ডার ভগ্নস্তুপের বিভীষিকা রাখিয়া অস্তহিত হইতেছে— কিন্তু হে আনন্দময়, এই-সমস্ত পরিবর্তনপরম্পরার মধ্যে 'মধু বাতা ঋতায়তে', বায়ু মধুবহন করিতেছে, 'মধু ক্ষরন্তি সিদ্ধবঃ', সমুদ্রসকল মধুক্ষরণ করিতেছে— তোমার অনন্ত মাধুর্যের কোনো ক্ষয় নাই— তোমার সেই বিশ্বব্যাপিনী মাধুরী সমস্ত শোকতাপবিক্ষোভের কুহেলিকা ভেদ করিয়া অল্প আমাদের চিত্তকে অধিকার করুক ।

মাধ্বীনঃ সঙ্ঘোষধীঃ, মধু নক্তম্ উতোষ নঃ, মধুমৎ পার্থিবং রজঃ, মধু ত্তোরস্ত নঃ পিতা, মধুমারো বনস্পতিঃ, মধুমান্ অস্ত সূর্যঃ, মাধ্বীগাবো ভবন্ত নঃ ।

ঔষধিরা আমাদের পক্ষে মাধ্বী হউক, রাত্রি এবং উষা আমাদের পক্ষে মধু হউক, পৃথিবীর ধূলি আমাদের পক্ষে মধুমান হউক, এই-যে আকাশ পিতার জায় সমস্ত জগৎকে ধারণ করিয়া আছে ইহা আমাদের পক্ষে মধু হউক, বনস্পতি আমাদের পক্ষে মধুমান হউক, সূর্য মধুমান হউক এবং গাভীরা আমাদের জন্য মাধ্বী হউক ।

মহাপুরুষ

মহর্ষি দেবেন্দ্রনাথের শ্রাদ্ধসভার পঠিত

জগতে যে-সকল মহাপুরুষ ধর্মসমাজ স্থাপন করিয়া গিয়াছেন তাঁহারা বাহা দিতে চাহিয়াছেন তাহা আমরা নিতে পারি নাই, এ কথা স্বীকার করিতে হইবে। শুধু পারি নাই যে তাহা নয়, আমরা এক লইতে হয়তো আর লইয়া বসিয়াছি। ধর্মের আসনে সাম্প্রদায়িকতাকে বরণ করিয়া হয়তো নিজেকে সার্থক জ্ঞান করিয়া নিশ্চিন্ত হইয়া আছি।

তাহার একটা কারণ, আমাদের গ্রহণ করিবার শক্তি সকলের এক রকমের নয়। আমার মন যে পথে সহজে চলে অন্যের মন সে পথে বাধা পায়। আমাদের এই মানসিক বৈচিত্র্যকে অস্বীকার করিয়া সকল মানুষের জন্তই একই বাধা রাজপথ বানাইয়া দিবার চেষ্টা আমাদের মনে আসে, কারণ, তাহাতে কাজ সহজ হইয়া যায়— সে চেষ্টা এ পর্যন্ত সফল হয় নাই। সফল হওয়া যে অসাধ্য, তাহাও আমরা ভালো করিয়া বুঝিতে পারি নাই। সেইজন্য যে পথে আমি চলিয়া অভ্যস্ত বা আমার পক্ষে বাহা সহজ সেই পথই যে সকলের একমাত্র পথ নয়, কাহারও পক্ষে যে তাহা দুর্গম হইতে পারে, এ কথা আমরা মনেও করিতে পারি না। এইজন্যই, এক পথেই সব মানুষকে টানা আমরা জগতের একমাত্র মঙ্গল বলিয়া মনে করি। এই টানা-টানিতে কেহ আপত্তিপ্রকাশ করিলে আমরা আশ্চর্যবোধ করি, মনে করি— সে লোকটা হয় ইচ্ছা করিয়া নিজের হিত পরিত্যাগ করিতেছে, নয় তাহার মধ্যে এমন একটা হীনতা আছে বাহা অবজ্ঞার যোগ্য।

কিন্তু ঈশ্বর আমাদের মনের মধ্যে গতিশক্তির যে বৈচিত্র্য দিয়াছেন আমরা কোনো কোশলেই তাহাকে একাকার করিয়া দিতে পারিব না। গতির লক্ষ্য এক, কিন্তু তাহার পথ অনেক। সব নদীই সাগরের দিকে চলিয়াছে, কিন্তু সবাই এক নদী হইয়া চলে নাই। চলে নাই, সে আমাদের ভাগ্য।

ঈশ্বর কোনোমতেই আমাদের সকলকেই একটা বাধা পথে চলিতে দিবেন না। অনায়াসে চোখ বুজিয়া আমরা একজনের পশ্চাতে আর-একজন চলিব, ঈশ্বর আমাদের পথকে এত সহজ কোনোদিন করিবেন না। কোনো ব্যক্তি, তাঁহার যত বড়ো ক্ষমতাই থাক, পৃথিবীর সমস্ত মানবাত্মার জন্ত নিশ্চেষ্ট জড়ত্বের স্ফুটন চিরদিনের জন্ত বানাইয়া দিয়া বাইবেন, মানুষের এমন দুর্গতি বিশ্ববিধাতা কখনোই

সহ্য করিতে পারেন না।

এইজন্য প্রত্যেক মানুষের মনের গভীরতর স্তরে ঈশ্বর একটি স্বাতন্ত্র্য দিয়াছেন ; অস্তুত সেখানে একজনের উপর আর-একজনের কোনো অধিকার নাই। সেখানেই তাহার অমরতার বীজকোষ বড়ো সাবধানে রক্ষিত। সেইখানেই তাহাকে নিজের শক্তিতে নিজে সার্থক হইতে হইবে। সহজের প্রলোভনে এই জায়গাটার দখল যে ব্যক্তি ছাড়িয়া দিতে চায় সে লাভে-মূলে সমস্তই হারায়। সেই ব্যক্তিই ধর্মের বদলে সম্প্রদায়কে, ঈশ্বরের বদলে গুরুকে, বোধের বদলে গ্রন্থকে লইয়া চোখ বুজিয়া বসিয়া থাকে। শুধু বসিয়া থাকিলেও বাঁচিলাম, দল বাড়াইবার চেষ্টায় পৃথিবীতে অনেক ব্যর্থতা এবং অনেক বিরোধের সৃষ্টি করে।

এইজন্য বলিতেছিলাম, মহাপুরুষেরা ধর্মসম্প্রদায়ের প্রতিষ্ঠা করিয়া যান আর আমরা তাহার মধ্য হইতে সম্প্রদায়টাই লই, ধর্মটা লই না। কারণ, বিধাতার বিধানে ধর্ম জিনিসটাকে নিজের স্বাধীন শক্তির দ্বারাই পাইতে হয়, অগ্নের কাছ হইতে আরামে ভিক্ষা মাগিয়া লইবার জো নাই। কোনো সত্যপদার্থই আমরা আর-কাহারও কাছ হইতে কেবল হাত পাতিয়া চাহিয়া পাইতে পারি না। যেখানে সহজ রাস্তা ধরিয়া ভিক্ষা করিতে গিয়াছি সেখানেই ফাঁকিতে পড়িয়াছি। তেমন করিয়া যাহা পাইয়াছি তাহাতে আত্মার পেট ভরে নাই, কিন্তু আত্মার জাত গিয়াছে।

তবে ধর্মসম্প্রদায় ব্যাপারটাকে আমরা কী চোখে দেখিব ? তাহাকে এই বলিয়াই জানিতে হইবে। যে, তাহা তৃষ্ণা মিটাইবার জল নহে, তাহা জল খাইবার পাত্র। সত্যকার তৃষ্ণা যাহার আছে সে জলের জন্যই ব্যাকুল হইয়া ফিরে, সে উপযুক্ত সুযোগ পাইলে গণ্ডুবে করিয়াই পিপাসানিবৃত্তি করে। কিন্তু যাহার পিপাসা নাই সে পাত্রটাকেই সব চেয়ে দামি বলিয়া জানে। সেইজন্যই জল কোথায় পড়িয়া থাকে তাহার ঠিক নাই, পাত্র লইয়াই পৃথিবীতে বিষম মারামারি লাগিয়া যায়। তখন যে ধর্ম বিষয়বুদ্ধির ফাঁস আলাগা করিবে বলিয়া আসিয়াছিল, তাহা জগতে একটা নূতনতর বৈষয়িকতার সূক্ষ্মতর জাল সৃষ্টি করিয়া বসে ; সে জাল কাটানো শক্ত।

ধর্মসমাজের প্রতিষ্ঠাতারা নিজের নিজের সাধ্যানুসারে আমাদের জন্য, মাটির হউক আর সোনার হউক, এক-একটা পাত্র গড়িয়া দিয়া যান। আমরা যদি মনে করি, সেই পাত্রটা গড়িয়া দিয়া যাওয়াই তাঁহাদের মাহাত্ম্যের সব চেয়ে বড়ো পরিচয়, তবে সেটা আমাদের ভুল হইবে। কারণ, পাত্রটি আমাদের কাছে যতই প্রিয় এবং যতই সুবিধাকর হউক, তাহা কখনোই পৃথিবীর সকলেরই কাছে সমান প্রিয় এবং সমান

স্ববিধাকর হইতে পারে না। ভক্তির মোহে অন্ধ হইয়া, দলের গর্বে মত্ত হইয়া, এ কথা ভুলিলে চলিবে না। কথামালার গল্প সকলেই জানেন— শৃগাল খালার ঝোল রাখিয়া সারসকে নিমন্ত্রণ করিয়াছিল, লম্বা ঠোঁট লইয়া সারস তাহা খাইতে পারে নাই। তার পর সারস যখন সক্রমুখ চোঙের মধ্যে ঝোল রাখিয়া শৃগালকে কিরিয়া নিমন্ত্রণ করিল, তখন শৃগালকে ক্ষুধা লইয়াই ফিরিতে হইয়াছিল। সেইরূপ, এমন সর্বজনীন ধর্মসমাজ আমরা কল্পনা করিতে পারি না যাহা তাহার মত ও অহুষ্ঠান লইয়া সকলেরই বুদ্ধি রুচি ও প্রয়োজনকে পরিতৃপ্ত করিতে পারে।

অতএব শাস্ত্রীয় ধর্মমত ও আনুষ্ঠানিক ধর্মসমাজ স্থাপনের দিক হইতে পৃথিবীর ধর্মগুরুদিগকে দেখা তাঁহাদিগকে ছোটো করিয়া দেখা। তেমন করিয়া কেবল দলের লোকেরাই দেখিতে পারে এবং তাহাতে করিয়া কেবল দলাদলিকেই বাড়াইয়া তোলা হয়। তাঁহাদের মধ্যে নিশ্চয়ই এমন একটি দেখিবার আছে যাহা লইয়া সকল দেশে সকল কালে সকল মানুষকেই আহ্বান করা যায়। যাহা প্রদীপমাত্র নহে, যাহা আলো।

সেটি কী? না, যেটি তাঁহারা নিজেরা পাইয়াছেন। যাহা গড়িয়াছেন তাহা নহে। যাহা পাইয়াছেন সে তো তাঁহাদের নিজের সৃষ্টি নহে, যাহা গড়িয়াছেন তাহা তাঁহাদের নিজের রচনা।

আজ যাহার স্বরণার্থ আমরা সকলে এখানে সমবেত হইয়াছি তাঁহাকেও বাহাতে কোনো-একটা দলের দিক হইতে না দেখি, ইহাই আমার নিবেদন। সম্প্রদায়ভুক্ত লোকেরা সম্প্রদায়ের ধ্বজাকেই সর্বোচ্চ করিয়া ধরিতে গিয়া পাছে গুরুকেও তাহার কাছে ধর্ব করিয়া দেন, এ আশঙ্কা মন হইতে কিছুতেই দূর হয় না— অস্তুত আজিকার দিনে নিজদের সেই সংকীর্ণতা তাঁহার প্রতি যেন আরোপ না করি।

অবশ্যই, কর্মক্ষেত্রে তাঁহার প্রকৃতির বিশেষত্ব নানারূপে দেখা দিয়াছে। তাঁহার ভাষায়, তাঁহার ব্যবহারে, তাঁহার কর্মে, তিনি বিশেষভাবে নিজেকে আমাদের কাছে প্রকাশ করিয়াছেন— তাঁহার সেই স্বাভাবিক বিশেষত্ব জীবনচরিত-আলোচনা-কালে উপাদের সন্দেহ নাই। সেই আলোচনায় তাঁহার সংস্কার, তাঁহার শিক্ষা, তাঁহার প্রতি তাঁহার দেশের ও কালের প্রভাব-স্বকীয় সমস্ত তথ্য, আমাদের কৌতূহলনিবৃত্তি করে। কিন্তু সেই-সমস্ত বিশেষ ভাবে আচ্ছন্ন করিয়া দিয়া তাঁহার জীবন কি আর কাহাকেও আমাদের কাছে প্রকাশ করিতেছে না? আলো কি প্রদীপকে প্রকাশ করিবার জন্ত, না প্রদীপ আলোকে প্রচার করিবার জন্ত? তিনি বাহাকে দেখিতেছেন ও দেখাইতেছেন যদি আজ সেই দিকেই আমাদের সমস্ত দৃষ্টি না যায়, আজ যদি তাঁহার নিজের বিশেষত্বের

দিকে আমাদের দৃষ্টি কোনো অংশে ঠেকিয়া যায়, তবে গুরু অবমাননা হইবে।

মহর্ষি একদিন পরিপূর্ণ ভোগের মাঝখানে জাগিয়া উঠিয়া বিলাসমন্দিরের সমস্ত আলোকে অন্ধকার দেখিয়াছিলেন। সেইদিন তিনি তৃষার্ত চিত্ত লইয়া পিপাসা মিটাইবার জন্য দুর্গম পথে যাত্রা করিয়াছিলেন সে কথা সকলেই জানেন। যেখান হইতে অমৃত-উৎস নিঃসৃত হইয়া সমস্ত জগৎকে বাঁচাইয়া রাখিয়াছে সেই তীর্থস্থানে তিনি না গিয়া ছাড়েন নাই। সেই তীর্থের জল তিনি আমাদের জন্যও পাত্রে ভরিয়া আনিয়াছিলেন। এ পাত্র আজ বাদে কাল ভাঙিয়া যাইতেও পারে, তিনি যে ধর্ম-সমাজ দাঁড় করাইয়াছেন তাহার বর্তমান আকৃতি স্থায়ী না হইতেও পারে, কিন্তু তিনি সেই-যে অমৃত-উৎসের ধারে গিয়া নিজের জীবনকে ভরিয়া লইয়াছেন ইহাই আমাদের প্রত্যেকের লাভ। এই লাভ নষ্ট হইবে না, শেষ হইবে না।

পূর্বেই বলিয়াছি, ঈশ্বরকে আর-কাহারও হাত দিয়া আমরা পাইব না। তাঁহার কাছে নিজে যাইতে হইবে, তাঁহাকে নিজে পাইতে হইবে। দুঃসাধ্য হয় সেও ভালো, বিলম্ব হয় তাহাতে ক্ষতি নাই। অত্নের মুখে শুনিয়া, উপদেশ পাইয়া, সমাজবিহিত অহুষ্ঠান পালন করিয়া আমরা মনে করি, যেন আমরা চরিতার্থতা লাভ করিলাম— কিন্তু সে তো ঘটির জল, সে তো উৎস নহে। তাহা মলিন হয়, তাহা ফুরাইয়া যায়, তাহাতে আমাদের সমস্ত জীবন অভিষিক্ত হয় না এবং তাহা লইয়া আমরা বিষয়ী লোকের মতোই অহংকার ও দলাদলি করিতে থাকি। এমন ঘটির জলে আমাদের চলিবে না— সেই উৎসের কাছে আমাদের প্রত্যেককেই যাইতে হইবে, ঈশ্বরের সঙ্গে আমাদের নিজের একান্ত সম্বন্ধ তাঁহার সম্মুখে গিয়া আমাদের কাছে নিজে স্বীকার করিতে হইবে। সম্রাট যখন আমাকে দরবারে ডাকেন তখন প্রতিনিধি পাঠাইয়া কি কাজ সারিতে পারি? ঈশ্বর যে আমাদের প্রত্যেককে ডাক দিয়াছেন, সেই ডাকে সাড়া দিয়া একেবারে সম্পূর্ণভাবে তাঁহার কাছে আত্মসমর্পণ করিতে না পারিলে কোনোমতেই আমাদের সার্থকতা নাই।

মহাপুরুষদের জীবন হইতে এই কথাটাই আমরা জানিতে পারি। যখন দেখি তাঁহারা হঠাৎ সকল কাজ ফেলিয়া তাড়াতাড়ি ছুটিয়াছেন তখন বুঝিতে পারি, তবে তো আস্থান আসিতেছে— আমরা শুনিতে পাই নাই, কিন্তু তাঁহারা শুনিতে পাইয়াছেন। তখন চারি দিকের কোলাহল হইতে রূপকালের জন্য মনটাকে টানিয়া লই, আমরাও কান পাতিয়া দাঁড়াই। অতএব মহাপুরুষদের জীবন হইতে আমরা প্রথমে স্পষ্ট জানিতে পারি— আত্মার প্রতি পরমাত্মার আস্থান কতখানি সত্য। এই জানিতে পারাটাই লাভ।

তার পরে আর-একদিন তাঁহাদিগকে দেখিতে পাই হুখে হুখে তাঁহারা শান্ত, প্রলোভনে তাঁহারা অবিচলিত, মঙ্গলক্রমে তাঁহারা দৃঢ়প্রতিষ্ঠ। দেখিতে পাই তাঁহাদের মাথার উপর দিয়া কৃত ঝড় চলিয়া যাইতেছে, কিন্তু তাঁহাদের হাল ঠিক আছে; সর্বস্বকতির সম্ভাবনা তাঁহাদের সম্মুখে বিতীষিকারূপে আবিবৃহত হইয়াছে, কিন্তু তাঁহারা অনায়াসেই তাহাকে স্বীকার করিয়া স্তায়পথে ধ্রুব হইয়া আছেন; আশ্রয়-বন্ধুগণ তাঁহাদিগকে পরিত্যাগ করিতেছে, কিন্তু তাঁহারা প্রসন্নচিত্তে সে-সকল বিচ্ছেদ বহন করিতেছেন— তখনই আমরা বুঝিতে পারি আমরা কী পাই নাই আর তাঁহারা কী পাইয়াছেন। সে কোন্ শাস্তি, কোন্ বন্ধু, কোন্ সম্পদ! তখন বুঝিতে পারি আমাদের সকল আশ্রয়কেও নিতান্তই কী পাওয়া চাই, কোন্ লাভে আমাদের সকল অন্বেষণ শান্ত হইয়া যাইবে।

অতএব মহাপুরুষদের জীবনে আমরা প্রথমে দেখি তাঁহারা কোন্ আকর্ষণে সমস্ত ত্যাগ করিয়া চলিয়াছেন, তাহার পরে দেখিতে পাই কোন্ লাভে তাঁহাদের সমস্ত ত্যাগ সার্থক হইয়াছে। এই দিকে আমাদের মনের জাগরণটাই আমাদের লাভ। কারণ, এই জাগরণের অভাবেই কোনো লাভই সম্পন্ন হইতে পারে না।

তার পরে যদি ভাবিয়া দেখি পাইবার ধন কোথায় পাওয়া যাইবে, কেমন করিয়া পাইব, তবে এই প্রশ্নই করিতে হইবে— তাঁহারা কোথায় গিয়াছেন, কেমন করিয়া পাইয়াছেন।

মহর্ষির জীবনে এই প্রশ্নের কী উত্তর পাই। দেখিতে পাই তিনি তাঁহার পূর্বতন সমস্ত সংস্কার সমস্ত আশ্রয় পরিত্যাগ করিয়া একেবারে রিক্তহস্তে বাহির হইয়া পড়িয়াছেন। সমাজের প্রচলিত প্রথা তাঁহাকে ধরিয়া রাখে নাই, শাস্ত্র তাঁহাকে আশ্রয় দেয় নাই। তাঁহার ব্যাকুলতাই তাঁহাকে পথ দেখাইয়া চলিয়াছে। সে পথ তাঁহার নিজেরই প্রকৃতির গভীর গোপন পথ। সব পথ ছাড়িয়া সেই পথ তাঁহাকে নিজে আবিষ্কার করিয়া লইতে হইয়াছে। এ আবিষ্কার করিবার ধৈর্য ও সাহস তাঁহার থাকিত না, তিনিও পাঁচ জনের পথে চলিয়া, ধর্ম না হউক, ধার্মিকতা লাভ করিয়া সন্তুষ্ট থাকিতেন— কিন্তু তাঁহার পক্ষে যে 'না পাইলে নয়' হইয়া উঠিয়াছিল, সেইজন্য তাঁহাকে নিজের পথ নিজেকে বাহির করিতে হইয়াছিল। সেইজন্য তাঁহাকে যত দুঃখ, যত তিরস্কার হউক, সমস্ত স্বীকার করিতে হইয়াছিল— ইহা বাঁচাইবার জো নাই। ঈশ্বর যে তাহাই চান। তিনি বিশ্বের ঈশ্বর হইয়াও আমাদের প্রত্যেকের সঙ্গে একটি নিতান্ত একমাত্র স্বতন্ত্র সঙ্কে ধরা দিবেন— সেইজন্য আমাদের প্রত্যেকের মধ্যে তিনি একটি দুর্ভেদ্য স্বাতন্ত্র্যকে চারি দিকের আক্রমণ হইতে নিয়ত রক্ষা

করিয়াছেন— এই অতি নির্মল নির্জননিভৃত স্বাতন্ত্র্যের মধ্যেই তাঁহার সঙ্গে আমাদের মিলনের স্থান নির্দিষ্ট রহিয়াছে। সেইখানকার দ্বার যখন আমরা নিজের চেষ্টায় খুলিয়া তাঁহার কাছে আমাদের সেই চরম স্বাতন্ত্র্যের অধিকার একেবারে ছাড়িয়া দিব, বিশ্বের মধ্যে যাহা আমি ছাড়া আর কাহারও নহে সেইটেই যখন তাঁহার কাছে সমর্পণ করিতে পারিব, তখনই আর আমার কিছু বাকি থাকিবে না, তখনই তাঁহাকে পাওয়া যাইবে। এই-ষে আমাদের স্বাতন্ত্র্যের দ্বার, ইহার প্রত্যেকের চাবি স্বতন্ত্র। একজনের চাবি দিয়া আর-একজনের দ্বার খুলিবে না। পৃথিবীতে যাহারা ঈশ্বরকে না পাওয়া পর্যন্ত থামেন নাই, তাঁহারা সকলেই ব্যাকুলতার নির্দেশ মানিয়া, নিজের চাবি নিজে যেমন করিয়া পারেন সন্ধান করিয়া বাহির করিয়াছেন। কেবল পরের প্রতি নির্ভর করিয়া আলশ্রবণত এ যাহারা না করিয়াছেন তাঁহারা কোনো-একটা ধর্মমত ধর্মগ্রন্থ বা ধর্মসম্প্রদায়ে আসিয়া ঠেকিয়াছেন ও সেইখানেই তরঙ্গিত হইয়া উঠিয়া কলরব করিতেছেন, শেষ পর্যন্ত গিয়া পৌঁছেন নাই।

আমাদের শক্তি যদি ক্ষীণ হয়, আমাদের আকাঙ্ক্ষা যদি সত্য না হয়, তবে আমরা শেষ পর্যন্ত কবে গিয়া পৌঁছিব জানি না। কিন্তু মহাপুরুষদের জীবন যেদিন আলোচনা করিতে বসিব সেদিন যেন সেই লক্ষ্যের কথাটাই সন্মুখে রাখি, তাঁহাদের স্মৃতি যেন আমাদের পায়ের ঘাটের আলো দেখায়, তাহাকে যেন আমরা কোনোদিন সাম্প্রদায়িক অভিযানের মশাল করিয়া না তুলি। তাঁহাদের দৃষ্টান্ত আমাদের বন্ধন হইতে উদ্ধার করিয়া দিবে, পরবশতা হইতে উত্তীর্ণ করিয়া দিবে, আমাদের নিজের সত্যশক্তিতে সত্যচেষ্টায় সত্যপথে প্রতিষ্ঠিত করিয়া দিবে, আমাদের ভিক্ষা দিবে না, সন্ধান দিবে— আশ্রয় দিবে না, অভয় দিবে— অনুসরণ করিতে বলিবে না, অগ্রসর হইতে উৎসাহিত করিবে। এক কথায়, মহাপুরুষ তাঁহার নিজের রচনার দিকে আমাদের টানিতেছেন না, ঈশ্বরের দিকে আহ্বান করিতেছেন। আজ আমরা যেন মনকে স্তব্ধ করি, শাস্ত করি; যাহা প্রতিদিন ভাঙিতেছে গড়িতেছে, যাহা লইয়া তর্কবিতর্ক-বিরোধবিষেণের অস্ত নাই, যেখানে মানুষের বুদ্ধির কচির অভ্যাসের অনৈক্য, সে-সমস্তকেই মৃত্যুর সন্মুখে যেন আজ ক্ষুদ্র করিয়া দেখিতে পারি; কেবল আমাদের আত্মার যে শক্তিকে ঈশ্বর আমাদের জীবনমৃত্যুর নিত্যস্বলরূপে আমাদের দান করিয়াছেন, তাঁহার যে বাণী আমাদের স্মৃতি-দুঃখে উথানে-পতনে জয়ে-পরাজয়ে চিরদিন আমাদের অন্তরাত্মার ধ্বনিত হইতেছে, তাঁহার যে সঙ্ক নিগূঢ়রূপে নিত্যরূপে একান্তরূপে আমারই, তাহাই আজ নির্মলচিত্তে উপলব্ধি করিব; মহাপুরুষের সমস্ত সাধনা যাহাতে সার্থক হইয়াছে, সমাপ্ত হইয়াছে— সমস্ত কর্মের ধওতা, সমস্ত

চেষ্ঠার ভঙ্গুরতা, সমস্ত প্রকাশের অসম্পূর্ণতা যে-এক পরম পরিণামের মধ্যে পরিপূর্ণ হইয়াছে— সেই দিকেই আজ আমাদের শাস্ত্র দৃষ্টিকে স্থির রাখিব। সম্প্রদায়ের লোকদিগকে এই কথা বিশেষভাবে স্মরণ করাইয়া দিয়া আমরা সেই পরলোকগত মহাত্মার নিকট আমাদের বিনয় হৃদয়ের শ্রদ্ধা নিবেদন করি, তাঁহার স্মৃতিশিখরের উর্ধ্বে করজোড়ে সেই ধ্রুবতারার মহিমা নিরীক্ষণ করি— যে শাস্ত্র জ্যোতি সম্পদ-বিপদের দুর্গম সমুদ্রপথের মধ্য দিয়া দীর্ঘদিনের অবসানে তাঁহার জীবনকে তাহার চরম বিশ্রামের তীর্থে উত্তীর্ণ করিয়া দিয়াছে।

মাঘ ১৩১৩

গ্রন্থপরিচয়

[রচনাবলীর বর্তমান খণ্ডে মুদ্রিত গ্রন্থগুলির প্রথম সংস্করণ, বর্তমানে বহুতর গ্রন্থাকারে প্রচলিত সংস্করণ, রচনাবলী-সংস্করণ, এই তিনটির পার্থক্য সংক্ষেপে ও সাধারণভাবে নির্দেশ করা গেল। এই খণ্ডে মুদ্রিত কোনো কোনো রচনা-সম্বন্ধে কবির নিজের মন্তব্যও সংকলিত হইল।]

নদী

নদী ১৩০২ সালের ২২ মাঘ গ্রন্থাকারে প্রথম প্রকাশিত। উহাতে এই বিজ্ঞাপনটি ছিল—

বিজ্ঞাপন

এই কাব্যগ্রন্থখানি বালকবালিকাদের পাঠের জন্য রচিত হইয়াছে। পরীক্ষার দ্বারা জানিয়াছি, ইহার ছন্দ শিশুরা সহজেই আবৃত্তি করিতে পারে। বয়স্ক পাঠকদিগকে বলা বাহুল্য যে, প্রত্যেক ছত্রের আরম্ভ শব্দটির পরে যেখানে ফাঁক দেওয়া হইয়াছে সেখানে স্বল্পমাত্র কাল ধামিতে হইবে।

২২শে মাঘ ১৩০২

শ্রীরবীন্দ্রনাথ ঠাকুর

মোহিতচন্দ্র সেন-সম্পাদিত কাব্যগ্রন্থাবলীর অন্তর্গত শিশু (১৩১০) গ্রন্থে নদী সংকলিত হয়। বর্তমানেও নদী ঐ ভাবেই প্রচলিত।

চিত্রা

চিত্রা ১৩০২ সালের কাঙ্ক্ষনে গ্রন্থাকারে প্রকাশিত হয়। সত্যপ্রসাদ গঙ্গোপাধ্যায়-প্রকাশিত কাব্যগ্রন্থাবলীতে (আশ্বিন ১৩০৩) চিত্রা পুনঃপ্রকাশিত হয়। ইহাকে চিত্রার দ্বিতীয় সংস্করণ বলা যাইতে পারে। প্রথম সংস্করণে প্রকাশিত হয় নাই, অথচ রচনাকাল-অনুসারে চিত্রায় প্রকাশযোগ্য, কয়েকটি কবিতা ও গান উক্ত কাব্যগ্রন্থাবলী-সংস্করণ চিত্রায় সন্নিবিষ্ট হয়। কাব্যগ্রন্থাবলী-সংস্করণে মুদ্রিত উক্ত কবিতাগুলি, কবির পাণ্ডুলিপি অবলম্বনে, রচনাবলীতে পুনর্মুদ্রিত হইল ('স্নেহস্বতি', 'নববর্ষে', 'দুঃসময়' ও 'ব্যাঘাত')। 'স্নেহস্বতি' কবিতাটি খণ্ডিত আকারে শিশুতে সংকলিত আছে, রচনাবলী-সংস্করণে শিশু হইতে তাহা বর্জিত হইবে।

'ব্রাহ্মণ', 'পুরাতন ভৃত্য' ও 'দুই বিধা জমি'—কথা ও কাহিনীতেও সংকলিত হইয়াছিল। রচনাবলীতে সেগুলি কথা ও কাহিনীতেই মুদ্রিত হইবে, চিত্রা হইতে সেগুলি বর্জিত হইল।

‘প্রেমের অভিষেক’ কবিতার ষে পাঠ ১৩০০ সালের ফাল্গুন-সংখ্যা সাধনার প্রকাশিত হইয়াছিল, কবি সে সম্বন্ধে বর্তমান গ্রন্থে চিত্রার ‘সূচনা’য় লিখিয়াছেন, ‘তাতে কেয়ানি-জীবনের বাস্তবতার ধূলিমাখা ছবি ছিল অকুণ্ঠিত কলমে আঁকা, [লোকেন্দ্রনাথ] পালিত অত্যন্ত ধিক্কার দেওয়াতে সেটা তুলে দিয়েছিলুম।’

সেই-সকল পরিত্যক্ত অংশ নিয়ে সংকলিত হইল—

কী হবে শুনিয়া, সখি, বাহিরের কথা,
 অপমান অনাদর ক্ষুদ্রতা দীনতা
 যত কিছু ! লোকাকীর্ণ বৃহৎ সংসার
 কোথা আমি যুঝে মরি এক পার্শ্বে তার
 এক কণা অন্ন লাগি ! প্রাণপণ করি
 আপনার স্থানটুকু রেখেছি আঁকড়ি
 জনশ্রোত হতে । সেথা আমি কেহ নহি,
 সহস্রের মাঝে একজন ; সদা বহি
 সংসারের ক্ষুদ্রতার ; কভু অনুগ্রহ
 কভু অবহেলা সহিতেছি অহরহ ;—
 সেই শত-সহস্রের পরিচয়হীন
 প্রবাহ হইতে এই তুচ্ছ কর্মাধীন
 মোরে তুমি লয়েছ তুলিয়া, নাহি জানি
 কোন্ ভাগ্যগুণে ! অয়ি মহীয়সী রানী,
 তুমি মোরে করিয়াছ মহীয়ান্ ! কেন
 সখি, নত কর মুখ, কেন লজ্জা হেন
 অকারণে ! নহে ইহা মিথ্যা চাটু । আজি
 এই-ষে আমারে ঠেলি চলে জনরাজি
 না তাকায়ে মোর মুখে, তাহারা কি জানে,
 নিশিদিন তোমার সোহাগস্থাপানে
 অন্ধ মোর হয়েছে অমর ! ক্ষুদ্র আমি
 কর্মচারী, বিদেশী ইংরাজ মোর স্বামী,
 কঠোর কটাক্ষপাতে উচ্ছে বসি হানে
 সংক্ষেপ আদেশ, মোর ভাষা নাহি জানে,
 মোর দুঃখ নাহি মানে ; রাজপথে যবে

রথে চড়ি ছুটে চলে সৌভাগ্যগরবে
 অজস্র উড়িয়ে ধুলি, মোর গৃহ কত
 চিনিতে না পারে ! মনে মনে বলি, প্রভু,
 যাও ছুটে যাও, খেলো গিয়ে খেলাঘরে,
 করো নৃত্য দীপালোকে প্রমোদসাগরে
 মত্ত ঘূর্ণ্যবেগে, তপ্তদেহে অর্ধরাজ্রে
 সঙ্গিনীরে লয়ে, উচ্ছ্বসিত সুরাপাত্রে
 তুষার গলায়ে করো পান, থাকো স্বে
 নিত্যমন্ততায় !— এত বলি হস্তমুখে
 ফিরে আসি আপনার সঙ্ঘাদীপ-জালা
 আনন্দমন্দিরমাঝে, নিভৃত নিরালা
 শান্তিময় !— প্রভু, হেথা কেহ নহ তুমি
 আমি যেথা রাজা ! আমার নন্দনভূমি
 একান্ত আমার । হুল্লভ পরশখানি
 দুর্মূল্য হুকুল সর্বাঙ্গে দিয়েছি টানি
 সর্গোরবে ; আলিঙ্গন কুঙ্কুমচন্দন
 স্নগন্ধ করেছে বন্ধ ; অমৃতচূষন
 অধরে রয়েছে লাগি ; স্নিগ্ধ দৃষ্টিপাতে
 স্খান্নাত দেহ । প্রভু, হেথা তব সাথে
 নাহি মোর কোনো পরিচয় ।

অয়ি প্রিয়ে,

ধন্য আমি, আপনাতে রেখেছি ভরিয়ে
 তব প্রেম ; রেখেছে যেমন স্খাকর
 দেবতার গুপ্ত স্খা যুগ-যুগান্তর
 আপনারে স্খাপাত্র করি ; বিধাতার
 পুণ্য অগ্নি জালায়ে রেখেছে অনিবার
 সবিভা যেমন সযতনে ; কমলার
 চরণকিরণে যথা পরিয়াছে হার
 স্ননির্মল গগনের অনন্ত ললাট !
 হে মহিমাময়ী, মোরে করেছে ললাট !

কী দেখিছ মুখে মোর পরমবিস্মিত,
 ডাগর নয়ন মেলি ? হে আত্মবিস্মিত,
 আপনারে নাহি জান তুমি, মোর কথা
 নারিবে বুঝিতে । বড়ো পেয়েছিছু ব্যথা
 আঞ্জি, বড়ো বেজেছিল অপমান, যবে
 অপোগণ্ড সাহেবশাবক রুঢ়রবে
 করিল লাঞ্ছনা । হায় এ কী প্রহসন
 এ সংসার ! ক্ষুদ্র ব্যক্তি বড়ো সিংহাসন
 কার পরিহাসবশে করে অধিকার—
 কোন্ অভিনয়চ্ছলে নিখিল সংসার
 বড়ো বলি মান্ত করে তারে ! মিথ্যা আন্ত
 যত চেষ্টা করি আমি, সমস্ত সমাজ
 এক হয়ে নত করে রাখিবে আমারে
 তার কাছে, গণ্য আমি নাহি করি যারে
 সমকক্ষ, একাকী যে যোগ্য নহে মোর !
 জেনো, প্রিয়ে, বাহিরের প্রকাণ্ড কঠোর
 সংসার এমনি ধারা অদ্বুত-আকার—
 কে যে কোথা পড়িয়াছে, স্থির নাহি তার
 অস্থানে অকালে ! আর্তনাদে অট্টহাসে
 চলেছে উৎকট যন্ত্র অন্ধ উর্ধ্বশ্বাসে
 দয়ামায়াশোভাহীন ; বিরূপ ভঙ্গীতে
 সর্বাঙ্গ নড়িছে তার— সৌন্দর্যসংগীতে
 কে চালাবে তারে ! সেথা হতে ফিরে এসে
 স্মিতহাস্তস্বধান্নিগ্ধ তব পুণ্যদেশে,
 কল্যাণকামনা যেথা নিয়ত বিরাজে
 লক্ষ্মীরূপে, সেই তব ক্ষুদ্র গৃহমাঝে
 বুঝিতে পেরেছি, আমি ক্ষুদ্র নহি কভু,
 যত দৈন্ত থাক মোর, দীন নহি তবু

বর্তমানে যেখানে কবিতাটি আরম্ভ হইয়াছে, উদ্ভূত অংশটি তাহার পূর্বেই সন্নিবিষ্ট
 ছিল। উদ্ভূত অংশের 'সেথা আমি... হয়েছে অমর ?' ও 'ছলিত পরশখানি...'

মোরে করেছ সত্রাট !' ছত্রগুলি বর্তমান পাঠের শেষ ২৬ ছত্রে, স্থানে স্থানে পরিবর্তিত ও পরিবর্তিত আকারে মুদ্রিত আছে। বর্তমান পাঠের উনবিংশ ছত্রের পর ('উৎকৃষ্ট তান'এর পর) সাধনার ছিল—

আধুনিক রাজধানী,
আমি তারি আধুনিক ছেলে, ঘরে আনি
চাকুরির কড়ি, ফিরে আসি দিনশেষে
কর্ম হতে ; অগ্নিরাছি যে কালে যে দেশে
না হেরি মাহাত্ম্য কিছু, কোনো কীর্তি নাই,
তবু খ্যাতিহীন আমি কত সঙ্গী পাই
কত গৌরবের ! তব প্রেমমন্ত্রবলে
ইতর জনতা হতে কোথা যাই চলে
নব দেহ ধরি ।

সর্বশেষে ('হেথা আমি ... করেছ সত্রাট' ছত্রগুলির স্থানে) পূর্বতন পাঠ ছিল—

হেরো, সখি, গৃহছাদে
জ্যোৎস্নার বিকাশ ! এত জ্যোৎস্না এত সাথে
আর কোথা আছে ! প্রভুত্বের সিংহাসন
রুদ্ধতার অঙ্ককারে করিছে যাপন
কর্মশালে কর্মহীন নিশি ! এ কোমুদী
আমাদের দুজনের ! দুটি আখি মুদি
বারেক শ্রবণ করো— সুগভীর গান
ধ্বনিতোছে বিশ্বাস্তর হতে, দুটি প্রাণ
বাঁধিছে একটি সুরে ! স্তব্ব রাজধানী
দাঁড়াইয়া নতশিরে মুখে নাহি বাণী !

ইহা ছাড়া কোনো কোনো অংশ পরিবর্তিত হইয়াছে। 'নিভৃত সত্য ... মিলি' বা বর্তমান ১১-১৩ ছত্রের স্থলে ছিল—

পূর্বে এক দিন
বধির জীবন ছিল সংগীতবিহীন—
প্রেমের আস্থানে আজি আমার সত্য
এসেছে বিশ্বের কবি, তারা গান গায়
মোদের দৌহারে ঘিরি

সাধনার মুদ্রিত পাঠ প্রচলিত সঞ্চয়িতা গ্রন্থের গ্রন্থপরিচয়ে আশুসংকলিত হইয়াছে। বলা প্রয়োজন, ঐ পাঠই এই কবিতার 'মূল' পাঠ নয়; কারণ, রবীন্দ্রনাথ নিজেই প্রভাতকুমার মুখোপাধ্যায়কে লিখিতেছেন—

প্রেমের অভিষেক কবিতা চিত্রা কাব্যে যে আকারে বাহির হইয়াছে তাহাকে সংশোধন বলা যায় না—কারণ, ইহাই উহার আদিম রূপ। সাধনার যখন পরিবর্তিত ও পরিবর্ধিত মূর্তিতে দেখা দিয়াছিল তখন কাহারও কাহারও মনে এতই আঘাত করিয়াছিল যে, বন্ধুবিচ্ছেদ হইবার জো হইয়াছিল। [৬ চৈত্র ১৩০২]

—প্রবাসী। বৈশাখ ১৩০১, পৃ ৪

'পূর্ণিমা' কবিতার প্রসঙ্গে রবীন্দ্রনাথের সমকালীন একটি রচনা উদ্ধার করা যাইতে পারে—

সেদিন সন্ধ্যাবেলায় একখানা ইংরিজি সমালোচনার বই নিয়ে কবিতা সৌন্দর্য আর্ট্ প্রভৃতি মাথামুণ্ড নানা কথার নানা তর্ক পড়া যাচ্ছিল। এক-এক সময় এই-সমস্ত কথার বাজে আলোচনা পড়তে পড়তে শ্রান্তচিত্তে সমস্তই মরীচিকাবৎ শূন্য বোধ হয়; মনে হয়, এর বারো আনা কথা বানানো। সেদিন পড়তে পড়তে মনটার ভিতরে একটা নীরস শ্রান্তির উদ্বেক হয়ে একটা বিক্রপপরায়ণ সন্দেহ-শয়তানের আবির্ভাব হল। এ দিকে রাত্রিও অনেক হওয়াতে বইটা ধাঁ করে মুড়ে ধপ করে টেবিলের উপর ফেলে দিয়ে শুতে যাবার উদ্দেশে এক ফুঁয়ে বাতি নিবিয়ে দিলুম। দেবামাত্রই হঠাৎ চারি দিকের সমস্ত খোলা জানলা থেকে বোটের মধ্যে জ্যোৎস্না একেবারে ভেঙে পড়ল। হঠাৎ যেন আমার চমক ভেঙে গেল। আমার ক্ষুদ্র একরস্তি বাতির শিখা শয়তানের মতো নীরস হাসি হাসছিল, অথচ সেই অতিক্ষুদ্র বিক্রপহাসিতে এই বিশ্বব্যাপী গভীর প্রেমের অসীম আনন্দচ্ছটাকে একেবারে আড়াল করে রেখেছিল। নীরস গ্রন্থের বাক্যরাশির মধ্যে কী খুঁজে বেড়াচ্ছিলুম! সে কতক্ষণ থেকে সমস্ত আকাশ পরিপূর্ণ করে নিঃশব্দে বাইরে দাঁড়িয়ে ছিল। যদি দৈবাৎ না দেখে অন্ধকারের মধ্যে শুতে যেতুম তা হলেও সে আমার সেই ক্ষুদ্র বাতির ব্যক্তের কিছুমাত্র প্রতিবাদ না করে নীরবেই নিলীন হয়ে যেত। যদি ইহজীবনে নিমেষের জন্তও তাকে না দেখতে পেতুম এবং শেষরাত্রের অন্ধকারে শেষবারের মতো শুতে যেতুম তা হলেও সেই বাতির আলোরই জ্বিত থেকে যেত; অথচ সে বিশ্বকে ব্যাপ্ত করে সেইরকম নীরবে সেইরকম মধুর মুখেই হাস্ত করত— আপনাকে গোপন করত না, আপনাকে প্রকাশও করত না। [শিলাইদহ, ১২ ডিসেম্বর ১৮৯৫]

চাকচক্র বন্দ্যোপাধ্যায়কে লিখিত পত্রে রবীন্দ্রনাথ উর্বশীর যে ব্যাখ্যা করিয়া-
ছিলেন তাহা নিম্নে সংকলিত হইল—

উর্বশী যে কী, কোনো ইংরেজি তাত্ত্বিক শব্দ দিবে তার সংজ্ঞা নির্দেশ করতে চাই
নে, কাব্যের মধ্যেই তার অর্থ আছে। এক হিসাবে সৌন্দর্যমাত্রই অ্যাবস্ট্রাক্ট—
সে তো বস্তু নয়, সে একটা প্রেরণা যা আমাদের অন্তরে রসসঞ্চার করে। নারীর মধ্যে
সৌন্দর্যের যে প্রকাশ উর্বশী তারই প্রতীক। সে সৌন্দর্য আপনাতেই আপনার চরম
লক্ষ্য— সেইজন্য কোনো কর্তব্য যদি তার পথে এসে পড়ে তবে সে কর্তব্য বিপর্যস্ত
হয়ে যায়। এর মধ্যে কেবল অ্যাবস্ট্রাক্ট সৌন্দর্যের টান আছে তা নয়, কিন্তু যে-
হেতু নারীরূপকে অবলম্বন করে এই সৌন্দর্য সেইজন্যে তার সঙ্গে স্বভাবত নারীর
মোহও আছে। শেলি যাকে ইন্টেলেক্চুয়াল বিউটি বলেছেন, উর্বশীর সঙ্গে তাকেই
অবিকল মেলাতে গিয়ে যদি ধাঁধা লাগে তবে সেজন্যে আমি দায়ী নই। গোড়ার
লাইনে আমি যার অবতারণা করেছি সে ফুলও নয়, প্রজাপতিও নয়, চাঁদও নয়,
গানের স্বরও নয়— সে নিছক নারী— মাতা কন্যা বা গৃহিণী সে নয়— যে নারী
সাংসারিক সম্বন্ধের অতীত, মোহিনী, সেই।

মনে রাখতে হবে উর্বশী কে। সে ইন্দ্রের ইন্দ্রাণী নয়, বৈকুণ্ঠের লক্ষ্মী নয়, সে স্বর্গের
নর্তকী, দেবলোকের অমৃতপানসভার সখী।

দেবতার ভোগ নারীর মাংস নিয়ে নয়, নারীর সৌন্দর্য নিয়ে। হোক-না সে দেহের
সৌন্দর্য, কিন্তু সেই তো সৌন্দর্যের পরিপূর্ণতা। সৃষ্টিতে এই রূপসৌন্দর্যের চরমতা
মানবেরই রূপে। সেই মানবরূপের চরমতাই স্বর্গীয়। উর্বশীতে সেই দেহসৌন্দর্য
ঐকান্তিক হয়েছে, অমরাবতীর উপযুক্ত হয়েছে। সে যেন চিরযৌবনের পাত্রে রূপের
অমৃত ; তার সঙ্গে কল্যাণ মিশ্রিত নেই। সে অবিমিশ্র মাধুর্য।

কামনার সঙ্গে লালসার পার্থক্য আছে। কামনার দেহকে আশ্রয় করেও ভাবের
প্রাধান্য, লালসায় বস্তুর প্রাধান্য। রসবোধের সঙ্গে পেটুকতার যে তফাত এতেও
সেই তফাত। ভৌজনরসিক যে, ভৌজ্যকে অবলম্বন করে এমন কিছু সে আস্থান
করে যাতে তার রুচির উৎকর্ষ সপ্রমাণ করে। পেটুক যে, তার ভোগের আদর্শ
পরিমাণগত, রসগত নয়। সৌন্দর্যের যে আদর্শ নারীতে পরিপূর্ণতা পেয়েছে যদিও
তা দেহ থেকে বিস্মিষ্ট নয়, তবুও তা অনির্বচনীয়। উর্বশীতে সেই অনির্বচনীয়তা দেহ
ধারণ করেছে, সুতরাং তা অ্যাবস্ট্রাক্ট নয়।

মাছুষ সত্যযুগ এবং স্বর্গ কর্তব্য করেছে। প্রতিদিনের সংসারে অসমাপ্তভাবে
খণ্ডভাবে যে পূর্ণতার সে আভাস পায়, সে যে অ্যাবস্ট্রাক্ট ভাবে কেবলমাত্র তার

ধ্যানেই আছে, কোনোখানেই তা বিষয়ীকৃত হয় নি, এ কথা মানতে তার ভালো লাগে না। তাই তার পুরাণে স্বর্গলোকের অবতারণা। যা আমাদের ভাবে রয়েছে অ্যাবস্ট্র্যাক্ট স্বর্গে তাই পেয়েছে রূপ। যেমন, যে কল্যাণের পূর্ণ আদর্শ সংসারে প্রত্যহ দেখতে পাই নে, অথচ যা আছে আমাদের ভাবে, সত্যযুগে মানুষের মধ্যে তাই ছিল বাস্তবরূপে এই কথা মনে করে তৃপ্তি পাই। তেমনি এই কথা মনে করে আমাদের তৃপ্তি যে, নারীরূপের যে অনিন্দনীয় পূর্ণতা আমাদের মন খোঁজে তা অবাস্তব নয়, স্বর্গে তার প্রকাশ উর্বশী-মেনকা-ভিলোসুন্ডায়। সেই বিগ্রহিণী নারীমূর্তির বিশ্বয় ও আনন্দ উর্বশী কবিতায় বলা হয়েছে।

অস্তুত পৌরাণিক কল্পনায় এই উর্বশী একদিন সত্য ছিল, যেমন সত্য তুমি আমি। তখন মর্তলোকেও তার আনাগোনা ঘটত, মানুষের সঙ্গেও তার সম্বন্ধ ছিল; সে সম্বন্ধ অ্যাবস্ট্র্যাক্ট নয়, বাস্তব। যথা পুরুষের সঙ্গে তার সম্বন্ধ। কিন্তু কোথায় গেল সেদিনকার সেই উর্বশী। আজ তার ভাঙাচোরা পরিচয় ছড়িয়ে আছে অনেক মোহিনীর মধ্যে, কিন্তু সেই পূর্ণতার প্রতিমা কোথায় গেল!

ফিরিবে না, ফিরিবে না, অস্তু গেছে সে গৌরবশশী!

একটা কথা মনে রেখো। উর্বশীকে মনে করে যে সৌন্দর্যের কল্পনা কাব্যে প্রকাশ পেয়েছে, লক্ষ্মীকে অবলম্বন করলে সে আদর্শ অন্তরকম হত; হয়তো তাতে শ্রেয়স্বত্বের উচুসুর লাগত। কিন্তু রসিক লোকে কাব্যের বিচার এমন করে করে না। উর্বশী উর্বশীই, তাকে যদি নীতি-উপদেশের খাতিরে লক্ষ্মী করে গড়তুম তা হলে ধিক্কারের ষোগ্য হতুম। [২ ফেব্রুয়ারি ১৯৩৩]

—রবিরঙ্গি

‘সিন্ধুপারে’ কবিতা সম্বন্ধে চারুচন্দ্র বন্দ্যোপাধ্যায়কে লিখিত একখানি পত্রে কবি বলিয়াছেন—

যে প্রাণলক্ষ্মীর সঙ্গে ইহজীবনে আমাদের বিচিত্র সুখদুঃখের সম্বন্ধ, মৃত্যুর রাজ্যে আশঙ্কা হয়, সেই সম্বন্ধবন্ধন ছিন্ন করে বুঝি আর-কেউ নিয়ে গেল। যে নিয়ে যার মৃত্যুর ছদ্মবেশে সেও সেই প্রাণলক্ষ্মী। পরজীবনে সে যখন কালো ঘোমটা খুলবে তখন দেখতে পাব চিরপরিচিত মুখশ্রী। কোনো পৌরাণিক পরলোকের কথা বলছি নে সে কথা বলা বাহুল্য, এবং কাব্যরসিকদের কাছে এ কথা বলার প্রয়োজন নেই যে বিবাহের অহুষ্ঠানটা রূপক। পরলোকে আমাদের প্রাণসঙ্গিনীর সঙ্গে ঠিক এইরকম মন্ত্র পড়ে মিলন ঘটবে সে আশা নেই। আসল কথা, পুরাতনের সঙ্গে মিলন হবে নূতন আনন্দে।

—রবিরঙ্গি

রবীন্দ্রনাথ তাঁহার 'অন্তর্ধারী' 'জীবনদেবতা' সম্বন্ধে 'বঙ্গভাষার লেখক' (১৩১১) গ্রন্থে আত্মপরিচয়ে বাহা বলিয়াছিলেন (অধুনা 'আত্মপরিচয়' গ্রন্থের অন্তর্গত) এইখানে তাহা উদ্ধৃত করা যাইতে পারে—

আমার সুদীর্ঘকালের কবিতা লেখার ধারাটাকে পশ্চাৎ ফিরিয়া যখন দেখি তখন ইহা স্পষ্ট দেখিতে পাই, এ একটা ব্যাপার বাহার উপরে আমার কোনো কর্তৃত্ব ছিল না। যখন লিখিতেছিলাম তখন মনে করিয়াছি আমিই লিখিতেছি বটে, কিন্তু আজ জানি কথাটা সত্য নহে। কারণ, সেই খণ্ডকবিতাগুলিতে আমার সমগ্র কাব্যগ্রন্থের তাৎপর্ষ সম্পূর্ণ হয় নাই—সেই তাৎপর্ষটি কী তাহাও আমি পূর্বে জানিতাম না। এইরূপে পরিণাম না জানিয়া আমি একটির সহিত একটি কবিতা যোজনা করিয়া আসিয়াছি; তাহাদের প্রত্যেকের বে ক্ষুদ্র অর্থ করনা করিয়াছিলাম, আজ সমগ্রের সাহায্যে নিশ্চয় বুঝিয়াছি, সে অর্থ অতিক্রম করিয়া একটি অবিচ্ছিন্ন তাৎপর্ষ তাহাদের প্রত্যেকের মধ্য দিয়া প্রবাহিত হইয়া আসিয়াছিল। তাই দীর্ঘকাল পরে একদিন লিখিয়াছিলাম—

এ কী কোতুক নিত্যনূতন
 ওগো কোতুকময়ী !
 আমি বাহা কিছু চাহি বলিবারে
 বলিতে দিতেছ কই !
 অন্তরমাঝে বসি অহরহ
 মুখ হতে তুমি ভাষা কেড়ে লহ,
 মোর কথা লয়ে তুমি কথা কহ
 মিশায়ে আপন স্বরে ।
 কী বলিতে চাই সব ভুলে যাই,
 তুমি বা বলাও আমি বলি তাই,
 সংগীতশ্রোতে কুল নাহি পাই—
 কোথা ভেসে যাই দূরে ।

বিষবিধির একটা নিয়ম এই দেখিতেছি যে, যেটা আসন্ন, যেটা উপস্থিত, তাহাকে সে ধর্ষ করিতে দেয় না। তাহাকে এ কথা জানিতে দেয় না যে, সে একটা সোপানপরম্পরার অঙ্গ। তাহাকে বুঝাইয়া দেয় যে, সে আপনাতে আপনি পর্যাপ্ত। কুল যখন ফুটিয়া উঠে তখন মনে হয় কুলই যেন গাছের একমাত্র লক্ষ্য—এমনি তাহার সৌন্দর্য, এমনি তাহার স্বগন্ধ যে, মনে হয়, যেন সে বনলক্ষীর সাধনার চরমধন— কিন্তু

সে যে ফল ফলাইবার উপলক্ষ্যমাত্র, সে কথা গোপন থাকে— বর্তমানের গৌরবেই সে প্রফুল্ল, ভবিষ্যৎ তাহাকে অভিভূত করিয়া দেয় না। আবার ফলকে দেখিলে মনে হয়, সেই যেন সফলতার চূড়ান্ত। কিন্তু ভাবী তরুর জন্ত সে যে বীজকে গর্ভের মধ্যে পরিণত করিয়া তুলিতেছে, এ কথা অস্তুরালেই থাকিয়া যায়। এমনি করিয়া প্রকৃতি ফুলের মধ্যে ফুলের চরমতা, ফলের মধ্যে ফলের চরমতা রক্ষা করিয়াও তাহাদের অতীত একটি পরিণামকে অলক্ষ্যে অগ্রসর করিয়া দিতেছে।

কাব্যরচনার সম্বন্ধেও সেই বিশ্ববিধানই দেখিতে পাই; অস্তুর আমার নিজের মধ্যে তাহা উপলব্ধি করিয়াছি। যখন যেটা লিখিতেছিলাম তখন সেইটেকেই পরিণাম বলিয়া মনে করিয়াছিলাম। এইজন্ত সেইটুকু সমাধা করার কাজেই অনেক যত্ন ও অনেক আনন্দ আকর্ষণ করিয়াছে। আমিই যে তাহা লিখিতেছি, এবং একটা কোনো বিশেষ ভাব অবলম্বন করিয়া লিখিতেছি, এ সম্বন্ধেও সন্দেহ ঘটে নাই। কিন্তু আজ জানিয়াছি সে-সকল লেখা উপলক্ষ্যমাত্র; তাহারা যে অনাগতকে গড়িয়া তুলিতেছে সেই অনাগতকে তাহারা চেনেও না। তাহাদের রচয়িতার মধ্যে আর-একজন কে রচনাকারী আছেন যাঁহার সম্মুখে সেই ভাবী তাৎপর্য প্রত্যক্ষ বর্তমান। ফুৎকার বাঁশির এক-একটা ছিদ্দের মধ্যে দিয়া এক-একটা সুর জাগাইয়া তুলিতেছে এবং নিজের কর্তৃত্ব উচ্চস্বরে প্রচার করিতেছে, কিন্তু কে সেই বিচ্ছিন্ন সুরগুলিকে রাগিণীতে বাঁধিয়া তুলিতেছে। ফুৎকার জাগাইতেছে বটে, কিন্তু ফুৎ তো বাঁশি বাজাইতেছে না? সেই বাঁশি যে বাজাইতেছে তাহার কাছে সমস্ত রাগরাগিণী বর্তমান আছে, তাহার অগোচরে কিছুই নাই।—

বলিতেছিলাম বসি এক ধারে
আপনার কথা আপন জনারে,
শুনাতেছিলাম ঘরের দুয়ারে
ঘরের কাহিনী যত—
তুমি সে ভাষারে দহিয়া অনলে
ডুবায়ৈ ভাসায়ৈ নয়নের জলে
নবীন প্রতিমা নব কোশলে
গড়িলে মনের মতো।

এই শ্লোকটার মানে বোধ করি এই যে, যেটা লিখিতে বাইতেছিলাম সেটা সাদা কথা, সেটা বেশি কিছু নহে, কিন্তু সেই সোজা কথা— সেই আমার নিজের কথার মধ্যে এমন একটা সুর আসিয়া পড়ে যাহাতে তাহা বড়ো হইয়া ওঠে, ব্যক্তিগত না হইয়া

বিশ্বের হইয়া ওঠে। সেই-বে স্বরটা সেটা তো আমার অভিপ্রায়ের মধ্যে ছিল না। আমার পটে একটা ছবি দাগিয়াছিলাম বটে, কিন্তু সেই সঙ্গে সঙ্গে যে-একটা রঙ ফলিয়া উঠিল সেই রঙ ও সে রঙের তুলি তো আমার হাতে ছিল না।—

নূতন ছন্দ অঙ্কের প্রায়

ভরা আনন্দে ছুটে চলে যায়,

নূতন বেদনা বেজে উঠে তায়

নূতন রাগিণীভরে—

যে কথা ভাবি নি বলি সেই কথা,

যে ব্যথা বুঝি না জাগে সেই ব্যথা,

জানি না এনেছি কাহার বারতা

কারে শুনার তরে।

আমি ক্ষুদ্র ব্যক্তি যখন আমার একটা ক্ষুদ্র কথা বলিবার জন্ত চঞ্চল হইয়া উঠিয়াছিলাম, তখন কে একজন উৎসাহ দিয়া কহিলেন, ‘বলো বলো, তোমার কথাটাই বলো! ঐ কথাটার জন্তই সকলেই হাঁ করিয়া তাকাইয়া আছে।’ এই বলিয়া তিনি শ্রোতৃবর্গের দিকে চাহিয়া চোখ টিপিলেন, স্নিগ্ধ কৌতুকের সঙ্গে একটুখানি হাসিলেন, এবং আমারই কথার ভিতর দিয়া কী-সব নিজের কথা বলিয়া লইলেন।—

কে কেমন বোঝে অর্থ তাহার,

কেহ এক বলে কেহ বলে আর,

আমারে শুধায় বুঝা বার বার—

দেখে তুমি হাস বুঝি!

কে গো তুমি, কোথা রয়েছ গোপনে,

আমি মরিতেছি খুঁজি।

শুধু কি কবিতা লেখার একজন কর্তা কবিকে অতিক্রম করিয়া তাঁহার লেখনী চালনা করিয়াছেন। তাহা নহে। সেই সঙ্গে ইহাও দেখিয়াছি যে, জীবনটা যে গঠিত হইয়া উঠিতেছে, তাহার সমস্ত সুখদুঃখ, তাহার সমস্ত যোগবিয়োগের বিচ্ছিন্নতাকে কে একজন একটা অঞ্চল তাৎপর্ষের মধ্যে গাঁথিয়া তুলিতেছেন। সকল সময়ে আমি তাঁহার আশুকুল্য করিতেছি কি না জানি না, কিন্তু আমার সমস্ত বাধাবিপত্তিকেও, আমার সমস্ত ভাঙাচোরাকেও, তিনি নিয়তই গাঁথিয়া জুড়িয়া দাঁড় করাইতেছেন। কেবল তাই নয়, আমার স্বার্থ, আমার প্রবৃত্তি আমার জীবনকে যে অর্থের মধ্যে

সীমাবদ্ধ করিতেছে তিনি বারে বারে সে সীমা ছিন্ন করিয়া দিতেছেন— তিনি স্বগভীর বেদনার দ্বারা, বিচ্ছেদের দ্বারা, বিপুলের সহিত, বিরাতের সহিত তাহাকে যুক্ত করিয়া দিতেছেন। সে যখন একদিন হাট করিতে বাহির হইয়াছিল তখন বিশ্বমানবের মধ্যে সে আপনার সফলতা চায় নাই; সে আপনার ঘরের স্বখ, ঘরের সম্পদের জগুই কড়ি সংগ্রহ করিয়াছিল। কিন্তু সেই মেঠো পথ, সেই ঘোরো স্বখদুঃখের দিক হইতে কে তাহাকে জোর করিয়া পাহাড়-পর্বত-অধিত্যকা-উপত্যকার দুর্গমতার মধ্য দিয়া টানিয়া লইয়া যাইতেছে।—

এ কী কোতুক নিত্য নূতন
 ওগো কোতুকময়ী !
 যে দিকে পাছ চাহে চলিবারে
 চলিতে দিতেছ কই ?
 গ্রামের যে পথ ধায় গৃহপানে,
 চাষিগণ ফিরে দিবা-অবসানে,
 গোষ্ঠে ধায় গোরু, বধু জল আনে
 শতবার যাতায়াতে,
 একদা প্রথম প্রভাতবেলায়
 সে পথে বাহির হইল হেলায়—
 মনে ছিল, দিন কাজে ও খেলায়
 কাটায়ে ফিরিব রাতে ।
 পদে পদে তুমি ভুলাইলে দিক,
 কোথা যাব আজি নাহি পাই ঠিক,
 ক্লান্তহৃদয় ভ্রান্ত পথিক
 এসেছি নূতন দেশে ।
 কখনো উদার গিরির শিখরে
 কভু বেদনার তমোগহ্বরে
 চিনি না যে পথ সে পথের 'পরে
 চলেছি পাগলবেশে ।

এই-যে কবি, যিনি আমার সমস্ত ভালোমন্দ, আমার সমস্ত অসুখ ও প্রতিকূল উপকরণ লইয়া আমার জীবনকে রচনা করিয়া চলিয়াছেন, তাঁহাকেই আমার কাব্যে আমি 'জীবনদেবতা' নাম দিয়াছি। তিনি যে কেবল আমার এই ইহজীবনের সমস্ত

খণ্ডতাকে ঐক্যদান করিয়া বিশ্বের সহিত তাহার সামঞ্জস্য স্থাপন করিতেছেন, আমি তাহা মনে করি না— আমি জানি, অনাদিকাল হইতে বিচিত্র-বিশ্বত অবস্থার মধ্য দিয়া তিনি আমাকে আমার এই বর্তমান প্রকাশের মধ্যে উপনীত করিয়াছেন ; সেই বিশ্বের মধ্য দিয়া প্রবাহিত অস্তিত্বধারার বৃহৎস্বতি তাঁহাকে অবলম্বন করিয়া আমার অগোচরে আশ্রয় মধ্যে রহিয়াছে ।...

আমার অস্তিত্বহিত যে সৃজনশক্তি ... আমার জীবনের সমস্ত সুখদুঃখকে সমস্ত ঘটনাকে ঐক্যদান তাৎপর্যদান করিতেছে, আমার রূপরূপান্তর-অন্নঅন্নান্তরকে একসূত্রে গাঁথিতেছে, বাহার মধ্য দিয়া বিশ্বচরাচরের মধ্যে ঐক্য অনুভব করিতেছি, তাহাকেই 'জীবনদেবতা' নাম দিয়া লিখিয়াছিলাম—

ওহে অস্তরতম,
মিটেছে কি তব সকল তিয়াব
আসি অস্তরে মম !
দুঃখসুখের লক্ষ ধারায়
পাত্র ভরিয়া দিবেছি তোমায়,
নিষ্ঠুর পীড়নে নিঙাড়ি বন্ধ
দলিত দ্রাক্ষাসম ।
কত যে বয়ন কত যে গন্ধ
কত যে রাগিণী কত যে ছন্দ
গাঁথিয়া গাঁথিয়া করেছি বয়ন
বাসরশয়ন তব—
গলায়ে গলায়ে বাসনার সোনা
প্রতিদিন আমি করেছি রচনা
তোমার কণিক খেলার লাগিয়া
মুরতি নিত্যনব ।

আশ্চর্য এই যে, আমি হইয়া উঠিতেছি, আমি প্রকাশ পাইতেছি ! আমার মধ্যে কী অনন্ত মার্ধ্ব আছে যেজন্য আমি অসীম ব্রহ্মাণ্ডের অগণ্য সূর্যচন্দ্রগ্রহতারকার সমস্ত শক্তি-ধারা লাগিত হইয়া এই আলোকের মধ্যে, আকাশের মধ্যে, চোখ মেলিয়া দাঁড়াইয়াছি— আমাকে কেহ ত্যাগ করিতেছে না । মনে কেবল এই প্রশ্ন উঠে, আমি আমার এই আশ্চর্য অস্তিত্বের অধিকার কেমন করিয়া রক্ষা করিতেছি— আমার উপরে যে প্রেম, যে আনন্দ অপ্রাপ্ত রহিয়াছে, বাহা না থাকিলে আমার থাকিবার

কোনো শক্তিই থাকিত না, আমি তাঁহাকে কি কিছুই দিতেছি না ?—

আপনি বসিয়া লয়েছিলে মোরে

না জানি কিসের আশে !

লেগেছে কি ভালো, হে জীবননাথ,

আমার রজনী, আমার প্রভাত,

আমার নর্ম, আমার কর্ম

তোমার বিজন বাসে !

বরষা-শরতে বসন্তে শীতে

ধনিয়াছে হিয়া যত সংগীতে

শুনেছ কি তাহা একেলা বসিয়া

আপন সিংহাসনে ?

মানসকুসুম তুলি অঞ্চলে

গেঁথেছ কি মালা, পরেছ কি গলে—

আপনার মনে করেছ ভ্রমণ

মম যৌবনবনে ?

কী দেখিছ, বঁধু, মরমমাঝারে

রাখিয়া নয়ন দুটি !

করেছ কি ক্রমা যতেক আমার

খলন পতন ক্রটি ।

পূজাহীন দিন, সেবাহীন রাত,

কত বারবার ফিরে গেছে নাথ—

অর্ধ্যকুসুম ঝরে পড়ে গেছে

বিজন বিপিনে ফুটি ।

যে স্থরে বাধিলে এ বীণার তার

নামিয়া নামিয়া গেছে বারবার—

হে কবি, তোমার রচিত রাগিনী

আমি কি গাহিতে পারি !

তোমার কাননে সেচিবারে গিয়া

ঘুমায়ে পড়েছি ছায়ার পড়িয়া,

সন্ধ্যাবেলায় নয়ন ভরিয়া

এনেছি অশ্রুবারি ।

যদি এমন হয় যে, আমার বর্তমান জীবনের মধ্যে এই জীবনদেবতার সেবার সম্ভাবনা যতদূর ছিল তাহা নিঃশেষ হইয়া গিয়া থাকে, যে আশুন তিনি জালাইয়া রাখিতে চান আমার বর্তমান জীবনের ইন্ধন যদি ছাই হইয়া গিয়া আর তাহা রক্ষা করিতে না পারে, তবে এ আশুন তিনি কি নিবিত্তে দিবেন ? এ অনাবশ্যক ছাই ফেলিয়া দিতে কতক্ষণ ? কিন্তু তাই বলিয়া এই জ্যোতিঃশিখা মরিবে কেন ? দেখা তো গিয়াছে, ইহা অবহেলার সামগ্রী নহে । অন্তরে অন্তরে তো বুঝা গিয়াছে, ইহার উপরে অনিমেষ আনন্দের দৃষ্টির অবসান নাই ।

এখন কি শেষ হয়েছে, প্রাণেশ,

যা-কিছু আছিল মোর—

যত শোভা যত গান যত প্রাণ,

জাগরণ, ঘুমঘোর ?

শিথিল হয়েছে বাহুবন্ধন,

মদিরাবিহীন মম চূষন—

জীবনকুণ্ডে অভিসারনিশা

আজি কি হয়েছে ভোর !

ভেঙে দাঁও তবে আজিকার সভা,

আনো নব রূপ, আনো নব শোভা,

নূতন করিয়া লহ আরবার

চিরপুরাতন মোরে ।

নূতন বিবাহে বাধিবে আমার

নবীন জীবনডোরে ।

নিজের জীবনের মধ্যে এই-যে আবির্ভাবকে অসম্ভব করা গেছে— যে আবির্ভাব অতীতের মধ্য হইতে অনাগতের মধ্যে প্রাণের পালের উপরে প্রেমের হাওয়া লাগাইয়া আমাকে কালমহানদীর নূতন নূতন ঘাটে বহন করিয়া লইয়া চলিয়াছেন, সেই জীবনদেবতার কথা বলিলাম ।

বিদায়-অভিশাপ

বিদায়-অভিশাপ চিত্রাঙ্কদার সহিত একত্র গ্রথিত হইয়া ১৩০১ সালে গ্রন্থাকারে প্রকাশিত হয়।

পঞ্চভূত গ্রন্থে 'কাব্যের তাৎপর্য' প্রবন্ধে কবির 'পারিপার্শ্বিক' পঞ্চভূতের অব্যবহিত বিদায়-অভিশাপের নানারূপ ব্যাখ্যা সন্নিবিষ্ট হইয়াছে। এই প্রসঙ্গে শ্রোতৃস্বিনী মন্তব্য করিতেছেন—

'কচ-দেবধানী-সংবাদেও মানবহৃদয়ের এক অতিচিরন্তন এবং সাধারণ বিষাদকাহিনী বিবৃত আছে, সেটাকে যাহারা অকিঞ্চিৎকর জ্ঞান করেন এবং বিশেষ তত্ত্বকেই প্রাধান্য দেন তাহারা কাব্যরসের অধিকারী নহেন।'

সর্বশেষে কবি বলিতেছেন—

'এই পর্ষন্ত বলিতে পারি, যখন কবিতাটা লিখিতে বসিয়াছিলাম তখন কোনো অর্থই মাথায় ছিল না ; তোমাদের কল্যাণে এখন দেখিতেছি, লেখাটা বড়ো নিরর্থক হয় নাই— অর্থ অভিধানে কুলাইয়া উঠিতেছে না। কাব্যের একটা গুণ এই যে, কবির সৃজনশক্তি পাঠকের সৃজনশক্তি উদ্রেক করিয়া দেয় ; তখন স্ব স্ব প্রকৃতি-অনুসারে কেহ বা সৌন্দর্য, কেহ বা নীতি, কেহ বা তত্ত্ব সৃজন করিতে থাকেন।... তথাপি মোটের উপর শ্রীমতী শ্রোতৃস্বিনীর সহিত আমার মতবিরোধ দেখিতেছি না।'

মালিনী

মালিনী সত্যপ্রসাদ গঙ্গোপাধ্যায় -কর্তৃক প্রকাশিত কাব্যগ্রন্থাবলীর (আধ্বিন ১৩০৩) অন্তর্গত হইয়া প্রথম প্রকাশিত হয়।

বৈকুণ্ঠের খাতা

বৈকুণ্ঠের খাতা ১৩০৩ সালের চৈত্রে গ্রন্থাকারে প্রকাশিত হয়। পরে গঙ্গোপাধ্যায়ের 'প্রহসন' খণ্ডে গোড়ায় গল্পদের সহিত মুদ্রিত হয়।

প্রজাপতির নির্বন্ধ

প্রজাপতির নির্বন্ধ 'চিরকুমারসভা' নামে প্রথমে ১৩০৭ (বৈশাখ-কার্তিক, পৌষ-চৈত্র) ও ১৩০৮ (বৈশাখ-জ্যৈষ্ঠ) বঙ্গাব্দে ভারতী মাসিক পত্রে প্রকাশিত ও পরে হিতবাদী-কর্তৃক গ্রথিত রবীন্দ্র-গ্রন্থাবলীতে (১৩১১) 'রক্তচিত্র' বিভাগে সংকলিত হয়।

মজুমদার লাইব্রেরি -কর্তৃক প্রকাশিত গল্পগ্রন্থাবলীর অষ্টম ভাগে গ্রন্থখানি 'প্রজাগতির নির্বন্ধ' নামে মুদ্রিত হয়। ১৩৩২ সালে কবিকর্তৃক পুনর্লিখিত হইয়া চিরকুমারসভা নামেই নাট্যাকারে প্রকাশিত হয়। এই সংস্করণটি চিরকুমারসভা নামে যথাক্রমে রচনাবলীতে মুদ্রিত হইবে।

ভারতবর্ষ

ভারতবর্ষ ১৩১২ সালে গ্রন্থাকারে প্রকাশিত হয়। 'এই গ্রন্থের সমস্ত প্রবন্ধই বঙ্গ-দর্শনে (নব পর্ষদ) প্রকাশিত হইয়াছিল।'

আত্মশক্তি ও ভারতবর্ষ দুইখানি গ্রন্থই ১৩১২ সালে প্রকাশিত হইলেও, এবং আখ্যাপক্রে কোন্ মাস তাহার নির্দেশ না থাকিলেও বঙ্গদর্শনের বিজ্ঞাপন হইতে জানা যায় যে, গ্রন্থাকারে প্রকাশের পারস্পর্শে ভারতবর্ষ গ্রন্থই পরবর্তী।

এই গ্রন্থ পরে আর প্রচলিত ছিল না, অধিকাংশ প্রবন্ধ অল্পবিস্তর পরিবর্তিত রূপে গল্পগ্রন্থাবলীর অন্তর্গত বিভিন্ন গ্রন্থে সংকলিত হইয়াছিল— 'নববর্ষ' 'ভারতবর্ষের ইতিহাস' 'ব্রাহ্মণ' 'প্রাচ্য ও পাশ্চাত্য সভ্যতা' স্বদেশ গ্রন্থে, 'বারোয়ারি-মঙ্গল' চারিভূপূজা গ্রন্থে, 'অত্যাঙ্কি' রাজাপ্রজ্ঞা গ্রন্থে, 'মন্দিরের কথা' বিচিত্র প্রবন্ধে এবং 'ধর্মপদং' প্রাচীন সাহিত্যে। 'চীনেম্যানের চিঠি' প্রবন্ধটির প্রথমাংশ বর্জন করিয়া শেষাংশ 'ব্রাহ্মণ' প্রবন্ধের সহিত যুক্ত করিয়া দেওয়া হয়। 'চীনেম্যানের চিঠি'র প্রসঙ্গে প্রচলিত পথের সঙ্কল্প গ্রন্থে সংকলিত 'ইংলণ্ডের ভাবুক সমাজ' প্রবন্ধের অংশবিশেষ দ্রষ্টব্য।—

কেম্ব্রিজের কলেজ-ভবনে একজন অধ্যাপকের বাড়িতে নিমন্ত্রিত হইয়া আমি দিন দুয়েক বাস করিয়াছিলাম। ইহার নাম লোয়েস ডিকিন্সন। ইনিই 'জন্ চীনাম্যানের পত্র' বইখানির লেখক। সে বইখানি যখন প্রথম বাহির হয় তখন আমাদের দেশে প্রাচ্যদেশাভিমানের একটা প্রবল হাওয়া দিয়াছিল। ... সেই সময়ে এই 'চীনাম্যানের পত্র' বইখানি অবলম্বন করিয়া আমি এক মস্ত প্রবন্ধ লিখিয়া সভায় পাঠ করিয়াছিলাম। তখন জানিতাম, সে বইখানি সত্যই চীনাম্যানের লেখা। যিনি লেখক তাঁহাকে দেখিলাম, তিনি চীনাম্যান নহেন তাহাতে সন্দেহ নাই; কিন্তু তিনি ভাবুক, অতএব তিনি সকল দেশের মানুষ।

—উদ্বোধনী পত্রিকা, কার্তিক ১৩১৯

'প্রাচ্য ও পাশ্চাত্য সভ্যতা' ও 'বারোয়ারি-মঙ্গল' ১৩০৮ সালে, 'নববর্ষ' 'ব্রাহ্মণ' 'চীনেম্যানের চিঠি' 'ভারতবর্ষের ইতিহাস' ও 'অত্যাঙ্কি' ১৩০৯ সালে,

‘হিন্দুরের কথা’ ১৩১০ সালে, ‘ধর্মপদং’ ও ‘বিজয়া-সম্মিলন’ ১৩১২ সালে বঙ্গদর্শনে মুদ্রিত হয়। ‘বিজয়া-সম্মিলন’ প্রবন্ধ বিজয়াদশমীর পরদিবস বাগবাজারে পশুপতি বহু মহাশয়ের গৃহে আহূত সাধারণসম্মিলনসভায় লেখক-কর্তৃক পঠিত হয়। ‘ব্রাহ্মণ’ ‘চীনেম্যানের চিঠি’ ও ‘ভারতবর্ষের ইতিহাস’ মজুমদার লাইব্রেরির সংস্কৃত আলোচনা-সমিতির অধিবেশনে পঠিত হয়।

তৎকালীন রাজপ্রতিনিধি লর্ড কার্জন কলিকাতা বিশ্ববিদ্যালয়ে পদবীসম্মানবিতরণ-সভায় অত্যাক্তি (‘exaggeration or extravagance’) প্রাচ্যদেশের বিশেষ প্রবৃত্তি বলিয়া উল্লেখ করেন, ‘অত্যাক্তি’ প্রবন্ধে তাহার জবাব আছে। রবীন্দ্রনাথের রাষ্ট্রনৈতিক মত সম্বন্ধে একখানি গ্রন্থের প্রসঙ্গে (‘রবীন্দ্রনাথের রাষ্ট্রনৈতিক মত’ প্রবন্ধে) ‘অত্যাক্তি’ প্রবন্ধের আলোচনার কবি লিখিয়াছেন—

ইতিমধ্যে কার্জন লর্ডের হুকুমে দিল্লির দরবারের উদ্যোগ হল। তখন রাজশাসনের তর্জন স্বীকার করেও আমি তাকে তীব্র ভাষায় আক্রমণ করেছিলুম। সেই প্রবন্ধ যদি হাল আমলের পাঠকেরা পড়ে দেখেন তবে দেখবেন, ইংরেজের সঙ্গে ভারতবাসীর রাষ্ট্রিক সম্বন্ধের বেদনা ও অপমানটা যে কোথায় আমার সেই লেখায় কতকটা প্রকাশ করেছি। আমি এই বলতে চেয়েছিলুম, দরবার জিনিসটা প্রাচ্য—পাশ্চাত্য কর্তৃপক্ষ যখন সেটা ব্যবহার করেন তখন তার যেটা শূন্যের দিক সেইটিকেই জাহির করেন, যেটা পূর্ণের দিক সেটাকে নয়। প্রাচ্য অস্থিষ্ঠানের প্রাচ্যতা কিসে? সে হচ্ছে দুই পক্ষের মধ্যে আত্মিক সম্বন্ধ স্বীকার করা। তরবারির জোরে প্রতাপের যে সম্বন্ধ সে হল বিরুদ্ধ সম্বন্ধ, আর প্রভূত দাক্ষিণ্যের দ্বারা যে সম্বন্ধ সেইটেই নিকটের। দরবারে সম্রাট আপন অজস্র ঔদার্য প্রকাশ করবার উপলক্ষ্য পেতেন; সেদিন তাঁর দ্বার অব্যাহত, তাঁর দান অপরিমিত। পাশ্চাত্য নকল দরবারে সেই দিকটাতে কঠিন কৃপণতা, সেখানে জনসাধারণের স্থান সংকীর্ণ, পাহারাওয়ালার অস্ত্রে শস্ত্রে রাজপুরুষদের সংশয়বুদ্ধি কণ্টকিত—তার উপরে এই দরবারের ব্যবহনের ভার দরবারের অতিথিদেরই পড়ে। কেবলমাত্র নতমস্তকে রাজার প্রতাপকে স্বীকার করবার জন্তেই এই দরবার। উৎসবের সমারোহ-দ্বারা পরম্পরের সম্বন্ধের অন্তর্নিহিত অপমানকেই আড়ম্বর করে বাইরে প্রকাশ করা হয়। এই কৃত্রিম হৃদয়হীন আড়ম্বরে প্রাচ্য হৃদয় অভিভূত হতে পারে এমন কথা চিন্তা করার মধ্যেও অবিমিশ্র ঔদ্ধত্য এবং প্রজার প্রতি অপমান। ভারতবর্ষে ইংরেজের প্রভুত্ব তার আইনে, তার মন্ত্রগৃহে, তার শাসনতন্ত্রে, ব্যাপ্তভাবে আছে, কিন্তু সেইটেকে উৎসবের আকার দিয়ে উৎকট করে তোলার কোনো প্রয়োজন মাত্রই নেই।

বরঞ্চ এইরকম কৃত্রিম উৎসবে স্পষ্ট করে প্রকাশ করে দেওয়া হয় যে, ভারতবর্ষে ইংরেজ খুব কঠিন হয়ে আছে, কিন্তু তার সঙ্গে আমাদের মানবসম্বন্ধ নেই— বাস্তবিক সম্বন্ধ। এ দেশের সঙ্গে তার লাভের যোগ আছে, ব্যবহারের যোগ আছে, হৃদয়ের যোগ নেই। কর্তব্যের জালে দেশ আবৃত, সেই কর্তব্যের নৈপুণ্য এবং উপকারিতা স্বীকার করলেও আমাদের মানবপ্রকৃতি স্বভাবতই সেই প্রাণহীন শাসনতন্ত্রে পীড়া বোধ করে।

—প্রবাসী, অগ্রহারণ ১০০৬

চারিত্রপূজা

চারিত্রপূজা ১৩১৪ সালে গ্রন্থাকারে প্রকাশিত হয়। চারিত্রপূজার প্রথম প্রবন্ধটি ভারতবর্ষ গ্রন্থে প্রকাশিত 'বারোয়ারি-মঙ্গল' প্রবন্ধের সংক্ষিপ্ত রূপ; রচনাবলীতে তাহা ভারতবর্ষে মুদ্রিত হইল এবং চারিত্রপূজা হইতে পরিত্যক্ত হইল।

রামমোহন রায় প্রবন্ধ ১২২১ সালে প্রথম পুস্তিকাকারে প্রকাশিত হইয়াছিল; চারিত্রপূজা গ্রন্থে প্রকাশিত হইবার সময় তাহার অনেক অংশ বর্জিত হয়। চারিত্রপূজার প্রচলিত স্বতন্ত্র সংস্করণে উহা সম্পূর্ণ বর্জিত হইয়াছে। রচনাবলীতে উক্ত পুস্তিকাটি হইতে সম্পূর্ণ প্রবন্ধটি সংকলিত হইল। পুস্তিকাটিতে একরূপ একটি ভূমিকা যুক্ত ছিল—

ভূমিকা

রামমোহন রায়ের মতের উদারতা সম্বন্ধে এই প্রবন্ধে যাহা বলা হইয়াছে তাহা অনেকে ভুল বুঝিয়াছেন। মহাত্মা রাজা রামমোহন রায়ের ধর্মসম্বন্ধীয় মত যে অত্যন্ত উদার ছিল তাহা লেখক স্বীকারই করিয়াছেন। তাঁহার ধর্মপ্রচার সম্বন্ধে যাহা বলা হইয়াছে তাহা প্রতিবাদকারিগণ পুনর্বীর মনোযোগের সহিত পাঠ করিবেন।

বিভাগাগরচরিত প্রবন্ধদ্বয়ও একটি স্বতন্ত্র পুস্তিকাকারে প্রকাশিত হয়।

চারিত্রপূজার প্রচলিত স্বতন্ত্র সংস্করণে রামমোহন রায় ও মহর্ষি দেবেন্দ্রনাথ সম্বন্ধে কয়েকটি রচনা ও ভাষণ সংযোজিত হইয়াছে। সেগুলি পরবর্তী কালের রচনা বলিয়া রচনাবলীতে সংকলিত হইল না।

প্রবন্ধাংশে যে যে রচনার শেষে মাস ও অব্দ মুদ্রিত আছে, উহা সেই সেই রচনার সাময়িক পত্রে প্রকাশের কাল বুঝিতে হইবে।

সংশোধন : ৩৭০ পৃ. ১২ ছন্দে
৩৭৩ পৃ. ১৩ ছন্দে
৩৮৮ পৃ. ৪ ছন্দে

রাধি—
খাকি,
উপসংহতি

হলে
হলে
হলে

রাধি;
খাকি—
উপসংহতি

বর্ণানুক্রমিক সূচী

অচ্ছাদসরসীনীয়ে রমণী যেদিন	২৫
অত্যাক্তি	৪৪১
অস্তর্যামী	৫৫
অভয় দাও তো বলি আমার	২৩৪
অয়ি ধূলি, অয়ি তুচ্ছ	১১৪
অলকে কুসুম না দিয়ে	৩৪৮
আজিকে হয়েছে শাস্তি	৪৪
আজি মেঘমুক্ত দিন	২২
আজি হতে শতবর্ষ পরে	১১০
আনতাদী বালিকার শোভাসৌভাগ্যের সার	৩১৭
আবেদন	৭৭
আমি একাকিনী হবে	২২
আমি কেবল ফুল জোগাব	২২৭
আসে তো আনুক রাত্তি	৩০৭
উৎসব	১০২
উর্বনী	৮২
একদা প্রাতে কুঞ্জতলে	১০৫
এ কী কোতুক নিত্যনূতন	৫৫
এবার ফিরাও মোরে	৩২
ওগো দয়াময়ী চোর	২৮৮
ওগো হৃদয়বনের শিকারি	২২৪
ওরে, তোর। কি জানিস কেউ	৭
ওরে সাবধানী পথিক	৩০৬
ওহে অস্তরতম	১০৬
কত কাল রবে বলো ভারত রে	২৩৬
কার হাতে যে ধরা দেব	২৫১
কালি মধুসামিনীতে জ্যোৎস্নানিশীথে	১০৮
কী জানি কী ভেবেছ মনে	২২০
কুঞ্জকুটিরের স্নিগ্ধ অগ্নিদেব 'পর	২৩৩

কুঞ্জপথে পথে চাঁদ	২২৫
কেন আসিতেছ মুখ	১০১
কেন নিবে গেল বাতি	১১২
কেন সারাদিন ধীরে ধীরে	৩৪২
কোথা গেল সেই মহান শাস্ত	৭১
কোথা হতে ছুই চক্রে	৯১
কোলে ছিল সুরে-বাঁধা বীণা	৫৩
কাস্ত হও, ধীরে কও কথা	৩০
গৃহশত্রু	৯৯
চক্ষু'পরে মৃগাকীর চিত্রখানি ভাসে	৩১৩
চলেছে ছুটিয়া পলাতকা হিয়া	২৮৯
চিত্রা	২১
চির-পুরানো চাঁদ	২৪১
চীনেম্যানের চিঠি	৪০২
১৪০০ সাল	১১০
জগতের মাঝে কত বিচিত্র তুমি হে	২১
জয় হোক মহারানী	৭৭
জীবনদেবতা	১০৬
জ্যোৎস্নারাজে	২৪
ভরী আমার হঠাৎ ডুবে যায়	৩২৮
তুমি আমায় করবে মস্ত লোক	২৩২
তুমি জান আমার গাছে	২৫১
তুমি মোরে করেছ সন্মুখ	২৭
তোমার বীণায় সব তার বাজে	১১১
দিন গেল রে, ডাক দিয়ে নে	২৯৮
দিনশেষ হয়ে এল, আধারিল ধরণী	৮৯
দিনশেষে	৮৯
ছুরাকাক্ষা	১১২
ছুঃসময়	৪৩
দেখব কে তোর কাছে আসে	২৩১

বর্ণানুক্রমিক সূচী

৫৬৫

দেবী, অনেক ভক্ত এসেছে তোমার চরণতলে	৬২
ধন্যপদং	...	৪৬০
ধীরে ধীরে চলো তবী	...	৩০৭
ধূলি	...	১১৪
নগরসংগীত	...	৭১
নদী	...	৭
নববর্ষ	...	৩৬৭
নববর্ষে	...	৩৩
নহ মাতা, নহ কল্যা, নহ বধু, সুন্দর রূপসী	...	৮২
নারীর দান	...	১০৫
নিশি অবমানপ্রায়, ওই পুরাতন	...	৩৩
নিশি না পোহাতে জীবনপ্রদীপ	...	৩০৪
নীরব তন্ত্রী	...	১১১
পউষ প্রথর শীতে জর্জর	...	১১৪
পড়িতেছিলাম গ্রন্থ বসিয়া একেলা	...	৭৬
পাছে চেয়ে বসে আমার মন	...	২২১
পূর্ণিমা	...	৭৬
পোড়া মনে শুধু পোড়া মুখখানি জাগে রে	...	২৪২
প্রথম শীতের মাসে	...	৬৫
প্রস্তরমূর্তি	...	১০৪
প্রাচ্য ও পাশ্চাত্য সভ্যতা	...	৪১৬
প্রেমের অভিষেক	...	২৭
প্রৌঢ়	...	১১৩
বড়ো থাকি কাছাকাছি	...	২২২
বারোয়ারি-মঙ্গল	...	৪২৪
বাংলার মাটি, বাংলার জল	...	৪৭৪
বিজ্ঞানসন্মিলন	...	৪৬৮
বিজয়িনী	...	৩৫
বিজ্ঞানাগরচরিত	...	৪৭৭
বিঁথিয়া দিয়া আঁধিবাণে	...	৩১৭

বিরহযামিনী কেমনে ষাপিবে	২৫১
বিরহে মরিব বলে ছিল মনে পণ	৩৩২
বিলম্বে এসেছ, রুদ্ধ এবে দ্বার	৪৩
ব্যাঘাত	৫৩
ব্রাহ্মণ	৩৮৭
ভারতবর্ষের ইতিহাস	৩৭৭
ভুলে ভুলে আজ ভুলময়	৩৫৬
মনোমন্দিরসুন্দরী	২২১
মন্দির	৪৫৫
মরীচিকা	১০১
মহর্ষির আত্মকৃত্য উপলক্ষে প্রার্থনা	৫৩০
মহর্ষির জন্মোৎসব	৫২৪
মহাপুরুষ	৫৩৫
মৃত্যুর পরে	৪৪
মোর অঙ্গে অঙ্গে যেন আজি	১০২
মান হয়ে এল কণ্ঠে মন্দারমালিকা	৮৫
ঘারে মরণদশায় ধরে	২৪২
যাহা-কিছু ছিল সব দিগ্নু শেষ করে	২৪
যৌবননদীর স্রোতে তীব্র বেগভরে	১১৩
রাত্রে ও প্রভাতে	১০৮
রামমোহন রায়	৫১১
শান্ত করো শান্ত করো এ ক্ষুধা হৃদয়	২৪
নীতে ও বসন্তে	৬৫
শেষ উপহার	২৪
সকলি ভুলেছে তোলা মন	২৪৩
সখা, শেষ করা কি ভালো	২২০
সঙ্ক্যা	৩০
সংসারে সবাই হবে সারাক্ষণ শত কর্মে রত	৩২
সাধনা	৬২
সাধনা	২১

বর্নানুক্ৰমিক সূচী

৫৬৭

সিদ্ধপারে	১১৪
স্থ	২২
সেই চাপা, সেই বেলফুল	৩৭
সে গাভীৰ্ঘ গেল কোথা	৩৫৭
স্নেহস্বতি	৩৭
স্বৰ্গ হইতে বিদায়	৮৫
স্বৰ্গে তোমায় নিয়ে যাবে উড়িয়ে	২৫০
হরিণগৰ্বমোচন লোচনে	৩১৮
হে নিৰ্বাক্ অচঞ্চল পাৰ্বাণস্বন্দরী	১০৪

